

釋宗金書



禪宗全書

史傳部二七

(27)

藍吉富 主編

北京圖書館出版社

圖書在版編目 (CIP) 數據

禪宗全書 / 藍吉富主編. — 北京: 北京圖書館出版社,
2004.12

ISBN 7-5013-2602-9

I. 禪… II. 藍… III. 禪宗 - 文獻 - 匯編 IV. B946.5

中國版本圖書館 CIP 數據核字 (2004) 第 103681 號

責任編輯: 王冠 于浩

封面設計: 許冬麗

ISBN 7-5013-2602-9



9 787501 326020 >

本書原名為《禪宗全書》，藍吉富主編，經北京版權代理有限公司代理，授權北京圖書館出版社獨家出版發行。

書名 禪宗全書 (全 101 冊)

著者 藍吉富 主編

出版 北京圖書館出版社 (100034 北京市西城區文津街 7 號)

發行 010-66139745, 66175620, 66126153, 66174391 (傳真),
66126156 (門市部)

E-Mail cbs@nlc.gov.cn (投稿) btsfxb@nlc.gov.cn (郵購)

Website www.nlcpress.com

印刷 河北三河燕郊古籍印裝廠


開本 880 × 1230 毫米 1/16

印張 4414

版次 2004 年 12 月第 1 版 2004 年 12 月第 1 次印刷

書號 ISBN 7-5013-2602-9/B · 108

定價 18000 圓



(卷七四—卷一二〇)

五燈全書 下

清・超永
編



目次

五燈全書(卷七十四——卷一二〇)

卷七十四……………一五二一

曹源巖山本微禪師——普明息庵冲禪師

卷七十五……………一五四六

天寧石艘介颿禪師——雄聖尼惟極致禪師

卷七十六……………一五六二

秀峯岫雲瑋禪師——秀州石宗奇禪師

卷七十七……………一五八二

雲門孤卓浚禪師——金沙石丰澄禪師

卷七十八……………一六〇三

寶安二隱謚禪師——興教破雲義禪師

卷七十九……………一六一七

石佛乳峯溧禪師——古山慧聞定禪師

卷八十

天壽謚融元禪師——戒壇天逸圓禪師

一六三四

卷八十一

敵山退菴行重禪師——金明別傳化禪師

一六五三

卷八十二

大瀉慧山海禪師——白雲嚮山應禪師

一六八〇

卷八十三

長泰德爲宗禪師——萬杉剖玉璞禪師

一六九〇

卷八十四

佛日紫蓋衡禪師——永福寬庵祁禪師

一六九九

卷八十五

三峯壁菴志禪師——糝花菴主煦堂琪禪師

一七一六

卷八十六

寶雲月函潛禪師——南樹哀雪淵禪師

一七二二

卷八十七

雪菴狀伊致禪師——瑯琊肩遠鐘禪師

一七三二

卷八十八

雲臺南濱宗禪師——文殊井觀道登禪師

一七五五

卷八十九	圭山五眼毓禪師——招慶重眉況禪師	一七六九
卷九十	瑞雲借山映禪師——寶聚密印衍禪師	一七七九
卷九十一	龍華大壑濟禪師——興化紫霄無依禪師	一七八七
卷九十二	接待法鐘覺禪師——靈山問嶽泰禪師	一七九七
卷九十三	寶華拈松客禪師——龍池虛堂偉禪師	一八一七
卷九十四	璞瑤沛菴源禪師——五磊孚山性志禪師	一八三四
卷九十五	報國寺玉輪滿禪師——法雲石堂穎禪師	一八七一
卷九十六	橫山同菴潤禪師——法藥百拙倫禪師	一八九三
卷九十七	開化化南上禪師——東林夫隱機禪師	一八九九

卷九十八	檀溪梓舟船禪師——報恩牧翁濟禪師	一九一五
卷九十九	羅山慵菴玉禪師——東山穎鋒展禪師	一九二四
卷一百	聖感霽崙永禪師——羅漢月嶠閒禪師	一九四〇
卷一百一	香巖蜀叟古禪師——萬壽跂應華禪師	一九五三
卷一百二	正因續崖羈禪師——衛生月暉光禪師	一九七五
卷一百三	瀉山古梅定洌禪師——法雲眉白常禪師	二〇一七
卷一百四	雲林證南參禪師——臨清林文伯居士	二〇三三
卷一百五	德山冰鐵宗禪師——寶華向若嵩禪師	二〇四二
卷一百六	安國開蓮受禪師——海會量舟汗禪師	二〇五八

卷一百七	二〇八三
半山壁觀默禪師——極樂四維鑑禪師	
卷一百八	二二一一
本寂雲蔭德禪師——衛生鑑俞堅禪師	
卷一百九	二二三一
無迹淨敏禪師——慵庵淨偉禪師	
卷一百十	二二三八
白巖位中淨符禪師——寶壽道曉悅禪師	
卷一百十一	二二四七
獻公淨真禪師——津梁菴詹明淨純禪師	
卷一百十二	二二五五
蜀阜東星淨鑑禪師——斗庵晦公雋禪師	
卷一百十三	二二六一
龍華久默大音禪師——衍慶石鼓淨滋禪師	
卷一百十四	二二六七
谷山金峯淨雲禪師——歐寧同凡聖禪師	
卷一百十五	二二七三
樂平淑安淨周禪師——雲淙淨訥禪師	

卷一百十六.....二二七九

華嚴元錫弘恩禪師——千山祖心甬可禪師

卷一百十七.....二一八四

竹源直指弘南禪師——龍華梅逢大忍禪師

卷一百十八.....二一九〇

崇光觀濤大奇禪師——昭慶天目方禪師

卷一百十九.....二一九九

實性大師——薦福承古禪師

卷一百二十.....二二一〇

永福靈江浩首座——青林如鑑老宿

五燈全書卷第七十四

京都聖感禪寺住持臣僧

超永

編輯
進

京都古華嚴寺住持臣僧

超揆

較閱
進

呈

臨濟宗

南嶽下三十五世隨錄

廣東惠州曹源巖山本微禪師潮州傅氏子上堂諸方浩浩說禪宛似畫梁春燕古樹秋蟬且道禪作麼生說一僧出問只如從上師僧陞座入室所爲何事師擲拄杖曰看看竟歸方丈師一日赴齋歸中途一僧問檀越齋僧還有功德也無師曰不可無心得曰只如梁武帝五里一廟十里一寺爲甚初祖道實無功德師曰不可有心求曰除此二途請道一句師曰大道透長安山翁
恣嗣鄂州獅巖蘧菴本元禪師上堂諸方撾鼓陞堂獅崖登座最苦田禾遇著乾荒僧房盡爲賊擄晨鐘暮鼓相催要且難充饑火畫○曰大衆會麼少間碗底箸頭薦取山翁
恣嗣

金陵東山大威本威禪師川北廣安任氏子幼閱楞嚴經感發志求出家年二十五禮羊山總持薤染完具時值破山明避兵石柱司師往參扣明問你俗姓甚麼師曰姓任明曰父母未生前還姓甚麼師不能答禮請開示明打曰參師從此懷疑猛力參究再請開示明復痛打師益疑偶聞講楞嚴有省遂決志南詢歷參龍池微古南門後謁天童恣舉僧問南臺離地四指爲甚麼却有魚紋臺曰有聖量在因緣掛牌令衆作頌師屢頌不契乃于三日中寢食俱廢目不交睫坐起不知忽下樓失足豁然汗下得大快爽值恣上堂師乃出問曰昨日因南臺答聖量因緣于下樓失足處識破南臺今對人天衆前學似和尚恣曰熟睡饒譚語師曰灼然明眼難瞞恣便打師便喝恣又打師又喝歸衆恣又舉殃幅值產難因緣徵詰師信口曰雪裏梅開自有春休將百卉較疎親猥聲小是天邊雁可信當年悞聽人恣頷之上堂高聲曰住住但有聞法者無一不成佛便下座上堂良久曰與麼會去已陷情團不與麼會去早沉識海總

不與麼如何踏破草鞋赤脚走好山猶在最高層
 晚參人人擡起頭各各看山僧且道是甚麼眼裏有
 睛的開眼也見合眼也見脚跟點地的東也踏著西
 也踏著放之本不離求之即蹉過當體絕蹤由物物
 憑渠播好大哥要行便行要坐便坐 僧入師拈拄
 杖僧拂袖便出師曰良馬見鞭僧回顧師曰物見主
 眼卓朔僧囑師曰要草料那 師歷主采石寶積太
 平白紵金陵華藏康熙丁巳八月初四日師將示寂
 衆請留偈師點首微笑而說偈曰傾腸倒腹爲人同
 屎溺連天不較多屙到而今屙不得原來肚裏一些
 無阿呵呵會也麼良久曰知恩不似負恩多說畢跌
 坐而逝

山翁
志嗣

韶州曹谿雪樵真樸禪師閩之漳州徐孝廉也得法
 于天童志初住福建太平後主曹谿 上堂決旬寒
 雨落瀟瀟凍得天王鼻孔焦廠內碓頭花匠匠庭前
 石柱筍橫標空鍋溼菜和根煮冷竈生柴帶葉燒寒
 拾無端拍手笑且道笑箇什麼豐干何事舌頻饒擊
 拂子下座 小參舉花藥英云七十八道著即瞎

十九二十人信不及更要待枯木生花胡餅出汁師
 曰花藥老漢雖則尅期取證未免活逼生蛇若是曹
 谿也不教你胡餅出汁只教你眼若不睡諸夢自除
 何則不見道甕裏何曾走却蟹 僧問威音王初出
 世時參甚麼人師豎拳曰參見渠來

山翁
志嗣

蘇州莫菴博凡潛可禪師小參豎拂子曰若也會得
 向此一塵之上便見千佛現前若也不會縱饒千佛
 出世被者一塵遮却且道畢竟如何擲拂子曰雖有
 一雙窮相手不曾容易舞三臺

山翁
志嗣

溧陽古木古拙本哲禪師僧問如何是鬧市中佛法
 師曰挨擠不開曰如何見得師曰猪肉案頭茶鹽鋪

裏
山翁
志嗣

越州老祖瞿菴浮弋本岑禪師僧問如何是大歇場
 師曰大火聚

山翁
志嗣

金陵蔣山佩南本印禪師邗上名家吳氏子偶以朝
 普陀遇太白見山翁志言下投機遂從芟染嗣受記
 荊命住廬山黃巖七載後主興善開爐上堂寒風蕭
 颯山寺荒涼開爐雖無柴炭無烟火種輝煌直得虛

空消燦萬物。隱藏祇如無角鐵牛。又作麼生煅煉。良久曰。遇賤即貴。遇貴即賤。上堂。節屆重陽。水落霜

黃。籬菊叢邊。尋枝摘葉。底三三五。五菜羹酒。畔清歌

妙舞的。逐隊成行。不是西來大意。亦非諸佛條章。驚

風亂颭芙蓉水。細雨斜侵薜荔牆。山翁

安州大覺采商本榮禪師上堂說心論性。擎拳掉臂

揚眉瞬目。指東話西。總是寒潭潑月。卓拄杖曰。會也

未若會得。也是寒潭潑月。僧參師曰。喚你作客作

漢得麼。曰。特來親近和尚。師曰。大妄語。曰。果然大事

未了。師曰。草鞋泥水太多。曰。承和尚恩力去也。師曰

幾被你瞞。僧便喝。師打曰。也要分明。山翁

杭州橫山光明圓智本緣禪師上堂說悟說迷。已成

特地煅。凡煉聖轉見不堪。若是利根上智。自然點頭

知尾。假饒三搭不回。未免重費經畫。以拂子畫曰。曰

此乃是釋迦老子二千年底遺範。諸仁子中行住坐

臥。切忌九十日內不得動著。何故。心王一動。六國難

通。晚參清寥寥。白滴滴。佛祖門庭。冷如冰雪。越此

好安居。生死打教徹。徹不徹。結制已經三七日。水牯

牛鼻孔要牢牽。寒山子面目須親識。大眾寒山子作

麼生議。莫是與你同門出入底。是麼。喝一喝曰。切忌

錯認驢鞍橋。作阿爺下領。上堂。花開心地證。取無

上菩提眼具。頂門洞見諸佛源底。三千里外。不隔纖

塵。一坐具地。包羅萬有。舉一明三。拈頭作尾。如是行

如是持。全體戒乘。恁麼參。恁麼究。通身作略。騎聖僧

頸。不爲分外。捋猛虎鬚。要在其人。衆中有不涉階梯

而高超極品者。麼。卓拄杖曰。千花叢裏現全身。除

夕小參燒錢黃老絕。廉纖話。歲烹牛。強指南。爭似光

明無量相。風前唱拍。耍空拳。阿呵呵。囉囉。大家拾

箇乾蘿蔔。豎嚼橫吞。滋味全。復舉。保寧勇示衆曰。一

是一。二是二。三是三。四是四。數目甚分明。上下依資

次。依資次有何事。以拄杖畫曰。一時把六十甲子撥

亂了也。師曰。保寧善能提唱。爭奈忘前失後。若論六

十甲子。未畫以前。早已撥動了也。光明則不然。一二

三四五六七七六五四三二一。數目更分明。顛倒還

依次。雖依次。無箇事。以拄杖撥兩撥曰。一時將六十

甲子撥正了也。諸人還見麼。喝一喝曰。祇爲分明極

翻令所得遲。上堂。剋期取證。猶嫌鈍。如法甄陶。轉見遲。安得超方。伶俐客。輕輕點著。卽知歸卓。拄杖曰。如信得。及當下。搆去。再若猶豫。白雲萬里。復舉洞山。禪師曰。有一物。上拄天下拄地。常在動用中。動用中收不得。且道。過在甚麼處。泰首座曰。過在動用處。洞山卽掇退果桌。師曰。食到口邊。被人奪却。如今有道得。恰好句。山僧者裏。和盤托出。不然。糊獠騎驚。背心肝挂樹頭參。上堂。天自清地自寧。人自傑物自靈。祥雲彌六合。瑞氣霽叢林。叢林何所重。眼目貴精明。若問佛法有抖搜沒半痕。若問佛法無滄海幾曾枯。佛法有無俱掃却。桂輪皎皎拂珊瑚。僧舉恕中。愷禪師曰。穩坐家堂。因甚主人翁不識。師曰。腦後見腮。莫與往來曰。掀翻大海。擲碎須彌。因甚平地上擡脚不起。師曰。合眼跳黃河。眼光燦破四天下。曰。自家眉毛落盡。因甚不見。師曰。伸脚原在縮脚裏。問僧開口卽錯。閉口卽失去。此二途如何。通信僧曰。兩眼對兩眼。師曰。瞎。山翁恣嗣

龍舒紫林放菴本雲禪師長沙王氏子幼聰慧至成

童時每好禪坐。于時棄儒詣淮安甘露禮德弘薤髮受具。遍參叢席。後得法平陽恣出住紫林。上堂。纔臨夏至。又值端陽。日月逝矣。歲不我將。江上龍舟競渡。只爲屈子忠良。人間苦樂相聚。醉殺火酒雄黃。惟有衲僧煎茗。熱惱睡魔盡降。說甚蝦蟇蚯蚓。百恠千殃。不消彈指。瓦解冰泮。二六時精勤辨道。念世無常。庶免後日披毛戴角。報答諸檀。願眎左右。曰。光陰倏忽。催人老嫩。綠駸駸已過牆。小參。一二三四五六七七六五四三二一。顛倒爲君。數不出。有口只堪挂東壁。拈却一休存七。眼裏瞳人吹簪栗。試問雪覆千山。爲任孤峰。不白良久。喝一喝曰。凍得鴨兒嘴。匾龜哥眼赤。喝一喝。示衆舉牛過窟樞公案。頌曰。一劈華山成兩路。萬年流水不知春。除却當時陳處士。何人不帶是非行。示衆舉女子出定。頌曰。沒絃琴上知音少。休向宮商角徵調。縱使伯牙與子期。懵然錯會當陽竅。那一竅。真好笑。毗婆尸佛早留心。直至如今不得妙。師住雲濤日。僧問。頭頭上了物。物上通。祇如鐵崑崙。作麼生通。師曰。雲濤山勢湧。不礙採樵。

人 康熙乙丑九月十五日。子時示寂。書偈曰。一夢五十八年。法門深愧。無補翻身。撞破虛空。夜半金烏正午。擲筆而逝。山翁 恣嗣

雲間華亭瑞應大淵本齋禪師。楚之茶陵陳氏子。最初行脚。見筓菴問于夾山。便得立地穩當。復徧詢南浙諸老。後到虎巖室中。數載參隨。深得契入。乃于天童堂上。印證得法。辭隱蘇之陳溪。兩主華亭瑞應上堂。休夏自恣。諸方舊例。當人拶著。回頭猶是。循途守轍。太醒醒何顛。蹶我愛夏日。長人皆苦炎熱。上堂。寺環流水。木森陰殿。閣涼風。倒影深。倏爾蟬鳴。侵晝永。幾回驚覺。祖師心。喝。一喝曰。是何言歟。晚參。冰河發燄。石筍抽條。君子道長。小人道消。喝。一喝。擲拄杖曰。我王庫內無如是刀。師一日于白晝然燭。插燈籠內。向外書屈屈二字。親持入僧堂。週旋數匝。尋復大叫曰。屈屈少有契其旨。卽曰。呀。今日不著便。擲燈籠歸方丈。示衆學古德曰。日可冷。月可熱。衆魔不能壞。眞說保寧勇曰。月可冷。日可熱。衆魔亦能壞。眞說師曰。二大老大似徐六。擔板各見一邊。普照。

要且不然。日原不冷。月原不熱。衆魔何處壞。眞說諸仁者。眞說且置。喚什麼作衆魔。拍膝一下曰。肚無偏僻。病那怕冷油。蓋示衆。傍水經年住。談元口不開。鴉啞枝上噪。飛去復飛來。大衆且道。明什麼邊事。劈面霜風。搜骨冷。塔前白石滑。如苔。喝。一喝。山翁 恣嗣

蘇盧悉喇。山翁 恣嗣

韶州曹溪天拙本宗禪師。上堂。如來禪。祖師禪。鼻孔兩竅。卽此說離。此說出氣同源。卽與離且置。只如大佛頂。如何見。振威一喝。晚參。自從踏著曹溪路。了知生死不相干。汝等大衆。卽今行住坐臥。爲甚還在生死海中。頭出頭沒。復曰。自是諸人。二六時中。腳跟不曾點地。又說甚麼。踏著。山翁 恣嗣

安須識從前錯費力山翁
恣嗣

越州平水冰壑元禪師上堂諸方說禪掘地覓天山無事一任隨緣饑來喫飯困來打眠你若不會蒼天蒼地僧問古人道說取行不得的行取說不得的如何是說取行不得的師曰烏龜吞大衆曰如何是行取說不得的師曰家醜不可外揚問如何是不動尊師曰石敢當曰如何是應化法身師曰長的長短的短山翁
恣嗣

金陵蔣山興善芥菴琛大禪師湘潭李氏子幼業儒因申酉鼎革之際頓悟塵勞之幻遂禮桃花山不韻薙染遍參名宿後依弘覺爲入室真子記萌後出住金陵興善上堂春風蕩蕩春日融融柳垂嫩綠花發新紅龍光峰說法金水河流通是汝諸人十二時中晨朝洗面黃昏打鐘也須知聲色俱透過元關又一重卓拄杖晚參海底泥牛吞却月鐵鑄金剛肚皮裂鷺鷥踢翻鸚鵡洲舜若多神痛不徹你也參不透我也會不捷上堂舉白雲和尚道禪禪闔浮提在海南邊近則不離方寸遠則十萬八千畢竟如何禪

禪興善亦有箇見處禪紫金山在寺門前聞道日日變現十二種色于今松杉伐盡之後惟見白日青天山僧亦得登其頂造其巔遠觀東西南北近看萬井千烟畢竟如何禪禪晚參舉衆賣花兮獨賣松青青顏色不如紅筭來終不與時合歸去來兮翠靄中古人怎麼告報雖則高擡聲價其奈已見猶存興善未免也續貂一首不賣花兮不賣松夜眠直到日通紅他非我是都拋却萬事消歸一笑中且道笑箇甚麼喝一喝晚參舉僧問幾和尚禪以何爲義幾曰以謗爲義雪堂拈曰三世諸佛是謗西天二十八祖是謗唐土六代祖師是謗天下老和尚是謗諸人是謗山僧是謗于中還有不謗者也無談元說妙河沙數爭似雙峰謗得親若是興善禪以何爲義以錯爲義三世諸佛是錯西天四七是錯東土二三錯天下老和尚是錯諸人是錯山僧是錯還有不錯者也無以手指其掌曰知其說者之於天下也其如示諸斯乎大衆還曾麼良久曰也是將錯就錯示衆衣成人水成田佛法元來在口邊上是地地下是天幾

人到此總茫然。興善菜種屋裏稻。割門前大家相聚。
喫了終日語笑。喧喧總不念斷臂心。安春糠志堅長。
慶坐破七箇蒲團。香林用力四十九年。上座贏得日。
高三丈。猶自伸脚打眠。行者來請赴堂喫粥。攔胸一。
摑。麤拳爲甚如此。不合驚起我瞌睡。又使我好夢做。
不週全。小參卽心卽佛。過山尋蟻跡。非心非佛。渡。
水覓魚踪。不是心不是佛。不是物。夾路桃花風雨後。
馬蹄何處避殘紅。小參秋山削玉。秋水磨銅。城吹。
寒角樓打霜鐘。修行不到無心地。萬法樅然那得空。
盡向鬼門貼卦。誰識虎咬大蟲。南泉打破粥鍋。甘贊。
禮拜蒸籠。泣露千般草。吟風一樣松。喝一喝曰。若不。
是山僧者。一喝喝住你。諸人泊乎。又尋過一東。二冬。
小參前村紅葉落。將盡後院黃花開。又殘紙被夜。
烘。剛覺暖。五更霜重又多寒。天何闊地何寬。裙子褊。
衫多破了一箇渾身無處安。便恁麼太無端。剔起眉。
毛君自看。大事爲你不得小事自家支當。小參語。
是謗歎。是誑不語不默。凍鎖寒江。雪埋青嶂。雪峰相。
見望州亭。德山未跨船。舷好與三十棒。何故不待春。

風著意開暗香。已在梅梢上。小參舉僧問趙州。眞。
如凡聖皆是夢言。如何是眞言。州曰。唵。部林。囑師曰。
趙州答話如探囊取物。然未免索鹽奉馬。有問蔣山。
如何是眞言。只向他道。草枯風勁。各寮謹慎火燭。
小參色空明暗遮雙眼。地水火風周一身。你若一念。
心疑被地礙。一念心喜被風飄。一念心嗔被火燒。一。
念心愛被水溺。只者地水火風使得當人。二六時中。
不得自由。惟有拄杖聲。擡擡列列。挈挈地不能礙。
風不能飄。火不能燒。水不能溺。王母畫下雲旗。翻寒。
狼啼落天邊月。晚參道遠乎哉。觸事而眞。聖遠乎。
哉。體之則神。驚豎拂子曰。山僧喚作拂子了。也諸人。
畢竟作麼生。良久曰。水流黃葉來何處。牛帶寒鴉過。
別村。小參至道無難。惟嫌揀擇。但莫愛憎。洞然明。
白白雪之白。白玉之白。白羽之白。趙州參見老南泉。
解道鎮州出蘿蔔。就地拾得麗水金。元來又是并州。
鐵。八十村翁笑點頭。買得硃砂畫黑月。四句離百非。
絕今日爲君重剖決。天上無釋迦。地下無彌勒。達磨。
老臊胡。當門牙齒缺。十字街頭驚相逢。却是一枚無。

狀賊擊拂子曰賊賊。小參南泉提起茅鏟投子拈出油瓶一大藏教註不得三世諸佛言不及說甚趙州佛性無一箇葫蘆挂東壁。解制上堂一不做二不休。衲僧著力轉身句嘉州大象陝府牛獨有太原孚上座五更聞畫角屋裏販揚州朝悠悠暮悠悠行脚挑包事遠遊若是冷灰真豆爆何須向外更馳求說甚一拳拳倒黃鶴樓一踢踢翻鸚鵡洲也要紫金山子肯點頭禾山鼓雪峰毬何似投子手中油架箭張弓空費力半箇聖人那見收擲却絲拋却鉤夜靜水寒魚不餌烟波空泛月明舟擲拂子下座。僧問如何是祖師西來意師曰七醋搗生薑曰意旨如何師曰食者盡攢眉。問如何是和尙家風師曰有米無柴曰忽遇客來將何欸待師曰快趕狗漫燒茶問鷄見相圖狗見相咬鷄吻終日相對爲什麼不嗔師曰好與衲僧爲榜樣。問蚯蚓爲什麼化爲百合師曰量材補職。布袋和尚證曰一文乞與濟誰貧浩浩塵中孰是親自己慳囊放不下又來開口笑何

人山翁
恣嗣

嘉興漏澤獄來本衡禪師小參驚嶺拈花眼中著楔少室直指曲順人情二俱隨類示權都則應機赴感何故時節若至其理自彰新漏澤不敢囊藏被蓋只得相席打令此是我法叔箸老和尚據曲柔木與一切人解粘去縛抽釘拔楔施向上錯錯碎衲僧窠臼之場因虎席已久百種全無法幢寥落堂供蕭疎古人道圓通不開生藥舖單單只賣死貓頭不知那箇無思筭喫著通身冷汗流新漏澤亦有一偈漏澤新開雜貨舖更無一人來垂顧可憐三尺貴龍鬚剪碎綾羅喚作布設有人問長老綾羅爲甚剪碎作布賣有時價重南金有時分文不值說貴也得說賤也得恁麼也得不得恁麼也得恁麼不恁麼總得然雖如是且喜更點分明卓拄杖。上堂驚老花殘時逢初夏呢喃燕語舌覆大千礙則涉有爲之境悟則離昏醉之鄉截斷兩頭莫存軌則一性圓明當陽薦取既是莫存軌則薦取箇甚麼良久曰剔起眉毛親證得頭頭物物祖師心

山翁
恣嗣

江陰十方山猊杲禪師湖州施氏子初參報恩琇琇

問二六時中可有雜念也。無師曰：連正念了不可得。琇曰：怎麼則業識茫茫無本可據？師震聲一喝。琇曰：好喝！再喝喝看。師搖頭吐舌而出。再謁天童。恣結制立師爲維那。恣下堂以杖指單票破處曰：這裏因甚如此？衆下語不契。恣問維那作麼生。師曰：薄處先穿。恣曰：穿後如何？師曰：貴圖兩相見。恣舉拄杖曰：猶隔這箇在。師曰：也是和尚自生窒礙。恣打曰：何得觸忤老僧？師禮拜曰：今日得見和尚。恣領之。山翁恣嗣

燕京西山石香夙成本嚴禪師。荊州枝江王氏子。年十八歲。禮本郡菩提場白齋菴。染自知參究。刻苦用功。所悟親切。南詢福嚴天童報恩三大老。罔不契合。受囑心印。則稟平陽弘覺師。長身玉貌。皓齒朱唇。聲如洪鐘。讀內外典。經目不忘。日三食。眠三覺。夜則雙趺一坐。兀然達旦。住巖雲窩。後游京都。寓西山石香精舍。無何示寂。茶毗。獲舍利無算。大者如菽。寸光熠燿。塔于院之前山。山翁恣嗣

湖州道場神山本瀛禪師。示衆舉南泉三不是話畢。頌曰：天外銀沙直下飛。謫仙題就已遲遲。何如擲筆。

懸崖畔亂撒冰珠。總是詩山翁。恣嗣

寧波天童福泉直菴本浩禪師。得法後結茅天童之福泉。絕頂人跡罕至。有同門山曉哲勸師出世。師笑曰：一般秀色湘谿裏。君自匡徒我自眠。古人已代我言之矣。他日望兄指一人接續用報師恩。便一把火足矣。次年皆誕辰。師曳杖到天童。一見遽曰：浩志不下山。今日之來一祝嵩齡。一果前約。惟勿我拒也。別不旬日。即跣趺化去。壁留船子覆舟頌曰：一月當天萬壑秋。蘆花深處任優游。波心幾度拋香餌。釣得蒼龍覆却舟。山翁恣嗣

新州龍山曠圓本果禪師。上堂問祖道重開。卽不問如何。是主中賓。師曰：山僧爲汝微困。曰：如何是賓中主。師曰：咨爾所問。曰：如何是主中主。師曰：誰敢當鋒。曰：如何是賓中賓。師曰：且立門外。問學人乍入叢林。請師指示。師曰：莫向佛邊求。僧禮拜。師曰：看脚下。乃曰：一箇兩箇三四箇。毗耶城中行。且坐看來。曾不隔絲毫。何用當陽重說破。不說破。任縱橫。炊無米飯。羹不溼羹。共盛無底盃。呷得飽。彭亨薄暮小池雙鷺宿。

清秋高柳亂蟬鳴。祖忌上堂。昔年八月三。祖師未

出世。諸仁總不知。腦門不著地。今年八月三。腦門齊

著地。諸仁既總知。祖師何者是。聽取一頌。雨過千峰

色。點蒼麻衣松。隔坐生涼一聲幽。鳥啼何處。明月滿

山丹桂香。九日上堂。病起高登曲。床英英。籬菊

正披黃。龍山今古何同異。帽落從教風雨狂。誰識三

元具一句。元來九日。即重陽。糖糕栗粽俱無有。笑指

雲天空渺茫。恁麼則。僧厨齋寂。野客清寒。如此佳辰

將何供養。良久曰。幸自身輕。餐脫粟。不須人佩紫黃

囊。上堂妙體明。圓絕所因。本來端的。見須親。還他

一會靈山客。炎海堪同轉法輪。瓦礫荆榛作獅子吼

石頭土塊一齊翻身。三十年來未了之事。只此一事

二千里外難逢之人。只此數人。不用持道。吾吉發之

棒。自然來甘贊藥山之銀。說甚南宗北教。休分東魯

西秦。水松數株。碧引鷺池之月。木綿一樹。紅飛鹿苑

之春。心境俱非。透過三句。剎海莫測。混入一塵。一塵

含法界。法界渺無垠。非離真而立處。立處即真。且知

恩報恩。一句作麼生。道良久。喝一喝。曰。當陽揮寶劍。

捻土定千鈞。山翁
志嗣

寧波錫山寶嚴。爐雪慧禪師。僧參師。問那裏來。曰五

磊師。曰從九曲嶺過。曰是師。曰一條大路如絃。直因

甚從九曲。僧無語。師便打。頌楞嚴經。不斷煩惱。而

入涅槃。曰滿園桃李。呈春色。幾處笙歌。揭畫樓。獨坐

小窗閒。不徹倒騎驢子。上揚州。山翁
志嗣

金陵天寧古田達元禪師。楚之黃陂傅氏子。初參雪

竇雲。一日告假省親。雲曰汝歸見母時。道箇甚麼。師

曰與他三十棒。雲曰得與麼。不孝師曰不作者箇見

解雲曰更有箇甚麼。雲師便趨出。雲乃以偈送曰。越

山楚水兩悠悠。盡在元禪拄杖頭。相見母親作麼道。

報言三十爲他酬。問牛頭未見四祖時。如何師曰。

瓦礫生光。曰見後如何。師曰真金失色。問如何是

佛師曰。腳踏實地。問如何是物不遷底意。師曰雨

墮花臨砌。風吹竹近樓。問亡僧遷化向甚麼處去。

師曰把火入牛欄。問離一切相。卽名諸佛。既離一

切相。喚甚麼作諸佛。師曰莫妄想。問如何是佛師

曰長江水上波。曰意旨如何。師曰險。問如何是堅

固法身師曰。驢屎似馬糞。會麼。曰。不會。師曰。我說底。尙不會。如何。透得祖師關。居士呈偈。次師。驀豎拳。曰。我喚作拳。頭汝喚作甚麼。士擬議。師一掌曰。者裏去。不得有甚用處。師一日入城行。次侍者問。今生父母。卽不問。如何是最初底。父母師。驀拈曰。東邊是一羣牛。西邊是一羣驢。士問。把茅蓋頭時。如何。師曰。山鉏一把三斤半。曰。寸絲不挂時。如何。師曰。健卽鋤雲。倦卽眠。問。如何是諸佛出身處。師曰。秋蟬鳴翠柳。不礙往來看。玉輪滿侍者呈女子出定頌。師曰。文殊是七佛之師。爲甚出女子定。不得曰。基逢敵手。難藏拙。師曰。罔明是下方菩薩。因甚出得女子定。曰。琴遇知音。始好彈。師復曰。女子出定。意旨如何。滿抽身。便出。師曰。汝祇解恁麼去。不解恁麼來。曰。更要某甲禮拜。那師曰。好與三十棒。曰。恩大難酬。問。釋迦佛治世。因甚教念阿彌陀佛。師曰。柳線共垂絲。桃花相映紅。問。如何是西來意。師曰。人貧智短。問。如何是天寧境。師曰。茅齋高對古皇城。曰。如何是境中人。師曰。驀拳大脚。曰。如何是和尙家風。師曰。木槌。

打鐵磬曰。爲甚麼如此。師曰。露柱念摩訶。頌庭前柏樹子。曰。趙州庭柏。斬釘截鐵。擬議思量。腦門著楔。頌。首山示衆。識得拄杖子。行脚事畢。三角云。識得拄杖子。入地獄如箭。曰。等閒拈起乾坤黑。放下依然壁角頭。爭似衲僧都不識。鑊湯爐炭轉風流。頌。洞山因僧問。如何是空劫已前自己。山曰。白鳥入蘆花。曰。白鳥入蘆花。烟昏已日斜。一回尋得見。踏著赤斑蛇。頌。雲門乾屎橛。曰。雲門乾屎橛。其氣毒如蠍。官法急如爐。人心冷似鐵。頌。南泉三不是。曰。不是心。佛物。拶出虚空骨。忒殺更分明。衲僧多自屈。頌。百丈野狐。曰。不落不昧。失錢遭罪。不落不昧。落砒霜毒藥。巍巍坐斷大雄峰。是聖是凡。俱不著。頌。趙州轉藏。曰。一轉不須多。一字半藏何曾少。一言一遇知音便。分付不逢別者。不開拳。頌。殃福救產難。曰。聖法從來不殺生。壺中日月自分明。若言當下能分曉。蹉過如來正法輪。禮白門東山。海舟慈寶峰。瑄二祖塔。偈曰。雙龜卓立老東山。徧界兒孫未易攀。特具瓣香瞻拜。繞瘦松蒼靄白雲間。祖道淵源勢豈休。壯觀。

今又動閣浮欲知無縫團圓句三四啼鴉上樹頭

翁山

詞志

寧州龍安兜率本園禪師荊州人無姓氏一日至佛寺見佛大喜嚮之笑會崇禎末獻賊破襄陽兩湖皆震避兵東下隨母之浙擇居蕭山之湘湖師姿性超絕就童學不屑屑書卷十六歲決志出家請母禮隆昭明然薙落既而三衣登具出參諸方福嚴容拈竹篋示之有省再詣報恩琇留枯木堂鉗錘凡十年備歷苦毒至有死而復甦者師嘗曰吾能忘十年枯木堂哉琇以虎空落地勘師師應聲便喝琇豎拳曰因甚在我手裏師曰用盡自己心笑破他人口琇曰解笑者是何人師掩耳而出會琇赴

世祖章皇帝召攜師入京侍萬善殿每于

御前問答及師師微言承應輒當

聖意暨平陽忝相繼赴

召師隨報恩謁平陽甚喜欲留師不得至平陽還覓師于湘湖之濱呼師入室驗以機用出

章皇帝所賜金襴袈裟并白拂手書歷代源流授師

出住寧州之龍安山兜率院再住吳江之黎川羅漢寺上堂磨礱三尺只知海上橫行把定孤峰不會下山教化吞盡十方佛吐出六代祖印定一切法闡揚一切義二千餘年單傳付囑有在六十八葉心髓次第流通若能於此取證承當赤肩擔荷可以籠罩古今蔭覆天下便知聖智不可測語言莫能到單提向上一路離却中下二機新龍安不去揮戈魯陽合符晉鄙秦疆楚塞拱手歸降教伊從今日去不疑天下老和尚舌頭還有臨危不變見義勇爲底麼三十棒且待別時復學寶壽開堂三聖推出一僧師曰三聖股肱臨濟功高贊佐寶壽險截者僧無端喫他大棒若果使鎮州一城人眼瞎則二老無所逃命上堂問長廊下也喝後架上也喝置而不論如何是一喝如金剛王寶劍師曰草木叢林皆盡曰慈悲何在師曰彌縫裏瞠眼曰如何是一喝如踞地獅子師曰妖狐紈影曰忽遇龍生金鳳子衝破琉璃時如何師曰闍黎不妨漏網曰如何是一喝如探竿影草師曰江西子福建子都來好與三十棒曰早辯來風師

曰。著槽厭漢數不到你。曰。如何是一喝不作一喝用。師曰。不假三寸問將來。曰。彼彼住山人。師曰。鉗斧子。擲下好。乃旋顧左右曰。有千二百長隨。衆方可應天。王人主之請。無分骨得髓。兒孫何以特地西來。潯沱小院也要兩箇成。襖汾陽大衆。豈無六人大器具。啐啄同時。眼有啐啄。同時用文殊普賢。請處囊中。雲門趙州。姑自隗始。若據令而行。天下衲僧跳不出連喝。兩喝曰。買鐵得金一場富貴。雨中同參至上堂。密雨狂風。越出門摩醯三眼耀乾坤。輸他帶水拖泥去。千古全無斧鑿痕。逐亦不惡留。亦非恩。靈山一會暗消魂。上堂。禍不入慎家之門。瑞不生庭前之草。善財通身是手。無下手處。文殊通身是口。無開口處。蜈蚣蜒蚰。蝦蟇蠟子。入隱身三昧去也。祇如天龍道和尚。虎玄沙曰。是汝虎是赤口。是自舌。良久擊拂子曰。消。上堂。不說破。免得後來之罵。不雕琢。方見現今好手。去此二途。任你讚任你罵。且道有成。襖無成。襖非關諸人吝慈。却是龍安罪過。上堂。未到雪山。已到此雪山。總百億須彌山。不如此山。未到此夜。已到此

夜。總無量晝夜。不如此夜。未觀明星。已觀明星。總通身手眼。不如此眼。喝一喝曰。總百億須彌百億晝夜。百億釋迦于此夜。觀星成道。不如我此一喝。復喝一喝曰。家家門前火把子。上堂。天左旋地右轉。應機須定。龍蛇眼擊節衝關。作者知金椎擲下。電光卷多處。添少處減。一百五日春。又晚。諸當靈雲陌上花。風光無限被渠翦。除夜小參。四百年爲一晝夜。天親彌勒。謾惺惺。雖然五百從中證。爭似人人眼帶青。病起上堂。拈拄杖曰。風也打雨也打。佛也打魔也打。東壁打到西壁。明頭打到暗頭。打得七穿八落。家私一些不留。猶嫌多箇維摩榻。直得和伊掀倒休。晚參。問三界大師爲甚喚作乾屎橛。師曰。量才補職曰。不喚作乾屎橛。時如何。師曰。你置雲門大師于何地。曰。衆生無分也。師曰。十號一不減。曰。謝師指示。師曰。猶疑語話在他人。乃拈拄杖曰。雲門一條脊梁硬似鐵。拗不折。却被箇瞎漢鈍置。一上理該打三十棒。越出只爲他管中窺豹。但見一斑。無喫棒分。要見雲門麼。上大人丘乙己。晚參。問三聖推出一僧寶壽便。

打二俱作家。否師曰：各不相借。曰：三聖又道：瞎却一城人眼。師曰：善。入音聲陀羅尼。曰：寶壽休去，足可觀。光師曰：踞虎頭，收虎尾。乃曰：夫山木爲良，匠所度而定于斧斤；瞎却鎮州一城人眼，雖是魯班，繩墨其奈寶壽不雕之心何？問話僧復出，曰：和尚莫錯判古人。師隨聲便打歸方丈。晚參，士問：稱西方有聖，況老子爲龍，喚孔子是箇甚麼？師曰：是箇丘乙巳。士呵呵大笑。師便打，乃曰：巾風雲走，電光鳳毛，麟角盡騰。驥須彌脚下，烏龜子猶拽泥沙。舊處藏上堂，入黃檗之室，太歲臨頭，造慈明之門。時命在坎，彌天鐵棘，巾地金鍾。烏飛兔走，機深裂石，崩巖語峻，正當交鋒。無迹物義，不傷大家。遇境逢緣，宏通宗要。續此一派名下，無虛人喝。一喝曰：滅吾宗者，不知是誰。上堂問：一向灰頭土面，珍惜寶藏。今日四衆臨筵，敢請大開布施。師曰：羅漢也不敢草草。曰：祇如臨濟綱宗，爲甚麼捻聚得來，底却分疎不下？師曰：是誰之過？曰：分疎得下，底爲甚麼捻聚不來？師曰：莫謗臨濟好。曰：今日又要分疎，又要捻聚。師曰：又謗山僧。曰：如何是一

句中具三元。師曰：古人面目，現在曰如何？是一元中具三要。師曰：半幅全封，曰如何？是第一元。師曰：鬼爭漆桶，曰如何？是第二元。師曰：是甚破草鞋，曰如何？是第三元。師曰：蓋子撲落地，樛子成七片，曰如何？是第一要。師曰：良馬見鞭影而行，曰如何？是第二要。師曰：獅子一滴乳，迸散十斛驢乳，曰如何？是第三要。師曰：一時點下，曰如何？是則臨濟宗風。至今不墜。師連卓拄杖三下，問：應時及節，懇乞提唱。師曰：天寒無被，蓋曰：承此恩力者，誰師曰：凍不殺，卽打殺。乃曰：正人說邪法，邪法悉皆正。邪人說正法，正法悉皆邪。直得剝盡羣陰，珠回玉轉。曰：南長至，草偃風行。任他輟出水毬，端的捉來舊處安。竟雪庭心，抽却雲門。顧莫把香巖挂在樹。晚參，譏人說葛藤，禪罵人說無事。禪也須通身是眼，乃不失自家眼。驀拈拄杖卓一卓，喝一喝曰：你要罵人麼？沒者閒工夫。住北京薦福山隆恩寺。康熙乙丑四月十三日。聖旨到山，至十四日召入玉泉宮，問道回上堂。風生大野，日照巖廊。山河奏乾闥婆之琴聲，草木含祇陀

林之金色輝騰。今古蔭覆人天。展過量提持。蘊逸羣作。略聞聲悟道。單聞此道。見色明心。惟明此心。苟能撥草瞻風。乘時湊泊。五雲瑞彩。咸彰至化。二曜長祥。並屬照臨。不須三印。高懸便見。十身調御。百億國土。百億毫端。現無量無邊殊勝莊嚴。作無量無邊廣大佛事。俾一切人各具金剛正體。一切物同轉秘密法輪。生佛共樂。堯年世界。全光舜德。逢人莫敢不出傳法。特救迷情。祇如上升梵世。高駕須彌。還落階級也。無天上有星。皆拱北人。間無水不朝東。上堂。南泉一隻箭來也。雪峰一隻箭來也。隆恩一隻箭來也。大衆還見麼。將軍不好武。稚子總能文。上堂。放釋迦老子出氣。彌勒無容身之地。放彌勒出氣。釋迦老子無容身之地。文殊不解排難。解紛普賢掉頭而去。却被隆恩截住。若無近憂。不須遠慮。上堂。登絕頂於崑玉。觀滄海於截外。洋洋乎百谷之玉。杳杳乎九天之曙。擘開胸曰。淨五眼得五力。四維上下無倫匹。大都大用與大機。底事何能添一筆。七期晚參。好大衆東邊立地。振鬣擺尾。西邊立地。衝波激浪。多是透網金。

鱗話頭不識底。是誰按拄杖曰。把竿人。上堂。未屆已前五千四十八卷。拈花已後。只有一箇頭陀。諸人請放過。隆恩却有箇相。爲處拈掌一下曰。莫謗大般若。授顧溪翁居士法上堂。不與萬法爲侶。侶是無事不辦底人。能與天地同根。是鐵錘無孔底漢。有時染用染汙。他不得卽塵勞。而見佛有時淨用淨潔。他不上過元途。而抽身以此爲極。則青天也。須喫棒。不以此爲極。則明鏡何用。當臺大衆畢竟如何。卽得煩惱海中。爲雨露。無明山上。作雲雷。晚參。有心不是道。無心豈是道。斬斷有無心。是道不是道。但憑枯木重生。豈莫被寒灰燒殺人。頌世尊初生曰。冷地生椎沒奈何。更加燒熱不增多。後來只管重添火。一塊無明煉不過。頌產難因緣曰。無量劫來未殺生。殺生真是殺生手。白血如脂沃野寒。子兮母兮復何有。頌趙州勘二菴主曰。能言能笑穿窬小。盜兩箇拳頭。十箇孔竅。頌香嚴上樹曰。倒著烟簑立險灘。離鉤香餌透還難。鯨自是衝波去。不向空江照影寒。師于乙丑年十月示疾。十一月朔師作訣書示左右。

爲歌名咄咄歌次日師問明日幾時左右以三對師曰三期至矣晨起沐浴更衣作辭疏謝恩乃作垂問法語與示禪徒語畢將逝嗣法士顧元登請曰和尚可無偈耶復甦策筆手書偈畢微笑而逝世壽五十四僧臘三十八塔于兜率師有三會語錄并所著湘谿集行世弘覺志嗣

五燈全書卷第七十四

五燈全書卷第七十四補遺

臨濟宗

南嶽下第三十五世隨緣

報本伊阼哲禪師重九上堂登高須極頂入海須至底入海不至底不知華藏之深登高不極頂不知宇宙之寬無上妙道亦復然也今朝節屆登高敢問現前作麼生是至深極頂底句良久曰諸人既道不得山僧與汝別峰相見去也遂下座上元上堂舉僧

問趙州如何是道州曰牆外底如何是大道州曰大道透長安趙州古佛檢點將來大似村裏弄報本則不然有人問如何是道只向他道十里燈花明似畫六街車馬湧如潮如何是大道雙鳳雲中扶輦下六鰲海上駕山來且道與古人是同是別晚參頗愛暮春時落花紅似錦滿城流水香幾人發深省因雪晚參憶昔普通年事遠看來庭雪未曾消三拜已曾親得髓斬新拈取示今朝咄月巢鶴醒千年夢不是鳥窠吹布毛晚參垂問古人道三十年不雜用心四十年打成一片如何是打成一片不雜用心底人師曰泰山石敢當辭世偈曰昔本不生今復何滅萬古晴空一宵風月擲筆而逝山翁志嗣五龍瞿庵岑禪師開爐上堂久默斯要不務速說大眾斯要且置龍山這裏却有幾椿緊要你若會得緊要便知斯要落處會得斯要便知緊要源頭何謂緊要第一諸人于二六時中饑來喫飯是箇緊要第二寒來著衣是箇緊要第三渴來求飲是箇緊要第四倦來打眠是箇緊要第五內逼時屙屎放尿是箇緊

要更有一箇緊要。我要問你眼光落地時。畢竟以何爲緊要。若也定當得出。今日開爐功不浪施。其或未然。大家共向無煙火。熨斗煎茶也。醉人上堂入荒田。不揀信手拈來草。一切在臨時。用得自恰好。要使貧者富。饑者飽。愚者慧。昏者曉。貴把根源直下看。休從枝葉閒尋討。不開討拄杖不在。蒼帚柄與你三十。

晚參小盡二十九碧眼胡僧不知有大盡三十日

黃面老子道不得。總道得也是萬里崖州隔。晚參

結冬一期過半。諸人未知趣向。爲汝細細商量。切忌

自生情慢。薦拈拄杖卓一下。曰。大眾還會麼。不是心

不是佛。不是物。畢竟是箇甚麼。以拄杖旋風打散

頌趙州訪二庵主曰。一樣拳頭無縫罅。兩邊並峙玉

山寒。詩人咏到幽奇處。成嶺成峰請細看。頌三頓

棒曰。蒿枝六十何曾痛。一箇頑皮沒處藏。毒發大愚

醫不得兒孫萬代受遺殃。山翁
恣嗣

灌溪采商榮禪師僧參師問。灌溪浪隔鳥道雲。封從

何得到。僧曰。不從雲水來。師曰。脚下芒鞋泥痕太多。

僧擬答。師曰。脫空妄語漢。晚參諸人無量劫來衣。

線下事。只因東兜西惹。曾未決斷。今日山僧與諸人

決斷。一上遂拗折拄杖。歸方丈。除夕晚參。佛法二

字。拋向東洋大海。累諸人東撈西摸。不覺又是一年

過了。且道還有撈摸得著底麼。若言撈摸得有。喫箇

羅老鐵棒。有分。若言撈摸總無。山僧拄杖亦未放過

且道畢竟如何。免得良久曰。不是知音者。徒勞話歲

寒。小參一口吸盡西江水。情知諸人未到。恁麼田

地。試將南溪與我吸吸看。一僧纔出。師便打曰。全身

墮在泥水裏。便歸方丈。山翁
恣嗣

六安大悲快庵鑑禪師示衆。豎拂談玄。落二三燒香

酬唱。貳無慙。空張大口。恣塵說春。到幽禽已指。南更

若搖唇成話。欄何勞。陞座現優曇。只憑聞見來求法。

試問從前作麼參。晚參結制已七日了。露柱燈籠。

全無孔竅。釋迦彌勒。揚聲大叫。最苦昏沉散亂不好。

惟有寒山子。逢人偏解笑。且道笑箇甚麼。笑諸人無

端。棄却家中寶。終日茫茫外邊討。翻身惹過祖師關。

熨斗煎茶不同銚。除夕小參不烹露地牛。不燒王

老錢蓮峰無一物。將底過窮年。既無一物。將甚麼與

◆諸師音選

諸人分歲。薦拈拄杖。摘下曰。莫怪空疎。各宜珍重。

師經行次。忽擒住一僧曰。是什麼僧。喝。師便打。僧擬

對師曰。山僧被你一喝。僧無語。師便喝。居士參臨

出門曰。出門原是入門人。師曰。是什麼人。士無語。師

喝出。山翁
恣詞

大錢鶴嶠岱禪師。小參太阿鋒。鎮錫。鏤埋塵拂斗牛。

化龍奔雷電。洗兵卽皇路。氛清挂眉則。梵天血濺當

門倒插。逼人寒。鐵額銅頭。遭勘驗。諸昆仲。薦不薦。萬

古常如白練飛。一條界破青山面。擊一擊。喝一喝。

佛誕曰。示衆舉世尊初生下時。周行七步。目顧四方。

一手指天。一手指地。曰。天上天下。惟吾獨尊。雲門偃

曰。我當初若見一棒打殺與狗子喫。貪圖天下太平。

雲峰悅曰。雲門雖有定亂之謀。且無出身之路。師曰。

世尊倚霸稱王。未免逞俊太過。雲門捐軀報主。大似

落水拖人。雲峰老人雖則眼高千古。要見雲門。尙未

可在。還有知安國落處者麼。薦拈拄杖卓曰。不是鐵

牛生。犢子敢驅金翅捉獐龍。示衆乃薦拈拄杖曰。

我看你朝到西天暮歸東土。究竟長年。只在半途復

橫按曰。明知是滿腹絲綸。填胸錦繡。因甚問著。便開

口不得。直饒過東山下左邊底。拈得王節級。失却帖

正好勘過了。打且道。禪僧門下。又且如何。卓一卓曰。

刀山劍樹。平時路熟。鐵洋銅澗。口漿要得。拖犁並拽。

耙何妨。拔肺與抽腸。復卓三下。喝一喝。師跌坐僧

默侍。師曰。鶴立丹山。非其同類。出去。僧當前問訊。師

曰。子房門下。詭道徒。施僧拂袖。便行。師曰。捉敗了也。

僧問。如何是機鋒。師曰。張弓架箭。曰。此是鋒。未是

機。師曰。不爲鼯鼠而發。示衆舉古德曰。佛法也大。

有。只是舌頭短。師曰。早已拖地者。裏不然。佛法大有。

漆桶不快。頌趙州訪二庵主曰。鎮船駕起下揚州。

月浸芙蓉兩岸秋。欸乃一聲歸去也。金風蕭瑟動人

愁。頌興化撞克賓。維那曰。赫日鯨波走迅靈。魚鰕

驚蟹暗銷魂。錦鱗直躍化龍去。吐霧興雲出海門。

頌婆子燒庵曰。松枯石爛自春秋。任是張良計不投。

可怪一聲無孔笛。梅花吹落滿滄洲。頌黃龍三關

曰。箭穿李廣鎗。使金牙。恁麼會得事。同一家。雪覆蘆

花。驚藏明月。停思停機。猶墮兩橈。淵明嗜菊。茂叔愛

蓮端的舉似疑請別參山翁

志嗣

無錫淨慧節嚴琇禪師上堂問如何是淨慧境師曰雲間東嶺千重出樹裏南湖一片明曰如何是境中人師曰鬚長髮短樵夫樣不信人間有俗情曰向上還有事也無師便打僧喝師復打乃舉楊岐因僧問如何是不動尊岐曰大家齊著力端祖曰白雲卽不然如何是不動尊禮拜著淨慧亦有箇見處如何是不動尊山河大地萬象森羅謝執事上堂被大師扭痛鼻頭再見耳聾三日兩堂齊下一喝賓主歷然城裏糶黃米來頭上漫漫脚下漫漫罰糞飯了而後出院就水洗犁量材取料雖然一種沒絃琴端的惟師彈得妙圓通大士生辰上堂大士在南海諸人向波濤上尋大士在天竺諸人向山谷裏討大士在淨慧寺諸人昨日來坐夜今日來燒香大士在鄜廬田舍肉案酒樓汝又作麼生與伊相見若向者裏見得分明家家觀世音處處無量壽脫或未然年年二月十九日一度花開一度春大雨後晚參五日以

前禱雨五日以後祈晴事上有餘理上不足正當五日之內打濕袈裟難曬眼掀翻牆壁絕遮攔理上有餘事上不足敢問大衆作麼生得理事一如去山高月小水落石出晚參以一重去一重早是多事不以一重去一重難免多事者兩箇多事如世之良醫不用下藥要瘳人間必死之症且道利害在甚麼處陣雲橫海上拔劍攬龍門立莊主田頭小參我此間禪如大海相似汝以海來盛去始得若是以盞盂瓦鎗貯些子濟得甚麼邊事古人恁麼道引他貧子輩望屠門而嚙津積成希遠之想淨慧者裏禪如農家犁耙相似有力量者進前來一肩擔荷得去當下超佛越祖慶快平生雖然如是山僧有三十棒也要對衆分付且道意在於何重賞之下必有勇夫立春小參放鶴亭見春春在梅唇蘇公堤見春春在柳眼知縣官堂上黃泥土屑無不是春如是見者貴耳賤目不如是見者執事偏枯饒你出得常情喫棒未有分在晚參有權衡方始識人輕重無刀尺莫能斷人短長乃震威一喝曰且道者一喝輕重短長在甚麼處復喝一喝曰切忌鑽龜打瓦晚參天地之

強在覆載日月之強在照明火之強在燒水之強在
沒烈士之強在寶劍衲僧之強在鼻孔敢問諸兄弟
作麼生是你底鼻孔賣扇老婆手遮日 頌南泉斬
貓曰白日雷霆秋空閃電擬議不來霜鵬落箭相逢
猶話歲寒心又是重牽傀儡線 頌臨濟凡見僧入
門便喝曰未曾觸著觸骸乾岳立波騰宇宙寒飲血
茹毛人自古結繩畫卦也無端 頌倩女離魂曰花
澹春還澹煙深水亦深寒鷄鐘韻落紅日到天心
古德喫油糲頌曰學琴事棉弓寫字相蝌蚪天地泄
其元兒孫壞却手戰波國裏覓同心赤髮波斯春木
白 頌產難因緣曰八百連雲雪未消日高秦樹恨
遙遙長安一夜花開盡二月春風似剪刀山翁
志嗣
鹽城永寧此宗溟禪師端午上堂鞋賓節屈正重五
不用桃符並艾虎惡鬼邪神自遜藏箇中獨露主中
主且道如何是主中主震撼一喝 冬至日謝石耳
爾純兩閣黎齋上堂漢女宮中添綫魯公臺上書雲
慈明揭堂上榜文洞山撥座元果桌縹白動用雖殊
化育本源不異須是鷄王始能擇乳苟非獅子爭解

咬人不見道君子務本本立而道生道生一一生二
二生三三生萬物且道永寧門下又作麼生一陽來
復自天心千佛分光照永寧惟有衲僧無底鉢依然
盛飯又盛羹 示衆學真淨侍黃龍龍舉白雲端頌
臨濟三頓棒曰一拳拳倒黃鶴樓一踢踢翻鸚鵡洲
有意氣時添意氣不風流處也風流大稱賞之淨曰
某甲見處與端兄一般龍曰汝作麼生會淨擬開口
龍喝曰端會汝不會師曰當初見他云汝作麼生會
何不掀倒禪床見之不取思之千里平陽
志嗣
衢州祥符獻可寂禪師僧問好雨點點不落在別處
落在什麼處師曰你這瞎漢僧擬議師曰果然 晚
參嵩少面壁冷竈埋把火二祖斷臂赤眼撞柴頭子
湖看狗鬼門上貼卦東山酸餡暗毒撲枯腸山僧將
者些骨董和盤盡情打翻還有七斤衫子也蹺蹊諸
禪人知不知夜來提起觸著袖頭領依舊尋常自家
穿過底何故鬻屋北鹿獨宿溪西鷄齊啼山翁
志嗣
京都法光友山石禪師上堂卽心卽佛掉棒打月非
心非佛虛空釘橛不是心不是佛不是物朝打三千

夜打八百畢。竟作麼生。日日是好日。上堂。豎起拄杖。佛祖巴鼻。卓拄杖。禪僧巴鼻。擲下拄杖。討甚巴鼻。僧拾拄杖。度與師。師接住。便打曰。汝得恁全無巴鼻。復橫按拄杖。顧左右諸兄弟。識得也未。棒打石人頭。嚶嚶論實事。知浴請上堂。一問一答。熱鬧門庭。一主一賓。顯揚箇事。一世界清淨。則多。世界清淨。一身清淨。則多。身清淨。東司頭佛殿裏。許多蓬塵垃圾。從甚處得來。薰掩鼻曰。又增了者一點氣息。示衆。父母未生以前。便恁麼休去。腳跟下早已泥深三尺。更待問那箇是我本來面目。自然上無登天之計。下無入地之謀。又爭怪得咄下坡。不走快。便難逢拍膝一下。便起。示衆。地爐撥活火。通紅茶熟。香清萬籟空。懽懽師僧真好笑。不知誰是主人公。良久。撮東風。撮東風。山翁志

明因尼覺柯信禪師。示衆。舉臨濟垂問。一人在孤峰頂上。無出身之路。一人在十字街頭。亦無背面。且道那箇在前。那箇在後。師召大衆。還識臨濟老人意麼。若也不識。且看明因爲你雪屈。乃薰拈竹筴。一時打。

散。上堂堂堂日月無今昔。蕩蕩乾坤亘古今。轉得頭來千萬里。不知誰是箇中人。敢問如何是箇中人。眨上眉毛。示衆。雲中拍板。鷓鴣外。海底吹螺。括地寒。滿座清風來未已。休曰。雪曲和應難。召大衆。祇如雪曲作麼生。和歸堂喫茶去。示衆。祖師心印。鐵牛機盡力拈來付與誰。渴便喫茶。饑便飯。知音知後幾人知。示衆。舉興化有時。召僧僧應諾。化曰。點則不到。或召僧僧應諾。化曰。到則不點。師薰喚侍者者。應喏。師曰。且道是點是到者。擬議師便打。上堂。童子遙詢五十三福城東際。指歸南。須知般若根。非淺學。得常啼未放參。召大衆。且道放參一句作麼生。良久。拈膝曰。笑殺傍觀。除夕小參。古德曰。今夜今宵。去明朝明日。來明因則不然。今宵原不去。明朝亦不來。目前成現事。何用强安排。示衆。舉靈樹因有尼送鉢鉢孟至樹。拓起問。這箇出在甚麼處。尼曰。出在定州樹。遂撲破。尼無對。師曰。這尼依實供通。不道他不是。止是欠一轉語。待他撲破。但向道可惜。許山翁志

汀州桑園人獄曉禪師。本郡寧化龔氏子。上堂。大道。

本自現成。日用了無缺欠。今朝剖露。當陽要與諸人共薦。舉起拄杖曰。若也薦。倒騎牛兒入佛殿。如未薦。更與諸人通一線。遂卓拄杖下座。弘覺志嗣

鄂州黃陂素山冲然義禪師。黃陂邑李侍御相請。邑顧視師。便喝。邑以手抱師。師以偈贈之曰。相逢一喝。吼如雷。究竟無從。真快哉。今日送君無別。囑秋風消息。不須猜。士問。弟子久欲脫離。母奈愛緣。縛如何。得度。師曰。將愛緣來。爲你度。脫士曰。離家許久。師曰。無繩自縛。師於康熙壬戌春。預期辭世。至二月十八日午時。上堂。訣衆叉手而逝。茶毗收靈骨。建塔本山。弘覺志嗣

湖州清涼世楷式禪師。示衆。魔强法弱。正好入作我。慢心高。王樹轉凋。直得絕思。惟離名相。幾人於此。能超上道。芽未及三分。魔熾先高一丈。紛紛習學。蠱浮著著。不離依傍。只圖熱鬧。門庭少選。出羣龍象。說到者裏。清涼自領三十拄杖。且道。因甚如此。要與天下人作榜樣。弘覺志嗣

海鹽偶然居士。雲彥估禪師。武林西湖人。俞母柳氏。頌

人像贊曰。雙雙產得石麒麟。一笑嗚然便轉身。腹有儀容時想像。不教兒女泣無親。弘覺志嗣

越州延安尉敏勗禪師。冬至示衆。天不言。四時行。地不言。萬物生。驚拈拄杖卓一卓曰。且道。無陰陽地上。又如何。通信喝一喝。曰。箇中消息。本現成。弘覺志嗣

武林六喻笑隱。槃禪師。楚之漢陽楊氏子。初參福嚴。容容拈竹筴示之。師曰。不會。容曰。竹筴子也不會。師便喝。容便打。師當下會得。古人行棒意。次參平陽。志。志曰。聞知汝住靜東園。是否。師曰。是。志曰。住靜事作麼。生。師曰。描也不成。畫也不就。志曰。何不呈似老僧。師曰。若呈似。則成描畫去也。弘覺志嗣

山陰烏石山慶壽南雲。暉禪師。上堂。西風拂拂。競秋。眞積玉堆金。滿眼塵風露。正零時節。至重陽。獨報菊。花新。驚卓拄杖曰。珠回玉轉。草偃風行。有眼者。見有耳者。聞烏石岩畔。翠竹全彰。佛祖心印。慶壽堂前。白日裂。破露柱面門。不妨行棒行喝。揭却衲僧。腦蓋坐斷。報化佛頭。一任龍吟。霧起。虎嘯。風生。直得拄杖子。吞却十方世界。敢問諸人。山河大地。甚處得來。以拄

杖卓一卓喝一喝曰我爲法王於法自在弘覺

志

越州翠峰懷光燦禪師上堂忽聞爆竹遍村墟歲月還從夕夜除人事未知何日了來朝又是歲辰初過去已過去未來還未來正當恁麼時一句作麼生道

翠峰曾不改鑒水永長流弘覺

志

本一薪傳瀾禪師闔之汀州寧化陳氏子舉婆子拋兒頃曰祇這孩兒也不消虎頭戴角出荒郊毒如蝎惡似梟將軍誰數漢嫖姚弘覺

志

浦城山東易堂暗禪師建州陳氏子示衆芳提涅槃真如解脫是平白地德山棒臨濟喝洞山麻三斤雲門乾矢橛是荊棘林纔透得荊棘林未免坐在平白地設不坐在平白地猶然絆在荊棘林悉非好手畢竟如何我王庫內無如是刀懸弘覺老人道影次一僧前拜曰又得一回重禮敬師曰那裏曾見老人來曰寶安師曰見的是何面目僧喝師曰好喝只是不曾見老和尚曰用見作麼師曰前言何在喝出弘覺

志

興化天谷微也照禪師本邑張氏子早參垂問是句

也剗非句也剗棒下無私瞎頂門眼汝等諸人作麼

生取辨是句也展非句也展一劍倚天羣魔喪膽汝等諸人如何理論是句也頭非句也頭真獅子兒到卽不點汝等諸人作麼湊泊弘覺

志

舒城地藏庵嚴常禪師頌世尊拈花曰徹底掀翻說向人情懷無過此時眞輪他百萬人天眼脫驢頭陀不了心頌應無所住而生其心曰東瀾水流西瀾水南山雲起北山雲不知至業歸王化春到寒崖異草青頌趙州訪二庵主曰兩處都將一款呈平生肝膽向人傾縱橫殺活機如電鐵眼銅睛未放行頌寶壽開堂三聖推山一僧曰劈面金鑊如電疾接來不費碗頭力一齊擲向碧波中天上人間無處覓弘覺

志

江西寶峰大雷慶禪師元旦陞座鑊鑊橫吹宇宙清洋洋萬國雷歡聲含哺鼓腹熱靈夢海不揚波犬不驚此是護法致君澤民祈年永命底意祇如我林下人又如何稱頌乃起身曰皇天無二道聖人無兩心上堂入門便喝果然佛法無多勢有便接何用語

竭世所以橫花簇錦空闊大道之淵默死欣生未脫
 識情之表是故衲僧家眼光燦破四天毛孔橫吞大
 地排斥三藏教呵罵諸小兒從阿娘肚裏出便作師
 子吼猶未是性燥漢還肯恁麼那擲拂曰山家不會
 識冬夏石爛松枯是一年示衆薦蘿灌莽蕪蕪蔽
 天土銼炊糜松根搗榻頂笠薜食而居鹿豕鷄犬爲
 伍月潭侵玉雪瀑濺珠虎嘯猿啼龍蟠鳳翥暫時歛
 念樓閣門開直下回機毫端利涌如來宮殿無有邊
 自然覺者處其中不覩華藏界爭識舍那聲結制
 上堂拈花微笑神機密契於聖表越漢求賢大用雷
 轟於震旦所以五葉流芳二株獨秀崢嶸萬指首開
 選佛於法林架蠖千秋繼述清規於聖壽脚下盡是
 兒孫堀中無非師子靈山法會儼然列祖典謨現在
 卽今重開選佛大啓洪爐如何是報答君親底意海
 宴河清日心空及第時弘覺
志嗣

一睡福福愁殺嵩山破竈墮開爐晚參諸方今日
 大開爐韃烹煅佛祖道峰無柴無炭向冷灰裏深深
 撥起一星火諸人脚跟下若也拶著管教冬暖夏涼
 論劫受用不盡木佛不用燒古鏡亦休比若是英俊
 流直下便會取冬節早參剝盡羣陰依舊天一陽
 來復在機先抽條石筍烹來嫩燄發寒灰賓主全薦
 以拄杖畫曰疑則別參頌女子出定曰費力不趁
 錢趁錢不費力女子與瞿曇未是白拈賊頌婆子
 燒庵曰休兵大帥不稱雄暗度明脩決路中正恁麼
 時全殺活旗槍別轉冷家風弘覺
志嗣

順天放生池響山琦禪師上堂靈山密旨少室眞宗
 遍代相續揭露寰中祥雲擁座華雨香濃聯集人天
 繼此高蹤萬重烟樹翠繞西東紅塵紫陌柳港芳叢
 夕陽短笛入聽無窮逢場作戲竿木相從遇緣卽應
 利導羣蒙證取上乘及第心空祇如今日闔國公卿
 不忘付囑恭請開堂祝延聖壽報答皇恩一句作麼
 生展演遂薦起躬身曰春筭羅圖齊北極彌隆帝祚
 等南山中秋小參浮雲散盡碧天寬皓魄當頭照

萬山近水樓臺人盡望夜深倚遍玉欄杆以拂子打
○相曰大衆還見麼良久擲下曰桂花香冷秋容淡
旅雁霜飛籬菊丹 頌南泉斬猫曰龍泉提起在機
先殺活臨時血濺天誰敢當鋒爭勝負與兵陣後總
徒然 頌女子出定曰幽深花徑碧雲封三兩成羣
逗伎窮啼鳥一聲山色曉陽春唱徹畫樓中弘覺
志嗣
龍舒庚除岳禪師小參遠山淺黛野水拖藍鴉鳴鵲
巢言端語端會即真如佛性不會則饒何顛頊山僧
與麼告報大似隨聲逐色衆中有不墮聲色者麼若
向者裏諦當分明方堪與香嚴靈雲二尊宿同途合
轍未審諸人還委悉麼良久喝一喝曰罕逢穿耳客
多見刻舟人 除夜小參年窮歲盡臘去春回貧富
貴賤苦樂權悲樂者樂得暢意苦者苦得皺眉輸我
林下衲子不逐者般轉逐窮教徹骨徹髓直到無地
無維始是放身命處方能與道相宜薦地冷灰豆爆
歷劫受用靡虧衆中還有怎麼人麼光孝與汝證據
良久曰山僧與麼微困誰知地廣人稀 結制上堂
準例十月十五執事考鐘伐鼓爰開大冶紅爐正好

烹佛煉祖無論鈍鐵頑銅都盧盡入裏許照顧爛額
焦頭切忌靈心莽鹵一朝塵淨光生自然超今越古
儻或進退因循驢年放得清楚諸仁者且道利害在
甚麼處甜瓜徹蒂甜苦瓜連根苦 大覺秀老人問
觸醴粉碎肯如何師曰填溝塞壑秀乃休去 僧問
萬法歸一一歸何處師曰舌頭不出口僧擬議師便
掌 頌世尊陞座曰瞿曇太儉文殊著却向諸人眼
撒沙引得承虛接響者商量浩浩數如麻 頌婆子
拋兒曰相逢敵手動征聲不似金沙布陣奇愛割一
朝真快便神機千載有誰知山翁
志嗣
溧陽古木古拙哲禪師河南右族也參天童志受囑
後縛茅于福泉精舍僧問如何是關市中佛法師曰
挨擠不開曰如何見得師曰猪肉案頭茶鹽舖裏山
翁
志嗣
廬州淨戒浪平理禪師上堂怎麼道太露不怎麼道
太淨切忌從他覓歸家始到頭慎勿外邊走依然得
自由山僧與麼舉揚衆中還有承當者麼良久曰也
是憐兒不覺羞山翁
志嗣

嘉興普明息庵冲禪師上堂法無定相遇緣卽宗道不虛行隨處作主須知壁立千仞處不妨合水和泥有時合水和泥時依舊壁立千仞雖然如是以拄杖就地一畫曰也是爲地添足今日冲上座旣到者裏又且如何爲人舊店新開波波挈挈心不負人面無慚色 頌臨濟兩堂首座同時下喝話曰將將何須復將兵龍吟虎嘯任縱橫眞風自是歸王化一劍霜寒萬國清 頌心不是佛智不是道曰返照入閭巷憂來誰共語古路無行人秋風動禾黍 山翁志嗣

五燈全書卷第七十五

京都聖感禪寺住持臣僧

超永

編輯

京都古華嚴寺住持臣僧

超揆

較閱

呈

臨濟宗

南嶽下三十五世隨錄

寧波天寧石幢介颿禪師華亭朱氏子年三十五棄儒冠薙染首參萬峰壁看東山水上行不契後參竹

篋子話寢食俱廢一期同堂人面不識正經行間問旁僧曰你不可作實法會師乃大悟述偈曰竹篋拈來觸背難當陽拋出逼人寒從今薦得眞消息倒却門前舊利竿壁頷之後詣金粟依恣入平陽得法

上堂大梅卽心卽佛馬祖非心非佛若不大地翻身也教虛空迸裂天寧則不然丟却心拋却佛橫拈黑漆拄杖打得頭破腦裂還是盲枷瞎棒還是老婆心切有人分疎得下許你眼不著屑 解夏上堂今朝七月十五箇箇草鞋似虎腰包匾擔縱橫欲歷叢林處所只因憲禁森嚴六一盡皆關鎖果然密不通風插翅也難飛渡正好壁立萬仞脚下切須穩步時節因緣會遇時八面玲瓏皆屬我一拳打破太虛空無位真人沒處躲 山翁志嗣

虞山寶嚴禪巖本黃禪師號古求常熟許氏子父夢天台老宿寄居而生初學台宗于乾三管先輩後與金粟容古南門通往來遂單提向上矢願披緇母陶以師先經納聘急命完姻凡四歷寒暑衣不解帶母知志不可強遂許出家 孫雪屋贈詩有金色頭陀成密行散花天女不沾衣之句

年二十請徑山容主維摩呈所悟容許可手書偈贈有透脫見天根。越凡會元妙句。越明年師腰包上天童求恣披荆恣爲舉世尊。初生公案師于言下疑情頓釋。信口呈偈曰。眼橫鼻直孃生面。千聖原來只一般。却怪天童一條棒。生將艾灼灸瘡癰。恣領之命掌記室。恣記荆後歷參諸方者數年。錢牧齋宗伯請住寶嚴古南門。誕辰避客到寺與師快談信宿至漏下三鼓。因作古求字說七百餘言。望師爲末法棟梁云。後出世住廣陵萬壽吳門虎丘崑山安禪。歷利闡化。有語錄文集行世。山翁恣嗣

維揚淨慧祥光本吉禪師。山西蒲州尚氏子。始離襁褓卽知事佛。及長投淨慧薙髮。復從律主三昧光授具戒。痛己事未明。寢食爲廢。首參浙西聞谷印示以念佛法。要次參天隱。修無所發明。去依天童悟師。一日憤然直前請益。父母未生前話。悟與劈面一掌。師矜視值首座容在側。叱曰。上座何不禮拜。師纔拜起卽豁然頓省。擬進語。悟復拈棒打師接住曰。請老和尚尊重。乃拂袖便出。故師于天童墜下依止爲最久。

當順治癸巳道峰弘覺恣謝院事。返匡廬舟過維揚。師遂以淨慧白當事。輒留益切。恣允其請。由是叢林規制漸次興舉。師且殫力成禪。無少懈異。日懷香進。方丈白恣以所得恣輒大笑。復怒視叱之曰。未也。師駭然汗下。不能答。因參究踰時。乃頓見恣爲人處。後恣赴青州法慶。念向所建枯木堂。其工未畢。以屬師。師復竭力經營。居不遑處。賴成其功。兼建大雄寶殿。左右前後樓閣。堂寮次第修舉。斯可謂極一時之盛矣。庚戌恣游江淮。抵廣陵。師復迎歸丈室。執侍彌謹。未幾令左右呼師至。問曰。馬祖一喝百丈耳。響三日。是何意旨。師曰。徹底風流。恣喚侍者將棒來。師曰。賊過後張弓。恣領之。徐以衣拂。囑師并付源流。偈曰。黃梅夜半不通風。帶累兒孫三日響。出草休嫌重入草。薄沱浪裏辨魚龍。仍命師繼席住持。示衆參學人。但得本莫愁末。本得則其末自至。你禪和家畢竟喚甚麼作本山。僧生平以此立身。以此涉世。以此喻人。汝等勿得唐喪光陰。甘作今時流輩。示衆近時諸方聚衆動皆三百五百。說禪浩浩。夫爲善知識者須

具一片佛祖真實心腸。方許伊說禪說道行。棒行喝。不然縱使機如掣電。辯若懸河。只向伊道箇。未在你。諸人且道。佛祖真實心腸。又作麼生具。但得雪消去。自然春到來。其示人真切類若此。至己未冬除夜。乃手自書掃塵偈示衆曰。年年盡日掃。盡一年塵。百年塵復在不見。掃塵人衆見。偈竊皆疑師有厭世意。越明年春。偶示微疾。遂絕粒不食。至二月二十有五。日諸弟子輩咸驚惶。泣下環跪。向師以偈請師曰。吾生平一味本色。誨人并無閒言。贖語。汙世耳目。今日汝輩乃欲老僧爲之耶。衆固請師起坐。曰。老僧行年將及古稀。今日不妨現一大人相。與諸人瞻仰。取足去也。乃驚張兩手。顧衆曰。會麼。良久以手拊膝。一下泊然而逝。世壽六十九。僧臘四十九。山翁志嗣

姑蘇虎丘佛智本孝禪師。長洲胡氏子。胎素天秉。九歲投寶幢冰谷水剎。染完具。習教于蒼雪。徹一日。見福嚴容。問從甚處來。師曰。蘇州。容曰。到此作麼。師曰。特來乞求痛棒。容曰。我不打你。這死漢。師曰。慈悲何在。容曰。放過你。且喫茶。後侍恣于平陽。聞雷鳴。恣謂

師曰。雷鳴驚蟄。因甚。歲朝便響。師曰。倒行維摩。令獨露。歲朝春恣曰。有一人朝參暮誦。不離禪教。忽遭雷火時。如何。師曰。通身受用。恩大難酬。恣可之。山翁志嗣

延福損岳本堅禪師。開爐上堂。有一句周徧法界。有一句匙挑不起。有一句待紫薇峰點頭。卽向汝道。汝等諸人向者三句中。見得分明。要法身三種病。二種光。有什麼難。其或未然者。三句中。有一句是汝諸人貼肉布衫。炙脂帽子。且歸堂仔細。小參。彌勒佛出世。爲人說法。都盧止有一箇布袋。布袋中包裹之物。攤向街頭。一一與人看得底。不過是米麪魚肉草鞋木屐沙百瓦礫等項。見人不會。又收却布袋口。挈向別處去也。山僧今夜與諸兄弟說底。大都只是各人皮袋裏包裹底物。不過是無明煩惱。菩提涅槃。眞如佛性。三界二十五有等類。亦可以攤出來。與諸兄弟看得。乃取拂子打○。相曰。無明煩惱。菩提涅槃。眞如佛性。三界二十五有。總是者箇麼。復打○。相曰。米麪魚肉沙石瓦礫草鞋木屐。也是者箇麼。諸兄弟如會得。總是者箇。擲下拂子曰。拾取拂子去。如會不得。

伸手曰乞我一文錢。晚參拈拄杖左邊卓一下曰：者裏是理右邊卓一下曰：者裏是事。理有理之解路，事有事之解路。祇如我未拈拄杖時，你作麼生解放？下拄杖曰：朝打三千暮打八百。中秋示衆頭上光皎皎，眼前白皓皓。若道是眼明月在，當空照；若道是月明，眼前何物曉？汝等于此時，急宜進步好了。得今夜月萬劫不迷倒，不了今夜月，空被塵勞擾。人人本現成，箇箇無欠少。喝一喝曰：錯過茶甌邊，清光何處討？師到雙桂纔入堂，維那便問國師九十六箇圓相，傳與就源是何意旨。師將香尺橫架爐上，那曰：源進三步作女人拜，又作麼生。師倒立香尺，那曰：是學底是悟底。師便打。師有時將竹杖畫地成一圓相，于中立曰：者裏是誰入得。一僧跳入，師卽出指圓相，謂僧你試出來看。僧罔措。師曰：癡狂漢是誰縛汝。山翁

龍池金粟溫研日久始承印可。上堂，智光洞照了無向背，一句當陽，千差坐斷。所以正令全提，聖凡路絕，箭鋒相拄，照用同時。然雖如是，也須咬破鐵酸餡，百味具足。祇如二千年前迦文降誕，指天指地，雲門道我當時若見一棒打殺與狗子喫，貴圖天下太平。且道雲門老漢具何眼目。良久曰：覲面莫教重話會。毗尼原是舊祇園。山翁

眞州古菴此宗本眞禪師浮梁汪氏子，十五歲薙染首，從古雪詰力參南泉，斬猫話有省。後參山翁，恣恣垂問曰：心月孤圓，光吞萬象，光非照鏡，鏡亦非存。光鏡俱忘，復是何物。師曰：劈破華山分兩路，萬年流水不知春。恣曰：未在。更道。師曰：人面不知何處去，桃花依舊笑春風。恣領之。示衆舉山翁恣垂問，有一人朝參暮誦，不離禪教，忽遭雷擊，時如何自代曰：擊碎蟠桃核，露出舊時仁。師頌曰：南北不分猶墮見，聖凡路絕尙存塵。一槌腦後齊翻轉，脫體無依自絕倫。僧問：如何是道。師曰：恁麼去。曰：莫便是也。無師曰：墮坑落壑。山翁

六安靈遠應禪師。漢南昆明張氏子。家常事佛。幼喜梵書。及冠。依水目。浪受業。以緇門警訓讀之。乃掩卷歎曰。此濟世津梁也。欲明大法。當求教外別傳之旨。既辭趙蜀參雙桂。明稟具未幾。明遷化。偶與同參閱高峰錄于海底泥牛。四句語疑不去心。遂矢志出峽。直造越州平陽。恣處經半載。屢蒙發藥。于是生平礙膺之物。礫然冰釋。一日因陳所見。恣爲嘉歎。久之乃命典客。次遷侍司。記莭于是左右。十年未嘗憊勞。恣歸寂。出住六安州大悲院。開爐上堂。以九十日爲爐。藉以痛棒熱喝爲鉗錘。以三百六十骨節八萬四千毛竅作箇疑團。汝等但于十二時中。經行坐臥處。穿衣喫飯時。猛著精彩。一擊粉碎。自然火星迸出。性地開通。照徹乾坤。融貫今古。顧左右曰。衆中還有不顧危亡。全身割入者麼。如有山僧拄杖子。爲汝證據。乃拈拄杖卓一卓。董參軍送方竹杖至。上堂師拈杖曰。不自天台攜來。亦非南嶽所出。丰標特異。勢欲凌雲。勁節翛然。超羣拔萃。有時喚他作兔角。杖有時喚他作鶴膝。節有時殺活縱奪。全彰妙用。有時橫拈。

倒卓。略露風規。任是臨濟到來。旁觀有分。德山間出。擔荷無門。然雖如是在我。參軍分上。又作麼生。安估家邦全賴此風行草。偃豈由人卓一卓。晚參古者道不是。心不是。佛不是。物恁麼會。早是不著便。你諸人向十二時中。畢竟作何生活。始得與他相應。去試道看。衆竝立。師拈杖一齊打散。晚參問如何。是和尙家風。師曰。兩粥一飯。日就中還有奇特事也。無師曰。喫了肚不饑。乃曰。這僧問處。奇特山僧答也。尋常家風。乘此拈出一任諸人較量。直饒較量得下。也是雪上加霜。晚參顧左右曰。我者裏刀劈不開。鍼割不入。達磨祇可望崖臨濟。倒退千里。你諸人畢竟作麼生。近得山僧門入。得山僧室。直饒你近得入。得切忌開眼瞋睡。喝一喝。上堂。悉達太子。右脇降生。指天指地。七步周行。大似造妖。捏怪。帶累後代兒孫。大悲今日路。見不平。未免拔劍相助。當頭澆惡水。衆目見分明。晚參問德山。晚參不答。話問話者三十棒。未審大慧者裏。還許學人問話也。無師曰。你皮還有血麼。僧擬對師。便打。乃曰。諸方道經行坐臥。底是穿。

衣喫飯底是搬柴運水底是若到大悲門下卽向道
總不是且道大悲有甚長處良久曰水漲船高 晚
參乃橫擔拄杖曰望從樵子出暮共白雲歸踏著來
時路休言上上機大悲恁麼道你還肯麼肯則未脫
根塵不肯生陷地獄 晚參祖師西來不立文字直
指人心見性成佛敢問諸人此佛性作麼生見未動
舌根好與三十更有三十達磨大師自領有分不干
諸人事且道山僧意在于何空將未歸意說向欲行
人 晚參萬法歸一一歸何處燈籠打失鼻孔露柱
寒毛卓豎七觔衫有何據擊拂子曰趙州莽園少人
知勸君莫行心處路 開爐上堂諸方說妙譚元大
悲此聞不事言語既然不事言語卽今座上說底是
箇甚麼座下聽底是箇甚麼若是箇舉一明三底自
然牢籠不住呼喚不回殺活臨時縱橫自在其或未
然烈燄不容蚊蚋泊精金須向火中看 晚參若論
此事凡聖盡忘迷悟俱遣入我法中稍有相應如或
不然居凡聖被凡聖礙入迷悟被迷悟礙焉拈拄杖
曰山僧拄杖還有礙處也無卓一卓曰丈夫意氣于

牛斗不比尋常曲条枝 僧問如何是大悲境師曰
橋橫兩岸水遶一方曰如何是境中人師曰長年不
出戶足跡遍街衢 問一切衆生皆有佛性因甚狗
子却無師曰汝得恁麼頑賴 問如何是臨濟宗師
曰白拈未是賊 問如何是直截歸源路師曰此去
西門不遠曰卽此便是麼師曰迢迢十萬餘山志嗣
武昌圓通穎脫銳禪師僧參師問何處來曰湖南來
師曰到過南嶽麼曰不曾上山師曰往甚處走曰今
日親到圓通師曰知汝遠來費却草鞋錢多矣山翁
靈阜顯禪師上堂天上朋星現地下已成佛回頭仔
細觀虛空釘木橛大地諸衆生證龜盡成鼈文嗣
大參杜子濂居士名淡山東青州人順治丁亥歷官
藩臬受法于天童恣遊戲諸方一日訪鐵舟海于金
山士問今日大設水陸一切含靈還能度得盡否海
曰喚甚麼作含靈士曰一沾法味立地成佛海曰是
他本有非干我事士曰兩彩一賽 士遍明州天寧
少古傑相見次士問此山曾住甚麼人傑曰宋之大
慧明之祖闡至今三百年法輪再轉士指旁僧曰三

百年法輪再轉。今日和尚切莫當面蹉過。且道蹉過甚麼。傑曰。青天白日。不要說夢。士曰。善得。和尚是家裏人。傑休去。士訪石潮寧于天界。見壁上圖章。似圓相。問這箇與馮仰圓相。是一是二。寧曰。這是甚麼所在。士曰。我道是天界寺。寧曰。可惜。許士曰。三元五位。還同別否。寧彈指。士亦彈指。寧曰。是同是別。士曰。同。坑無異土。問靈雲見桃花意旨。如何。士曰。滿頭依舊是埃塵。曰。青州布衫重七觔。寧士曰。壓殺擔板。

漢山翁
志嗣

天台景星湛菴常禪師。鄭之孤山吳氏子。年二十七。上金粟披剃。侍悟老人。機語迅發。名重叢林。後受石奇雲記。蒞上堂。野干踞獅窟。山雞宿鳳棲。羽毛相似。其質難齊。妙心俱有。凡聖奚稽。大道無間。就云悟迷。所以道祖師心印。狀似鉄牛之機。不容擬議。豈假思維。卓拄杖曰。者裏擔荷得去。如獅王踞地。百獸潛踪。丹鳳翱翔。諸禽畢集。豈同依草附木。而能彷彿。還有擔荷者麼。遂合掌云。我不敢輕汝等。汝等皆當作佛。上堂。天晴日出。雨下地溼。覩面相承。何待更說。

然則事無一向。豎拄杖曰。也是泥裏洗土塊。便下座。

結制上堂。牛皮鞵露柱。露柱嗽嗽。叫露柱。桂燈籠。燈籠呵呵笑。燈籠通體放光明。露柱渾身無孔。數毗婆尸佛。早留心。直至如今不得妙。僧參纔問訊。師便出拜。僧僧對拜。師曰。一拜還一拜。你回我作甚麼。僧曰。一拜還一拜。師曰。因我得禮。你又作麼。生僧擬議。師便打出。頌萬法歸一。曰。畫橋西畔是奴家。郎若閒時來吃茶。黃土壘牆茅蓋屋。庭前一樹紫荊花。師歷住台之玉谿。黃巖。報恩。桐崗。鳳鳴。仙居。獅子。方山。景鳳。婁江南。廣諸處。各有語錄。行世。康熙甲辰閏六月。望。師示疾。和雪嶠老人逍遙歌。至二十七日。索筆書偈曰。生平于世赤條條。死了依然要火燒。珍重諸子無他說。臨臨祇乞一莖茅。塔于方山頂之左。崗石奇
雲嗣

寧波大梅法幢。禪師俗姓林。東甌瑞安人。原名增志。領鄉薦。讀書永嘉興善寺。卽信出世法。持不殺戒。所行皆放生。掩骼諸事。比見馬僧摩居士。得所引而信向益深。一日坐竹林。偶一葉飛墜。士拈起曰。是何

消息師曰。業性本空。士曰。如何。又有此業。師低頭無語。凡七晝夜不放參。一日。士舉證道歌。中水中捉月。拈得之句。垂語曰。拈得方是。祖師禪師。遽呈偈曰。迷時錯認川中月。悟了方知月裏川。一片光芒憑掬取。不須伸臂已參前。士許之。謂林子參得禪矣。因讀書頭陀山密印寺。寺乃唐一宿覺道場。見寺古將傾。即存興復祖庭之願。崇禎戊辰春。夢巨人持高燈前書。戊辰科後書。不殺不淫之報。及放榜果魁本房第一。初筮楚蒲圻。令尙廉靜汰煩。奇於慎刑獄。憐恤錄寡。嚴禁屠獵。修舉廢墜。感甘露降諸山。一日與禪者偶談。及張子韶斬家公案。以李廣石虎爲譬。僧摩卽徵師所見。師曰。一斬一切斷。士曰。此是大慧佛法。未是汝的。次日往省賀節于官塘驛。中觸藤溺器。忽大省發曰。奇哉。藤溺器其中黑漆漆。陡然看破時。雪消地上。溼土首肯之。任滿膺殊典。入館得編修。知推入翰苑。自師始讀中秘書時。至各寺與禪宿及士大夫信心者相盤桓。有門外馬蹄來作枕帷中。被子去投胎之句。散館會東宮出閣讀書。選講讀有品學者六

員。師與焉。尋遷詹事府右春坊右中允兼侍講學士。晉少詹事。充經筵講官。流氛逼犯。京師震驚。師平日卽憂深未雨。而以職在詞林。不當事任。遶變南回。弘光隆武俱以閣部大拜推擢。師知事不可爲。就沙縣呂峰逾遵老宿染衣。皇清貝勒親王亦以閣部舊銜召見。擬用師力。以僧辭得從。所請因歸密印。歷亂重興。古剎隨離。故土徧參。海內尊宿。末上雪竇茶次。談及有宿覺再來之額。石奇雲曰。還承當得麼。師曰。承當不是好手。雲曰。迴避不得時。如何。師便出他日。雲問古人道知是般事。便休喚甚麼作是事。師曰。盡力道不出。雲搖頭大笑。師曰。說是一物。卽不中。雲叱曰。更說道理。那早參次。從左門入。雲曰。何不從中門入。師曰。若是中却成偏。去雲曰。只如老僧不在禮拜。是不禮拜。是師欲進語。雲震威一喝。不覺汗下一日。雲舉香嚴我有一機。偈問師。師出禮三拜。曰。未舉已前答和尚了也。雲曰。如何。是祖師禪。師曰。寐語作麼。雲曰。如何。是如來禪。師曰。還要第二杓惡水。那雲休去。尋以偈印曰。臨濟正法眼。滅却瞎驢旁。只者破沙

益待將與舉揚雲之與師。極似應庵華之于密庵傑焉。適甬東請師住大梅雲。隨取衣拂付之。題頂相復有青出于藍之句。師以大梅乃漢梅子真舊隱。且爲唐法常禪師荷衣古院。遂欣然赴之。八百餘年寥落荒庭。案琴絕響。師不憚與諸衲子漆茅補壁。本分提持。真不減楊岐風味也。遠近趨瞻。漸成叢席。住凡六年。應甌中請開爐密印。龍象輻輳於梅。尤盛。是日小參。乃豎拂子曰。者些火種。從西天四七東土。三以至曹溪。分宗列派。自南嶽傳至大梅。已經三十六世。閱歷千百餘年。卽今又在密印寺中。冰河發燄。豆爆寒灰。直得三世諸佛。歷代祖師。天下老和尚。以及大千世界。若聖若凡。俱入其中。輝天照地。耀古騰今。且道現前還有避得句麼。揮拂曰。眉毛拶出金剛。談大地山河盡放光。小參復月初一。黃鐘應律。餘二非眞。唯此事實珍重。諸人慎莫放逸。不見僧問長慶衆手淘金。誰是得者。慶曰。有伎倆者得。僧曰。學人還得也。無慶曰。太遠生。大小長慶。歷良爲賤。山僧則不然。若有問衆手淘金。誰是得者。答曰。無伎倆者得。設曰。

學人還得也。無答曰。何曾失。且道與古人是一是二。臘八小參。鐵關樞上堂曰。雪山午夜。以拂子打。○曰。悟者一星。且道者一星。是甚麼師。亦以拂子打。○曰。且道者一星。畢竟是甚麼良久。以拂子打。○曰。我今爲汝保任。斯事終不虛也。擲拂子。晚年退居括蒼芝田。淨覺七十四誕辰。小參。老僧年臨七十五。退居蓮峰。爲靜主。本期傍壑離羣。塵誰料。拓枝還自舞。只爲君親師長恩。自慙毫髮無少補。潦倒家風繼大雄。不辭執務躬勞苦。躬勞苦。茲喜大梅密印繼席得人。規模屈指可觀。蓮峰這裏有人承當。將來可撐門戶。老僧畢竟作麼生。良久曰。存則效趙老。請喫茶去。則如潯山書水帖。次年果示寂僧問。如何是第一句。師曰。佛祖攢眉曰。如何是第二句。師曰。人天乞命曰。如何是第三句。師曰。明破不堪曰。流傳微妙訣。峰頂有人行。師曰。切莫向心安。問。一日益孟兩度。溼百巖。開粥過夏事。如何。師曰。多處添些。子曰。一喝不作一喝。用西院商量。兩箇錯。意又作麼生。師曰。少處減些。子僧擬議。師便打。問。如何是佛。師曰。爛木橛。曰。如。

何是法師曰。破草屨曰。佛法已蒙師指示。了然一句事。如何。師曰。放下著。問。丹霞燒木佛。因甚。院主鬚眉墮。師曰。不會作客。勞煩主人。師于康熙丁未秋。忽示微疾。遂拽杖還密印。至八月十二日。對衆說偈。曰。七十五年閒打哄。亦由君國出常倫。而今撒手懸崖去。一任諸方說幻眞。旋囑後事。一以儉約爲尙。稍涉世諦。非我子嗣。龜速歸土。不得久停。後有問者。惟輪十三指掌以示。至次日果起坐而逝。僧臘二十有二。世壽七十有五。塔全身于瑞安白門吹臺山之麓。

石奇
雲嗣

蕭山湘湖城山冷堂林禪師。華亭人。族姓沈。投華山一雨潤。披剃初參湛然。澄于雲門。有契入。後參金粟悟老人。入堂苦參。一夕忽覺身心廓然。毛骨俱徹。自謂有得。次早呈似方丈。悟不肯之。再至萬峰安隱二處。依侍三峰。藏頻有省。入亦未大徹。乃遠涉衡湘。遍投叢席。一時通玄奇顯寧。禮皆勸師出世。亦不願也。後遊雪竇。值雲上堂。言下徹證。命居西堂。尋受囑上堂。昨夜西風拂石龍。今朝覲面又相逢。箇中消息。

元無異想像毗盧老主翁。長江浪從來電拂。湘湖水一向從容。夜半明星當午現。扶桑湧出一輪紅。老僧病來五六載。靜依熊耳竹叢叢。唯愛閉門打瞌睡。不接中下之凡庸。張公喫酒李公醉。熨斗煎茶銚不同。大衆此是過去句。如何是現在句。良久曰。下坡不走。快便難逢。卓拄杖下座。上堂。天花飛戰碌碌瑞雪紛紛。萬方足普賢。高駕雲中來。象王蹴踏擎天木。東也卜西也卜。直得大海翻騰。須彌炭峪。東海龍王引鬚觸著帝釋鼻孔。阿修羅惡發。走向螭蜺虫眼。瞎裏揚聲大吽。唱出清平一曲。高山流水罕遇知音。鏘玉鏗金聲傳深谷。喝一喝下座。康熙戊申冬。師示寂。留偈曰。來無一絲去無一線。七十二年虛空閃電撒手。浩歌歸去來。臨行示出吹毛劒。喝一喝奄然而逝。

石奇
雲嗣

寧波雪竇山夫正禪師。嘉定陳氏子。兒時聞老宿說韋馱以世世童眞入道。遂躍然自喜。曰。我猶可及爲也。遂出家入天台。投靈鷲雲菴。染一日至通玄見悟老人。書吾宗無語句亦無一法與人。十一大字。恍然。

有省後在雪竇一日雲上堂衆纔集師出一喝曰如何答話雲默然師曰劍爲不平離竇匪藥因救病出金瓶雲便打師曰也不消得又一日上堂師問空劫已前徒指注空劫已後錯商量是否雲曰出頭來作麼師曰徧界盡非常草木何山松柏不蒼蒼雲曰你看背後甚麼人師曰錯繼席資聖上堂妄心若息東土遠勝西天雜毒猶存西天不在東土南斗六北斗七不用安排地上水天上星各安其位何待山僧拄杖子口喃喃地雖然有一著子連日事忙不曾與諸仁說破良久曰只因連月雨又過一年春師經行次一僧忽問摸著鼻頭眼睛是本來面目師曰還了得生死麼僧擬議師笑曰只此一拶便不奈何僧參師曰緊峭草鞋當爲何事僧曰覲面相呈師曰如何是相呈底句僧曰和尚向甚麼處見某甲師震威一喝僧曰蒙和尚重重看顧師曰未識山僧在僧問有箇無面目漢要與和尚相見師不答僧喝師曰背後底麼僧轉身歸位師曰你只曉得眼前不曉得背後僧無語石奇雲嗣

溧陽屏山師南旋禪師僧問人人鼻孔捺天箇箇脚跟踏地某甲因甚麼摸索不著師打一棒曰怎怪得老僧僧便喝師曰一喝不作一喝用你作甚麼用僧禮拜師便打問喚作竹篋子則觸不喚作竹篋子則背不觸不肯請和尚道師曰塞却狗口僧一喝師曰何不早喝僧無語師打一棒問蚯蚓斬四段佛性在那一頭師打一棒曰且道在那一頭石奇雲嗣宜與金沙微菴研禪師上堂禾山不是狂普化不是顛打鼓搖鈴在目前祇爲諸人不解薦生平伎倆與君傳傳不傳更何言翡翠踏翻荷葉雨鷺鷥衝破竹林烟石奇雲嗣括蒼椒山律牧制禪師紹興謝氏子一日挑稻子過溪跌落水中釋然大悟雪竇印可之後出世婁江南廣義興金沙退居洞庭天衣復繼席雪竇資聖上堂萬仞崖前撒手行等閒闖過大虛空頂門迸出金剛眼照破山河百億重召大衆曰且道是甚麼人高著眼觀喝一喝下座上堂師豎拄杖召大衆曰還見麼復卓一下曰還聞麼若也聞處精明見處透脫

當體現。前十方軒豁。橫身宇宙。獨步大方。雨致雲騰。風行草偃。到者裏。便可以津濟。四生梯航。九有頓使。人人徹見。自家本來面目。發揮本地風光。豈是分外。如或未能。但知事逐眼前。過不覺。老從頭上來。僧問法身還解說法否。師曰。汝還解問麼。僧挺帽子。拍手。三下。師曰。弄精魂。漢僧便喝。師曰。汝者一喝。落在寶家。落在主家。僧又喝。師曰。未在。更道。僧禮拜曰。和尚。是何心。行師曰。汝猶不識好惡在。師晚年退居雲蓋。至康熙壬戌三月十一日。以分衛入郡。示疾下院。遂不食。至十七中夜。索筆書偈曰。堂堂無去亦無來。體露真風。絕點埃。七十年端的。處漫隨流水入天台。擲筆而逝。塔于雪竇之妙高臺側。石奇雲嗣

雪竇祖菴弘遠紹禪師。族姓王。越之觀海衛世胄也。父母好佛。一夕夢老人云。送和尚與你爲子。師果降誕。乳名和尚。年長二十始出家。參念佛是誰。話歷五年。不契。上天童禮悟老人。力參久之。後侍雪竇雲于靈鷲看雲門。東海鯉魚打一棒。雨似傾盆。話有疑一。日侍雲次。值傍僧舉問此話。雲便打僧。又問雲。又打。

僧再問雲。再打。師在傍忽然大悟。乃出衆曰。可惜許三棒也。無一點雲白。你又作麼生。師拂袖曰。大雨來也。便出。復呈頌曰。一棒雷轟雨似傾。翻身倒擲打雲門。如今觀面無回互。東海西江一口吞。雲領之。師繼席南廣。一日問衆曰。達磨道心如牆壁。乃可入道。南廣大衆會恁麼。一回也未。僧曰。蒼天蒼天。師曰。亂叫作麼。僧曰。却爲和尚慈悲。師曰。打裂你頭。莫言不道。僧曰。針劑不入。師曰。果然不知痛癢。望日衆集。師垂問曰。十五日以前。諸佛生。十五日以後。諸佛滅。正當十五日。作麼生。道僧便喝。師曰。罵喝。僧曰。和尚見甚麼道理。師曰。親切道得一句。許你親見。南廣僧曰。也遲八刻。師曰。怪得阿誰。問明月。漸虧。師叱曰。何不道。杲日當空。石奇雲嗣

登岱僧幢建禪師。嘗在雪竇作妙高臺頌曰。石臺高出白雲隈。足底風濤萬壑催。極目崖前春正曉。好花不待鳥啣來。龍隱潭偈曰。曲澗水投渾玉屑。碧潭龍隱動蒼烟。叮嚀禪客休彈指。莫使驚人浪潑天。石奇

妙高退安道嚴恂禪師。餘姚人。姓張。原名廷賓。號客卿。以孝廉爲鄞廣文。先與密雲悟老人交契。後率衆迎主天童法席。迨出家。受雪竇雲付囑。以孫禮事悟老人云。示衆。舉王常侍到臨濟禪堂。問曰。者一堂僧衆。可看經否。曰。不看經。可習禪否。曰。不習禪。侍曰。既不看經。又不習禪。畢竟作箇甚麼。濟曰。總教他成佛作祖去。侍曰。金屑雖貴。著眼成翳。濟曰。我將謂你是箇俗漢。師曰。當時臨濟大師若無後語。幾被常侍折倒。如今又復重揚家醜。山僧罪過大衆。凡爲臨濟兒孫。直須如獅子兒。哮吼一聲。壁立千仞。始得布袋和尚贊曰。兜率陀天不住。明州市上遨遊。布袋時收時放。隨緣曠蕩。悠悠阿呵呵。你笑世間人不唧。啍我笑你忒殺賣風流。若不是蔣摩訶識破惑亂衆生。未得休。卽心卽佛。非心非佛。頌曰。卽心卽佛亦非。卽非心非佛。未爲非。自攜瓶去沽村酒。不把漁竿臥釣磯。師道風高峻。海內咸稱古佛年。八十餘嚴持戒法如新學。比丘著有瀑雪集。行世。石奇雲嗣

僧問雲門。如何是諸佛出身處。門曰。東山水上行。佛果道有問。諸佛出身處。但與他道。薰風自南來。殿閣生微涼。若問安禪則不然。但曰。我愛夏日長。人皆苦炎熱。喝一喝下座。僧參師曰。死了燒了。阿誰禮拜。僧曰。今日親見和尚。師曰。離却四威儀。向甚處相見。曰。覲面相呈。師曰。離却四威儀。僧擬答。師曰。覲面相呈。石奇雲嗣

蘇州西園澂清月禪師。上堂。連日風頭峭硬。直得滴水滴凍。聖僧裂破面門。衲子凍歪鼻孔。達磨大師暴怨當門。齒落布袋和尚。噤得眼睛無縫。拈拄杖卓一下。曰。只有者箇木上座。具大自在。有大受用。橫拈豎放。安然不動。且道他有甚奇特。得恁頑賴。遂倚杖叉手。曰。仲冬嚴寒。恭惟頭首知事。泊勤舊大衆。起居珍重。上堂看看。結制又半月。古岸風高。橫竇後衆。生役役。越光陰。把手招伊。誰肯入礙膺。有物未消除。臨岐亡羊。徒悲泣。吾有末後一句子。幾番擬說。恐饒舌。直待眼光落地時。塵說刹說一切。說諸人若也瞥地。歸堂喫茶。自知生澀。若也未嘗。記取。仲冬初一。上

堂九十日中眉毛厮結。今朝解制。便覺春風滿。煩撥放一綫道。可惜口門窄。然雖如是。震天鑼鼓洩真機。刮地笙歌太饒舌。阿呵呵。露丰骨。萬象森羅側耳聽。百億燈明熾然說。山僧忍俊不禁也。來錦上鋪花。未免應箇時節。山門頭合掌。佛殿裏燒香。卽不問汝諸人。且道十字街頭。廖鬚子。因甚當風立。若也識得此人。且喜參學事畢。其或眼目定動。一任撞頭磕額。喝一喝。上堂問世尊。未離兜率已。降王宮。未出母胎。度人已畢。和尚卽今有何法說。師曰。天寒日短。兩人共一盤。曰。與麼則大衆。霽恩也。師曰。有甚麼交涉。問昔日世尊。睹明星悟道。未審是那箇。星師呈拄杖示之。曰。恁麼則一震雷音。徧大千也。師曰。不是知音。徒勞側耳。乃曰。午夜雪山寒。面南看北斗。用盡自己心。笑破他人口。召大衆曰。不見釋迦老子。於此日打失眼睛。無處捫摸。便爾大驚小怪。自誇直與盡大地衆生。昆虫草木情。與無情同時成佛。無前後際。豈不暢哉。及乎逗到結角羅紋處。依舊祖禪。不了殃及兒孫。且道諸訛在甚麼處。遂振威一喝。曰。此時若不究。

根源直待當來問彌勒。問既是帝釋峰。因甚不執笏。師曰。天下太平。越船次有士問師。分明是船載人。爲甚喚做人。載船師曰。幾乎錯喚。汝作俗漢。師揀米次有僧問。虫喫米。米喫虫。師隨手拈一粒曰。少不得有你者一分。士問。西華和尚云。虛空無向背。因甚有東西南北。華曰。東西南北復問。師舉茶。師曰。者箇是建寧士。擬再舉。師曰。請喫茶。問某甲。眼睛突出時如何。師曰。你眼在甚麼處。曰。現問次。師打曰。未夢見在。一日。抱猫次。僧見便問。老師莫是南泉否。師遂擲猫於地。曰。今日放過這畜生。僧無語。問霜風刮地。凍雨灑空。學人擬借一滴。與波作浪。得麼。師曰。山僧只管看僧。便喝。師曰。將謂躍過龍門。元來猶帶死水。便打趂。問如何是本分一句。師曰。獅子峰與虎丘山相撲。你還知麼。曰。恁麼則非本分也。師曰。山僧罪過。師性至孝。終身有孺慕之悲。忽一日有煦然安和之色。同門道嚴。恂叩其所以。師曰。吾已整衣鉢。資立從弟。君耀爲先君子後矣。實與妙喜。果爲上下五百年有同志云。石奇雲嗣。

杭州雄聖尼惟極致禪師姚江名家女童真入道常隨父參悟老人于天童後參雲和尚于雪竇雲舉舜老夫古鏡因緣問曰古鏡未磨時如何師曰看脚下磨後如何師曰兩眼對兩眼雲曰何不舉問老僧師便問古鏡未磨時如何雲曰看脚下師曰磨後如何雲曰兩眼對兩眼會麼師曰會即會道不出雲曰是果然會道不出不會道不出師曰道箇甚麼雲便掌師曰甜瓜徹蒂甜苦瓜連根苦雲曰你又恁麼去也師便喝隨呈偈曰不具冰霜骨誰參乳竇禪斷崖飛雪處千古逼人寒次日入室雲曰昨日的作麼生師近前曰和尚喫棒有分雲曰老僧過在甚麼處師曰知恩報恩雲曰莫汚塗老僧師曰蒼天蒼天上堂神劒初離寶匣誰敢犯其鋒鈍塗毒布於太虛遠近何堪側耳豁開正眼凡聖莫測其由覲面全提萬別從教路絕遂舉拂曰還見麼見則刺破汝眼睛復喝一喝曰還聞麼聞則塞斷汝耳根衆兄弟離却見聞向甚麼處安身立命若是真正參學人上不見有諸佛下不見有衆生外不見有山河大地內不見有見

聞覺知萬緣放下大死一回方許你有喫棒分何故響絕後再甦欺君不得上堂幾度扶筇懶出山蕭然無事白雲間深林野鳥難尋覓鎮日千峰相對閒風凜凜水潺潺若人問我生緣處舜水姚山孰敢攀我手佛手驢脚生緣喝一喝曰撲落非他物縱橫絕往還上堂向上機末後句利似箭疾如雖瞎得眼來是幾時新羅鷄子遲拈棒一時打散上堂德山棒臨濟喝無孔鐵鎚當面擲大丈夫須猛烈從前伎倆一時歇拶破虛空知不知開眼明明休著賊咄百丈耳聾黃檗吐舌拈去佛祖機拔却繫驢橛元鳥語幽巖清風來不絕直得天花亂墜地涌金蓮百草頭上放大光明龐公靈照在山僧拂子頭上合掌讚歎且道渠讚歎箇甚麼舉拂子曰武陵春已老臺榭綠陰多上堂百草頭上薦取老僧十字街頭識取夫子喝一喝曰擬議思量劒去久矣卓拄杖曰有句無句如藤倚樹日映晴街寒風匝地樹倒藤枯句歸何處一棒當頭打出骨髓衆中還有知痛癢者麼良久曰大衆天寒久立伏惟珍重上堂當機覲面提覲

面當機疾南山鼉鼻蛇相見不相識今日正當前幾箇知端的喝一喝。上堂橫按拄杖曰殺人刀活人劍直下與君通一線寒風凜凜立當頭拶著依然須自薦星馳電卷露神機鐵眼銅睛覷不見豎拄杖曰看劍震聲一喝曰直得通身冷汗流漢王已過鴻門宴卓拄杖。上堂海嶽震虛空裂凜凜威寒不徹三頓烏藤孰放行金剛寶劍當陽截一喝縱橫雙耳響黃檗無端驚吐舌奔流度刃不知忙鐵脚波斯遭點額以拂子打○曰真不掩偽曲不藏直。上堂獅子兒任哮吼戴角擎頭空裏走終朝踞地振全威贏得通身都是口吞却楊岐栗棘蓬放出子湖一隻狗忽然撞著獅子端好手手中呈好手等閒拈起破沙盆一一面南看北斗喝一喝曰若向這裏承當許你權衡佛祖規鑑後昆又一喝曰若向這裏承當倚草附木自救不了良久曰大衆且道一等是喝又作麼生分疏復喝曰鷲王擇乳素非鴨類。問如何是君師曰深殿無人見如何是臣師曰殷勤問至尊如何是臣向君師曰德化清寰宇如何是君視臣師曰恩

◆項禮頂

光照九州如何是君臣道合師曰天長地久日月齊明。問如何是賓中主師曰風清月朗如何是賓中賓師曰萬里風塵如何是主中賓師曰入鄺垂手如何是主中主師曰大坐當軒曰天不能蓋地不能載又作麼生師振威一喝曰坐斷白雲峰頂上大家齊賀太平時師曰禮拜了退。問雪嶺分枝遠靈峰一脈親如何是臨濟宗師曰當門火箭如何是雲門宗師曰腦後金鎚如何是曹洞宗師曰寒如霜雪如何是潯仰宗師曰活似龍蛇如何是法眼宗師曰夜半太陽暉曰宗旨蒙師指臨機句若何師曰不許夜行投明須到。問昔日趙州老漢見人來便云喫茶去今日和尚見人來將甚麼祇待師曰飲者也須嘔却曰蒼天蒼天師曰叫甚冤苦。問如何一喝是金剛王寶劍師曰魔宮膽喪如何一喝是踞地獅子師曰野獸潛踪如何一喝是探竿影草師曰賊身已露如何一喝不作一喝用師便喝僧亦喝師曰險。問如何是學人用心處師曰切莫問人曰古人用心又如何師曰鷲子過新羅。康熙壬子閏七月二十六日。

師至姚江示疾遣弟子速法嗣靜諾越至遂辭衆越出問曰四大分張向甚麼處去師曰月到天心皎曰如何是到家一句師曰日出事還生語畢跏趺而逝塔于黃雀山永慶寺側

石奇雲嗣

五燈全書卷第七十五

五燈全書卷第七十六

京都聖感禪寺住持臣僧 超永 編輯 進
京都古華嚴寺住持臣僧 超揆 較閱

呈

臨濟宗

南嶽下三十五世隨錄

蘇州秀峰岫雲璋禪師長洲顧氏子年十二白父求出家投虎丘西隱房本如披剃取名法恒年十六探茶入茗山虎爲引道黃石齋太史異之曰此沙彌他日豈與祖庭無疑也年二十五隨古南門謁天童悟於大鑒堂旁僧曰此僧從虎丘來悟曰我早已識渠

命隨衆滌食器每進方丈參諮屢遭痛棒門呼之曰爾滌食器多時摸著碗底否師大疑猛力參究忽一夕下單捲簾洞然大徹亟趨見悟悟曰作麼師便展坐具禮拜曰謝和尚不通一線之恩悟微笑而頷之親炙既久將辭行悟曰聞汝在山打飯牧書記是難親近的人汝善事之後門開法古南命師爲第一座一夕晚參門曰心生大歡喜自知當作只是下面一箇字山僧續不來請大衆續看師出衆曰賊門可之乃付源流衣拂偈曰太白寮中曾九拜荷擔大事許英靈只今致囑無他語大器由來必晚成 住秀峰上堂今朝十月十有五初構茅堂擊法鼓雖然此地舊祖庭數百年來少香火病僧養病煨藥爐豈暇開爐煨佛祖現前一衆賢兄弟各自摩視并擦禪阿呵呵太湖三萬六千頃秀峰插天青一朶仔細看莫聽鹵甜瓜徹底甜苦瓜連根苦以拂子擊禪床 挂鐘板曰上祖風流叢林標格滿耳非聲滿眼非色畢竟明明是何物遂擊曰一椎打就徹髓徹骨 小參萬法是心光銀山鐵壁諸緣惟性曉鐵壁銀山直下透

得本無迷悟人其或未然只要今日了 康熙丙辰
六月師示微疾二十一日沐浴更衣留偈曰吾年六
十七世緣今已畢長歌歸去來扶桑日初出泊然而
寂塔全身吾家山麓牧雲門嗣

嘉善大勝崇已峻禪師吳興施氏子母夢旛蓋擁異
僧入室而生襁褓中解稱佛號髫年失怙恃決志出
家投嘉善慈雲禮秀峰薙染往參金粟乘求進堂結
制參萬法歸一話至第七日早行至殿聞打鐵聲有
省詣方丈呈所得乘曰不虛此來師禮退復上天童
掛搭堂中一日維那監香問師曰別人經行你在此
做甚麼師掣香板便打那退後師曰接取香板去那
無語師曰不是弄潮人休入洪波裏一日首座落堂
勘問師經行不顧座劈胸扭住曰你也道道看師便
掌座曰未在更道師復掌座休去時一衆駭然解制
後再參古南門命頌靈雲見桃花公案師曰眼睛打
失桃花裏本末相通不自私獨有玄沙能合調一回
拈出一回奇門頷之晉後堂職由自晨參夕叩痛拶
深錐輒欲呈解便遭熱罵將從前所得一旦釋然門

鳴鼓上堂授師衣拂源流出住武塘大勝 上堂問
如何是宗門中捷徑一路師曰十字縱橫曰如何履
踐師曰驀直去乃曰一炷香焚三通鼓罷八字打開
十字成現有眼共見有耳共聞不是諸佛機亦非祖
師意若是箇漢聊聞舉著一肩承荷得去則事出當
然多少省力便能握金剛王寶劒七縱八橫受用自
在控過量機發過量用雖然不可便喚他作過量人
何以阿呵呵好大哥那箇男兒不丈夫卓拄杖下座
上堂時節不相饒又逢六月望不扯開葛藤直截
提向上遂拈拄杖卓一卓喝一喝 秉拂小參心生
法亦生心滅法亦滅心法兩俱忘紅爐飛片雪到者
裏取不得捨不得是不得非不得名不得狀不得臨
濟喝拈向一邊德山棒置之一處敢問衆兄弟如山
河大地見聞覺知且道是心耶是法耶欲得不招
無間業莫謗如來正法輪 小參山空木落古佛家
風月白霜清衲僧活計若能從自己庫藏中運出七
珍八寶堪與從上佛祖把手共行金聲玉振電卷星
馳隨處皆真全彰寶印還委悉麼家家門前火把子

小參新月挂檐牙寒松喧夕籟萬古不異今千聖

無別道非心非物非色非聲到者裏不論智如鶩子
辨若滿慈貴在當陽直入還有與麼人麼其或未然
靠拄杖曰放過一著 小參談元談妙說性說心俱
是諸方煎過底藥滓行棒行喝舉古舉今乃是弄翻
獼底家具峻上座今晚總不恁麼要與衆兄弟別開
一路獨步大方驚擲拂子曰看脚下 小參師豎拄
杖曰不可以有心求不可以無心得不可以語言造
不可以寂默通且道作麼生得相應去拈拄杖卓一
卓曰嘉善原是魏塘鎮 問如何是座元師爲人處
師曰劉僧擬議師便打 問如何是天童境師曰廿
里徑松千里秀萬工池水四時清曰如何是境中人
師曰巍巍堂堂煒煒煌煌曰謝師答話師噓一聲
師于康熙甲寅八月示疾至重陽日沐浴更衣問衆
曰此是甚麼時節了衆曰日中午時師曰胥山東北
虛空迸裂乘此而行正是時節且道老僧行到甚麼
處去衆中還有道得的麼衆無語遂大喝一聲而逝
世壽六十有五僧臘四十奉全身塔于祖燈菴之西

北隅古南門

汾陽龍光達本元禪師上堂問正大光明日被日光
所轉夜被月光所轉黑暗被燈光所轉請問和尚如
何不被一切所轉師劈頭打曰照天照地無遮礙僧
失色師乃曰父母未生前鼻孔掇天脚跟朝後眉毛
向前大衆會麼者僧所問不被日光所轉月光所轉
不被黑暗燈光所轉你自己帶得一片鏡不識喝一
喝下座 問如何是弟子安身立命處師曰上是天
下是地牧雲門

湛虛微禪師參古南門充西堂一日瑋首座秉拂上
堂師問曰格外酬機卽不問箭鋒相拄事如何座曰
兩眼對兩眼師曰恁麼則有意氣時添意氣不風流
處也風流座曰難瞞識者師曰非兄不委座曰塗污
人不少師便喝牧雲門

松江南禪識得純禪師成都資縣賈氏子幼失怙特
投東臯脫白原名果程參天童悟棒頭有省譽騰叢
席後佐古南門付囑歷住玉峰度門吳江黃溪上堂
我本無生應緣而有二由一有一亦莫守拈拄杖曰

者箇木上座不從前際生不從後際滅諸人還識得麼若識得一念不生前後際斷用勸自覺之智刃剖開纏內之心珠如其未委不覺日又夜爭教人少年

牧雲
門嗣

紹興雲門雪白禪師吳江人十九薙染潛心教觀因詣博山受具力事參究再謁天童悟于育王纔擬問悟便打如是數問數打忽得入處趨方丈呈所見悟曰適來且置祇如昨夜老僧舉洞山撥過菓桌因緣汝試下一語師便作據桌勢悟曰未在更道師掩耳便出悟便休值古南門住棲真舉師充第一座茶次門曰一切公案當以薰風南來之旨爲第一師曰道甚麼門曰汝意如何師抖擻便起門曰是則是恐墮毒海師便喝門休去住寶掌因雪示衆連日雪霏霏行人盡皺眉竹橋山店遠路滑酒帘迷白野蒼溪斷疎籬玉巘低山僧無剩語怕冷挂柴扉若會元中的頭頭是上機因雨上堂山菴連日雨聲不息直得若耶溪動底奔雷秦望峰迷天潑墨柴關晝掩寒香拂拂一一皆呈奇特正當恁麼時真實受用一

句又作麼生裱被蒙頭萬事休此時山僧都不會一日知客領新到僧禮拜師曰作甚麼曰請和尚明日上堂師劈脊便打曰爲甚麼師曰與汝上堂了也僧便禮拜師曰劒去久矣示衆半雨半不雨千峰布袋裏欲晴不得晴淡日吐圓晴我也惺惺你也惺惺若也見未徹新羅昨夜打三更示衆山僧院子初住百爲未集那討得箇閒工夫與衆兄弟說話雖然還有撥忙作閒笑傲林泉者麼一曲兩曲無人會雨過夜塘秋水深上堂舉天童師翁因僧問離却拄杖子請師道一句翁掌曰不是拳頭定是巴掌僧禮拜翁更以脚踢曰更有脚尖在師曰者僧只解馬前潑水不解馬後收滴若問白上座離却拄杖子別道一句但與呵呵一笑管教這漢疑三十年上堂妙辯非干舌談元口不開鴉鳴并鵲噪蚯蚓舞三台百口同一舌并將致問來一僧出欲禮拜師曰拈却門前下馬臺小參舉雪菴上堂曰乍住城隍寺無東又缺西汝纔擡眼看我便放頭低鬚髮白如雪身心爛似泥本來無佛法何處是全提後來有箇雅

山曰水自悠悠雲自閒紫塵原不異青山缺長欠短尋常事只恐葫蘆醋不酸師曰雪菴語不關風雅山綿中有刺山僧則不然倦臥雲屏歲月流閒攜竹錫立滄洲客來席地無他供銀海千峰月一鉤據室以拄杖按膝曰近來師僧家箇箇水瀉瀉地自謂不避風雨而能躡足龍門不知新報恩鶴髮鷄翁那討得閒工夫與汝撩鉤搭索棘句鉤草畢竟如何擲拄杖曰新羅附子船上茴香牧雲門嗣

興化完白壁禪師久在古南位下充維那一日問瑋首座曰如何是師眼目座舉起素珠師曰昔日典座踢倒淨瓶便住瀉山意旨如何座放下素珠師曰古南一枝正法眼流出梅溪遍界香師以遊戲神通爲佛事臨寂之日預誡太史周漁曰我死了燒了將骨散四野池塘裏免得留作笑話取琴撫曲而逝茶毗後周太史收骨貯錫匣外裝檀匣供花園槽中一夕誤爲盜負去太史追尋虔切感神示夢果得迎獲建

塔焉

牧雲門嗣

泰興長生印象證禪師出隊回上堂一向孤峰獨宿

坐斷白雲終不妙一向十字街頭拖泥帶水太無端祇貴多頭不住獨脫自由可謂鬧市裏天子百草頭祖師逢人乞得一文錢風流滿世且教鉢孟口向天此話大行良久曰看看只要臨行乘快便腳頭脚底好生涯牧雲門嗣

金陵蔣山圓明顯禪師參古南門於棲真門曰你號甚麼師曰圓明門曰如何是圓明底事師呈頌曰頂門正眼極圓明廓地挾天本現成直下一錐錐瞎了濟宗之道始流行牧雲門嗣

佛國南音言禪師結制上堂舉臨濟上堂曰有一無位真人常在面門出入未證據者看看大眾還看得臨濟無位真人著落處麼若也看破不直一星子適或低頭妄想冷地追思不惜老婆舌頭分明指出以拄杖東西點曰蔣山作眉元湖爲目正體堂堂何煩卜度還見麼如不見未免布袋頭却被山僧把住且過一冬直待來春爲汝等道破振威一喝曰伏惟珍重臘八上堂不觀青天大日輪却於夜半觀明星瞿曇有眼成顛倒錯認葫蘆作帝瓶祇如今日不錯

認時且又誰迷誰悟誰見誰不見還委悉麼以拂子打圓相曰高著眼我不敢輕於汝等汝等皆當作佛解制上堂打開布袋頭放出摩霄鷲繫箇水雲包江南與江北芒屨抖擻舊蝦鬚那管石頭滑不滑所以道去去實不去途中好善爲來來實不來路上莫催回若論去實不去來實不來爲甚又道箇途中善爲路上催回底道理現前大衆若向者裏個儻分明佛國寺裏一冬鹽醬庶不狼籍設或不知東西不識好惡那識他家門戶諸人性命依舊落在山僧手裏雖然如是逗到今日山僧索性做箇好人將一首古人現成詩爲諸大衆留別去也楊子江頭楊柳春楊花愁殺渡江人數聲羌笛離亭晚君向瀟湘我向秦

牧雲
門嗣

嘉興天寧古雲傑禪師上堂昨日春雲變盡今朝春日晴明黃鸝樹底兩三聲當陽顯出毗盧印靈利衲僧若能機先委悉何煩擊鼓鳴鐘更要重陞斯座大衆豈不見世尊道汝等以緣心聽法此法亦緣非得法性衆中還有不以緣心聽法而得法性者麼不妨

出來與天寧相見喝一喝卓拄杖佛成道日上堂舉拂子召大衆曰見麼良久曰古佛過去久矣汝諸人在這裏覓箇甚麼下座普茶示衆九旬安衆空中求鳥跡結制開爐水底覓魚踪諸人洗面摸著鼻喫茶打溼嘴向箇裏一肩擔荷得去說甚麼教外別傳祖師心印設使未得前頭大有霜雪在示衆四月郊原烟雨足今朝恰值是十六殿前紫燕語喃喃露出本來真面目問大通智勝佛十劫坐道場佛法不現前不得成佛道意旨如何師曰此問不惡問如何是本來面目師曰本來無面目曰學人禮拜去也師曰有甚交涉問如何是佛師曰山僧有眼不曾見

牧雲
門嗣

嘉興古南忍可持禪師小參今朝臘月一流光催歲急飛雪亂長空人面生寒色饑鳥噤不鳴梅帶初春白全發祖師機大半成狼籍且道那一半響被蒙頭正好休山僧此時都不識寶華和尚入祖堂上堂法苑花零春老去昨宵夢覲故人來音容笑語還如舊脫落皮膚悟劫灰大衆皮膚既然脫落何更有

音容笑語。你若作夢。會不快。漆桶不作夢。會漆桶不快。畢竟如何。簷聲不斷。前旬雨。電影還連後夜雷。

晚參。今宵十七日。月向黃昏出。浮雲鼓太虛。蟾影無踪跡。以拄杖作○。曰。爾等還見月麼。見得者不妨入方丈。通箇消息。晚參。老僧今晚有句。超佛越祖之談。舉似大眾。復搖手曰。六耳不同謀。示衆佛法無多。子久長難得人。古宿。怎麼道美則美矣。善則未善。老僧即不然。佛法遍天下一時難得。人大衆且道。古宿說底是老僧說底。是有人辨得二十棒一棒也較不得何故。古南門下賞罰分明。示衆鼓響不因椎。輓毬焉用手。薦得古人機。面南看北斗。然雖如是。禾山與雪峰。不是我同流。冬至小參。羣陰剝極。陽添一線之長。律管葭飛。書記五雲之瑞。冰河發燄。草木萌芽。情與無情咸回。淑氣因甚。你衲僧家鼻尖頭寒涕不收。脚跟下凍血未乾。爲復是絕後未甦。爲復是時節異人。喝一喝曰。五九盡處是逢春。示衆達磨特來東土。二祖徑往西天。且道此二人還有過也無。良久曰。明日大悲院裏有齋。天寒日短。兩人共一碗。

示衆臘月廿八日。北風催歲急。中有一件事。要且無人識。且道是甚麼事。曹操下東吳。燒赤江邊壁。元旦上堂。天得一以清。地得一以寧。且道衲僧得。一又如何。三間茅屋。一蒲團客。至何妨。從定起。復舉僧問古德。如何是新年頭佛法。德曰。張公醉却李公酒。師曰。古德怎麼道。是則雖是要。且無佛法。若問古南。如何是新年頭佛法。但向他道。癡漢佛法有甚麼新舊。他若擬議。劈脊便棒。大眾還見古南爲人處麼。卓拄杖下座。元宵示衆。彈指流光半月。又是元宵時節。梅里雖無燈。看戶戶光明。不缺古南院裏寂寥。賴有燈明。古佛蝦蟇。蚯蚓蠃日。與眉毛。撕結於中。更有誰親。乃展手曰。無涉。晚參。雪霰重臨。二月中梅花零落。杏花紅都來認作閒題目。無位真人那得逢。山重重。水重重。吹面不寒楊柳風。報諸人好追蹤。自南自北。自西東。晚來無限意。雲散月當空。牧雲門詞蘇州無量可生慈。禪師小參道。遠乎哉。觸事而眞。聖遠乎哉。體之卽神。如是則全眞卽體。全體卽眞。在凡不滅。在聖不增。在凡不滅。衆生度盡。河沙佛在聖不

增諸佛何曾度一人諸佛與衆生本是同源雖然恁麼且道山不是山水不是水一句作麼生會卓拄杖曰自是不歸歸便得五湖烟景有誰爭牧雲門嗣

匡山萬松聞極定曇禪師江西南昌人初爲講主因慕宗門往參古南於鶴林不值遂之虞山與福門問曰上座那裏來師曰匡廬門曰舟來陸來師曰舟來門厲聲曰楊子江濤甚險上座在那裏安身立命師曰和尚住持不一門曰倒是箇本色住山人師曰和尚萬福門曰你住山見箇甚麼道理師曰某甲不作道理會門曰將你平日所參得底直說來師曰參箇死了燒了如何是本來面目話一夕步月懸崖被跌有省呈偈曰死了燒了虛空隨倒本來面目風清月皎自覺有箇入處門曰怪得你來見老僧一日又問黃檗三頓棒落在你頭上時如何師曰恩大難酬復呈頌曰臨濟三頓棒落在我頭上切切老婆心叢林作榜樣沒榜樣冤債相符誰省放大鵬入海取龍吞無風激起滔天浪門覽畢曰只此一偈可紹吾宗牧雲門

慧山十洲瀛禪師小參萬法歸一一歸何處嘉州大衆生鐵鑄主人公在甚處有利無利不離行市話頭歷歷分明拄杖時時出氣禪和子無汝棲泊祖師心不用安置薰拈拄杖曰識得這箇打門槌各自歸家作活計大衆還會麼山僧更與你通箇消息拽拄杖便歸方丈僧問如何是西來意師曰何不問自己意曰如何是自己意師曰當觀密作用曰如何是密作用師喝一喝曰還知慧山作用麼僧無語師曰但於事上通無事見色聞聲不用猜牧雲門嗣

福建南山雲門二勝修禪師崑山李氏子初遊庠後棄家行脚得法古南上堂凍雲變巖朔風凜冽法雨未收法鼓乍歇世界圓無漏泄分明萬里一條鐵不結結裏何曾走却鼉結不結珊瑚枝枝撐著月小參泗洲大聖楊州出現聞名不如見面頭蓬鬆眼卓朔見面不如聞名薰豎拂子曰正當與麼時如何百年三萬六千朝上堂達磨西來不立文字直指人心見性成佛則蒼頡何須製字李斯何須籀篆直得淨裸裸赤灑灑雖然如是若是過量人移東就

西將無作。有不妨。斲五嶽爲硯。捏四大洲爲墨。束天下叢林爲筆。汲大香海水爲墨池。展虛空作紙。東記西記。大書特書。且道書箇甚麼。記箇甚麼。是何章句。云何受持。不是阿難結集。亦非摩騰翻譯。自梁普通七年九月二十一日。未了底公案。今庚子十一月二十七。日雲門寺裏。不肖兒孫爲他了却。卓拄杖一下。謝戒持盃上堂。時節至今。日陰消陽。自旺北來。鴻雁帶霜飛。嶺上梅花。冲雪放。禪歸海。經歸藏。且道波羅提木叉。歸到甚麼處。此夜月明。人盡望。除夕小參。記得年初一。於今又除夕。日月分明。似箭流。怎教不白少年頭。還有不面陰陽。倒行節令者麼。總有也是野狐精。問至道無難。唯嫌揀擇。如何是不揀擇。師曰。夾岸桃花。風雨後。馬蹄何處避殘紅。問丹霞。燒木佛爲甚。院主鬚眉。墮落。師曰。賺殺人。問大通。智勝佛十劫坐道場。爲甚麼佛法不現前。不得成佛。道師曰。莊子註郭象。問若能轉物。卽同如來。假如壺公山巍然獨峙。如何轉得他。師曰。壺公山轉也只。是汝不見。問文殊是七佛之師。爲甚出女子定不。

得。罔明是下方菩薩。爲甚麼出得女子定。師曰。好事不如無。問如何是多福。一叢竹。師豎起五指。牧雲門臨清大藏。桂昌銳禪。師上堂。布袋頭從今。拶緊安樂神。時時應現。塗毒發震雷之響。海潮宣時至之音。刹塵非遠。剎那非促。放開也。由我捏聚也。由我驀豎拂子。曰。會麼。衆顧視。震威一喝下座。上堂。問無手人行。拳無舌人解語。學人卽今要請無舌人說法。師便打僧。便喝。師曰。開口成雙。擬僧擬議。師曰。揚眉落二三。乃拈拄杖曰。未學禪。前法音已徧。未開口處。調唱已伸。又何須無舌人說法。無手人行。拳仰之彌高。鑽之彌堅。瞻之在前。忽然在後。汝等諸人。向甚處著眼。卓拄杖曰。鯨吞海水。盡露出珊瑚枝。上堂。問驢覷井。則不問。如何是井。驢曰。六月炎天。降寒雪。曰。奇哉。奇哉。師曰。三冬嶺上火雲。多曰。甚奇哉。師打曰。汝不會我語。乃曰。驢覷井。井。驢。恁麼提持。知音有幾。拈拂子拂一拂。曰。直下會得。不用重舉。知音知後。更誰知。笑倒繩床老古錘。一文大光錢。買箇油磁甕。在肚裏了。當下不覺饑。呵呵。會也麼。六月炎天降。

寒雪三冬嶺上火雲多喝一喝 示衆問蓋子落地

因甚磑子成七片師曰那箇向你道僧禮拜師曰妄語不少問萬法歸一一歸何處師曰手長衫袖短脚瘦草鞋寬乃曰握大千如陶家輪運大千向鍼鋒上則且置拈拄杖曰大用現前不存軌則卓一卓曰掣電機直下掃烈烈轟轟臨濟老臨濟老察秋毫坐斷雲山不放高復卓一卓曰獅筋一奏羣音絕劫外春光亘古饒 晚參才質敏慧必生驕矜之氣博學強記必生滿足之情勞利相資必生傲慢之狀鈍根微賤必生下劣之想顧視左右曰山僧這裏無此惡類盡是寒山拾得掣風掣顛喝一喝 上堂爲道不憂則操心不遠身處放逸則用志弗洪逞唇逞舌逞伎逞能譏他英俊道流高超獨步喝一喝曰從來脫略無窠臼 示衆德山入門便棒臨濟入門便喝左邊荊棘林右邊毒蛇橫轉得身進得步佛祖羅籠不肯住拈拄杖曰若到大雲門下更參三十年牧雲門嗣嘉興萬壽止彌連禪師示衆霜風刮刮來吾榻一夜翻身有幾遭此箇宗乘誰不識何須終日口叨叨

示衆是法平等無有高下因甚麼昨夜西風起吹散

一天雲參 元旦示衆舊冬常住務重豎起禪堂

又種松欲作祖師真嫡子莫辭艱苦惜形容牧雲門嗣

舒州三祖白峰新禪師楚之孝昌傅氏子上堂以拄

杖橫案曰我爲法王於法自在復卓拄杖曰西天四

七東土二三諸大善知識總教休去歇去看木上座

爲衆闡第一義諦去也良久顧衆曰還聞麼一曲兩

曲無人會雨過夜塘秋水深擲拄杖下座 僧問如

何是大覺師曰村裏老婆踏水車牧雲門嗣

舒州懷寧延壽寺善意林禪師楚之衡州人僧問如

何是延壽境師曰皖江門外深無底曰如何是境中

人師曰山口街頭乞一文牧雲門嗣

武康白雪懸崖行筏禪師禾之陸氏子繼席古南上

堂德山棒拄戶挑包臨濟喝驅奴逐婢正法眼築著

碓著破沙盆東擲西拋漁歌牧唱總是發揮本有風

光社酒村醪無非全彰妙明真性即今斬新條令又

作麼生喝一喝曰莫將閒學解埋沒祖師心牧雲門嗣

法輪石隱貞禪師示衆抗聲曰今朝是四月八日若

是的當漢全身便擔荷去作一員灑灑落落了事。凡夫良久無人出。乃曰。莫怪。山僧把第二杓惡水潑你。要我說禪。禪無名相。要我說道。道非言說。欲待總不說。有般不唧溜的。便認定無言說爲極。則坐在黑山鬼窟裏作活計。到這裏難爲啓口。昨日在郊外遊戲。見幾箇牧牛小孩子猜啞謎。曰。天晴地下。乾落雨地下。溼上山。滾石頭滾在下山。出斧頭鐵打的。飯甌兩頭空。幾箇蠢小斯。當面錯過。山僧直得通身慶快。今日拿來應箇時節。若作佛法商量。帶累三世諸佛。眉鬚墮落。若作世諦流布。則辜負山僧畢竟如何。擲下拂子曰。寧可截舌不犯國諱。晚參。令宵四月半。庫中無一物。以拂子畫_○。以此當換茶。普請諸人喫。若足飽參禪子。直下如飲醍醐。衆中有吞吐不下者。更爲你葛藤。一上遂舉芭蕉和尚道。你有拄杖子。與你拄杖子。你無拄杖子。奪却你拄杖子。仔細檢點將來。也只道得一半法輪。卽不然。你有拄杖子。與你拄杖子。你無拄杖子。奪却你拄杖子。晚參。豎拂子召大衆曰。這箇不是色。擊拂子曰。這箇不是聲。聲色裏薦

取聲色裏好橫身。佛殿走入廚庫裏。燈籠緣壁上。天台東家杓柄長。西家杓柄短。鐘樓上唱讚。床脚下種菜。又有甚麼過。其或未然。只知事逐眼前過。不覺老從頭上來。他時後曰。莫怨山僧不竭力相爲。_{牧雲門}舒州天竺山破笠慙禪師。姓孔氏。中州人也。僧問。如何是天竺境。師曰。麓奇山上水白浪滔天。曰。如何是境中人。師曰。老僧北直人家住。江南曰。爲人句。對師曰。活藤條按著雲頭不放。高僧作怕勢。師拈拄杖一卓曰。這裏是甚麼所在。僧無對。師便行。示衆舉一宿覺曰。三身四智體中圓。八解六通心地印。師拈拄杖曰。豈不是體心地印在什麼處。良久曰。歸堂喫茶。_{牧雲去門}

杭州多福商子啓禪師。吳江人。族姓葛。年十三投虎丘等慈閣出家。十七落髮。曰夕禮誦法華經。于惟此一事實下。卽有信入。遂上天童。執侍八載。每欲啓問。悟老人屢加痛棒。不許開口。往參語風信老人于雙徑。信問。那裏來。師曰。天童信。曰。天童有何言句。師曰。一棒一條痕。信曰。治你這般魔子。魔孫。師曰。天下人

跳不出信曰徑山老漢。師遂禮拜曰某甲罪過再上天童問生死不明乞垂開示。悟又打出曰汝自會去時牧雲門在記室。師詣寮問曰老和尚打出意旨如何。門拍桌曰我不打你師于言下有省徵詰古人公案皆能了。獨于女子出定因緣不能打。徹後因侍石奇雲于興化。關前遇夜熱甚倚欄杆立一陣雨過。師竟不知擡頭見明星朗月徹體清涼。卽呈偈曰女子出定瞿曇不正文殊罔明。隨邪逐令雲徵曰喚甚麼作定師一喝便出次日卽述偈寄門曰海涌峰前禮別時。至令端的望垂慈。天童寺裏蒙開示。普潤菴中打失疑。覲體看來全體露。知恩纔曉報恩遲。自慙無物呈琬座。舉手椎胸也是虛。後侍雲至古南二老人。事畢門喚師曰女子出定意旨如何。師曰六耳不同謀。便出二老呵呵大笑。追雲化去師仍侍古南後。膺付囑牧雲門嗣

虞山興福平巖定禪師。浙東姚江蔣氏子。岐嶷不凡。詩書過目成誦。年十六知有宗乘。中事閱南泉三不是。語心輒驚疑。遂辭親禮四明法海裕如而薙染焉。

受具金粟容再參大覺瑋。椎拂之下雖覺釋然終不自許。復謁古南門于天童。問學人不得力時如何。門攜師手出方丈曰。但恁麼去。師有省。其冬命列侍司。繼充知浴掌記室。服勞十載。每以已事請益。門瞪目直視。維以詬訾。師嘗慙悶欲絕。除夕偶聞爆竹聲。廓然大徹。口占爆竹頌八首。歲旦上方丈門笑曰。且喜子大事了。畢師拂袖便出。秋季受記荊卽結茅于塘棲。額曰六息。韜光七載。門貽書命住虞山興福北游住。都城廣音鐵佛二刹。小參卓拄杖曰。一不做二不休。不是冤家不聚頭。莫擬議漫悠悠。切莫騎牛更覓牛。落三落四非好手。單刀直入破。○州時有僧突出作禮。師便問。○州作麼生。破僧罔措。師以杖約退。曰幾經汗馬功。當識須信橋流水不流。晚參一七二七。神疲力竭。初三十一原是。好日有話請問。有疑請決。面赤不如語直。何妨證龜成鼈。免得向背地裏點胸點肋。何礙當面說黃道黑。豈敢壓良爲賤。阿誰皮下無血。明未明徹未徹。漫道迦葉不聞聞。世尊不說說。冬至上堂。今日乃冬節之辰。山僧因連日事。

繁精神疲憊。咳吐喘息。不能說法。只得效慈明。揭榜僧堂。聊借拂子柄。畫出③④諸人。若向者裏會得。不特應時及節。堪作當家種草。師于康熙辛酉春。末示疾。至浴佛日。上堂辭謝。望日以興福委門人。燈巖德鐵佛委吼崖。有垂示教誡諸語。語次日。張聖階問和尚。還有分付也。無師展兩手曰。與麼來。與麼去。有甚分付。越七日。闍維塔于西山廣泉寺一指室之西。麓壽五十有五。臘三十有二。牧雲門嗣

廬山圓通崇勝雪田禪師。示衆舉外道問佛不問有言不問無言。師頌曰。駝子哭哀。哀死無曲棺材。有株曲松樹。那得曲踞開。萬杉僧來拜問。和尚這裏有兵過麼。師曰。一箇東瓜。如椰子大。爲甚麼重七十觔。僧茫然。師曰。不消鹽蘊。僧又無語。師曰。不枉從萬杉來。南泉斬猫頌曰。兩堂俱是作家流。冷地看他徹底羞。只得一刀遮掩過。至今搬弄死猫頭。牧雲門嗣嘉興古南省菴。由禪師上堂。形名未兆。聲色未彰。如鏡對鏡。似空空。綿綿密密。密密綿綿。正當恁麼時。臨濟喝如雷奔也。無用處。德山棒如雨點。且過一邊。

牧雲門嗣

京口鶴林天樹植禪師。虞山劉氏子。年十五投本邑破山禮遇菴德爲師。十九始落髮。二十謁古南門于惟實。居舉本來面目。話門曰。汝且隨我往頂山寺去。回來與汝說門。回師晚啓曰。如今求和尚開示門。驀豎起拳曰。這樣大栗子。汝喫得幾箇。師忽有省。遂起立曰。美食不中飽。人餐門笑曰。只恐不是玉。是玉也。大奇。師曰。何奇之有。門領之。師膺門最後之囑。繼席鶴林。上堂。今朝四月十五。鶴林擊動法鼓。摩笄嶺忽爾點頭。鴻鵠山欣然起舞。蘇公院裏好鳥鳴一聲。兩聲。周子池邊。野花開三朵。四朵。真如妙體。般若圓音。無蓋無藏。亘今亘古。報諸人休莽。鹵說甚。趙州無雲門。普若能直下便知。歸立地。頓超諸佛祖。上堂。德山逢人痛棒如雨。臨濟逢人熱喝如雷。趙州喚人喫茶去。金牛喚人喫飯來。老我生平百不會。終朝兀坐杜鵑臺。雖然就有箇好處。且道好在那裏。山靜日長閒。不徹笑看花落。又花開。示衆。一春多病臥禪房。懶與諸人說短長。不怕葛藤陳爛却。大都此事

絕商量急薦取莫荒唐流光倏忽催人老嫩絲駸駸已過牆。示衆休休休得風流處且風流歇歇歇裏何曾走却驚休不得歇不得知汝胸中各疑惑兩箇五十是一百咄。僧問釋迦彌勒猶是他奴未審他是阿誰師曰破草鞋曰學人不曾師曰絕好種火送亡僧下火僧問還是人燒火火燒人師劈頭一掌曰還是拳撞頭頭撞拳僧擬議師又打一掌曰一任卜度。師提綱舉要揀魔辨異具擇法眼有古德風其平昔法語戒勿存稿門人私錄付梓師不許復示偈曰大千經卷無人看誰理山僧爛葛藤何苦徒然消信施自知長處一無能。康熙己未冬師示微疾預定逝期書偈別衆而寂塔于本山杜鵑樓之東塢門人湛祐請太史查昇誌銘樹石并梓語錄行世。

牧雲
門詞

江西瑞陰松寶采若起禪師頌三不是曰八面匡廬水一湖蛇神牛鬼任之乎平生肝膽傾乾盡到處攜笻看畫圖。

牧雲
門詞

廬山直指尼園鑑元禪師邑之曹氏女幼出家詣報

國受具嚴持律範初參金粟悟禮拜次傍有二尼與師問訊師即豎拳悟便棒曰這箇是甚麼師曰千聖不識悟曰放下著師曰放下箇甚麼悟乃休師參古南得法掩關廬山黃淳耀進士一日到關問曰久慕關主師曰貧道總不識士曰啓口即是葛藤要師全提師曰放下著士大悅。錢宗伯夫人問萬法歸一一歸何處師曰秀水年年秀青山歲歲青。康熙癸丑二月十一日師無疾忽命剃頭沐浴更衣趺坐說偈而逝偈曰七十三年假借名了無一法可當情而今四大隨機散會向檀那致別聲有語錄年譜行世。

牧雲
世門詞

方爲戒居士名曙徽州歙縣人齠年即有志向道一夕夢幅巾道人引至揚州三叉河寶塔下視塔影欹斜命士將塔扶正士開塔門著力通身汗下忽然有悟覺身心世界一空盡古今只是箇自己并自己亦不可名狀起拈偈曰夢中作夢宛然真耳聽何如眼聽親泡影堆中拈實具大千活句屬吾人自此遺妄茹素求道心切後過古南法嗣遠瞻懷社會處見旁

坐一客閉目觀心。士曰：莫多事。幪曰：汝道始得。士曰：向道莫多事。客曰：此心忽起忽滅。當奈何？士曰：不生何待？滅省力處。正是得力處。客曰：心如何把捉？幪舉手示之。士指幪曰：出乖露醜。幪曰：你更多事。士曰：莫怪。懶人太多事。只因勘破這般人。一日謁古南門於鶴林。門曰：不生不滅。底心。潛士曰：弟子今早渡江。門曰：江上風浪惡。如何過得？士曰：柁柄在弟子手裏。門曰：即今登岸也。柁柄。潛士曰：本寺伽藍是米公做。門曰：米公與你有什交涉？士拱揖曰：即刻拜別。和尚門笑而領之曰：梅子熟矣。將方丈前梅子盡摘與士。付以偈曰：靈山花下別。京口渡頭逢。君今如是去。千載起吾宗。士後求剃度。門曰：可。搆靜室。不必出家。便化同人。堪稱希有。平陽恣過廣陵。士謁恣曰：聞居士久留心山僧。今日相會親切。道一句來。士曰：弟子來問長安話。恣曰：至尊一人。阿誰不知？士曰：尊貴事作麼生？恣曰：方外不得論量。士曰：和尚親從輩下來。恣曰：向你道了也。士曰：也須問過始得。恣乃休。具德禮復下天寧。士同碩揆志往迎。上方陞座。禮訂十

計聲計

九日赴請。及期禮已化去。即日設供。僧問志曰：老和尚何年悟道？志曰：先師開堂三十年。士曰：三十年爲人臨行一句。更見婆心。志曰：居士可稱先師知己。士園居善病。一日鐵壑溥問疾。適士展門。和尚手書偈語。遂呈溥看。溥接放几案曰：這是古南的不消看。要看懶漢自己底。士曰：要看我底。另具眼。始得。溥曰：不具眼作麼生？士打一掌曰：放過則不可。溥笑曰：容易上鉤。士曰：得恁不知痛癢。溥曰：識得這俗漢。已後不得教壞人家男女。士曰：賴有和尚證明。溥曰：何得拖累山僧？士申以偈曰：瀨漢虛度四旬業。牽一病五春。從前多少葛藤。今後條令斬新。大覺瑋清江計。至士拈香曰：報恩和尚婆心。天目起身北行。從前說法爲人不及清江切實。僧問如何是宗門底事？士曰：古人參宗。今講宗去却一重。又一重。見性成佛。無別佛。花開確嘴笑東風。客問如何是得力工夫？士曰：不惜明明向汝道。冷如火。熱如冰。聽我從頭疑我說。知此急切見此人。牧雲門嗣嘉興東塔廣福晦嚴熏禪師上堂教中道法身偏在

一切處一切衆生及國土祇如擔柴運水。過鼓陸堂。喜怒哀樂用舍行藏。是法身耶。非法身耶。拈拄杖曰。莫妄想。上堂。折脚鑪邊破砂盆裏有語。是謗無語。是誑優鉢花三千年一開。靈瑞鳥五百世一現。五花巖水泄不通。前恭山攔門。抱住汝等諸人。甚麼處轉身吐氣。山僧今日路見不平。只得分明舉似。豎拂子曰。嚮。結制上堂。衲僧脚下。重關佛祖頂門一竅。諸方劃地爲牢。似按牛頭喫草。山僧不欲結繩行化。只貴當人直下。自了試看。紅爐烈焰飛珍重。不須他處討。僧因庫房畜貓。問南泉斬貓和尚。因甚養貓。師曰。爲汝多事。僧擬議。師以手拭目曰。貓。僧參禮拜起。便曰。看箭。師擲拄杖曰。射殺這闍黎。僧忙怖便走。師喚近前來。僧近前。師曰。你喚甚麼作箭。僧無語。師便打。問物格而后知至。物作麼生格。師曰。夏日熟。冬日寒。頌世尊陞座曰。無孔笛中吹折柳。離腔曲裏落梅花。知音不讓子期耳。好手寧誇在伯牙。頌殃幡產難曰。無孔金椎薦面拋。回頭轉腦路迢迢。花開鐵樹非春色。瞻仰何勞形裏搖。頌日面佛月面。

佛曰。樹頭樹底覓殘紅。一片西飛一片東。自是桃花貪結子。却令人恨五更風。萬如微詞

五燈全書卷第七十六

五燈全書卷第七十六補遺

臨濟宗

南嶽下第三十五世隨緣

平湖復庵天息乾禪師。越之上虞陳氏子。家世業儒。生而穎異。弱冠時遇禪侶。示以出世法。遂投某師。薙染受具。於吳門報國。首參天童悟天童。順世師晦跡於平湖之復庵。繼參古南門師。資相契。命充不釐務之職。後任堂主。首衆焉。解制日。付師如意一柄。并囑偈曰。扶豎吾宗。責老成操持。不偕合天行。千山一水。休分別。端坐爲人開眼。晴受囑歸。緇素翕從。漸廢復庵。遂成梵刹。四十年足不越閭。師惟尙儉約。名譽利養。視若浮雲。雖不陞廣座。領廣衆。而範人律已。稜然。

世表矣。師嘗曰：承言者喪，滯句者迷。故凡有微勸機緣，示衆偈語，皆不許隨侍。輯錄弟子輩偶記其頌世尊初生曰：風吹鐵馬，叮嚀響雨。落陽溝水，滿流多少。行人愁路，滑村莊。農父樂豐收。頌高峰：「杖子墮地，曰：拖尸句子，謾疑思鼻孔。明明更問誰，墮枕聲傳空。劫外應知寸步不曾移，忽于康熙丙辰六月，示微疾。危坐晨夕，無倦容。遂論理後事，至十七日，告示曰：「明午當長別大衆矣。命弟子輩代辭，檀越并誠不許送。計披麻效世俗態，遵此遺言。吾無憾矣。適同門休庵某探師相見，師即合掌敘別。臨午，索浴端坐，怡然而逝。世壽七十有二，僧臘五十有二。越八年甲子春，奉師函骨於虞山興福之麓，建窆塔。波當湖進士曹志周誌銘。

牧雲
門嗣

彰德龍巖聖儀葑禪師，上堂道遠乎哉，觸事而真。紅霞紫霧，青山白雲，聖遠乎哉，體之即神。上天下地，自古自今，豎拂子曰：「鑒法師底鼻孔，被山僧拂子穿却了也。汝諸人還知麼？知被知轉，不知被不知轉，去却知除却轉盤走珠兮，珠走盤摩醯額上三隻眼。」上

堂霜風吹面冷，大地皆冬景。萬里流寒色，千峰列凍影。木葉盡辭條，飄飄墮石井。熊耳山中僧，學道頗勇猛。薰拈拄杖搖曳曰：「不是毒蛇驚鼻，一任諸人會取。」遂擲下拄杖。頌調達：「謗佛曰：世尊，渾身賣俏調達。脫體放憨，堪笑阿難侍者往來送語傳言。」頌經首北字曰：「兜偷透豆，舌頭韻集，習侵心齒。上音六義四聲，無處載，禪僧何事苦追尋？」僧問：「萬法歸一，一歸何處？」師翹一足曰：「會麼？」曰：「不會。」師曰：「者雙草鞋，是分銀買的。」曰：「莫是指點處麼？」師曰：「是即脫取去。」僧禮拜，師便打。師問僧：「外面是甚麼聲？」曰：「子規聲。」曰：「啼得血流無用處，不如絨口過殘春。」

牧雲
門嗣

極樂遷如泰禪師，普請刈草，示衆山僧自知涼德寡緣，把茅蓋頭，灰頭土面，惟與鐵頭爲伍。若非墾土掘地，便是種植澆鋤，沒甚閒工夫。與人說禪，說道雖然。忽有人問：「如何是祖師西來意？」又「如何答他？」乃高聲曰：「今日普請刈草，甚忙，不許一人躲懶。」遂頂笠逕出。時有僧曰：「和尚不得向者裏躲根。」師把住曰：「者裏是甚麼所在？」僧擬議，師便掌。小參權歸赤帝，烈日蒸

炎行客匆匆汗流滴滴茶棚之下涼者涼而飲者飲
佛祖心髓不勝布露今又要山僧說甚麼若循舊例
不啻落七落八且畢竟如何寧夜短睡不足日長饑
有餘 小參秋風颭颭秋水漫漫秋葉枝頭似錦秋
花籬畔如金祖意教意太煞分明夜來漸覺增寒氣
特地令人憶紙衾 問如何是色身師指自身曰高
著眼曰如何是法身師復指自身曰高著眼曰者老
漢得恁麼籠侬師曰疑則別參 牧雲門嗣

潤州丹陽經山興教還一韜禪師泰州安豐沈氏子
天童西堂寮秉拂風規逸格萬古微猷寂照凝然目
前樞要雲籠碧嶂全彰劫外家風雨滴簷前提攜向
上一竅玲瓏岩心印交光太白風門庭峻峭只如普
擇時吼法鼓聲傳翻騰龍象步武爭先到者裏箇箇
脚跟點地人人鼻孔撩天且不落見聞一句如何展
演良久曰三寸舌頭無用處一雙空手不成拳 牧雲門嗣
蘇州龍山弘文著禪師海寧許氏子上堂舉百丈野
狐話畢師曰不落不昧旋入圈穢不昧不落無繩自
縛者隊野狐胡穿亂鑿休卜度萬里青天飛一鷲 牧雲

門嗣

福建邵武清涼與麼時禪師湖廣武昌周氏子小參
清涼寺裏刈禾者箇禾鎌快利不須長老陞堂聞者
通身汗滴既在清涼爲甚麼猶有汗滴還知轉身處
麼良久曰炎天久立衆慈各請歸堂養息一日告寂
門人寫師眞成師忽張目視之衆皆驚愕復端坐而
逝塔於撫州白雲峰 牧雲門嗣

金壇報恩道被宜禪師越之舜江鄒氏子僧問如何
是報恩境師曰烏啄白雲開又合僧擬議師呈杖曰
會麼曰不會師曰老僧拄杖也不會便打 除夕小
參一年僅僅餘一夕一夕看看了一年公案年年提
不厭東村王老夜燒錢 牧雲門嗣

餘姚萬壽遠瞻幃禪師本邑吳氏子初參天童費隱
容尙看金屑雖貴落眼成翳正猛究時忽舉頭見月
有省呈偈曰夜半月臨頭鬼家活計休腰纏十萬貫
騎鶴上揚州容閱畢曰此子因緣他後在揚州及得
法後遊揚州大興法化於康熙壬戌正月二十七日
忽示衆曰吾初一日行矣至期說偈辭世曰七十年

來無別說。示人只教空諸有。今朝時至好還鄉。拄杖

頭挑明月。走言訖。奄然而逝。牧雲門嗣

蘇州支硎山來鶴林野樸禪師。句容人。脫白于金陵清涼庵。遍參諸方。久依雪竇契。證古南時遊吳會。卓錫支硎。建來鶴。一日別室落成。請師就于室中。示衆從過。退。鼓此山中火。冷雲寒不露。踪佛法不談元字。脚口唇兩片似膠。封堪笑魯祖面壁。封疆不緊。南泉打破粥鍋。反成多事。爭似來鶴這裏。古今風月任運過時。山門無寸土。庄田隨宜聚數員。衲子爛葛藤。斬斷不萌枝。上無米飯。同煨折脚鐺。邊不妨土面。灰頭大家眉毛。撕結名利兩絕。是非杳忘。無端今日。被遠近居士煎逼。不過只得出來露箇消息。良久曰。

舌頭原在口。牧雲門嗣

西資慈開得禪師。謁牧雲門。求開示。令進堂。參生從何來。死從何去。話猛力提撕。寢食俱廢。至第七夜。出抽解。視月朗如晝。身心豁然。趨丈室。門見笑曰。知是般事。便休來作甚麼。師曰。也要詣實。供通。便禮拜。師隨侍多年。師資契合。門囑曰。他日把茅蓋頭。莫希出。

◆參寥

世作箇本分靜主。標榜後學。師遂稟命住西資。終老焉。牧雲門嗣

鎮江鶴林中樸。行如禪師。江都人。王氏子上堂。今朝臘月十六。用處莫生疑惑。人來問。是何宗。拈起拳頭。便擲。更問如何。若何。劈面好與一咄。拶出無位真人。坐斷東西南北。反手撲碎。須彌討甚。天堂地獄。展開八面。玲瓏縱橫。無拘無束。且道如何。是無位真人。良久曰。藕後梅開。春雷雪泊。上堂岸柳垂金線。寒梅產玉胎。本來真面目。不用亂疑猜。於此薦好句。在半途。其或未然。白雲萬里。牧雲門嗣

松江余山墨浪文禪師。退老徑山。示衆短笻携入萬山村。隱蹟巖巖雲作門。因拙得閒眠。白晝爲狂。寬句步黃昏。掃天竹色清眉目。啄月泉聲冷夢魂。除此一腔冰雪。味其餘何足去評。牧雲門嗣

潤州鶴林若無能禪師。本郡丹徒張氏子。小參山僧。昨夜夢裏遇一同參說。些家常話。同參復數山僧。看語錄。通通文字。山僧曰。此是老兄事。小弟不識字。但曰。識得一萬事。畢何故紙上作活計。參曰。你者一。

概子當不得什事。山僧曰：釋迦老子也只得一概。東土六祖也只得一概。天童師翁及我本師也只得一概。未審老兄得幾概。曰：我勸你操履操履，你有許多之遶。山僧曰：我勸你休歇休歇，你有許多妄想。兩人正爭之時，忽走出個無鬚鬚子，曰：止止，我有個道理。與你二人分折，遂念真言曰：是大神，况是大明，况山僧忽然驚醒，今日舉似大眾，還委悉麼。白曰：青天切忌說夢。珍重。牧雲門嗣

杭州旃檀林智宇彬禪師到鶴林瞻禮，牧老人舍利塔曰：怪哉！此物曩劫不壞。先師全身忽然猶在，畢竟如何。大展三拜。牧雲門嗣

嘉興一花林什鑑照禪師，江西南昌人，初參翠岩雪竇福嚴，晚謁古南門，正值呵罵時，流乃謂衆曰：人皆言我甚毒辣，師曰：虎有起尸之德，旁僧作怕怖聲，師曰：你正好吃棒。在南曰：什鑑參得禪，師曰：和尚莫壓良爲賤。南頷之，命充侍者，服勤有年，受囑後，於古南祖堂，莫香曰：惟我老人，孕秀破山，傳芳太白，宗風被於覆載，法炬燭乎人天，日可冷，月可熱，仰之彌高山。

能竭海能量頌之莫及，機鋒掣如電，捲棒頭疾似雷，奔追慕尊慈，無以報燒香設奠，奉師眞，遂展拜。牧雲門嗣秀州石宗奇禪師，東嘉樂清陸氏子，小參老梅，吐玉展向上之玄機，嫩柳舒金顯法身之妙用，事須恁麼，事人須恁麼，人不是恁麼，人難明恁麼，事諸人者，彼彼丈夫兒，勿自輕退屈，若能於此會得，方可開大口說大話，呼牛作馬，指東話西，天下老和尚沒奈何，何果到恁麼田地，佛之與祖了，不可得，烏有生死去來之相，苟或未然，必須排此形命，猛著精彩，打教徹去，做個灑落丈夫，方知汝不我自欺，若是悠悠漾漾，半疑半信，混在無事甲裏，一朝眼光落地，時鎮面漢子，與你打算飯錢，莫言山僧不道。珍重。牧雲門嗣

五燈全書卷第七十七

京都聖感禪寺住持臣僧 超永 編輯

京都古華嚴寺住持臣僧 超揆 校閱 進

呈

臨濟宗

南嶽下三十五世隨錄

紹興雲門孤卓浚禪師福州長樂劉氏子幼投龍山脫白因參鼓山聞鷄鳴有省後禮報恩賢賢問庭前柏樹子意旨師曰蠱毒之家水莫嘗又問怎麼也得時如何師曰何似江南三月裏鷓鴣啼處百花香賢即撻鼓陞座囑師曰舊衣一頂可以衛身付子歸闔爲衆中尊適天台通玄虛席雪竇雲親送入山上堂羅漢嶺頭雲深萬丈鐵船湖畔水演千尋海內推龍象窟宅台嶺稱衲子叢林松檜參差韶國師之遺風現在樓臺突兀悟老人之面目儼然於此薦得一任淨明堂前點胸點肋騎佛殿出山門撞倒香爐峰踏斷金地嶺其或未然不得動著動著打折你腰上堂欲登泰山絕頂一步爲初欲涉萬頃洪波先從

此岸勿憚勤苦勿厭疲勞日久月深及至山窮水盡之際背翻筋斗豎亞摩醯因大千沙界海中漚一切聖賢如電拂僧參師曰那裏來曰嘉定師曰城中兵馬冗雜汝作麼生過得曰不曾見師曰汝豈不是城中來曰是師曰喪身失命也不知浮石賢嗣江西寶藏範團澤禪師吉安五雲人族姓陳年十四投邑東塘山祝髮二十一參西陽老宿開示披剝四大何者爲身追究六根何者爲心令日夜參尋一日喫飯次見飯中黑穀蟲忽然有省說偈曰米裏蟲元來面目與我同呵呵一笑平生樂諸佛衆生俱夢中呈陽陽曰參方去乃上童問百骸俱潰散一物鎮長靈則不問百骸潰散俱歸土一物長靈甚處安此意如何悟曰你這樣擬師無對次日入室復問曰某昨日問話亦不錯和尚如何說某擬不知那裏是某癡處悟連棒打出痛不能忍疑愈不解後參報恩賢問不疑諸方舌頭已事畢因甚不疑言句是爲大病賢曰不愁劒戟從空下只恐藕絲絆殺人師於言下豁然領旨一日賢問曰汝字範圍即今在甚麼處師

曰徧界不曾藏。賢曰汝範圍耶。範圍汝耶。師曰唯我獨尊。賢曰低聲低聲。遂付囑。迨賢主天童。命師繼席。結制上堂。赤肉團上。壁立千仞。只此靈鋒。阿誰敢擬。這裏薦得。結解迷悟。向甚處著。而今事不獲已。起模畫樣。於無圈續處。立圈續。於無繩索處。立繩索。要使諸人。九十日中。驀地跳出圈續。迸斷繩索。直得萬象森羅。起舞百川。大海騰波。到這箇時節。正好喫寶藏。拄杖何故。太平寰宇斬癡頭。示衆。非思量處。識情難測。九峰波浪滔滔。三泖層波疊疊。漁者一網松風。樵人滿擔魚鱉。黃浦傍觀。笑不徹。良久曰。無端虛空釘箇橛。僧參師問。般若如火。聚作麼生。近傍僧無語。師曰却也。道得親切。浮石賢嗣

蘇州雲巖天鼓震禪師。郡之譚氏子。初復雲巖禪席。備歷艱辛。旋游匡廬。翠巖諸利讓席。相延不受。後主廣福上堂。威音那畔。萬象歷然。覲面當陽。一機不立。豁開元路。虎驟龍驤。別轉官商。曲高和寡。若端的一回汗出。裂脫祖師鼻孔。入荒田不揀。信手拈來。照用齊行。賓主互換。直饒千聖到來。也描邈不得。今日山

僧不捨慈悲。與他通箇消息。卓杖曰。三生六十劫。浮石賢嗣

浙江鹽官洪衍瀨禪師上堂。我宗無語句。實無一法與人。雲門紅旗閃爍。臨濟熱喝雷奔。良久曰。剛刀雖快。不斬無罪之人。上堂前月結本。不結。烹把虛空釘一橛。今日解本。不解。緊峭草鞋。真脫灑。不曾解。不曾結。秤錘元來是生鐵。臨期痛與頂門。鈍試問諸人。警不警。若也警。一任天下橫行。如未警。更爲諸人細徵別。井底蟾蜍吞却月。上堂。白雪消殘。臘梅花放。早春的的西來意。諸訛不可論。既是諸訛。因甚不可論。疎影橫斜。水清淺。暗香浮動。月黃昏。上堂。古今拈匙豎拂。彈指警欬。猶若華藏世界。飛一微塵。又何曾舉著。宗門中萬分之一。一要會麼。華藏世界在一微塵裏。上堂。捏空拳。與龍神鬪富。當場未冒輪籌。終日靠著飯糲。叫饑。決定不知米做。擲利海於他方。本不動搖。日費斗金。非分外置毫芒。於地上展轉躡蹠。寸絲粒米也難消。直得百千異境。移換不得。千人萬人。籠罩不住。到者裏。敢教一匙粉碎。汝等諸人。還

委悉得麼。莫怪從前多意氣。他家曾踏上頭關。上堂。雪峰。觀三箇木毬。俱胝豎一箇指頭。石鞏張弓架箭。華亭短棹孤舟。山僧無許多伎倆。一味坐地看揚州。風悠悠。浪悠悠。兩岸蘆花笑點頭。青笠笠前無限事。綠蓑衣下一齊休。問。妄心無處。卽菩提正當安時。還有菩提也。無師曰。敲冰不見水。問。如何是清淨法身。師曰。尿桶子。曰。不會。師曰。倩人擡。問。如何是法身。師曰。輒頭土塊。曰。我會也。師曰。塞溝填壑。問。如何是祖師。西來意。師曰。東方日出卯。師問。土。你尋常做甚工夫。曰。一切無心。師曰。還聞窗外草蟲鳴麼。曰。聞。師曰。有心聞耶。無心聞耶。土擬答。師震威一喝。隨後便掌。浮石賢嗣

鹽官法喜。千雲湛禪師。吳江黃氏子。報恩賢問曰。禮拜且止。日用事作麼生。師曰。穿衣喫飯。賢曰。除却穿衣喫飯。師曰。請和尚道。賢曰。老人道的與汝何干。師曰。殃及兒孫。浮石賢嗣

崇勝白嶠。漏禪師。上堂。昨日搥鐘。今朝播鼓。好箇圓通門。幾人曾覺悟。未透祖師關。勿行知解路。雪峰弄。

驚鼻蛇。玄沙是汝虎。南嶽將磚石上磨金牛。捩飯堂前舞妙用。神通非等閒。當今著著超今古。參學人須子午。莫將雜毒藏心腑。甘草本不甜。黃連亦非苦。西風落葉萬山秋。一亘晴空飛玉兔。小參獅子兒。超羣類。一聲哮吼震三千。野犴狐狼俱倒退。大方獨步任縱橫。踞地翻身無怖畏。若是同生同死人。當機著著離情。謂且道。如何是離情。謂底句。卓拄杖曰。空合空。兮水合水。小參開眼也。見合眼也。見且道。見箇甚麼。若道無所見。山河大地從何處得來。明暗色空。又向何處安著。若道有所見。猶是妄認前塵分別影事。且作麼生得。超情離見。去木人騎竹馬。撞倒須彌山。小參今朝五月十五。綠柳垂絲亂舞。黃鳥一聲兩聲。人人成佛作祖。拈拄杖曰。且道。拄杖是聖。是凡。卓一卓曰。甜瓜徹蒂。甜苦匏連根。苦。浮石賢嗣

鹽官真相。無奇涵禪師。初參雪竇。看無字話。後參報恩。一日因水濺面。忽然有省。詣方丈。賢問。柏樹子意旨如何。師豎拳。賢曰。太遠生。師曰。將謂別有。賢曰。未。在更道。師曰。和尚莫瞞人。好賢。領之賢住棲真。師隨。

衆入室。賢問衆曰：棲真因甚不棲真？師代曰：死水不藏龍。賢曰：如何是活水？龍師曰：興波不作浪。賢曰：好與三十棒。師曰：起動和尚。賢浮石

湖州清涼東暉禪師，俗名梅亮，東甌磐石衛千戶也。鼎革後，投報恩，剃染參狗子話契，證請益于西堂範圓澤。澤曰：甕裏何曾走却鱉？師曰：卽今便是。澤便掌師大悟。順治丙申十一月，師忽告衆付囑法嗣，松巢衣拂，跣趺而逝。浮石賢嗣

海門廣慧均實水禪師，長洲沈氏子。繼席報恩，元旦上堂，舉古德曰：一年又一年，漸漸減容顏。始作兒童戲，看看白髮斑。古人恁麼道，雖爲警世名言，未免逐事遷流。山僧則不然，去年年，今年年，年年不改本來顏。晝中日月無新故，卽總期頤沒兩般。康熙辛丑退居鳳飛嶺，至甲辰八月擇日告衆而逝。浮石賢嗣

泰州光孝玉田潤禪師，西蜀合州湯氏子。首參天童，不契。再上報恩，打七一日，賢落堂。師出問：玉燭輝煌，金香馥郁，如何是今朝完七期的事？賢曰：汝自道看。師擬議，賢便打曰：何不道玉燭輝煌，金香馥郁，師於

言下領旨。浮石賢嗣

虞山福城雲漢滿禪師，邑之張氏子也。少爲邑諸生，崇禎甲申，剃染於三峰。監院事三載，順治戊子，報恩賢赴廣慧，越海從之，授記室，隨受記。蒞住報恩，再住通州之彌勒院。後遷虞山，著扶宗論，點華錄，諸書有功宗，乘堪爲不朽。其和諍論略曰：威音那畔，休話如何。纔涉形聲，便分向背。四句割開，乃名外道。一團拋出，卽曰全提。所以事落兩頭，物分彼此。有建立卽有掃除，有掃除卽有建立。昔世尊說法四十九年，是建立也。吾不曾轉法輪，是掃除也。卽心卽佛，馬祖之建立也。非心非佛，馬祖之掃除也。種種法式，無不如是。何獨疑於天童三峰乎？莫謂師翁之一棒，不知宗旨也。蓋以收宗旨於一棒，而以一棒全提宗旨，也不惜口業，試一言之。顯提一棒有句，也不作棒會無句也。遇之無不摧碎，正句也。一棒而全具三句，函蓋乾坤也。一棒而踞斷要津，截斷衆流也。一棒而臨機應用，隨波逐浪也。用一棒而人不薦奪，人不奪境也。從棒下而翻身奪境，不奪人也。連棒而無可如何，人境兩

俱奪也。一棒而有殺有活。人境兩不奪也。棒下時而情絕義忘。真佛也。一棒而透脫死水真法也。一棒而縱橫自在。真道也。棒而賓主分。第一句也。棒而有截流機。第二句也。棒而具裏頭人。第三句也。一棒具衆美。開而合。合而開。三玄要也。不知一棒之落處。賓中賓也。唯用棒而不識操縱。賓中主也。以一棒而探其情形。主中賓也。一棒而全收。末後主中主也。行一棒而隨點之。先用後照也。徵至極而棒隨之。先照後用也。和聲便棒。照用同時也。用棒而與奪隨宜。照用不同時也。一棒而大用全提。金剛王也。棒下而萬靈振恐。踞地獅子也。一棒而驗彼來機。探竿影草也。一棒而棒頭有眼。一棒不作一喝用也。此三峰所曰臨濟一宗也。四宗可以類推矣。師翁非不知之也。既知矣。而掃之何也。從古以來。祇責令人疑。不責令人悟也。使人疑而自悟得之快。而守之堅。今有法授人死語也。死語其能快人乎。古德曰。不重先師道德。祇重先師不爲我說。破香嚴曰。當時若爲說破。吾今日定罵渠也。若未悟而冒以爲快者。人皆知之。其禍猶淺明。

宗旨而實未悟者。說亦可通。其禍莫可窮也。是故痛爲掃之。掃之而不足。則闢之。闢之而復救。并救而闢之。此則師翁扶持正法眼之苦心也。三峰非不知之。而建立不已者。亦以救瞞預備統之病。而綱宗不可著耳。浮石賢嗣

潁州弘戒。鈍斧濊禪師。年逾七十。參究不衰。後參報恩賢於廣慧。得法出主弘戒上堂。生也不道。死也不道。螃蟹橫行。蝦蟇直跳。本分衲僧。不得草草卓杖下座。一日。寺僧涉訟。師亦被逮拘執之時。師怡然陞座。說偈別衆而逝。淮徐備兵使者聞之。率同官羅拜士民集賢。建塔于寺後。浮石賢嗣

荊州玉泉景德。楚雲漢禪師。吳江馮氏子。上堂。萬卉凋零。到極則羣機纔展。動新容。分明昨夜東君說。要藉無心拄杖。通遂拈杖。顧大衆曰。這是無心拄杖子。且道通箇甚麼。卓一卓曰。脫盡纖纖枝底葉。斬新條。令有春風。小參。匝地濃霜如錦疊。一輪皓月似冰圓。雁聲嘹唳頻催。促多少貧兒徹骨寒。正當恁麼時。滴水滴凍。一句作麼。生道。閉門不管階前雪。被蒙。

頭正好休賢浮石

眞州長蘆古余演禪師邦江姚太史思孝請主善慶上堂舉僧問投子如何是一大事因緣投子曰尹司空與老僧開堂提持箇事須資本色鉗錘佛法世法打成一片今日有人問山僧如何是一大因緣只向他道姚太史與山僧開堂或謂長老何得依樣脫墮祇對伊道事存函蓋合理應箭鋒挂賢浮石

京口招隱鹿泉山衣濱禪師晚號獨癡桐鄉王氏子年十二投竹林豫出家參本來面目話久之一日聞舉僧問雲門一念未生時還有過也無門曰須彌山師於言下忽有省入乃徧參寶華天童雪竇諸叢席最後參報恩賢機契之下卽受記別出住長蘆繼主鹿泉迨賢示寂遺命住報恩上堂一切障礙卽究竟覺適纔二僧爭鬪不已惹得報恩拄杖子怒發卽時頭破腦裂血淋淋地還有旁觀內省的麼設或鴨聽雷鳴爭怪青天太煞炎熱上堂一向埋頭雲壑見面不如聞名今朝全身敗露聞名不如見面所以佛祖爲一大事因緣出現於世山僧亦爲一大事因緣

●口疑牛

出現於世豈拂子曰這一大事阿誰欠少上堂從上來事且莫造次說到不如見到見到不如行到故死心曰一人所在也須到□人所在也須到無人所在也須到敢問諸人阿那箇是說到底見到底行到底檢點得出招隱拄杖雙手分付良久曰莫道不受人瞞好僧問如何是若見諸相非相卽見如來師曰橫塘宿鷺斜飛起幾隻銀瓶挂樹腰僧又問如何是和尙家風師曰內無一物外無所求師開法多年門庭高峻衲子望風奔競亦稱一時之盛有各會語錄行世賢浮石

寧波七塔補陀拳石沃禪師揚之通州葛氏子僧問如何是你有拄杖子與你拄杖子師曰光影俱忘仔細看曰如何是你無拄杖子奪却你拄杖子師曰別有靈光照膽寒曰恁麼則富嫌千口少貧恨一身多也師曰你作道理會那賢浮石

金陵石頭天峰清禪師四川遂寧鄭氏子求出家父母不許強與娶室師私自淨身死而復甦得遂初志剃染完具結茅掩關看無字話閱四年不契乃破關

南詢歷參叢席見報恩賢賢問馬祖一喝爲甚百丈三日耳。聖師隨聲便喝賢曰他也喝你也喝成得箇甚麼師曰好本多同賢曰你轉語看師曰家私蕩盡迴絕見聞賢首肯師呈偈曰電激雷轟焦尾巴葛陂杖已化龍蛇犀因玩月紋生角象被雷驚花入牙

歷住江寧濟生華藏北京大慈青塔後示寂于邗江

清涼寺浮石賢嗣

洪崖古天淳禪師徽州吳氏子幼喪母隨父出家初參夾山豫豫問山中興造可荷擔得起麼師作荷擔勢豫曰杜撰師曰情知有此一機豫打曰好箇有此一機次參報恩賢舉馬祖一喝百丈三日耳。聖師曰賊打不防家賢曰意旨如何師曰土曠人稀相逢者少賢遷天童一日師侍立賢垂問大雪滿長空意旨如何師曰王令已行天下遍將軍塞外絕烟塵賢曰既是太白峰爲甚色是青的師曰曲不藏直賢曰玲瓏崖天下人聞知爲甚山中人不知漏逗師曰只緣身在此山中賢首肯之師開堂七會說法隨機康熙甲寅十二月示疾至二十三日書偈告衆曰年

來五十七電捲空華畢撒手便歸家良馬追不及擲筆而逝塔于杭州梵天寺後浮石賢嗣

杭州勝果梵點。禪師義烏朱氏子初到杭投兵羅木營一日見敗卒死屍遂念切生死事大辭投崇聖院披剃完具後上天童見賢久而徹證遂命秉拂劈脊攔腮兮打徹太白峰知頭解尾呈拳豎指兮點醒玲瓏巖側耳聽聲作麼與麼豈不聞山河及大地全露法王身今日新師兒向者裏八字打開諄諄然直唬得泥牛吐舌黃鶩謾誇伎倆石人舉手大愚切忌懷驚象王蹴踢雄踞法堂重地煅鎔狐猾翻成師子嘖呻師子嘖呻卽且置大眾還見師子爪牙也無震威一喝曰明修棧道從君薦暗度陳倉莫我知卓杖下座浮石賢嗣

高郵接引育焉裸禪師淮之安東人族姓陳天童秉拂上堂喝一喝曰如斯會得三界無羈爲物作則世出世間能事已畢其或未然復聽葛藤所以道毫釐繫念三途業因瞥爾情生萬劫羈鎖聖凡名號總則虛聲殊相劣形咸爲幻色求之累重却之禍生究其

本末皆自欺也。如斯告報太煞現成。且道應時及節句作麼生。豎拂子曰。楊柳舒金開正眼。梅花飛雪露

真心。浮石賢嗣

金陵寶光疊山淵禪師。四明人。上堂。數百餘年古道。揚梁時開關有神光聖。凡聚會僧千衆。振動人間共舉。揚教外別傳正法眼。單提向上立綱宗。今日山僧。陞座作麼生。是祖意流傳的句。祇如雪山六年修道。夜觀明星而悟。便見黃面瞿曇。賣弄風光。若無人當時寶光若在。與他一喝。何故。誰家竈裏無烟火。那箇男兒不丈夫。浮石賢嗣

嘉興棲真百可溢禪師。解制上堂。埋沒諸人已一冬。繩頭把住不容鬆。今朝布袋應時解。南北東西路自同。草屨擗似虎。拄杖活如龍。大都出門便是草。莫向長安立路窮。放下著。且從容。依然兀坐寂寥中。喝曰。鶴有九臯方翥翼。馬無千里謾追風。康熙丁未冬。師在徑山守塔。一日值大雪。告衆別去。堅留不允。翌旦樵者報常住曰。和尚已立雪而逝。浮石賢嗣石門虎嘯省三淙禪師。參報恩賢于遼村。居客寮。遭

痛棒。血淋渾身有省。一日賢問南泉。斬猫意旨如何。師曰。劍爲不平。離寶匣。藥因救病。出金瓶。賢曰。祇如趙州頂草屨而出。作麼生。師曰。不因媳婦揚家醜。誰識婆婆脚短長。又問馬祖。一喝百丈三日耳聾。意旨如何。師曰。春色滿園關不住。一枝紅杏出牆來。賢曰。祇如黃檗聞之。不覺吐舌。又作麼生。師曰。水向石邊流出。冷風從花裏過來。香。賢領之。尋受囑。出住虎嘯。日撐渡船。接引來往。衲子福嚴容寄贈曰。洙涇當日有船子。誰識今時却在此。來參莫是夾山麼。不怕一撈打落水。浮石賢嗣

揚州建隆法音淙禪師。長洲彭氏子。生長興化。產時有陸地蓮開之瑞。懷抱中見僧相。便喜。纔學話。便求爲僧。母楊氏欲許之。父廷璧曰。吾兒儒家子也。不可母每爲師默禱。一日感金甲天神示夢。廷璧曰。汝子求出家。汝如何不肯。父大驚異。卽送邑之蘆渡寺。脫白投容止。爲師。是日父母同時祝髮。全家入道。舉國異之。師十歲便能誦法華。遇雪寶雲掩關南菴。每示人一口氣不來向甚處安身立命。話心竊驚。疑至

十三忽舉前話往問雲曰待汝一口氣不來卽向汝道師曰和尚是何心行雲曰放汝三十棒師曰和尚也喫一半雲曰過在甚麼處師一喝便出十七受具同志數人結精進七期看本來面目話至第六日有箇入處曰六六原來三十六乃歷參理安問龍池微古南門皆有機契再參報恩琇琇問何處人師曰揚州琇曰還見大聖來也未師曰見琇曰是何面目師以手把口曰猫琇乃掩室次日琇特上堂問曰柏樹子幾時成佛師曰成佛久矣琇曰阿誰證明師彈指一下琇大笑休去後出坡琇曰汝號法音那師禮拜琇曰因甚頭上尿溺氣師曰正是某甲大用現前琇曰如何是你大用現前處師一喝琇痛打至第三日琇理前話師如前答琇如是三問師亦如是三答皆遭痛打師乃禮辭往參報恩賢于天童賢曰那裏來師曰報恩賢曰報恩有何言句師舉前話賢曰痛與一頓師曰美食不中飽人餐賢問馬祖一喝百丈因甚耳聾三日師數答皆不契歸堂猛力參究一日喫茶次忽聞雷鳴茶鍾墮地豁然大悟進方丈呈偈

曰青天白日一聲雷鳴豁開正眼大地清平賢曰如何是三日耳聾消息師曰識得前三與後三賢曰更道看師一喝以手掩耳便出賢笑曰子會也遂授衣拂歷住東陵遠峰延陵龍樹金陵大泉諸刹上堂舉僧問巴陵祖意教意是同是別陵曰鷄寒上樹鴨寒下水五祖演曰大小巴陵只道得一半白雲則不然掬水月在手弄花香滿衣師曰前箭猶輕後箭深大小五祖也只道得一半龍樹則不然有行鬼不識無心人不知何故響爲人須爲徹上堂舉僧問悟師翁曰昨日喫師三棒今朝拈却拄杖師翁曰今日不打你師曰紅葉不題流水去春山多少好人家要會者僧則易要識師翁則難何故響到江吳地盡隔岸越山多若是深上座則不然者僧道今日拈却拄杖隨聲便掌越出法堂管取者僧頭正尾正衆中還有爲這僧出氣者麼擲拄杖曰人平不語水平不流僧問如何是離心意識參師攔胸擲住曰離心也未僧擬進語乃拓開曰離心了也問如何是第一元師曰六月無霜徹骨寒如何是第二元師曰得他

皮髓被他瞞。如何是第三元師。曰。欲覓安心轉不安。如何是第一要師。曰。千聖誰敢當頭道。如何是第二要師。曰。獨許東君發一笑。如何是第三要師。曰。冰雪佳人坐花轎。曰。三元三要。蒙師指末後一句。請師宣。師曰。不宣。曰。爲甚麼不宣。師曰。釋迦已過去。彌勒猶未來。曰。祇如現前一句。又作麼生。道師合掌曰。我不敢輕慢汝等。汝等皆當作佛。浮石賢嗣

鹽官石菴大圓治禪師。邑之彭氏子。參報恩賢于虞山福城。付法。曰。秉拂上堂。新塔家風。別殺人。要見血。瓦缶便雷鳴。驚得虚空裂。虚空既迸裂。大地悉平沉。直得上無攀。仰下絕。已躬淨裸。裸亦灑。灑脫體無依。且道脫體無依。一句作麼生。大千沙界海中漚。一切聖賢無電拂。康熙丁未春。師示疾。送拂子還報恩。遂逝。浮石賢嗣

太平澄心寄菴深禪師。僧問。色身敗壞。如何是堅固法身。師曰。今夜風頭大。硬僧喝。師曰。作家僧。纔拜師劈脊一棒。曰。急著眼。覷僧失笑。師曰。你擬我與你。葛藤那僧又拜。師復打曰。第一不得忘却。古德法身。

頌曰。一家有女百家求。一家求允百家休。堪笑媒婆爭富貴。只把金釵暗度投。浮石賢嗣

蘇州靈巖履冰汶禪師。寶慶人。挂搭福嚴。點燈在寮。容從外過。曰。早知燈是火。飯熟已多時。師打滅燈。曰。大家吹滅暗中行。容曰。元來室中有人。師曰。賊賊後。參報恩賢于福城。受囑。遂應靈巖之請。示衆靈巖。被人問著佛法。直使口挂壁上。諸人還有道得者麼。良久曰。吾不如你。浮石賢嗣

杭州吳山雲居羽尊鵬禪師。晚參。天寒地寒。滴水滴凍。布網垂釣。羅龍打鳳。此是諸方五味禪。山僧舉著。卽頭痛。諸兄弟。山僧恁麼告報。三十年後。不可胡撞。亂撞撞入他家。蓋瓊。晚參。昨日晴。今日雨。大地黑漫漫。江峰齊鼓舞。諸君欲透死生關。聲色堆頭須辨主。拈拄杖。豎曰。諸仁者。這箇是色。卓一卓曰。這箇是聲。作麼生。是主。喝一喝曰。者裏看取。示衆。還會麼。若謂痴憨放脚眠。時人恰似管窺天。慣棲冷地閒閒地。嬾學諸方熱鬧禪。心竭竭淚涓涓。爲憐一衆參元者。不肖爭先痛著鞭。浮石賢嗣

登州千佛頂禪師蜀人也。久在報恩居首座。出住登州千佛寺。除夕示衆。今夕蓬萊看海水。優優廓落自由僧。隱居不用三條篋。挂立惟憑七尺藤。團坐火爐頻著炭。擁衾草榻謾挑燈。因循舊例須烹殺。爲問頭蹄納未曾。

浮石賢嗣

京都西林彌壑禪師上堂。湧身曰。諸仁者。還見般若法身麼。若不見。則諸人晨興夜寐。俯仰折旋。更是阿誰。若道見。則諸人夜寐晨興。折旋俯仰。本是具足。何須更外馳求。到這裏作麼生。說見不見。底道理。汝等諸人。一是遍歷諸方。久參碩德。曾見與麼人。說與麼話也。無直饒見過。聞過。未免微言。滯于心首。却成緣慮之場。實際居于目前。翻爲名相之境。所以道修行三生六十劫。四生一百劫。乃至三祇果滿。不若一念緣起。無生頓超。三乘權學。乃顧左右曰。且道如何。是一念緣起。乃卓杖曰。彈指圓成。八萬門刹。那空却三祇劫。上堂。問和尚。未露家風。學人已呈行履。請施高鑑。師打曰。田庫奴曰。如何是活人劍。師曰。打破蔡州城。曰。如何是殺人刀。師曰。砍却吳元濟。乃曰。

一二三四五六七。毒獸口裏敲牙。驪龍背上揣骨。七六五四三二一。倒捲太虛。如獅子兒。髭髻返擲。一七二七兩交加。盡空法界。俱逼塞拈却。一去却七。掣電光中旋霹靂。一七二七兩俱忘。癡人猶在這邊。立撒手。那畔來。鷄子已過新羅國。以手拍案曰。驀然透徹。兩重關。許汝等一生參學事畢。二王駕至上堂。問現王者。身爲衆說法。如何是說底法。師曰。雲堂掉臂曰。恁麼則鑾山記。荊有在也。師曰。一會儼然曰。祇如昔日趙州。未相見。便道萬福。莫是爲侍者瞞耶。師曰。端爲指出曰。因甚。後又與麼。道師曰。知汝不薦。僧擬議。師打曰。雨過夜塘。秋水深。乃舉趙州。因鎮州。大王來。訪侍者。報曰。和尚大王來也。州曰。大王萬福者。曰。未。在。方到山門下。州曰。又道來也。師曰。有者。道侍者只解報客。不知身在帝鄉。叵耐教人妄竊。却非本分。衲僧有者。道趙州。蝦爲子。屈不覺打失眼。睛只貴作啞。推擲不尙據款。結案要見趙州侍者。撲實道。用未在山僧一回檢閱。祇是大王不合門外之邊。致令周遮。何似二王殿下。今日光臨。徑趨丈室。既不藉送語。

傳言觀面機籌激揚楚楚則山僧亦不至望空告啓諸仁者還見作家君王麼。鷲嶺當年記未忘。囊錫顯露第一句。一僧出問曰。如何是第一句。師橫拈拄杖。僧擬進語。師打曰。這是第二句。便下座。上堂問釋迦老子道。作是思惟時。十方佛皆現。如何是現底。佛師默然曰。和尚默然。莫作思惟麼。師亦不顧良久曰。諸仁者。正與麼時。或者道。應展邵武俊邁之氣。貶剝古人。奮白雲越閭之機。受敵八面。孰不知紫羅帳裏。山僧從來懶撒真珠。復顧左右曰。還會麼。當有達識共賞此音。問文殊。劒下不承當時如何。師曰。釋迦古佛是靈山老比丘。如何是南泉一線道。師曰。不得東觸西觸。曰。如何是提宗一句。師曰。百雜碎。問如何是一真之地。師曰。七尺單前。曰。如何行履。師曰。不得踏破方磚。浮石賢嗣

其中人料無說話。分正與麼時。諸人有眼如盲。有耳如聾。鷲豎拂子。顧大眾曰。蒼天蒼天。三冬殘臘。日風雨一天寒。上堂師以杖畫一畫曰。放開一步。蚯蚓蝦蟇。踴跳自由。復以杖畫一畫曰。把斷要津。諸佛祖師乞命有分。又以杖畫一畫曰。只在此山中。雲深不知處。上堂長劒倚天。不待割而自斲。師王踞地。何爭奈。猶有一著在。何故。祇如前是懸巖。後是猛虎。左右壁立。萬仞合作。麼生得箇太平時。節衆無對代曰。寐語作麼。上堂聲色不有。虎咬大蟲。聲色不無。蛇吞鰲鼻。乃舉起杖曰。要會者。話須問者。上座若不問者。上座終是牛頭沒馬頭。回遂擲下曰。看看。僧問石女生兒。甚麼人得見。師曰。巫山十二峰。問如何是密密處。師曰。五眼看不見。曰。不與萬法爲侶。是甚麼人。師曰。張七。問懸巖撒手。意旨如何。師曰。太險生死。恁麼則快便去也。師曰。萬年茅草挂雲烟。問道師曰。高山流水少知音。問頓破六塵時。如何。師曰。甚麼處安身。問無生那畔。卽不問。如何是者畔。

◆何下快失
二十字詰二
十行

消息師曰你這問甚處得來 問如何是賓師曰踏

遍江南髮如絲曰如何是主師曰高坐華王不出戶

曰如何是照師曰闍黎會得也未曰如何是用師曰

放你三十棒 問古鏡未磨時如何師曰瞞他一點

不得曰磨後如何師曰黑似漆 問深山猛虎以肉

爲命爲甚不食其子師曰親者不疎

浮石賢嗣

吳陵祇樹竺堂溥禪師崇川李氏子參賢于善權纔

跨門賢便曰臨濟大師來也師便喝賢便打師又喝

賢又打曰文殊因甚出女子定不得師曰智者見之

謂之智又問罔明因甚又出得師曰仁者見之謂之

仁 無夢無想頌曰放身一覺主賓不立忽來枕上

鳥喚起半窗紅日 靈雲見桃頌曰桃花開得甚分

明照破山河大地春堪笑靈雲多意氣無端刺瞎一

雙睛 南泉斬猫頌曰無端平地起干戈一劍揮時

血滿塗縱使趙州能救得分明鷗子過新羅

浮石賢嗣

虎丘湧泉青印法禪師吳江趙氏子住吳江萬壽上

堂得他一句快活煞人遭他一句懊惱煞人同樣一

句醒醐毒藥乃爾各別若是丈夫兒何必等他這一

句顧左右曰如今看看臨到頭上來也作麼迴避卓

拄杖曰且聽處分 上堂燈籠吞却法身無數佛法

盡從腳底下過乃高聲喚曰將火來

浮石賢嗣

松江崇福鶴汀浦禪師上虞薛氏子參福嚴問世尊

拈花意旨師曰赤眼撞著火柴頭容曰迦葉微笑聲

師曰殃及兒孫容曰向上還有事也無師便喝容便

打師又喝容又打曰識甚好惡師曰勘破了也便出

後在報恩入室次賢舉馬祖一喝百丈三日耳聾問

衆俱不契師出曰頭正尾正賢領之

浮石賢嗣

崑山佛林雪門連禪師永州人其呈本師偈曰薰風

拂拂自南來撈著當人正眼開拈得馬祖曾一喝從

教千聖絕安排

浮石賢嗣

吳陵三塘乾乾湜禪師住廣福示衆舉古德曰打七

三日了也本分事作麼生又道打七三日了也寒山

子作麼生師曰山僧這裏總不恁麼何故此事極是

現成極是明白有甚難處恰如青天白日見阿爹相

似無一絲毫擬議思量若有一毫擬議思量即不是

了也還有麼出來通箇消息師顧左右良久以拄杖

施風打散。小參舉拂子曰：昨夜西風吹不歇，嶺上石人凍得皮膚裂。問諸人：「不覺寒？」江漠漠，千巖雪。孤舟蓑笠老漁翁，坐釣蘆花飛夾蝶。千山萬水鳥無踪，大地山河人境滅。祇如古人道：「一色邊事則且置。」畢竟滴水滴凍，一句作麼生道？豎起拂子曰：「不是一番寒徹骨，爭得梅花噴鼻香。」僧問：「古人道：離心意識參絕，凡聖路學畢竟參學，箇甚麼？」師曰：「香爐無耳，莫瞞肝。」曰：「恁麼則？」那箇男兒不丈夫。師一喝，僧禮拜。師便打。問：「彈棉弓響，白雲堆裏一聲雷。」因甚雨點全無？師曰：「天時不如地利。」舉趙州狗子無佛性，頌曰：「佛性無兮佛性有一刀。」兩段東西走業識，茫茫沒奈何。依舊面南看北斗。浮石賢嗣

潤州勝果肅堂濬禪師，蜀之綿竹牟氏子，生而穎異，不樂世榮，披緇出蜀，秉戒燕都。初參報恩琇，一日因僧請益，曰：「學人無疑情，琇曰：『若無疑情，即無生死矣。』師從旁聞之，胸中疑慮廓然渙散，如釋重負。即趨前禮拜，曰：『百花叢裏過一葉，不沾身。琇指石堆曰：『石頭大的，大小的小明甚麼邊事？』師曰：『大的打牆脚，小的』

砌牆頭。琇領之後，到天童。一日恣看時錄，有曰：某甲見處與釋迦老子不別，恣曰：「他甚麼人敢道與釋迦不別？」師曰：「直饒超過釋迦，猶未做得。」臨濟兒孫在恣曰：「臨濟兒孫有甚麼長處？」師便喝。恣曰：「我從來疑著這漢。」師曰：「莫塗污人好。」復謁報恩賢，問：「馬祖一喝百丈，因甚？」三日耳。禪師曰：「夾路桃花風雨過，馬蹄無處避殘紅。」賢曰：「我要貼體。」道師曰：「若要貼體，道敢保和尚也道不出。」賢曰：「未在。」師曰：「疑則別參。」賢曰：「者瞎漢參堂去。」師禮拜出，後命掌箋，記得法後出世。初住越州之安隱，次遷句曲之地藏，瀨水之草堂，姑熟之澄心，雲陽之嘉山，尹沙之衍慶，潤州之勝果，金陵昭覺。有諸會語錄，錄鐵酸餚宗門武庫，月華堂等集，重刻原教諸論行于世。示衆師以拄杖，左邊一卓，曰：「不假轟天震地之法，雷難以啓聾瞶。復右邊一卓，曰：「若非傾湫倒嶽之法，雨何以蘇其酖迷。」諸禪德法雷既震也，法雨既傾也，諸人爲甚，猶然瞌睡。若教容易得，便作等閒看。卓一卓，示衆古者道：「西天一段事，總被今時人埋沒，却覓箇出頭處，不得衆兄弟箇箇睜

一雙眼橫兩道眉。巍巍堂堂遭古人與麼屈辱。衆中還有不甘者麼。良久曰。設有也是抑而爲之。示衆言無展事語。不投機承言者。喪滯句者。迷且壁立萬仞。一句作麼生道。蟬鳴深樹裏。花發白雲中。參。示衆世尊拈花。正是第二迦葉微笑。落在第四。直饒向未拈未笑。已前薦得。猶落第二。且作麼生是第一。良久曰。待山僧計較成。向汝諸人道。示衆吾有一機。未敢輕提。若人會得。脫骨換皮。眼目定動。差池差池。示衆見聞覺知。是生冤家。知覺見聞。是真佛祖。一舉四十九任君顛倒。數大地黑漫漫。日輪正卓午。示衆上單。摸著枕下床。踢著鞋開門。便作揖。原是故人來。若作平實商量。入地獄如箭射。不作平實商量。眉鬚墮落。却怪山僧不得。晚參衆纔集。師曰。呵呵。呵好箇西來祖意。不得撒沙撒土。侍者曰。和尚已兩把也。師曰。却是山僧罪過。便下座。小參以手拍一拍曰。一手不獨拍。兩手鳴。擗擗還有佛法道理也。無。若道有世諦流布。若道無覲面錯過。諸訛在甚麼處。復拍一下曰。長安夜夜家家月。幾處笙歌幾處愁。

問如何是佛。向上人師曰。猶落數量在。曰如何是無情說法。師曰。鐘無鼓響。鼓無磬聲。曰如何是奇特事。師曰。舌頭無骨。問古人道。不合一切。不共一切時。如何。師曰。無人識得渠。問如何是大同之道。師曰。五里一牌。十里一鋪。曰。不問者箇道。師曰。甚麼道。曰。妙道。師曰。頭戴七星冠。問如何是提婆宗。師曰。截耳臥街。僧擬進語。師打出。問如何是賓中賓。師曰。直須買草鞋。曰。如何是賓中主。師曰。三十年後看。曰。如何是主中賓。師曰。山僧今日失利。曰。如何是主中主。師便起去。僧禮拜。師便踏。問學人不問。請師不答。時如何。師曰。好箇話。墮衲僧曰。恁麼則帶累和尚也。師曰。接竹點天。僧便喝。師便打出。淨石。蘇州鐵山。蹈先浴禪師。休寧葉氏子。示衆眼若不睡。諸夢自除。心若不動。萬法一如。所以道。既無心於彼。此何有象於去來。不與千聖同途。不與萬法爲侶。恁麼也得。一把柳絲。收不得不。恁麼也得。和烟搭在玉闌干。恁麼不恁麼。總得萬里不掛片雲。恁麼不恁麼。總不得青天也。須喫棒。到這裏。如龍得水。似虎靠山。

絕見絕聞離聲離色直下無一絲頭留礙却似倚天

長劍獨曜靈光狀似鐵牛虛空粉碎喝一喝浮石賢嗣

東臯普照尼高源清禪師紹興山陰人金氏女幼忽

遇洪水大發溺死幾葬魚腹後救得活欲求出世徧

訪名師至如臯月惠披剃朝夕跪誦法華經云世尊

爲一大事因緣出現于世遂發念參禪詣天童悟老

人受具問所求大事悟曰我與你付戒了更求甚麼

師曰如何明得悟打曰向者裏參去次謁浮石賢于

三仙師問古人公案不立文字請師直下與我決了

賢曰你二六時中如何作主師豎拳頭賢曰除却拳

你又作麼生師一喝舉女子出定曰出得出不得

與定何交涉文殊及罔明枉自費精神舉德山托

鉢曰昂然托出低頭回無限時人暗裏猜欲識巖頭

末後句三更明月上樓臺舉日面月面曰山自高

兮水白深箇中消息許誰論巍巍獨步超今古觀面

無私絕點痕舉磨磚作鏡曰車牛并打不須分連

底掀翻迴絕塵英靈半點無回互獨露當陽一著新

舉臨濟賓主句曰兩陣交鋒放復收分賓分主有

來由全提正令相酬答一箭紅心射斗牛舉無位

真人曰古木森森草色新鶯啼深谷不知春山頭明

月渾如洗萬里晴空絕點塵浮石賢嗣

雲間智元居士張廣言年十四便學參宗後登進士

銳志力參一日見伴我侶問心不可得且道心在甚

麼處侶與攔腮一掌遂有省參報恩賢呈所得有芒

屨脫去上高峰之句賢曰因甚脫去芒屨士擬答賢

隨聲便打士豁然契悟賢爲記浮石賢嗣

上洋秋來居士俞源邑諸生徧參名宿後侍報恩賢

得法一日賢問如何是世尊不說說士便喝如何是

迦葉不聞聞士又喝賢詰曰如何是兩喝落處士展

手又舉僧問趙州如何是祖師西來意州曰庭前柏

樹子作麼生會士復展手曰和尚會麼賢休去浮石賢嗣

鹽官杲菴居士周垣綜因讀楞嚴離一切相卽一切

法處起疑遍扣禪局惘無所入後謁天童奇拈起

數珠曰速道速道士曰放下著奇曰未在更道士便

喝奇曰好一喝士連喝兩喝奇曰放子一頓棒士禮

拜後參報恩賢于同葉問如何是佛法大意士曰此

去蘇州二十五賢曰。未在更道士曰。來往自由。賢又問。維摩一默。意旨如何。士曰。這漢納敗。闕賢曰。恁麼作。無語會。那士曰。雖然無語。其聲如雷。賢然之。即與付囑。僧至士問。上座從何處來。曰。南方士曰。來此何幹。曰。遊臺山。來士曰。曾見文殊麼。曰。不曾見。士曰。莫是不帶眼來。僧擬議。士曰。見則便見。不見莫妄想。

問。如何是諸佛出身處。士曰。離家三十載。鄉音漸

漸改。問。北方風景與南方何如。士喚大德僧。應諾。

士曰。適間問甚麼。僧再理前問。士曰。噯。僧罔措。士曰。

噯。僧至士問。汝入城進那一門。曰。進彰義門。士曰。

妄語。曰。某甲實進彰義門。士曰。爲甚麼踏斷了盧溝

橋。僧罔測。士曰。五戒也不持。士官天中。簫幕受囑。

後退居林泉。力任大法。凡遇僧俗。諮參隨機。唱導人

稱龐公再世。云浮石賢嗣

遯村偶僧居士沈雄。邑諸生也。讀書好學。篤志參宗。

依報恩賢。一日問。如何是世尊不說。說士曰。相識滿

天下。如何是迦葉不聞。聞士曰。知心有幾人。又問。即

今作麼。生士點首。賢乃舉馬祖一喝。百丈三日耳聾。

因緣士曰。黃鶴樓中吹玉笛。江城五月落梅花。賢爲許可。士掩耳而出。靈雲見桃花。頌曰。何獨桃花是指南。靈雲見徹也。無端隨邪逐惡。玄沙老半帶真情半帶愁。東山水上行。頌曰。但言諸祖出身處。何止東山水上行。自是韶陽仍口窄。話留窠臼陷衆生。士著法苑春秋法證錄等書。行世。云浮石賢嗣

五燈全書卷第七十七

五燈全書卷第七十七補遺

臨濟宗

南嶽下第三十五世隨錄

吳江報恩佛泉禪師上堂。浮來石像古名藍。歷代宗家曾舉揚。聞出五湖并四海。又能剎影帶三江。先師遺範昭然在。只欲諸昆續後光。若是丹山真鳳子。煥乎彩色不尋常。敢問大衆將甚麼作遺範。後光又作麼。續有人於此道得一句。向明窗下措置。有麼有。

麼如無莫怪。縵天廣布。示衆天左旋地右轉。持尺而量之。數目誰人辯。伸掌曰。今夜覓箇吞却虛空底。要他從這掌上踣跳。看我欲問南北縱橫。四至界分。有多少。乃縮手曰。不是。壓良爲賤。僧參師問。古人向未動足以前。會去猶是鈍置。因甚你東走西走。僧曰。不得妄通消息。師乃擊几曰。這一機落在雲門。這一機落在臨濟。驀伸脚曰。我脚何似佛手。僧無語。師便打。浮石賢嗣

諸城崇寧嶺樵溥禪師。內江陰氏子。于白鹿密落髮。參靜明。辭職西堂。後得法於報恩賢。遂往山東諸城崇寧寺。示衆。左擊拂子曰。竺乾四七。震旦二三。右擊曰。南嶽石頭。臨濟德山。以拂子中間作拈華勢。曰。千年滯貨。逢春日。和盤托出。大家看。浮石賢嗣

松隱冠嶠瀚禪師。松江華亭沈氏子。生於明季。崇禎乙亥五月二十九日。年甫十四。禮雪濤禪師。披剃。順治己亥。具戒。報恩賢。伏勤九稔。而嗣法焉。越六載。開法松隱。遷住嘉山。四月八日。示衆。夏日初長。那事無妨。鴉鳴鵲噪。異口宣揚。楊岐驢子。周行七步。潯山水。

牯目顧四方。伶俐漢。快承當。有意氣時添意氣。不風光處却風光。上堂。目前無法。青青翠竹。盡是真如。意在目前。時人見此一株花。如夢相似。不是目前法。家家門首。中秋月。非耳目之所到。坐著白雲。總不妙。已過關者。便可誦明月之詩。歌窈窕之章。未過關者。莫道雲月不同。溪山各異。除夕小參。北禪烹牛。分歲。東村王老。燒錢。若到嘉山門下。各各荅筭。柄痛打三十何也。端正衲僧。不守本分。山僧今秋。乍住。分歲無甚。欸顧家田。覩子飯山。圃淡黃。蘆雖則枯澹。隨常較勝。珍羞百倍。何故。嚮目無啼饑之慘。身無征役之勞。四海相聚。曰。以已躬下事。提撕朝于斯。夕于斯。逗到今年。窮歲盡。斗轉春回。諸人者。且上前。通個消息。看左右。顧視云。坐到四更。後身添一歲來。僧問。草鞋無口。爲甚咬碎脚跟。師曰。法久成弊。僧問。風色無形。爲甚拔倒樹木。師曰。快便難逢。至康熙丁卯。疾歸故里。時小春朔旦。示寂。世壽五十三歲。全身塔在殿之東北隅。浮石賢嗣

臨安勝因靈常菴禪師。僧參師問。未到勝因。一句作。

不疑百

麼生。道僧擬議師便打。又問。已到勝因。一句作麼生。
道僧又擬議師。又打。復曰。向聞你。在外能說。會道。爲
甚麼。今日問著。便口似匾擔。師在不敢道。師曰。當
仁不讓於師。僧擬對師。連棒打出。方丈。師送客。僧
僧見竹園有笋。卽問。此山是和尙的。師曰。是。曰。此笋
亦是和尙的。師曰。是。曰。或有人來偷笋。和尙作麼生。
師便掌曰。和尙莫打。好師曰。放過則不可。浮石賢嗣

嘉興海門雪岑涌禪師。武林陳氏子。中秋示衆。簷前
雨過。木樨香觸著。金風靚體。涼吹散片雲。明月現。清
輝獨不與尋常。上堂。眞箇春眠不覺曉。醒來處處
聞啼鳥。連朝風雨苦。何多吹落紅。香無意掃。無意掃。
休懊惱。子規枝上語。諄諄勸道。不如歸去。好。驀曰。住。
住。且道。路頭在什麼處。拍膝一下。曰。家家門。透長安。
道。問。內不放出。外不放入。時如何。師曰。痴猫守窟。
問。如何。是西來意。師曰。雨過春山。菌子肥。浮石賢嗣

杭州南山慧覺。眉劍濤禪師。示衆。摩訶衍法。離四句。
絕。不非諦。聽諦。聽。拂一拂。曰。雲有出山勢。水無投澗
聲。示衆。蓋子撲落地。碟子成七片。有眼底。不聞有。

耳底不見。那知劈面機。當陽如拂電。三級浪。高魚化。
龍井底。豈。暮誰解。變不解。變。山僧別爲開方便。以拂。
子搖曳。曰。鸞鷺飛入碧波中。抖擻一團銀繡線。問。
如何。是大人相。師曰。頭頂天。腳踏地。曰。便恁麼去。如。
何。師曰。伸脚元在縮脚裏。浮石賢嗣

臨安九仙嵩源。潮禪師。閩之陳氏子。小參。舉揚岐。因。
雪示衆。偈畢。師曰。楊岐老祖。雖則四壁蕭然。眞風獨。
邁。猶較九仙百步。何故。響岩房。盡日坐。和衣臥。白雲。
舉九曲慶祥禪師。因僧問。險惡道中。以何爲津梁。
慶曰。以此爲津梁。曰。如何。是。以此慶曰。策著汝鼻孔。
頌曰。春風在處百花開。險惡道中恁麼來。欲識津梁。
爲。以此石人木馬。夜懷胎。浮石賢嗣

龍溪積慶。恒止淨禪師。上堂。一二三風捲殘雲。過別。
山。三二一月移花影。穿疎壁。途中受用。底似虎靠山。
世諦流布。底如兔遭罣。祇如明明百草頭。明明佛祖。
意。衆中有識得者。吾今爲你。保任此事。浮石賢嗣

温州雲峰。惠庵。滿禪師。永嘉吳氏子。示衆。雲開日出。
雨落地。濕觀面。全彰虛明。歷歷大衆。還有共相證據。

者麼良久曰一場狼藉浮石賢嗣

涇縣大梅若雷淑禪師辭世示衆曰山僧今年七十

一聊爲諸人通消息。虛空撲落有誰知。倒騎鐵馬稱

今日脫然而逝。塔於本山浮石賢嗣

徑山寶峰了山濬禪師南康星渚王姓舉趙州七斤

衫子話頭曰七斤衫子也。奇哉提不起。兮解不開。今

日分明道破了。五湖雲水莫疑猜。浮石賢嗣

荆南六合雲錫洪禪師小參識得一萬事。畢問諸人

識不識。若也識便合散去。舉古德油滋話頭曰月

到天心處。風來水面時。一般多清意。料得少人知。浮石賢嗣

虎丘湧泉無外法禪師吳江趙氏子上堂燈籠吞却

法身無數佛法盡從脚底下過。乃高聲曰將火來。浮石賢嗣

婁江禪燈大方海禪師桐鄉錢氏子早參鐘聲咬破

七條茅店鷄鳴春曉王登寶殿野老謳歌且道無邊

身菩薩即今在什麼處。拈起拄杖曰具通方眼者速

速進前痛領三十。設有不甘切不可道。山僧辜負汝

曳拄杖歸方丈。陞座臨濟栽松禪燈種圃雪峰拋

毬禾山打鼓他家眼具頂額者裏符懸後股鼻孔不

解通方莫怪山僧莽鹵驀地相逢拳揮足舞好兒曹

親阿祖扯碎栗棘蓬扶起雲門普且道承誰恩力咄

雲從龍風從虎浮石賢嗣

江南宜興金沙石丰澹禪師上堂經律論雖分手三

藏戒定慧蓋本乎一心于此會得即戒即定即慧頭

頭自合轍。法法本全彰于此不明曰貪曰嗔曰痴。門

門有異路。路路有岐門且道戒定慧與貪嗔痴相去

多少試分晰看良久曰一氣不言含有象萬靈何處

謝無私。示衆舉城東老姥話畢師曰老姥不欲見

佛純鋼打就而佛不離老姥熟處難忘山僧恁麼道

也是驚鷺腿上割股且道佛有什麼過而老姥不欲

見。良久曰這孟八郎又與麼去也。浮石賢嗣

五燈全書卷第七十八

京都聖感禪寺住持臣僧

超永

編輯

京都古華嚴寺住持臣僧

超揆

較閱

呈

臨濟宗

南嶽下三十五世隨錄

寶安二隱謚禪師古淪昌州金氏子初游講肆後見
磬山修言下起疑決志參詢依雲門信久之復上天
童苦行六載忽然省發奇祖繼席通玄招師分座說
法而記別焉開法嶠之法祥台之松巖華亭法忍嘉
禾龍淵暨荆溪寶安數刹上堂臨濟祖翁建立黃
檗宗旨全身擔荷不肯兒孫恢張列祖宗猷赤手提
持任他盡乾坤遍大地銅頭鐵額漢子驢駝馬載到
來山僧只消一陣下載清風管教箇箇骨稜肉瘦暢
煞生平且道山僧據箇甚麼道理便乃如是驀拈拄
杖曰橫按鎮鄒全正令太平寰宇斬癡頭示衆今
朝六月初一日暑氣蒸人如火逼陝府鐵牛冷汗流
嘉州大象舌拖地冷汗流舌拖地祇要時人自委悉

驚喚大眾曰且道其中意作麼生委悉良久曰幾度
夜深松下坐薰風陣陣透身涼上堂十五日已前
掘地覓青天十五日已後挖空尋白璞正當十五日
咳嗽掉臂無事不畢任運騰騰優游自適正恁麼時
向上提持則不問汝諸人優游自適一句作麼生道
一日鉢盂幾度溼閒行溪畔兩三遭上堂一葉落
天下秋歸根誰解來無口一塵起大地收萬象森羅
入正受便恁麼去也是徐六擔板不恁麼去天下衲
僧跳不出且道畢竟作麼生秋鴈一聲迴天空萬
里清病起上堂丈室打眠三七日兩眼睜睜光似
漆阿哪阿哪不住聲天回地轉無休歇無休歇一具
骨頭軟如鐵腔子裏含惟太空口吐猛燄回天澤阿
哪哪誰堪識拈拄杖曰惟有拄杖子休戚常干涉且
作麼生是干涉底句三箇奴郎夜簸錢究竟不知誰
是賊喝一喝上堂十月十五日寒風掠面急觸處
體全彰箇中意誰識識不識休擬測凍得人人眉橫
鼻子直拈拄杖曰且道者箇又作麼生撐天拄地任
縱橫從來不借他人力復卓一卓元宵上堂龍燈

鬪額烟樹飛花。噴人面痛徹釋迦。正恁麼時。且道然燈古佛在甚麼處。交肩搭臂成羣。醉夜半笙歌扶到家。上堂。四月初三。秧正青。老農領衆開秧門。沒腔曲調歌田樂。幾箇男兒著眼聽。若也田歌聽得出。一莖草上定乾坤。如是便能拔一莖草。千莖萬莖俱透露。種一片田。千片萬片俱沒荒。到這裏。任是橫拖豎拽。七縱八橫。信手信脚。活路生成。大衆且道。歌田一曲。作麼生唱。乃曰。石榴花。葉兒青。時節到來莫因循。打鼓普請大家看。且道田中有幾人。驀拈拄杖卓一卓。喝一喝。上堂。今朝二月十九。大士出乖露醜。示現三十二應。不知從何而有。有。不。有一曲陽春。和不齊五九。原來四十五。復舉古德曰。觀世音菩薩將錢買餬餅。放下手却是饅頭。師曰。古人恁麼道。神頭鬼面。東涌西沒。雖是面目分明。怎奈令人難覩。且道覩破後作麼生。我爲法王於法自在。上堂。言中取則。大似鹿逐陽。餓句外明。宗亦是猿撈水。月且道畢竟。事作麼生。俊鷹不打籬邊兔。猛虎寧餐伏地屍。示衆。夏日炎炎。火雲燄燄。石蟹攤涎。木雞發汗。且道

是甚麼意旨。自代曰。海底蓬塵飛峰頭波浪起。僧問。如何是第一元師。曰。麗老女兒提菜籃。如何是第二元師。曰。空生宴坐雨花巖。如何是第三元師。曰。越江星夜倒拖船。如何是第一要師。曰。嵩山打破竈。如何是第二要師。曰。呈撓并舞棹。如何是第三要師。曰。誰行不踏道。僧。驀豎起拳曰。既是本來無一物。因甚却有這箇師。曰。這箇是甚麼。僧一喝。師便打。僧求話頭。師曰。你者一問。從甚處來。曰。不知。師曰。自己問。尙且不知。更乞甚麼話頭。問。一口氣不來。向甚處安身立命。師便打。僧無語。師以拄杖擲曰。鈍置殺人。問。不是心。不是佛。不是物。是箇甚麼。師曰。老僧也不識。僧問。措師便打。曰。莫便是麼。師曰。錯。問。萬法歸一一。歸何處。師曰。阿誰教你問。問。牛頭未見四祖時。爲甚百鳥銜花。師曰。肉臭惹蒼蠅。見後爲甚不銜花。師曰。鏡破不藏影。問。古鏡未磨時。如何。師曰。直須打破。康熙甲辰。以學徒罹難于武林。執師赴勘庭。鞠曰。師索筆供曰。昨日歸家時。未至今日歸家。正午時。夢幻空花。留不住。此心能有幾人。至知字。

未成擲筆而逝一時當道咸皆敬禮供龕旬日香雲不散四衆迎歸寶安建塔

林野奇嗣

宜興芙蓉自閉覺禪師蜀之重慶合州余氏子八歲隨父禮本邑馬當山太空爲受業十九歲出蜀首謁天童有省次參通玄大徹遂得法焉出住台之華頂禹之廣化蘇之羅漢慈濟甬之法海嶽林末遷荆溪芙蓉上堂盡道師翁此日死誰識師翁今日生試看天上無私日晨朝東出夜西沉我密師翁從無住本豎無爲幢於無生滅中示現受生豎拂曰還識者老和尚落處麼若也識紅爐飛片雪若未識普請同到師翁真前重加剖訣至真前拈香曰昔曾親喫惡鉗鎚至今痛恨猶未雪冤既有頭債有主插香曰瓣香須向金爐爇香旣爇矣且道師翁還來也未若道來以何爲驗若道不來指真曰面目現在退身三步作女人拜便歸方丈布袋和尚誕日上堂補位當來曾設龍華同登入悲興卽世橫拖布袋立長街等閒寬著肚皮慣會靴裏弄指塵塵利利普現羣機者邊那邊了無回互一向恁麼來千人萬人羅籠不住一

向恁麼去千人萬人喚不回頭絕後光前登三遇五便道空手把鋤頭步行騎水牛人從橋上過橋流水不流猶是應機接物相樓打樓若論本分提持大似鄭州出曹門山僧今日義出豐年偕花獻佛敢問大衆且道布袋和尚卽今在甚麼處擡手曰青山不鎖長飛勢滄海合知來處高留宗首座兼兩序上堂問象王回顧獅子嘖呻逆順縱橫如何施設師曰肘臂不向外屈曰海闊從魚躍天空任鳥飛師曰仰山道底曰一堂風冷澹千古意分明師曰利竿頭上仰蓮心乃曰入而易出而難兜率陀天未許還出而易入而難四明風月有誰攀把手高臺乘快便一任波旬冷眼看布袋老肚皮寬崇樓中高枕拳十八孩兒任遊戲大家共踏上頭關不等閒黑花猫子面門斑以拂子作釣曰長汀江上把竿人釣得西江月一灣臘八上堂渾鋼打就生鐵鑄成馬腹驢胎隨緣放曠鬪雪梅花風送遠明星午夜碧天寒大地呈祥山河獻瑞若道觀明星而證入底是猫兒喫斷麻若道觀明星而證入底不是頂羽過江東畢竟如何咄咄

不時字原本
不明

力口希千年桃核裏黑狗爛銀蹄燈籠沿壁石女登
梯。啞人拍手呵呵笑。得便宜處失便宜。林老和尚
大辰上堂。衣珠纔剖。市地清風。獨出劒門。滿懷風月。
吞却嘉州象。倒騎三脚驢。踏殺大唐英俊。流傾湫倒。
獄無邊表。山僧棒喫血痕多。痛恨而今猶未了。酬恩
四處蕪沉。檀太白山頭抽脚。早哭不得。笑不得。逢
人且唱紅裙襖。紅裙襖向誰討。珊瑚枝枝撐著月。鐵
牛愛喫無根草。晚參桃花紅。李花白。五陵公子遊
芳陌。靈雲公案又重新。人人眼裏重添屑。知恩者截
鐵斬釘。負恩者紅爐點雪。布袋老子笑呵呵。寒山拾
得忙不徹。十字街頭石敢當。聲聲只叫歸去歇。歸去
歇。莫待蓼花紅似血。晚參盲龜鑽入銀宮裏。跛鱓
挨開玉闕時。那吒背上生三角。蝦蟇口裏吐明珠。會
得底掉頭不顧會不得底。坐井觀天山僧。怎麼道。合
喫三十棒。何故點石化爲金玉。勸人除却是非難。
垂語見之不取思之千里。拄杖子化爲龍。吞却山
河大地了。也是汝諸人向甚處著眼。試道看。師過
吳江接待寺。偶值數僧。師問諸上座。到那裏去。一僧

曰。普陀師曰。近日大士不在普陀。曰。在那裏。師曰。在
上座鼻孔裏。曰。錯。師曰。拋却甜桃樹。沿山摘酸梨。僧
茫然。師曰。鈍置煞人。師問易修施居士。春色滿園
關不住。一枝李杏出牆來。且道承誰恩力。曰。不從他
得。師曰。從甚處得。曰。天無私蓋地。無私載。師曰。你卽
今在甚麼處。士豎拳。師曰。錯。認定盤星。師問僧。從
甚麼處來。曰。靈隱。師曰。聞飛來峰。近日又飛去。是否。
僧茫然。師直打出。師一夜入堂。爲衆巡香。稍有不
精采者。便打。少頃召衆曰。你們下單來。我與你商量
一件事。衆環立。師曰。山僧適纔打個瞌睡。僧與我道
說。我亂打你們。貶向黑山下。還有救得我底麼。衆對
不恰。師曰。汝等旣救不得。山僧自救去也。乃打筋斗
而出。問如何是衲衣下事。師曰。鞋寬脚瘦。曰。謝師
答話。師曰。蒼天蒼天。師於順治辛丑臘月。示微疾。
二十七日。索浴作書。謝諸檀護。遺囑。誠衆嚴切。至酉
時。復書偈曰。天上天下。脚頭脚底。撩起便行。將頭作
尾。呵呵呵。風流不在著衣多。一曲歸家唱。遲遲擲筆
曰。俗氣也不除。竟爾趨寂。壽五十三。臘三十四。奉全

身塔于寺之東首屏風山

林野奇嗣

金莪博融本禪師。結制日一僧告假出山。師曰。你要去不許去。你要住不許住。畢竟作麼生。僧問對旁一僧復舉問。前話師曰。者個問頭。直饒大徹底人也。出身不得。僧曰。某甲還出得麼。師喝曰。雞棲鳳巢。素非其類。

林野奇嗣

台州鴻福妙高昇禪師。上堂。雁宕嵩岳共一山。春風春水幾迴還。祖師的意分明極。盡在離披花雨間。鷲舉拄杖曰。還會麼。九九原歸八十一。前三三也後三三。一把柳絲收不得。和烟搭在玉闌干。上堂。此中得個真消息。是處天開百萬峰。指指山頭呈瑞色。頭頭物性展春容。門前石踞欽禪虎。階下池歸聽法龍。更有現前諸子貴。團團圍繞睹驢翁。將南作北。指西話東。紫羅帳裏撒珍珠。信手拈來用不窮。簸箕量米。渾無別熨斗。煎茶銚不同龍。驤虎驟別露家風。好大哥。沒羅籠大抵還他皆敏手。靈機妙叶振綱宗。小參坐斷毗盧頂。迴出威音王。當陽施殺活。赫赫顯風光。所以道大人具大見。大智得大用。頓除情見裂破。

愛網直得孤迥迥。峭巍巍可以撥轉天關。掀翻地軸。必須恁麼人。方行恁麼事。欲行恁麼事。必須恁麼人。人事且置。祇如照用雙行。一句作麼生。道雷電一聲轟宇宙。翻身獨步上頭關。示衆一著聲。前活路機。人人本具。自離披若能直下超。方去鳥用山僧覷面提諸仁者。委悉麼。牙齒一具。骨耳朶兩片皮。薦靈小參。因我則有生。有我實不滅。打破兩關頭。猶若水中月光光。相照洞然明白。這邊那邊。祇是這賊信步踏翻。鴈宕山泥牛。進入無生國。大衆還知水月印公爲人底消息麼。朔風吹綻臘梅花。曉日燦開巖畔雪。

林野奇嗣

海鹽法喜破顏祖禪師。西蜀達州吳氏子上堂。黃金離鑲白玉無瑕。便恁麼會。眼裏撒沙。臨濟逢人便喝。未免辜負己靈。德山入門便棒。大似指鹿爲馬。若是本分衲僧。自然瀟瀟灑灑。作麼生是瀟灑處。俗時兀兀繩床上。興到園中步一回。上堂。無禪可參。無道可悟。直下承當。超佛越祖。臨濟三遭痛棒。於黃檗山中。冤有頭。仰山死偷心。於大湫座下。債有主。衲僧分。

上眼蓋乾坤。氣吞佛祖。薰豎拂子曰。到者裏。爲甚一言不措。受人處分。擲下拂子曰。無人酬價。打與一百。復舉臨濟問僧。甚處來。僧曰。定州。濟拈棒。僧擬議。濟便打。僧不肯。濟曰。已後遇明眼人去。在僧後。到三聖。遂舉前話。三聖拈棒。僧擬議。聖亦打。大衆臨濟父子。雖是棒頭。甚活。只好欺個懵懂禪流。若是作家上士。纔跨入門。見伊。怎麼問。便好隨聲。熱喝。更若動靜拂袖。便行。縱有倚天長棒。管教無處下手。而今既已納降。遂使這二老漢。聲價過倍。薰拈拄杖。召大衆曰。還有爲者。僧出氣者。麼。衆無語。師曰。總是一夥喫棒漢。下座。一時趁散。上堂。無垢光清淨。光智慧。光菩提。光光相離。塵塵互入。釋迦老子。三百六十骨節。八萬四千毛竅。都盧是個大光明藏。遠山浮玉。近水沉碧。月臨高樓。風鳴敗樹。無非此光明藏之發現耳。汝等諸人行也。在裏許。坐也。在裏許。直下信得及。見得徹。南無佛陀。南無達磨。南無僧伽。一時周禮沙彌戒比丘。戒菩薩戒。逢場作戲也。可到處稱尊也。可知而故犯也。可其或未然。不得被光影門戶轉却。故白。

上堂。一個月。兩個月。三個月。算來祇有九十日。平地掘起。陷人坑。空中打個擊。驢橛。而今解制已臨期。芒屨踏破。野狐窺寒。梅破玉香。風清無限。春光都狼藉。遂喝一喝。示衆。舉不顧。即差互。擬思量。何劫悟雲門。大師向電光影裏。賣俏令人覷。捕不及。思慕不已。法喜又且不然。薰拈杖曰。開眼也。著閉眼也。著覷面。分明何須摸索。卓一卓曰。麒麟只有一隻角。示衆。茶來爲汝接。禮拜便呼起。處處直提撕。吾無隱乎爾。忽有個不識好惡底。漢出來道。長老。老你大似福建人。賣荔枝也好。與三十拄杖。何故不見道。有功者賞。師謂僧曰。連日天雨。足下甚溼。曰和尚也拖泥帶水。師曰。是伊不肯乾。爆爆他爭怪得。山僧問。蟻螟蟲爲甚麼。吞却須彌山。師曰。是伊家常茶飯。順治丁酉九月八日。師示寂。坐說偈曰。本無生死。焉有去來。脫體風流。縱橫自在。呵呵。歛目而逝。塔建秦駐山之麓。林野奇聞

永嘉雲山大用志禪師。上堂。問大開爐。韃即不問。三元三要。請師分。師曰。長天一色。秋日如何。是第一元。

師曰野老夜燒錢曰如何是第二元師曰雲湛見青天曰如何是第三元師曰萬派總歸源曰如何是第一要師曰鴻濛未鑿斲曰如何是第二要師曰巖前石虎叫曰如何是第三要師曰波斯鼻孔峭僧以坐具畫○相師便打乃曰舉足下足無非穩密田地撞頭磕額總是自己家鄉無位真人在汝赤肉團上壁立萬仞因甚不知不覺終日向外馳求長期短限畫地爲牢大似無繩自縛若也瞥地翻身山僧爲汝證據以拄杖旋風打散上堂觀破恒沙國土佛祖機關掀翻無量劫來生死窠臼運乾坤於掌握有實有權藏日月於胸懷無今無古眉如鐵杵碎大地爲微塵牙若金錐嚼須彌作灰炭更於三百六十骨節內放出金毛獅子向八萬四千毛孔裏擎來玉角麒麟縱橫則神通自在舒卷則妙用天然且道甚麼人有如是作略苟能知得便知山僧本命元辰落處若知山僧本命元辰落處便知三世諸佛歷代祖師天下老和尚本命元辰落處倘或未然却是山僧罪過

奇

野林

太倉香林佛古聞禪師西蜀潼川張氏子幼岐嶷卓犖出語驚人脫白後行脚至金陵報恩觀寶塔放光薦觸前因了明大事詣通玄命典客機緣相契奇皆許可遂承付囑出住婁江古塘拈据百端得成法席繼入都門暫憩隆安值

世祖章皇帝駕幸師正趺

帝注視曰貌古神清遂問住何寺答曰太倉香雲

帝曰香雲不若香林好今遵香林焉龍馭上賓師

受千佛院之請上堂祝聖曰晏坐隆安七尺床鍼

頭一見意何長追思無計酬恩澤今古惟憑一瓣香

又應圓寧法興二刹上堂集知風穴知雨智鑑無

痕靈源無底不是心不是佛月娟娟而萬水不沉非

旂動非風動雲靄靄而千峰自啓達磨西來不會禪

至今露却當門齒且節至理彰一句作麼生道柳陰

拂地黃鸝囀水碧搖天白鷺飛上堂聲色裏坐聲

色裏臥冷地商量早成錯過不錯過堪笑楊岐三蹄

驢踏倒嵩山破籠墮晚參學五祖演示衆曰四五

百石麥二三千石稻好個休糧方者婆不得妙師曰

五祖大似富嫌千口少。貧恨一身多。爭似香林這裏。園無半莖菜。廩無一粒米。信手拈將來。供養諸賢者。阿呵。呵。真快活。夜半鐘聲。敲未斷。清晨齊唱太平歌。

上堂。大雪覆千山。孤峰頂不白。無人識得渠。萬戶俱打徹。舉拂子曰。者裏挨開綫道。拶得身來。許你諸人持論。設若眼孔定動。喉噎心知。早是白雲萬里。

上堂。虛空包不住。大地載不起。古鑑辨妍妍。良工列規矩。末後句。只者是我與雪峰。同條生。不與雪峰同條死。且道如何。是末後句。喝一喝。曰。善財拄杖子。

上堂。古殿洞然玲瓏溢。自風生。鳥樹香散庭。幃列諸聖於其間。羅萬靈於此際。龍驤虎驟。啓千佛之頽風。疊嶂層巒。拱九重之聖境。沒絃琴。調貴和知音。無孔笛腔。惟善接拍。且道還有飲泉水。知地脈者麼。遂起身。鞠躬曰。不因大量設。蕭供怎得陞堂祝聖圖。晚參病瘥不假驢駝。藥延齡何用九還丹。山僧昔在天台通玄秘。授靈驗奇方。善治盲聾瘡癰。貪瞋癡妄。諸般邪魅。疑難雜症。無論國王大臣。僧尼道俗。只消一服。立刻痊癒。如何。是方。響單提一口氣。不來畢竟向。

甚麼處安身立命。直下服去。自然見効。不惟衆苦冰清。亦乃菩提克證。倘若疑信不決。舊疾仍作。莫言不道。師于康熙丙午仲冬二十三日。集衆遺囑訓誡。皆法門大綱。不及世諦。語子時分。呼侍者更衣端坐。而逝。壽五十有七。臘二十有三。塔于香林之殿西隅。

林野奇嗣

弁山蟠龍法柱長禪師。興化仙游胡氏子。髫年醉心宗門。母欲爲婚。媾師不從。宵遯投龍潭祝髮。巖棲數月。途步出嶺。造博山。進不語堂。兩閱寒暑。衣不解帶。于法眼拈夾山語。豁然契悟。卽語儕輩。法眼與麼解。會要見夾山。直待驢年。便捲臥具。徧謁諸方。逮抵江浙。末上通玄。初見奇祖。相視漠然。奇對侍司曰。新到好個學者。一日入室。奇指曰。這裏是甚麼所在。師曰。不敢再下註脚。抽身便出。晚復進見。奇圍爐。奇曰。莫去火爐頭。有個無賓主句。正待商量。師曰。不必奇挾火。曰。這箇爲甚。喚作火。師披脫火筋。便出奇曰。蒼天蒼天。一日奇入碓房。見師躬操杵。白乃曰。墜腰石。今日放光也。師曰。業在其中。一日奇舉破夏公案。泊濟。

行數里。疑此事。且道。疑甚麼。師曰。疑殺天下人。奇曰。黃檗爲甚。前不肯後肯。師曰。獅子咬人。奇曰。識得你。也便。掌師亦掌。至晚。喚師入室。付授焉。時值申酉之變。杖笠歸。闔避地。支提辛卯。省觀天童。癸巳。始抵吳興。創蟠龍于弁蒼北麓。開法。上堂。問祖意教意。是同是別。師曰。吳山青。楚水綠。曰。謝師答話。師曰。二十棒。自領去。乃曰。諸人生來。自有一雙眼睛。固是活埋。在聲色堆頭。夜以繼日。擺撲不脫。驚喚大衆。衆舉首。師曰。莫妄想。上堂。僧擬問。師便打。僧亂統。師連棒。趨出。乃曰。口縫未開。山僧便著草鞋。向你肚裏走。幾遭也。若待問來。答去。形於紙筆。當爲禪道佛法。直指一宗。掃地而盡。乃展兩手。曰。討甚麼碗。上堂。衲僧家。寧遁上古之規繩。餓死於林下。不可好熱鬧。而恥辱於先聖。有般瞎漢。以大法小法。籠瞽學者。臆度如來。無上知見。又何常夢見其戾溺氣耶。大衆要識是非面目。現在。上堂。春山如黛。春雨如膏。翠竹千莖。萬壑黃鸝一聲兩聲。圓通門大啓。不用悟。無生有人。諸落處。蟠龍分半院。與他住。上堂。諸方鉤又曲。餌

又香奔湊。又如蜂抱王蟠龍。這裏鉤又無。餌又空。壁立猶如虎嘯風。不啓玄沙三種病。從教個個氣如虹。何故不癡不聾。不作大家翁。上堂。色身敗壞。如何是堅固法身。卽此證得。親見迦葉師兄。上堂。問如何是蟠龍爲人。師曰。闍黎退身。有分。僧無語。師曰。不信道。乃曰。香嚴悟處。不在擊竹邊。俱胝得處。不在指頭上。好大哥。勘破了也。且道。勘破個甚麼。羚羊掛角。無人見。獵犬尋蹤。特地猜。上堂。衆集。師曰。好些陳爛葛藤。今日索性截斷去也。以拄杖趕下。復召大衆。衆回首。師曰。可惜許。浴佛上堂。當言不避。截舌當爐。不避火。迸這漢。剛出頭來。便逞乞兒伎倆。將大地人物。作自己受用。不知背後有人。雖然蟠龍拄杖子。未打你在。上堂。天地與我同根。遂拈膝曰。誰敢正眼觀著萬物與我一體。又拈膝曰。這裏是甚麼所在。不見道。於一毛端。現寶王刹。坐微塵裏。轉大法輪。看他底關底方。會脚尖頭。踢出個佛。若是胸次有一星兒佛法。元妙知見。擬欲利人利己。生陷拔舌犁耕。且道利害在甚麼處。上堂。與拾枯柴。煮瀑冰。閒拖瘦

杖入雲層。秋空十里笑聲香。喫瓊瑤粥。住山僧大衆。且道東震土中。還有這個快活。不徹底漢麼。拍膝一下。示衆舉。與教洪壽禪師中丞王公隨。一日過師。師擁義負喧。自若王下拜。師推蒲團席地與坐。笑語終日而去。門人讓師曰。此一衆所仰。奈何不加禮。他日王復來。師出前趨迎之。王曰。何不如前日相見。師曰。中丞卽得。奈知事。嗔何。王益重之。師曰。自靈山遺囑。王公大臣皆爲我家垣牆。林下人能以古道自處。無怪天子不得臣。諸侯不得友。其王公貴人安往而不敬哉。味其知事。嗔何一言。足以形容。脾販輩沒處遁逃也。可悲也可笑。示衆舉。倚遇禪師叢席在法昌崇寧之北。千峰萬壑。古屋數間。師刀耕火種。殊安樂之。衲子至不堪枯淡。多棄去。開爐日以一力。搗鼓陞座。諸上座佛法盛衰。據此可卜。蓋先哲務實而不務名。彼法昌萬山之中。臨開爐日以一力。搗鼓陞座。得非自全也耶。登其門者如積翠。南大寧。寬寶覺。心靈源。叟皆互相推重。乃至龍圖徐公禧與昌俱爲布衣交。此時儕輩抑未聞有哂之者。而抑未見其自歎。

不若人者也。眞如踞地獅子。昌其人歟。時山門頭犬吠聲。師呼行者往看。有甚祖師到。喚來洗脚。示衆死心生平。以嗔怒訶罵時輩。五祖生平以戲笑爐槌學者。蟠龍自來閉門打睡。聽其苔封古屋。草長法堂於心無愧。今日入泥入水。曲順人情。許諸德入室。以本分相見。眼目定動。怎怪得山僧。示衆說禪。浩浩地爭如栽田博飯喫。呵佛罵祖。口須讓孤峰頂上人。迫不得已。炊鐵釘飯。煮木札羹。要飽天下之饑人。直是教他無下口處。卓拄杖曰。有權有縱有殺。有活示衆。涅槃經魔說。眼正許仰山一毫上。識得水潦悟也未。拘折俱抵指頭。玄沙旁不肯泊。合經論賺過良遂。是可兒有者。道峻崖句。峻陷虎機深。是則固是大煞麻語。以拂劃一劃曰。鉤在不疑之地。林野奇詞永嘉護國古泉清禪師。江南寧國人。師未嘗言姓氏。齠年入匡廬。剃落本山。受具。精止觀。參天童因竹筴子落地得悟。後依通玄奇執侍。六載。受囑後。出住甌之樂清盤龍。繼主永嘉護國。冬至上堂。洞山撥退菓桌。羣陰剝。慈明揭勝。僧堂一陽來復。可謂舉止。

參造化施設俾鬼神檢點將來未曾舉著向上事在。遂舉拂子曰。委悉麼。葭灰纔動。繡線初添。擲拂子。

上堂。山僧昔曾記得古宿一則公案。甚是奇特。可以轉凡成聖。可以破生死關。可以出有無見。刺久默斯。要不務速說。今乃因齋慶讚。不免對衆舉似。遂連卓拄杖。元旦小參。溢目韶光。物情舒泰。梅開遍野。草木呈祥。斬新條令。特地乾坤。放出南山。鸞鼻吞却。嘉州大象。石女謳歌。木人作舞。十字街頭。石敢當拈掌。大笑曰。奇哉奇哉。天地一指。萬物一馬。喝一喝曰。且道者個。是甚麼復喝。一喝歸方丈。僧問。如何是空劫已前。鼻孔師豎拳曰。會麼。曰。此是即今的。師曰。汝且會即今的。因僧向方丈前過。師召曰。者裏來。僧便入。師曰。未有事在。且去。僧便去。師復召。僧回首。師曰。向後不得辜負老僧。問。萬象之中。獨露身。意旨如何。師曰。吾無隱乎爾。僧無語。師便打。僧叉手問曰。和尚還識某甲麼。師曰。不是人。便是鬼。曰。蒼天蒼天。師曰。哭你底爺。哭你底娘。僧禮拜。師喚侍者曰。將三文紙錢來。師後隱新昌之西山。於康熙甲辰秋。

八月示寂。茶毗得舍利無算。建塔于本菴之西麓。野林

南嶽藥山商尊元禪師。湖廣衡陽王氏子。因事匿跡。飛來菴。禮繼白首座出家。參無縫塔話。上天童。首謁金粟容。機緣即契。師以未見悟老人。乃直上太白。見悟於大徹堂。問神光向達。磨作禮三拜。得髓授衣。今日某甲亦禮和尙三拜。且道得個甚麼。悟曰。沒汝分。師力參三載。不能轉一語。一日再理前話。悟亦如是。答師曰。怎麼則得髓去也。悟曰。既是沒汝分。爲甚麼又得髓。師曰。老老大大作這般去。就悟曰。如何是汝得的髓。師曰。大衆證明。悟便打。師曰。更要矢上加尖。上雙鬚。參雲門。信旁有僧持錢至。信曰。金陵用的錢。這樣小。師曰。銅錢雖小。寶字一般。信曰。如何是汝的寶。師作捧寶勢曰。請大師鑑信。曰。弄虛頭。漢師曰。這老漢寶也不識。信曰。阿誰能識。師拍露柱曰。露柱證明。信便歸方丈。師曰。也不消得。參天童。志除夕。普茶次。志曰。山僧行一令。道得者徑過道。不得者罰茶十鍾。師曰。進令。志曰。覓心無處得心安。因甚却往鄆縣。

調心師曰。但見皇風成一片。不知何處有邊疆。恣曰。也要喫五鍾。師曰。和尚如何。恣曰。柳絮隨風自西自東。師曰。和尚也要喫十鍾。恣曰。何得如此。師曰。教壞人家男女。謁通玄奇。水乳契合。未幾受囑。海陵何阜福慧寺。請師開法。後古南門應請。興化延師分座。說法名重叢林。順治戊戌。師歸省。母抵漢江。棲賢示疾。骨如柴立。猶危坐竟夕。獨冠敬見曰。兄瘦若此。何乃爾耶。卽張目書偈曰。皮包骨。骨裏肉。骨肉脫盡。是何物。咄。芳草萋萋。鸚鵡洲。晴川歷歷。漢陽樹。卽投筆而化。門人奉龕歸。福慧供奉三載。始啓龕戶。茶毗見師顏色如生。一目微露。晴光射人。四衆歡呼。仍迎建塔。

林野奇嗣

江南寧國寧元漢。目杲禪師。泉州紫雲黃氏子。幼不如輩。十一歲。父母俱喪。覺世相無常。遂詣圭峰。禮妙湛。雜染焉。二十歲。謁黃檗琦。入室。纔問。琦連打數棒。師罔措。悶甚。更加力。究午夜。聞鐘忽省。曰。噫。元來病在冷中起。遂從前疑團。當下冰釋。上方丈。呈解。琦多首肯。未幾出閩。徧參同石生弟。叩金粟元元。問二人

同鼻孔。那個最重。師曰。和尚試定當看。元曰。却是你重。師曰。莫塗污人。好元又顧石生曰。你又作麼。生石一喝。元曰。泊不問過。師便出。元深異之。令居記室。越明年。參天童。恣師問。陸來船來。無勞問。吾同聲相應。一句請師速道。恣曰。裂破舌頭。師曰。未到。天童不妨疑著。恣曰。疑則且置。諸方結制。何不覓個住處。師曰。三處度。夏文殊舊規。恣曰。文殊卽今何在。師振聲一喝。恣曰。這閩子。敢來捋虎鬚。直打出方丈。師曰。某甲遠來。且勿相護。復參通玄奇。奇舉夾山話。問法眼不作境。會汝作麼。生會。師曰。寧可截舌。不犯國諱。奇曰。却是沒奈何。師曰。尊意如何。奇曰。損抱子。歸青嶂裏。鳥銜花落碧巖前。師趨前問訊曰。千古罕聞。奇便喝。師曰。轉見作家奇。又喝。師於是頓見古人用處。遂令掌翰墨。又囑經次。奇問。梵語首楞嚴。華言究竟堅固。如何是堅固底道理。師曰。但有言說。多無實義。奇曰。豈無轉身只要杜口。師曰。看他朝子。貴不是種田郎。奇曰。面皮厚多少。師曰。正要天下人箇點奇。便喝。師亦喝。奇領之一日。出衣拂。囑之。出住江南寧國寧元

寺。上堂佛法無人說。雖慧莫能曉。遂喝一喝曰。莫探頭好。有口且掛壁上。是法非思量分別之所能知。復喝一喝曰。作甚難。易早已七穿八穴。大衆釋迦老子開口話墮。全不覺知。今日總被不肖挫折。一上是汝諸人還見山僧眉毛在麼。乃拍禪床一下曰。爲衆竭力。禍出私門。謝監院上堂。折東籬補西壁。扶叢林。窮知識。至於陸役沉勞。將無作有。在祖上人未曾。不會更有三種事。不可不知。第一直須金鑄堅實心。逢魔不退。第二更要鐵作脊梁骨。遇難轉剛。第三乃○○○○○曰。割。上堂古石壘三十年。張由基弓箭只射得半個聖人。老高峰廿餘載布漫天網。羅方遇著一螟虫。子寧元素病在狂。不但矯今時疲敝。直欲反古人休風。是以弓亦不張。網亦不布。牢關把定。鬼神無窺覷之方。葛藤剷除。佛祖正蕩平之路。其奈人心不古。望崖而退者多。法運下衰。特地相呈者寡。雖然。且道如何是寧元真。實爲人處。遂喝一喝曰。拳便用拳。踢便用踢。上堂問德山爲甚入門便棒。師曰。養子方知父慈。曰。臨濟爲甚入門便喝。師曰。賊無。

種相鼓弄曰。德山臨濟未出世已前。還有棒喝也無。師曰。向來曾亦疑著僧。一喝師曰。無人捫打汝何勞。叫喊。乃曰。德山棒臨濟喝。總是弄巧翻成拙。不見達磨門下分皮分骨。分髓何似。老神光禮拜叉手而立。遂以手捫嘴曰。寧山今日也成多說。上堂生是誑。死是謗。不生不死何模樣。等閒坐斷兩頭關。不動身心成實相。驀拈拄杖卓一下曰。關已坐斷。如何是成底實相。復卓一下曰。不離當處常湛然。覓卽知君不可見。晚參舉瑯琊曰。有句無句。如藤倚樹。樹倒藤枯。好一堆爛柴。大慧曰。作賊人心虛。雖然如是。恩大難酬。千巖曰。一人作佛法商量。一人作世諦流布。檢點將來。總欠悟在。師曰。大衆且道。那一個是世諦流布。那一個是佛法商量。時有僧出。師烹喝曰。淨土上不許乞屎窖。上堂衆集。定師默然良久。問曰。還會麼。衆無對。師復曰。般若經中云。無法可說是名說法。便下座。僧問牛頭未見四祖時。因甚百鳥銜花。師曰。功不浪施。曰。見後因甚却不銜花。師曰。恩無重報。師因同門商尊公舉深明二上座。話問曰。那裏是。

他未悟處。師曰。切莫壓良爲賤。曰。三十里方省。又作麼生。師曰。落七落八。曰。若不同床睡。安知被底穿。師曰。百年一夢。問。魚行水濁。鳥飛毛落。亮上座一入西山。爲甚杳無消息。師曰。甕裏不走鼈。問。如何是道。師曰。雨打石頭滑。曰。如何是道中人。師曰。步行騎馬。僧擬議。師曰。無汝著脚處。師因二梵僧參一名。叱釋拾羅。曰。汝還識得他的根底麼。曰。識。師曰。既識。爲甚又來此。方僧畫○相。復以手打破。師曰。不易南來。又問羅。叱索南。曰。汝又恁的僧攘臂努目。操梵音。師曰。我却不會。汝這三昧僧。展兩手。師亦曰。不易南來。二僧下帽。一齊作禮。師曰。一龍二蛇。師在南臺。逢一幼婦。攜一籃螺螄。乞求授記。師以手撥螺螄。曰。我不敢輕于汝等。汝等皆當作佛。婦叩謝。師曰。汝既夢擬我。亦酒醉言訖。婦不見。師到西潯大聖山。見一僧危坐門外。師入。異之。既而出。視其僧已立。師問曰。汝盲耶。不對。師曰。汝聾耶。不對。師曰。汝啞耶。不對。師曰。盧醫扁鵲。雖有神丹。遇此等人。終無靈驗。遂過別山。至暮。乃還。其僧卓然如故。從者笑之。師曰。莫動。

他三日後。午時化去。在左右以師言不妄候之。果然。師頌曰。瞽盲音啞。已無知庭下。何爲立許。時惹得東。郎汪小。大一狐疑。了一狐疑。師入堂。值雲首座。指火問衆曰。喚作火。則燒殺汝。不喚作火。則凍殺汝。畢竟喚作甚麼。師聞之。謂衆曰。適纔首座此問。殊是發藥。汝諸兄弟。毋相錯過。衆默然。師遶爐三匝而出。野林

奇

揚州興教破雲義禪師。桐城方氏子。族以儒業。幼稍知書。十二失父。十四喪母。胞兄善交。馳騁敗度。揮金殆盡。師亦娛聲色。每醉後。喜於林樹中宿。一夜五鼓。聞子規聲。豁然如澄潭皓月。其中清徹之狀。不可枚舉。且喜且疑。有會於道。因到般若社。見雲松。松以竹筴子話示師。茫然不知。下落更加迷悶。適松有匡廬之行。相隨舟中。松叱曰。汝是俗子。與我僧家偕行。不便。師隨起憤心。向梢艚。索剪刀。將髮剪下。和巾幘投之江中。見松曰。是僧耶。是俗耶。松笑曰。眞丈夫兒。出世因緣。在此舉矣。侍松參博山。一夕聞舉大事。已明如喪考妣。會得竹筴子話。舉似松。松曰。你見個甚麼。

道理師曰燈原是火松曰俗漢子師曰莫瞞他好後
參天童三載領益頗多復參通玄奇師問柳栗橫擔
不顧人直入千峰萬峰去時如何奇曰看脚下師曰
足下無私誰敢觀奇曰你又向這裏躲根在師便喝
奇曰險至此覺得尙有一毫頭難去在一日監院爲
僧舉火攬炬曰就在者裏師在側豁然徹底方知從
上老宿本師老人不欺我也是年卽受記荊 出住
與教上堂榴花紅似火蘆花白如雪紫燕語喃喃黃
鸝聲弄舌分付時人仔細看莫教錯過好消息 上
堂菩提本無樹明鏡亦非臺本來無一物何處惹塵
埃請問諸人既無一物卽今山河大地明暗色空四
時寒暑兩儀日月萬象森羅一切世間種種色相畢
竟向何處安著良久喝一喝曰貪觀天上月失却手
中橈 僧問卽心卽佛卽不問非心非佛事如何師
曰我正要問你那個是你的心僧無語師打出 問
某甲參學多年未有個入處師作悲痛聲曰苦苦僧
亦哭曰難爲和尙慈悲師笑曰蒼天蒼天僧有省 野林

五燈全書卷第七十八

奇師

五燈全書卷第七十九

京都聖感禪寺住持臣僧 超永 編輯

京都古華嚴寺住持臣僧 超揆 較閱 進

呈

臨濟宗

南嶽下三十五世隨錄

嘉興石佛乳峰深禪師上堂水洗水舍那千丈毗盧
海塵淨塵十方世界現全真風敲竹韻日轉松林黃
鸝啼古岸白鷺點丹城薰拈拄杖曰會麼有也無也
塵也水也若向者裏薦得法爾如新其或未然山僧
爲汝證明卓拄杖一下曰蘇嚕娑婆訶唵唎娑婆訶
除夕小參王老燒錢計窮力竭梅洲分歲嘯月吟
風塞北春寒一言已出江南地煖馴馬難追舉一不
得舉二放過一著落在第二鳴指曰爆竹聲中催臘
去紅爐燄上報春來 師問萬象之中獨露身拄杖
子還相見也無僧便喝師曰者一喝還是相見不相
見僧便行師曰住住 馬祖翫月頌曰桃梅李奈一
園紅皺著酸甜味不同曾見空庭閒翫月相傳千載

播宗風。師年七十五。攜杖遍歷匡廬諸山。至康熙癸亥七十七歲。復歸本寺。與衆盤桓無倦色。別諸檀越分付侍者。傳各處弟子。至三更時沐浴書偈曰。指出宗風。代代重元關。鳥道在其中。青山綠水分賓主。明月堂前酒一鍾。擲筆大笑行數步。立逝。塔建本寺。

林野
奇嗣

餘杭廣化笑堂悅可明禪師。武塘居氏子。棄室出家。初參天童。再參通立。奇聞報鐘有省。一日奇問天龍。豎指意旨何如。師亦豎一指。奇曰。山僧又不然。師曰。請和尚道看。奇復豎一指。師曰。恁麼則龍得水。時添意氣。虎逢山。勢長威。獐奇曰。你又向恁麼處見得。師亦豎一指。奇領之。上堂。松林幾度秋聲。牛背一腔橫笛。天然大士圓通。爭奈諸仁不識。還會麼。普門大士在。諸人眼睫上。轉大法輪。作不思議功德了也。如或未然。二六時中。切須討個端的。喝一喝。曰。佛殿裏燒香。齋堂中展鉢。林野奇嗣廣德石溪崇化了悟能禪師。晚參鐵壁銀山。七穿八穴。毫髮不存。全然漏泄。啞子喫黃連。滿口道不出清。

波無遠路。冷浸一輪月。喝一喝。因事示衆。本自無爲。閒道人胸中。豈留元字脚。假如拾得是非窠。就手一時須抹却。到者裏無非不非。無是不是。是以拄杖劃一劃。曰。截斷雲雷氣象。清金鳥。踴出輝天地。拽杖歸方丈。林野奇嗣

天台萬年無礙徹禪師。上堂。靈符在肘。動止由誰。寶劍高提。殺活在我。他穿楊妙技。到此擲箭拋弓。總饒辯若懸河。未免亡鋒結舌。不是鉗錘綿密。亦非爐韞森嚴。選佛場中。理宜如是。山僧今日初陞此座。條令斬新。不論是佛是魔。入門便喝。便棒。九十日內。把斷要津。二六時中。壁立萬仞。直得頑銅鈍鐵。頓成利器。是聖是凡。盡證無生。設或時節一至。自然如龍得水。似虎靠山。出入自由。縱橫無礙。雖然。須是個人始得。還委悉麼。出羣須是英靈漢。敵摩還他師子兒。送法衣上堂。舉起衣曰。只此衣護法未畢。意已前混然一體。既發心已後。撞著作家。敏手直得七花八裂。向鍼劑不入處。痛下鍼錐。風縫不通處。絲來線去。仍復打成一片。正當恁麼時。且看徹上座如何施設。遂

披衣曰將來搭向肩頭上直踏毗盧頂上行 示衆
泰寧今日起七穀米毫無一粒只有白棒一條觸著
頭破腦裂有般知解宗徒便道鉗錘綿密若作與麼
商量正是喚龜作鼈直饒盡底掀翻未是衲僧巴鼻
良久曰寧可截舌不犯國諱

林野奇嗣

湖州地藏指拾學禪師夔州高梁唐氏子初歷講肆
傳通教相後因危疾自念生死到來將何抵對遂參
天童悟於棒下得個入處即呈偈曰觸背未分明朗
朗擬心推處黑漫漫要知的的無他事打破虛空這
一拳首座見而閱之不與可否師又力參一日忽聽
香版一擊全身脫落即呈偈曰一擊情關識鎖開呵
呵微笑歎奇哉元來是個無思算徹見渠儂腦後腮
悟領之 復參金粟容容豎拳曰我手何似佛手師
曰和尚也要喫我一拳容便打師禮拜而出 參棲
真值奇上堂師問路逢劍客須呈劍試請和尚劍看
奇曰血濺梵天師曰忽遇單刀直入又作麼生奇便
打師便喝一日奇問纔有是非紛然失心不涉是非
道將一句來師曰禮拜和尚去也便出 一日奇問

昔有僧問夾山如何是夾山境山曰猿抱子歸青嶂
裏鳥銜花落碧巖前復有法眼曰我二十年來只作
境話會奇曰既不作境話會作麼生會師曰會即禍
生奇領之 師開法菴溪三十年康熙戊午示寂塔
於廣德州之雲門寺右

林野奇嗣

汝州風穴雲峩喜禪師蜀之資陽陳氏子幼而穎異
齟年見死尸腴脹有感求出家父母難之乃自絕食
人而許之遂投寶峰披剃徧謁禪席聞雙桂明住萬
峰即兼程而往機緣相契命職維那壬午出蜀造金
粟上天童復過天台參林野奇祖師資相合親依七
載通玄高寒清苦染危疾瀕死方瘡命充副寺一日
奇問曰等閒拶著便轉轆轤地我這裏總用不著將
汝從前所得據實說與老僧看師乃盡情呈白奇搖
手曰是不是師曰向來皆蒙印可因甚今却不是
奇曰且道山河大地與你自己是同是別師曰同則
總同別則總別奇正色呵曰說得道理好師擬議被
奇攔胸把住曰除却總別異同速道速道師無語奇
乃慕向懸巖一推當下胸中寶惜廓爾冰消隨口說

偈曰。罷罷罷。休休休。橫眠倒臥在山丘。翻身拶碎虚空骨。萬象森羅笑點頭。呈方丈。奇閱畢。復伸手索曰。將你悟得的。拈與老僧看。師曰。昨日無端被害。這脚一夜疼痛不止。奇乃呵呵大笑。師哭蒼天。蒼天便出。次日復將從上諸訛公案。重重勘驗。師一一對答如流。奇笑曰。這回吾不汝欺也。遂受記。荊明年禮辭渡江。涉滁水。適鶴丘固始縑素。請住大別。普濟始開法焉。繼而遷光山。普福羅山。龍池。鄧州。慶祥。隨州。法興。丙申秋。受汝州觀察。捷武范公。請住風穴。祖庭。開蔡關。莽大整頓。綱濟上宗。風於師復振。上堂。寒則普天。雨地寒。熱則普天。雨地熱。雖則寒暑遷流。當體本無生滅。是以丹霞燒木佛。燎却院主鬚。眉移花兼蝶。至百丈躬身。撥火突出。瀉山眼。睛買石得雲。饒山僧。今將盡十方世界。爲一火爐。以四聖六凡作柴。炭。遂拈拂子。吹一吹曰。祇憑者星子三昧火。猛發烈燄。且天不容進前。退後。卓立躊躇。汝等諸人。作麼生得個出身之路。以左手拍禪床。復舉趙州示衆曰。我向南方行脚。火爐頭有個無賓主句。直至如今。無人舉著。

師乃召大眾曰。還會麼。若會得。趙州老漢。無地容身。其或未。然不免重下註脚。我向行脚南方。火爐頭有個無賓主句。也是貧兒思舊債。直至如今。無人舉著。切忌揚聲止響。普濟恁麼批判。還有爲趙州作主底麼。上堂。破囊箕。秃笠帚。臥月眠雲。乾屎橛。死猫頭。超今越古。恁麼舉唱。是汝諸人。還箇點得出麼。如箇點得出。山僧生陷。無間地獄。脫或未。然雪峰。輓毬玄沙。汝虎復舉。修山主曰。是柱不見柱。非柱不見柱。是非已去了。是非裏薦取。師曰。釣魚放生。上堂。拈拄杖曰。釋迦世尊。觀明星而悟。只悟得者箇。復卓一卓曰。衆生處塵勞而迷。只迷得者箇。拈却迷。悟兩頭坐斷。凡聖窠臼。直得上無攀。仰下絕已。躬淨裸。裸亦灑灑。無得無失。無是非。驚呈拄杖曰。且道者個。是甚麼。有時閒把出門去。扶我歸來靠壁東。上堂。驟地慈雲飛。不斷潑天風。雨甚稀奇。普令四海生歡悅。正是如來出世時。示衆。牛頭馬面。虎狼肝。月骨風神。海量寬。倒握龜毛三丈二。乃曰。請續末後句。便下座。示衆。昨夜三更走却牛。天明起來失却火。渾家斷。

妙理不請我罵你。你罵我。我休罵我。萬法因緣隨分可。小參將心作佛。剗肉補瘡了。妄歸真。潑油救火。機前荷負。而平地千差。直下承當。而白雲萬里。總不恁麼入無間獄行。但行坐但坐。饑來喫飯。困來打眠。也只贏得一味平常。猶未是衲僧向上事。何也。三面狸奴。踏月兩頭白。枯手擎烟。示衆風生大野。霧起長空。冰鎖寒泉。霜凝草木。一一正法眼。藏明明佛祖家風。卷舒本自一如表裏。元無二際。普天大地。徹古通今。所以道一切法不生。一切法不滅。若能如是解。諸佛常現前。然雖如是。有人於此。蹲坐風穴。打了趣出。小參白雲堆裏。風穴寺中。坐消日月。歲盡年窮。我此一衆。四來禪侶。個個懷勇健之能。人人絕情。謂之見隨緣。著衣喫飯。坐臥經行。自由雖云。春夏秋冬。不被寒暑遷。其本志使得十二時辰。不被十二時辰。使何故。嚮今年今月。今宵盡明。歲明。春明日新。上堂問生死事大。無常迅速。如何。著落師曰。深山藏獨虎。曰。畢竟如何。師曰。淺草出羣蛇。乃曰。聲前一句。截斷衆流。信口道來。眼橫鼻直。入林不動。草入水不。

動。波然而美。則美矣。仔細檢點將來。猶未盡善。直饒撥轉驢腮。護道止止。不須說。掀翻露布。休云我法妙難思。何故。嚮瓜田不納履。李下莫整冠。低頭又蹉過。擡眸落二三。與善恁麼告報。大似紫羅帳裏撒珍珠。盡情洩露了也。遂以拂子作○相。曰。須知就裏深深意。莫把封皮作信看。上堂問。日中有影。因甚。鏡裏無痕。師曰。明眼人前三尺。暗曰。撥草瞻風。貴圖見性。卽今學人性在甚麼處。師曰。海島金山笑善財。問蚯蚓截爲兩斷。未審性在那一段。師左右顧視曰。會麼。僧擬議。師便打。問喜怒哀樂。尋常事。一念未生時。又作麼生。師曰。山青水綠。曰。懷珠乞食。覓他寶帶露瞻風。却是誰師。曰。雪峰道底。問一念未生全體現。超凡入聖事。若何。師曰。上者不高。低者不下。問心本無心。因境有了。境唯心事。若何。師曰。眼睛似木。揅曰。本來清淨。因甚又不了。師曰。重添搥。搥乃曰。丹心一點動。合神獸。運化千般。冥符至理。雖則難思。正體非情。可擬要知。莫測靈明。卽緣而照。若洪鐘之在架。隨扣擊以成聲。大道虛元。故無求而不應。正所謂無門無傍。

四闔皇皇。吾不知其名字。強名之曰道。還會麼。金蛇入夢。情偏喜。龍過禹門。燒尾新。遂喝一喝。上堂。蟬聲聒噪。秋色離披。月皎長空。香飄丹桂。明明生佛。已前了了。見聞不昧。古人從此。打失鼻孔。可惜而今。寂寥山僧。到者裏。固是分疎不下。未識諸人。以爲何如。試檢點看。擊拂子。小參。南尋諸友。可惜草鞋絕學。高流虎消。歲月二途。不涉平地。喫交打點。將來失却鼻孔。且道作麼。生得恰好。去良久。曰。疑團撲破。情何及。諸見空時。理莫窮。南嶽五臺。從去住。桃紅李白。笑春風。上堂。一夥白面禿頭虫。問水尋山。訪性踪。不在他方求住。止却來風穴。伴殘冬。豆腐饅頭。小米飯。飽安然。笑展容。富貴滿爐。燒槽柚。大家相向。煖烘烘。一團和氣。好消息。幾個知音。就裏窮現成。公案都不會。妄想狐疑。瞎用工。黑山鬼窟。排身入。摸著根源。兩手空。回首忽覩燈明。佛放光。動地潑天紅。乘時要賞元宵節。打開布袋。任渠濃。遂以拂子敲空。又擊禪床。曰。瑤瑤瑤。瑩瑩瑩。端兒。僧問。如何是先照。後用。師曰。運籌帷幄中。決勝千里外。曰。如何是先。用後。照。師

曰。斫却月中桂。清光倍更多。曰。如何是照。用同時。師曰。金翅劈海直。取龍吞曰。如何是照。用不同時。師曰。華山圖跡上。潘闥倒騎驢。問。如何是清淨法。身。師曰。東司籌子。念摩訶曰。即是我師曰。這齷齪鬼。晚參。師舉僧問雲門。學人不起一念時。還有過也。無門曰。須彌山。意旨如何。一僧曰。嶮。一僧曰。撼搖不動。一僧曰。撐天拄地。參退。師卽一齊榜出法堂前。乃鳴鑼集衆。命三僧端容。班立上位。師便大展坐具。將欲禮拜。三僧俱驚怖。迴避。師笑曰。將謂有險峻之機。撐天拄地。撼搖不動。元來只如此。便一齊掌退。歸方丈。三僧挂搭次。謝單。師問曰。汝等是身進堂。耶。是心進堂。耶。僧俱無語。師勵聲正色曰。你們主人。公也不曾帶得來。如何要我這裏住。僧皆悚然。班拜一齊。胡跪。師遂以拂子點曰。南無佛陀耶。南無達摩耶。南無僧伽耶。復鳴指一下。歸方丈。師一日。因侍御李公偕內翰松谷張公。相訪坐。喜公池李曰。學生爲此事。不明。今特參承座下。請師不倦。垂誨。師舉起如意曰。會麼。李曰。不會。師曰。覲面相呈。爲甚麼。不會。李曰。然

隱微之妙理未足以罄形容也。師曰：檀越高論略違貴教之本旨。李曰：何謂耶？師曰：不見道潛雖伏矣，亦孔之昭乎？李曰：如何？卽是張曰：據吾所見，則無處不是。師曰：是個甚麼？張乃顧李公相笑。師曰：眼眼相戲，此事竟不致於隱諱矣。李曰：如何下手？師卽與二公長揖而別。康熙丁未秋，新蔡潯水宋中丞捨宅建金粟院，請師住持。五千餘指圍繞，戶無所容。有露處而聽法者，丙辰春染微疾。四月初書別道舊，更遺翫物辭宋中丞郭明府。至十三日，中夜喚冲涵侍僧曰：將我衣物，估唱營辦後事。誠諸法侶，各以擔荷大法爲心，莫效世俗奔馳。甲慰挂孝哀鳴。侍僧請曰：和尚爲一代知識，豈無一言以曉後世乎？遂進紙筆。師援毫書曰：吾年六十有四，出世因緣已畢。生死凡聖同源，大都眉橫鼻直，歸去來兮，歸去來喝一喝曰：摩訶般若波羅蜜。投筆而逝。世壽六十四，僧臘四十四。因宋中丞之堅，留建塔金粟院左。林野奇嗣

去此二途，別資一路。雕沙無鏤玉之談，結草乖道人之意。若祇恁麼，便休平白地上死人無數事，不獲已向諸人道一切智智，清淨無二，無二分，無別無斷。故忽有個孟八郎漢起來拍手呵呵大笑曰：我會也。我會也大盡三十日，小盡二十九，十字街頭石敢當從旁不肯出來，同伊搖手曰：夜行莫踏白，不是水便是石。示衆古人道：向上一路，千聖不傳。學者勞形如猿捉影，便恁麼去。西來一脈掃土而盡，先聖不得已，向無說處，現說無示處，頭示無傳處，假傳祇如調達推山壓佛，與雲門要一棒打殺與狗子喫，是同是別。上堂奇言妙句，簸土揚塵，痛棒熱喝，欺賢罔聖，不打鹽官鼓，不唱德山歌，渴飲饑餐，早眠晏起，固是十分成現，自當飽足知恩，何待曲录木床上，老古錐七十三八十四哆哆和和嚼飯，饌嬰兒須知尊貴一路。自別這裏省去森羅及萬象一法之所印，豈肯摘葉尋枝，捨父逃逝，被人喚作窮子？大衆祇如吳山峩峩，峩峩奔騰車馬，駢闐入境，交雜作麼？生說個一法所印底道理，良久曰：當初祇道萌長短，燒了原來地不

●頭陀顯

平士問做工夫不上怎奈何。師畫一畫曰：須向者裏會取。士曰：如何得會？師屈指曰：一二三四五。問仰山打大禪佛四藤條意旨如何？師曰：腦後見腮莫與往來。曰：怎麼則侍者也須喫一棒。師曰：他過在甚處？曰：他若知應禮拜和尚。師曰：你又作麼生？僧擬議。師直打出。衆晚參。師曰：佛法盡在門外，各各請退。時有僧纔出禮拜，師便打曰：向你道佛法盡在門外。又出來討甚麼？師問士曰：迦葉道：倒却門前刹竿。著意旨如何？士曰：看脚下。師側耳曰：道甚麼？士再舉。師便掌。士問威音二字如何解？師曰：你還見老僧麼？士曰：不會。師曰：你是俗漢子。晚參教中道：以手指比丘犯波逸提。山僧昨晚無端痛棒打諸大德，當墮無間地獄。汝等作麼生救？若救得是真佛子，若救不得，衲衣在空閒假名阿練若。誑惑世間人。問萬法歸一，一歸何處？師曰：驢揀溼處尿。曰：某甲又不然。師曰：你又作麼生？曰：鼓是皮鞞，鐘是鐵鑄。師曰：終沒交涉。上堂：元機獨唱，截斷衆流。正眼洞明，十方通暢。在市盈市，居阬滿阬，不止南方火爐頭，何礙長安。

鬧市裏羊肉案頭悟去，尙涉程途。十字街前踏著，猶爲影響。所以道：原不遠，性海非遙。但向己求，莫從他覓。覓即不得，亦不真。個裏須是寸絲不挂，赤牀歷漢。聞恁麼道：一肩擔荷，更不回顧。稍有相應，分擬議思量。即沒交涉。何故？揮拂曰：當臺一鑑，明如日。萬古晴空，絕是非。上堂：牛來山中，水足草足。牛出山去，東觸西觸。忽然觸破太虛空，不是心，不是佛。前途有問，是何宗？正好纍拳，齧口築君不見，遼天鷲。萬重雲只一突，元關金鎖應時開。此生不致空埋沒，是卽是。大有人笑山僧教壞人家男女。良久曰：心不負人，面無慙色。

林野奇嗣

安東東山雲父徧禪師。江西姜氏子，母陳。示衆舉歸宗因，僧問：如何是佛？宗曰：向你道。恐你不信，僧曰：和尚重言焉，敢不信？宗曰：只你是僧，曰：如何保任？宗曰：一瞥在眼，空花亂墜。僧有省，師曰：歸宗老漢太煞不憚眉毛。阿個師僧無端圖吞棗，檢點將來正好喫棒。在或問山僧如何是佛？只向他道。瓠子冬瓜如何保任？直的直，個個曲的曲。灣灣示衆，喝一喝曰：會。

麼有禪可說。閉口波斯嚼生鐵。又喝一喝曰。會麼。無禪可說。鞭打須彌。痛不徹。文殊椎胸。罵普賢。寒山拍手笑。拾得眼上眉毛八字橫。從來不曾少一搬。惟有兩片唇舌。日夜怨恨未休何故。蓋因你衆兄弟們。二六時中。不稽之言太多。體究之功少。歸堂各自檢看。

林野奇詞

泰清梵欽中禪師參林野奇于天童。奇問喚作竹篋。則觸不喚作竹篋。則背畢竟喚作甚麼。師曰。身貧無被。蓋奇曰。此意如何。師曰。露出本來人。奇曰。如何是本來人。師曰。三頭六臂。擎天柱。忿怒那吒。撲帝鍾。奇曰。未在。更道。師曰。低聲低聲。這位侍者。師幸是家裏人。奇領之。奇問堂中有幾個還飯錢。底師曰。說甚幾個人。人頂天立地。個個鼻直眼橫。奇曰。若然何用打七。師曰。不打七。怎顯得出他好處。奇曰。那裏是他好處。師曰。人人頂天立地。個個鼻直眼橫。奇一日又問堂中幾個堪雕琢。幾個不堪雕琢。師曰。問取聖僧。奇曰。汝在堂中做甚麼。師曰。昨夜設放參飯。某甲隨衆喫了兩碗。順治癸巳秋八月。師示疾臨期。坐

◆尿疑尿

◆典字原本不明

脫有語及門之徒。可再付一二師。厲聲曰。權子已行矣。今又何爲。遂脫去。林野奇詞

杭州祇堂印山先禪師。重慶鮮于氏子。脫白行脚。因看三年不喫飯。目前無饑人。話得膾付囑上堂衆生。諸佛大地山河往來古今他方。此土盡在山僧拄杖頭上。放大光明。共說幾句無意味底話。仔細檢點將來。到也說得句句現成。且道如何是現成底。句八角磨盤空裏走。三脚驢子弄蹄行。木人雲中拍板。石女井底吹笙。燈籠露柱笑呵呵。更說甚麼乾屎橛。麻三觔。看破許多石土地。縱然能說不能行。林野奇詞姑蘇虎丘香嚴道安靜禪師。浙東餘姚鄭氏子。原名錫隆。字六治。在孕十有二月而生。幼頗沈靜。不多言笑。四五歲時。見壁中裂文。典破屋頽垣。輒淒楚。且疑畏。一日有募緣道者。誦心經。至心無罣礙。故無有恐怖。不覺心曠神怡。如幽谷中出。疑畏自此而除。每見佛相莊嚴。歡喜嘆羨。恨不能身親其際。於出入時。遇衲子必至。誠恭敬如同故人。漸長。生出世想。談及世俗上事。刺然不安。見婦女卽厭恨。決志不婚娶。自十

歲以至二十師已列弟子員食餼廩然諸緣放散絕無一境可當情二十一歲受業於管霞標之門誨以袁了凡功過等書喜甚依而行之後見石浪沈求如諮決心疑方識參禪一路三登九上懇切無間一二年中時有省會未得了當一秋發憤提持萬法歸一話只一蒲團拚死兀坐六晝夜不放參步出臺門值大水汪洋風清月朗身心世界廓然無偶會得天上天下唯我獨尊之旨不禁手舞足蹈隨口吟出長歌短偈若干首猶記數語曰本自無拘束如何不自由不自由祇爲別尋求休休大千沙界一毫收自此參扣天童悟多所請益一日問大了的人如何過日悟便掌師曰如何到得一念不生田地悟曰這是你住頭所在師曰趙州道除二時粥飯無雜用心處此意如何悟便打如是數番問數番打寢食不寧一早長跪問曰畢竟如何是趙州用心處悟當頭一棒曰趙州與你有甚相干師於言下正如十日並照百千觔擔子忽然卸下一般乃奮身大呼曰弟子但與麼去也作舞而出悟顧侍者曰這倒也有些硬自此以後

雖在名利場中隨地安閒無所變易原欲三十披緇又以君親之恩未報兩入浙闢遇而不遇因兄邀入北都蹇遭國難慘悸幾絕冒險南還歷諸奇苦心無所動但隱隱地不知何以有一種放不過不融化處不敢自欺卽詣石浪盤桓究竟石浪舉及高峰因緣師請益曰當初若問老師作麼生對浪築拳曰我便與他三拳自爾凝滯盡釋灑脫無礙偶游寧海之柏竹岡山川奇特別有天地乃棲止焉剏造正覺禪林入太陽山禮妙行尊宿爲剃度師卽以法海嗣席因妙逝師爲料理塔事竣徧歷叢林博訪知識後參天童奇奇問纔有是非紛然失心如何是你不干涉是非處師曰夜靜更深人睡穩奇一推師曰何勞明月再來窺奇乃痛加呵斥後再參奇曰你下語不親切怎生得大用現前耶師悚慄稽首曰祇如和尚又作麼生奇驀豎一拳師於爾時如龍得水似虎靠山乃知馬祖一喝百丈耳聾良有以也奇首肯之卽授源流衣拂出住山陰之道林鹽官之法雲菩提台南之靜修四明之法海姑蘇之興國甘露京都之淨壽

慈祥聖感曹溪臨清之大寧河南之石河晚年南旋
退居虎丘之香嚴近續指月錄中傳師慈心接引望
重天下誠不虛也。上堂當陽一著坐斷千差佛法
禪道好似破草鞋玄沙知解是甚乾矢橛德山棒臨
濟喝慈明插劒子胡看狗古人用處不同要且未合
本據若還合得本據鬚張三黑李四故人相見有何
詞昨日晴今日雨衲僧家計只如許以板指曰適纔
向者上座道逢人切莫錯舉。上堂山僧作客多時
拄杖子短了八寸汝等諸人有能爲我增長得者舉
爲頭首否則靜悄悄地待他長養衆無語便下座
上堂夜觀明星世尊悟道舊日胡蘆依樣却好好與
不好旁觀者笑且道誰是旁觀道道良久喝一喝
上堂今朝春日記得山僧在福源時有僧問祖師西
來意答曰春日晴黃鶯鳴其僧督地住法雲時有僧
問祖師西來意答曰春日晴春草青其僧豁然去年
在淨壽時有僧問祖師西來意答曰春日晴春風靜
其僧作舞而出能於福源句中薦得堪作禪解能於
法雲句中薦得可稱禪會能於淨壽句中薦得古之

所謂禪狀元若也總未明了相逢不領空歸去洞口
桃花也笑人。上堂新年佛法有面南看北斗新年
佛法無水上按葫蘆非有亦非無大蟲看水磨算計
思量總不得不如隨分樂居諸。上堂不離當處常
湛然覓卽知君不可見山僧初參學時得此二語似
虎靠山如魚得水直至於今受用不盡今日特地供
養諸公作一大齋伏惟飽餐大嚼萬弗食而不化
上堂昔日細剖析於今又復請眞果沒來由亦太無
厭生主人公長惺惺須識井甃驢切莫驢覷井不必
別尋求寶珠洞在平坡頂。上堂此處風頭稍硬且
歸暖室商量良久曰太煞註破了也。上堂和扇是
和扇是歷劫明明不思議時人不識天真佛都把毗
盧作螻蛄山僧二十年前與麼道而今看來却又不
然和扇是和扇是歷劫明明不思議時人若識天真
佛畢竟毗盧是螻蛄。問如何是賓中賓師曰「大
台北五臺如何是賓中主師曰巢知風穴知雨如何
是主中賓師曰高拱手低作揖如何是主中主師曰
役人天驅佛祖。問宗門的要乞師一指師豎拳曰

這個不是拳頭。問如何是和尙病中親切處。師曰：痛苦千般，曰如何是和尙得力處。師曰：蒸羹不爛。問如何是法眼。師曰：晝明夕暗。曰如何是法身向上。師曰：夜眠早起。問既是金剛不壞，爲甚又被節節支解。師曰：我於爾時實無所動。問宗與教是同是別。師曰：拳頭巴掌。曰如何是衲僧分上事。師曰：莫妄想。問牛過窗欄，頭角四蹄都過了，爲甚尾巴過不得。師曰：擣甚麼鬼。僧擬議，師直打出方丈。師問僧：山河大地與上座分中如何折合。僧曰：莫話作兩橛。師以杖打僧一下，復打香几一下，曰：爲甚打汝則痛，打香几則不痛。僧無語。師曰：是你兩橛是我兩橛。一僧初到師，曰：爲甚麼來。曰：久向和尙。師曰：且道山僧在甚麼處。僧無語。師直打出。師于己巳秋七月，從姚江回至香巖，卽示微疾。徒輩初進醫藥，師曰：我之爲病，世間醫者醫不得，禁絕殊嚴。唯日拈提古人公案，略無厭倦。凡來省候者，卽索下語。節屆重陽，預示歸期于十三日子時。至期，衆造師前，扶起沐浴畢，遂囑曰：正法眼藏，不同世諦，流布切莫報喪。

挂孝以務虛文等語，因請偈。師曰：何必俗氣。昔我天童老祖亦無所說，各自珍重。老僧隨地解脫去也。泊然趨寂。世壽七十八。僧臘四十四。塔于本郡阜峰，亥向加乾陽金納水之穴。語錄三十卷。行世。林野奇嗣桐鄉寂照芥子行彌禪師，上堂：嘉拈拄杖，召大衆曰：丙丁童子來也。照顧眉毛好。林野奇嗣南陽香巖宕山遠禪師，西蜀達州趙氏子。父母雙亡，詣報恩禮友石薤染嗣，卽出蜀首參竹林。問：次謁通玄奇于嘉禾東塔挂搭禪堂。是夜奇落堂曰：若作棒會入地獄，如箭射。既不作棒會，諸人作麼生會。一衆默然。師憤憤便出奇曰：你出來是討棒喫的。師擬進語，被奇驚頭一棒打死。片時甦醒，會得棒頭落處，口占一偈曰：棒頭落處甚分明，截斷從前舊葛藤。認得孃生真面目，始知大地是黃金。奇領之，卽遷棲。眞命師典客。一日奇問假如有面目，漢來你以茶飯接無面目。漢又將甚麼接。師曰：與他一頓奇。曰：因甚如此。師曰：棲眞門下，從不慢人。奇又問：牛頭未見四祖，因甚百鳥獻花。師曰：富在深山有遠親，曰：見後因甚百

鳥不獻花。師曰：貧居鬧市，無人問奇；微笑休去。未幾記莚出住香巖。上堂時，及黃梅連日好雨，田中有水栽秧園裏黃瓜結瓠，各得滋潤，勃然興起，蝦蟆唱歌蚯蚓念讚，情與無情，悉皆歡喜。祇有兩件不喜：衲僧家貼肉汗衫脫不下，通身悶熱，不得慶快。回香巖的，俶裝前途，不得到家。且道：如何是到家慶快處？擲下拂子曰：「即今休去，便休去，欲覓了時，無了時。」解夏上堂，金風扇野，素月流輝，巧雲出岫，白露橫江，是處蟬聲噪晚，庭梧落葉驚秋。所以道：高不在絕頂，富不在福嚴，樂不在天堂，苦不在地獄。諸仁者：祇如生死交謝，寒暑迭遷，休夏自恣，且道：無位真人在何處？安著卓拄杖曰：「是處是慈氏，無門無善財。」上堂拈花，鶯嶺帶累金色頭陀，面壁九年，賺殺神光二祖。安心斷臂，好肉剜瘡，殊不知人人頂上飛大寶光，個個脚下具大寶藏。垂一機，則平欺佛祖；道一句，則逼塞虛空。有如是威光，有如是妙用，祇爲諸人自信不及，故此甘受輪轉，不得自在。且道：如何得自在？去把手牽他行，不得；惟人自肯，乃方親。臘八小參，夜半踰

城脚跟未穩，雪山修道埋沒風光。臘八睹星眼中著屑，七處九會惡語傷人者，黃面老子生平落索。今日被香巖一時捉敗了，冷地思量起來，却有一種長處。汝諸人還見他長處麼？倘或躊躇木上座爲汝通個消息，以拄杖一時打散。長至日，示衆鐵樹、水花、糝銀河、雪浪飛，一陽初動，處處萬物盡生輝，潤底長風吼。空山震法雷，老梅雖未吐，時節暗相催。且應時及節，又作麼生？十個相逢九袖手，諸公各自討便宜。問：「如何是佛？」師曰：「糊獃倒上樹，僧擬議。」師曰：「錯。」問：「如何是和尙家風？」師曰：「不是打人，便是罵人。」曰：「忽遇客來，如何管待？」師曰：「薄批明月，細切清風。」師至棗邑，與李文學邂逅。次，李言格物至誠心，正功夫。師曰：「據吾教中，一念具九十刹那，一刹那具九百生滅，人心如猿猴，驛馬居士心作麼生？」正意作麼生？誠李擬語。師曰：「居士祇知格物，而不知物格。」李罔測。普茶畢，衆不去。師曰：「諸人在者裏，山僧去抽解來，與你說佛法。」師來衆還集，便曰：「你總在者裏覓甚麼？碗拈竹筴，一時打散。」問：「父母未生前，那個是學人本來面目？」

師曰眉分八字。僧擬語。師曰莫妄想。林野奇嗣

天台通玄獨朗曰。禪師宣城建平許氏子。生而穎異。長以俠聞。因見世途危險。捨妄歸真。南嶽披剃。直造通玄。幾遭辣手。伎倆俱消。水到渠成。荷肩大法。出住姚江。積慶既而繼席天台。上堂。陽和小春節。爐韞正當令。鉗錘雖在手。眉鋒利似鍼。割著眼太精明。惟經那事。特相親。且向爐邊打瞌睡。自須珍重本來人。上堂。空寂寂靜寥寥。山中無事。可邊表無邊表。已向諸人道過了。大眾且道。過個甚麼。齊餘姚市上十字街頭道過了。也。壽山峰下道過了。也。僧堂前煖室裏道過了。也。祇如未道底。畢竟作麼生。風吹簾外茶花動。水育瓶梅朶朶新。上堂。數年行脚未甘休。赫曰雄峰展笑眸。曾意雪山居六載。釣竿收拾鼻尖頭。所以一人處。萬人之中。而知不聞。萬人削一人。獨立而知不孤。結制與時。豈曰衆寡。禪蘊動靜。何遠塵囂。凡設施爲。卽非正務。今山僧特爲通個消息。梅龍盤結無餘葉。直待春來牧海鷗。示衆。天得一以清。地得一以寧。衲僧得一任自縱橫。所以迷則法華轉。悟則

轉法華。迷悟俱捋脫。確觜忽生花。林野奇嗣

孝豐鉢山純朴汶禪師。蜀之彭山瞿氏子。參天童充飯頭。一日進方丈禮拜。悟問曰。一日喫多少米。師曰。八擔。悟曰。喫這許多。師曰。恰好。悟曰。也不道得。恰好。師大疑。參通玄奇命。充庫頭。一日奇問曰。汝在庫房執掌一切帳簿。忽遇賊來盜去。算個甚麼。師曰。捉敗了也。奇曰。賊無。你可見作麼生。捉師與一掌。便出師得法。後住吳江羅漢。上堂。生也得死。也得海門飛出。遠天鵲慶也得讚。也得水月空花光突兀。生也不得死。也不得海底紅塵高數尺。慶也不得讚。也不得山頭白浪彌天沒。惺惺底到者裏。太煞惺惺。歷歷底到者裏。太煞歷歷。出格終須讓作家。互揚還仗同條力。師投老鉢山。一日索浴更衣。跌坐說偈而逝。時順治庚子九月十二日也。塔全身于山麓。林野奇嗣

順慶鳳菴亦治果禪師。郡之蓬州張氏子。初參天童。悟求開示。悟便打從。此衣不解帶。晝夜力參。忽然面前如日初出。進方丈。便問。觀面相呈時如何。悟曰。鈍漢。師無語。遂大疑。一日上山拖柴。忽于女子出定公。

案有省隨說偈曰。女子近佛座。疑殺天下人。出得出不得。徒自費精神。一日晚。參奇舉。僧問趙州。四山相逼時。如何。州曰。無路。是趙州命衆代語。下語俱不契。師曰。別處容和尚不得。奇曰。何不道也。怪和尚不得。師禮拜。奇曰。你底語意。十二分足。只是句不及老僧。底。卽命住通玄。師力辭。遊天台雁蕩。忽聞奇有恙。遙傳奇已化去。師急回。奇曰。亦治知客。法眼精明。善識語脈。老僧付囑已久。因甚不來。及師至。奇曰。你來了。于今甚麼時候。師曰。午時。奇瞪目視師。師曰。前蒙和尚付囑。乞更取法名。奇曰。行果圓成。奇便掩息。師後出住吳江積慶。僧問大地無縫罅。爲甚水漲船高。師卓拄杖曰。探竿在手。曰。某甲領會得。師曰。領會甚麼。僧喝。師打曰。淹殺了也。師浴僧問。大悟的人。本來清淨。爲甚麼。曰。日要浴。師曰。一度揩摩。一度光。野林

奇

伏龍菴主印月霖禪師。姚江黃太冲侄女也。自幼不染世緣。生死心切。卽喜靜坐。見雲棲法彙一書。宛如宿契。遂動出塵之想。十六適東山謝氏。三載便改道。

粧二十八歲進戒理安。安令參父母未生前話。詣法海求披剃。自此參扣無虛。三十二歲投費隱容圓具。向慕高峰。遠祖就於山頂結茅。有終身不出之志。三十六歲參通玄。奇于天童入方丈。次奇問有甚麼事。師曰。某甲參狗子。無佛性。話不得明白。奇曰。向未作意以前。薦取師曰。如何。趣向。奇曰。動念卽乖。師曰。不動念時如何。奇曰。眉毛在眼上。奇又舉國師三喚侍者。三應。後來翠巖拈曰。國師侍者。總欠悟。在作麼生。會師曰。會卽不無。恐落第二頭。奇肯之。奇復舉南院啐啄因緣。師呈頌曰。纔有纖毫。卽是塵。何須啐啄辨疎親。太平本是將軍定。不許將軍見太平。奇稱善。尋將示寂。喚師入山。付囑衣拂。小參不是心。不是佛。不是物。秤錘敲出黃金汁。坐臥經行本現成。勸君切忌從他覓。問諸人。警不警。究竟不如直下歇。大眾且道。歇個甚麼。青山原不動。綠水永長流。小參靈山會上。默露風規。少室峰前。拗曲作直。致令後代兒孫引起。參天荊棘。破沙盆。擲西拋水。牯牛風吹日炙。僧堂前立主分賓。火爐頭說寒道熱。菴羅院裏家風。

却與諸方迥別。也無佛法商量。也無榮枯得失。何故不見道。心生種種法生。心滅種種法滅。直饒心境俱忘。未是衲僧極則。大衆且道。如何是衲僧極則處。卓拄杖曰。切忌喚龜作鼈。林野奇嗣

五燈全書卷第七十九

五燈全書卷第七十九補遺

臨濟宗

南嶽下第三十五世隨錄

南嶽岫巉峰。東林木偶羅。禪師寧國涇縣胡氏子。上堂。掀翻瓦礫。關閉荆棘。揭露舊日風規。提掇今時巴鼻。法隨法行。法幢隨處建立。若據向上一著。不屬有心求。不是無心會。若是上根利智。聞恁麼道。自然省要。水到渠成。法法圓融。頭頭合轍。大衆祇如重興家業。一句作麼生道。長林風月。貫今古。白藕花開滿院香。卓拄杖一下。示衆。踢倒銀山鐵壁。掀翻大海波。

騰頂眼迸開。天寬地濶。巖深霧冷。雲寒雨過。簷前水滴。佛法大意。分明漏洩。滿眼滿耳。誰能委悉。捉敗南泉。老白拈。道個不是。心不是。佛不是。物畢。竟是個甚麼。老僧爲汝。諸人通個消息。遂震威一喝。林野奇嗣

天台蓮華峰。了源昭禪師。西蜀人。初參天童。次謁雪嶠林。畢後。見林野奇。方許參堂。住蓮花小參。世尊捨皇宮。半夜踰城。賊身已露。入雪山六年。苦行捨富。就貧。觀明星悟道。眼花不少。山僧當時若見。便與三十烏藤。汝等若向者裏。具得隻眼。不惟捉敗釋迦老子。亦且與山僧相見。示衆人。謂住山苦我。道山居樂。一樹一溪。雲一丘共一壑。拙斧荷入山。枯藤便先縛。驀直運歸家。一衆受用足。呵呵會也。麼寒冬冷。竈無烟者。輸我山家。烈焰多。喝一喝。問是法住。法位。世間相。常住。意旨如何。師曰。水在長江。月在天。林野奇嗣

湖州菁山。月瓢度禪師。示衆。清泰時。田地穩密。清勝時。神通遊戲。神通遊戲底。今佛放光明。田地穩密底。古佛家風。在且道。卽今慧嚴又作麼生。喝一喝。曰。我爲法王。於法自在。示衆。飲水定渴。餐鉢濟饑。乾坤

何處著狐疑。急薦取莫遲。遠良驥雖輕不復追。示

衆。牆外鳥聲喧。圓通門廓然。觀音妙智力不悟待驢

年。示衆。冬景催殘。空山寥廓。獨有寒梅枝頭放。粵

驛路雲溪外。蓬門野寺中。爲誰幽立默。無語天曉霜

凝意更濃。林野奇詞

嘉興海鹽草堂雲皐慧禪師示衆。閒閒兀坐地。爐寒

歲月消磨舊日頭。爆竹一聲殘臘盡。東村王老夜燒

錢。誰家不愛歡筵樂。聲色堆頭蹉白蓮。惟我水邊林

下客。更無一事掛心田。北禪烹白牛分歲。草堂只是

煮清泉。苦瓜連根苦。甜瓜徹蒂甜。林野奇詞

湖州菁山慧嚴佛海雲禪師小參人。學玄沙封白紙

因緣。師曰。暗藏春色。明露秋光。若非父子同心。爭見

一腔風月。雖然。祇如玄沙末後。恁麼道。意旨如何。年

年端午日。門巷掛桃符。頌曰。秋江一寄心中事。寒鴈

聲悲動客愁。落魄不須途路宿。西風颯颯到床頭。

頌舍利弗入城。遇月上女曰。驀路相逢話短長。落花

流水太忙忙。花開不在春枝上。自有芳心通遠香。

頌女子出定曰。鍊索難留波底月。一絲牽動碧潭龍。

◆即下題脫
佛字

情懷只在秋江上。誰識扁舟興味濃。寂於康熙己未

年七月十六日。壽七十二。塔瘞本山之後。林野奇詞

古越誠山雲漢蔭禪師嘉禾王氏子。祈晴上堂。何人

轉得天河救世間。願惟有一靈性不從諸聖傳。無明

向大智。煩惱轉金仙。推出頂門日。光明照大千。頌

靈雲見桃花曰。彷彿遼天高。索價依稀著。地下還錢

及乎走出河頭看。兩個兒童戲渡船。林野奇詞

杭州壽聖芥子彌禪師頌世尊初生曰。萬里青天震

地雷。玉麟哮吼景雲開。拍盲太史觀星象。攪亂乾坤

出福胎。頌國師三喚侍者曰。一度風光一度新。黃

鶯喚醒舊時春。檀郎無限傷心處。不敢高聲說與人。

頌文殊令善財採藥曰。信手拈來通是藥。霜花撲

落劍光寒。要知閫外將軍令。塞斷函關只一丸。頌

百丈野鴨曰。半溪楊柳間桃花。買客舟橫白鷺沙。食

看春光未歸去。一聲杜宇始還家。頌大梅卽心卽

曰。一領羊裘一釣竿。任他更改漢衣冠。朝秦暮楚何

時了。潦倒西風十八灘。辭世偈曰。幻住人間六十

一。今朝獨露真消息。無毛鷄子過新羅。踏斷虛空背

梁脊咄咄却好小春時節林野奇嗣

武林古山慧開定禪師示衆舉石霜冬日榜示僧堂

話畢師曰石霜大似夢裏惺惺首座免隨邪逐惡古

山如此批判也是畫蛇添足頌曰三三見九二五一

十多少猷郎證龜成鼈管不管仲冬嚴寒孟夏漸熱

示衆舉婆子燒庵話畢師曰放行把住各伸所長

檢點將來合喫拄杖還有識古山棒頭落處麼頌曰

暗行詭計然雖別衝浪金鱗迴不羣彼此潑天全意

氣冤家撞著對頭人師問一士古人道不是心不

是佛是箇甚麼士擬議師掌曰切忌停囚長智師

同侍者閒步指桑樹示曰成住壞空曰清靜本然曰

何忽生山河大地師曰莫妄想曰和尚又作麼生師

劈面便掌侍者茫然師曰莫妄想林野奇嗣

◆靜觀淨○
曰幾云

五燈全書卷第八十

京都聖感禪寺住持臣僧 超永 編輯

京都古華嚴寺住持臣僧 超揆 較閱 進

呈

臨濟宗

南嶽下三十五世隨錄

天壽謚融元禪師初在博山參狗子話有省入處後

謁林臯豫于夾山一見便曰久嚮和尚今日親見了

也豫曰謾閒開口親切道一句來師作拱勢曰講和

尚道豫以拂子點三下師豎一手豫曰那裏學來師

擬開口豫振聲一喝上堂舉教中道不應取法不

應取非法乃豎拂子曰這個是法阿那個是非法這

個是非法阿那個是法大衆還有不落有無不墮是

非底麼良久曰汝等比丘知我說法林臯豫嗣

湖州石門開禪師參豫于竹林師問德山托鉢過堂

雪峰曰鐘未鳴鼓未響和尚托鉢向甚麼處去山低

頭歸方丈是何事豫曰正搔著我癢處師曰只如雪

峰學似巖頭頭曰大小德山未曾末後句巖頭怎麼

道有甚麼道理。豫曰：子爲父隱。師曰：德山聞之，令侍者喚巖頭曰：「你不肯老僧那意旨，如何？」豫曰：「父爲子隱，師曰：巖頭遂密啓其意，那裏是密啓處？」豫曰：「你問我。」答師曰：「來日德山上堂，果與尋常不同。」巖頭於法堂前撫掌曰：「且喜老漢會末後句也。如何？」是末後句。豫曰：「你也問不著我也。」答不到。師曰：「巖頭道雖然如是也，祇得三年活。」山後果符其言。又作麼生話？會豫曰：「描不成，畫不就。」師曰：「某甲總不恁麼會。」豫曰：「你作麼？」生師曰：「養子方知父母恩。」語未竟，卽禮拜曰：「謝師。」

答話豫曰：鑒林阜
豫嗣

京口夾山蘧夫一禪師，宜章李氏子。年十八，投萬松出家。初參憨山清于曹溪，看萬法歸一話。三年不得入。次參天童悟棒下省發。後上夾山，豫問從甚處來。師曰：「浙中。」豫豎拂曰：「還取得者個麼？」師曰：「充塞虛空。」阿誰不具。豫曰：「你呈似老僧看。」師拂袖便出。師一日于書記寮，謄錄次。豫喚曰：「你終日記錄，且道錄個甚麼？」師曰：「某甲今日傷風頭痛，豫曰：頭痛且置，畢竟從甚處錄來？」師振聲一喝。豫曰：「一喝不作一喝，用你作」

麼？生師曰：「光天化地去，萬古作微猷。」豫頷之，遂膺付囑。乃命主石湫三載，出住楚之九峰。迨豫寂後，夾山虛席牧雲門，舉師繼之。順治庚子秋八月，師示疾。至初五日，呼侍者盡焚語錄偈頌，諸門人哀懇流傳。師咄曰：「一大藏教，尙如故紙，誰看？」在言訖，歛目而逝。門人奉骨塔於潯陽大同寺。林阜
豫嗣

揚州寶勝無塵增禪師，彭城張氏子。年十九，因上天童，完具悟。老人命師入堂參究，毫無省入。次參南澗，命參萬法歸一話。久亦不契。後在夾山，豫會下專修苦行，日夜禮佛求悟，忽有省入。一日過堂時，豫問曰：「日用事作麼？」生師曰：「清晨方喫粥，斯時又覺饑。」豫曰：「好個湖南長老。」師曰：「也不得塗污某甲。」又一日，師挑擔前走，豫把住曰：「這一擔有多重？」師曰：「不多。」不重。豫一喝，師放下擔子，叉手而立。豫曰：「也許這粗行有此一著。」在師于言下豁然大悟。豫命師充參頭，歷十年。一日禮辭下山，豫曰：「何處去？」師曰：「住山去。」豫曰：「也不得忘前失後。」師禮拜。豫書偈付囑，臨行復拈笠子付師曰：「者是老僧二十年受用不盡底。」今朝付汝，蓋頭

去師曰。非但某甲。天下人亦在裏許。豫曰。天下人且置。你畢竟作麼生。師頂笠便行。師初結茅。昭陽參徒曰。集維揚縑素。請主寶勝上堂。人間天上無彌勒。寶勝寺裏藏不得。跨鶴城中鬧市裏。逢人呵呵笑。難會有甚難。却容易。然雖如是。試問諸人。且道彌勒。卽今在甚麼處。卓拄杖下座。康熙戊午四月十八日。忽示疾。召諸門人。訣曰。老僧七日內行矣。修行各去。努力至二十五日。執筆書偈曰。壽躋七十不爲老。化導人天緣已了。撒手西歸獨自行。一輪明月光皎皎。擲筆而逝。塔于夾山。林阜豫嗣

理安曉庵昱禪師。端午上堂。一二三四五。四三二一。覆去又翻來。胡餅裏呷汁。左書鬱壘。右書神荼。曾無如是妖怪。何須白澤之圖。一盃菖蒲茶。三個栗黃粽。半句全該。十八不共朝。悠悠暮悠悠。明月堂前時。九夏太陽門下。日日三秋。修心未到無心地。萬種千般逐水流。上堂。盡大地是自己。坐殺千千萬萬。盡大地不是自己。走殺千千萬萬。衲僧家踏翻窠臼。別立生涯。逢佛殺佛。逢祖殺祖。說甚麼湘南潭北驢。

事馬事行。便行坐便坐。修證不無。但莫染污。薰喝曰。依稀似曲。纔堪聽。又被風吹別調中。上堂。拈起拄杖曰。有一丈蓬。可以使八尺風。無三尺鞭。難以馭千里馬。喝一喝曰。是何言歟。擲下拄杖。上堂。卽心卽佛。認奴作郎。非心非佛。癡狂外走。不是心。不是佛。不是物。是甚麼。乾屎橛。大丈夫漢。脊梁硬似鐵。拗不折。七縱八橫。有甚麼途。轍以拄杖畫一畫曰。珊瑚枝枝撐著月。誕日上堂。黃面老子。今日生。虛空大地。同時生。七十四年成底事。證龜成鼈。得人憎。父母未生前。鼻孔揀天了也。怎奈迴避無門。重納敗老。不知休。大似嫖母臨鏡。有甚共語處。僧問。萬法歸一。一歸何處。師曰。天晴好曬稻。問。如何是祖師西來意。師曰。山高寒氣重。曰。意旨如何。師曰。凍殺石頭陀。問。皓月當空。無所不照。因甚不照覆盆之下。師劈脊打曰。這漆桶。問。衆手淘金。誰是得者。師曰。莫妄想。僧法空作禮曰。盡大地是箇話頭。到這裏沒奈何。師曰。你喚甚麼作話頭。僧佇思。師打曰。還我法空來。審

問

黃梅五祖千仞崗禪師寧波人俗姓王弱冠投語風信出家雙徑尋受具於天童因悟命參無字話忽有省處呈偈曰狗子無佛性莫道說得好聞女學做媒自身也難保後往夾山參箸菴問舉高峰椅子落地機緣遂于言下大徹乃呈頌曰久憶并州是故鄉而今身已到咸陽若教忘却來時路不是愁人也斷腸問擊節稱賞命師首衆出世潤之金山鄂之黃龍舒之浮度 陸座世人不見佛如何會塑佛安知此是佛安知此非佛借問是何佛釋迦牟尼佛 陸座鴉鳴鴉鴉鴉鴉鴉婆餅鳴婆餅姑惡鳴姑惡記取枝頭一一鳥何聲不是自家音 僧問山河及大地一法之所印如何是印師曰描摹不得曰用者如何師曰打破虛空 問五虎攢羊時如何師曰動著遭他口 問文殊是七佛之師因甚出女子定不得師曰不但文殊出不得山僧亦出不得曰罔明是下方菩薩因甚出得師曰不但罔明出得上座亦出得僧作禮師曰你道文殊罔明卽今在甚麼處僧罔措師連棒打出 師著有春花集十二卷語錄二卷行世

箸菴
問嗣

武林南湖梅翁杲禪師長洲張氏子讀書一目十行偶閱妙喜語錄發心出家初參天童悟值悟陸座衆環視之悟一睡便下座師脫然領旨遂呈偈有當時欲覓覓不著而今欲避避不得之句再參箸菴問于夾山值問持不語戒聞師至卽召入問舉拂子左拂師曰點點不離楊柳外復舉拂子右拂師曰聲聲只在芭蕉裏問作色咄曰恁麼又爭得師曰某甲終不自瞞問曰如何是你不自瞞的道理師一喝遂出問卽命居西堂 上堂太陽溢目萬里不挂片雲青天也須喫棒且道青天有甚麼過喝一喝曰虛空撲落地也汝諸人有出得隻手者麼如無山僧自逞神通去也試看七尺山形杖撐起東南半壁天 晚參纓天網八面展開那討出身之路陷虎機平地埋伏休論蓋代之功直下來也騎賊馬趁賊奪賊鎗殺賊還當得麼無佛處急走過有佛處不得住同條生不同條死驚起陝府鐵牛張公喫酒李公醉笑倒雲居士地直饒山是山水是水觸處分明爭奈南斗七北斗

入隨我顛倒。上堂八角磨盤空裏走。金毛師子變作狗。擬欲藏身北斗中。應須合掌南辰後。你看這一道真言。直得天左旋地右轉。雖然是處池中有月。離家竈裏無烟。任他楊大年說得悟得。向太虛空裏之乎者也。爭似你諸人識取一句子元。且道是那一句喝一喝。上堂盡大地是問頭。作麼生舉會不得底。只恐不是玉。是玉也大奇。且如人從天台來。却往南嶽去。又是箇甚麼道理。良久曰。西河師子林有五百尊者。赴齋就中有一位。將心肝五臟。傾向諸人面前。不可不知。上堂豎起拂子曰。彩鳳舞丹霄。放下拂子曰。鐵蛇橫古路。復拈拂子曰。拂左右曰。回天關。轉地軸。格外提持。目前包裹。突出沒巴鼻。無可無不可。示衆秋風涼。秋夜長。遠行客思故鄉。如何是故鄉。試道看師良久。大衆無對。以拂子擊禪床曰。參。康熙戊午正月三日。師往霍林植處。訣別曰。衰軀不久謝世。至期借重爲我打箇圓相。植曰。新年頭何得說末後語。師曰。實非戲言。朽骨火後。乞颺大江。無違我願。于是相笑而別。至二十四日巳時。隣菴火起。師整衣

跌坐。自若。侍僧曰。火勢已逼。師曰。吾時節至矣。侍僧曰。和尚如是某甲。敢離左右。耶。遂同證火光三昧。門人依治命。瘞骨于大江之龍門。金山海爲師立傳。并編語錄十卷。行世。問答江寧金陵寺梅谷悅禪師。上堂問。未離東臯丈室。已坐金陵道場。四衆雲臻。則且置。西來祖意。是如何。師曰。杲日已臨。當戶照。猶教鐘鼓報新晴。曰。森羅影現。無回互。如何是金陵境。師曰。庭含雙樹。千年古門。吐一峰萬仞。高曰。說法堂中百萬指。那箇是境中人。師曰。氣象初來。超達磨風。規乍住。勝楊岐曰。人境已蒙師指示。法輪大轉。意如何。師曰。妙舞不須誇。偏拍三臺。借重大家催。曰。恁麼則天人羣生。類皆承和尚力去也。師曰。果是龍生金鳳子。信然。名下喜無虛。乃曰。問話且止。大衆少室密付的旨。靈山單傳正音。明如杲日。寬若太虛。良由取舍未忘。得失情蔽。所以承言滯句者多。傍戶倚門者衆。倘能上無攀仰。下絕已躬。取舍頓忘。得失盡淨。敢保便到帝鄉。直登寶所。同一受用。啐啄同時。雖然如是。須是日機銖兩舉。一明三

始堪持論。何故不見道。作家不啐。啐諸仁。還委麼。
良久曰。一氣不言。含有象。萬靈何處。謝無私。雪中
留請兩序上堂。如我按指。海印發光。簷頭水滴。明明
歷歷。汝暫學心。塵勞先起。好雪片片。不落別處。一句
語具三元門。一元門有三。要絲毫未盡。如隔鐵圍人。
宜求舊物。宜求新。一念情生。萬劫羈鎖。也有權。也有
實。也有照。也有用。開口不在舌頭上。明眼漢沒窠臼。
本分事。絕羅籠。漏燈盞。鑑地輝天。野鴨子。金聲玉振。
客來無茶點。薑湯當禮儀。掣開金殿鎖。撞動玉樓鐘。
喫飯不曾嚼著一粒米。則且置傳大士。爲甚麼道。終
日拈香。擇火不知身。是道場會麼。同心之言。其嗅如
蘭。久立珍重。中秋上堂。三乘十二分教。靈山猶如
話。月非風旛動。仁者心動。曹溪猶如指。月千巖萬壑。
幾度留題。林下水邊長吟。高詠寒山。祇善擬月。是餘
雲門趙州。德山臨濟。盡平生伎倆。總向者裏。依模脫
躐。究竟爲人處。何曾得勸。絕諸人要見眞月。麼。南屏
山前十里湖。光如畫。樂殺歌樓游舫。理安寺裏打鼓
普請喫茶。參。請藏主侍者上堂。與汝往來底。是藏

不與汝往來底。亦是藏。和盤托出了也。還見古人麼。
薰拈拄杖曰。離四句絕百非。關劣不關勝。且莫亂針。
錐。遂卓一下。臘八大雨上堂。二千年前雪嶺明星。
燦爛之時。黃面老漢。成等正覺。二千年後九溪大雨。
霧霏之際。汝等諸人。亦有成等正覺者麼。拈拄杖曰。
點點不落別處。滴滴到汝眼睛。卓一卓曰。一等是聲。
無限意。有堪聽。有不堪聽。復卓一下曰。莫向如來行
處行。上堂。有一人深明古佛路。頭却不知自己路。
頭在甚麼處。有一人深明自己路。頭却不知古佛路。
頭在甚麼處。大衆還識。二人病痛麼。若檢點得出。山
僧與你一錠金。開爐上堂。大衆諸方火爐子。有生
鐵鑄就有泥土合成。南閼從來列聖。不合時宜。薰拈
拄杖曰。却將者條黑漆拄杖。作箇烈焰火爐。你若背
他。則燒殺你。你若向他。則凍殺你。你若不信。遂卓一
卓曰。火發也看看。僧問。那個是學人本來面目。師
曰。向你道也不難。曰。爲甚麼不與某甲道。師曰。爲你
不識。士問。千七百則公案。那則有諸訛。師曰。卽心
卽佛。士曰。者是極易會底。師曰。你作麼生會。士擬對

師曰豈不誦訛。問趙州爲甚麼道無師。厲聲曰好惡也不識。亂問僧問措師曰果然。問文殊是七佛之師爲甚麼出女子定不得。師曰莫謗文殊。好曰問明是下方菩薩爲甚麼出女子定得。師曰莫謗問明好。廣東僧參師問大庾嶺頭那件事。近日何如。僧曰某甲初參師呵呵大笑。僧問措。問既是三世諸佛爲甚麼不知有師。曰到此方知。曰既是狸奴白牯爲甚麼却知有師。隨聲便打。著有列祖提綱禪宗正宗錄百餘卷。行世。問答

子山如禪師示衆舉趙州勘婆子話畢。乃謂衆曰前也與麼問答。後也與麼問答。且道那裏是他勘破處。驀拈拄杖曰趙州來也。汝等諸人還見麼。一時趣下。曰覓甚麼碗。問答

瑞州黃檗一菴月禪師揚之崇川涂氏子。初投天童。悟力參久之。忽有省入。呈偈求證。悟曰深山大澤逢緣。且住。後遇人始得。師禮辭入匡山。刀耕火種者數年。聞林臯豫唱道夾山。師往謁。卽命居西堂。依侍最久。迨豫順世。適菴間來主喪事。師復上竹林。問留

入磬山。最後舉無雲生。嶺上有月落波心。語謂此事祇須直下承當。原非別有付以源流。偈拂歷主江上。與國豫章黃檗諸刹。上堂。金剛圈栗棘蓬吞的任他吞跳的。任他跳跳得出也是好手。吞得下也是好口。一任拆東籬補西壁。指北斗作南辰。山僧亦不妨袖手看也。良久曰長江萬里拖銀練。自有人言大禹功。解制上堂十五日。已前鐵蛇鑽入海十五日。已後木耳踏春風。正當十五日。寶鑑當軒胡來胡現。漢來漢現。不妨逍遙于虎穴魔宮。放曠向天堂地獄。祇如路逢達道人。時如何。薰顧左右一喝下座。順治乙未七月十九日。師將示寂。自題像曰。老漢慈悲。沒有四兩無明。尙有千鈞看伊。廿年橫行湖海。如今留得雙眼圓明。祇有一事的確棒頭。覓得八子相續。傳燈復囑曰。汝兄弟住持此山法門事。大言訖而逝。時當暑炎。跌坐如生。閱三月。顏色不變。衆擬漆身奉供。因遵遺命。入龕。尙書張有譽撰塔銘。問答

普寧禾峰穎禪師。上堂。棒頭徹證。斗金易銷。喝下承當。喫水防咽。所以問普寧境。薰頭一喝。問境中人更

與一喝向這裏縑素分明可以抽釘拔楔拈拄杖曰
今朝三月初一拾得虛空半橛等閒舉似諸人剛道
子規夜半猶啼血正恁麼時祇如多處增少處減又
作麼生江南兩浙秋寒秋熱僧問如何是學人本
來面目師曰虎咬大虫答菴問嗣

廬州西河白雲山廣教天章玉禪師上堂問古今諸
訛卽不問德山托鉢事如何師曰掘地陷平人曰大
小德山未會末後句又作麼生師曰面赤不如語直
曰祇于德山道你不肯老僧那巖頭密啓其意且道
二人是甚麼心行師曰鬼門前捏訣曰德山翌日上
堂不同巖頭撫掌堂前兩個漢向甚麼處著到師曰
樂則同歎曰巖頭道也只得三年活如何德山果然
三年示寂師曰斬釘截鐵乃曰一句子天無四壁一
句子半合半開一句子和泥合水三句作一句會盡
大地人迴避不及若一句作三句會累他先聖向驢
胎馬腹裏頭出頭沒驢拈拄杖卓曰且道是那一句
復卓一卓曰罷去葛坡霄漢遠鳳雛金翅擬何期復
舉德山托鉢因緣師曰巖頭道大小德山未會末後

句在將從上秘密法門竭力道盡如李光弼入汾陽
軍旌旗一變耐耐德山諳敵勸軍背水伴北拔幟兩
個援向牛角尖頭一人忽作漫天瘴霧一人忽入藕
絲孔中若使桓將軍一見必曰此常山蛇勢也雖然
德山三年後示寂果會末後句耶蘧公使盡伎倆果
出得周金剛圈子耶要且俱被雪峰冷地看破上
堂書頭教娘動作息書尾教娘莫瞌睡中間一句少
人知密把題函不輕示廣教不避諸方檢責爲汝等
揭露去也揮拂子曰同心結上繡鴛鴦莫待相思成
憔悴上堂靈鷲山中無端拈起一枝花少室峰前
特地道個安心竟賺殺古今英靈將謂合有怎麼事
豈知一道平懷泯然自盡堯舜之君猶有化在太平
風月樂享無爲在衲子門下尤須勘過了打卓拄杖
上堂舉興化撥維那師曰興化圖此話大行不管
盡法克賓要全身賣俏那顧奔騰雪寶要與克賓雪
屈敢保摸索興化棒頭不著黃龍南曰克賓失錢遭
罪亦未免深屈古人興化稱臨濟烜赫兒孫惜當時
祇令行一半若據令你等諸人卽今向甚麼處措足

佛涅槃上堂。鯀蝶穿花塢。紫燕語離梁。釋迦老子全身在鼻孔。依然恁麼長。你諸人還會麼。若不會。替你等入涅槃堂。作麼生救取好。良久。召大眾。喝一喝。下座。上堂。三藏十二部。且不是黃面老子的正文。少室分皮分髓。亦不是碧眼胡僧的直指。本是太平風月。無端下此一著。殃害古今。屈抑英雄。若是個漢向這裏一撈粉。碎踏翻射垛。掉轉旗鎗。方搔著廣教癢處。莫有不甘者麼。喝一喝。上堂。須彌頂上。擊金鐘畢。盍崖中。普請入。其間得其門者。或寡矣。不見宗廟之美。百官之富。所以深固幽遠。無人能到。廣教今日撥開胸襟。從已字涌出。百寶光相。爲汝等揭示。當陽汝等還知此光來處麼。喝一喝。上堂。問靈雲見桃花悟去。且道悟個甚麼。師曰。但得雪消去。自然春到來。曰。因甚玄沙道。敢保老兄未徹。師曰。垂釣四海。只釣獐龍。曰。爲山道。從門入者。永無退失。又作麼生。師曰。一盲引衆盲。曰。雪竇又道。敗軍之將。意旨如何。師曰。曾經霜雪苦。楊花落也。驚僧禮拜師。便打。乃曰。又了了。歷歷落落。前三後二。簾離木杓。這裏提得去。

達觀圖

金傳疑傳

天台石梁橋。其或未然。南嶽三生閣。喝一喝。示衆。舉世尊因調達。誘佛生身。陷入地獄。因緣師曰。世尊重門洞啓。下榻求人。達調細柳屯營。不受王敕。雖然各住本位。爭奈出入名字。未空若是。廣教作調達待阿難曰。佛豈有入地獄分。便曰。將謂如來惠汝三昧。元來俗氣不除。小參三條篋。隨處住山。鉏斧子逢人放下。平田淺草。驚地翻身。萬仞峰頭。隨分翹足。一切處風行草偃。一切時水到渠成。饒他磨弓錯箭。薄伐無功。縱然放馬歸牛。化行有跡。爭似披圖經而佐治。執玉帛以朝宗。直教風和雨沐。海晏河清。鼓腹謳歌。皇風一片。且太平無象。安貼家邦。一句又作麼生。但將飯向無心碗。自有人提折脚。當復舉。誌公傳語。思大公案。師曰。思大不是誌公傳語。獨坐孤峰。幾無合煞。若廣教作思大便曰。這鷹窠。漢猶作小兒啼在。

答菴問

杭州理安天竺珍禪師。雲間陳氏子。十八出家。二十圓具。歷參古南門。雪竇雲再參。菴問于夾山。結夏。因僧錯會趙州勘婆子話。問卽打出。復喚回曰。與你。

說個譬喻。你卽是這僧。老僧卽是趙州。拈起竹筴曰。者便是婆子。那裏是看破處。僧擬議問。擲下竹筴歸。方丈師在旁。忽然領悟。執侍久之。得躋堂奧。遂膺付囑。上堂號風落木雁。語寒空冰枯月冷之時。鼓寂鐘沉之候。別浦舟橫。鄉絲綸而歸去。深淵魚伏。俟桃浪以飛騰。所以立沙道。寒潭月影靜。夜鐘聲隨扣擊。以無虧觸波瀾。而不散。猶是生死岸頭事。雲門又曰。直得盡大地無纖毫過。患猶是轉身不見一色。始是半提。更須知有全提時節。祇如全提一句。作麼生道。卓拄杖曰。瞻前忽在後面。南看北斗。上堂半月患牙疼。有口堪挂壁。龍象入門來。低頭祇一揖。啞摩詰特地周遮笑。迦文徒勞掩室。若于此外更求元。三面狸奴尾垂七。上堂中途折却聖箭。早已此話大行。一向目視雲霄。何妨鬧藍垂手。雲旣從龍。風亦從虎。直得法雨巖前。滔天浪涌。何須著力。擔鉢大人峰頂。白晝雷轟。灼然面目現前。祇如巖頭道雪。峰與我同條。生不與我同條。死要識末後句。只這是且道。末後句是個甚麼。召衆曰。少間仰冀國清和尚。不吝慈悲。

◆ 恁麼什

爲衆指破。佛誕上堂。趙州不度火丹霞。兩度燒雲門。要打殺。藥嶠。驀頭澆者。隊漢盡謂流通正眼。慶贊佛生。何異離波求水。緣木求魚。要與瞿曇把杓。未得在。上堂兩個五月半。難爲粥飯。罐夜短。苦日長。尿床。謔語。漢用金剛。纔舉棒時。小厮兒打個呵欠。盡謂大機之用。大用之機。何異亂世英雄。太平奸黨。龍池束之高閣。還有爲人處麼。良久曰。黃鐘毀棄。瓦缶雷鳴。箸菴問嗣

眞州北山密傳能禪師山東仲氏子。年二十出家。圓具。歷參夾山。報恩甚久。後謁南澗。值問上堂。師問漁歌。牧唱。頭頭古佛家風。柳綠花紅。在在普賢境界。未審恁麼人。合受人天供養。問使喝。師曰。普化趺倒飯床。又作麼生問。又喝。師曰。爭奈時人。只見枝頭絲。不見盤空赫日。紅問曰。是錯過。師便喝。問亦喝。師曰。看者老漢一場敗缺。乃一喝歸衆。師受囑後。一節淮海。隨緣開化。一言不合。曳杖便行。後住北山。重新眞歇道場。康熙癸卯仲冬四日。怡然坐脫。門人建全身塔于寺後。箸菴問嗣

常熟勝法斯瑞法禪師上堂。有一句子。千聖不曾道。著有一妙機。列祖未能提起。若是伶俐。禪流一舉。更不再舉。山僧今日再舉去也。隨卓拄杖曰。箭過西天十萬里。上堂。老子髑髏乾不盡。無端猶道睹明星。兒孫氣宇冲天地。誰肯扶籬摸壁。行連卓拄杖。晚參。山僧有時拈一莖草。你諸人面前。你諸人自不能識。便如一座銀山鐵壁。相似管教進覲。無門有時移一座銀山鐵壁。你諸人面前。你諸人便怎麼去。如一莖草相似。未免當面錯過。直饒你識得銀山鐵壁。是銀山鐵壁。一莖草是一莖草。山僧又且無固無必。你諸人何不於此討個端的。示衆。雲未斂。雨初晴。鴨鴨池塘亂。鶉鶉樹上鳴。觀音菩薩全身現。切忌相將草裏行。卓拄杖。問不在內。不在外。不在中間。在甚麼處。師曰。甕裏何曾失却鼈。問。風前一句作麼生。道。師便打曰。和尚除却這個。你師曰。你喚甚麼作這個。僧擬議。師直打出。問不著。知見不重。已靈時如何。師便擲下手中扇子曰。這便是學人安身立命處。麼。師打曰。甚麼所在。許你安身立命。問。師打曰。甚麼所在。許你安身立命。問。師打曰。甚麼所在。許你安身立命。

潤州金山鐵舟海禪師。徽州黃山蔣氏子。開爐上堂。壁立萬仞。三世諸佛無處摸索。和泥合水。一任諸公。東卜西度。去此二途。包括大千。天寬地闊。說甚麼須彌山。柏樹子。八角磨盤空裏走。新婦騎驢。阿家牽。若能伸出佛手。展驢脚。驚拶相逢。築著磕著。常光現前。十方閃爍。既然如是。又何必開爐。豈不是無繩自縛。良久曰。祥麟只貴一隻角。晚參。一不作。二不休。日日爲人作冤讐。罵人罵徹骨。打人打破頭。爲甚如此。只要諸人命根。斷相將。攜手過滄洲。喝一喝。祈晴晚。參久雨不晴。滑久晴不雨。割昨日雨。今日晴時節。不相應。多少人向這裏。換却眼睛。且喜。杲日麗中天。萬古無等匹。小參久矣。不說法。口邊生白醭。侍者忽燒香。放出摩天鷲。突出萬里雲。孤峰高峽。吼千重。百匝水中天。萬派一源。誰解續。豐干拍手笑。呵呵。六六從來三十六。小參。儀真到金山。雖云六十里。順風而下。不過一瞬。前承通個消息。整整候了三日。忽於昨朝。諸上善友。如地湧出。原來不曾動著一步。既不曾動著一步。如何到得這裏。不見道。十二處忘閒。

影像三千界內放光明。衆中忽有個禪僧出來道。和尚恁麼說話。雖則善巧。方便爭奈俗氣也不除。山僧不覺呵呵大笑。這一笑問諸兄弟。是賞耶。是罰耶。是因齋慶讚耶。驀拈拄杖卓一卓曰。三段不同。收歸上科。問過去諸佛。卽不問如何。是現在佛師曰。疎林獨坐一爐香。曰。謝師答話。師曰。敗葉堆雲秋已深。問二龍爭珠。誰是得者。師曰。莫妄想。問江水滔滔不盡流。未審源頭在甚麼處。師曰。看脚下。曰。是真實語。那師曰。山僧從來不妄言。問如何是佛師曰。眼橫鼻直。曰。如何是法師。曰。王令稍嚴。曰。如何是僧師曰。無愛無憎。答卷問詞

揚州準提用中睿禪師。寧波陳氏子。幼穎悟。父官總戎。愛之甚篤。迨遭家難。投海中不死。詣阿育王山。脫白參問于理安。問曰。你平日作何工夫。師曰。參萬法歸一話。問曰。如何是一歸何處。師曰。晨起喫白粥。晚來又覺饑。問曰。此是古人的。如何是你的。師曰。閒步松門外。看雲聽鳥啼。問曰。未信汝在師便。喝問便打師便出。答卷問詞

南嶽國清大戲明燈禪師。湖廣衡州人。幼穎悟。長擅文譽。因遊金陵。忽憶宿因。遂薙髮參夾山。一日出坡次。豫問曰。賣檀香底來也。師便放下柴擔。豫便打師。遂有省。後看救產因緣。始得豁然大徹。述偈曰。跨馬海中遊。海波硬似油。揚鞭策馬角打著。夜叉頭後參。箸菴問直抵法座。以臥具打圓相。叉手而立。問拈拄杖曰。好與三十棒。師曰。莫錯打人。問收拄杖。師展具問。微笑曰。者瞎漢。師曰。學人且禮三拜。復侍立。次問欣然曰。那裏來。師曰。湖廣。問顧次僧曰。那個是。同來底。麼。師亦顧次僧曰。和尚問你。問擬復問。次僧師便出。問高聲曰。參堂去。舉趙州問投子。大死底人却活時如何。子曰。不許夜行。投明須到。師頌曰。雖然開口露心肝。更有鬚鬚不被瞞。堪笑趙州與投子。何曾踏著上頭關。舉僧問首山。如何是佛法大意。山曰。楚王城畔汝水東流。師頌曰。楚王城畔水東流。恩戴丘山不易酬。此話已行誰更委。清風明月共悠悠。僧參師。問從那裏來。曰。清涼寺。師曰。那是熱鬧所在。多少大眾。曰。一百二十。師曰。聞說有三百餘僧。

搖首曰。無師曰。五戒也不持。僧參師。豎起如意曰。你試道一句看。僧乃奪如意。師約住曰。且緩緩。僧禮拜師曰。如虫蠶木。師歷止。湘潭懺心。衡陽般若。諸利語錄行世。問荅

金陵隱明輪禪師。欽州方氏子。十九投廬山蓮峰出家。往參金粟悟。三年無得。請曰。父母未生前。畢竟是甚麼。悟打一棒曰。問甚麼。師擬再問。悟趨出。師猛志力參。久之。一日。循堂擊版。悞擊虛空。恍然。颺椎曰。古今本來人。大地一光輪。縱橫無所住。不必更尋真。趨白悟。手連拍打。搖拽悟。徐曰。汝何爲者。師曰。昔年曾喫棒。今日痛猶新。拂袖而出。後辭悟。往依竹林。豫迫豫順。世受箸菴。問記荊。上堂。舉世尊不說說迦葉。不聞聞卓拄杖。喝一喝曰。泊合停囚長智。上堂。僧問牛頭。未見四祖時。爲甚百鳥銜花。師曰。他不曉得。我曰。見後爲甚百鳥不銜花。師曰。我不曉得。他乃舉明招示衆。衆纔集。曰。此間風頭稍硬。不是諸人安身處。且歸暖室商量。到室曰。纔到暖室。便見瞌睡。以拄杖一時趨散。師曰。說甚暖室瞌睡。法堂前總未惺在。

諸仁者。還覺明招夢中寐語麼。咄。惺惺著。莫被人瞞。晚參。僧問。萬象之中。獨露身如何。是獨露身。師曰。萬象豈曰不會。師曰。獨露身。豈僧無語。師以竹筴推曰。去問古鏡未磨時如何。師曰。黑漆漆地。曰。磨後如何。師曰。黑漆漆地。曰。磨後爲甚。黑漆漆地。師曰。黑漆漆地。僧罔措。師曰。我共你葛藤磨。與未磨。且置。喚甚麼。作鏡。僧纔開口。師打曰。黑漆漆地。乃曰。心無境。住體備機。圓道絕離。微用藏向。背何須。陷虎機。險崖句。你有一句子。如龍得水。我無一句子。似虎靠山。直下。怎麼去。山僧卽是諸人。總不怎麼來。諸人卽是山僧。門門有活路。著著有出身。到金陵門下。按過了打。上堂。釋迦老子。在你頂額上。因甚。磕不著。達磨老子。在你腳底下。因甚。踏不著。磕得著。踏得著。西風昨夜涼。紙牕聲索索。南無朱頂王。菩薩有理。不在高聲。今年晚稻十分收。臨時割倒。都被螻蟹喫却。結制。上堂。今冬結制。有新則不似諸方舊格式。睡去莫攔水牯牛。起來勤把穿心鉢。師子窟中師子兒。哮吼吒沙。天地裂。揮拂子曰。呵呵。好大哥。風流不在著衣多。

上堂黃金爲世界。白銀爲壁落。一種淨乾坤。更有好樓閣。不是聖人居。豈爲衆人作。良久曰。話墮也。

中秋上堂。曰。可冷。月可熱。衆魔不能壞。眞說黃泥土。地越神通手。折蟾宮桂。一隻拈不得。放不得。拈起也。吒吒沙沙放下也。漏漏漚漚。無端持向鬧叢中。碧眼黃頭笑不徹。且道笑他個甚麼。萬里不挂片雲一條。脊梁似鐵。臘八上堂。釋迦老子。今成道大地山河。俱靠倒。忽然遇著無邊身。突出虛空那一竅。那一竅者。一竅無量衆生。發菩提心。寧肯永劫墮沈淪。不從諸聖求解脫。爲甚麼如此。喫飯能容口。猜謎不用拳。上堂問金雞解銜一粒粟。供養十方羅漢僧。祇如一粒粟。作麼生供養十方師。曰。少你一分不得。曰。可謂爭不足。讓有餘。師曰。霜葉紅於二月花。乃舉五祖演曰。釋迦彌勒。猶是他奴。且道他是阿誰。師曰。大小祖師。原來膽小。道不得。何不問我炭鑿子。復曰。炭鑿子莫潑水。擬擡頭千萬里。康熙己酉。師示寂。門人塔全身于蓮花峰頂。其遺錄蔣虎臣太史見之。謂其堂奧不讓高峰。乃序而梓之。答菴問嗣

越東三界濟水洗禪師。初在寶華忍會。下得省。後參理安。問曰。你在寶華。有何因緣。師曰。寶華拈竹筴。問喚作竹筴。則觸。不喚作竹筴。則背。你作麼生會。某甲曰。開口見胆。忍曰。墮身死漢。遂打出。問曰。住住。祇如寶華。便打出。你作麼生會。師曰。正是寶華深。雖痛拶處。問曰。謗寶華不少。師曰。也知和尚婆心太切。問曰。你又謗老僧也。師擬進語。問便喝。師于言下頓悟。繼席理安。示衆參學人。看古今言句。一腳踏在脚底。自有一條通天活路。向活路上行。一切言句。如龍得水。似虎靠山。若向言句下。覘絆煞人。卒未有了。曰。

答菴在問嗣

南嶽隱谷仰禪師。僧問。浮山九帶。如何是正法眼藏。帶師曰。瞎驢邊滅。如何是法藏。帶師曰。玄裝取來。如何是理貫。帶師曰。嘉州打大象。如何是事實。帶師曰。毛吞巨海。芥納須彌。如何是屈曲垂帶。師曰。提獎嬰兒。俯憐赤子。如何是妙叶兼帶。師曰。大用現前。前不存軌。則如何是金針雙鎖。帶師曰。樓閣千家。月江湖萬里。秋如何是平懷常貫。帶師曰。惟此一事。實餘二則。

紫真客
問嗣

海陵棲賢山夫紹隆祖禪師參南澗問師曰諸法從本來常自寂滅相。如何是寂滅相。問豎起拂子曰。道道師便拜。問曰也。只道得一半。一日問謂師曰。古今公案。你還有疑否。師曰有疑。問曰疑那。則師曰野狐女子問曰。若論者。兩則有疑。即千則萬則。總有疑在。師從此將前意解卜度。一時屏去極力參究。偶于出坡過嶺打翻麥擔。忽覺身心世界了不可得。憶從前所疑公案。當下冰釋。一日侍問山行。次問顧師曰。你前日道世界身心了。不可得以拄杖指松樹曰者。個是甚麼。師曰亘古亘今。問曰屙屎見解。師曰和尚又作麼生。問便喝。師大豁然曰。元來元來。問一日室中示衆曰。有一人不喫常住飯。不挂一縷絲。且道是甚麼人。衆下語不契。師後到問曰。你下一語看。師曰披袈側立千峰外。引水澆蔬五老前。問領之客
問嗣

袁州仰山雪谷古石行藏禪師江西人。投理安問出家。一日請益問曰。參禪要參活句。莫參死句。師近前吹滅燈燭。便出。問趕至堂中。痛棒曰。如何是活句。師

無語。問曰大衆代他一語。衆亦無語。問曰一隊死漢。又曰道得也是死句。道不得也是死句。曳拄杖出堂。師從此益力參扣。一日因衆頌庭前雪。獅子師出頌曰。巍巍獨踞庭前好。不假皮毛志自高。祇恐此間留不住。終歸大海作波濤。次日問命遷職。事不從。有忤問意。問即拘斷拄杖擲下曰。不打者死。漢師于言下豁然。住萍鄉妙湛。示衆如我身空。諸法空。千品萬類。悉皆同。薰豎拄杖曰。且道空不空。罵者臭。屎奴且道同不同。有人辯得與他一疋布。示衆雪谷一句觀面分付。浴室洗澡。殿上脫袴。僧問牛頭未見四祖。爲甚百鳥銜花。師曰腰間有寶。曰見後爲甚不銜花。師曰脚下無鞋。康熙戊午。師將示寂。索筆書偈曰。七七八八高高低低。寥兮廓兮。從吾所之。呵呵大笑。擲筆而逝。客
問嗣

杭州西溪六吉謙禪師初住蘇州琴川勝法開堂。一日同曉菴昱上報恩見池中魚躍。師問者個衆生。又無手脚。因甚會跳。昱曰通身是手脚。師曰因甚跳不出。昱曰爭怪得別人。師曰老老大大話頭也不識。昱

曰爲釣鯨鯢沈巨浸却憐跬步展泥沙師震聲一喝
僧問大通智勝佛十劫坐道場因甚佛法不現前
師曰痴人前不可說夢曰十劫後爲甚却現前師曰
今日賴汝重舉 師初住琴川勝法有語錄行世卷一

五燈全書卷第八十

五燈全書卷第八十補遺

臨濟宗

南嶽下第三十五世隨緣聲山下

天目全庵進禪師上堂去年佛歡喜僧自恣佛法有
得說今年佛歡喜僧自恣佛法無得說且道去年有
得說底是今年無得說底是焉拈拄杖曰維舟不棹
飛流上劍峽徒勞放水鵝擲拄杖下座 上堂柴米
油鹽醬醋茶般般出在別人家我也一些愁不得且
鋤明月種梅花古人與麼道爲是隨順世諦爲是舉

揚佛法西峰當此青黃不接之際辦道高人若爲會
取良久曰束腰懶用三條篋毛孔分來七日香 上
堂綠暗千山紅稀萬樹翠鳥衝開碧落烟黃猿啼歇
青林雨昨日丙寅今辰丁卯明朝芒種更加忙採茶
未盡又栽秧自古沒量大人早年苦行作資糧晚節
梅花噴鼻香 小參春光明媚萬卉爭奇桃開笑眼
柳展歡眉多情更有子規啼喚爾遊人歸去兮 小
參曰輕煖輕寒春已去乍晴乍雨夏將來迷頭演若
顛狂走何日心華忽地開 晚參人莫不飲食也爲
甚麼十箇有五雙不知飯是米做爾諸大衆到這裏
也不得不疑好 問大死底人却活時如何師曰只
得一概曰不許夜行投明須到時如何師曰此夜一
輪滿清光何處無 松月參師問松頂月松底月僧
無語師打曰夜行莫蹋白 頌世尊初生穩步雲梯
下月樓嬌羞已應漢宮秋王孫脫口驚寰海養子當
如孫仲謀 頌古德喫油餓失炤仙翁下阡陌幸逢
明證到臺前吳剛伐月何奇絕書史偏偏作話傳
頌香嚴上樹陷之亡地而後存置之死地而後生淮

陰曾施背水陣。誰能拔幟解先登。頌狗子佛性無
砒霜。鴆酒何嘗毒。最毒其如一箇無殃害。平民遭橫。
死三千條罪更重科。玉林秀嗣

常熟虞山拂水巖藏海洪濟演禪師山西聞喜張氏
子五歲依舅氏薙染受具南詢江浙祖處最後參報
恩秀依止二十餘年力參得悟遂受記荊秀葬母師
於拂水巖遂成叢席乃命師住持上堂山頂秋高大
樹垂陰一觸忘所知一見絕狐疑不免尙留觀聽未
透聲色句在若能見無見之色問無問之聲撥轉路
頭壁立萬仞蹈翻關板坐斷十方然後傳持正法眼
藏播揚大解脫門斬釘截鐵共樂昇平鼓腹謳歌歸
家穩坐具到家一句作麼生道吹落黃花滿地金西
風昨夜透園林示衆舉世尊拈花曰世尊設錦筵
以陷獸垂香餌以釣魚固是眼親手便其如金色頭
陀瘦速老眼錯認定盤以致後代兒孫一箇箇隨邪
逐惡示衆舉女子出定曰文殊拋磚罔明引玉翻
手覆手有直有曲賺却多少人勘者女子不破妄生
捏目藏海今日據令而行有三十拄杖要世尊甘何

同問羅開次

故鬻不因夜來雁怎見海門秋示寂于庚申十月
二十三日奉全身塋于本寺之東坡玉林秀嗣

濟寧玉露徹也融禪師佛誕上堂雲門打丹霞燒玉
露者裏好與一杓惡水驚頭澆且道與他二老是同
是別顧左右曰土廣人稀知音者少元旦上堂儒
曰苟日新日日新又日新俗曰百年難遇歲朝春吾
宗則道惟此一事實餘二則非真良久曰大衆還委
悉麼不惟年豐物阜且喜天下太平結制上堂世
尊於靈山會上說圓說頓罔談彼短達磨西來直指
人心靡特已長玉露今日封却在城闌浣筆泉水泄
不通把住運糧河龍王宮針剗不入正與麼時太白
樓只得七跳八跳古南池未免東觸西觸縱有淩雲
氣宇也須待春雷一擊大地陽回始有參學分其如
不然喫了福山大德齋各各歸堂口挂壁上塞却耳
根仔細聽取因事示衆無明煩惱智慧菩提若解
就路還家直須翻轉面皮咄仔細好看冬至早參
山僧適命搗鼓落堂更無別事商量竝有一句子不
惟吞不下而且吐不出今值長至之辰未卜陰陽還

能遷變得麼。晷運可以推移得麼。衆無語。師以拄杖旋風打散。頌德山托鉢曰。魚翁磯上纔拋餌。負命鯨鱗沖浪來。只顧昂鬚吞巨牝。不知暗裏已穿腮。頌破砂盆曰。東戶把來撮米西家將去盛麵。縱然未是破砂盆大底中心綻一線。玉林秀嗣

陝西終南元山白眉貞禪師入院。上堂舉大覺先師住天目入院小參曰。掩關行脚廿年。餘祖翁田地悉荒蕪。今朝杖笠歸青嶂。萬仞巖前葺舊廬。師曰。大衆盡是家裏人。應明祖師事。且道如何是祖師事。良久曰。一關坐斷十方萬古高山仰止。上堂舉先老人世尊觀明星頌曰。家住深山別覓山。眼開何處著慚顏。慙慙爲惜王孫醉。霜滿荷花月滿鬟。師曰。這老漢何得將釋迦老子頭目髓腦鼻孔皮肉淨盡無餘和盤托出。普令人天瞻仰。下箇金剛種子。雖然如是。還見先師落處麼。現前大衆切忌被明星換却眼睛。上堂舉世尊初生話頌曰。開口過頭便喪身。那知脚下混泥塵。不平拔劍須相助。莫道知恩解報恩。大覺秀嗣杭州大雄來雲巖禪師徽州潘氏子上堂未離天目。

已至龍淵未曾開口說法。已竟大衆還會麼。若也會得大事了畢。如或未然。向第二門頭施設去也。卓拄杖喝一喝。示衆銷金爍日而不熱。墮指裂膚而不寒。且道是什麼人境界。參。示衆法中王稱最勝。恒沙如來同共證。有人解此如意珠。穿衣喫飯皆相應。且道如意珠作麼生證。向者裏說得。個儻分明不枉共住。如或未然。切須究明始得。久立珍重。玉林秀嗣杭州大雄濟芝覺禪師四明慈溪王氏子。示衆秋風淅淅黍離離。秋夜淒淒秋月輝。此事明明無蓋覆。阿誰覩見到無疑。途路樂不如歸。珍重現前諸道侶。莫教錯過祖師機。問不是心。不是佛。不是物。是個甚麼。師曰。拄杖長七尺。曰。不會。師曰。扶過斷橋水伴歸明月村。問如何是學人用心處。師曰。喫飯莫動口。曰。如何是親切處。師曰。著衣不掛絲。師於康熙庚申八月望後染微疾。更衣沐浴侍者請示語。師厲聲呵曰。無語。定死人不得。麼。遂坐脫。塔於大雄。玉林秀嗣潤州夾山汝汾恒禪師江陰劉氏子上堂舉僧問雲門如何是佛。門曰。乾矢橛。師曰。千山鳥飛絕。萬境人

踪滅孤舟簑笠獨釣寒江雪。上堂官不容鍼私
通車馬。今日索性打開庫藏展兩手曰。異寶奇珍一
任取足。上堂萬里無雲青天喫棒覓心了不可得。
只道得一半師示寂於潤之八公洞。漢隱庵塔建庵

右玉林
秀嗣

京都西山戒壇天逸圓禪師。昭陽張氏子。生而英拔。
智識過人。幻具出塵。志過維揚。東隱脫白。首參夾山。
問入堂發憤。不復晏臥。次參報恩。秀一日值秀落堂。
以香板擲地。師由是悟入。後問移磬。山師歸省。復得
深錐。痛拶往復縱辨。機鋒甚銳。問默然許可。集衆付
衣。拂師堅讓。歸東隱。問復召師至。留守文室。問入滅。
遺一法衣。命上首五祖岡囑師。師服心喪畢。岡以法
衣源流規諫。始受。出住都門。應請戒壇仁壽。臨清清
涼。和碩公主請上堂。鴈吟新韻。露滴寒淵。性地無
塵。靈苗自長。神功造物。真風扇象。帝之先太極。既分
大道。合洪荒之內。育斯賢成。斯德遇斯緣。立斯願。創
如是法門。建如是法幢。提持向上宗。啓迪當陽路。是
怎麼事。須是怎麼人。若是怎麼人。不愁怎麼事。且道

作麼生。是怎麼事。善財別後無消息。樓閣門開竟日
閒。晚參達磨不來。東土二祖不往。西天七佛未曾
開印。我儂行說在先。滾油鑊子。狗舐不得。脫殼烏龜
飛上青天。喝一喝。示衆。憍梵波提。嚼鐵。舜若多
神。遭一跌。無位真人。眼豁開。驚得虚空流白血。喝一
喝。頌香嚴獨脚曰。潑墨徒施造化工。義中無義實
難窮。烏雞子夜誰能辨。花笑靈雲兩眼紅。頌三頓
痛棒曰。無端風雨催春去。落盡枝頭桃李花。冷地有
人歌且笑。笑今天下亂如麻。師將示寂。召衆曰。吾
緣盡矣。偶同參至。握手相問曰。吾兄身雖有恙。還有
不病者麼。師曰。盡大地人扶不起。曰。扶不起的是甚
麼人境界。師曰。者漢與他相與不得。曰。因甚相與不
得。師曰。只爲他無眼耳鼻舌身意。曰。即今在甚麼處。
師曰。且禮拜著。遂聲鐘。跌坐。趨寂。時康熙七年七月
十二日也。世壽五十。法臘二十。有一塔於天台大南
峪之麓。籍庵問嗣

五燈全書卷第八十一

京都聖感禪寺住持臣僧

超永

編輯

京都古華嚴寺住持臣僧

超探

較閱

星

臨濟宗

南嶽下三十五世隨錄

江陰散山退菴行重禪師九江高安彭氏子隨父出家郡之曲水菴禮匡山太虛得度和初精律乘遇禪者激發荷策南遊徧參名宿上金粟結冬看楊岐佛話有省後參報恩琇呈世尊拈花頌曰倚天長劍露鋒銚拈出何人敢近旁老倒飲光輕觸著面門血濺太鄔當琇閱曰只見錐頭利不見鑿頭方師曰却被和尚看破琇曰誰人知此意令我憶龐公師參方回再謁琇于報恩纔禮拜琇曰你三年在外成得些甚麼事師呈坐具曰和尚證明琇便喝師作禮琇曰不消一喝師便出宣城海會迎師主法師堅辭不應退居澄江之散山琇勉以偈曰忘世情懷爾我同茅簷鐵鏹振先風得人不在門如市好憶當年面壁翁

順治戊子四月二十八日師書偈辭衆坐脫于報

恩監院寮塔于大覺潭上

玉
林
秀
嗣

宜與善權白松行豐禪師參玉林琇充維那一日侍
立次琇問盡大地是火坑得何三昧師曰金不博金
水不洗水琇曰我問你盡大地是個火坑得何三昧
不被燒却師曰盡大地是火坑琇舉拄杖曰你喚者
個作火又喚甚麼作拄杖師曰和尚惜取眉毛琇便
打師禮拜 師受囑曰琇命參堂曰爲衆無過先自
爲風行草偃共精勤師進曰撒手懸崖上分身萬象
中 小參理開事變事得理融不涉理事一句作麼
生道良久曰薰風自南來殿閣生微涼 晚參久默
斯要不務速說今晚真實相爲特與諸人拈出驚卓
拄杖曰還委悉麼冬寒夏熱 晚參心同虛空界示
等虛空法證得虛空時無是非法且道虛空作麼
生證波漂菰米沉雲黑露冷蓮房墜粉紅 夜歸投
宿偈曰穿雲度水帶烟霞柳栗橫空輿轉除薄暮不
愁無處宿蒲團擲地便爲家 師住善權嚴于律行
定業現前遂罹于難臨難時大衆驚懼師率衆經行

誦持以待之。非真得火光三昧者。耶高郵孫孝則居士寄書吳門曰。正如琉璃國王提婆達多。劈面相值。不過從容就席。說寂滅爲樂。半句偈下座耳。不謂白首座竟證到此地也。玉林秀圓

武林大雄不退勇禪師錢塘韓氏子。脫白後隨全菴。進入金車山。一日普請。次見荷空。香行者有省。玉林秀曰。勇子佛法大綱。自有宿慧。未嘗費我心力。屢命分座領衆。結制小參。問大開爐。轉煨凡成聖未離兜率。已出母胎。如何通信。師曰。霜打芭蕉。光祿禿曰。已離兜率。已出母胎。又作麼生。師曰。頭破作七分。乃曰。三間茅屋。通天眼。七尺烏藤。抹太虛。要明臨濟三元旨。荆棘林中舞柘枝。昨夜無位真人。倒騎三脚驢。子直上萬仞峰頭。欲與諸人通個消息。嘉卓拄杖。小參卽心卽佛。文殊著賊。非心非佛。普賢叫屈。不是心。不是佛。不是物。觀世音菩薩摸著了一個毛頭大結。十字街頭。驀然撞著了大肚子彌勒。放下布袋。呵呵大笑曰。青天白日。爲甚麼著賊。因事小參。雲開杲日。現雨過草堂寒。恬澹無移志。晨昏好自看。卓拄

杖曰。十二面觀音來也。衆擬議師以拄杖旋風打散。晚參師拈拄杖曰。十五日以前。諸人不休。我要你休。要你識取拄杖子。十五日以後。諸人要休。我不肯與你休。要你識取拄杖子。正當十五日。又且何如。嘉杓折拄杖曰。要你識取拄杖子。入室師高聲曰。世尊。一日在靈山會上。拈起一枝花。驀喝一喝曰。莫錯認。驢鞍橋作阿爺下。領獨有迦葉。破顏微笑。拈拄杖曰。若將湊泊。終難會達者。應須暗裏驚。良久曰。更與諸人頌出利刀有蜜。不須舐。蠱毒之家水。莫嘗。不舐。不嘗。依本分華嶽巫山。面面寒。元旦小參。師卓拄杖曰。新年佛法全無。去年留得些子。不妨布施大衆。擲拄杖下座。觸事小參。半夜蝦蟇跳上樹。翻身猶在枕頭邊。空林細雨梳春夢。杜口黃鸝過草堂。不得作佛法商量。參。開爐小參。銅頭鐵額諸禪客。肘後橫懸奪命符。尙有火爐吞不下。冰霜肝膽細磋磨。然南斗北翻身。赤縣神州火裏坐。擲拄杖召衆曰。看火。謝兩序小參。少林面壁白玉琢成。西子骨雪庭肘墮黃金鑄就。伍員心六耳不同。謀一花開五葉。驀

喝一喝高聲召新充兩序職事。小參。驚眼撒沙看。

不得栗蓬刺口道不得連腮便掌擬議不得劈脊便棒回互不得。哪臨濟未是白拈賊。且道山僧具何眼目。卓拄杖曰。有約不來。過夜半閒敲棋子落燈花。

小參師拈拄杖曰。一冬又一冬。窮人怕過冬。若向無人烟處去。凍殺若向三家村裏去。笑殺若向衲僧門下去。打殺山僧。曾記得古人曰。窮來不必離家計。待得春回又出頭。卓拄杖。小參。赤肉團上壁立萬仞。世尊摩竭鼻祖。嵩山豈許九旬聚衆畫地爲牢。若有高見山僧。性命蚤已不存有麼。如無喝一喝曰。此令還是我行。師將示寂衆請遺偈。師接紙曰。信手拈來一筆寫盡都盧。丟在大江東。連以手向空畫。

○○○○○一笑坐脫于南嶽高臺。玉林秀嗣

杭州大雄骨巖峰禪師示衆三八晚參。舐著棒頭苦味。寥鬚子拍手大笑。失脚跌折驢腰。許他做個同參。早參。舉千巖長祖云。諸人不把無明爲事。無明亦不把諸人爲事。算來也是空篩氣。何不留將暖肚皮。師曰。千巖老漢。遣將不如激將。崇福不然。諸人把漚。

關爲事漚。關把諸人爲事。何故我不輕於汝等。汝等人人是佛。早參。一處通千處。萬處通世尊。三昧迦。

葉不知迦。葉三昧阿難不知。又作麼生。三世諸佛不知有狸奴白牯。却知有。晚參。諸佛諸祖悟處。卽是現前。諸人疑處。現前諸人疑處。卽是諸佛諸祖悟處。

法從分別生。法從分別滅。滅却諸分別。諸法無生滅。卓拄杖和聲一喝。玉林秀嗣

報恩棲雲嶽禪師。晚參。僧問。入門便喝。平地生波。入門便棒。無風起浪。入報恩門。如何相待。師以拄杖畫一畫曰。截斷葛藤。曰。不受言詮。不假棒喝。且又如何。

師曰。越出山門。曰。擎頭帶角。橫吞巨海。背負須彌。又且如何。師曰。入地三尺。曰。與麼則掀倒禪床。喝散大衆去也。師曰。未到闍黎在。乃曰。摩尼珠。大衆觀視。師藏裏親收得。嘉豎拄杖曰。不是摩尼珠。大衆觀視。師擲拄杖下座。結制。小參。舉香巖閒禪師。道去年貧。未是貧。今年貧。始是貧。去年貧。猶有卓錫之地。今年貧。錫也。無師喝一喝曰。少賣弄。眞淨文禪師。道去年富。未是富。今年富。始是富。去年富。做得一領黑黪布。

褊衫今年富添得一條百衲山水袈裟師喝一喝曰
 少賣弄報恩寺裏去年也不貧今年也不富飯熟陳
 年之米茶烹峰頂之泉雲捲遮山之簾風送巖花之
 雨菴竹迴廊託高懷以散步寒松覆屋坐竟夜以忘
 心一一天眞明妙一一超佛越祖且道以何三昧而
 能不落限量得大自在薦拈拄杖曰還見麼又卓拄
 杖曰還聞麼離却見聞了見聞裏薦取 晚參傳大
 士在雙林寺裏打個噴嚏驚醒八大龍王瞋睡雷轟
 電閃雨似盆傾普天之下盈溝溢壑來者往者頭上
 漫漫脚下漫漫無計回避十字街頭石敢當湧身虛
 空遮攔之彌勒菩薩撫掌大笑曰爭怪得伊爭怪得
 伊顧視左右薦喝一喝 晚參把住咽喉老鴉入袋
 放行一線狂獺上樹不把不放時石馬向風嘶盡大
 地火發且置須彌山爲甚在諸人鼻孔裏良久曰吽
 吽 晚參拈拄杖曰卽心卽佛少婦柘榴裙新裝白
 玉面非心非佛江風濁浪起愁殺渡頭人不是心不
 是佛不是物驚飛鴻鴈宿半夜起沙灘卓拄杖曰能
 迷烟水客不許時相見 晚參臨濟大師曰有時一

喝如金剛王寶劍有時一喝如踞地獅子有時一喝
 如探竿影草有時一喝不作一喝用遂喝一喝曰且
 道者一喝是金剛王寶劍耶是踞地獅子耶是探竿
 影草耶是一喝不作一喝用耶若辨白得出來道看
 若辨白不得直饒喝得獄上座向虛空裏撥下來我
 且緩緩向你道切忌胡喝亂喝 晚參秋風涼秋夜
 長遠行客思故鄉且道故鄉在甚麼處良久曰老老
 大大故鄉也不識 玉林秀嗣
 大雄慧舟濟禪師示衆舉慧力昌禪師因僧問佛力
 法力卽不問如何是慧力昌曰踢倒人我山扶起菩
 提樹本師秀曰報恩則不然有問如何是慧力但向
 他道喫官酒臥官街當處死當處埋且道與古人是
 同是別師曰我老人縱有越古超今之作略也未免
 遭人檢點何故齎草鞋錢且置漿粉錢教誰還 中
 秋示衆中秋前一夕皎皎轉銀盤既望還如舊光明
 分外圓正當十五夜大地黑漫漫好個眞消息諸人
 莫受瞞 示衆舉僧問石霜咫尺之間爲甚不覩師
 顏師曰觸破上座面門霜曰我道徧界不曾藏師曰

也許道一半。僧後問雪峰。徧界不曾藏。意旨如何。師曰。腦後著箭峰。曰。甚麼處不是石霜師。曰。和尚。僧舉似石霜霜。曰。這老漢著甚死急。師曰。何不蚤恁麼道。玄沙曰。錯過了也。師曰。錯錯。師復曰。者僧傳言。送語有甚了期。石霜恁麼答話。狼籍不少。又遇雪峰。越勢推曰。甚麼處不是石霜霜。便蓋覆曰。者老漢著甚死急。殊不知轉見不堪。玄沙恁麼道也。只救取一半。何故。雪家醜不合外揚。示衆舉世尊在靈山會上拈起一枝。花百萬。人天悉皆罔措。惟迦葉尊者破顏微笑。世尊曰。吾有正法眼藏。涅槃妙心。付囑摩訶迦葉。師曰。平生阿漉漉地。末後猶較些子。某若當時見他。纔舒手。便曰。不勞拈出。非但當時勦絕。亦免殃及兒孫。示衆舉僧問臨濟。如何是佛法大意。濟便喝。僧禮拜。濟曰。這個師僧。却堪持論。師曰。者僧初欲見月。及乎纔見。標指便休。臨濟雖埋兵。調鬪慣用神機。檢點將來。只振塗毒無返魂香。舟上座則不然。見者僧擬開口。便與振威一喝。豈不令渠當下披雲見日去也。

玉林
秀嗣

圓照慈翁。苕溪森禪師。惠州博羅人。明刑部侍郎黎紹爵之子也。母李感白光入懷而生。長博羣書。目數行下。以恩薦入國。學年二十七。病劇。爲惡夢感。發藉言。秋試入京。路次歸宗。投寶公。剎落初。參博山。不契。再走雲門。見雪嶠。信一日落堂。師問。未離万丈。句作麼生。信側耳。師曰。謝答話。遂許入室。呼爲嶺南長子。後參大雄秀。一見便令頌本來面目。師即充口頌曰。苕溪屈曲水。潺潺萬疊關。山一境閒。乍雨乍晴雲散後。滿天風月到人間。秀頷之一曰。秀願師曰。古人道。悟則不無。怎奈落第二頭。既是悟了。因甚落第二頭。師曰。爲有悟在。秀便喝。師頷徹法源。即日命居第一座。師在大雄報恩。首衆一十七夏。接機迅利。人稱苕鐵棒。云師手闢龍溪。爲衆開法。即今奉勅圓照寺。順治己亥夏。秀舉師應詔入都。與世祖相見。奏對機緣甚多。另見別錄。小參婆子轉半藏。升斗計親疎。涅槃三段義。文殊不奈何。堪笑仰山老。夢裏演摩訶。咄。慈翁慈翁。又道甚麼。曲躬曰也。

不較多。師遊五臺宿顯通寺。寺前見一婆頭纏紅布髮。插山花并鵬翎。身披雜襖。左足花履。右腳黃鞋。目光射人。手提竹籃。籃中諸物俱有口食。石子師問。婆在此何爲。婆曰。乞我一文錢。師曰。年多少。婆曰。六十六。師曰。有家主公麼。婆曰。徧地都是師。大笑。婆睜目視師。師便打婆。喝師又打婆。携籃作舞而去。師遊中臺。回婆仍在路食。石見師便笑。口稱南無佛。南無佛。師問婆。生緣何處。婆曰。太原師曰。幾時到者。裏婆曰。今日六月二十七。師曰。識得你也。婆合掌曰。大通佛大通佛。便作禮。提籃而去。師曰。幾不問過。

世祖遺詔。召師至景山。壽王殿秉炬。曰。釋迦涅槃。人天齊悟。先帝火化。更進一步。顧左右曰。大衆會麼。壽王殿前官馬大路。遂進炬。晚參。江平秋萬里。人靜夜初更。彷彿寒烟外。長洲落鴈聲。曠古乾坤觀。不盡海昌塔上錯分明。早參。日短讀書少。夜長轉側多。不可不可。如何如何。但知其一。不知其他。只知暴虎。不知馮河。鹿生三年。其角乃墮。早參。一快不足以成善。積快而爲德。一怨不足以成非。積怨而成恨。千

載之積譽。百世之積毀。向甚麼處見釋迦老子。今朝八月初一。眼睛豈是金州漆。晚參。彫雲高捲。晚風清。天外孤鴻來。遠聲報道山紋斜。界路莫疑樹影。樹影橫明明。明白。離分。浪出。燒痕入古城。呵呵。換却你眼睛。臘八早參。釋迦佛世路無知。已乾坤執愛才。雪山別業在。且喜早歸來。鹽官寺裏燒香供養我。老人恭賀一件事。適纔大衆起來。合家歡喜。今朝粥有果子。祈雨晚參。這一著。那一著。難摸索。難摸索。下註脚。忽然青天白日。忽然雨傾盆。落打一拂。晚參。開口時。便成增語。不開口時。便成剩語。孫阿豎。鹽官今夜聲。不是當年譜。諸大德。莫與麼去。可惜許。晚參。天溪一片月。萬戶擣衣聲。便恁麼去。旱地遭釘。不恁麼去。有眼如盲。畢竟作麼生。三脚驢兒。弄蹄行。秋入銀屏夢不成。問古人道。吐得黃金堪作甚麼意。旨如何。師曰。殿前穿草鞋。曰。拈過不奈何。人來時。向那裏安置。師曰。少刻便知。晚參。天溪八摺雲來。難認。灣頭桑竹林。深葉落。但敲門扇。多少人到這裏。忘前失後。圓照今晚。開個大方。便擊案曰。葫蘆。問如

何是清淨伽藍師曰東司街西曰如何是伽藍中人師曰高聲呌看曰拈一放一未爲好手如何是好手師曰孫行者問髑髏粉碎時如何師曰僧排夏臘俗列耆年晚參諸禪德一語不能踐萬卷徒空虛試問目前人何如天地初展手曰是何言歟康熙

丙辰六月二十七日示衆曰明年此日能見我于別峰乎否則弗及見矣衆罔測至次年春歸圓照又示衆曰慈翁住持大雄將及三載諸禪德今日解制歸去來也咄天開路年去年來自烟雨漸漸烟濃溼燕絲濛濛曉色迷禽樹大衆怎麼去怎麼去慈明圓祖笑道有趣有趣拽杖便行到吳山華嚴憩于靈山院至六月二十四日題佛涅槃圖畢爲侍者曰明日吾行矣衆泣留師曰三日可至期沐浴更衣復爲弟子剃度傳衣受最後供畢索筆書偈跏趺而逝塔于圓照寺右

玉林秀嗣

湖州報恩美發淳禪師閩之將樂熊氏子天姿穎敏體貌魁岸少習舉子業然非所樂因病苦呻吟世念消殞禮壽昌圓爲師請益參究命看狗子無佛性語

脇不至席者五年有省書偈曰胸中廣博小虛空直上黃龍第一峰首座問曰如何是第一峰師良久座曰畢竟如何師曰第二第三了也從此機用全彰出參諸方就諸尊宿往反扣擊以證其所悟皆以法器期之謁大覺秀甫入秀即問向佛未出世前道一句來師曰和盤托出秀領之命居第一座受記萌焉出住汀州天隱臨安天目嘉興壽聖繼住報恩上堂緬水龍淵浮玉山廿年冰雪侍師顏無端推出成狼藉滿面慙惶何處安行淳雖親依老漢二十餘年並不曾參老漢禪亦不曾得老漢說話祇是被老漢罵得徹骨徹髓身心頑了一味瞌睡佛法總未夢見記得幾則古人因緣在肚皮裏多年安排今日寶華王座上闡揚佛祖宗猷開煥人天正眼不意來到野貓洞口打一個噴嚏都忘却了一字也想不起來祇見金輪峻峭萬木森嚴山青水碧鵲噪虫吟秋風颯颯秋雨蕭蕭縹緲是縹素是素鐘是鐘聲鼓是鼓響一一現放一一明妙一一爲諸兄弟發向上機一一爲諸兄弟轉大法輪一一從自己胸襟流出所謂我本無

心有所希求。今此無盡寶藏。自然而至。大眾前是山門佛殿。後是方丈寢室。左是齋堂。右是禪堂。且道無盡寶藏。在甚麼處。驀卓拄杖下座。晚參九月今朝。又十三庭開金菊。爲司南頭頭物。物雖成。現未悟。還須扣己參。上堂。萬疊山含荊岫。玉宜黃人唱。晉江曲。冰河燄發。梵天紅。燕地冬生。闔地竹。咄。是何物。驀豎拂子。召衆曰。大眾衆舉頭。擲下拂子。曰。鶻兒已過瑠球國。晚參。久雨不晴。江河水深。山林黯黑。溪澗平沈。赫赫紅輪。從海涌。遍塵沙界。盡黃金。驀卓拄杖曰。唯有衲僧拄杖子。長年無暗。亦無明。與虛空合其德。與天地合其心。晚參。慧性圓明。萬法宗休。將知解。擬心空。縱然。枕子呵呵笑。依舊朦朧在夢中。良久。顧左右曰。高峰大師在汝諸人脚底。各各擡頭向上看。上堂。正體堂堂。千鏡交光。脫珍著。徹滿面。慙惶化。被草木。賴及萬方山。蒼蒼水茫茫。芍藥花開一院香。僧問。如何是奪人不奪境。師曰。緇溪水急。金谷峰高。曰。如何是奪境不奪人。師曰。幾片寒雲歸遠洞。一曲樵歌出翠微。曰。如何是人境俱奪。師曰。此間無。

住巖往

常通普

山僧目前無閹黎。曰。如何是人境俱不奪。師曰。一人有慶。萬國謳歌。師于康熙己未九月示微疾。索筆書偈而逝。世壽六十三。僧臘四十。塔于本山。大學士王公熙爲之銘。塔玉林秀嗣。大雄棲賢寂菴治禪師。汝州光邑王氏子。十七披緇。依報恩。秀爲侍司。一日江南回。秀曰。達磨不來東土。二祖不住西天。汝東來西往。作麼師曰。某甲不著便。秀曰。許與立沙把臂打。師僧臘十五。載三十二而卒。同退菴重合塔玉林秀嗣。西谷德嚴紹禪師。參報恩。秀看狗子話。有省。常有偈曰。法以衰爲盛。衆以多爲勝。舉個狗子話。千中無一應。玉林秀嗣。青溪蘊荊壁禪師。參報恩。秀入室。曰。某甲有個見處。秀曰。狗子爲甚無佛性。師拳秀肋。下曰。一向在趙州處落節。今日在和尙處。拔本。秀便推出。次日師復入。秀曰。盡大地火發。得何三昧。不被燒却。師曰。特來度夏。秀便喝。師呈頌曰。圓似滿月圓。寬同太虛寬。歷來無姓氏。從古絕躋攀。聖凡由此出。利海任伊安。始終。

無變異觸處卽隨緣玉林秀嗣

萬安山法海祖山地禪師。畿南文安劉氏子。幼端凝。堅靜。有出世志。薙染于昌平之清淨菴。南詢首謁天童。勤苦參究。至忘寢食。忽有省入。復參大覺。琇于報恩。琇問如何。是正法眼。師曰。覷面不相瞞。琇曰。作家禪客。師曰。不得塗污人。好入室。琇舉竹篋子。話師便作掀禪床勢。琇曰。汝見個甚麼道理。師曰。這老漢納甚敗闕。琇連棒打出。師從前礙膺。渙然冰釋。自是往復縱橫。箭鋒相拄。琇乃許可。授以衣拂。師因省母。北歸。得西山弘教寺舊址。刈茅以棲。琇應。

世祖章皇帝詔師隨侍萬善殿。

帝顧問出家始末。併諸機緣。師奏對詳切。

帝大悅。命易弘教爲法海禪寺。錫碑額。賜紫衣。

駕兩幸法海。以師爲報恩嫡子。惟務眞實。眷注特隆。

小參翠岳道一。夏已來爲衆兄弟東語西話。看翠

岳眉毛在麼。法海則不然。一冬已來並無一字與衆

兄弟說。還知法海爲人處麼。若也會得鼻孔依然如

或未薦。直須挽起眉毛參。小參有一物明歷歷豎

第三際橫亘十方。遇貴則賤。遇賤則貴。汝等諸人作

麼。生酬價良久。曰。解釋春風無限意。枝枝相對笑顏

開。示衆一口氣不來。何處安身去。安身去急。薦取

等閒。拶破六塵關。直得虚空笑點地。嘉召大衆曰。還

識本來面目麼。衆無語。師振威一喝。示衆舉拄杖

曰。不動唇齒。要吞却這個。衆等試吞吞看。衆下語不

契。師擲下拄杖曰。山僧今日失利。便歸方丈。師問

僧。萬法歸一一歸何處。曰。露柱。師曰。露柱與你說甚

麼。曰。無得無說。師曰。情知你在鬼窟裏作活計。師

問僧。正睡著時。無夢。無想。主人公在甚麼處。僧一喝

師曰。也是學來。底曰。從來不被人轉。師曰。誰從堂裏

來。曰。某甲。師曰。大好不隨人轉。一僧揭簾方跨門

師卽把住曰。出門是入門。是速道。速道。僧擬議。師便

掌。師于康熙丙午仲冬示微疾。語諸弟子曰。四大

假合。吾不久留。至五日。開示法要。復拍膝吟曰。金風

颯颯。飄黃葉。明月團團。照九垓。直下了。然含萬有何

須。睜眼妄疑猜。卽跌坐而逝。壽五十有一臘。二十有

一茶毗。曰。獲舍利無算。越數日。猶有于草間得之者。

塔于本寺山前玉林琇嗣

磬山雲居嶺禪師初參博山便有省處後入天童之室扣擊多方悟猶未徹力參八載乃謁琇于報恩琇問曰引者風顛漢參堂去是祇憤是陷虎師曰靈山授記未至如斯琇曰行數里却疑此事是黃楊木禪別有長處師曰欲窮千里目更上一層樓琇曰約住便掌與前隨後便掌有諸訛沒諸訛師曰捏聚放開觀音誕日師禮拜次琇問大士本無有死云何有生師曰今日禮拜過了琇曰山僧衣袖裏擲出一座須彌山師曰填溝塞壑無人會師之毛孔盡觀音琇大笑繼席天目上堂佛以一音演說法衆生隨類各得解試問大衆如何是隨類各得解一衆進語不契師代曰蟻子解從腥處走青蠅便向臭邊飛玉林琇嗣杭州大雄慧濟舟禪師淮安人全家披剃參琇于報恩一日坐禪次琇曰坐的是誰師便喝琇便打師起作禮琇曰盡大地是個火坑得何三昧不被燒却師便出琇喚回曰你見個甚麼道理怎麼喝怎麼走師曰沒有道理可說和尚怎麼問某甲怎麼對琇頷之

孫孝則居士見琇次琇招手者三隨閉却門士曰一脚踏斷半山橋師曰居士脚跟在這麼處士他顧師曰要道一句看士曰首座天地與我同根根在甚麼處師一掌士曰首座是有脚跟的師休去玉林琇嗣湖州扣冰息心偉禪師金壇于氏子生時白衣重胞白光繚室既長遇異人相之曰此子胸襟已字殆法座中人也後因家難備歷艱苦一日墮洮川水呼大士名得巨木扶腋以起乃發願出家迨年十七以貿易渡江復覆舟幾死有僧拯之忽憶宿願遂祝髮詣華山受具參妙峰海海門剖漸次南詢夾山磬山徑山天童諸名利參訪殆徧後參天目琇琇問何處是汝來路師默然指心琇喝曰這是甚麼去處容得汝來路師猛省走抱佛足琇喝師便出一日琇問曰汝做禪和子禪在甚麼處師曰和尚要人拋却甜桃反尋苦李琇指窗外竹簾曰會麼師曰某甲被和尚打成一片琇笑而頷之授僧伽黎適黃子升居士修建黃山慈光寺迎師主其事師力任經營一遵普門規制而擴大之七載功成殿宇巍煥參徒日集一日

書中所見迎琇過寺琇答以偈命主扣冰。僧問如何是理事無礙師豎扇曰那是理是事曰和尚莫弄虛空師曰虛空粉碎曰如何是事事無礙師擲下扇曰那不是理不是事僧喝師便打僧禮拜求偈師爲說曰心體廣大理事無礙仰看秋空毫無沾帶拈起一毫千差萬恠馬杓驢嘴自好自壞石火電光是十方界地水火風輪轉迅快本來何處虛空粉碎法界現前乃大自在。問一卽一切一切卽一是如何師曰一卽一切一切卽一何處是一一非空寂不滅不生無得無失黃面漢有手拏空白拈賊有口挂壁人道是臘月三十日手忙脚亂懊悔則遲我謂當下裏左支右吾撐持何益多少伶俐客擦掌摩拳到頭來兩眼瞎茫然不識請自己摸著心頭還有甚麼商量有甚麼說得。問佛法入門還須威儀否師曰三千威儀八萬細行總是外生從何究竟無常迅速及早招認目不及瞬耳不暇聽看破撒手不淄不磷那有階梯與汝明證當下劃然一刀兩段。士問佛在心卽佛此是禪否師曰無生無意那有分別前念

不生後念不滅一切卽一一卽一切心佛佛心終歸寂滅無佛是佛無心是心無佛無心廓然自清。康熙戊午冬師過廣陵別故舊感小疾先期告報至十二月二十四日索水盥漱將寂次衆請留偈師笑曰趙州一字禪曰無我今日也只是一個無字衆哀請曰和尚來清去白爲何一字也無師曰山僧無去無來爲何一字還有衆默然師以手自摩其頂而逝扣冰法嗣將迎師龕往浙後黃山繙素威德師恭請師龕造塔于八公洞侍講施公閏章爲之銘塔玉林秀嗣劉陽石霜爾瞻達尊禪師四明鄞縣唐氏子襁褓甫離皈心三寶稍長不喜事生產痛身世無常時作厭離想父母不許欲爲議婚師再三力拒乃止一日早起出門舍傍有遺棄蒲團戒衣諸道具師諦觀竊喜曰天授我也携入福泉山禮園明求度父兄輩訪至見師志已決愀然太息而去明爲落髮服勤三載首參天童悟祖悟舉香信曰者個從甚處得來師曰何得當面諱却悟曰道甚麼師擬進語悟便打是多圓具戒則明崇禎乙亥年已二十有八矣親炙年餘

復參金粟。乘弁山雪。南澗問諸名宿。後至東明。見鈍叟。際言下了。然遂矢志親依。團爐次。際舉僧問。夾山撥塵見佛時。如何。山曰。直須揮劍。若不揮劍。漁父棲巢。汝作麼生。會師曰。太費力。生際曰。是夾山費力。是這僧費力。師曰。一任分疎。際曰。情知你不會。者話一日。際又問古者。道賓主。穆時。全是妄君臣。合處。正中邪。作麼生。會師曰。太平本是將軍致。不許將軍見太平。際曰。恁麼會。又爭得。師曰。師意如何。際曰。何不道。駕鸞繡出從君看。不把金鍼度與人。師警爾契悟。從前礙膺立時冰釋矣。執勞數載。而受記前焉。繼住綠蘿。至順治丙戌。出主石霜。示衆。石霜有路白雲間。淺草蛇橫毒熾然。賺却阿誰親。觸著血流直灑梵王天。掃慈明祖塔。親見汾陽滅却。臨濟起黃龍。必死之疾。遺害將來。縱神鼎倒握之機。有甚憑據。千古叢林。眼空無諱忌。全身入定。草離離。別有佳聲動天地。便禮拜。示衆。一夏已過半。底事如何。判過去已過去。未來亦莫算。現在本無住。十方俱坐斷。信手拈來。不是塵。堂堂日用。隨機變。不用更躊躇。急須著眼看。

薦擲拄杖曰。是甚麼。三十年後。莫教孤負石霜。晚參。尋牛須訪跡。學道貴無心。跡在牛還在。無心道易尋。古人一期方便。言不虛發。既是無心。且作麼生尋。良久曰。到得深山最深處。豈知無計避王徭。晚參。今朝正月二十日。暖風和時。節頭頭海印發光。因甚守著驢橛。示衆。僧問。語默涉離微。如何通不犯。師曰。君山點破洞庭湖。乃曰。石霜無法說。抽釘要拔楔。捺起即便行。早已遲八刻。薦拈拄杖曰。你有拄杖子。與你拄杖子。你無拄杖子。奪你拄杖子。顧左右良久。喝一喝。擲下拄杖。上堂。打破大唐國。覓一個不會佛法的人。難得。且道不會佛法的人。有甚長處。夜來曲臂支頭。睡不怕人來偷枕頭。上堂。日可冷。月可熱。衆魔不能壞。真說諸人要知真說麼。塞却耳根。分明聽取。上堂。諸佛出世。龜背刮毛。祖師西來。鬼頭截角。一大藏教。拭瘡疣。故紙明眼。禪僧到者裏。口似磑盤。諸禪德。合作麼生。劒閣路。雖險。夜行人更多。上堂。僧出師。便打曰。道道。僧禮拜。師復打曰。道是常道。法是常法。一句截流。萬機寢削。楊岐一頭驢。只

有三隻脚喝一喝。晚參即今休去便休去。欲覓了時無了時。古人恁麼道。已是作死馬醫了也。汝等諸人更擬討個甚麼。以拄杖趲散。開爐示衆。諸方聚衆。悉假外來。石霜住山。槩從內辦。內辦的不通水泄。截斷天下衲子脚。跟外來的錦上鋪花。橫穿香積。如來鼻孔。祇如不涉內外。覲體無私一句。作麼生道。紅爐爆出鐵烏龜。僧辭師。師問甚麼處去。僧擬議。師劈脊棒曰。者守古塚鬼。僧罔測。師打趲出。僧參師曰。未到此間。與汝三十棒了也。曰。那裏見得。師便打。僧參師問路逢達道人。不將語默對。將甚麼抵對。曰。盍孟峰頂浪滔天。師拈棒。僧擬議。師打出。僧參師問久不見汝。因甚鼻孔缺了半邊。僧擬議。師喝出。問一口氣不來時如何。師曰。今日冷如昨日。僧請益師曰。汝曾見甚麼人。曰。見石奇和尚。他道雪寶有棒不打某甲。師便打曰。會麼。曰。不會。師又打曰。他後辜負雪寶。即得莫辜負老僧。石霜屋老僧殘。林寒澗。肅觸境悲涼。師處之泰然。而衲子趨風。屢滿戶外。真切相爲後學。實有大過人處。重修圓祖塔。請記于

弘覺恣恣閱師石霜錄。擊節歎賞曰。此龍池幻老人下行字輩中第一翹楚也。卽序而傳之時。有當道欲爲營建土木。師慮爲居民擾力。却之卒之。僧堂方丈。洎應供堂。相繼修復。咸藉親依弟子成瓿之力。間有外緣亦出自然。不屬勉強。康熙癸卯。營壽塔于祖塔之右。工甫舉而疾作。示寂。前一日手書遺訓。惟丁寧弘護祖庭。不揚大法。無一語他及。九月朔始不進食。亭午復作書。遣僧告別。曉菴昱囑以後事。亥時跏趺而逝。昱促裝馳至。在定已七日。顏色如生。茶毗日。雨霧昏迷。起龕忽爾。開霽經三日。殮骨竟復大雨。衆咸駭異。遂于十月十九日奉靈骨入塔。世壽五十六。僧臘三十一。有語錄上下卷。行世。山茨際嗣黃陂嶼山玄慈達謙禪師。福建林氏子。參鈍叟於東明南嶽南源諸處。乃得心印。開法嶼山。上堂。嶼山今日要與諸人相見。有不避危險者麼。僧出師以杖打僧頭。裂僧曰。某甲與和尚相見了也。師又打。乃曰。直下承當。棒頭有眼。鈍錮打就生。鐵鑄成。有意氣時。添意氣。不風流處也風流。上堂。嶼山有法說諸人。

休得道是葛藤。嶺山無法說。諸人休得道是平實。還知山僧立意處麼。良久曰。不是知音者。徒勞話歲寒。僧問。如何是嶺山境界。師曰。明月涓涓。流水潺潺。曰。如何是境中人。師曰。灰頭土面。曰。如何是和尙爲人處。師便打。山茨際嗣

且菴葛禪師上堂。僧問。如何是臺山境界。師曰。趙州關外。休休亭曰。如何是境中人。師曰。除却山僧。個個能乃。曰。明如杲日。照用同行。殺活縱橫。應時拈出。卓拄杖喝一喝。曰。鉗錘不動。火星飛。眨上眉毛。隔遼海。山茨際嗣

寶慶紫雲密嚴達剛禪師。茶陵蕭氏子。童年游松壇。聞鐘聲。有感知。參念佛者。誰。一日逢人。截生有省。往參南嶽玄印。印問。洞山眼耳鼻舌。話你道是有是無。師答。一箭落雙鵬。印爲芟染。命謁綠蘿際。鉗錘峻密。每相見。不容開口。卽發憤。晨昏偶因寒仆地致疾。檢點從前。俱用不著。益自猛勵。適二僧舉一歸何處話。一曰。者個是燈。忽然頓悟。如釋百千擔子。際問。日用中無非是者。個進現因甚。諸人見地。却怕師呈。

偈有現前大用體全彰。句際隨詰。如何是你現前大用。師接際茶杯。便出。際微笑。領之。嗣受記。別初入粵西大雲山。四十里。杳絕人境。倚樹縛茅。不設臥具者七年。每多雪。虎狼縱橫。終不犯菴中物。獵戶入山。見師危坐而甃。鐺土甕間。有於菟跡。驚傳士民。共相驗。眎羅拜。欽歎。而師自若也。順治辛卯。再闢寶慶紫雲。漸成叢席。繼而開法。上堂。師舉世尊初生。因緣畢。乃曰。風流者。越格風流。直截者。太煞直截。若道世尊風流。也不得。若道雲門直截。也不得。諸人檢點得出。許伊是個嫡子。親孫。堪與法門爲龜。爲鑑。苟或未然。有寒暑兮。促君壽。有鬼神兮。妬君福。立僧上堂。水裏乳峰頂。樹本中根源。自來具在。處逢原。接上機。伽黎右袒。綱宗據。上堂。僧問。從上宗乘。卽不問。如何是金剛正體。師舉拂子。曰。百千法門。卽不問。如何是般若真光。師放下拂子。僧禮拜。師乃曰。金剛正體。堂堂露般若。真光處處彰。三世十方俱坐。斷劍輪揮。處凜如霜。便下座。上堂。紫雲今日開爐。一切不拘次第。所需槩出。檀那內外同堂。共聚要。使諸人撞頭磕。

額各顯超羣活計。且作麼生是超羣活計。喝一喝曰。莫妄想。上堂。青山留鳥棲。碧澗運來機。何必重思算。拈來用便宜。諸人還用得著麼。良久曰。山僧不可更與你葛藤。拽杖下座。僧問。如何是祖師西來意。師曰。山高路遠。曰。意旨如何。師曰。走殺闍黎。僧禮拜。師便打。士問。在俗也學得道麼。師曰。道非縑素士服膺。師于康熙己酉季春下潯八日。預期謝衆曰。老僧開此山二十載。未嘗不念佛祖恩德。爾大衆必以法門爲任。至四月初六辰刻。召衆囑後事。索筆書偈。泊然而逝。壽六十有一。臘三十有四。塔建本山。山焚

邵陽燕月恒明惟曇禪師。永州零陵人。參綠蘿記前。後隱武岡僻處二巖菴。示衆。祖師關限却多少人。也。鐵牛機。困殺多少人也。諸兄弟還知利害麼。山僧今日頭頭打開。法法俱露。但有一絲毫情識未斷。聖解未忘。白雲萬里。僧問。如何是燕月境。師曰。古柏參天。曰。如何是燕月人。師曰。滿頭雀髮。僧參師問。汝不是箇中人。到者裏無益。曰。也要班門弄斧。師曰。

情知你鬼窟裏作活計。曰。不得壓良爲賤。師曰。山僧罪過。示寂茶毗時。白毫光示現。烟燄則收衆以爲異。壽五十八。塔建紫雲山左岡。山焚

全州香林宗元達旨禪師。衡陽吳氏子。上堂。舉頭天外看。從來不掩藏。錢龍橋未斷。松桂嫩枝昌。知不知。且商量。自鳴琴外一溪雲。擲鉢峰高立上方。上堂。僧問。和尚今日陞座。所談何事。師曰。好生記取。曰。殺人刀。活人劍。師曰。一任分辨。曰。還別有麼。師便打。乃曰。今日所談不爲別事。若能委悉。天下嚮聞。良久。喝一喝。曰。好生記取。山焚

衡陽褒中照初禪師。本邑羅氏子。晚參有一句子。不在別處。且道在甚麼處。昉得眼來。千里萬里。僧問。狗子既無佛性。爲甚昨日又咬人。師曰。趙州老漢未肯汝。在曰。千他。趙州甚麼事。師曰。亦不干山僧事。問南嶽七十二峰。和尚居第幾峰。師正身端坐。示之曰。者是雷祖峰。師曰。笑煞天下人。山焚 斬州菩提雲外澤禪師。婺源汪氏子。二十五歲脫白于黃山。參天童。悟問。如何用心。得個入處。悟曰。無心。

可用是汝入處師擬進語。悟便打。自是起疑。參究徹夜。經行一夕。不覺倚柱失睡。忽聞開門聲。有省。急詣悟。悟首肯。後依松際。授于磬山機鋒。迅疾應對如流。授曰。汝進語都佳。但桶底未全脫。在乃發憤力參。一日。因風動簾幙。墮地撲簌作聲。忽然大徹。授乃重重勘驗。而記荊焉。出住蘄州老祖寺。小參水牯牛作麼生。衆無語。師曰。開口也打。不開口也打。良久。喝一喝曰。姹女已歸霄漢。去獸郎。猶向火邊棲。小參明。明絕覆藏。歷歷無回互。回互不回互。三分一尺布。喫莫太貴。麼拈拄杖。指曰。東單西單。了不相瞞。小參。光陰迅速。歲序遷流。大事未明。如喪考妣。汝等還知有光陰常住。歲序不遷者麼。卓拄杖曰。快些悟去。事同一家。纔涉思惟。流轉不息。復卓拄杖。顧大衆曰。會麼。杖頭日月。絕遷流。六道人天。一鑑收。亘古亘今。無別物。有何元妙。可貪求。喝一喝。冬至雪夜。晚參。昨日一枯山。今朝千里白。無人粧作成。天然現奇特。造化了無功。心意難推測。報汝衆禪和。不用更疑惑。師見新到四僧來拜。便曰。者一隊人。真可惡。僧罔然。

師曰。打野裡漢。出去。僧齊出。師曰。苦哉苦哉。士問。弟子俗務多。不能一心參究。乞和尚指示個徑要修行處。師急指壁。呼曰。壁倒也。士倉忙回首。起立。師曰。且喜凶星過度。士再問。師低首視地。問不動根源。時如何。師曰。手不如脚。曰。如何是本來身。師曰。須彌山高十六萬由旬。曰。意旨如何。師曰。水內一半。水外一半。問如何是真實相。師曰。南康府裏張皮匠。師室中。嘗舉狗子無佛性話。驗人罕有契其機者。故終其世。未嘗印證一人。順治甲午。師示寂。書偈曰。是非海內。展全機多少。時人盡皺眉。此日一言無可付。江南江北。大家知。擲筆端坐而逝。塔全身于神鼎寶福寺。右語錄十五卷。入禾之方冊。流通授松際。

五燈全書卷第八十一

五燈全書卷第八十一補遺

臨濟宗

南嶽下第三十五世隨錄

武康資壽素弘理禪師。漳州海澄陳氏子。初參諸方。不能灑脫。次謁介庵。進於天池契旨。順治庚子。住柏山上堂。朔風凜凜。寒威彌亘。六合慧日。明明光華。普照大千。佛祖機關。一時漏洩。金剛正眼。一齊豁開。性燥漢遑著。便行不丈夫的。有甚語話。分諸佛出世千言萬言。與人解粘去縛。鼻祖西來。橫說豎說。只要明心達本。且道本作麼生。達心作麼生。明縛作麼生。去粘作麼生。解莫巍巍堂堂。是明心達本耶。灑灑落落。是解粘去縛耶。若與麼解會。只成得箇韓獪逐塊。未是衲僧行履處。大眾要會。衲僧行履處。麼。拈拄杖卓一卓。下座。僧參師問。三世諸佛。歷代祖師。爲甚麼出者裏。不得。僧擬議。師便打。康熙癸卯十二月十六日。向朱君行家。募柴歸。謂衆曰。吾事畢矣。卽歸方丈。坐化。世壽五十五。僧臘二十八。介庵進嗣

永嘉萬年夢堂倪禪師。上堂。僧問。如何是清淨法身。師曰。破糞箕。上堂。目前無法。獨露真常。意在目前。阿誰搆取。不是目前法。轉換他一句子。不得。非耳目之所到。聲色難瞞。大眾到這裏。也須透過始得。上堂。卓拄杖一下。曰。大眾會麼。者裏會得。不妨歸家穩坐。還會麼。復卓拄杖。介庵進嗣

北京安化世高則禪師。上堂。拈拄杖曰。山僧拄杖子。昨夜忽抽條。今朝剛吐蕊。一花五葉開。香透乾坤髓。不假劫外之春風。豈應今時之律呂。卓一下。曰。數聲野鷓鴣。驚天至。無限魚龍衝浪來。越格風流從此振。大家拍手舞三台。晚參遇良工。逢妙手。端的人前謾哮吼。豈崙倒跨上須彌。直得翻身藏北斗。放出南山鱉鼻蛇。八臂那吒。遭一口咄。這段風光。誰不知有思。猫叫乃曰。猫子土座。又爲諸人說法了也。胡餅更討甚麼汁。便歸方丈。上堂。昨宵雙桂庭前發。今日優曇林也。醫萬別千差。親坐斷鼻孔。依然搭上唇。遂以拂子擊香几。曰。聞麼。豎拂子曰。見麼。汝等既一總見。聞爲甚。節文不在者。裏拋下拂子曰。莫教容易得埋。

沒祖師心。小參選佛場。打開一隊牛。純熟和風拂。面來抖擻精神足。水草正及時。莫向外邊觸。過隙駒。光陰促。黃鶯啼楊柳。綠閒者。聞兮。矚者。矚情。此機關。不打通。四十九日空勞碌。不勞碌。石虎風前嘯一聲。說得須彌顛倒卓。介庵進嗣

嘉興金明東巖燦禪師。僧問。如何是到家底消息。師曰。待汝站定脚跟。即向汝道。介庵進嗣

建寧妙峰素穎鑒禪師。莆田陳氏子。普明中秋示衆。中秋八月半。桂轂圓。瓊清光何處。無石樓尤好玩。君不見。江西馬箴箕。鉤賊破家良。可歎供養修行物。外超至今流落沒崖岸。昨夜三更月到。窓嘉州大衆。與陝府鐵牛索鬧。爭這舊公案。却要妙峰爲他判。斷山僧向他道。有利無利不離行市。各打二十棒。趁出山僧。無著慚惶。直去月本國裏。欸欸地。擊鼓唱個菩薩蠻。好快活。阿汝諸人。向這裏討甚碗。以拄杖一齊打散。康熙癸亥季夏。無病而寂。茶毗烟燄結綠頂。骨牙齒舌頭。俱不壞。塔於董岩。介庵進嗣

蘄州三角古壁文禪師。襄陽程氏子。卓錫廬山湧蓮。

院順治丁酉。開法潯川之萬壽。己亥遷三角。上堂。閉門造車。開門合轍。孤峰頂上。二俱不立。連朝雪散。長空千山。共成一色。忽然地爐灰飛。燒殺庭前古柏。急急按下雲頭。救來一天星月。仔細檢點。打刀原是。那鐵一道清光。射斗牛。四野寒林風瑟瑟。蕭拈拄杖。得得攪羹須趁爐烟熱。康熙癸卯夏。命灌沐拜辭。金明像入室端坐。說偈而逝。塔于本山。介庵進嗣

嘉興三塢主峰法禪師。徽州人。原籍應天沐國公之後裔也。仕郎將。忽心花發現。遂薙髮爲僧。參金明進。進豎拂子。師便喝。進曰。從上佛祖盡向這裏流出。你還見麼。師曰。從上佛祖盡從這裏來。康熙己酉秋。月作書辭秋岳曹司農。與衆護法。畢。施博居士問曰。和尚此去。還是往天堂。下地獄。師展兩手示之。士禮拜。師珍重而逝。茶毗得舍利無數。塔于本寺。介庵進嗣

嘉興金明晦巖烟禪師。師嘗頌諸可還者。自然非汝不汝還者。非汝而誰。曰。仙娥肌骨本風流。紅粉慵施下玉樓。雲珮霜環零落盡。却教無處可遮羞。介庵進嗣

蘄州三角天峰性禪師。黃梅王氏子。即仲喧公之後。

裔生而淡泊。幼習青箱。喜出世學。每讀竺典。徹日忘倦。及世異飄。然四方至。浙之苕溪。禮金沙浪。薙染服。勤數載。一日思生死事大。往叩雪竇雲令。參本來面目。話刻究累日。有省。述偈呈雲雲。乃首肯。後參金明。進入門。便喝進。亦喝。師又喝。進即拈棒。師曰。老漢今日敗缺。進便打。師曰。轉見不堪。進休去。次日陞座。師出問。長年爲覓知音。少今日相逢。事若何。進曰。放你三十棒。師震威一喝。進顧衆曰。看取這員戰將。師拂袖歸衆。順治乙未秋。出住松江清涼庵。丁酉遷小貞種福院。戊戌歸里。衆請重興。多雲山康熙己酉夏三。角古謝世衆請主席。甲寅黃梅紳士請復興。東永福及菩提等處。凡師到處。即成伽藍。上堂道人取則原無定。向動若風行。草偃水到渠成。遇物即宗。圓音暢美。一句該羅千差。坐斷汝等諸人到者。裏須知轉身一步。拈拄杖卓一卓下座。介庵進嗣

夜照人却不信。海月與麼說。諸人不信。諸人與麼說。海月不信。諸人不信。海月不信。且道是同是別。良久。顧左右曰。介庵進嗣太倉問梅宦陳修禪師。武林李氏子上堂。僧問。如何是繡雪境。師曰。曲徑幾回苔蘚積。雪堂深處竹風清。曰。如何是境中人。師曰。扶筇檢點閒花落。信步移看碧水澄。曰。向上事。又作麼。生師便打。上堂。山僧有一句。子久欲說向諸人。因世事太忙。不曾啓齒。今日偶閒。何妨細說。汝等各宜聽取。便下座。示衆。庭畔陰濃。雨久如醉。堤邊楊柳含珠。吐翠。池塘蛙鼓響。如雷。林下禪和打瞌睡。呵呵。會不會。卓拄杖曰。高花影重。風暖鳥聲碎。康熙癸卯春。仍歸老問。梅嘗謂衆曰。時光迅速。汝等急須照顧。脚跟孟冬二十七日。示微疾。至三十日晚。呼行者取湯沐浴。趺坐脫去。介庵進嗣

南康雲門既白旭禪師參金明進。進以杖畫地曰。向這裏道一句。師以具打。圓相進。便打。師喝。進曰。亂喝作麼。師拂袖便出。初住廬山五老峰。每與衲子盤桓。

法華去

無不悅服。後遷雲門。一日謂衆曰：「道得個轉身句，又有懸崖撒手句，道得個撒手句，又有末後句。」試通個消息看。衆罔措。師曰：「不會。那老僧自道法也。」卽端坐說偈，擲筆而化。介庵進嗣

泉州承天巖若曇禪師。晉江鄭氏子。因觀奕。小參。逢敵手難藏拙。詩到重吟始見工。衲僧家。竿木隨身。臨機制勝。亦如此局。頗乎相類。靜時。碁止動則。碁行。照用同一。雙關而並走。事理兼至。一截角而斜飛。埋兵挑鬪。何妨。擊此攻彼。單刀直入。貴在破壘。先登。傍邊作勢。豈能侵闖門戶。靠角求活。錯過多少。城池三軍失利。爲是遲了半刻。突圍而出。終是賊後張弓。隨人高下。固爲失策。縱爾饒半落在第二。故曰。握籌猶屬後輸。贏一著先。諸人要識者。一著先的道理。除非打破大鐵網。踏翻倒垂蓮。殺活自由。方稱國手。點檢將來。衲僧本分。極則猶少一著。在如何。是衲僧。極則未分。黑白妙難施。文彩纔彰一局。碁畫斷中間十九路。方能坐享太平基。臨終沐浴說偈而逝。茶毗。隻履不壞。至今供奉。塢于清源山。介庵進嗣

我師

江州廬山東林山鐸在禪師。桑落李氏子。生而良知。不樂舉子業。謁東林薙髮。因閱高峰錄。疑拖死屍句。徧參諸方。末造金明進室。一見如夙契。遂折節焉。進問：「不是心，不是佛，不是物，是個甚麼？」師曰：「露進。」昨日有人與麼道。三十棒趁出了也。師曰：「要打，便打。」說甚昨日。隨聲便掌。進約住曰：「者瞎驢亂作。」那師擬進語。進便打。師復擬進語。進又打。師豁然契證。出源流印之。出住東林。遷楚。斬華桂。西陵碧雲。上堂及盡去也。地幹天旋。龍吟霧起。虎嘯風生。正當恁麼時。尋常做手脚底。以沙門一隻眼。印定森羅萬象。便能口吸西江。身藏北斗。將三寸龜毛。攪斷黃河。一葉栗蓬。劈開華藏。頭頭現法。法彰牛溲。馬浮耀古。輝今。塵塵說剎剎。談白牯狸奴。吼雷掣電。興化汾陽。及我鴛湖。諸祖得此一著。提王庫刀。用殺活機。克振濟北。家聲。揭示人天。正眼。山僧今日。不惜賊私。和盤托出。拋向當陽。搗得底大好受用。康熙辛亥九月十五日。以微疾示衆。有記取明年今日之語。一衆駭異。時有僧出問和尚尊意如何。師曰：「三百八十四壬子。又七

月初旬謂徒衆曰吾欲歸里宜速備之衆以爲常往遂買驢一頭以代步師顧而笑曰吾行非驢所堪自此諄諄誠衆修潔九月初八日入城辭衆檀越并諸山耆宿至十一歸山十二陞座開導其略曰吾身後不許舉哀開孝效世俗所爲及化錢等事不許造塔須將靈骨拋棄江河利生不得故違十五日辰刻沐浴焚香端坐書偈而逝闍維起骨得其精白齒亦不壞數珠分心如故師生天啓辛酉十月十九日世壽五十二僧臘二十八介庵進嗣

太倉藕庵竹庵衍禪師偶閱圓覺經菩薩發問今者四大各離妄身當在何處遂撫几長嘆人生不明個事徒爲僧相於本分中無所益也於是偏參一日聞板聲忽然有省造參金明進執侍逾年隱于婁東因疾退居東關康熙丁巳七月十七日索筆書偈曰生平孤子杜門守拙吾道雖涼仗後昆烈喝一喝擲筆而逝塔于金墅鎮蓮花寺右介庵進嗣

西陵報恩松岫源禪師上堂舉龐居士語未竟王公華出問既是已成的佛用選作麼師曰拖犁拽耙介庵

進嗣

太平素嚴智禪師麻城人上堂彩雲影裏神仙現手把紅羅扇遮面急須著眼看仙人莫看仙人手中扇學扇曰者個是扇子且道仙人在甚麼處擲扇躬身曰者個是仙人扇子在甚麼處汝等諸人向者裏著得一隻眼不妨水邊林下任性逍遙倘或未然較定牙關拚命去自然水到渠成 頌洞山麻三斤曰如何是佛三斤麻搓根繩子縛烟霞等閒識得鉤頭意笑殺東村王大媽 著有金剛決疑行世介庵進嗣

建寧普明雲庵量禪師甌寧謝氏子上堂麻三斤乾矢橛且置一邊德山棒臨濟喝放過一著諸人還知獅子爪牙獐龍頭角麼脫身一色坐遺影不落同風顯大功 小參饑來喫飯困來打眠衲僧門下不費鑽研祇如古德道五臺山上雲蒸飯佛殿塔前狗尿天是明什麼邊事向道莫行山下路果聞猿叫斷腸聲介庵進嗣

嘉興三壩景德妙雲雄禪師金華武義徐氏子父仲芳官登州都閫誕師署中及襁褓每見佛僧輒生欽

悅九歲喪母時世運多艱芳歎曰大丈夫不能定亂莫若入空門趣佛乘乃棄官從華嚴薙染師亦依芳祝髮靈隱禮受戒領竹篋話參究偶至北高峰擡眸見月心境廓然疑團頓釋徧歷諸方末入金明進室進問雲封獅窟向背無門汝從何入師曰從門入者不是家珍進曰汝是行脚僧爲什向驢胎馬腹裏作活計師曰今日親見和尚進曰你看老僧眉毛落了幾莖師曰生也進便打師曰不入洪波裏怎見弄潮人進曰你見何道理怎麼道師拂袖便出遂安維那次遷監院嗣受記別出住臨清大悲嘉興三塔上堂刹竿豎起古店重鋪打開寶藏運出家珍撒向諸人面前一任取足與麼會得猶較些子不與麼會拄杖子別處一路烹卓一下曰碎波旬窟宅展佛祖家聲須憑者個握金剛王劍懸肘後靈符要是其人山僧今日承諸檀大命義不容辭斬葦披榛鑿開生佛面目舉土掘石露出本地風光頓教寒灰發燄枯木生春石獅哮吼驚起青山頭卓朔木馬嘶風踏斷黃河水倒流莫有向者裏著得一隻眼底麼良久卓

當歸留

杖曰手握金鞭問歸客夜深誰共御垓行上堂揮拂子曰垂釣四海祇釣鯨鯢據座披衣爲求知識嘉豎拂曰過去已過去未來尙未來今日正當山僧說法直須以大圓覺爲伽藍安住平等一如法說令現前緇素亦如法得解然後同聲相應同氣相和悉使魔外絕跡生佛普該入一微塵現無邊身相坐毫端內轉大法輪山河大地明暗色空情與無情總在個裏頭出頭沒喝一喝揮拂下座問如何是不動尊師曰卯生日戌生月問如何是三類化身師曰闍黎會殺人麼曰我王庫內無如是刀師打曰不是我同流如何是不退地師曰官憑文書私憑契約問色身敗壞卽不問如何是堅固法身師曰八臂那吒撲帝鐘曰請師明示師曰石人推倒五須彌進介庵建寧友可山鐵元禪師上堂三十餘年獨穴居塔寒不禁草檠裾禪心已作三冬雪一任他生作馬驢爲甚如此坐久腰痛上堂衆纔集師便下座知事把住問和尚因什不示一言便下座師曰早晨喫了兩碗冷粥肚裏有些不停當少待聞去來爲汝等說衆

罔措師便歸方丈。上堂半牕圖畫梅花月莫作等閒看。一枕波濤松樹風。不可糊亂聽大衆要知此事太煞漏逗。上堂山僧昨日赴個村齋。較著一粒黑光沙。直到今朝牙痛不止。不能與諸兄弟說黃道白。便下座。僧辭師問甚處去。曰有住處。即來向和尚道。師曰。你是持戒人。爲什不守清規。曰和尚莫以罪罪人好。師曰。我不以罪罪你。古人道。喫粥了洗鉢去。意作麼生。曰昨夜夢裏有人問此話。恰值某愛睡。不曾答他。師休去。介庵進嗣

鎮江甘露逾祖覺禪師揚州張氏子。從清涼剎落歷參諸方。晚謁金明而受印。記出住甘露。和碩額附石將軍。元旦請上堂。卓拄杖曰。水銀落地。個個皆圓。古鏡臨堂。塵塵煥彩。春風纔度。萬物咸新。一人有慶。兆民賴之。立地成佛。將軍殺人不眨眼。殺人不眨眼。將軍立地成佛。如珠走盤。盤走珠。薰豎拄杖曰。天生玉葉金枝。秀奕奕。芳芳不計年。介庵進嗣北京牧圓企賢清禪師山陰金氏子。世業儒幼而敏慧。偶遊梵剎。志樂出塵。從雲門剃度。徧歷諸方。最後

謁金明進進問大事。未明如喪考妣。且置因什大事已明。亦如喪考妣。師曰。愁人莫向愁人說。進曰。你向什麼處用心。師曰。泥裏何必洗土塊。進伸一足曰。我脚何似驢脚。師禮拜曰。不因夜來雁。怎見海門秋。進打一拂子。遂印以偈。上堂五十餘年。牧一牛登山涉水。未曾休。於今高挂鞭繩也。掉尾擎頭。性已柔。只是隨分納些些。山悠悠。更水悠悠。說甚拈花微笑。斷臂安心。那效慈明貼榜。僧堂洞山。撥退菓桌者。隊老古。雖無風興浪。播陽家醜。自不丈夫。牧園者。裏把定封疆。更不畫蛇添足。爾等眉生眼上。耳搭腮邊。又來者裏覓甚麼。碗卓拄杖曰。各請歸堂喫茶。康熙庚申孟春師示疾。至四月十二日。門人圓淨領衆詣方丈求垂示。師曰。山僧素來不涉迷悟痢疾。三月累得通身骨露。若人如是。會得管取超佛越祖。復謂衆曰。古人道。法身病。色身卽是法身。色身病。法身卽是色身。今蒙大衆問我病源。山僧徧觀法界。覓病根起處了。不可得。故曰。病入膏肓。神醫拱手。復說偈大喝一聲。便吉祥而寂。世壽六十二。僧臘四十一。介庵進嗣

興化竺山吼庵證禪師示衆。舉僧問首山。如何是學人親切處。山曰。五九盡日。又逢春。曰。畢竟事如何。山曰。冬到寒食。一百五師頌曰。春暖平川。鶯語清笙歌。從此悅行人。反啞策馬擁寒者。孤負東君用意深。介庵

進嗣

平湖青蓮夢覺禪師嘉興范氏子。禮金明披緇掌記室。有年後住青蓮。示衆。學文殊三處過夏。話畢。師曰。文殊三處度夏。擾亂清規。迦葉白椎欲擯。驚羣動衆。世尊問處因循。使人斯闕。若是正令而行。三人喫棒。有分何故。青蓮門下。介庵

進嗣

秀州尼蓮花可度禪師。淮安田氏子。父官以指揮罪而歿。師年七歲。見父屍感嘆。便有出塵志。但不自由。四十往扣梵受。孟復謁金明。進遂求落髮。進弗許。師憂憤嘔血盈盆。進憫其誠。乃爲剃染。命看萬法歸一話。寢食都忘。不替年而氣幾絕。一日見進。進問一歸何處。師訴所以。進曰。本自現成。用多氣力作麼。師覺心意平貼。呈偈曰。脫體風流意。莫窮堂獨露。主人公。朝來換水焚香課。盡在尋常日用中。進可之。介庵

進嗣

樵李尼明心佛音禪師。漢鎮葉氏子。幼喪母。延僧誦經。見地獄畫。相即心動。不如葷矢志出家。父爲締姻。死誓不從。遂投師落髮。苦行數載。禮金明。進圓具。命看父母未生前話。刻究久之一日。登樓踏板作聲。有省。乃呈進。進愈加煅煉。至有從今識得娘生面。自是出羣一丈夫之句。師一日在羅廣文家補毳羅。問如何是日用得力句。師以針作割勢。適歲暮。羅問汝將甚麼度歲。師豎拳。羅曰。還別有麼。師曰。來朝向居士道。康熙甲寅菊月。旣望沐浴端坐。說偈而化。介庵

進嗣

樵李廣文。漢鎮麟居士。號空諸。樵李人幼讀書。便能琢磨。落處一日。隨父衡陽公過敬畏金粟。乘上堂。亦不深信。尙乃忽之。嗣後父母繼歿。險阻備嘗。內兄施約庵。每啓發同謁。東塔奇次參福嚴。容容展兩手曰。會麼。士茫然。容曰。當面錯過。士於此信入。復參金明。進深造。井曰。一晚落堂。進舉香板。命衆下。語士近前。奪香板曰。和尙把柄已在弟子手裏。進顧衆曰。這一期祇得個俗漢。士擲香板進肯之。士著有華嚴疏鈔。金剛摸像。宗門拈頌。共若干卷。行世。介庵

進嗣

橋李別駕頂謙居士號芙蓉庵裏毅公七世孫大金吾俊卿子也未致仕時參博山來余集生皆有機語及解綬與古南門天界盛等爲最契後謁進於金明因緣甚契乃呈偈曰聊聞舉著便承當好肉無端已剋瘡著眼機先明的旨頂門紅日透扶桑進印可土嘗舉郁山主過橋喫撲公案曰衆兄弟一眼觀天兩脚踏地且道明珠在甚麼處良久曰春在草頭上王孫雞個知有究心錄行世介庵通詞

秀水調實陸煥居士幼失怙恃喜遊叢席與知識盤桓造參金明進進命看萬法歸一經三載偶閱三頓棒話如貧得寶述偈呈進進曰此是意識所作猶在半途未是到家消息士服膺嗣後再參進指座上古瓶士作頌甚恰進意一日有僧乞錢士如數封定曰道得卽與僧曰我年老矣士曰四大有老這箇豈有老耶僧以手點胸士曰試拈出看僧進前士便掌介庵通詞

文學陸肅居士字玄度性恬淡嘗閱竺典猶如夙肆乃謁普明天童平陽西林諸宿有機語刻載行錄壬

◆街下驢脫頭字

辰參金明進進問曾見知識否士曰六七十位進曰那一位得意士曰若得意卽不來也進笑曰莫瞞老僧士請開示進曰此事不從外得要明心地須看話頭士唯唯而退一日因行折足頓了厥旨偈曰十字街頭磕著一回白汗頂門通石人扶起呵呵笑伸脚原來縮脚中呈進進深肯介庵通詞

文學朱爨憲居士字欽臣因鼎革有出世志而未果辛卯間患血症乃謁金明進請益參究法要進曰居士看一念未生以前這病根從甚麼處得來如此頻頻看去亦莫嫌閑取寂亦莫厭凡求聖昔蘇黃得力處不越此也士如教命病果愈一夜擡頭見月光皎潔乃悟入連述數偈其略曰五色雲開萬象清一輪心月徹天明虛空落地無消息世界何勞用一塵呈進進曰汝骨氣猛利志性果敢可名真毅焉介庵通詞明經蛟門李潛居士好浮屠學嘗繙內典年二十二遇僧示參不思善不思惡那個是本來面目話參謁樓寧斯瑞二公甚契偶與空諸羅子盤桓遂造金明參進適鐘鳴進問鐘鳴耶耳鳴耶士曰一串穿却進

◆寶鼎笑

囑曰。還穿得者箇麼士禮拜曰。恩大難酬。茶次進曰。百丈野狐話。你作麼生會。士乃覆却茶杯。進曰。只如不落不昧。又作麼生。士以茶杯仰上而立。進曰。除却者些伎倆。試道一句。看士便喝。進曰。亂喝作麼。士曰。和尚莫作怪。進便打。士禮拜。一日。侍次進問。臺山婆子。趙州如何勘破。士曰。趙老舌頭無骨。進頷之。即述偈曰。趙州銜杖疾走。婆子滅竈添兵。太平日定。輸贏動。勢到處。標青史。撒手長安。莫問程。介庵進嗣

文學許振聲居士。字無聲。自幼喜楞嚴莊老等書。聞金明進道風。即歸。信領話。精勤體究。一日入室。請益進舉。扇一拍。士豁然有投機偈。進可之。囑令操履。然務實而不務虛。康熙辛酉孟冬。感微恙。臨終說偈曰。我名振聲。聲從何來。法名眞馨。馨今何往。人道我佛法中人。直是冤枉。曾讀孔孟幾行書。且喜也不入者黨。呵呵。亭午天空。月朗明。遂悠然脫去。介庵進嗣

秀水報本冲默開禪師。湖廣人。參永正元。問甚處來。師曰。新城元曰。未發足以前。好與一頓師。以坐具一拂。元便打。師少頃呈頌。元接了。更索師曰。和尚將謂

別有那元深肯。示衆舉石霜參汾陽。知臨濟道出常情。因緣師頌曰。倒腹傾腸舉似人。其如不薦屈難伸。一朝捉敗非輕處。眼蓋乾坤氣字新。元初

東溪退庵斷愚智禪師。示衆舉香巖上樹。因緣師頌曰。一等全提向上機。無錐地漢做來奇。當場不畏傍觀眼。別有威聲動四維。康熙乙卯住。永正丁巳季秋二十日。命擣鼓集衆。師豎拳曰。生死事大。無常迅速。各各努力。莫作等閒。復曰。生平懶開口。別衆無他語。端坐斂雙眸。逢人莫錯舉。且道畢竟如何。喝一喝。遂寂。塏于万丈。元初

耿惟真藏禪師。參永正元。元問諸佛未出世。人人鼻孔。擦天出世後。因甚杳無消息。師曰。坐斷天下舌頭。元曰。未在師。即呈頌曰。塗毒聲前未解聞。藏鋒袖裏得堪爭。當陽突出無巴鼻。打失摩醯正眼睛。元目之。至晚落堂。拈師頌問者。是有巴鼻底。作麼是無巴鼻底。意旨師便喝。元曰。還別有麼。師曰。有。即有不堪舉似元曰。因甚不堪舉。似師曰。恐嚇殺天下人。元拈拂子。便打。師禮拜。元又打一。元初

◆迎疑近○
□□何人
◆句上疑脫
一字

法雨行洪禪師參永正元。元問何處來。師曰石門元。曰曾親迎阿誰。師曰天童報恩。福嚴元曰更見□□。師曰兩眼對兩眼。元豎拳曰向者裏道。句看師曰道破。卽不堪。元便打。後再參元。問風雨淋漓。遠涉不易。脚跟下曾打溼也。未師震聲一喝。元曰猶帶泥水在。師曰只爲和尚老婆心切。元便打。師禮拜。元可之。初

元

寓庸禪師參永正元。依止數載。一日元問子一向在此如何行履。師曰著衣喫飯。元曰此外更有事麼。師曰有則辜負和尚。元曰若道無亦辜負老僧。師珍重。禮三拜。元便打。初

元

永正通濟上座再參元。舉拂子曰諸佛未出世。祖師不西來。還有者個消息麼。師便喝。元曰祇如諸佛出世。祖師西來。又且如何。師曰衆生度盡。元曰座主見解。師曰和尚又如何。元便喝。師豁然曰謝師慈悲。元便打。初

元

杲如證庵主再參永正元。問向在什麼處。跟主曰從來不覆藏。元曰如何是你不覆藏。底主曰山青水綠。

◆
□□疑脫
一字

雀噪鴉鳴。元曰莫是舊時面目麼。主曰溪山雖異。雲月是同。元曰未。在更道。主便喝。元打一如意主禮拜。元然之。初

元

普仁截流策禪師□□峰示衆。舉一不得。舉二放過。一著落在第二。因緣師拈曰二大老却似崑崙兒。撞著波斯子。輾入大洋海裏。一吞一吐。一出一沒。手脚交加。甚生光怪。還有人鑒得出麼。若鑒不出。祇是個盲龜跛鼈。又舉藥山一日問飯頭。你在者裏多少時。頭曰三年也。山曰我總不識你。其僧憤然而去。拈曰者僧三年苦行。勞而無功。藥山一期慈悲。却成多事。雖然心不負人。面無慚色。著菴問嗣

元

嘉興金明別傳化禪師本郡屠氏子。年十九依金明進剎。染受具。參三不是。話有省。命掌記室。後蒙記前出世。秦溪師性恬淡。凡上堂示衆。隨機開導。不容人錄。介庵進嗣。

元

五燈全書卷八十二

京都聖感禪寺住持臣僧

超永

編輯

京都古華嚴寺住持臣僧

超揆

較閱

進

呈

臨濟宗

南嶽下三十六世隨緣

潭州大潯慧山海禪師福建上杭林氏子年十五隨父經商河南因窮途投宿菴僧勸令出家遂得發心二十一歲抵漢陽依地藏菴剃度參密印明於同慶問來此何爲師曰參禪明曰我者裏無禪可參師罔措明又問你爲甚麼出家師曰要了生死明曰生死如何了師無對明打曰求生死尙不可得說甚麼了遂打出師自疑曰和尚與麼說話是何意旨乃苦志參究一日因挑水失脚跌傷足指血染草屨不自知覺適明立山門外一見便曰闍黎草屨纏斷了也師曰今日捉敗和尚明大笑師撫掌便入師侍明一十五載乃辭往南嶽結茅毗盧洞明將示寂遺手書并僧伽黎命衆迎歸繼席示衆舉石霜慈明室中常

插劒一口旁置水一盆草屨一編凡見僧參遽曰看劒稍涉擬議便喝出師曰慈明老人與麼施設大似做成圈續坑陷平人大潯這裏則不然有僧入門便高聲曰仔細伊若眼目定動連棒打出天童弘覺恣老人送法衣到山上堂舉迦葉因阿難問曰世尊傳金襴袈裟外別傳個甚麼葉召阿難難應諾葉曰倒却門前刹竿著師曰如水投水似金博金不無二老檢點將來費力不少若是大潯見伊者般問劈脊便棒何故潯不使者漢向刹竿上著倒養拙明嗣慈谿白龍冰懷能禪師山陰朱氏子初在金粟堂中看乾矢橛語屢受悟老人痛棒苦無入處後依漢月藏於北禪瞥見齋堂窗扇洞開驚然有省藏落堂問曰汝省底道道看師以足頓地藏曰你者一踏與馬祖踏倒水潦和尚是同是別師曰總沒交涉藏豎竹筴曰喚則喚不喚則背又作麼生師曰痛團流入長江水藏曰你如今正好做工夫遂禮辭深隱匡廬有年後三峰致招師相與激揚從上公案一日見桃花盛開乃得大徹述偈曰昔年落在葛藤裏今日方纔

出得伊從茲坐破千峰月。換却人間眼與眉。乃晦跡雲頂四衆迎主白龍。上堂湖光接碧天。達磨水上旋撞著王三老。打教徹骨寒。咄。上堂拄杖不說法。拂子爲舉。揚兩關同一貫。豁聲舌更長。靠拄杖下座。住寧波海會小參。向日蟠居花嶼湖濱。開山鑿石。官不容針。今朝落在十字街頭。豎拂拈椎。私通車馬。若有恁麼漢。以身擔荷拄杖。便乃兩手分付。其或未然。新海會更通消息。以杖畫一畫曰。龍潛古洞雲埋久。纔出頭來氣象新。師重興海陵北山道行。南北衲子爭趨。後退老祥符康熙乙巳正月十九日。遊山歸。忽示微疾。至二十二日。跣趺而逝。塔于白龍所著。有宗門或問角虎集并各會語錄行世。梵伊致嗣杭州淨慈豁堂岳禪師。杭州衛郭氏子。母王撫師七歲。聞隣人歌。舌頭能有幾時肥。卽矢不茹。腥十歲父捨靈隱出家。十五上天台。謁無盡燈。遍參憨山清達觀。可諸尊宿。每以思議不及言說。不到處起疑。極力參究。至忘寢廢食。後參三峰藏於淨慈。藏訶曰。此皆依識解卜度。正爲生死根本。以是求禪。猶北適而南。

轅也。師當下竦然。請益藏彈指一下曰。我者裏無逐日長。進底禪師乃拈竹篋子。話提撕。七晝夜至倦。劇放身欲臥。忽聞靜板聲。疑礙撲落。卽呈頌曰。平地不風起。波無端。四面滔天。突出南山。鱗鼻。驚頭一氣歎。乾藏領之。靈隱公請師主方丈。師首倡宗風。力俾勢豪屈服。仍還飛來峰於寺時。法堂前草深一丈。乃著破堂集。以自見。橫山成首受藏記。荊獨高尙不羣。久秘衣珠。晚年始憮然有懸絲之歎。適僧素如侍側曰。豁堂岳每言三峰化後。世無眞師。思報師恩。爲法腸熱。必肯遜志。擔荷卽往。白師謂三峰家嗣乏繼。師忍視其遂絕乎。語未竟。師惻然動容。遂詣橫山叩請陞堂。成舉迦葉阿難付授公案。普告人天。降子爲孫。事兄爲父。授受之奇。調高千古。靈隱禮卽請師繼席臯亭之顯寧。上堂靈光不昧。遇物平施。一道眞常。古今無間。若能似箭居。弦不饒虎石。斯則千鍊絕。吠高枕忘憂。若識得者。員無事道人。便是現前公案。還證據麼。靠拄杖曰。靜裏乾坤大。閒中日月長。臘八日上堂時。有今古星無周秦漢。魏人有代謝見無。

春夏秋冬悟既如是。迷豈不然。聖既如斯。凡寧不爾。正與麼時。眞且不立。妄自何來。法本圓成。道何得失。雖然若便與麼。大人境界。畫地成牢。若不與麼。赤肉團邊。剜瘡作穴。何似白牯脚。跟踏破毗盧頂蓋。鰲奴面孔。突出摩醯眼睛。一任明去。自能功高不處。治密難求。縱然不廢王師。亦復無傷國本。一任明既。不貴祥瑞之徵。亦不中宴安之毒。文明雖盛。武備常嚴。祇如世尊在二千年前。諸人在二千年後。古今此星。古今此見。所謂一氣不言。含有象未。審萬靈何以謝無私。以手指空。曰見麼。衆諦視乃喝。一喝曰。劒去久矣。爾方刻舟。示衆晚磨。麥早挑水。豈祇吧吧者。張嘴衲衣下事。甚分明。向外無端覓甚。屎但求辛苦。長如此也。勝安耽臥街死。怒撐眉。噴咬齒。要識目前親切。旨青天一棒。雨盆傾。山頭跳出金鱗。鯉石女木人齊拍掌。同唱昇平哩囉哩。示衆林中冬暖。多抽笋。江上風晴。早放梅。日月循環。催玉轉。星辰的歷。串珠迴。以如意作○相。曰於中全幹。密令迭運。生機迴絕。離微不昧。終始未證。據者便請參取者。員知識。問如

何是奪人不奪境。師曰。心爲罪藪。曰。如何是奪境不奪人。師曰。口是禍門。曰。如何是人境兩俱奪。師曰。斬草除根。曰。如何是人境俱不奪。師曰。按牛喫草。僧到參問。既是清淨法身。因甚膿滴滴地。聲未絕。師拽杖便歸。方丈侍者隨入。曰。和尚何得躲避者。僧曰。曰者。僧在否。曰。去也。師擲杖曰。幾污我棒。師與僧答話。次旁僧忽禮拜。師曰。你見個甚麼。便恁麼。僧擬議。師急以杖拄其口。顧謂前僧曰。城門失火。殃及池魚。你也不得坐視。問。觸不得。師便打。曰。背不得。師亦打。僧擬伸救。師直打下。問。靈雲見桃花。悟個甚麼。師曰。賊入空屋。曰。玄沙亦是作家。師曰。未徹。在僧喝。師便打。康熙丙午夏五月。師忽謝院事。命法嗣宗衡領衆。俄罹無妄逮訊之日。四衆遮道呼號。乞以身代。師慰諭無憂。酷暑中。昇詣督府作偈曰。自顧曾無應幕材。轅門今日爲誰開。可中多少英靈士。讓我肩輿上府來。轉獻江寧當事重。師以年老免械。師毅然不可曰。王法寧有老少異哉。有弟子見而泣下。師歎曰。無盡意。以七寶瓔珞供養。普門不若是誠也。在獄

坦然隨機說法。羈囚悍隸咸相感格。次年冬事。白釋師於園中。自金陵至武陵。歸淨慈香幢寶蓋千里雲集。師是日不進丈室。卽辭衆退隱普寧村院。益都馮易齋相國欲延師。京邸師舉爲僧。只合居山谷。國士筵中甚不宜之。句却之。庚戌夏過吳門。遊靈巖玄墓。弔萬峰壁塔。將泛三泖。尋船子遺踪。適衡示寂。四衆請師還山。不入。方丈曰。不久吾亦辭世矣。何必南屏復荷我肩耶。索曆曰。揀七月二十日午時告寂。大衆驚訝。以初未示疾。俱未敢信。至十九日。集衆付囑。手書數百言。記勸諸弟子遺命。不得披練戴素。晨興沐浴更衣。命各殿堂皆設供。作書別當道諸檀護。又書辭世偈曰。生時臥不坐。死去坐不臥。卽今雲起風行。花飛葉墮。侍者曰。正恁麼時。拈得一莖出。麼師舉筆曰。見麼。侍禮拜。師曰。一客不煩。二主復書掩龕。偈曰。末後一句阿誰敢道。牢關把住。祖師難到。且道老僧爲人在甚處。以筆作○。相曰。從來不借春風力。鳥自能言花自香。遂擲筆跣趺而逝。門人建全身塔於慧日峰。左相國馮溥著誌銘。大宗伯龔鼎孳立道。

行碑一跋
成嗣

公安報慈灰如亮禪師住荷葉山上堂。舉長慶曰。淨潔打疊了也。却進前就我覓我劈脊與你一棒。有一棒到你你須生慙愧。無一棒到你你又向甚麼處會明。覺曰。淨潔打疊了也。方堪近前。我劈脊與你一棒。有一棒到你你卽受屈。無一棒到你與你平出。若是報慈則不然。淨潔打疊了也。方堪進前。我劈脊與你一棒。有一棒到你你不得作棒。會無一棒到你你不得向良久處會。且作麼生會。卓拄杖曰。萬古碧潭空界月。再三撈擺始能知。問石乘嗣
錫山東林古巖利禪師新安程氏子在俗時。因誦法華經。有疑發心參究。禮大樹證。領話頭。就家設關力參。有入處。後棄家上夫椒。依靈巖。儲荆染。仍參證於三峰。證舉臨濟公案。師於言下豁然。卽呈頌曰。庭前蚯蚓化爲龍。指著梧桐道作松。峰頭滔天波浪險。沈舟直下覆漁翁。僧參纔入室。師曰。不是。曰。學人話也未舉。甚麼不是。師曰。不是。不是。僧擬議。師便喝出。在可證嗣

天台國清山牧樹禪師梁溪馬氏子上堂道人活計如水投石眼看東南意在西北纔逐他出便已著賊石梁橋畔五百應真各各自謂證果了也今日國清要與以大尙小共證心地最上法門驚豎拂曰向者一毛頭識取根源免教厭喧求寂復顧左右曰不是國清壓略先賢諸仁也須各各照顧眉毛好喝一喝

在可證嗣

虞山三峰千華裕禪師黃梅李氏子參甘露證看竹篋話力究二載一日聞隔垣擊破瓦瓶有省述偈曰四面重圍險莫論進前無路退無門突然一聲青霄外蹉腳踏將大地翻證領之僧問人人脚下一片地因甚踏不著師喝曰更要誰踏乃示偈曰踏破溪山無寸土歸來事事也安閒個中不了隨他轉敢保驢年透要關頌德山托鉢曰無端托鉢便回來惹得巖頭臭口開果爾德山三載寂韓獪逐塊競疑猜後繼住三峰室無長物孤介自持示寂曰有僧問法體如何師曰皮膚脫落盡唯有一真實竟爾趨寂

在可證嗣

無錫華藏致果毅禪師無錫華氏子參大樹證於三峰有省證一日夜參以瓦置地上問曰道瓦不得不得道瓦不得道道師即向前一腳踏破便出去證領之後繼住華藏結制上堂十五日已前諸佛生而不生諸人不得離我者裏若離我者裏我無鉤子鉤你十五日已後諸佛滅而不滅諸人不得住我者裏若住我者裏我無錐子錐你即今正當十五日用鉤也不是用錐也不是且道畢竟作麼生正當十五日鉤錐一齊出更擬問如何拄杖驚頭楔示衆現前物物盡家珍何事勞心向遠尋昨日天晴今日雨批把滿樹是黃金

在可證嗣

蘇州瑞光中興範禪師橋李姚氏子上堂今朝四月初二立夏正當此日綠暗紅稀時漸移薰風來此向人說說時默默時說庭前柏子同庚月老幹扶蘇意悄然會得許伊得一橛良久曰梅子青青結樹頭櫻桃粒粒如珠赤小參問法性本無形相者臭皮囊從何處來師打曰者裏是甚麼所在僧禮拜師又打曰向者裏脫却皮囊始得乃曰法性本無青鬱鬱碧

潺潺百草頭上泄大機法性本有花簇簇錦簇簇鬧
市叢中露真跡若于此會得一任金聲玉振匝地風
光電閃星馳神通妙用者臭皮囊向何處安著于此
不會直須萬緣放下一往直前如上人五年打飯相
似寒暑不移心無間但恁麼參究去何愁無個開
偈底時節良久曰行到水窮山盡處自然有個轉身
時 上堂若論此事本來具足不假安排耐耐情關
困閉識鎖難開所以自己光明反被遮却今日範上
座別無奇特鉗鎚鍛凡鍛聖獨有一則舊公案拈向
諸仁面前要令一個個透頂透底悟去嘉豎拂子曰
喚著拂子則觸不喚著拂子則背不得有語不得無
語速道速道僧纔出師便下座 晚年退居穹窿拈
花將示寂入城遍別諸道舊途次自曰我回山去作
一大圓光置身其中當書一聯曰千山萬山裏一念
無念中語畢復長嘯衆莫能測還山後示微疾一日
淨髮索浴端坐而逝時康熙乙卯六月二十五日也
壽七十五 頂目 微嗣

穹窿拈花佛音曇禪師錫山吳氏子早歲出家因讀

高峰語錄有省往參三峰藏於錦樹藏纔見便問那
裏人師曰本地藏曰因甚背家走師曰某甲不敢怪
人藏卽令參堂後依瑞光徹猛力參究一日徹問議
得拄杖子七縱八橫作麼生會師曰浪險休垂釣釋
龍已識鈎徹曰識得後如何師曰直饒元會得猶是
眼中塵徹肯之分座說法出住拈花寺 上堂橫按
拄杖曰今日正令全行有問話者便與三十拄杖久
無人出復曰幸自知機毋勞剝肉擲拄杖下座 上
堂山僧拄杖子有時呵佛罵祖有時辨魔揀異有時
和光同塵有時東涌西沒且將何爲驗以拄杖一時
越下 順治庚寅秋示寂建塔本寺西麓 頂目 微嗣
常州太平虛一森禪師問喚著竹筴則觸不喚著竹
筴則背喚作甚麼師曰紅日麗天曰意旨如何師曰
晒破你面門 頂目 微嗣
淮安九龍眉山霈禪師四川保寧人示衆昨夜南山
虎咬大虫你諸人還聞苦痛聲麼良久曰你諸人工
夫綿密東西尙且不辨那得有耳去聞顧左右曰蒼
天蒼天 示衆工夫無滲漏如水浸麻繩緊到緊不

去處忽然踢倒淨瓶。且道踢倒後如何。依舊扶將起來。與他簪花插柳。頂目微詞

蘇州穹窿尉堂照禪師。問大開鑪。靴即不問。當陽一句事如何。師便喝曰。海潮深處翻銀浪。祇樹林中湧碧波。師又喝。僧禮拜。師曰。已後不得辜負老僧。問趙州茶。隨人飲。啜金牛飯。一任飽餐。未審和尚如何接待。師曰。槽枥邊煨芋子。曰。却被學人一口吞却。師曰。日用事上也須體貼。頂目微詞

金澤永安一足恩禪師。晚參。人人眼似千日晃耀。各各耳如萬谷玲瓏。世出世無一物可逃其影。無一聲不入其竅。甚是歷然。甚是感應。禪拈拄杖曰。何故於此有眼不能得見。卓一下曰。何故於此有耳不能得聞。誰爲障閉。誰爲礙塞。緣汝諸仁。自不肯於直下最近最易處薦去。只管向元妙高遠外打之。邊故也。復舉起曰。響響大道。只在目前。要且目前難覩。不是露柱燈籠。定是張三李五。會得格外縱橫。不會鼓中坐鼓。執得密不通風。引得眼花亂舞。誰知三世諸佛。不如東村白牯。水草隨分。納些獨踞孤峰。不伍有時露。

角衝龍有時。尾尖觸虎。驀然化道清風。飛過西秦東魯。卓拄杖一下曰。被我拄杖打翻。變作黃泥黑土。回顧左右曰。會麼。隨起身曰。苦。僧問。三不是。師朗吟曰。不是心。不是佛。更有一物。道不出。道得出。趙州東壁挂葫蘆。頂目微詞

蘇州梅隱笠雲筠禪師。秀水姚氏子。中興範胞弟也。久侍天童。次謁三峰藏。領竹篋子話。隨之安隱。因與靈隱禮同。舟禮舉竹篋話。未竟。師便喝。禮曰。虛空幾時撲落地。師擬議。禮舉竹篋便打。師當下釋然。悟曰。本命元辰在者裏。禮擲住曰。速道。速道。師便掌上。堂舉。斷橋倫曰。荆山有玉。得玉者不在荆山。赤水有珠。獲珠者不在赤水。衲僧有無位真人。證得者不在面門。乃橫按拄杖曰。會麼。幽州江口石人蹲。師曰。斷橋雖則傾肝倒肺。未免令人捨近趨遠。瑞光今日要且不然。荆山有玉。得玉者那見荆山。赤水有珠。獲珠者全忘赤水。衲僧有無位真人。證得者。拶破面門。乃橫拄杖曰。會麼。自是不歸歸。便得五湖烟景。有誰爭。師書山中門榜曰。要那邊行履。來這裏推敲。一僧。

曰。恁麼則到家去也。師曰。吳中獅子雲間哮吼。僧擬議。師曰。三十棒。微頂目

蘇州虎丘翠堂森禪師。上堂。佛法不在蒲團禪板邊。工夫又豈閉眉合眼處。先聖云。欲取一乘。勿惡六塵。六塵不惡。還同正覺。諸禪德。若於酒肉案頭。打失鼻頭。許你參見盤山。若向支拳觸口處。議取面目。許你參見寶壽。祇如布袋和尚。終日在十字路口等。底是甚麼人。上堂。舉五祖演牛過窗櫺。頭角四蹄都過了。因甚尾巴過不得。今復譬如蠅螟。虫能向火焰上作窠。因甚閻浮大地。無棲泊處。良久曰。一曲兩曲無人會。雨過夜塘秋水深。微頂目

杭州雲居仁菴義禪師。武林張秀初也。久參三峰。晚乃薙染承嗣顯寧。問天上雲居阿誰能到。師曰。掉臂竭來無伴侶。曰。恁麼則只有天在上。更無山與齊也。師曰。啼猿煮鶴。歸何處。還在千叢百雉中。曰。設有個中峰國師到來。和尚如何相見。師曰。者裏不容肥漢。且教列在下風。曰。武林祇有者漢。猶較些子。師曰。莫塗汚人好。師初住顯寧。終于江北泰州之慶雲。著有

劈華錄澄子恒嗣

蘇州香山白馬巨治教禪師。泰州毛氏子。年十八薙染。博通教乘。後參三峰。藏一日。聞藏舉鶻鳩樹上啼語。有省。留侍左右。藏入滅。剖石壁。繼席聖恩。參依數載。始獲印證。出住香山白馬。示衆子湖。惡狗成羣。雪嶺毒蛇犯道。秘魔長叉刺人。石鞏暗箭作耗。攪亂世界。縱橫昨夜。西風來報。都盧收攝。香山立候拄杖。開導大眾。且道作麼生開導。以拄杖打趂。便歸方丈。晚參。舉竹筴曰。明如日。黑如漆。拈出當陽人。不識萬仞峰頭撒手。行無位。真人赤骨律。問人人有個影子。寸步不離。因甚踏不著。師曰。草鞋不得力。曰。設得力如何。師曰。露出脚跟。問念念不停留。時如何。師曰。全身出現。曰。一念不生。時如何。師曰。沒頭浸殺。曰。去此二途。請師指示。師曰。誰家竈裏火無烟。順治辛丑八月。留偈曰。生年五十七。大事今已畢。推倒須彌山。打破無生國。泊然而逝。剖石壁嗣

五燈全書卷第八十二

五燈全書卷第八十二補遺

臨濟宗

南嶽下第三十六世隨錄

南嶽指南庭柏觀禪師上堂赫赫朱明挽暑。燄燄火日蒸空。十里芰荷開。若北一溪流水隔橋東。芳草地嘶韓幹馬。綠楊陰臥戴嵩牛。好景一時說不盡。大都賞鑒得遭逢。祇貴當人高著眼。孰曰綿密不通風。咄者箇說話。多少人作境話。會只饒不作境話。會底具甚麼眼。卓拄杖曰。平蕪盡處是青山。行人更在青山外。上堂冰雪壓寒枝。虛空凍徹髓。茫茫宇宙間。寂寂山堂裏。石虎抱兒眠。木人弄傀儡。策起眉毛看。俱是自家底。如此若狐疑。白雲千萬里。顧衆曰。白雲萬里且不問。如何是自家底。衆無對。良久卓拄杖曰。向者裏薦取。午日示衆。端陽午日。天中節。那事諸人。瞥不瞥。艾虎懸門通市家。雄黃灑地祛邪惑。屈原故事顯忠良。競渡龍舟賽水國。行行打入光明藏。珍重何人不透徹。喝一喝。問石乘嗣

安化神山中靜定禪師結制貼單上堂。鐘板高懸。號令人叢林。總是自家身。六門各職無違背。同死同生意轉親。乃以拂子敲空三下。喝一喝。曰。記得昔人曾有語。周邦雖舊命維新。復喝一喝。小參師舉竹篋顧左右曰。諸人要度祖師關。竭力疏窮五蘊山。緊把剛刀並利斧。命根斫斷始安閒。復以竹篋敲空曰。西來祖意庭前柏。清淨法身乾屎橛。豎起脊梁仔細參。如鷄抱卵自然裂。問如何是清淨法身。師曰。器垢若將灰皂洗。依然盛物不餿酸。如何是圓滿報身。師曰。真火果從石迸出。烜天烈燄豈能休。如何是千百億化身。師曰。灰飛律管春初至。徧地枯山日日新。如何是大圓鏡智。師曰。鼻息如雷誰自顧。如何是平等性智。師曰。迎賓送客兩頭忙。如何是妙觀察智。師曰。返妄歸真真不立。如何是成所作智。師曰。湛海無風蜃化樓。三身四智蒙師指。向上全提事若何。師曰。打破鏡來重照影。自家好醜自家知。問石乘嗣潭州道吾無盡聞禪師上堂。生機獨闢。冷語新翻。正令當行。舊案重結。世尊不說說元非。錦上添花迎葉

不聞聞祇是灰裏爆豆。主賓元要且放一邊。事理君臣何勞再計。設有人來逼拶開爐佛法。山僧事繁明。朝細與商量。小參迴脫根塵底。衲僧不受籠罩。頓超寒暑底。正體豈逐推遷。大解脫門出入無礙。妙莊嚴路來往何拘。若只隨聲逐色。效瞽追聾。不但埋沒已靈。亦乃辜負山僧。汝等山登水涉。刀耕火種。不徒緊峭鞋繩。更須撿點鉏柄。示衆深林小鳥。日日啼春。古廟香爐。時時發燄。何勞山僧拈出。唐塞高賢。以如意指香爐曰。大衆除却青黃赤白黑。且道是甚麼色。若道不得。汝諸人被山僧眼裏著沙耳裏著水去也。以如意擊香爐一下。入堂衆一齊起身。師曰。總不得動著。動著卽禍生衆默然。師曰。三十棒。且待別時問石。

時問石乘嗣

蘇州聖恩吼崖石禪師上堂。舉臨濟大師四喝畢。乃喝一喝曰。祇這一喝。是金剛王寶劍。耶是踞地師子。耶是探竿影草。耶是一喝不作一喝用。耶若向這一喝上揀辨的。當方好與人解黏去縛。喚作自受用。三昧諸仁者。大須仔細。切勿草草。若是胡喝亂喝。成甚

麼邊事。良久。顧左右復喝一喝下座。上堂。因地一聲大獅吼。拶得巨靈神點首。別起洞庭兩道眉。橫開太湖一張口。塵刹說熾然說。無間歇。且道說箇甚麼。自昔觀湖無異見。至今不改舊時看。上堂始見春風來。忽爾春將半。日月去如梭。光陰急如箭。真正學道人。念念心無間。欲透祖師關。貴在當機薦。機下忽翻身。始悟本來面。更盡法根源。處處得通變。露柱笑倒僧堂山門。走入佛殿報諸人。薦不薦喝一喝。剎石壁嗣姑蘇圓臺月。航函禪師。示衆起七。今將日已終。情枯智竭。信難通。熹然雷迸一聲後。看取丹青舞六龍。急著眼。莫追窮。月上珊瑚樹。樹紅。示衆舉百丈開田說大義話畢。師曰。百丈卽恁麼要。且辜負人。今日山僧來住此山。汝等亦爲我開田。我亦爲汝等說箇大義。師驀作插锹勢。朗吟曰。鞭起泥牛耕石田。一犁翻轉劫初前。饅頭活計無多子。只在尋常日用邊。剎石壁嗣膠山興化古巖利禪師上堂。絲來線去。寶網交羅。纖錦穿霞。膠峰靚露。三春旣住。九夏方來。且道應時及節一句。又作麼生。道榴開鐵樹。紫霞凝赤膽。披心爲

汝鷹 上堂錦樹花開撲鼻香。枝枝垂葉映清涼。兒

孫從此滿天下。大千同是一繩床。大樹證嗣

潭州白雲嚮山應禪師。上堂雲隱隱。日曛曛。種田博

飯。古家風。有時西有時東。脚頭踢出一輪紅。頂顙高

豎。醞眼力在逢緣。不借中。問石乘嗣

五燈全書卷第八十三

京都聖感禪寺住持臣僧 超永 編輯 進

京都古華嚴寺住持臣僧 超揆 較閱

呈

臨濟宗

南嶽下三十六世隨錄

無錫長泰德爲宗禪師。嘉禾陳氏子。示衆森羅萬象。

常露現。前眨上眉毛。劒去久矣。伶俐的漢。直下薦取。

已遲八刻。若也將心去覓心。何異舍元殿裏更問長。

安。遂展兩手曰。討甚麼碗。嘗作宗旨頌曰。石獅對

對出荒草。木馬雙雙入亂雲。月落三更羣籟絕。清風

凜凜吼乾坤。剖石壁嗣

新州東山佛幢華禪師。上堂一個兩個千萬個。劈箭

流光莫錯過。擡頭纔見草木開。眨眼又值冰花墮。參

禪若不持木叉。煮沙爲飯。鍋底破。金佛不度爐。泥佛

不度水。眞佛內裏坐。華山流水萬年春。子湖要打劉

鐵磨喝一喝曰。錯錯錯。諸仁者。且道錯箇甚麼。向下

文長付在來日。剖石壁嗣

潤州青蓮一峰徹禪師。和州人。上堂春光艷麗。頭頭

顯現。釋迦野色澄鮮。處處洞彰彌勒。若是文殊普賢

常在汝等面門出入。任運騰騰。縱橫無礙。驀豎拂子

曰。見麼。若也見得。眞不掩偽。曲不藏直。雖然如是。更

須知有向上一路。在作麼生。是向上一路。擲拂子曰。

披簑側立千峰外。引水澆蔬五老前。僧問離心意

識。且道作麼生。參師曰。石女雙雙。輓繡毬。曰。意旨如

何。師曰。東擲西拋。不露踪。問言無展事。語不投機。

意作麼生。師曰。兔角杖頭懸日。月龜毛尖上立乾坤。

剖石壁嗣

鎮江五州因勝克初代禪師。無錫過氏子。晚參山僧

有個師子迷蹤法。今日特爲舉。似汝等急須著眼切。

不得當面錯過。蕭伸一掌曰：是甚麼？隨握拳通袖曰：向者裏會取。管展手問僧曰：者個作麼生？僧纔擬議，師便掌之後，有僧問：聞和尚有展手之機，是否？師曰：是。僧向前，便掌師約住，曰：正令却是我行。隨後掌之。康熙乙巳重九日，示寂。閣維收靈骨得齒牙連結不壞二十有七塔于本山。剖石壁嗣

蘇州海藏幻菴時禪師。徽州休寧吳氏子。棄家學道。依聖恩壁第二座。一日，壁上堂。師問：百花開爛，漫林鳥語，縉蠻如何？是第一句。壁豎起拂子。師曰：木童吹玉笛，石女輓花毬，如何？是第二句。壁曰：待香爐峰點頭，卽向汝道。師曰：寒巖餘瘦石，老樹剩枯枝，如何？是第三句。壁放下拂子。師曰：更有一句。三三元收不得。十智豈能該，和尚如何舉唱？壁曰：頂門亞豎摩醯眼。師曰：迴超千聖外，直上古皇前。壁曰：三十棒自領出去。示衆各各照顧自己舌頭，切不得向我口裏討言語。大棒打你有日。在莫謂山僧不與你道。破時有一僧纔出，師便打曰：者野狐精來我者裏作甚麼？僧問：如何是宗乘中事？師曰：汝自會取。曰：莫便是和尚。

爲人處麼？師曰：我曾向你道個甚麼？僧擬議。師叱曰：去。無你棲泊處。師應機說法如懸江河，絕不容學者記錄。順治辛卯，示寂。塔于鄧尉西山。剖石壁嗣

華嚴文水恬禪師。除夜小參，大盡三十日，小盡二十九，掃除陳穢，担掀翻爛窠臼。萬法歸一，一亦莫守。大家照顧眉毛，打開向上關鈕，猿愁搜狗走，抖說甚麼。生緣驢脚佛，手明日祝聖和南，稽首普願。大兄小弟，金毛哮吼。元日晚參，昨夜東村王老燒錢，一時薰天煉地，直得火裏螳螂吞却。嘉州大象露尾藏頭，天曉起來依舊穿紅挂紫。東頭賣富，西頭賣貴，且道爆竹聲中催騰去從何去。梅花香裏送春來從何來。良久曰：狼藉不少。剖石壁嗣

嘉興天壽玉磬魯石琦禪師。問言無二理道，同一致。因甚喚鐘作甕，證龜作鼈？師曰：波斯讀梵書，鼻孔礙著眼。問：風吹不入，雨打不溼，因甚汗淋脚背？師曰：祇見錐頭利，那見鑿頭方。曰：笑殺東村王大姐，醜在甚麼處？師曰：一衆耳聞目擊。示衆：德山見僧，便棒雕沙無鏤玉之談。臨濟見僧，便喝結草乖道人之意。

問大衆且道。山僧用棒。卽是用喝。卽是衆無對。師猛喝一聲。卓拄杖一下。曰。兩彩一賽。問祖令當行。請師垂範。師曰。眉間懸雪。刃腦後毒雷轟。曰。與麼則。一音演唱。四衆瞻依也。師劈頭一棒。曰。且道是賞是罰。

剖石
壁嗣

天台華頂仁叟震禪師。梁溪單氏子。住台州寶華上堂。有時一句作一句說。拋却箇圖栗棘蓬。有時一句作兩句說。劈開轆轤秦時鑽。有時兩句作一句說。打作連環鐵錮。鑑大衆欲識三元真的旨。且會者三轉語好。晚參天封打鼓。華頂夜參。今者當說何法。良久曰。昨夜南山虎咬大虫。小參佛法不是學得底。我尋常向人道。熱則乘涼。寒則向火。饑時飯倦時臥。一是不思議神通光明。有不可說塵沙諸佛。在汝面門。錦縫中橫出。直入汝於二六時中。行住坐臥。處好生看取。雖然尋思擬議。便成錯過。所以道。意解中卜度。學識中揣摩。大似接竹點天持蠹酌海。終不獲果。且道。諸譌在甚處。喝一喝。剖石
壁嗣

江西黃龍冰鑑朗禪師。久侍三峰藏省。發僧問如何。

是第一元師曰。烏藤七尺逼人寒。曰。如何是第二元師曰。縱是超羣額也穿。曰。如何是第三元師曰。巖頭與我眉相結。生死同條帶箇蟠。曰。如何是第一要師曰。毫端涌出日輪高。曰。如何是第二要師曰。爍破面門三尺黑。曰。如何是第三要師曰。阿睥密處許誰看。僧禮拜。師打曰。還有者一要在。剖石
壁嗣

常州永寧肯庵學禪師。南蘭吳氏子。十九從聖恩。壁脫白參。究有年。於臨濟喫黃檗三頓棒。處有省。頌曰。風嚴火烈。燄聲乾。嚼著通身熱。鐵丸翻轉面皮。徒自苦眼前。惟道黑漫漫。上堂。百丈游絲挂樹梢。楊花飛盡綠陰交。驚轉歷歷西來意。窗外一聲婆餅焦。諸仁者。若向聞聲處。知歸正好喫。永寧痛棒連卓拄杖下座。頌殃窟持鉢。因緣曰。東風驚地過林臬。報道枯楊發嫩條。說與旁人都不解。一時斫出水邊桃。剖石
壁嗣

蘇州北寺光孝二源聞禪師。上堂。豎拂子曰。三世諸佛在山僧拂子上。轉大法輪。諸人還信得及麼。直下會得。孤迥迥。峭巍巍。鬧市叢中撒手。萬仞峰頭獨立。

不拘一法不染一塵所以無事不成無理不就不見古人道盡乾坤都盧是沙門一隻眼盡大地撮來如粟大你若作佛法商量則眼中著屑若不作佛法商量則掘地覓天到者裏直須向毒蛇頭上揩癢猛虎口中拔刺方得無礙去諸人還委麼卓拄杖曰常在于其中經行及坐臥

剖石壁嗣

自登尼法雨瀛禪師崇明管氏女年二十八出家即參鄧尉壁壁問如何是你活計師以手作打勢壁曰如何是神通響師便喝壁曰好一喝未曾得神通妙用在師曰莫怪從前多意氣他家曾踏上頭關壁微笑一日壁解制上堂師問結制解制古今條例不解不結意旨如何壁曰昨日熱今日涼師曰還有不涉寒暑若麼壁曰洞庭出沒碧波中師曰可謂頓超千聖外直透古皇前壁便下座師隨至方丈問如何是佛法大意壁曰試道來看師便喝壁亦喝師又喝壁便打師禮拜頌世尊拈花曰靈山密付是何心引得頭陀眼欲昏不獨燈籠驚喪膽管教露柱也消魂

剖石壁嗣

常州普照機菴衡禪師武進巫友湘也依靈巖儲入天台行次偶逢路人驚胸撞入師當下豁然曰終日波波不離脚下乃述偈曰驚拶相逢桶底脫四肢百骸齊漏泄粉骨碎身未足酬拍手呵呵笑不輟草鞋繩斷忽翻身捉得清風趁明月上堂今晨獲一殊勝洗面摸著鼻頭原來只得兩孔正擬開口古廟香爐近前叉手曰眼睛響山僧直得無言可對諸人且道有佛法分無佛法分衆無語師曰黃連未是苦晚參舉僧問趙州曰如何是祖師西來意州曰庭前柏樹子師曰趙州柏子甚年栽幾度春風長綠苔堪笑禪流無本據尋枝摘葉舞三臺小參虎之映馬之鼻燕趙管不得齊魯把不住踏遍四天下忘却歸來路急急掉轉頭來難免笑倒露柱且道笑個甚麼拍手曰最苦是脫不下娘生袴

華嚴
鴻嗣

維揚天寧巨渤恒禪師上堂乃以拂子打圓相曰以大金圈爲諸陷穿要將天地萬物日月星辰四聖六凡現前衲子并作一坑埋却無一絲毫透漏處更與千鎚百拶務令徹底消鎔直得情與無情打成一片

然後以拄杖爲伊劃開一綫作個轉身吐氣消息。使其各各就路還家。則天地萬物。日月星辰。四聖六凡。現前衲子。依舊森然布列。毫不相參。觀體圓融了。相不混。則隨分拈一些子。一一皆放。無畏光明出。廣長舌。且道說個甚麼。不是一番寒徹骨。怎得梅花撲鼻香。示衆野老門前。義皇覲面。牯牛隊裏。正令全提。正恁麼時。且道那個在前。那個在後。有人辨得出。許伊具衲僧眼。師下堂。值居士散餅。次乃曰。雲門老漢。今日現居士身爲諸人說法。竟大衆各各領取話頭。好趙州古佛出來。道者裏也。少某甲不得露柱。從旁合掌曰。且喜大衆饑渴消除。身心安貼。鐵壁銀山。一時迸裂。畢竟功歸何所有人。道得末後句。敢保參學事畢。衆罔測。師便歸方丈。問如何。是父母未生前。事師曰。南方有北方有。問風吹不入。雨打不溼。是甚麼。師曰。好個面目。曰。爲甚不識。師曰。當局者迷。曰。乞師指示。師擲下竹筴子。問臨濟三頓痛棒後。作麼生用心。師擲竹筴子曰。天寧今日敗缺。僧復問師。打曰。適來甚處去。僧參師。問你參甚麼。話頭曰。不

思善不思惡。師曰。正恁麼時。如何是你本來面目。曰。不會。師曰。眼見如盲。口說如啞。具德禮嗣杭州靈隱晦山顯禪師。夢東王元達也。鼎革後。從華山體薙。染得法于具德。禮上堂。問如何。是函蓋乾坤。句。師曰。杖頭轟日月。曰。如何。是絕斷衆流。句。師曰。鍊蛇橫古路。曰。如何。是隨波逐浪。句。師曰。船子下西江。乃曰。歲序新更。韶華劈箭。野老謳歌。金輪瑞現。獨有衲僧家風。不換萬仞孤峰。一條白練。喝一喝曰。天左旋地右轉。上堂。文殊白椎。機先作賊。百丈捲席。格外擒王。恁麼仙陀客。打破大唐國。難覓一個半個。寒溪事不獲已。只得將圓通死猫頭。麻纏紙裹。有不懼險崖底黑地。裏踏步向前。撞倒銀山。推翻鐵壁。摸著秦王無字碑。喝一喝曰。是甚麼閒家具。上堂。三春九夏盡在今朝。遇過量人。圓却此話。解開布袋口。不將京四作三。開却樓閣門。依舊撞頭磕額。尋常以虛空爲面門。華藏爲床榻。行盡普賢毛孔。國土只在如來五輪掌中。何況眼前。粵南燕北。楚水吳山。又豈出得山僧拄杖。且來不入戶。去不出門者。著落在甚處。

喝一喝曰。蠅螟眼裏土曠人稀。上堂。七七七。鍊得身心似鐵壁。潭沱老將擲金鎚。泰華橫空只一劈。木人無口笑呵呵。顛倒羅經歸闇黑。碎金圈火栗棘。太平方得真消息。以手畫○點。拋向後曰。諸人還知麼。若持此卷過龍門。天下何人遭點額。上堂。趙州無報慈。隔薦福莫堪。笑三員大虫。無影鏃鎚當面壓。敲開金鎖鼻。遼天南斗八兮北。斗六拾得虛空背上。毛拈來點點成塗毒。阿呵呵。遇著作家兒。解笑不解哭。上堂。雙峰削玉滴水垂。珠鉦鼓掀天。賁雷吼地。破額山前村歌社。舞春王一到。色色皆新。惟長連床上。破落衲僧思想成。佛成祖是過舊摸子。貧遇驪珠。饑逢御飯。却也用得著。只有一事人間百年。初利天一晝夜。請問即今元旦。善法堂前是晝。是夜。子午卯酉十二時中。是那一刻。有人道得。天下橫行。上堂。善財開闍門。歛念成話。墮龍女頓成佛。八歲已遲悞。若論第一機。總是錯中錯。威音未兆時。已振塗毒鼓。喝一喝。擲下拂子。上堂。機先敲磕。正眼洞明。百千重一刀兩斷。有佛處。花攢錦簇。八面玲瓏。無佛處。

浪淨波平。通身尊貴。三千里外。撞著銀山鐵壁。箭箭皆穿。且道。即今事作麼生。擲拂子曰。直下來也。急著眼覷。上堂。正法眼藏。犬吠驢鳴。涅槃妙心。石頭土塊。實相無相。微妙法門。抱賊叫屈。不立文字。教外別傳。揚聲止響。若是十影神駒。自然掃踪滅跡。鴛鴦鴛鴦。漢翻見徧地。葛藤靈隱更資一路。爲大眾作個撒脫。擲下拄杖。上堂。日面佛。月面佛。赤肉堆頭。久埋沒。可憐大寶垢衣纏。窮子拾得。多歲月。豎拳曰。只者個。非他物。黑漆飯桶。黃金國。誰人解舉。鉄山錘。打破精靈窟。了了見。無一物。鼻孔依然高突兀。具德杭州靈隱碩揆志禪師示衆。一僧出師。便喝。僧亦喝。師曰。我性命在你手裏。僧擬議。師打曰。原來又一僧出師。便喝。僧亦喝。師曰。你性命在我手裏。僧擬議。師打曰。原來良久曰。要會徑山賓主句。看性命。便下座。上堂。拄杖子。吞却乾坤。濟不得。饑止不得。渴一毛頭。涌出世界。蔽不得。雨遮不得。風鳴聽其自白。鳥聽其自元。多子塔前。世尊敕迦葉。當爲何事。天使其在下地。使其在上。雙林樹下。迦葉見世尊。可是閒人到。

者裏起後與承先一般則聞命矣。真諦與俗諦不二。果何如哉。良久曰。豹澤山中成五色龍來海上駕雙珠。晚參參須實參。悟須實悟。要得花開須種鐵樹。忽有個衲僧出來道。鐵樹上如何開花。乃笑曰。西天四七東土三三。天下老和尚搖唇鼓舌費盡心力。求也求不得。你肯道者一句。上堂問知是般事。拈向一邊。百尺竿頭如何進步。師引拄杖曰。便請便請曰。此猶是者般事。畢竟竿頭如何進步。師打曰。兜底要我把手教。乃曰。知是般事。便休新羅人不裹頭。百尺竿頭進步。鵲兒窠裏水牛釋迦達磨彌勒。恩過往往成仇。欲得官差不擾。請看巢父許由。徑山怎麼告報。也是汚仰上流。上堂問上與諸佛齊肩。下與四生六道同體。底是個甚麼。師曰。今日大普請。曰。向異類中又是甚麼。人師曰。駝得百斤與你百斤。乃曰。一七了三七。四七一齊了。睜著眼跳井。一處通千處萬處。一時通更挑泥土。搗搗而填塞之。設使不從人得。不重已靈不動波。透過海東不動步。踢到須彌頂。佛法收管不得鬼也。打你十七。何況一枚餠餅口裏較。

了又較三斤麻子。身上纏了又纏。要求徑山禪甲料。榜上著你個名字。驢年畢竟作麼生。柳響普請草鞋峭緊。上堂一僧出曰。若論佛法一切現成。師曰。一刀割不盡底肉。是甚麼。肉僧喝。師便打。僧無語。師復打曰。誑我復一僧出曰。通元峰頂人人可上。師曰。阿誰與你拖者死屍來。僧喝。師亦打。僧亦無語。師曰。因甚不上。乃曰。若論佛法一切現成。須彌山跳入你鼻孔裏。大海水壓在汝頂門上。從那邊透過了。却來者邊行履。我王庫內有如是刀。無如是刀。徑山若不爲汝點破。大唐國裏池臺鳥獸草木叢林。總是你屋裏七代先靈底冤家。而今點破也。且通元峰頂從那一條路上良久曰。龍頭蛇尾漢。晚參問請師直指西來意。師曰。向東走。曰。爲甚麼問西答。東師曰。達磨榜樣僧。擬議師便打。問觸不得。肯不得。畢竟是個甚麼。師曰。阿誰與你拖個死屍來。僧喝。師曰。是個甚麼。曰。鼻孔揀天。師曰。眼睛因甚不得在腦後。僧擬議師打。曰。瞞我問不是。心不是。佛不是。物是個甚麼。師曰。破草鞋。乃曰。不是心。觸不得。不是佛。肯不得。不是物。且

道是個甚麼。你若向這裏。連得便行一千七百則公案。都盧是一隻破草鞋。其或問西不肯東走。照後不顧前頭。饒你鼻孔。揀天眼生腦後山僧竹篋子。未放你在因甚。如此良久。顧左右曰。阿誰教你拖者死屍來。示衆問爲甚麼道得也。三十棒。師曰。你將甚麼喚作棒。僧便喝。師曰。你喚甚麼作喝。僧無語。師便打。問二僧捲簾意旨如何。師曰。也是常事。僧喝。師曰。好好說話者。一喝出在那上頭。僧無語。師打曰。是法眼慣了你。乃曰。二僧一齊下喝。臨濟道。賓主歷然。俊鷹打兔。二僧一齊捲簾。法眼道。一得一失。鈍刀殺人。便向者裏分曉得去。喫了他人涕唾。壞了自己牙齒。更云爲甚麼道得也。打三十棒。我且問你。鑊湯裏還有冷處麼。山僧恁麼道。也是揚州人賣瓊花參。上堂問如何是諸佛出身處。師曰。責答不責問。曰。因甚又道三世諸佛不開口。師曰。聽事不真。喚鐘作甕。乃曰。三世諸佛若有一人不恁麼。山僧入地獄如箭射你。若恁麼了。更要恁麼罪在三世諸佛不干山僧事。拋拄杖下座。解制上堂。他人罵我一句。我罵他人兩

聲。他人打我一拳。我便痛與一頓。人人盡道十字街頭。貧賤兒無明不息。千年田八百主。自不怪諸人世諦。祇如三聖興化。是親承臨濟之真子。因甚一人出則爲人。又道逢人則不出一人。逢人則出。又道出不爲人。近時有輩。杜撰長老。盡道各出隻手。扶起臨濟賓主句。又道美食不中飽人餐。又道是割斷鴻溝。各把疆界。恁麼見解。將條斷貫索。縛取自己本生爺。纔則一任。忽若過江。撞著聲頭索行李。將甚麼抵敵。乃卓拄杖曰。路遙知馬力。事久見人心。具德禮嗣杭州徑山萬壽五嶽玆禪師。上堂過去諸如來斯門已成就。老老大大。脚跟猶未點地。現在諸菩薩。今各入圓明。諦當甚諦當。敢保未徹在。未來修學人。當依如是法。我不敢輕於汝等。汝等皆當作佛。諸禪德。過去諸佛現在菩薩。未來學人。三世凍僵鼻孔。總被山僧扭捏得痛不徹。衆中莫有爲伊出氣者麼。良久曰。設有也是撞著露柱底瞎漢。小參若論此事。如廣南鎮海明珠。白月則現。黑月則隱。灼然有據。無端向無言可對。無理可伸處。傾出一兩楞。在十字街頭。

萬人叢裏使南來北往東上西下者一任瞻之仰之。手親眼快底。遠得便行。拈得便用。摩挲收放不捨晝夜受用。豈有窮盡。若是論親論疎。較光較影。不唯對面成背。亦且辜負安隱。諸兄弟畢竟。廣南珠。卽今在甚麼處。以竹篋擊禪床一下。上堂。蕩蕩一條驛路。問彼彼不諳。灣灣兩道眉。毛問此此不識。一隊來一隊去。不知費却多少草鞋。兩手拭兩手揩。不知壞了幾許腕力。因甚又道安隱。個漢辜負天下人。擲拂子下座。上堂。問解開布袋。走北遊南。整頓芒鞋。東上西下。動底還許他遍天下也。無師曰。處處逢歸路。曰。還鄉盡是兒孫事。祖父從來不出門。師點胸曰。須是山僧始得。乃曰。或進或退。各各不相知。時放時收。彼此不相識。你行荒草。我入深村。見兔放鷹。得魚忘釣。如追風良驥。行乎其所得。不行似得水真龍。止乎其所得。不止。所以道事無一向。理有多途。出入隨人。變通在我。雖然如是。且道分化一方一句。作麼生道。不逢別者不開拳。一遇知音便分付。上堂。拈拄杖卓一下。曰。孤標迥異。非智所知。特達虛懷。豈識能。

測明敲暗。擊按下五十三人。左拂右揮。撥亂九十六相。直得盡虛空。遍法界。無絲毫過患。盡虛空。遍法界。無絲毫差殊。又何必作。竈起爐移。來換去。攪長河爲酪。變大地作金。然後稱爲得力者。哉。雖然如是。且道畢竟承誰恩力。復卓拄杖曰。禹力不到處。河聲流向西。上堂。禪如大海。漸入漸深。道若虛空。愈窮愈遠。入到深深處。有何江河淮濟之味。而不知窮到遠遠時。有何日月星辰之位。而不識既知得。又識得何妨。東勝神州走馬。西牛賀洲跌撲。南瞻部洲飲饕。北俱盧洲。噀噀諸仁。還用得麼。若用得。老僧百千萬億大人相。在你盂袋裏。若用不得。十二時中。莫道不疑好。參。上堂。般囉娘。鐵酸餡。信手拈來。金剛圈。栗棘蓬。當陽拋出。還家得路底。因便乘便。揀草入田底。無可不可。訝郎當。漢未免喚喚。諸仁。祇如雲門。一割薦福。一莫報慈。一隔汾州。一訣明甚。麼邊事。以拂子擊禪床曰。潘閬倒騎驢。踏殺王番綽。上堂。水不洗水塵。不染塵。到此洗却有理。難伸和身獨露。舉體全真。原無向背。曷有疎親。頭頭作主。法法皆賓。橫穿碧落。豈。

透金輪以拂子劃一劃曰究竟千年桃核裏都盧覓得舊時仁具德禮嗣

匡南萬杉剖玉璞禪師少即脫白匡廬伏虎寺後依雲門禮記荊開法焦山上堂一僧纔出師拈拄杖便打僧曰猶勝寶壽七步在師曰直得開却潤州一城人眼睛遂靠拄杖下座僧問黑豆未生芽時如何師曰好換人眼睛曰生後如何師曰可穿人鼻孔問如何是禪僧行履句師曰踏破草鞋曰如何是禪僧真實句師曰鍼割不入曰如何是禪僧收來句師曰金鎚闇怒曰此四句中那一句能縱能奪能殺能活師曰不辭向汝道承當也大難問無位真人畢竟在甚麼處出入師曰問甚麼僧擬議師曰鷄子過新羅頌城東老母曰從來行不與人同今日衣穿鬪逆風吹得通身如粉碎眼前無物可相容頌七賢女遊尸陀林曰一拶虚空迸地開天花亂墜自何來可憐無限尋香客空向林間走一回具德禮嗣

五燈全書卷第八十三

五燈全書卷第八十四

京都聖感禪寺住持臣僧超永編輯
京都古華嚴寺住持臣僧超揆較閱

呈

臨濟宗

南嶽下三十六世隨錄

杭州佛日紫蓋衡禪師黃州黃氏子本性至孝因痛二親辭世遂分家爲三一濟貧苦一供方外乃投修淨寺脫白完具博通教觀首見天童奮力苦參一日因沸湯傷指有省往謁安隱忍忍曰言無踪語無跡截斷語言全無消息汝作麼生相見師便喝忍曰未更道師又喝忍曰兩喝三喝後作麼生師曰東洋海底紅塵起須彌頂上浪滔天忍曰忽遇趨翻大海拳倒須彌汝作麼生抵對師拂袖便出忍曰轉來轉來我更爲汝道破師搖手三下曰從今不信老婆禪竟行後參具德禮問今古機緣一切透得因甚疑根不斷禮曰諸方以破疑爲物我者裏卽疑就是禪僧鼻孔師于言下豁然曰若然某甲今日却了也禮曰

你作麼生了。師曰：把住也在我放行也在我。禮曰：把住時如何。師曰：鐵牛不奮迅。禮曰：放行時如何。師曰：一字兩頭平。禮領之。一日僧進門，師垂右足，曰：道道！道不得。師曰：脚也不識。又一僧進門，師垂左手，曰：道道！道不得。師曰：同坑無異土。又一僧進門，師垂雙足，曰：道道！道個甚麼。師曰：三個柴頭品字燒。順治乙未三月，示微疾，日與弟子勘辨綱宗書偈，端坐而逝。具德禮嗣

越州廣孝三日淵禪師示衆，色塵無作，眼界未生，聲塵無作，耳界未生，香塵無作，鼻界未生，味塵無作，舌界未生，觸塵無作，身界未生，法塵無作，意界未生，諸仁者！以未生之前，轉無作之用，則色聲香味觸法一句，是金剛圈；眼耳鼻舌身意一句，是栗棘蓬；金剛圈垂處，鵲眼猶迷；栗棘蓬拋時，作家罔惜。鞭寂子于牯牛隊裏，拶香嚴于粥飯叢中。別喚沙彌，斬釘截鐵，口唇不借，拈放風旋一句了。然超功行于塵劫，萬機休罷，放身命于先天。非生因所生，何了因可了。然雖如是，若向別喚沙彌而識取香嚴水中捉月，向口唇不

僧而識取寂子鏡裏迷頭，向單提直指處而識雲門，豈惟有屈二老，亦乃辜負三宗。還委悉麼。卓拄杖曰：丈夫自有沖霄志，豈向他人行處行。具德禮嗣

撫州石鞏十力潤禪師與化人問大道透長安，因甚學人透不得。師曰：恁麼則趙州話墮。僧便出。師曰：恁麼則山僧話墮。問世尊見明星而悟，見個甚麼。師曰：睹僧禮拜。師曰：你見個甚麼。便禮拜。僧亦曰：睹師吐舌。問如何。是賓中主。師曰：細柳營前不奉詔。曰：如何。是主中賓。師曰：按轡徐行不動塵。曰：如何。是賓中賓。師曰：風雨淒淒入古村。曰：如何。是主中主。師震威一喝。具德禮嗣

嘉興雁塔白谷裔禪師毗陵白氏子上堂，舉足下足，列祖門庭放去，收來祖翁契券。向者裏搆去人人脚，下圓成個個頂額。晃耀其或未然，要作三世諸佛緣起。歷代祖師鑪錘，裔上座拈一句無義味話，爲諸兄弟抽釘拔楔，作個脫洒衲僧。擊拂子一下曰：只者是。康熙戊午，辭世塔全身于寺後。具德禮嗣

越州天衣乾菴賢禪師僧參師問：那裏來。曰：靈隱師。

日冷泉亭吞却飛來峰。是否曰。豈有與麼事。師曰。你若不信。問取別人。僧便如前問。師打曰。獅子咬人。韓

驢逐塊。具德禮嗣

湖州德清鳴因載一晉禪師上堂。元機獨耀竿頭。杲日下須彌。至化無私劫。外春風貫桃李。會麼。句不停。意意不停。句句不同。偷窗櫺交露柱。句刻意意刻。句意句交馳。如大火聚。過量人眼。蓋萬重胸羅。八表聞恁般語話。是甚麼。其或意下停元。句中取則。聽不出聲。見不超色。鳳縈金網。趨霄漢以何期。虎陷神機。欲威憚而路絕。到者裏。合作麼。委悉諸人。縑素得出。山僧分半座與伊。功不浪施。有問。山僧爲人句。但向道。自古碧潭空界。月再三撈。擬始應知。具德禮嗣鹽官金粟諦輝。輅禪師住靈隱。日一僧經行。師召曰。上座來。僧便近前問訊。師曰。一動不如一靜。復見一僧坐禪。師召曰。上座來。僧亦近前問訊。師曰。一靜不如一動。侍者曰。祇如動靜兩忘。又作麼。生師便低頭歸方丈。具德禮嗣東陽昭懷。獨任雲禪師。莆陽林氏子。參靈隱。禮看一

歸何處話。正經行時。履脫有省。巢山首座問曰。適來入室有何所見。師方舉座震威。一喝掩門而去。師後再理前話。徹夜始識首座。去悔曰。昨來不痛與一頓呈偈曰。昨朝一喝倒關門。我以殷勤三拭身。覷破豁然無異路。何須日午打三更。座接偈曰。偈在者裏。如何是我昨日的。師喝座曰。者是我昨日的。師曰。一番提起一番新。座曰。怎奈巢上座未肯點頭。在師曰。放汝一頭地。掩門便出。座隨至曰。諦當甚諦當。敢保老兄未徹。在師劈面便掌。座曰。你打巢上座。那師曰。切忌錯會。座休去。上堂。僧出作鼓笛聲曰。某甲會吹無孔笛。請師撫曲沒絃琴。師曰。明眼人前。怎敢造次。曰。此曲只應天上有人間。能得幾回聞。師曰。黃河三千年一度清。曰。可謂獅子吼時芳草綠。象王行處落花紅。師曰。子期去後。尙有知音。僧禮拜。師打曰。者一板也。少不得乃曰。若論此事。譬如琴瑟笙篴。雖有妙音。若無妙指。終不能發。山僧豈憚勤勞。不垂一手。作彈琴勢曰。還會麼。曲終人不見。江上數峰青。具德禮嗣泰興慶雲澄。一清禪師。瓜洲史氏子。投天寧出家。靈

隱禮命參無夢無想大用現前話一日禮巡香以目
瞬師曰半夜摸得一跳蚤師于言下有省入室曰夜
間跳蚤咬一口至今痛得無休歇禮曰即今跳蚤在
甚麼處師曰無處不稱尊禮曰無夢無想尊在何處
師曰如珠在盤示僧曰不觸不背道將一句來曰
虛空無背面師曰恁麼觸背了也僧喝師曰莫道無
背面好曰黑豈未生芽師曰弄虛頭具德禮嗣

蕭山鳥石靈沼淵禪師楚人也因卸舊殿上堂乃卓

拄杖曰鳥石有一句在迦文老子手裏貫古通今時

清道泰捨短從長將勤補拙又卓拄杖曰迦文老子

亦有一句在鳥石手裏據令而行隨時賞罰補偏革

弊換舊崇新直饒聲聞緣覺迴避不及釋梵諸天覩

捕無門且道憑個甚麼得與麼迅捷卓拄杖曰從前

汗馬無人識祇要重論蓋代功具德禮嗣

衢州蓮花乾敏證禪師晚參日日東升日日西

沒拄杖作龍吟布袋藏醜拙報諸仁徹不徹諸僧腦

後三觔鐵具德禮嗣

東陽法興大閒靜禪師參具德禮一日禮問曰覩面

相逢時如何師曰兩眼對兩眼禮曰忽遇其中人來
又作麼生師曰放行不放過禮曰父母未生前本來
面目響師曰低聲低聲禮曰我已低聲你又作麼生
道師曰天氣初寒和尙珍重禮曰適來數語那一語
親切師曰有眼者見有耳者聞禮高聲曰上座猶有
枉受顛倒拋却自家無盡藏鈴鐺向人討富不誇貧
亦掃爛煮虛空飽一食鐵蒺藜都盧一口咬僧問猛

虎有甚長處善財也去參他師曰不經一事不長一
智具德禮嗣

鹽官竹林弗為祚禪師揚之通州丁氏子參靈隱禮

命看無夢無想主人公話一夕就寢被隣單僧展脚

戳枕墮地失聲頓見高峰立地之處述偈曰七尺單

前睡正濃枕頭墮地忽成龍迅雷送出金剛眼擊破

從前栗棘蓬禮見而喜曰此是紙筆上句如何是你

本分事師作掌勢禮曰切莫草草入佛日精進堂一

夕有鼠爭豆碟俱撲下忽然大悟遂作偈曰本來面

目現塵塵何用從前向外尋夜半床頭親看破鼠翻

鹽豆滿天星。禮閱偈。喚師入室曰。且喜汝大事了。畢師曰。甚處得這消息來。禮曰。賍物現在。師曰。賊賊便出。禮乃落堂。擲住師曰。適纔老僧肯汝不肯。汝師曰。鷄子過新羅。禮曰。不意今日有此一僧。乃語衆曰。弗公爲法勤勞。一生能急我數急。所以遲却十年爲長老也。上堂。舉靈雲見桃花。因緣畢。曰。子規聲。醉樹頭。紅幾個。遊人眼界空。却被旁人重按劍。桃花依舊笑春風。具德禮嗣

穹窿寧邦圓實寧禪師。天都許氏子。僧問。心不在內。不在外。不在中間。畢竟在甚麼處。師曰。露柱開門石。曰。關僧佇思。師曰。會麼。曰。不會。師曰。會得個中消息。子和盤托出。有何難。問東壁打西壁。南山拜北山。向上還有事也。無師曰。有曰。如何是向上事。師曰。高挂風帆過洞庭。曰。畢竟如何。師曰。目前三萬六千頃。月在波心說向誰。具德禮嗣

富春法相履先緒禪師。烏程俞氏子。聞板響。猛然擡頭。禪帳拂面。忽然有省。次日禮落堂。師出問。如何是學人放身命處。禮擲下竹筴。師拈起。連打數僧。曰。你

也該喫棒。你也該喫棒。復打侍者曰。你也代和尚喫一棒。禮曰。履先。擲師拋竹筴。歸衆禮。少頃。喚師入方丈。曰。你見甚麼道理。敢恁麼造次。師曰。某甲罪過。禮喜而告衆曰。且喜履先參得禪也。上堂。拈拄杖召衆曰。古人道。柳檉橫肩不顧人。直入千峰萬峰去。到這裏。因甚不肯住。遂卓拄杖曰。山僧二十年行脚。祇到這裏。小參。山僧昨夜作得一偈。不妨舉似大衆。切須諦聽。衆皆側耳。師良久曰。分明記取。具德禮嗣

松江瑞應素菴仁禪師。上堂。舉宋太宗見僧看經。問曰。看甚麼經。僧曰。仁王經。宗曰。既是寡人。經爲甚麼在卿手裏。僧無語。後雪竇顯代曰。皇天無親。惟德是輔。師曰。太宗善問。雪竇善答。可謂君臣道合。無人證明。山僧有頌。不妨舉似王言。如絲復如綸。萬國風行草木春。既識天顏動虎拜。還荒何處不來賓。乃顧左右曰。今日一會。莫道無人證明。具德禮嗣

杭州淨覺曇璽印禪師。一日拈桂花。問僧曰。這個是甚麼。曰。桂花。師放下花。復豎拳曰。這個喚作甚麼。曰。桂花。師曰。前語不是。後語是。問。昨日冒風。今日頭

痛時如何師打一棒曰喫我一劑藥僧擬議師復打一棒曰如未好再喫一劑具德禪嗣

天台國清變雲璣禪師通州人初依三峰藏歷三寒暑有省後靈巖儲領祥符師入堂舉妙喜請益佛果有句無句因緣言下徹證示衆青州衫子重豈止七觔萬法歸一要且不在這裏人人道趙州老不以筋骨爲能我道渠後生可畏寄語諸方欲得寒暑不侵直須投身裏許師自遊每服糞掃衣日乞食於市夜寄宿古寺人問其族姓里居師曰忘之矣曰何以出家師曰無以療饑曰識字否師曰夜歸古寺曰會禪否師曰吾從雁蕩走來聽者莫喻順治戊子將病革次第請同參作別而逝塔於國清有無畏集行

世退翁儲嗣

天台能仁辨菴光禪師姑蘇金氏子脫白靈巖迎天台國清儲開法本山參竹笠話有省一日儲舉南泉三不是公案師痛加究心後見儲與客茶拈菓子擲地曰正恁麼時還有向背也無師將平日碍膈之物一時脫落小參少室門風秋毫不犯舉意承當一

堆一擔脫體無依待東山頭著地與你說破上堂清明斷雪穀雨斷霜青天不老白日自忙東風爛熳花如錦啼殺鷓鴣春晝長端的不如歸去好幾年遊子不還鄉順治戊戌四月示微疾跌坐而逝塔于

東山退翁儲嗣

逐鷗恰禪師淮安人常在萬峰擔水供衆三峰藏異之命職堂司藏將辭世授法語令依繼起儲公了子大事師一日伐樹次儲曰終日東斫西斫忽然斫倒如何師曰一冬燒不盡一日攜菜過儲曰是甚麼師曰二年同一春儲曰是古人的師曰今人用却好儲曰汝當年在萬峰見個甚麼便自肯諸師笑曰殘羹餒飯不堪供養和尚儲曰還吐得盡麼師曰老老大一些放不過儲與笠子順治戊子八月十七示疾喚左右人掖起合掌呼本師和尚三聲而逝退翁儲嗣永嘉巖頭平天僧彥宗禪師海寧人禮平觀法師讀楞嚴有省參靈巖儲纔跨門儲便問子習楞嚴祇如諸可還者自然非汝不汝還者非汝而誰師擬議儲擊竹笠一下師豁然大悟出住天台興化上堂舉

白雲示衆曰。先入白雲門。次入白雲浪吞的栗棘蓬。喫的糲米飯。君子如到來。看看好方便。師曰。白雲氣。字不減雲門。口是心非。興化則不然。莫上興化門。慣起無風浪。赤稍衝浪來。喝起青霄棒。君子如到來。雍雍而揖讓。爲甚如此。偃文而修武。古今所同尙。師性好潔。常携茗碗。隨行有鄮侍者。誤携一二器。已離興化行。二百餘里。師見。詰曰。汝不知因果。爲是耶。立命持還。其謹有古人風味。順治戊戌元日。師榜快字于門。見者莫測。至六月十一日。示微疾。子夜索筆書偈曰。拄杖今朝發。火大震一聲。毒鼓喪却無位真。人說甚空王佛祖。擲筆趺坐而逝。塔于平天菴之後。

麓退翁
詩嗣

天台國清大庾禪師吳江趙庚也。崇禎癸未進士。令甌寧。以治最擢吏部。鼎革薙髮。受具于遯邨。賢燃香有省。賢問馬祖一喝。百丈因甚。三日耳聾。師曰。犀因翫月。紋生角。象被雷驚。花入牙。賢許之。次謁靈巖。儲問如何。是境。儲曰。明月上高山。如何。是人。儲曰。祇是這賊。如何。是法。儲曰。國有憲章。三千罪師于言下。

大悟示衆一兩椶鞋八尺藤。遶山行過。竟無人不。知竹雨松風。夜吟盡。秋山這盞燈。是甚麼人境界。良久曰。滿堂有眼。盡不識。自剪芭蕉寫甚經。示衆未。明心地。印難透。祖師關。拈拄杖曰。這個是心地。印。畫一畫曰。這個是祖師關。已過者。掉臂竟去。未過者。且。借印看。喝一喝曰。莫怪。適來頻觸忤。自從別後。見君稀。順治辛卯。隨儲渡吳江。驚脛湖。大風覆舟。師落水。踟趺而逝。塔于鄧尉山。

麓退翁
詩嗣

天台國清殺菴英禪師。上堂開却路。釋迦老子來也。道我此法。印爲欲利益一切世間。在所遊方。弗妄宣傳。師一喝曰。老大釋迦。小心忒殺。國清一衆。盡是本。色。禪流一向撞著道件。只是交肩過。實情眼裏著沙。不得耳裏著水。不得山僧又何忍。好肉上剜瘡。虛空裏釘橛。這箇山之遙。水之闊。狼籍從上風。規辜負將來。眼目喝一喝曰。且過一邊。上堂側跳上山巔。誰後復誰。先打破目。前底元路。草芊芊。卓拄杖一下曰。失腳踏得著。便是活神仙。上堂一不成。二不是。示疾維摩。眼中著刺。送語文殊。莫取次。無端一盲引衆。

盲業識茫茫無本據八萬四千師子座塞滿虛空恣
兒戲喝一喝曰都來是甚閒家具 上堂終日茫茫
那事無妨纔經抄著被蓋囊藏大眾只這被蓋囊藏
的是那事不是那事良久曰你諸人有事進前無事
退後 上堂古人道佛法無多子卓拄杖一下曰且
道是多少衆無語便下座 上堂連卓拄杖曰寒山
顛寒山顛理事絕偏圓打開條火路直出古皇前可
憐拾得子轉掃轉連綿更有豐干老饒舌賺人天擲
下拄杖曰奉報諸禪斯道而今大不然 上堂纔方
朱夏又經秋颯颯霜風到樹頭節令既嚴人易老現
前幾個得心休急著眼莫悠遊識得自家田地穩不
風流處也風流驀召大眾如何是自家田地衆舉首
師一時打散 誕日上堂國清獨立萬山中自愧無
能繼阿翁幸得年來筋力好拖犁拽耙展家風卓拄
杖一下曰劫初田地平翻轉現出優曇朶朶紅 上
堂盡大地是衲僧一隻眼國清有願不撒沙還有眼
睫上枹鼓眉顰裏走馬底麼衆無語師曰眼在甚麼
處 上堂割久雨不晴脚下泥深衲僧動著打溼眼

晴農夫鼓掌絕到行人且道鼻孔裏還一得一點麼
打噴一下 上堂霜風急霜風急窮子無依何處立
勸君問路早還家庫藏倉箱盡盈溢莫靠牆休倚壁
剛被時人喚作賊擊拂子曰屈屈祖翁田地有誰爭
自是不歸歸便得 上堂大眾托鉢辛苦山僧無可
管顧扯起陳爛葛藤敢道飯是米做退翁
辭
潭州雲蓋楚奕豫禪師蜀之眉州人初參三峰藏有
省次謁靈巖儲歷二十寒暑 上堂卓拄杖曰須彌
山百雜碎也世界向甚麼處安身立命良久曰咄這
野狐精以杖旋風打散 上堂向上一路千聖不傳
後代兒孫左探右探良久曰莫踏雲蓋脚跟便下座
退翁
辭

天台瑞巖質夫殊禪師秦州秦氏子上堂蓋子撲落
地碟子成七片無底籃兒盛將歸試問諸人見不見
拈拄杖曰是甚麼卓一卓曰聊爲通一線 上堂世
尊拈花迦葉微笑露柱燈籠同時合調且道正法眼
藏涅槃妙心又從甚麼處得來卓拄杖曰點即到
問牛頭未見四祖時如何師曰月似彎弓少雨多

風曰見後如何師曰下坡不走快便難逢曰見與未見時如何師曰泣露千般草吟風一樣松 順治乙未臘月示微疾說偈而逝

退翁
歸嗣

台州神鼎雪章元禪師揚之通州人落堂勘僧常垂三問曰眉毛與眼睛從來不相識是甚麼人證明又曰家貧遇劫不能盡去所存是何物又曰家親作崇斬斷命根賊是家親如何使令對者少涉遲疑師便曰請過

退翁
歸嗣

池州南泉魯南琛禪師巴州人中秋上堂靈山話月曹溪指月仔細看來都則一概老南泉獨超物外不過一期翫月新南泉終不肯月下添燈也須應個時節以拂子打圓相曰看看此是第一月第二月缺了又圓圓了又缺照顧月下三更須防臨濟這賊咄咄上堂大雄山下虎南山鼉鼻蛇一般毒氣深欲避避不得以拄杖畫一畫曰今朝不遇山僧管取楊岐路絕還有以毒攻毒者麼出來劈牙劈齒看以拄杖一時趨出

退翁
歸嗣

杭州靈峰青原禪師梁溪胡氏子僧問大用現前

不存軌則因甚方木不投圓竅師曰無人知此意令我憶南泉問三世諸佛坐火焰裏轉大法輪火焰爲諸佛說法日日灶門頭說個甚麼師曰寒山逢拾得拍手呵呵笑問佛以一音演說大法衆生隨類各得領解只如此語作麼生解師曰掣電之機徒勞佇思問天地與我同根萬物與我一體因甚有長者長短者短師曰以上供通俱是誑實

退翁
歸嗣

鼎州德山乾明原直賦禪師毗陵王弋是也中年投靈巖儲孺染苦參得悟爲人短小精悍力荷法門有汾陽之風上堂以拂子作○相曰此是諸佛體相曰所未親者看則有分嘗在其中者脫體道將一句來喝一喝曰汝等應在賢劫第四尊釋迦牟尼佛法中而得成佛上堂暮拈杖喚曰木上座自應曰喏又喚曰木上座復應曰喏喏隨卓一下曰如人暗中書字字雖不成文彩全彰青作青色黃作黃色不青不黃作不青不黃色佛法到者裏也要眼無礙者得見多百佛得見多千佛到處爲首爲勝爲最爲妙爲微妙爲上爲無上爲導爲師若不一手劃破十字頂門

上並須瓦解。不見臨濟德山爲大施主。周給無盡。利行同事。諸所作業。皆不離一切種一切智智。譬猶書字數說。皆以字母爲本。字母究竟。無有少分離字母者。遂以拄杖劃一劃。曰。據令一筆。押下不同。草草。上元日上堂。三百年來舊業。深雲堂燈火。幾浮沈。今朝剔起珠林。燄風展梅花一片。心喝一喝。曰。諸法無法體。而說惟是心。不見于自心。而起于分別。人工淘米著火。行者羹粥蒸飯。上江與下江風味。有異。廚務勾當。天下相同。見性人不見性人。到者裏如何。分別喝一喝。曰。作家禪客。不得背地冷笑。上堂。一僧攙前曰。正去偏來。明投暗合。師劈脊便打。又僧競出。師一齊打退。曰。總是生臺邊。噉夜飯。漢乃舉僧問。興化四方八面來時。如何興化。曰。打中間。底僧作禮。興化曰。昨日赴個村齋。中途忽遇一陣卒風暴雨。向古廟裏躲得過。師喝一喝。曰。四方八面落紅成陣。中間底水和月流。好個時節。子因甚一拜也。承當不下。又向古廟裏念道。眞言臨事而懼。則不要做他烜赫之子。當身公驗在甚麼處。連喝兩喝。曰。賊無種。相鼓籠。

◆筋露筋

上堂。薰拈拄杖卓一下。曰。祖佛百孔千瘡。一下子刮開和根。拔出了。也是你諸人還護惜也。無一隊一隊。圓體方服。氣勢甚大。到處人家。牽入軟綿子裏。朝撫夜摩。平地神仙。不可容易問你話。幸九峰出世。與你手脚拈膩脂帽。脫燈旻衫。你試毛下自己摸皮。下自己看有一點子麼。復連卓兩卓。曰。割得出。九峰與從上爲法老尊宿。齊眉共躡。新戒子請上堂。德山呵佛罵祖。臨濟誅佛滅祖。兩個漢自謂已到不疑之地。那管荒草深村。只是輓薦卓拄杖喝一喝。曰。衆生處處著引之令得出。上堂。白椎未竟。隨卓拄杖。曰。若遲一刻子。龜頭鼈頭盡欺你諸人去也。下根劣智一點氣落。上一點氣落下。吞聲而退。不必較之。若是丈夫兒。那個沒有一道祖業契書。何不攤向人前。只來背地束在鉢囊子裏。匙好挑飯。筋好夾菜。是諸方普請會底。一時齋粥。恐怕趕不辦口。口嚼虛空。你還咽得盡麼。復卓一下。曰。不可錯怪人家。退翁廬山西林古巖志玄禪師。武進吳氏子。年十二出家。侍三峰。藏問某甲。參得禪否。藏便打。每問便打。如是。

三年一日大雪。藏晨起呼令呈句。師通所見。藏命閉關參究。題其關額曰琢玉。以勉其有成。時師年十九也。迨藏示寂。師奉命侍靈巖。儲因儲主天寧。師留靈巖中。元日懸祖像。設供師隨衆入跨門。忽然大悟。將從前礙膺頓時冰釋。卽造天寧呈所悟由。儲爲印可。上堂喝一喝曰。此猶是爲中下根說。若是上根利智的出來。別展風規。雖有全機也。索打退鼓。若是便刀避箭。祇圖全身遠害。且放此話大行。順治丁酉。師將示寂。上堂舉馬祖一日不安院主問和尚尊候如何。祖曰。日面佛。月面佛。師曰。大師到這時節。不忝爲南嶽入室真子。但可惜。攢簇不得。猶是露頭露尾。雖則光前絕後。爭免使脚下兒孫向虛空裏東覷西覷。若是西林肯留個影子到你今日。設有問和尚尊候如何。但向他道。後五日看卓拄杖下座。後五日師果化去。塔于西林。銓部文德翼爲之銘。退翁詩嗣

這條截徑路頭去。有甚麼迴避處。忽若乾坤旋轉。大地黑漆。不許攪前。那容落後。直饒半千尊者。情智枯竭。大兄小弟。踏步到來。如何捫摸他頭腦著。喝一喝曰。若是家裏人。且與你說家裏話。你輩前廊前後架後底。又作麼生商量。靠拄杖下座。上堂若人生百歲。不會諸佛機。不如生一日而得解了之。狗走抖擻口。猴愁撚搜頭。星河月。量魚生子。樹葉風。微鹿養茸。擊拂子曰。參。上堂世尊有密語。迦葉不復藏。饒舌豐干老。無處著。慙惶諾惺惺。著便下座。上堂火爐發。冰輪宅。融冶三千。賞金草。福及衆生。赤骨行。魯班空自施。欄墨。藏身露影。這漏漚古兮。今兮。誰甄別。豈不見法昌當日。太孤絕。惟有十八高人。凜凜寒威。相對示風骨。灰劫乎。壁觀之嵩山。剗滅乎。獨尊之帝室。不藏蚊蚋。兮。烈燄堪誇。吞却大虫。兮。全憑獅哮。好兄弟。以火與火。休爭逐。似燄續燄。漫輕擲。相將共向無烟火。迸出烏龜自成籠。上堂鸚鵡能言。不離飛鳥。猩猩能言。不離走獸。天下老和尚。不離國清拄杖子。且道國清拄杖子。有甚麼長處。良久乃引聲曰。從

教立在古屏畔待取丹青入畫圖。上堂偏圓半滿。開口不在舌頭上。色空明暗。擡眸還落印文中。靈山話月。曹溪指月。捏著蛇頭打。失鼉鼻。南海波斯人。我未忘。摘得珊瑚聲。聲叫屈。雖然車不用。橫推要且理。無曲斷。祇如山南山北。逐隊成羣。李公醉倒。堦前自是張公喫酒。且道具何三昧得。恁麼潑潑潑。賴遂以拂子打圓相曰。若是覆盆之下。又爭怪得。上堂問出門是草水牯牛。足下無私萬里無雲鐵漢子。全身奉重行。腳生緣在甚麼處。師曰。龍蛇易辨。衲子難護。曰。杖頭風月鉢裏乾坤。阿誰欠少。師曰。腳跟下切莫蹉過。僧頓足一下曰。誰人知此意。令我憶南泉。師曰。旁觀者。晒乃曰。十方無壁落。眼睛在甚麼處。四面亦無門。腳跟下太險。生菩薩子。佛法不在內。不在外。不在中間。且道向甚麼處去。蚯蚓齧過東海。先行不到。蝦蟇飛上洞庭。末後太過。即使燈籠沿壁上天台。一期拶破面門。依舊扶籬摸壁。總不與麼行。到水窮處。坐看雲起時。腳下草鞋一唱三十文。切莫錯過。好退翁。

南翔萬壽完魯章禪師。上堂僧問。金剛爲鬚。白銀爲葉。語未竟。師便打。又僧問。迴狂瀾於既倒。殺活拄杖。揭日月於中天。佛祖爪牙。語未竟。師又打。又僧問。德山棒打禾山鼓。雲門足鞞。雪峰毬語。未竟。師亦打。又僧問。適來諸上座。有甚麼過。師和聲便打。僧擬進語。師連棒打退。乃曰。鉤章棘句。展演詞鋒。不惟埋沒從上宗乘。亦乃笑破衲僧鼻孔。靈利漢向未舉以前。撩起便行。早是不唧。囉。何況三三兩兩。踏步前來。擬向山僧口裏覓刺。唾于諸人分上。成得甚麼邊事。以拄杖卓一下曰。是法不可示。言辭相寂滅。復卓一下曰。以方便力。故爲五比丘說。大衆且道。說個甚麼。復卓一下曰。今日大悲院裏有齋。上堂無爲無事。人有口。只堪喫飯。但莫強分疎。一生已成辦。願左右曰。大事既已成辦。因甚腦後猶欠一槌。只因金鎖牢拴。便墮深坑。解脫諸仁。從今日始。日日出身。白汗自然。諸病消忘。贏得下載清風。更合隨方瀟灑。如鷄護雪。舊例徒增。似獄羈囚。陳條可革。其或未然。且聽山僧施設。上堂僧禮拜起。擬問。師曰。住住。一夏與兄弟東。

語西語見我兩片皮還在麼曰有句非宗旨無言絕
聖凡師曰因甚脚跟猶不點地曰始隨芳草去又逐
落花回師曰也祇是個草裏漢又僧出師曰一切處
放教枯澹去曰某甲一物不爲師曰一切處光明燦
爛去曰爭敢囊藏蓋覆師曰何緣得到與麼地曰某
甲罪過師曰昨夜三更月到窗又僧出師曰要與汝
商量兩錯他後不得道向南方行脚時早錯了也卽
今事作麼生曰行到水窮處坐看雲起時師曰汝可
謂不空過這夏僧禮拜師曰三十年後逢人不得錯
舉又僧纔出便喝師亦喝僧又喝師曰不重子行履
祇貴子眼正且道非非想天今日幾人退位曰我不
從人天來師曰莫是當時一宿覺麼曰我不從雲水
去師曰畢竟作麼生曰消得龍王多少風師打一棒
曰眼下無妨著個鼻又僧出師曰直須向萬里無寸
草處去僧上下顧視復展兩手曰看看師曰何不早
道曰道得也是臘月蓮花師顧左右曰別甌炊香飯
供養這僧又僧出師不顧曰灼然師便喝僧亦不顧
師曰灼然僧亦喝師曰莫當得麼僧推倒禪床師曰

迴鑿迴

險乃喝一喝曰虛空裏轟個霹靂打開一條活路放
汝諸人命通汝諸人氣如今正好乘時闊行大步東
西南北無不是自己家鄉不可守定在這裏也拈拄
杖一時趁下退翁
儲嗣

三峰清涼僧鑒青禪師吳江朱氏子根性猛利儒釋
典籍過目不忘年十九受具靈巖同鑒方遠打七遠
卽大悟師發憤力參未幾于台州天寧期中徹明心
地退翁儲舉爲記室旋命立僧秉拂出世後歷主大
剎道風遐被

今上東巡特旨召見錫御製宸章寵賚優渥師刻石
蘇州華山泐潭寺用垂不朽云 上堂坐定顧左右
曰大眾會麼從上綱宗無人舉唱設使隨機善導宗
途屈于異趨應世垂慈希音滯于競辯談元說妙止
成畫壁之龍折果分因豈是渡河之象不知一言迴
拔法法全超一句該通心心自契何先聖後聖之殊
全提半提之異林巒吐秀觀之壁立胸襟澗壑交流
飲者清涼肺腑聚五湖之俊衲慶溢師門續千載之
眞燈輝煌祖席且不涉化基直歸寶所一句又如何

道已知天上無雙月。可信人間只一僧。小參顧左右。日間一段事。得麼。達磨當年渡隆慶江。那一日是甚麼風。不可祇道歲月浸久忘却了也。智入三世而無往來底。灼然酬對看良久。自代曰。半東南。半西北。小參闍黎。行脚來多少。時踏不到從上語。脉固弗怪你。因甚自己舌頭。閑知落處。若信這兩片皮。人前開合。極是不易。曷若留取喫飯。他時後日。免致叫冤叫苦。晚參。知之一字。衆妙之門。莫妄想。知之一字。衆福之門。放下著。山僧未能花鋪蜀錦。豈肯雪壓吳霜。將使富貴底。蕩滌珍奇。貧窮底。掀翻孤陋。喻如良醫。藥就庸醫囊裏。撮來靈堪。瘡病亦如老將。行兵就敗。將營中拔出氣。可吞戎。故祖師曰。執之失度。必入邪路。放之自然。體無去住。山僧今日。重爲下個註脚。知之一字。涉烟塵。更說無知。坐困人不善。良民皆賊子。善來賊子是良民。小參問不落汾陽十八問。請師拈出箭鋒。機師曰。直透新羅國。曰。句下已明。賓主意。翻身復射事。如何。師曰。第一莫向弓弦上辨。乃曰。禪無可傳。道無可道。日進三爇。夜眠一覺。豈可將作

平常那許別尋元妙。果能截斷兩頭機。自然進出通天竅。顧左右曰。你若踏著了來。方知山僧惡口。晚參。德山入門。便棒。好意翻爲欺誑。臨濟入門。便喝。分明弄巧成拙。要得急切相應。今朝不妨直說。拈却棒除却喝。纔涉思惟。轉沒交涉。拚得死定然活。阿誰皮下無鮮血。大丈夫兒。合自由。便請翻身入虎穴。喝一喝。小參行便。行坐便。坐一切現成。十分露布。若當佛法商量。大似將棍作禪。顧左右曰。不作佛法商量。却又如何。震聲喝曰。魚化龍。飛夜塘。休辱。晚參有句無句。如藤倚樹。老僧只管看樹倒。藤枯句歸何處。闍黎全不知。致使滄山呵呵大笑。歸方丈。莫信直中直。須防仁不仁。你輩乍入叢林。果然卒難理會。祇如趙州老滑頭。脚跡已徧天下。因甚被菴主兩個拳頭。便換却透青雙眼。還會麼。遊方年已老。得後却忘前。小參山僧有一句直頭說。似大衆良久曰。莫妄想。晚參。神龍不戀陂塘。良馬豈資鞭策。定能致雨興雲。自解追風逐日。天賦英流。肯拘繩墨。到處連得便行。許你是員草賊。上堂曰。是尋常之曰。人是尋常

之人於中揀辨鮮陳情狀一絲頭許實不可得何事
衲僧家逐景推遷作世諦流布也道今朝是歲之一
若總顙預謂無新舊是壞假名別徵實相亦非通方
達士欲使喧諍蕩然同歸熙皞焉起曰識取當陽聽
法人歷劫何曾異今日 晚參大都參禪人有二種
病一病在外一病在內譬如華屋不得其門雖終日
循牆而走豈能窺見室家之好一面主人翁哉若但
向通事舍人口裏討個消息便謂親到不疑此却是
病更有一種長年不出戶庭祇解閉門作活脫遇盤
根錯節卽到鋒挫鈍摧安能隨事游刃恢恢有餘此
亦是病設有一人對衆檢點長老單單識病不善用
藥山僧劈脊痛棒向伊道你且喫這一服退翁
錯詞
靈巖鑒方遠禪師吳興沈氏子受具于靈巖儲見其
穎異又念其孱弱不令隨衆師每請問儲曰不怕爛
却師悶甚一日晚參師隨衆入方丈儲曰適纔見個
甚麼道理師曰春風纔動百花香儲便喝師亦喝儲
曰如何是你父母未生前本來面目師曰見山是山
見水是水儲曰忽然翻轉面皮又作麼生師曰山不

是山水不是水儲曰盡大地火發汝向甚麼處躲根
師曰火不自燒儲便喝師作禮儲落堂師出便喝儲
曰諸佛未出世祖師未西來還有佛法商量也無師
曰枷上著杻儲曰卸却頂上鐵枷道將一句來師復
喝儲便打退翁
錯詞

梁溪寶安雍虛巖禪師通州孫氏子年半百棄俗上
靈巖儲一見訝爲皮下有血許入室一日作禮次儲
曰靈光獨耀迴出根塵一句作麼生道師曰文殊自
文殊文喜自文喜儲曰忽然文喜吞却文殊時如何
師曰徧界不曾藏儲打曰爭奈這個何師曰也是雪
上加霜又問大死的人却活時如何師曰萬象森羅
齊稽首儲曰不許夜行投明須到又作麼生師曰歸
家罷問程儲曰不涉唇吻道將一句來師轉身便出
上堂卓拄杖曰失腳踏著平坦道途山是山水是
水三月江南雨後天鷗鷺啼在深花裏簇簇湖山潑
黛青湛湛湖光淨如洗復卓拄杖曰百年三萬六千
朝只是這副舊面嘴 上堂良久曰聽取註腳草鞋
破後屢袈裟直至于今未到家驚問風烟幾多關春

城何處不飛花。師年八十有六。學誨無倦。著宗門
崇行錄四卷。與禪林寶訓相爲表裏。又日製註偈頌。
行世塔于錫邑青山。退翁

五燈全書卷第八十四

五燈全書卷第八十四補遺

臨濟宗

南嶽下第三十六世隨錄

黃山十力潤禪師。上堂。孔山花似錦。潤水如藍。風習
習。鳥關關。一輪明月照松間。紅塵縱有千般好。輸你
山家半日閒。所以道。通玄峰頂。不是人間心。外無法。
滿目青山。山僧雖然恁麼指示。亦是不著。便若是伶
俐漢。聞著便掩耳而出。略較些子。喝一喝。辭衆上
堂。乾坤老我一頭雪。頂上鐵枷應須脫。三十年來口
吧吧。縱說還同不曾說。今欲偷安作野人。碧嶂丹巖
生喜悅。半世行藏多負心。從今不負窗前月。復顧視

左右曰。今何時。答曰。已時。師曰。黃山村叟。今日生遂
命沐浴更衣。安坐說偈曰。一生殺佛殺祖。彌天罪過。
今日翻身去。殺心猶未足。若要足。試看年年法堂前。
是甚麼人脚跡。封龕曰。諸方封龕舊例。不過借天
下大善知識。威光歌功頌德。一上以圖衛生。平究竟
與本地風光。有何交涉。況濟潤。豈在法門數十年。無
功可頌。無德可歌。只當得迦文老子。看小戶一隻惡
犬足矣。一箇瓦蓋子。不論甚麼行者。人力一蓋便了。
起龕曰。二十五員揭諦神。拳養左右已久。所謂養
軍千日用。在一朝。我今欲向萬山深處。藏身汝輩。須
爲我重加力焉。入壇曰。彌勒樓閣八面玲瓏。彈指
卽開。開已卽閉。玄要宗風。於此不墜。我是三峰嫡骨
兒孫。何藉傍人鼻孔出氣。具德
婁東興福會南禪師。佛誕日上堂。舉世尊初生。一手
指天。一手拈地。周行七步。目顧四方。曰。天上天下。惟
吾獨尊。師曰。趙俗善舞。楚人善咻。猩猩善嘯。鵲善
啼。風吹柳絮。毛毯走雨。打梨花。蛺蝶飛。所謂情與無
情。共轉根本法輪。樹林水鳥。悉演苦空妙偈。且道雲

門一棒又作麼生。物情變幻終消歇。水綠山青此理常。上堂舉趙州和尚云。金佛不度爐。木佛不度火。泥佛不度水。真佛家裏坐。師曰。趙州這幾句話。流布叢林。幾七百余年中。間無數知識。用盡神通。未曾動這老子一毫毛。在山僧今日也要露箇消息。趙州大似明修棧道。暗度陳倉。雖能拔趙城。定三齊。然止得假王也。何似與福這裏不起於坐。不動威儀。彈指頃。令現前諸人箇箇成真佛去。且道具何法。要有如是捷證。良久。擲下拂子曰。驗在目前。頌馬祖離四句絕百非曰。神駒影絕。語天倪。父子私腹各自離芳草。雨淒苔路滑。行人莫怨伯勞啼。頌德山托鉢曰。天下人教殺奈何。槐安國內立干戈。今朝睡起推窗看。山色依然鳥自歌。頌趙州洗鉢孟曰。風靜樹寧鳥棲鹿宿。風搖樹動鳥去鹿獨。可憐馳逐天下人。六六元來三十六。頌百丈再參曰。金谷園中鬪額回。錦城春色逐人來。綠珠墜後無消息。贏得山花處處開。

具德
禮嗣

瑞州五峰仰山淨覺照杲照禪師上堂。今宵八月中。

秋節獨露銀蟾光皎潔。萬象森羅豁頂門。全提正令。狐踪絕。且高超。物表一句作麼生。道倚天長劍逼人寒。奪却珊瑚枝上月。晚參三月二十九。千紅萬紫呈家醜。燈籠露柱笑呵呵。八角磨盤空裏走。一毫頭上識根源。一一毛端師子吼。海神怒把珊瑚鞭。擊起須彌顛。倒走山僧問。怎麼道。只得結舌杜口作麼生。得轉身吐氣去。乃展手曰。我手何似佛手。具德
禮嗣仁。和月塘在明德禪師上堂。舉拂子曰。看看靈隱有一機。月塘有一語。明明不覆藏。今日爲君舉。靈隱機截斷紅塵水。一溪月塘語。翳翠踏翻荷葉雨。試問諸君。知不知耳。聞目見誰知是。上堂拈起衣角曰。抖開袈裟裏佛面。雨花噴地放出鉢盂裏眼光。赫日亘天。諸方闊浩浩。月塘靜悄悄。時節既相逢。不可便著倒。況有請法人。求示衣中寶。喝一喝曰。將此夜明珠。傾出一楞老。具德
禮嗣杭州香積栗庵乘禪師吳江章氏子上堂。問卽心卽佛時如何。師曰。水向石邊流出冷。曰。非心非佛。又作麼生。師曰。風從花裏過來香。曰。不是心不是佛。不是

物。齊師曰。抖擻尿腸。都說了。莫教錯認。藥爲鐘。具德

虞山三峰石語音禪師。崑山馬氏子。僧問。如何是沙

門。所重師曰。破草鞋。僧曰。何重之有。師曰。傾國不換

示衆。道得也。三十棒。風起江河。千尺浪。道不得也

三十棒。萬里雲鎖青山。嶂。忽然摸著自家底。眼睛只

在眉毛上。且道。眼睛爲甚。却在眉毛上。擲下竹笠曰。

參。問。如何是父母未生前面目。師曰。凹鏡照人瘦。

曰。如何是已生後面目。師曰。凸鏡照人肥。曰。已生未

生。還有優劣也。無師曰。打破鏡來。與汝相見。具德

武康永福寬庵祁禪師。小參。僧問。如何是無位真人。

師瞪目直視曰。阿耶。僧卽領旨。便拜。師曰。慶快慶快。

乃曰。面門著子。鍊壁難通。遭伊毒手。遠送千峰。具德

五燈全書卷八十五

京都聖感禪寺住持臣僧 超永 編輯

京都古華嚴寺住持臣僧 超揆 較閱 進

呈

臨濟宗

南嶽下三十六世隨錄

三峰。檠菴志禪師。楚之嘉魚人。魚山熊開元也。久參

天童三峰。著聲叢席。崇禎末。以諫垣彈首。輔得。罪。予

杖一百。瀕死。而蘇。世變。薙染於靈巖。受記。前出世繼

席三峰。示衆。僧出展兩手。曰。八字打開。針割不入。

五州管內。曾逢幾個祖師。師曰。一口針穿三尺線。曰。

老老大大。慣用此機。師曰。繡出從君看。金針。曾與人

僧一喝。師曰。便惡發。僧顧第二位曰。還搆得。脚跟下

一莖毛著麼。師打曰。搆得著麼。乃曰。日日日。西沒日

日日東出。不沒衆生。無解脫之期。不出大地。絕穿通

之路。老僧常於其中。較計籌量。直是增一毫不得。減

一毫不得。何況成年。論月。不沐光華。成甚麼界。相三

峰堂上。舊有法被一連素。以爲質。青以爲緣。皎如萬

里長空中涌一輪赤日。據此座者靠著伊如一座須彌真成。烜赫偶然時節。不相應卷放無事。甲裏遽使人天縑白。草木虫魚一時失色。有大智人取自虞淵。還諸碧落。一刹那頃。頓破千年之闇。可謂極天快事。現前諸大德若老若少。各各脚跟下。有一段鑑地輝天底事。可冒放一綫。助伊光彩麼。諸仁若不慨然。老僧不惜手脚。下座以拄杖旋風打散。示衆問開大冶場。鍛聖烹凡。祇是門庭施設。架漫天網。羅龍打鳳。無非手脚尋常。未審出格之機。如何演唱。師曰。飯是米。做曰。恁麼。那恁麼。那師曰。難道菜不用水燒。曰。今日可謂光前絕後。今古罕聞。師曰。可惜重添鹽醋。乃曰。虛豁豁。壁落全無。峭巍巍。階梯迴絕。剛道個解黏去縛。早已平地喫交。何況加個結字。然一向恁麼去。百草頭祖師。往往錯過。無限平人被陸沈。可惜許也。先聖垂慈。多諸方便。于全無壁落中。幻成壁落。向迴絕階梯處。重奪階梯。畫一字之關。塞多岐之路。教他從外來者。風吹不入。從內出者。水泄不通。方與麼時。使知見得麼。逞神通得麼。正氣急間。驀然蹉腳踏著。

自家田地。因原來鞋底下。各各有一片方磚。纔恁麼便不恁麼。連這一片磚也。一齊踏碎。然後南山雲北山雨。南斗北斗。八斗亂了。星辰出頭天。外方有自由分。然要見他衲僧。大遠在畢竟。衲僧有甚長處。擲下拄杖曰。參。示衆。普通年。遠祖宗地上界至。模糊法堂前。早已草深一丈。何怪田園蕪盡。老僧使伎倆。不出只得拾他黃葉。聊止兒啼。爭奈斯妙斯煎。止之不得。賴遇甘行者同流。大開廚庫。將譚羅餽子。一齊擔出任。諸仁橫吞豎嚼。剗地思量。不到較著一口。原來餬餅裏。無汁一場好笑。示衆。纔有是非。紛然失心。目前染淨。不是是非。身上持犯。不是是非。意中趨避。不是是非。爾既如是我。亦如是不失底心。在甚麼處。不見道。若人識得心。大地無寸土。酒仙蛄子。豈曰乖。方其或未然。眠夢裏打殺蚊虫。莫道不是惡作。示衆。春日可親。春風可畏。禪子家善知機變。擬趨向那一頭。若是呼喚不回。底鑊湯爐炭中避暑。雪窖冰河裏澡浴。有甚麼希奇。驀拍案一下曰。我亦從中入。非唯觀世音。示衆。檀越施財盡道營齋鉢。裏可有。

飯禱子持鉢盡道應供堂中可有僧盡鉢裏未是飯堂中未是僧作麼生施又作麼生受豎拂子曰向這裏下得個出身句子布施也是第一持戒也是第一日消萬兩黃金不爲分外若更佇思不但爲淨名所呵飲水也須防噎示衆老僧二千餘年來曾不恭敬亦無懈慢今日有一杓水擬向甚麼人頭上澆良久曰早知如是悔不如是示衆一人傳虛千人傳實都道世尊觀明星大悟畢竟悟個甚麼現前一切衆生夜夜觀明星還悟也無衆生且置萬古明星昨夜觀一切衆生還悟也無道個情與無情同成正覺依舊落在世尊匾宇裏驀喝一喝曰夜鳥飛朝兔走肯向前來株下守示衆能大師以肉身菩薩受圓滿分戒高沙彌知是般事便休明覺酒仙向異類中行于非道這三個漢誰聖誰凡誰縛誰脫將來放在一處便是惡又聚也拈著一個則指墮觀著一個則眼盲翳著一個則鼻裂作麼生是禱子出身之路喝一喝曰明珠在掌靈鋒在握賞則俱賞罰則俱罰但不許攙行奪市退翁儲嗣

毗陵五牧劬圓瑯禪師桐鄉人舉洞山云一大藏教是個之字師頌曰拂拭晴空窺篆烟龜毛鹿角眼中栽誰言之字該龍藏剽竊玄沙白紙來舉僧問東山有驗人關活人句如何是驗人關山張大口曰請曰如何是活人句山吐舌示之僧作禮曰謝師答話山曰已後莫錯怪山僧師頌曰驗人關與活人句吐舌張牙會也未看取東山水上行要津把斷隨他去退翁儲嗣

吳江葉園簪菴繩禪師居山詩曰住菴僧老怯衣單沒一絲頭爭放憨更怕將來栽鶴鷄由他儻少自生慙七斤碎盡補床頭羞煞當年老趙州拶到五更霜月曉針錐不得況乎鉤娘生禪子用過時綴已多癡莫可支老大猶然脫不下直教賺煞路旁兒退翁儲嗣

泰興靈雲醒熱粹禪師泰興人說戒上堂開方便門好肉剝瘡示眞實相眼中著屑那堪山門頭合掌擔枷過狀佛殿裏燒香把髻投衙更說和尚闍黎得非裝模打樣乃旋風以杖打散曰最怪你這一隊泥塑

木雕底猶自倔彊。佛誕上堂。年年此日。不相饒想。

是生前業所招。幾個兒孫能轉受。不將惡水烹頭。澆

雪。霽晚參前村深雪裏。驀地一棧開。謂是李謂是

梅。良久喝曰。花須連夜發。莫待曉風催。退翁

歸嗣

武進太平問松原禪師。江陵張氏子。世呼寶樹尊者。

示衆佛祖位中收拾不住。平田淺草。一任縱橫。論年

途次不離家舍。獨坐火爐。句絕賓主。鷄鳴茅店。熱鬧

一團明月。人跡板橋。荒涼徧地。寒霜如謂。別有商量。

何雷契鹽止渴。退翁

歸嗣

無錫寶安去息溟禪師。蘇州徐氏子。住無錫寶安上

堂。喝一喝曰。開得者張口。何妨天上天下。若乃依違

畏避。顧後瞻前。此人光不透脫。胸中有一物礙在所

以。山僧住祥符時。每見衲子到來。先與他一碗湖水

喫。洗得腸肚潔淨。自然言語條直。語直則法輪可轉。

心淨則佛土俱淨。向淨佛國土。轉大法輪。則一切聲

是佛聲。一切色是佛色。卽以色見我。卽以聲求我。三

千大千世界。乃至無有如芥子許。非是汝等成正覺

處。且道成等正覺。有甚麼奇特處。唯是可以去。卽去。

可以止卽止。無適無莫。義之與比。山僧恁麼道。設有

個漢出衆云。議取去底。議取住底。聲未絕。便劈脊打

曰。莫待是非來入耳。從前知己反成讐。退翁

歸嗣

蘇州壽聖聲衍恒禪師。浙東張氏子。依靈巖。儲看黃

檠三頓棒。有省。儲舉竹篋子曰。道得也。三十道不得

也。三十道不得。則且置。因甚。道得也。三十師曰。熟處

難忘。儲曰。大死的人。却活時如何。師曰。晝見日夜見

星。儲曰。果然熟處難忘。退翁

歸嗣

蘇州月掌內紹種禪師。上堂。喝下奔流度刃著忙作

麼。棒頭疾。燄趨風。只在者裏有水。到渠成之用。自能

平地涌波瀾。具風行草偃之機。何必虛空抽閃。電雖

然照用。齊行要且。人境不奪。若要扶樹。臨濟正法眼

藏。恰似蚊子。撼須彌。藕絲牽大象。你且緩緩喝一喝

曰。是甚麼。復曰。有口不可開却。上堂。束得虛空作

棒。白拈賊措手無門。碾得大地爲塵。跛足師插脚無

路。人人脚跟下有通天正眼。東廊上。上西廊下。下階

墀。曲直寮舍淺深。總瞞他一點不得。古佛堂前有片

嘗。住方磚。汝輩暮去朝來。因甚不鑑。拈起拄杖曰。如

今直下指出去也。眼裏有睛底。各自驗取好。驀卓一下。上堂。般若如大火聚。盡大地是個火聚。德山老漢。將爛柴頭添。臨濟大師。拽破韃袋鼓風。三世諸佛。薰透鼻孔。六代祖師。燎却眉毛。汝輩毛道凡夫。要得無明息滅。心地清涼。良久曰。莫妄想好。上堂。花笑鶯啼。四月初。禪僧見處。盡雄豪。眼開白日青天。下生死何曾有一毫喝一喝。上堂。一切色是佛色。一切聲是佛聲。蚯蚓穿透耳竅。蝦蟆跳入眼睛。或高或下。忽喜忽嗔。喝一喝曰。一壁華山分兩路。萬年流水不知春。上堂。至道無難。唯嫌揀擇。眼裏有筋。舌頭無骨。趙州終日喫茶。子湖半夜捉賊。捉得賊誰辨白。看看逗到天明。個個眉橫鼻直。拈拄杖曰。賊賊。上堂。衆生本不迷。諸佛何曾悟。不悟與不迷。頭頭皆顯露。堪嗟開眼人。覩見總不顧。驀顧左右曰。大衆耳門裏。七穿八穴。是顧不顧。腳跟下橫三豎四。是顧不顧。喝一喝曰。要見黃河清。三千年一度。退翁儲嗣

武昌洪山寶通。俞昭汾禪師。竟陵吳氏子。父富邑諸生。母許早寡。奉佛誦經。師每侍側。聽有所感。發誓爲

僧母首肯之年。二十投郢州蓮臺玄萃法主。薤染從三昧律師受具。隱荊南玉泉。一日閱法華有疑質。一老宿老宿叱謂曰。博通三藏。尙落筌蹄。聖心未通。難脫生死。汝氣識沈。窺天資粹。美南方禪宗大盛。何惜一緇草鞋了。玆大事乎。師遂發意南詢。過里門。值母疾革。留侍湯藥。畢後事。抵武林。首參靈隱。禮不契次。參靈巖。儲于天台。得與籌室。每有咨問。儲即憑陵曰。我者裏無一字挂他齒頰。苦要向人口裏討。甚麼漆桶速退。曾不少假辭色。師以已事未明。復遭詬罵。殊憤憤不樂。辛卯元日。會同參八九輩。起精進。七師亦與焉。午後值儲下堂。師近前作禮。儲便打師。擬申問。儲又打曰。汝擬作佛法會耶。師于言下領旨。遂拈古詩作投機頌曰。朝辭白帝彩雲間。千里江陵一日還。兩岸猿聲啼不住。扁舟已過萬重山。儲笑曰。我助汝喜。子今得達故鄉也。從此機鋒頓脫。號稱嚙鐵。住廬山。乾明黃安天臺嘉魚廣賢京山潼泉景陵紫芝卞孝旨同。江南廉使令之。創東巖精舍。延師楚撫張朝珍。潘伯徐惺。請師中興洪山寶通寺。上堂。昨夜

雪上更加霜。今朝佛面增百醜。文殊普賢行路難。熬
奴白牯却知有。寒山燒火滿頭灰。拾得風前拈起帚。
良久顧衆曰。你者一隊漢。冷冰冰地在者裏討甚麼。
盤。上堂好雨知時節。春無三日晴。溪山五百頭。眞
個可憐生。溪東溪西一任橫。拖倒拽。且道者片田地。
始終屬阿誰。一僧出曰。和尚豈得問別人。師下禪床。
把住曰。道道僧。擬議師便掌曰。感你不徹。上堂拈
拄杖曰。丁一卓二有手。脚放兩拋三無背。面明眼人
看不見。看得見。山僧實落分付與你卓一卓。曰。切忌
謾承當。上堂久雨熟梅天。柴生滿竈烟。林間泥滑
滑。時叫屋頭邊。銅鈔羅裏滿盛油。底途中善爲不遺
一滴。何處見他滲漏來。是你問凡答凡。問聖答聖。爲
甚隨他舌頭轉。良久曰。脚下泥深。上堂萬法歸一。
一歸何處。海水不可斗量。虛空不可尺度。淨地不可
撒沙。爛泥不可著脚。青州衫子重七斤。其所薄者厚。
十字街頭一片磚。其所厚者薄。不快漆桶更莫提來。
穿破草鞋直須掉却。以拄杖一時打散曰。千錯萬錯。
是伊不錯。付首座上堂拈起拄杖曰。拈一機則念。

機透脫卓一下曰。垂一句則句句流通。麗萬象於當
陽。耀天光彩。融千差於一智。擲地金聲。越祖超師。順
物齊己。正恁麼時。事存函蓋。理應箭鋒。祇合與汝平
展。不合與世商量。且阿那個解身裏出門。遂擲下曰。
分付今朝首座。上堂拈拄杖卓一卓曰。心不是。
佛佛與心俱非。又卓一卓曰。智不是。道道與智俱遣。
山門外石幢子。雨洗風吹青。又黃。猝然討他鼻頭不。
著。祇如盂口向天。露柱腳踏地。從來不曾轉變。你
道又成得甚麼邊事。喝一喝。問。宴寂熙連。河側金
棺。特示雙趺。正恁麼時。莫便是佛否。師曰。夜半須彌。
安鼻孔。曰。賴遇和尚證明。師曰。疑殺天下人。師喚。
僧。僧應諾。師曰。此去漢陽不遠。僧參師便喝。僧亦
喝。師又喝。僧無語。師曰。已後不得學老僧。武昌乃
都會時。朝廷方問罪。湖南兵馬絡繹。惟師宴然無營。
上至節。越方鎮。下至輿臺。隸卒見師慈愛。導物無不
投戈膜拜而去。庚申正月五日。示微疾。乃謂左右曰。
老僧知得汝輩不知。乘肩輿。遍辭檀護。仲春八日。爲
本師生忌。燒香。併上歷代祖供。移居別室。索筆書偈。

曰世間憎愛鬪芳菲底事何曾善赴機要識洪山真旨趣臨行但聽雪花飛至十三日泊然長逝門外果雪深三尺遠近駭異師世壽五十九僧臘三十八門人上睿等奉全身塔于京山潼泉之東南隅退翁儲嗣

台州天封雨青膏禪師通州海門馮氏子少出家碧峰寺長投四瑞受具初參報恩賢後依靈巖儲上堂金刀剪不破萬里青天彩筆畫不成一江明月長安道上往還無住含元殿裏尊貴神居若作佛法商量大家沒量罪過上堂衆纔集師展兩手曰少個甚麼便下座康熙庚申師示寂于吳江長慶退翁儲嗣

天台能仁無依仁禪師吳興人除夜小參看看臘月盡即便春風至貧到雖也無那有一些事蒿湯點作茶火爐坐取次不圖暴已長祇有鬪劣志牽牛引公差燒錢增鬼勢驚撞倒釋迦也是眼裏刺有佛處急走無佛處不住畢竟那裏是他住處挨拶到明朝與你從頭註師寄跡菩提每日危坐了無一事提持向上垂老不廢人稱古佛退翁儲嗣

長沙智度梵尊勝禪師泰州人頌南泉睡作如因

緣曰金雞叫破瑠璃殼玉兔挨開碧海心一室不知天早晚由來得力在兒孫退翁儲嗣

支硎樛花菴主煦堂琪禪師俗姓韓以進士歷官翰林學士鼎革易僧服參覺浪盛日研萬松評唱礙膺未脫後上巖巖一日師問德雲別峰相見話儲喝出師不措一辭後儲舉臨濟在黃檗喫棒公案得悟入儲爲歷舉古人公案師了無礙滯儲書偈記之順治戊戌以兵逝臨行偈曰楊岐驢子三隻脚烈焰光中縱步看踏著舊家田地穩昂昂氣字莫遮攔退翁儲嗣

五燈全書卷第八十五

五燈全書卷第八十六

京都聖感禪寺住持臣僧 超永 編輯 進

京都古華嚴寺住持臣僧 超授 較閱

呈

臨濟宗

南嶽下三十六世隨錄

姑蘇堯封寶雲月函潛禪師吳興董雨若也參靈巖證徹大法退翁儲既寂隱居空山以著述自娛絕迹人世貌古如梵僧性狷介衣食不充給侍星散略不縻懷所著洞宗疑問寶曇七發皆關法門大典竟以貧病終其身諸方惜之上堂問如何是本分事師曰堯封不會禪乃曰瀑泉飛處綠陰交山鳥丁東逐午樵滿笠松花歸去後閒雲相與度峰腰顧左右曰你道將飯與堯封喫底還有眼麼良久曰不覺曰又夜爭教人少年插秧上堂者一片水田一向斜搭在衲僧肩頭橫也在身上豎也在身上而今平鋪著山前山後直得眼瞪瞪地看即有分金鋤不動土靈苗何處栽隊隊博飯喫底不傷物義道個應時及節句子供養一衆也顯叢林有人良久曰三日風五日雨普請採二茶上堂舉一不得舉二放過一著落在第二禪和家一向癡心生怕落二落三道個明日不得普請便自謂得也他時後日單單喫水也難消若據堯封苦心那怕你摘葉尋枝只要到手來來往往不至空過遂拍手曰莫把三千道里誇住山人事

儘風華寶雲一味遵平淡不摘楊花摘野茶晚參問南泉百年後山下作一頭水牯牛去未審在那一家師曰欺上座不得曰脇下五字倩甚麼人書底師曰謾別人即得乃曰昨夜三更浪舉鞭一汀細草綠如烟山童掃盡楊花雪無那殘英又滿川上堂虛空無筋骨那下金槌大道絕西東豈循鍼路沒鑑驢子夜三更拈下闍黎席帽山僧是浙西路人四川夔州府城南諸葛孔明八陣圖前聚六十四後聚二十四各高五尺相去九尺上堂古堯封十方無壁有一張口沒個挂處驀指鼻下曰仍依舊處著人天衆前如實而說若到諸方不得錯舉上堂拈起拂子曰晉鋒八百帶累殺龍泉太阿炭庫藏身蹉過了麗天杲日盡道吹毛不動徧地刀鎗爭知荊棘林中太平得路擲拂子曰一個閒人天地間晚參衆集師坐定左右顧曰諸人與麼自在堯封與麼起倒諸人與麼著著先機堯封與麼次次落後諸人與麼光彩堯封與麼慙愧良久曰泊被打破蔡州上堂到岸古帆千山萬水不落三寸四角六張要向句裏明機

言中取則爭怪得香至國裏背父逃走的平欺漢地。慣打南村十更。上堂火星入牛斗。衲僧天下走不問你南地。鷓鴣北地。狐橫擔拄杖。緊繫草鞋。粥飯堂裏。瓦碗竹筴。各須仔細。上堂至座前。左右顧曰。到者裏。要我如何。陞座。復左右顧曰。拶上一重。又且如何。就座。乃曰。而今坐定也。誰敢何如。便下座。上堂堯封有一句。到你。是麼。竭掩室。是毗耶杜口。良久曰。八角磨盤空裏走。堯封無一句。到你。是函蓋乾坤。是截斷衆流。喝一喝。曰。蝦蟇何曾出得斗。晚參。封堯不敢瞎却。天下人眼。拈起拄杖曰。設有道山僧。只有受壁之心。且無割城之意。卓一下。曰。將謂我辜負汝。却是汝辜負我。上堂達磨不來。唐土我國晏然。神光不往西乾。彼中擾亂。歇鳴呼哀哉。法門不幸。盡道臨濟德山。吾宗後勁。一回思之。毛骨俱冷。上堂。天中函蓋蓋著你。目機銖兩數著你。不涉衆緣。看你走到那裏。咦。嘗恨春歸無覓處。不知轉向此中來。晚參問如何。是空劫已前一句。師曰。記得小時騎竹馬。目前又作白頭翁。莫言去處無端的。不在溪西便在東。

上堂十方無壁。四面無門。有一句子。把定乾坤。別資一路。是鬼是人。喝一喝曰。大而化之。之謂聖聖。而不可知之謂神。稽首稽首。主臣主臣。一日拈拄杖曰。特拋香餌。專待長鯨。僧出。師曰。啞水鮮鱗。全無希冀。曰。見之不取。思之千里。師曰。何得自投。置網。僧擬議。師打曰。死蝦蟇。上堂結却布袋口。堯封不知。你在諸方。在堯封。做甚麼事。解却布袋口。堯封不知。你在諸方。做甚麼事。結也。出堯封手不得。解也。出堯封手不得。你諸人。東去西去。前程忽有人問。堯封手切不得道。十個指頭。如鼓椎相似。因事上堂。蕭梁高祖武帝。普通元年九月二十一日。南天竺國菩提達磨來我震旦。北魏孝明帝正光二年十二月九日。初祖菩提達磨傳法。神光西來。褫子豈是菽麥不分。去年此月。此比丘南潛從天上。靈巖受請。來掃堯封。今年此月。此日上堂。特特舉揚禪宗。春秋乃措心曰。蒼天蒼天。若不觸風。化爭明古佛心。退翁天台興化笠山彙藻文禪師。南昌張氏子。上堂秋雨垂垂。秋風颯颯。屋頭籬菊抽金。門外楓林布錦。老雁

橫空點破碧天似水。巖猿挂樹。撼翻玉露如珠。父母未生以前。何似者個時節。無事倚闌。頻頻悵望。白雲空鎖亂山青。上堂冷雨。翻紅葉。秋風動白蘋。空將未歸意。說與欲行人。上堂老僧住持多年。不解與人東指西指。一句是一句。雨過竹風清。雲開山嶽露。僞梵鉢提舌頭。有分饒伊見。鞭影便行。望利竿回去。猶是途路邊事。要得捷徑。一路不得離我者裏。以拂子畫一畫曰。此回不是夢。真個到廬山。一日聞鼓聲。問侍僧曰。今日打鼓作甚麼。曰。請和尚說小參。師曰。鼓聲爲諸仁說了也。山僧又說個甚麼。僧無對。師曰。也是湖南賣餅退翁。

靈巖卓牧謙禪師。上元出隊。上堂問。一色邊事盡却。今時向上。全提不住者。裏未審明白。菴前片地。還借借也。無師曰。不用鈎鈎錐錐。曰。則百步階前。風悄然也。師曰。何須瑣瑣屑屑。曰。既爾把住。要津且自別行。一路便歸。衆師曰。七十二峰有高下。乃拈拄杖。顧衆曰。一等是新年頭佛法。向有無上論量。未免涉奢涉儉。靈巖十五日以前。不曾輾轉。而藏何故。星叢摘月。

難充饑國稻梁。十五日以後。無心待價。而沽安用天。畔披雲。便是太平瑚璉。正當十五日。老僧不在。明白中。闍黎豈行燈影裏。卓一卓曰。一句當天。千江散彩。途中家舍。交互爭輝。欲識溪山。各別處待。金陵打個回合。來作出袖人事。拽拄杖下座。上堂僧出曰。轉法輪耶。轉食輪耶。師曰。花雨落時。香徑溼。僧打圓相曰。豈非後學所宜究乎。師卓拄杖曰。木上座。恐不如是。僧顧衆曰。少間食堂前。也須領取一分師曰。匙筯邊。不得草草。乃曰。正法眼藏。西天或有涅槃妙心。此土原無實相。無相微妙法門。洞庭山色。吳淞水正好。和雲作畫圖。拈拄杖曰。山僧揭開空王寶書。提出毗盧正印。一印印定。福慧叢中。稱兩足的面目。肝腸卓一卓曰。添溟瀚之瀾。挹嵩華之翠。錦繡笙簧。聯芳法苑。復卓一卓曰。盡在其中矣。小參西來大意。不翼而飛。不脛而走。在你耳裏。非聲在你鼻裏。非嗅在你六根。非塵在你萬法。非有衡不出。是鑑益量。不盡是尖斗卓拄杖曰。你方刻舟劍去久矣。除日上堂問末後句。敢請敢請。師曰。大人之略。宛爾不同。曰爲甚。

平地。下個檟子。師曰。猶有些子在。曰。山高水長。未足酬之。師曰。難當明眼。乃喝一喝。曰。此何時。好不與諸人淨潔打疊去。風雲不次。第日月有恒。常崇報院裏。好將佛作人情。好將法作人情。好將僧作人情。歲云暮矣。有一轉。亦不用眨眼。亦不用低頭。直垂手而得之。隨起身曰。甲己之年。丙作首。退翁儲嗣

玉峰文衡達禪師。崑山人。問離却四大五蘊。阿那個是上座主人。公師曰。一字不著畫。問。空劫中。是甚麼人作主。師曰。還我話頭來。問。太陽溢目。萬里不挂片雲。拈却青天喫棒的。合下個甚麼語。師曰。相識滿天下。問。直得無一法當情。猶未是衲僧行履處。如何是衲僧行履處。師曰。日出事生兄弟家。順治庚子十月示疾化於靈巖。退翁儲嗣

法昌石葉成禪師。上堂。問。教中有八萬四千波羅蜜。門不知從那門入。師便打。曰。和尚莫草草打人。師曰。你但喫棒。我要話行。隨卓拄杖一下。曰。八萬四千波羅蜜。門山僧一下打開了也。入得者。更買草鞋行脚。入不得者。暑退涼生。伏惟起居珍重。小參。問。如何

金手字字體
不明

是最初一步。師曰。下脚便踏著。曰。如何是聲前一句。師曰。開口便道著。曰。如何是無底籃。師曰。放得下。曰。如何是無根樹。師曰。提得起。僧以坐具作圓相。師曰。裂破僧一喝。師曰。我不汝欺。乃曰。最初一步。下脚便踏著。聲前一句。開口便道著。可謂似地擎山。不知山之孤峻。如石含玉。不知玉之無瑕。你等諸人。終日忙忙。從年頭至年尾。行的行。住的住。臥的臥。其中有得有不得。特特考鐘伐鼓。與你說破。上堂。僧纔出作禮。師劈脊便打。僧喝。師又打。僧連喝。師直打下。曰。從曠大劫來。便具有者。副手脚不知經過無數日月。不知經過無數世界。只是不敢輕用。蓋因山高流水。急慨嘆於知稀。抱璞投珠。尚慎旃於識寡。今幸有明眼人作證。山僧不辭鹵莽。將出來。諸兄弟。切忌眼目定動者。回若錯過。餘日定難逢。上堂。有佛處不得住。無佛處急走過。汝等諸人。十二時中。在何世界安身立命。有底道得心。自在得法。自在何往。不佳有底道。空無邊處。識無邊處。無在不可。山僧合掌曰。不審過去不審現在。不審未來。我不敢輕於汝等。汝等皆當

作佛。晚參。霜明萬壑。月皎千峰。釋迦彌勒處處相逢。抖擻屎腸都說了。莫教錯認。麤爲鐘。臘八晚參。衆集定。隨喝一喝曰。與麼會去。卽是智慧德相。復喝一喝曰。與麼會去。妄想執著。旋視一周。巾曰。大衆語不透。古今進一步。卽迷其理智。不出凡種。退一步。卽失其事道之所在。肯相孤負。乃連喝兩喝曰。若到諸方。不得錯舉。退翁 歸嗣

京口長樂韶菴無隣廓禪師。廣陵馬氏子上堂。文殊普賢起佛見法見。貶向二鐵圍山。竟在彼中開粥。相伴過夏。反道是走偏倒。不如這裏好明頭也。合暗頭也。合長伸兩足睡。一覺起來。天地還依舊。似則也。似還知他出頭不得處麼。良久曰。慙愧。師將寂滅。然趯出隻履示門人曰。達磨遺下一隻。今古無人提得。而今拋出當陽。且要大家著力喝一喝而逝。退翁 歸嗣天台國清祖憲襲禪師上堂。同參出作上壁勢。師曰。須知有轉身一路。曰。我待之久矣。師打曰。有相辜負。曰。方見血滴滴。師曰。不可道分付不著人。曰。要頭截取去。師曰。不消一拶。乃就座。曰。因七見一見。一忘七。

賓主相逢。直拶上壁。拈拄杖曰。向者裏翻得個身轉。不惟露獅子爪牙。亦具衲僧巴鼻。所以古德道。要頭便截取去。你若識得他血滴滴地。相爲處。直下休去。歇去。何等省力。不然。國清立地待你搆去。卓拄杖曰。莫相辜負。上堂。秋風盈壑。秋水盈溪。東西南北任驅馳。但聽老僧一言。拈起拄杖曰。此去江南路。迢遞不可期。水窮山盡處。又是轉身時。卓一下。示衆台嶺雲彌松門路。僻三回兩轉。圖個甚麼。陸州見僧來。推上門。魯祖見僧來。便轉身面壁。今朝撞著沒意智。底國清拈拄杖一齊打。越曰。胡餅裏討甚麼汁。示衆。五峰壁立。截斷千差。雙澗瀾翻。氣吞萬派。嚴冷賽過汾州。枯澹渾同葉縣。百丈大義。何曾露布。祇有一著。高出諸方。不曾增人罪過。小參。問如何離心識。參師曰。夜來床席穩。一覺到天明。如何絕凡聖。學師曰。一步較易。兩步較難。僧擬議。師喝出。示衆。拈竹篋曰。觸不得。背不得。已是盡情盡情了。也訝郎當。更向胡餅裏討甚汁。遂旋風打散。小參。國清有椿公案。賓主頻時互換。今朝特地拈來。也要諸方判斷。拈

拄杖曰。且道是賓耶。是主耶。良久曰。若還疑擬。不能分。且教靠在東山畔。示衆。心不是。佛摩醯亞眼。突出。智不是。道慶喜刹竿放倒。顧左右曰。還有不避危亡出來相扶底麼。良久喝一喝曰。見義不爲何勇之有。上堂。喝一喝曰。還知得麼。惺惺歷歷歷惺惺。惺惺既未居。頂敢言得住。方便道是正句。誰有豎點頭。設有人出來。便曰。是甚麼道理。山僧冷笑一聲。道。邪法難扶。良久曰。敢問諸人。喝既是同。因甚有邪有正。良久復喝一喝曰。參。示衆。若論此事。如果日當空。無物不蒙其照。若是甘自陷於覆盆之下。又爭怪得。小參有句無句。如藤倚樹。今日也恁麼。明日也恁麼。第三第四不問。你後五日。事作麼生。更問樹倒藤枯。句歸何處。良久曰。不得停囚長智。退翁詞

九峰正覺嚴序紀禪師姑蘇洞庭許氏子上堂。以金剛眼睛。入斛四斗。鎔成一枚蠟。人將龜毛繩子。三丈繫於南下薰風之間。然後我等以大圓覺爲伽藍。身心安居平等性智。炎炎六月火生。冰只待秋聲。一葉至拈拄杖卓一下曰。寧有心於彼此。小參。超佛越。

祖之談生硬胡餅。曾有幾個直吞下去。豎起拳頭曰。知麼。退翁詞

堯峰長蘆蘭石祖禪師通州柳氏子上堂。喝一喝曰。不從他鄉別國來。親從靈山老子血盆口裏吐出。不信且看下文。又喝一喝曰。千變萬化。不是容你守死善道得的。小參。山僧一言半句。爲諸人揭示。諸人道是難處。難處是諸人易處。卓拄杖曰。花開碧。皓月落寒潭。退翁詞

南嶽慈賢喻羣濟禪師通州程氏子上堂。昨日說牛說馬。今朝說佛說法。欲問慈賢家風。山鋤不過尺八。小參。擊竹筴曰。大衆且道。這一響多少。觔兩衆默然。師擲竹筴曰。看人擔担不喫力。退翁詞

松江赤巖淵禪師楊州人。垂語曰。旣爲佛子。當遵佛行。金剛是佛弟子。因甚與土地揩背。自代曰。乞兒見小利。又曰。方以類聚。物以羣分。大象不遊兔徑。鸞鳳弗與雞棲。因甚金毛獅子。跳入野狐窟中。自代曰。不顧旁觀。退翁詞

北京玉泉輪菴揆禪師姑蘇文文肅相國猶子也。母

夢老僧投胎而生。幼慕空宗。學家學道。年十七。以白衣參退翁。儲于靈巖。打精進。七於第三日。見儲落堂。痛棒一僧。血流被地。有省。儲以三頓痛棒。話徵之。衝口答曰。雞寒上樹。鴨寒下水。儲深肯之。從此執侍巾瓶。五易涼燠。于庚寅冬。直受菩薩戒。後以奸人構訟。破家載筆。戎幕隆冬。獵賀蘭山下。擡頭見雪嶺如銀。鋪世界。胸次礙膺之物。廓爾冰釋。儲將順世遙記。以偈再一年于武昌軍次。薤染出世。住越州大能仁寺。再住雲南文殊寺。還寓靈巖。

聖駕東巡幸山被。特旨召入長安。初住玉泉山普陀寺。再移入澄心園古華嚴寺。能仁上堂。春去也。王瓜生。苦菜秀。麥秋至。蚯蚓出。怎奈朝菌不知晦朔。蟪蛄不知春秋。住山人目空雲漢。聊向寒暑不到處。別通一路彈指。曰。摘楊花。摘楊花。晚參。舉僧問汾陽。如何是學人著力處。汾曰。嘉州打大像。如何是學人轉身處。汾曰。陝府灌鐵牛。如何是學人親切處。汾曰。西河弄師子。若人會得此三句。已辨三元。更有三要語。在切須薦取。師曰。汾陽所謂三要語者。如人正

臨敵時。先備下兩股伏兵。著著恐陷在背水陣裏。乃叩齒曰。無事多口。罪過不少。小參。柴米油鹽醬醋茶。且喜能仁常住一件也。無連日大家減口忍饑。向七尺單前。將三條篋緊束肚皮。一隊上一隊下。猶自彬彬濟濟。空腹高心。要知祖師西來意。決不是喫飽了飯悟得的。汝等諸人。聞吾此言。直下信得及。定然陡生歡喜。不學陶淵明攢眉而去。忽地撞著個性燥的漢子。一把攔住。問道。倉房庫房。還有佛法商量也。無只向他道。舊穀既沒。新穀未升。像你者樣。著忙。臘年也沒有飯喫。在小參。舉太原孚在雪峰作浴頭。峰一日謂備頭陀曰。此間有個老鼠子。今在浴室裏。備曰。待與和尚勘過。即往浴室。遇孚打水。備曰。相看上座。孚曰。已相見了。備曰。甚麼劫中曾相見。孚曰。瞌睡作麼。備却入方丈。白峰曰。已勘破了。峰曰。作麼。生勘伊。備舉前話。峰曰。汝著賊也。師曰。且道。備頭陀著賊。雪峰著賊。直饒檢點分明。還要問你浴室中老鼠。是死的是活的。乃口占頌曰。從來箇不關風說甚賊。身已露。人人有個生緣。爭奈守株待兔時。一僧出作

鼠聲唧唧。師劈脊棒曰。孟八郎漢又怎麼去也。上堂問不問。有言不問。無言乞師直指。師便打曰。還容某甲。睨而視之。麼師連棒打出。僧豎起拳曰。這個與靈山會上拈起的。還有一毫差別麼。師曰。左搓芒繩。縛鬼子僧放下拳曰。人天莫測。和尚作麼生。師曰。還曾穿過鼻孔麼。曰。作家宗師。宛爾不同。師曰。也是燈籠。抱露柱僧。噓一噓。師衆師曰。幸是家裏人。乃曰。破敵衝鋒。不存軌則。擒龍捉虎。豈顧危亡。展轟雷掣電之機。影旋乾轉坤之用。棒頭上無位。眞人灑灑落落。蓋天蓋地。有甚炙脂帽。可拈。鴟臭衫。可脫。直教一拳拳倒黃鶴樓。一躍躩翻鸚鵡洲。席捲虛空。彌綸中外。方是我臨濟家嫡骨兒孫。豈下根小智所能湊泊窺測。只如向獅子齧上。敲牙毒龍領下。掛甲畢。竟具何手眼。衆召大衆衆回首。師豎拄杖曰。是甚麼連喝兩喝下座。上堂問。昔日僧問乾峰。十方薄伽梵。一路涅槃門。未審路頭在甚麼處。峰以拄杖畫一畫曰。在者裏。還端的麼。師曰。兩肩挑日月。日後僧復問雲門。門曰。扇子趂跳上三十三天。築著帝釋鼻孔。東海鯉

魚打一棒。雨似盆傾。又明甚麼邊事。師曰。一箭過西天。曰。可謂不離這裏。透過那邊。師曰。冷灰裏有一粒豆爆也。未可知。曰。也要大衆證明。師打曰。粥飯錢該多少。乃曰。釋迦老子。頓羈轡。大肚長汀。抖汗衫。北鬱單越。驢拽磨。能仁寺裏。算飯錢。展兩袖曰。一文也無。上堂。昨曰底。昨曰底。隨卓拄杖曰。樓閣門開也。祇如善財童子。百城烟水。撒手歸來。卽今成個甚麼。佛良久曰。西眺鑑湖。東近瑯琊。後接臥龍。前臨秦望。又卓拄杖曰。今是中伏第一日。奇熱恐大衆久立珍重。復舉茶黃。把一檟竹。上堂云。虛空裏還釘得檟麼。時有靈虛上座出云。虛空是檟。黃便打。虛云。和尚莫錯打某甲。黃便休去。雪竇拈云。若要此話。大行直須打了。趣出。且道雪竇意在甚麼處。當斷不斷。返招其亂。上堂。卓拄杖曰。冬至也。霜清木落。潭瘦峰寒。枯槎斷塹。中口色混茫。有十二分消不去的。勢不獲已也。要應時及節。稍作煖室。明窗下活計。若道火爐頭交脚。瞌睡正。恐品字柴一星。兩星。燎著面門。莫怪山僧不預先。與你告報。靠拄杖下座。師見僧打坐。師掌

其背曰此中是甚麼僧回頭曰不識師曰昔日達磨
恁麼道被梁武帝越出了也你如何學他僧無語師
曰九年面壁不爲分外 問某甲不將問來問請師
高著眼師往下覷曰卽此用離此用師往上覷僧擬
進語師震威一喝僧罔措師直打出 士問承聞和
尙在軍前數載未審向甚麼處留心師張手作撥弓
勢示之士曰弟子不會師曰巴陵縣東老虎石退翁
詩嗣
嵩陵長慶童碩宏禪師三峰兩序請上堂乃以手自
指曰這漢骨氣無靈不能自立藉父兄餘蔭附會叢
林徒竊安閒之食空慙輔弼之名每當松牕月落分
高照于楊岐燈盞雪積柴牀解寒威于寶壽生薑山
門頭未常竭力廚庫邊討盡便宜逗到今日所作不
忘果報及身猶欲費人鹽醬劈劃心胸何以自處喝
一喝曰憑此正脉流通庶幾不辜衆德 布種上堂
插脚此個保社早起晏眠本圖克證慈心三昧那來
不安本分一向驅耕夫牛奪饑人食種麻不生豈饒
你白拈手段高強未必不爲因善而招惡果卽今山
前田地四址分明更不用叉手叮嚀鑊頭在底握何

慮不高處高平低處低平將來成熟一擔是兩籬雖
不能富及鄰封一朝被人索取廬陵米價喝一喝曰
也有個憑據 中秋上堂此事如秋月相似圓陀皎
潔光明無礙往來不剩空中之迹隱顯能分波底之
身無意追求自然一鏡當天擬心欲得徒撈萬古寒
潭不在明白裏供養也好修行也好未出燈影中吞
却也錯吐却也錯以手打圓相曰頂門若不具眼往
往認作這個退翁
詩嗣
楓涇貝葉有門新禪師平湖沈氏子示衆舉昔有菴
主於門上書一心字於牕上書一心字於壁上書一
心字後法眼曰門上不用書門字牕上不用書牕字
壁上不用書壁字何故字義炳然師曰書與不書總
是依草附木之鬼施主飯那有到你三人口裏要得
安貼家邦彈指曰退翁
詩嗣
天台通玄翼菴鄧禪師溫州永嘉葉氏子上堂通玄
峰頂風雲不次第不是人間日月有恒常心外無法
從他逼塞虚空滿目青山覓甚纖毫過患 上堂香
爐峰瑞靄瀾漫槁鼓洞圓音歷落有眼如盲有耳如

龔底到來作麼生與伊通個方便乃拈拄杖卓一卓

曰千年桃核裏原是舊時仁 小參手裏出來手裏

打口裏出來口裏打一僧出曰淨裸裸赤灑灑時如

何師便打曰某甲話在師復打曰這咬龔團漢

崇川東山善持取禪師邑之朱氏于上堂豎拂子曰

達磨來也眼目定動白雲萬里若問西來人事少頃

齋堂前驗取擲拂子下座 上堂拈拄杖曰神機獨

脫峻利貴於富仁妙用聲施放放全憑迅速若無起

死回生手段烏能常握法柄直饒一扇便了的漢到

這裏動則禍生還有旁不甘者家出來試踣跳看良

久顧左右曰石火電光逞機辨別者能有幾個連卓

拄杖退翁
儲嗣

天池大覺徵聖圖禪師崇川人小參人人鼻孔不讓

釋迦個個眼睛盡同達磨大覺要問諸人鼻孔眼睛

既與佛祖相同爲甚南山起雲北山下雨喝一喝曰

禹力不到處百川應倒流

退翁
儲嗣

蘇州南橋表雪淵禪師崇明黃氏子頌殃窟產難因

緣曰長者不奈船何瞿曇打破犀斗傳言送語這漢

來往苦張者口頌城東老母公案曰灼然同死與同

生却要拋離別路尋無奈冤家難擺脫眼前草木盡

逢春

退翁
儲嗣

五燈全書卷第八十六

五燈全書卷第八十七

京都聖感禪寺住持臣僧

超永

編輯

京都古華嚴寺住持臣僧

超接

較閱 進

呈

臨濟宗

南嶽下三十六世隨錄

靈巖雪菴狀伊致禪師上堂舉我此法門祇論見性

不論禪定解脫師笑曰大小祖師禪定不是性解脫

寧非見論與不論都盧泥裏洗土塊拈拄杖曰靈巖

祇者一條白棒撐撐個破落門戶果是咽喉備伺只

貴你吞得下便休不許鎖細齧嚼何也背地裏一下

百雜碎底往往撞到面前橫吞不是豎吞不是要得

吞吐自由全無留礙直須拈却當門兩個始得上堂默默無上菩提從此得饒饒萬福千殃從此消忍三世如來從此盡會得些三種語了好個不快活漢師大笑曰慈受慈受苦屈苦屈因自指曰此老前後住山相去四百年矣事到今日烹喝一喝打一棒曰爭好說到者裏祇要明取我本是個快活漢遂旋風打下法堂上堂問牆壁瓦礫是古佛心卽心是佛就地拈起一片曰禮拜是不禮拜是師曰不是情中法莫生種種心曰祖師言句是破草鞋春草如錐不著固好師曰上座莫巧點僧退師擲下拂子乃曰心不是佛智不是道有祖西來胡麻斯絞冷挨壁破走却一寶心智路絕值是好笑笑你癡禪波波尋討小參拈拄杖曰者漢天然孤露迴無蓋覆皮既不存毛將安附且不受他銷金鑲石之毀又何有乎攢花簇錦之譽琉璃餅子十丈珊瑚當門與汝一一打破著力不得處忍俊不禁迴避無門時無明滿肚更討甚名身句身寶几珍御乃顧左右曰還知他爲人處麼卓一卓曰要頭截取去小參實謂此事如王

字不加點的的真種何待鬧市裏因地一聲方才超羣拔萃不知從本以來天上天下瞻仰末由四海八埏全歸至化又說甚髻中珠朗肘後符靈乃擊拂子曰翻令力耕者半作賣花人小參拈起拄杖曰熱喫一頓白汗交流正眼看來如家常茶飯相似二時受用卽得舉似人卽不得雖然如是想起一聯舊話乃卓曰甜者甜兮苦者苦此道今人棄如土擲下拄杖退翁

蘇州陽山大慈補菴禪師鹽官袁氏子年十七知有宗門下事投靈隱禮薙染完具足戒一日聞禮罵侍者適有僧問佛法的大意禮推僧出方丈閉却門師從傍見駭然致疑經一載值佛日開爐師入堂誓以七日爲限極力參究至第三日晚聞堂中擊二板聲豁然有省偈曰腦後一匙觸體粉碎今夕何夕汗流浹背入方丈呈所悟禮問如何是你本來面目師曰兩板一聲鐘禮曰喚著竹筴則觸不喚著則背又作麼生師曰海枯終見底禮頷之師一日見靈巖語錄讀之恍然曰他日了我大事捨這老漢其誰與

歸遂上靈巖。儲曰：佛日所得的呈，似看師曰：爭好妄通消息？儲曰：也要大家知。師曰：只恐無人證明。儲曰：放汝三十棒。師曰：又與麼去也？儲大笑。師展禮。上堂：無開口處，是你得力處；好下脚處，是你轉身處。路上行人口是碑，是你親切處。快快與古人打個對同了好來，問你落花滿地歸何處？乃呵呵大笑下座。上堂：隔牆見角，便知是牛；隔山見烟，便知是火。無盡神通菩薩，因甚踪跡難尋？咳嗽一聲曰：大王來也。

上堂：左右顧視曰：還有唾面自乾的禱子麼？出來寶林與你作剎頸之交。僧出禮拜而起，師薰面一唾。問陌路相逢，以何爲驗？師曰：開口見膽，曰：不開口如何？師曰：啞的。問：虛空關不住時如何？師曰：揭簾須隨後手。退翁歸嗣

粵東山品崑禪師參靈巖儲，纔入方丈，見傍僧呈頌，古不覺礙膺冰釋。儲舉公案，逐一勘問了，無疑滯。儲爲助喜曰：吾道南矣。師呈偈曰：吾宗無語句，何事落言詮？猩猩能說話，鸚鵡巧徒然。古德留拈頌，令人長笑顏。蘸乾海水墨，那字寫真傳。退翁歸嗣

嚶溪廣福風遇谷禪師，崇川人也。小參六月壬申日，傳聞鬼過關，燈籠多捏怪，露柱却安閒，還有不落窠窟者麼？卓拄杖曰：烏藤三十下，寄打穹窿山。退翁歸嗣廣南寶菴邵禪師，粵之興寧人。上堂：實論此事，如王字不加點，百草頭上拈過一邊，開市叢中幾個夢見？不是今日壓良爲賤，只爲禪和子往往認著驢前馬後的依稀。越國彷彿揚州，良久顧左右曰：錢塘去國三千里。退翁歸嗣

北京鎮國山菴林禪師，海陵王氏子，母得異夢而生，長不茹葷，年十八，強之娶，不從，堅請出世，親固信，道欣然聽之。翦染旣乘夙願，居恒自疑子生，死去來乃腰包抵靈巖，入方丈禮謁。儲一見欣然，謂旁僧曰：此吾鄉阿蒙也。今執侍左右，堂中起精進，七師與其數，至忘寢食。儲鉗錘毒辣，師益奮勵，涕泣隨之，逾二七了無所得。胸次迫悶，偶值維那與僧舉臨濟三頓棒，至原來黃檗佛法，無多子處，廓然打失鼻孔，適儲落堂，師出禮。儲問：不與萬法爲侶者，甚麼人？聲未絕，師便喝。儲曰：好好問你爲甚麼便喝？師曰：老漢話頭也。

不識儲便打師拂袖歸衆。隨呈一偈。儲笑而領之。後以源流衣拂珍重記。萌出住姑孰乳山京都鎮國上堂。拈起拄杖曰。若是棒下無生。臨機不就。底禪僧。自然風雲聚會。雷雨齊施。法戰當場。爭先奪彩。向石火光中。伸出佛手。掀翻黑山鬼窟。紅旗影裏。展開驢脚。踢倒癩馬枯椿。說甚有句無句。如藤倚樹。是句亦刻。非句亦刻。直得倚天長劍。萬里神光。大用現前。全機獨脫。雖然如是。祇如雲門乾矢橛。趙州殿裏底。又作麼生。良久。喝一喝。曰。面目現在。上堂問如何。是十方薄伽梵。一路涅槃門。師曰。五里一亭。十里一鋪。曰。便恁麼會。時如何。師曰。崖州萬里。問牛頭。未見四祖時。如何。師曰。牡丹花下。蜂成塊。曰。見後如何。師曰。荊棘林中。鳥不棲。乃曰。霜明萬壑。月皎千江。紅霞縹緲。綠水汪洋。頭頭揭示。圓通妙門。一流通。正法眼藏。回頭轉腦。依然重疊。關山直下。知歸許你。縱橫獨步。卓拄杖。上堂。八月半。秋已中。樹凋葉落。體露金風。一輪明月。當空照。兩岸蘆花。對蓼紅。層落。落影重。重。無位真人。處處逢。良久。曰。是何面目。拍禪牀曰。切。

忌冬烘。上堂。一片白雲橫嶽頂。兩株紅葉覆清泉。不須更問西來意。流水滔滔下碧巔。者裏見得微信。得及諸方決定印。可乳山門下。未肯點首。何故。向上更有事在。上堂。盡虛空界。普明寺日月星辰。是學徒。一。面南看北斗。更於何處覓親疎。上堂。盡乾坤大地。喚作一條拄杖。眼中添櫛。不喚作拄杖。無本可據。直饒頭頭俱透過。脚跟猶未點地。在畢竟作麼生。道得恰好。河天月。魚生子。擲葉風。微鹿養茸。上堂。秋風涼。秋夜長。未歸客。思故鄉。流光眨眼疾。如電黃葉飄飄過短牆。風前獨立向誰說。天際飛鴻三兩行。上堂。問大雪滿長安。是何意旨。師曰。眼裏耳裏。曰。非和尙。見不到此。師曰。徹骨徹髓。曰。謹領。師曰。莫狼籍。問。一夜西風。滴水滴。凍。凍。凍。剗相逢。如何。出手師展手。曰。與汝個標榜。曰。請和尙尊重。師曰。俊哉。禪僧。僧掩耳。歸衆。師隨後。便打。乃曰。雪滿長安。眼裏耳裏。滴水滴。凍。徹骨徹髓。俊哉。禪僧。切忌掩耳。好個標榜。吾將誰語。擲拄杖下座。上堂。問以字不成。八字不是。聲未絕。師曰。是甚麼字。僧無語。師乃曰。以字不。

成八字不是童壽翻譯不來慶喜結集不到夫子一
總不知達磨却也不識惟有須菩提解空第一信口
道識識良久日向下文長付來曰上堂衆纔集定
二僧競出師曰住住曰一不做二不休師便喝僧歸
位師曰若不喝住無有住頭便下座上堂衆纔集
定師驚豎拄杖曰看看衆回首擲拄杖曰太平本是
將軍致不許將軍見太平上堂三世諸佛無中說
有沿山推出白雲來六代祖師有裏尋無就地拾將
明月去不涉二途作麼生理論自從春色來嵩少三
十六峰青至今上堂鎮國門戶大開一任縱橫往
來汝若停機佇思莫怪劈脊連腮且道作麼生是脚
頭得力底句良久曰夜來莫踏白不是水便是石
晚參若論此事如人暗中書字字雖不成文彩已彰
喝一喝曰汝等諸人切忌承當何故上一畫短下一
畫長達磨原不識孔子錯商量問杖林山下竹筋
鞭意旨如何師曰葛藤椿子到天界方丈從東過
西界曰探頭作麼師便喝界曰看箭師作倒身勢界
擬議師打曰將謂收燕破趙之才原來是問道小卒

問德山口似血盆牙如劍樹因甚被嚴頭授記師
曰逢人不得錯舉問如何是諸佛圓融之相師曰
有水皆含月無山不帶雲問如何是驚人句師曰
火燒鐵柱宮曰燒後如何師曰一場懺懺問大顛
擯首座意旨如何師曰打草要蛇驚曰同一叩齒諸
訛在甚處師曰王令稍嚴不許攙行奪市問趙州
道無意旨如何師曰苦瓜連根苦曰因甚又道有師
師甜瓜徹蒂甜曰道有道無是一是二師擗掌一下
曰三段不同收歸上科問牛頭未見四祖時如何
師曰樹密鳥爭棲曰見後如何師曰山空雲色淡
問如何是住地無明師曰胡僧讀梵書曰如何是根
本智師曰剎竿頭上風車子曰如何是塵沙惑師曰
一翳在眼空花亂墜曰如何是差別智師曰面南看
北斗問如何是親切句師曰低頭拾明月曰如何
是得力句師曰沿山推白雲康熙甲子師示疾辭
衆散衣鉢書籍命小師載月舟主方丈火浴入塔不
披麻不報喪不舉哀不延請封龕舉火常住事纖悉
不遺至十一月十三日午時沐浴更衣瞑目欲寂一

衆哀請偈言。乃張目曰。四大分張。不涉衆緣。風清月白。一任閒閒。生死無拘。應念現前。沿流不止。眞照無邊。拍碎虛空。火裏生蓮。端坐泊然而逝。壽五十四臘。三十五茶毗。頂骨舌根。不壞塔於寺之西北。乾方語錄四卷。行世。退翁 儲嗣

楓江永慶研菴遂禪師。小參拈拄杖曰。喚作拄杖子。入地獄如箭射。不喚作拄杖子。入地獄如箭射。且道。因甚如此。卓拄杖曰。謗斯經。故獲罪如是。退翁 儲嗣

蘇州堯峰山椒音禪師。吳文定公寬之曾孫。上堂。冬青樹裏破瓦鱗鱗。銀杏林中碎金灑灑。如何銀杏看冬青。不把碎金修破瓦。以手斫額曰。將謂覆盆之下。

上堂。長至日日。恁麼短短。至日日。恁麼長長。短難分。周漢尺空山。消得一爐香。退翁 儲嗣

蘇州興福汝晉輪禪師。海虞人。上堂。昨夜三更失却牛。今朝起來失却火。無位眞人急急奔。撞著燈籠沒處躲。下座攔住一僧曰。還見露柱麼。僧笑。師打曰。全不擔一點子。退翁 儲嗣

蘇州高菴惕方子禪師。長洲人。禮靈巖儲得度。一日。

侍立次。儲曰。何不下堂參禪去。來者裏瞌睡作麼。師曰。老和尚。何得開眼寐語。儲曰。大死的人。却活時。如何。師曰。某甲自幼不曾眼花。示衆有句無句。如藤倚樹。樹倒藤枯。一堆樁倒。拈拄杖曰。如今却在山僧手裏。移名易相。門戶別開。喚作拄杖。則觸。不喚作拄杖。則背。且道。畢竟喚作甚麼。擲拄杖曰。翻憶滄山笑。轉新。退翁 儲嗣

報慈序香成禪師。武陵陳氏子。頌臨濟三頓棒曰。芻狗吠花陰。霜禽啼殘月。啞子喫黃連。噎得眼睛突。退翁 儲嗣

南岳丹霞香林眞禪師。淮安人。上堂。揮拂子曰。瀟湘夜雨。復以拂子打圓相曰。洞庭秋月。山僧將一幅天然圖畫。盡情展示諸人了也。更有甚事。不明。重來者裏描邈。乃擲拂子曰。不如策杖歸山去。長笑一聲。天地。小參。夜來虱子咬人。更兼老鼠作開瞌睡也。不曾打個。忽然聽得隣菴打鐘。慌忙爬起。撒尿仔細思量。只討得一事便宜。莫是洗面摸著鼻頭麼。搖首曰。不是。且道是甚麼。不曾開眼做夢。退翁 儲嗣

吳江長慶古斯乘禪師。邑之徐氏子。上堂。到處不與人本分著落者。非丈夫也。到處與人本分著落者。其膠固不可勝言。所以吞下栗棘蓬。透過金剛圈。未容伊道殺佛殺祖。施大慈光。爲己爲人。後天惡口。老和尚曰。臨濟下火。發容得你。打開骨董箱。麼須向活潑中。張開正眼。則古今橫照。始無限礙。不然。宗門下事。掃地多時。以竹篋擊香桌曰。未到與麼田地。孤負參學初志。退翁錄

龍聽無用印在瓠。禪師宣城沈壽徽侍御之子也。舉鄉進士。因鼎遷。薙染參靈巖。儲得法。一日往壽古南門於破山門。獨不以例拒留。待七日。臨行。屬和洪覺範所製竹尊者詩。師遂應口曰。竭來頗見海桑枯。萬億身中第一癭。曼曼清音空實相。亭亭秀節迴凡夫。雲霞彩映琅玕實。鸞鳳聲驚燕雀徒。領取風光依座下。雉頭今許宿竿無。師常一衲湖湘。莫知所自。一日至虎丘甘露院。示微疾。同參來候。次僧出問。路逢道伴交肩過。如何相待。師曰。難爲識者。又問。大徹底人本脫生死。因甚命根不斷。師曰。病入膏肓。又問。和

衲身後有何指示。師震威一喝。跌坐而逝。退翁錄

鳳巢威菴及禪師。泰州人。上堂。伐鼓鳴鐘。特爲說破佛法商量。世諦流布。良久。拍案曰。是甚奇貨。便下座。

小參前三三乾坤之內。後三三宇宙之中。豎拂子。

顧左右曰。誰知席帽下元是音慈人。退翁錄

荊溪南池冬杲亮禪師。上堂。正法眼藏。豈由言顯。長

空皎月。何待指標。然非指標。何以見月。驀由言顯。焉

得正法。到這裏。必眞參實悟。始入其微。諸禪德果欲

參禪。衆不在多。利不在大。設使衆滿河沙。無非關熱

門庭。剎遍大地。所棲不過一枝荷。能脚跟點地。一可

當十。便能向藕孔裏現大神變。微塵中轉妙法輪。始

足稱超佛越祖。是以臨濟於溥沱河邊建立底。也不

過應。今時節。薦豎拂子曰。山僧今日立地待汝。搆去

果得與麼地。許你大唐國裏。捏怪其或尙留觀聽。護

汝去也。隨擊一擊曰。菴畫溪聲同。瀚海大珠山色共

彌盧。示衆。週視左右。以手點胸曰。這漢生平祇解

著衣喫飯。往往聞說佛法二字。如風過樹。似水澆石。

今既事不獲已。舉揚一段話。與現前大衆結個股。若

緣不意中途勁風嚴霜一時打失了也。雖然賴有拄杖橫按曰：從門入者，不是家珍。從緣得者，永無退失。你道迦文老子觀明星而悟，是從門入。耶是從緣得。耶。薰豎拄杖曰：木落霜寒，滴水滴凍，拶破晴空，天驚地動。上堂：鬧市裏識得天子，禪地効百草頭薦取老僧。瑞彩天呈，乃顧大眾曰：適來鐘鼓未發，大家早合。乘時既爾，擁簇上前，領取新年佛法，遂擲下拂子。上堂：露滴千巖月皎，萬壑達磨緘口。冷地摩挲拍几一下曰：阿呵呵。好大哥烹釀茶，劈菓蔬。退翁
江陰靜寧力菴蔭禪師。通州邵氏子，參靈巖儲值茶次。儲問師曰：茶碗裏有甚麼？師曰：某甲何物用挂齒？牙儲曰：力子。師近前問訊曰：和尚萬福。僧舉南院凡聖同居時，如何？院曰：兩個猫兒一個獐，是何意？旨師曰：分付維那直歲，不得共居一處。退翁
湖州極樂飲曉濟禪師。郡人也。上堂：舉先靈巖上堂。凡僧出問，但答曰：是甚麼？衆罕契旨。師曰：蝦蟇吞月，舌頭大芥子投針眼，界寬且道還契旨麼？遂展手曰：今朝又是風起。立春示衆：鞭起泥牛走，陽春和者。

稀鑊頭活計，從今別翻轉乾坤第一機。退翁
嘉興妙湛尼寶持總禪師。郡之金氏女。隋州太僕之冢媳。夫亡脫俗，力參有省。靈巖儲問：趙州洗鉢孟話，作麼生？師曰：賴有行者在。儲曰：爭好倚重別人？師曰：若不如此，誰知不分內外？儲頷之。住海鹽南詢上堂：十八上解作活計的一頭水牯牛，無處著落。代曰：遞過索頭來。又曰：十八破家散宅的，因甚七觔衫子？至今卸脫不下代曰：久矣。無人說到這裏。示衆舉俱胝和尚凡洲人問：祇豎一指示之。師曰：俱胝一指頭千古曾無對。可憐懵懂禪，至今不警地。若警地，萬象森羅無出氣。退翁
靈瑞尼祖揆苻禪師。湖州李氏女。具大智慧，得法靈巖。儲一日到山禮覲，儲曰：有人問靈巖佛法，你如何抵對？師曰：爭敢觸忤和尚？儲便喝。師曰：實謂今古罕聞。次日辭行，儲曰：昨日公案還記得麼？師曰：某甲只解瞻前不解顧後。儲曰：何緣得到與麼田地？師曰：深願和尚一問。儲曰：原來忘却。師曰：不道口是禪門。上堂：西風一陣來，落葉兩三片。狼籍祖師心，匝地無。

人見常履踐芒鞋步步踏黃金佛法原來如土賤
村塲上堂一幅酒旗風數點杏花雨村路少人行祇
有黃鸝語竹籬茅舍別是乾坤石室蒲團渾忘今古
富貴不用誇矜貧賤何須愁苦何故好信騎牛勝跨
虎退翁
儲嗣

玉峰靈峙尼仁風印禪師崑山顧文康公從孫女
上堂老胡于正覺山前無端捏目生花引得四七二
三華言梵語紛紛紜紜二千年來費盡許多生受更
無一人爲伊勦絕而今把柄落在靈峙手裏普天之
下誰敢道個如何乃顧左右曰且道靈峙著甚緊喝
一喝曰劍爲不平離寶匣藥因救病出金餅小參
靈峙二十年來橫草不敢拈豎草不敢踏任是諸方
開浩浩時我這裏只是靜悄悄地一時錯脚踏入靈
山會裏被現坐道場這員古佛將個無文印子面門
一割直得通身是手拈不下通身是口道不出冷地
追思祇合慙愧願大衆曰祇如節文且道在甚麼處
衆默然師曰今日失利退翁
儲嗣
澄江張有譽大圓居士號靜涵萬曆己未進士官戶

部尙書初見玉林琇問浩浩塵中如何得本琇曰屬
士這一問從那裏來士無語琇曰昔雲棲雖不主張
宗門而指示人參究却甚諦當須看這段光明何處
流出於此著眼便是得本捷徑士曰如何用功琇曰
這個却代居士不得後鼎革往參靈巖儲言下有省
遂曰生且妄何死之足云輒絕粒儲曰吾道有大於
此者子既於中有會正當拈已所知嘉惠來學徒不
忘溝瀆效匹夫匹婦之諒豈相期之意哉遂執侍山
中二十餘年康熙己酉九月晦士示疾上靈巖作別
歸卽病篤儲親往視士曰年活八十一更復何云祇
愧二十年來不曾上報法乳儲曰放下著士點首曰
真大慈父真大慈父次日姪女尼曰伯伯一生參學
向上提持正在此時士喝曰看脚下少頃謂左右曰
佛法世法一齊放下了也便脫去退翁
儲嗣
偏沉巡撫周召南字晉侯號衡齋三韓人也初問道
于德山賦覺有省後讀靈巖儲語錄於言無展事語
不投機句下得旨湘西高峰建利延儲請益一日問
儲曰既是羅漢爲甚麼却作牛去儲曰小出大遇士

呈頌曰。孰爲羅漢。孰爲牛。莫誤寒山老趙州。借問蒼天何處是。休誇嶽麓對湘流。退翁詩

諸嗣

圓通九一西禪師。山行值一居士作禮。師曰。居士高姓。士曰。姓葉。老師高姓。師曰。我不姓葉。士曰。高姓。師曰。與你同姓。士曰。又道不姓。葉師曰。姓葉的不是你。問機鋒轉語。還有操履也無。師以手拈舌曰。你道我舌上有多少脚板跡。僧禮拜。問出門便是草和尚。因甚到此間。師曰。白雲橫谷口。曰。恁麼則月映千江海。納衆流去也。師曰。遊子却迷踪。曰。也是七花八裂。師便喝。僧亦喝。師休去。潭吉忍嗣

汝州龍牙峻明禪師。上堂舉首楞嚴曰。汝但棄其生滅。守於眞常。常光現前。根塵識心。悉皆消落。焉拈拄杖卓一下曰。飯袋子。便恁麼去。龍牙路見不平。直爲天下後世作個指南。擲下拄杖曰。莫妄想。晚參。盡十方世界。是一口劍。亦能殺人。亦能活人。且道把柄在誰手裏。焉拈竹筴曰。負命者。却來一時生按過。碩機聖嗣

潭州益陽鳳山西峰雲腹智禪師。蜀之渠縣李氏子。

幼投六度剃染。初遊講席。因聽法華。恍然有入往參象崖。斑入門便問。從天降下。卽不問。就地轉身。事若何。斑曰。脚跟下。好與三十棒。師於言下大悟。住大足上堂。舉天童悟老人曰。當頭一著。坐斷要津。纔然側耳。喪却家珍。從來佛法。不順人情。師曰。天童老漢。大似誇貴賣賤。殊不知早順人情去也。時有一僧出。便喝。師曰。你這一喝。是喝天童耶。喝山僧耶。僧擬議。師直打出。小參。春至花開。俱俱漏泄。非青非黃。非赤白。珍重。關黎仔細觀。莫隨眼去。妄分別。妄分別。葛藤有話。無人說。喝一喝。康熙癸丑五月廿七日。師告寂。索筆留偈曰。破屋一把火。灰飛地絕。塵露出鐵牛。機應物任隨行。象崖斑嗣

洛浦慧月寂亮禪師。參字水拙。舉昔年某甲在天童。問明老人。向上一著。千聖不傳。意旨連遭痛棒。至今不省求和。尙開示拙曰。輕舟浮水面。師於言下豁然頓悟。便禮拜曰。喜得今日。問過。字水拙嗣

廣福大儀觀誰禪師。參字水拙。於指月拙問鼻孔。向下垂眉。橫兩截。作麼生會。師禮拜起曰。某甲不敢。

觸忤和尚。掘然之。字本掘然

潭州白鹿嗣昌裔禪師。上堂。當陽薦得管教。越古超今。格外知歸。始信全機大用。若是尋言逐句。誠然掠涕唾的。聲塵倚識。停思大似立地。個死漢。衆中還有絕情量者麼。有則共山僧出一隻手。不然。山僧自拈自弄。雲裏夏久。揮拂子曰。幾經霜雪。幾經寒。幾度逢春。幾度權。昔日萬峰咳嗽。病今朝咳與衆人看。咄咄。

咄咄舟月

東川新寧聽雪樂禪師。參尼足。瀾值上堂。舉如何是祖師西來意。庭前栢樹子。怎麼會便不是了也。如何是祖師西來意。庭前栢樹子。怎麼會方始得聲。未絕師出。撫掌曰。是不是。瀾便問。作麼生。便是。師曰。幸有這個在。瀾曰。這個是甚麼。師又撫掌曰。是不是。瀾領之。尼足寶嗣

鼎州德山語嵩裔禪師。蜀巴渝人。上堂。大眾議這殿機緣麼。僧往歲在黔三處開堂。不識好惡。拈條白棒。佛來也打。魔來也打。見者聞者。望崖而退。於是散衆逃名。因竹帆師叔命住此院。較定牙關。並無法說。

習氣不除。問者痛與一頓。喚作棒入地獄。如箭作道。理商量入地獄。如箭於此。會得大事。已畢。苟或未罷。切須努力。師至天童。掃悟祖塔。遠菴。留師分座。說法。一日。忽告衆別。說偈坐逝。僮爲舉掩。龜偈曰。三千里外孤筇至。萬指叢中撥手歸。海嶽一時俱慘澹。法門千古長光輝。雪臂機嗣

辰州龍山顯秀悟禪師。巴渝長壽黃氏子。上堂。至理無言。明眼者鑑。眞機獨露。通達者知。若以禪會。特地乖張。不以禪會。當面踉蹌。過於斯。薦得便見大道坦然。風行草偃。敬樹相嗣

五燈全書卷第八十七

五燈全書卷第八十七補遺

臨濟宗

南嶽下第三十六世隨錄

龍潭天逸超禪師。上堂。乃喝一喝。因這道眞言傳來。

多少時也祇爲年深日久看不清楚以訛傳訛竟無靈驗。今因檀越登請特特考鐘伐鼓出來爲汝諸人證據。連喝兩喝曰：以後不得忘却。上堂：嶽峰七十二對揚有準，湘水三萬頃吞吐無私。你輩從甚處來？亂雲堆裏踏得七凹八凸，行盡驢脚馬脚猶自倚他門戶。傍地牆却被世人喚作郎山僧，不忍坐觀大開兩扇，使你娘生兩隻終不虛棄。喝一喝曰：這裏入得一任獨步大方。上堂：龍潭今日也如是，明日也如是，乃至後五百歲經歷恒河沙劫恒河沙數諸佛異口同音亦復如是。卓拄杖曰：如是之法諦聽諦聽。翁退

花藥字雲蹤禪師小參竭力爲舉揚舌頭元不動，悄地忽翻身打破黑漆桶。五五與三三顛倒生惶，恐慌忙拈起六不收，却向夫子門前問孔丘。無端將個一不立，贊他頂羽樊噲面如漆。薦顧左右曰：會麼？好吟野興詩千首，消得僧堂白晝閒。春暮土堂大道分明，誰能解了綠水青山春深更好。百般鳥語在林間，聲喚聲呼須及早。杜鵑啼血春去了，鷓鴣苦切肝腸。

倒提壺提壺嘴自多，盧郭公郭公明以告公。鴉鳴鴉鵲鳴，鵲早暮庭前爲驚覺。拍禪床云：山僧有口不如他。小參：流水白雲中，幽禽數聲喚傾盡。祖師心莫言少方便。上堂：有大方便，依如來出現。如來出現，依無礙慧明了法。且道無礙慧明了法，又依個甚麼。良久曰：龐公簞籬，清平木杓。上堂：黃梅落地宛然。公子遺金彈，春草鋪階儼若佳人疊翠。豈且道是境耶？人耶？切不得道刁刀。莫辨魚魯參差。問：泗洲大聖是什麼面目？師曰：一聲漁笛在滄浪。曰：幾乎陷在聲色堆裏。師曰：關市裏石老虎，雖不驚人却怕人。問：向上一路乞師指陳。師曰：羊公碑在峴山亭，曰：如何領會？師曰：讀者攢眉。僧參次，師曰：你屈作什麼？曰：甚麼處是某甲屈處？師曰：轉見不堪。曰：屈屈師打。曰：雖然自首三十棒難免。師住能仁，曰：有僧問和尚：近日因甚不說法？師曰：畫溪山外竹鷄啼。僧參次，師薰面一唾，僧無語。師展手曰：還我一唾來。僧又無語。師便打出。問三世諸佛因甚不知有師？曰：鼻深眼大。曰：狸奴白牯因甚却知有師？曰：骨瘦毛長。翁退

雲獅

雲獅雷水石谷慧禪師合州江氏子。開法雲獅雷水上堂。慧燈燦地。文焰燭天。雨色交輝。光彌劫外。試問諸人。會麼。會得鼻孔。雙垂眉。八字。種時伸隻手。向無底船上。扶櫓把柁。游浪苦海。度盡衆生。究竟無一衆生可度。只得與大肚老漢。把手呵呵。始知別有一場富貴。後居成都松鶴院。于庚子四月朔日。示微恙。說偈辭衆。潦倒孤硬石頭。漢返復婆娑千萬遍。來如枯木上春風。去如秋月中閃電。有時諸佛毛孔裏。安眠有時劍樹刀山上。出現萬里雲霄喝一聲。不比尋常轆轤鑽言訖而逝。象崖

曲靖東山余山瑞禪師廣安人。嗣法象崖。上堂。乾屎橛。憑空拋出一團鐵。打破諸人熱面皮。只得有口難分說。赤脚波斯入大唐。東海鯉魚先漏洩。紫羅帳裏撒珍珠。笑殺胡僧牙齒缺。顧左右曰。無位真人在甚麼處著。上堂。千手千眼。箇大悲。照徹人間。是與非地。軸全提超萬象。獅絃音韻透須彌。衆中還有當機者麼。顧視左右。卓拄杖下座。癸亥夏住雲南曲

靖府東山寺示寂世壽七十四。塋于本山。象崖

巴縣

巴縣竹林紫芝藏禪師巴縣張氏子。披剃于大峨參靈後。昌巾瓶有年。印可後。開法竹林寺上堂。坐斷天下人舌頭。孤危峻峭。打開如意輪寶藏。境智歷然。以一心爲無量心。示一法卽一切法。願使人人不昧原來法法。現成。千百年古柏恒新。億萬載流金掩映。雖然如是。抑且罕遇知音。作麼生是知音者。睹堂去後。無相識誰料圓公今日來。上堂。豎拂子曰。高高無外。深深無際。人天根本。祖佛淵流。昆蟲草木。鳥獸龍魚。莫不承此威光。各見本來面目。惟有竹林獨脫一路。迥出衆流。于無言處。顯言向無用中。發用能使魔王拱手。雲水歸心。著著明本來機頭。頭彰奇特事。見如何是奇特事。參靈後

南浦天圓耳毒泰禪師長壽徐氏子。弗諳細務于世。邈然破老人常呼爲布袋子。嗣法于敏樹。相上堂。大陽溢目。萬里不挂片雲。秋水澄清。一淵能涵衆水。龍吟霧起。虎嘯風生。觀井觀驢。日面月面。栗棘蓬金剛圈。乾屎橛。麻三斤。都盧放在一邊。直向佛頭上著屎。

◆粟下佚失
二十字詰二
十行

獅領下解鈴者是甚麼人不離當處常湛然。實則知君不可見。上堂。霍曇三大藏用盡機謀。老子五千言。做盡伎倆。拈來用不著。何必苦思量。若向威音已前。薦取大似銀山鐵壁。一鎚擊碎。拋在巨海。不存粟堂。爲因出世緣。隨事立賓主。不落套頭禪。養成戴角虎。珍重脚跟行。中途莫莽鹵。山僧恁麼道。憐兒不覺醜。還有識機宜。具正眼者麼。良久。喝一喝。敏謝相嗣

夔州府開元繼初尙禪師。湖廣宜都陳氏子。年二十。禮映虎披剃。入鳳凰山。住靜。誓曰。若不發明。永不下山。木食澗飲。幾五年。一日。因倦危坐。不覺夜半。恍若山崩。有聲駭得通身汗下。豁然無礙。遂下山。詣雙桂明處圓具。後造敏樹相。而受印。可住開元上堂。雲從龍風從虎。一道寒光。天地普蔭。花向日傾。柳絮隨風舞。新長老到來。且應時機。只得順風把柁。見兔放鷹。有時恁麼人。間天上有時不恁麼。水泄不通。煮拈拄杖曰。且道把斷要津。一句作麼生。道喝。一喝曰。官不容鍼。私通車馬。敏樹相嗣
萬壽曉元濟禪師。隆昌劉氏子。因讀大珠錄。至眼似

眉毛道。始寧決志出家。首參雙桂明契。旨後從澹竹密印。可開法。萬壽上堂。拈拄杖曰。威音王已前有者。箇消息。大悲千手摸不著。威音王已後無者。箇消息。盡大地人。顛躑不起。正恁麼時。擲瞎摩醯。眼睛穿却。諸人鼻孔。且如何道得分明去。良久曰。山僧罪過。澹竹密嗣

錦官草堂吼一等禪師。榮昌王氏子。嗣法于澹竹密住。錦官草堂寺。上堂。一回春。又一回。新漫把家私說。向人眼裏有筋能見色。耳中何處得聞聲。魚行不動。水鳥飛不挂雲。打動禾山鼓。扶起破砂盆。以手作扶勢。曰。看看。上堂。滿水潭中。浪拍天星。星漁火簇。漁船竿頭。絲線垂纖餌。破浪金鱗。何處潛。以杖作釣勢。曰。有麼有麼。澹竹密嗣

新都慈壽克裕印禪師。渝州丁氏子。自幼出塵。機契大隋密。遂印證焉。住新都慈壽。成都草堂。上堂。柳栗橫擔入草堂。龍驤虎驟正春陽。且無涼德光先祖。引水澆蔬待後郎。澹竹密嗣
新都寶光從谷習禪師。安福人。少混戎馬中。拓落有

大志參澹竹密以嗣法焉。主新都寶光上堂。正恁麼時。絕點塵阿誰能識。舊時人堂堂覲面無遮護。擬議

思惟萬里雲。澹竹密嗣

綏陽禹門溪聲圓禪師。平山人家。以世襲常爲廖中丞。營將因闖寇犯蜀。不識始創。染隱于綏陽山中。居無何。火庵參丈雪。醉圓具總院事。數稔。受付開法上堂。從上來事。坐不當堂。歷代與慈行不出戶。不獲已。祇得向虛空掘洞。開第二義門。拈椎豎拂。棒喝交馳。或松根掃地。或街頭等人。乃至張弓擎叉。吹毛輓毬。山僧雖是他家種草。畢竟不向者裏藏身。喝一喝後。徒平武示寂。收骸襯塋于昭覺祖塋之左。丈雪醉嗣

長松靈峰端鼻萬禪師。內江郭氏子。因聽楞嚴。疑常住真心。屢求決擇。未有所入。上白雲洞。夜夢異僧。髮如銀。撫掌三下。曰。急急念。佛。寤作偈曰。夢感異僧。撫掌來。彌陀歷歷鑄心臺。回思恩愛情塵路。伐性斧斤漫剪裁。遂下江安蟠龍參。變柱明。每叩心要。參丈雪。醉于白牛山。圓具侍從。過禹門。閱天童密祖錄。中有進退之語。礙膺三年。一日渾然如夢。忽醒了無礙。

滯作頌曰。進退之中。兩重關。英雄多少。困其間。明明有路通霄漢。不是前三與後三。卽蒙印可。識關長松靈峰衆請陞座。堅辭弗許。志喜遊覽。觸境逢緣。輒成偈語。其略曰。孤峰鎮夜境寥寥。入戶寒風不暇逃。寓富於持嫌富少。居貧守素樂貧高。珍饈何似黃精沃。麗服無如百結袍。普應萬機歌雪曲。海天一色快吾

曹。丈雪醉嗣

金川高峰懶生昇禪師。榮昌簡氏子。參禹門醉機語。相扣而受記。萌主金川高峰上堂。一向抱拙安貧。今朝遮掩不住。雖然露醜。萬端務要諸人照顧。且照顧箇甚麼。拂一拂曰。山頭老漢強推出。走向人前都不顧。笑殺當年面壁翁。亦窮到底嘴生。僕喝一喝。康熙乙丑正月八日示微恙。端坐而逝。闍維收堅固。子如菽伯什似粟者若干。嗣法門人竹友芥腹。費回維源高峰建寧堵波壽七十四。臘五十二。丈雪醉嗣

昆明香國大憨我禪師。蜀南何氏子。嗣法于禹門醉佛。誕上堂。自從結却龍湫舌。容貌居然天下絕。本是護明初度時。恍如舍脂離金闕。玉樓人見且風流。猶

倚紅羅扇遮月。不是男兒不黑心。男兒只恐心無血。
縱然洗見骨頭來。其髓何曾及時徹。丈雪醉詞

晏陵洪山。愁月聞禪師。台州黃氏子。嗣法于昭覺。醉
上堂。塗毒鼓當軒。擊一曲。橫吹無孔笛。匪地人天。普
集來。坐斷十方明。歷歷藤條不。比洞山麻。穿過陝府
鎮牛鼻。嘉州大象痛。含冤裂破元機。沒意智。昆蟲草
木。遍回春。大地山河。歸武庫。山門八字。泊天開。凡聖
交參。誰獨步。結夏上堂。三月安居。九旬禁足。古之
今之。倚門傍戶。平地干戈。孫臏賣卜。又何妨。播鼓敲
鐘。請山僧拈椎。豎拂。盡說結制上堂。難瞞人天眼目。
丈雪醉詞

成都昭覺佛苑綱禪師。內江李氏子。廿齡于禹門。醉
會下。削染巾瓶。廿稔兩下吳越。堯峰容座下。圓具歸
靜明。始印證。命主昭覺上堂。通方上士。鑒在機先。靈
機密。運情量。超然星持。漢地月落。楚天所以目前。消
息非口耳之所傳。看他從上諸聖。千種喻。萬般言。用
盡機輪。徒枉然。若要深深海底立。直須打破上頭關。
且道。用何伎倆。良久曰。挨落須彌。如覲芥鞠。來不礙。

剎那間。上堂。住持一稔來。逢冬兩結制。開口泄天
機。舉目露眞智。不唱言前機。豈談句後意。等閑築著
鼻孔頭。鐵眼銅睛。覷不及。遂豎拄杖曰。有定亂劍。四
海晏清。放下拄杖曰。無白澤圖。千魔斂跡。祇如報恩。
一句作麼生道。軒昂宇宙。當風掛萬里。河山壯帝畿。
丈雪醉詞

雲南開化半生裏。禪師南隆人。廿歲于給孤寺落髮。
聞丈雪醉開法。興元躬禮參究。侍隨有年。遂蒙授受。
住滇之北。勝州開化上堂。棒打石人頭。玄黃滿面。羞
瞠著玲瓏眼。驚起碧天流。橫披千丈月。親登白玉樓。
雲煙縹緲處。山水共悠悠。上堂把住。則牢關緊閉。
佛祖難窺。放行則北斗藏身。眞風遍界。舒之卷之。盡
大地撮來。如粟米粒。大瞻之仰之。無處不是。諸佛心
髓參。小參乘槎。誤入斗牛橋。壓破虛空。不假撈珍。
重風雲齊著力。無鐺鎖子兩頭搖。丙辰佛誕日。無恙
而逝。茶毗。獲五色舍利數十顆。壘塢于青門寺右。
丈雪醉詞

閩中艸堂壽雲實禪師。本邑楊氏子。參丈雪。醉于堂

堂契機印證命繼席上堂德山棒臨濟喝石鞏張弓。
道吾舞笏雪峰毬普化鐸驚起楊岐三脚驢踏倒三
山并五嶽呵呵呵好大哥也好現前蒸面唾 解制
上堂今朝正月十五行者槌鐘擊鼓分付山門大啓。
放出玄沙猛虎踞地爪牙斑斑觸發氣吞佛祖遂震
威一喝曰猫兒偏解捉老鼠 丈雪醉嗣

遵義府禹門寺半月涵禪師鄰水人廿歲于丈雪醉
處落髮後參雙桂大死一番如夢忽醒仍旋昭覺印
證禹門請繼席上堂玄機一唱只貴知音祖印高提
流通正眼演無生之真乘恢彰本有樹迦文之赤幟
揭示當人學道如登山直須到頂學道若行船直須
到淵至頂方知宇宙之寬廣到淵始覺湖海之淺深
所謂參須真參悟須實悟學者偷心不歇門外打之
遠反各禪道不靈驗寢食俱捐偷心放下啐地折爆
地斷無量劫來生死根本一照照破天下善知識不
奈伊何正好于涵上座手裏喫棒何故不是一番寒
徹骨爭得梅花撲鼻香 丈雪醉嗣
昭覺記室問潮嶼禪師鄧陵李氏子齟齬出家參徧

諸方末見丈雪醉于鶴乘記寮三十餘稔昭覺記荊
元旦秉拂上堂一人有慶八表寧謐冷煖相參淡濃
吐翠雍熙振振齊棒曰肄業蒼蒼雨露中時節既如
此物我悉皆春不屬陰陽造化奚假陶鑄功助羣荒
不藉東皇力爭得從容吐異香豎拄杖曰既不屬陰
陽造化又不逐新舊逢迎畢竟如何趨向喝一喝曰
還知麼四海揚眉歌舜日萬靈低首賀堯天 丈雪醉嗣
青城鳳林竹浪生禪師定遠王氏子廿歲于有餘師
處薙染上雲峰體宗寧座下圓具後歸昭覺而嗣法
焉遂入青城鳳林閱周三藏康熙辛酉醉命回昭覺
繼席結制上堂光透三千界明暗莫能該智出聖凡
情形名總不立不墮有無堦詎落于諸數 上堂峰
巒疊翠竹樹呈祥碧澗雲生霜花競秀元來現成公
案何勞掘地討天若是此中人須行此中事若行此
中事須是此中人卓拄杖曰都向者裏薦取 立春
上堂春晝明春風清春山秀春水平鳥語呢喃凍雲
殷殷化育流動不假經營有眼共見有耳同聞召衆
曰大衆者般境界既是共見同聞因甚麼十箇有五

原书缺页

原书缺页

原书缺页

原书缺页

如夢幻。但以不遇明眼人。指撥爲恨。幸遷居成都。詣昭覺參禮。曰。某三生有幸。望和尚究竟。醉曰。今日不開。遲日再來。士曰。豈無方便耶。醉曰。居士禮拜老僧。舉手那裏無方便。珍遂命參狗子。無佛性話。不以富貴兒女。二其心力。參不輟。久而有省。上昭覺機緣相契。而記荊焉。偈曰。參禪參到無巴鼻。沒巴鼻處正好參。明鏡當臺。天氣靜。金剛劍出。斗牛寒。丈雪醉嗣

歸義純愚機禪師。上堂。獅子奮全威。象王難回顧。西竺祖師心。東土密相付。且道付箇甚麼。冬到梅生節。春來樹掛衣。上堂。沒得說。說箇一字。也是多春風。不言花開早。日月不言疾如梭。人生急須回頭看。石火電光易消磨。一片古錦含春象。却被東君漏洩何。問如何是奪人不奪境。師曰。嚴霜覆枯木。星斗照銀河。曰。如何是奪境不奪人。師曰。嘉福峰高藏北斗。赤身童子上長街。曰。如何是人境兩俱奪。師曰。正令當行。佛祖不立。曰。如何是人境俱不奪。師曰。斜陽連海岱。秋月印長空。丈雪醉嗣

蘇州堯峰與福過庵禪師。元日上堂。王登寶殿野老

謳歌。玉管裏吹出法身。有體有用。金箏上撥開智眼。雙暗雙明。衆中有透通頂門一竅。底方許把手共行。良久。揮拂子曰。須知毫端裏動處。有來由。繼起儲嗣

潭州南臺黃度裕禪師。示衆。春風吹啓竹籬門。水漲瀟湘沒舊痕。吐盡南臺肝膽句。就陰樹影看魚吞。

小參。魯祖面壁。鬼家活計。普化搖鈴。驚天動地。或隱或顯。由爾播弄。敢保未曾夢見。向上巴鼻。拍禪床下座。小參。如來禪。祖師意。諸人者會也未。以手劃兩

劃曰。湘潭雲盡暮山出。巴峽雪消春水來。繼起儲嗣

撫州樂安白雲可翁潛禪師。字匡葦。梁溪李氏子。幼業儒。有穎悟。及納娶。無何忽嬰大病。一念回光。作出度存三十韻。別內子投西林。佛峰出家。依雲居顯圓具。日不三餐。夜惟長坐。徧遊江浙。莫契心宗。後於巴陵舟次。謁退翁翁一見。卽以大器期之。乃侍翁回堯峰。師一日曉坐。忽憶玄要頌一句。明明該萬象。自計是什麼句。怎麼奇特。能萬象該通。褰衣覆膝。便覺膺礙釋然。自得縱橫。施設無不合宜。服動五載。出世示衆。楊岐乍住屋壁。疎葉縣從來鹽醬。無深愧葦來潛。

道者一時標揭兩規模繼起

儲嗣

巖頭鏡人眼徹禪師。蘇州陸氏子。卽歲依古柏落髮。依年具戒。參靈巖儲。居三載。有省。呈偈曰。黃鶴樓前。鸚鵡洲江。波潑出有來。由不消拳。壓與脚。踢直令高。吟住上頭。出居巖頭上堂。希有希有。綠水青山。是不請之友。鳥語溪聲。激揚佛祖。心髓絲毫。不苟事得。理融。攔腮。擲口。標榜人天。不彰好手。理隨事變。拈花。摘柳。金色頭陀。破顏後代。通相授受。沒量大人。出乖露醜。若要向上。提持切忌。瞻前顧後。隨拈拄杖。卓一卓。康熙乙卯六月十一辰刻。忽辭世。曰。吾年四十四。幻質今朝畢。侍者更乞示誨。師曰。沒閒工夫。更爲汝說。侍涕下。師震聲一喝而逝。塔留山之南嶼二里。許繼起

儲嗣

鄂州巖頭訥揆乘旦禪師上堂。若欲播揚大教。先須水泄不通。鉢裏鋼砂匙邊木札。敲著飽餉。高唱摘楊花。乃顧大眾曰。爲復是大統綱宗中事。爲復是百不思時底句。卓拄杖下座。繼起

儲嗣

南嶽琴山成張禪師上堂。乃拈拄杖曰。掣電之機。匪

憑隨事哆啞。好思之。儔那許沿牆躲閃。劃湘水斷手。脚試趨南嶽石頭。踏岳陽船。伎倆渾忘。洞庭波浪本爾。隨身竿木。烏堪作戲。逢場卓一卓。曰。當下薦得爾等也。沒量罪過。張上座也。沒量罪過。師因疾退院。東歸至九峰度夏。凡八閱月。雖極苦毫。不示病容。一日。索浴。端坐匡床。大喝一聲而逝。塔於九峰。繼起

儲嗣

信州貴溪柏岩楚嶽禪師。龍游童氏子。上堂。長至日。日恁麼短短。至日日恁麼長。長短難分。周漢尺空山。消得一爐香。繼起

儲嗣

涪州瑯琊肩遠鐘禪師。晚參喝一喝。我一往不肯學。人皆看得慎重。其不知截無始生死。命根豈草草開口得底。復喝一喝。曰。若會得這一喝。猶較些子。又喝一喝。曰。到這裏是不是。揀點得出。方能明此。仍喝一喝。曰。雖然。如是不見道。毫釐有差。天地懸隔。你諸人分上。又作麼生。良久。曰。老僧罪過。晚參。禪僧分上。本有一段因緣。大事不要老僧開口。搆得一肩荷去。猶較些子。及至側首視聽。得來錯過多少時也。衆中還有恁般人麼。若有出來喫我手中棒。若無。今暫且

打箇退堂鼓。晚參乃拈拄杖曰。喚這箇作一物。則老僧罪過。不喚他作一物。難道拄杖子罪過麼。祇如喚與不喚。時如何。良久。擲下拄杖曰。罪過罪過。上堂。舉不顧絕差互。疑議思量。何劫悟大衆。只須抖擻著精彩擔當。不是等閑處。喝一喝曰。惜取眉毛。諸翁退翁

五燈全書卷第八十八

京都聖感禪寺住持臣僧

超永

編輯

進

京都古華嚴寺住持臣僧

超揆

較閱

呈

臨濟宗

南嶽下三十六世隨錄

貴州雲臺南濱宗禪師桂水畢氏子。禮萬峰薙染。受印敏樹相。上堂。雲臺峰頂。迴絕人間。提持衲僧。向上巴鼻。剖露佛祖。元要機關。目視左右曰。正當恁麼時。截羣機於掌握。挂寶劍於眉端。三世諸佛。見而忘鋒。結舌歷代祖師。聞而飲氣。吞聲功高千聖。壁立萬仞。正今既行十方。坐斷到此。方知便有向上一路。且

道向上一路。作麼生前峰。高出斷鴻外。把手無人誰共行。敏樹相嗣

城都聖壽真如空谷澄禪師蜀忠東楊氏子。看萬法歸一話。有悟入處。往謁萬峰。明曰。此處無佛法。至此何爲。師曰。某甲有佛法處。不住明笑曰。隨衆作務去。因世變師入七星山。八載參徒。益衆師每日提持本分衆曰。和尚不紹祖燈。一衆何以爲。望師仍歸大竹。忽敏樹相來山。師問佛未出世。祖未西來。誰凡誰聖。柏曰。仁者自生。分別問天地未分時。向甚處安身立命。相曰。掀翻漆桶。八面玲瓏。師於言下。機契遂受印證。順承王請住京師白塔寺。上堂。山僧到這裏。無一法可說。無一物可拈。只好將三十年前住空王山。無影樹下。牧牛時有首牧牛歌。無生曲。今日向人天會中。唱來與大衆聽。聽良久曰。大衆會麼。諦聽諦聽。敏樹相嗣

荊州青林博達隆禪師上堂。舉傳大士曰。有物先天。地無形本。寂寥能爲萬象主。不逐四時凋。大衆還識這物麼。三世諸佛得之而成。正覺歷代祖師將之以

建法幢衆生迷之爾受輪迴諸人悟之爾超苦海若向觸處逢渠正好歸家穩坐其或未然卒難道著一字何故是世間物非世間物要且不離世間喝一喝

敏樹相嗣

河廣沅慶天壁拙禪師上堂見底聞底人人本有個不無總要諸人百尺竿頭更進一步進到水窮山盡處鬼神覷不破之機那時了知生死不相干涉喝一喝 遷化亡僧上堂大衆亡僧向甚處去一僧曰天上地下又一僧曰十方世界師曰若言天上地下未免坐殺闍黎若言十方世界未免走殺闍黎去此二邊親切處道一句看二僧擬議師曰一個棺材兩個死漢 示衆以拄杖畫一圓相曰一望秋色界遙遙月正圓蕭蕭梧葉落點點露珠懸隔岸飛羣雁林深抱木蟬禪心江上月何處覓幽元敏樹相嗣 武岡金城雪林梅禪師渝州桂溪人參雪山申問來此作甚麼師曰特來與和尚相見申曰將甚麼來見師豎一拳申曰在何處得來底師便喝申便棒一日師隨衆擔柴次申問曰擔得起麼師放下柴申曰擔

不起那師擔柴便行 上堂拄杖懷胎產俊英拖泥帶水到金城人天共集無他事但了生生本不生 豎拄杖曰爾等諸人看這根拄杖是有生是無生一僧曰天下人共一鼻孔師以拄杖驚頭打曰金城門下賞罰分明燕居申嗣

滇南商山文殊寺靈壁詰禪師西蜀隣水胡氏子上堂道極尋常尋常不見期而後可道在瓦礫何其下也道在屎溺愈況愈密燕居申嗣

武岡蟠龍如是院隱隱選禪師渝州桂谿吳氏子脫白圓具徧參叢席謁雪山申纔入門申便拈起拄杖曰道道師即從西過東申擲下拄杖曰道道師曰直饒恁麼早是不著便那堪再道便出 上堂出世丈夫撥著便轉如世良馬不待加鞭若是眼目定動如何出得蓋蓋腳踏地頭頂天看看月和流水到門前 上堂一向不恁麼直得逼塞虛空針割不入一向恁麼拋沙撒土喚喚作鐘不唯埋沒先宗抑且可惜自己且道還是恁麼還是不恁麼良久曰知事少時煩惱少識人多處是非多燕居申嗣

武岡雲濟若愚敏禪師新安吳氏子參雪山申因旁僧請益申曰妄無自性全體卽眞當處滅盡你喚甚

作妄念師聞之頓脫所疑上堂卽理事了凡聖著

著圓融超生死出蓋纏機赴感何殊截斷今古奔

流萬里狂瀾砥柱刮盡多生膜翳一時清眼生輝捏

聚也秋水長天一色放行也落霞孤鶩齊飛正恁麼

時一句作麼生道良久曰西秦東魯山河異頂門誰

不共青天僧問不落因果爲甚墮野狐身師曰穿

靴人喫肉曰不昧因果爲甚脫野狐身師曰赤脚人

趨兔燕居申嗣

湖南永州東安縣圓峰憩菴月禪師本邑蔣氏子上

堂舉三聖與化語畢師豎拂子曰圓峰有時恁麼穿

却三聖鼻孔有時不恁麼換却與化眼睛然雖如是

且道爲人底是不爲人底是良久起身曰汝等切忌

鑽龜打瓦擲拂下座頌觀星悟道曰雪山行道日

波波抵死六年沒奈何夜半當門星斗現眼睛突出

古山河頌南泉三不是曰乾坤萬里一條鐵壓折

虛空背出血惱得金剛怒目瞋山山桃李花狼藉燕居

雲巖雪

嗣申

武岡雲山渾璞聖禪師巴州趙氏子參雲山申每問

必遭痛棒受罵一日入室次申曰是非不得處道將

一句來師曰是非裏薦取申便打師忽悟從前喫棒

受罵皆是徹骨相爲申往南嶽埽讓祖塔付師衣拂

囑令繼席上堂舉古人道若能轉物卽同如來舉

拄杖曰這個是物作麼生轉設若轉得諸佛不爲之

先衆生不爲之後然雖如是雲山拄杖子總不肯放

過在卓拄杖曰爲物轉也三十拄杖不爲物轉也三

十拄杖卽同如來也三十拄杖不同如來也三十拄

杖乃呵呵大笑諸人畢竟作麼生會燕居申嗣

湖南武攸雲山勝力寺雲樹知禪師貴筑李氏子上

堂問見說和尚善講莊老是否師曰阿誰向汝道曰

萬壽宮道士師豎拂子示之僧問措師曰雲山祇這

蒿枝拂兩粵三湘知所稀擲拂子下座僧參師問

從甚處來曰山下師曰路邊有個透心泉上座覩見

也無日久聞和尚有此一機師良久曰不審請師道

師曰驢前馬後漢出去三關頌曰我手何似佛手

自拈自放自家醜。有時拿住萬年藤。劃斷西江水。倒

流。我脚何似驢脚。乾坤踏遍了。南嶽名兮利兮。總

忘懷。松下打眠。伸又縮。人人有個生緣鉢。孟口弗

向外圓。終年不蓋案頭上。養著瓊花香滿天。燕居申嗣

湖南武攸。桂山福慧院。予璞符禪師。西蜀重慶。魏安

人。上堂。開無量口。伸廣長舌。桂山不會舉。歸宗拳豎

天龍。指桂山不會。雖然如是。且道將何爲人。良久曰。

門前桃李紅。問白。燦破都梁第一峰。燕居申嗣

湖南武攸。鳳凰山。冰月鏡禪師。本郡吳氏子。開塔基

上堂。劈破乾坤。掀翻海嶽。開猛虎穴。現浮屠於沙界。

取毒龍珠。吐瑞光於中峰。正所謂犁圓未斷。曲木先

生。然雖如是。還有一事奉告諸人。良久起身曰。鑽頭

鑷子。功莫浪施。上堂。一僧纔出。師便打。僧近前把

住拄杖。師曰。將謂後學。初機原來是一員作家。僧禮

拜。師曰。鳳山今日失利。便下座。問進則破裂。虛空

不進則鬼家活計。未審進則是不進。則是師喚僧。僧

近前。便拜。師拈拂子。指曰。這露柱笑底。不是燈籠。僧

無對。師曰。謾言上座。就是三頭六臂的。到來也無摸

索處。僧又拜。師曰。禮多必詐。便打。燕居申嗣

湖南武攸。雲山別雲峰。十虛竺禪師。僧問。如何是雲

峰境。師曰。木頭鳥崖頭。窺著雲來去。曰。如何是境中

人。師曰。乾坤雙眼裏。日月寸心中。曰。人境句已蒙垂

示。露柱適纔向和尚道甚麼。師曰。後園牛喫菜。僧擬

進語。師曰。山僧今日摘茶忙。禮拜了退。燕居申嗣

湖南武攸。梅山聖林寺。睦瞿固禪師。上堂。問。如何是

西來的大意。師曰。梅坪山住火種刀耕。曰。這是住

山句。爲人句。請師一接。師便打。曰。學人有過。固不待

言。和尚棒頭。今日爲何正眼不具。師又打。曰。某甲所

參知識。婆心只是梅坪。師拈拂子。指曰。者燈籠笑個

甚麼。僧擬議。師擲拂子。便下座。燕居申嗣

湖南永之零陵縣。石蓮山了拙圓禪師。新安人。因事

上堂。巧可以容拙。曲可以藏直。雖然如是。也要剖析

分明。方稱法器。良久。顧衆曰。正當恁麼時。殺活全彰

一句。又作麼生。道是象是龍。不妨踣跳盲龜跛蟹。那

許顛狂。以拄杖一時打出。問。如何是西來大意。師

拈起扇。曰。者個是廣東蒲扇。曰。某甲不會。師曰。向汝

說是蒲扇又道不會便打燕居申嗣

雲南石寶月幢了禪師江津毛氏子參昭覺醉問甚處來師曰黃檗醉曰何人同來師曰祇是某甲醉開爐曰師問爐韜宏開鉗錘大展衲僧性命盡在和尙手裏醉曰汝作性命會那師便喝醉便打後住南明上堂有世界以香飯爲佛事有世界以音聲爲佛事有世界以寂默爲佛事且道山僧這裏以何爲佛事以拄杖畫圓相曰見麼卓拄杖曰聞麼既是聞見分明畢竟是個甚麼喝一喝上堂乾矢橛蔬三斤透之無路碍塞殺人者裏一刀兩段不枉來入我門如其前念弗息後念又生作麼生勦絕以拄杖畫一畫下座丈雪醉嗣

漢中靜明嬾石聆禪師忠州人初參象崖延問世尊拈花汝作麼生會師曰兩眼對兩眼延便喝次參昭覺醉舉大顛擯首座因緣命衆下語師與醉一掌醉上下觀師曰這老漢啞却口那便出醉拽杖追至法堂問曰且道老僧上下觀是甚麼意師復打醉兩掌醉便痛與一頓後囑師繼席上堂舉僧問雲門不

起一念還有過也無門曰須彌山靜明則不然若有人恁麼問只向伊道天王頭上寶花冠且道與雲門是同是別定當得山僧拄杖子兩手分付若猶未然拄杖子爲衆通個消息便擲下拄杖丈雪醉嗣

滇水慈氏寃禪師問生死到來如何迴避師曰老僧今日不曾過堂僧惘然師曰脚跟下也不識問甚麼生死丈雪醉嗣

鼎州大龍天機舜禪師黃安耿氏子幼出家看念佛的是誰不省有禪客言天童單以棒喝接人師腰包直上太白峰入方丈便問本來面目悟便打師禮拜悟劈脊一踢一日師在途中擔沙值悟至師放下擔便問進前不得退後不得時如何悟劈頭一棒曰正要你恁麼著力師擔便行後得法於梁山波繼席大龍上堂佛佛授受只貴正眼流通祖祖傳持唯提向上一路若是賓主交參照用互展君臣道合父子稱宗總是閒家具大龍這裏無法可說只得向諸人頂門上轉大法輪去也卓拄杖曰鐵面無情赤骨力分明直下大鄣當竹帆波嗣

澧州龍潭一念龍禪師。潭州黃氏子。初參萬峰明鏡。禮拜明便。劈脊一踢。師曰。祇這是。別更有麼。明震威。一喝。師作怖勢。便出。後參梁山波。曰。鵲噪鴉鳴。無非這個。汝作麼生。會。師曰。三十年前。還怎麼來。即今不然。波曰。不然。且置。汝且將父母未生前。面目道一句。來。師曰。嵐氣不離山。寺北浪聲常在海門東。上堂。龍潭怪道。無底蓄養金鱗。赤尾若要飛騰。九霄雷轟。電掣風起。波竹帆詞

鼎州中邑。枕石徹禪師。亭州張氏子。投江陵龍湘脫白。具謁梁山波。入門。便問。入水不溺。入火不焚。是甚麼波。曰。問頭最親切。師曰。怎麼則隨某甲用去也。波便喝。師便出。上堂。舉前中邑洪恩。開法放戒。仰山受戒於此。後來謝戒恩。於禪床上拍手。曰。嗚。哪。哪。哪。仰從東過。西從西過。東復向中心。立然後謝戒恩。曰。甚麼處得此。三昧。仰曰。於曹溪脫白。印子學來。恩曰。汝道接甚麼人。仰曰。接一宿覺和尚。甚麼處得此。三昧。恩曰。我從馬大師學來。亦無印子。得脫。師曰。二大老見處。正大故。獨耀古騰今。新中邑於此放戒座。

下有氣宇如王者。不妨出來。過個消息。波竹帆詞

襄州洞山。溢天海禪師。參崔峰正。便問。某甲久看萬法歸一。未曾觸發。乞師方便。正曰。象王鼻孔。自撐天。師曰。只如此。那正便打。一日。正舉雲門問疎山法身話。問師。師曰。法身既是周遍。疎山爲甚。道闍黎莫向淨瓶邊覓。當日某甲若在。踢倒便行。正曰。你踢倒淨瓶耶。踢倒法身耶。師曰。一任分板。適月正詞

開縣臨江閣春巖容禪師。蜀北岳池氏子。祝髮受具。徧參諸方。後謁崔峰正。便問。南泉斬貓。是否。正曰。是。師曰。和尚在甚麼處。見。正曰。兩眼對兩眼。師曰。性命落在甚麼處。正卓拄杖。師曰。快還性命來。正便打師。作貓聲。便出。示衆。第一義諦。樵歌漁唱。如何。若何。三十拄杖。喝一喝。下座。適月正詞

萬州崇聖相融聖禪師。湖廣何氏子。初參雙桂明。曰。你曾看楞嚴經麼。師曰。看。明曰。知見無見。斯即涅槃。向者裏參得透。始好喫老僧痛棒。師誓不放參。一晚。聞報鐘聲。有省。後謁新寧望。上堂。乾坤有多化育。無始若能於斯會得。非動非靜。不遷不變。直得風清。

月皎水冷雲寒。絕見絕聞。不知不覺。然雖如是。猶有向上事在。且道。如何是向上事。良久曰。五九盡日。卽逢春。逢人不得。恁麼舉。西蜀望嗣

黔陽勝覺密印傳禪師。安順人。初在辰州廣福山住。菴紫竹文。偶訪至此師。迎文禮足。舉問。趙州指栢樹。南泉指牡丹。未審和尚將甚麼爲人。文便喝。師便倒地。而臥。文喚沙彌扶起。沙彌至。師便起。遞文一匝。而出。文爲印證。後有人拈此因緣曰。無根樹子得活也。一僧曰。既是家裏人。便話家裏事。靈覺文嗣

鎮遠雲臺濟海舟禪師。初參迴龍文。問。如何是祖師心。印文曰。千聖共傳。無底鉢。師曰。猶是法身邊事。文曰。爾喚甚麼作法。身師便喝。文曰。爾這喝一喝。當得甚麼。師曰。恁麼則不勞三月安居。便乃大方獨步。文震威一喝。師曰。作家宗。師文曰。莫謗迴龍好。上堂。撥開向上一竅。歷代祖師不知坐斷。千聖頂顙。恒沙衲子。不會恁麼說話。大似呖空四海。旁若無人大衆。須知自己分上。有段光明。迴絕知見。不與萬法爲侶。不與千聖同行。淨裸裸。絕思惟。亦灑灑。無回互。拈起。

時萬法全彰。放下時。一塵不立。且道。不拈不放。又作麼生。良久曰。有句。非宗旨。無言是正。僧。靈覺文嗣

五燈全書卷第八十八

五燈全書卷第八十八補遺

臨濟宗

南嶽下第三十六世隨錄

蜀川廣法無著岫禪師。據關示衆。入此門而無內出。此門而無外。既無內外。卽今作麼。喝一喝曰。野水誰能渡。孤舟任縱橫。示衆第一義。元中元。電掣雷轟。火裏蓮。塗毒一聲。天地動。機前一鏃破三關。九昭期嗣南嶽蓮社。古天性禪師。上堂。春風暖日。初長柳絮。池塘細雨。香無心。驚浪魚游。樂有意。催人鳥語。忙好消息。絕承當。西來祖意。明明底。說著令人忤斷腸。上堂。舉翠巖示衆曰。一夏與諸兄弟。東語西話。且看翠巖眉毛。在麼。師曰。蓮社一夏與諸兄弟。或登南岳。或

涉湘水。健坐倦眠。燒香掃地。一切尋常。不用開口。各
 自知時。識節。但不知蓮社眉毛。還在眼上也無具眼
 者。檢點看。退院上堂。一節春色來甘露。兩見池頭
 放白蓮。宿火有期。煨紫芋。爲人無力。磨青磚。三生石
 在堪埋骨。萬里鵬程。覽息肩。珍重山前諸長者。鉢盂
 唯記再來緣。拈拄杖下座。卽日命肩輿。退處衡州昌
 桂堂。唯命造龕。起止悉如常。至十月十六。忽索浴。
 出右脇而臥。中夜復坐。衆集榻前。師拈起拄杖示衆。
 曰。四十年中事。唯伊成。獨醒今宵。歸去來。明月上松
 頂。擲拄杖竟趨寂。時弟子佛緣等在側。撫師臂曰。昌
 桂和尚。因開峰結制。未回顧和尚。少留三日。勿負前
 約可也。師微笑。肯首。開日宴坐。更不受食。十九日。昌
 桂歸師。仍於中夜跌坐。長逝。實康熙癸丑十月十九
 之月。正中天也。師庚戌冬。於昌桂度歲。除夜茶次。嘗
 向昌桂笑而語曰。他日我死。願得吾兄下一炬火。昌
 桂應聲舉手曰。古兄。照顧眉毛。坐客撫几大笑。迄今
 三載。故師之辭蓮社來。太平與夫臨末梢頭之既去。
 而復留。皆踐一戲笑言也。師生於明崇禎甲戌年方

登四十云。密行忍嗣

維源中興嗣燈胤禪師。金川劉氏子。薙染于燕居和
 尚。依止雙桂。破老人有年。開峰密行和尚。嗣也行過
 金川時。四衆請就興國說法。燈于言下。徹法源底。行
 乃說偈印之。住維源中興禪院。結制立工。王居士請
 上堂。問達磨面壁和尚。陞座是同是別。師曰。別則不
 同。同則不別。進云。武帝聖明。因甚不契厥旨。師曰。爲
 你道聽途說。問父母未生前。那箇是學人本來面目。
 師打曰。瞎漢。寐語作麼。僧擬議。師連棒打出。乃曰。淑
 氣催黃鳥。晴光轉綠蘋。若明今日事。不昧本來人。大
 衆旣明。今日事如何。是汝等本來人。不見道。天上天
 下。唯我獨尊麼。卽是今日。立工居士。父母未生前。本
 命元辰。若也會得。則會人人自己。本命元辰。會得人
 人。本命元辰。則會達磨面壁。與中興今日陞座。別則
 不同。同則不別之旨。焉一喝。一喝時。一僧驚倒。師曰。
 俊哉。衲僧一撥便轉。下座。密行忍嗣
 南楚衡嶽畫先一禪師。頌未離兜率。已降王宮。日本
 是一條平坦路。等閒行去便崎嶇。何如歸隱千峰外。

臥看雙輪轉太虛。頌卽心卽佛曰口唇兩片皮牙齒一具骨。江西馬箴箕放出遼天鶴。頌百丈再參

曰雷聲甚大雨點全無耳聾吐舌老婢見奴謂是江

西宗風不知千差萬錯。頌凌行婆訪浮杯話頌曰

把髻投衙自取冤家南泉趙州荷杻帶枷密行忍嗣

開州輔德石琴聞禪師蜀鄰邑人舞勺之年辭親學

道於銅梁東山脫白得法燕居申住開州輔德上堂

問如何是奪人不奪境師曰北海鄉書消息斷南山

春日雨花香曰如何是奪境不奪人師曰夕陽西下

山光澹馬首東來詩興濃曰如何是人境兩俱奪師

曰魂消崖島孤燼覆腸斷關山匹馬嘶曰如何是人

境俱不奪師曰歌館樓中客未散長干道上月來初

乃曰揚眉卽去拂袖猶遲瞬目而行人境俱奪若在

鶻僧分中略較些子若是鶻僧向上事顧左右曰參

燕居申嗣

嘉定龍驟破峰重禪師南克岳氏子進士孟龍之孫

偏參歸來見慧覺衣。印證焉上堂釋迦不說說毗

嵐猛風吹海嶽迦葉不聞聞青山只得礪爲塵留下

◆點點款

一轉語舌頭在口裏。上堂大道坦平無起無倒眞

機演唱何解何結。上堂點然據座忽高聲曰大衆

不得妄生穿鑿劈口掌曰口是禍門下座慧覺衣嗣

渝州香國佛語御禪師嘉州范氏子十歲禮慧覺衣

脫白因觀死屍有省凡應對機辯峻捷巾瓶左右無

有情容管示禪人偈曰分明句子不諸訛鼻直眉橫

幾錯過只爲現成難辯別千山萬水走禪和咏梅花

曰冰肌雪骨久懷丹吐出令人仔細看本色不從桃

杏借一簾星燦玉闌干以輔弼叢林爲任定省侍師

爲心康熙癸丑秋慧覺衣坐化遂哀毀骨立食息如

癡是年佛成道日示徵恙不欲服藥越七日辭衆囑

累畢亭午瞑目而逝慧覺衣嗣

巴縣三峰半水元禪師上堂豎拄杖曰七尺烏藤繫

鼻繩能翔宇宙瑞三巴迢迢穿市人難見檢點將來

未到家攬下拄杖喝一喝。上堂發元結制此心良

三七長連九定香。坐到晨朝並午夜等閒無事可商

量大吼傳嗣

重慶華嚴還初佛禪師佛誕上堂世尊鑿開混沌雲

門鍊石補天。雖無毫髮滲漏。猶有經緯機權。彼此汗

馬功高。卽不無還見。太平麼。且喜今朝無事。聖可玉嗣

重慶華嚴南芝靜禪師。小參平白地上。拈起一絲頭。

爲甚盡大地人。亡鋒結舌。且道利害在甚麼處。還委

悉麼。大如芥子。細若須彌。軟如鐵硬。似泥不離。四

儀中。惜乎人不識。聖可玉嗣

漢州龍興子鍾洪禪師。上堂。丹霞燒木佛。只爲冷入

骨。院主墮鬚眉。病因一念屈。正當移宮換位。寒氣交

加。在衲僧分上。又且如何。良久。喝一喝。曰。鈞在不疑

之地。聖可玉嗣

瀘州來鳳法空證禪師。上堂。卓拄杖曰。明頭合暗頭

合。四方八面。任作略。日面佛。月面佛。喜怒哀樂。是何

物。世間多少守株人。盡在中途而退屈。聖可玉嗣

渝城慈雲份南僊禪師。頌世尊初生。曰。指天指地。欲

何圖。傍若無人。膽氣麤。將謂鬚鬚天下。亦誰知更有

赤鬚鬚。頌世尊陞座。曰。上座應知下座來。元無造

作巧安排。就中耐文殊。老百萬人天被活埋。頌

國師三喚侍者。曰。三喚三呼。應了休。陸行車馬水行

舟。負吾負汝。揚家醜。也是憐兒不覺羞。頌心不是一

佛。智不是道。曰。花谿雨後。苔流滑。喜鵲聲餘。午夢清

四顧。白雲消散。盡夕陽斜照。數峰青。聖可玉嗣

漢州孝泉不惑興禪師。管山王氏子。值蜀亂。出楚雍

染於香巖。宕山遠座下。參聖可。玉言下。獲益尋常。當

機不讓。一日。玉問。胡言漢語。拈置一邊。父母未生前

道一句子。師便掌。玉曰。太廳生。師又掌。玉休去。後印

以偈曰。木樨中毒。堯都發面上。而今猶五痕。含恨十

年心未已。冤冤只報有。讐人還蜀住。漢州之孝泉。上

堂僧問。父母未生前。那箇是學人。本來面目。師曰。眼

橫鼻直。曰。死了燒了。面目何在。師便打。曰。還許學人

別通消息也。無師又打。曰。綠楊芳艸地。散步任優游。

顧衆曰。會麼。其或不曾。今日定要與諸人別通消息。

拽拄杖下座。歸方丈。端坐而逝。衆齋不見師出入。室

撼之已寂。一衆方知。今日定要別通消息之語。塢於

本山。聖可玉嗣

重慶圓通惟識典禪師。頌世尊初生。曰。指天指地。起

干戈。好尙貪高人。幾多縱有超羣越格者。惡人自有

惡人磨。頌女子入定曰。空谷傳聲。虛堂習聽。信之則有叩之。則應。看他大力人。弗假將軍令。頌婆子燒庵曰。者老婆多捏怪。伶俐。被僧未放你在把火燒庵。徒自肥至今。惹下驢年債。玉聖可

溧陽崇隆碧露夢禪師。解制上堂。雪壓松梢。靜霜嚴老樹。寒白雲有意。常封鎖。幽鳥無心。以度關。長安大道。鐵地橫攔。去去終難去。還還不易還。以拂子打圓相于中。劃破曰。諸禪客。仔細參草。鞵終被脚頭瞞。玉聖可

提刑高齋映居士。初到華嚴茶次。問古人道。如人在樹手不攀枝。足不踏枝口。唧樹枝。若問祖師西來意。答則失命。不答違問。如何。玉以手指自己茶鍾了。又指士鍾。士曰。和尚以手爲舌。玉曰。居士以何爲舌。士曰。以舌爲舌。玉曰。非居士不能放身捨命。士曰。無身命。可捨。玉曰。老僧一時眼花。士曰。瞎師曰。瞎瞎。士曰。如此則成戲論。歟。玉曰。仁者見之謂之仁。士曰。某猶日用不知。乃設禮。後士又同玉與屠居士遊溫泉。士將浴喫餅次。屠曰。大家來喫湯餅。會士曰。此處可名。

洗兒泉。玉曰。九龍吐水也。未士曰。憾不自脇間出也。玉提起。總珠作痛聲。屠曰。此老倒會捏怪。玉曰。入水求人。兩意符。九龍吐水。沐金驅母云。不自脇間出痛徹山僧。一串珠。後授士硯并偈曰。御賜元章一石頭。留傳到我似虛舟。浴雲谿畔拈將出。點化魚龍天際儔。玉聖可

會川迎恩湛一清禪師。蜀南永寧王氏子。入漢住會川迎恩上堂。諸方結制安禪。迎恩陞堂。戲舞驚起四海。海獐龍撲落九天。鳳鸞三乘拱手。十地擎拳。萬象森羅。揚眉吐氣。周天星斗。燦爛光輝。微塵國土。東湧西沒。蟻飛蛭動。各揮本有。不是神通妙用。亦非法爾。如然卓拄杖曰。會麼。今日也是兵隨印轉。將逐符行。正恁麼時。祝聖開爐。一句作麼生。道野士無將酬帝德。須彌聊作一莖香。體宗掌嗣

遵義松丘藏天源禪師。示衆參禪要。猛烈不悟不休。歇打起好精神。莫錯過時節。下箇死心腸。豈拘在年月。立得脚跟穩。始不被人惑。甘盡苦中苦。關頭能打徹。古人曾與麼。吾常于此切。作箇出羣人。行履須適。

別尅期能取證當下便超越山頂鼓波瀾海底立枯
錫彌勒釋迦來亡唇而結舌三千陳葛藤窠白都剿
絕更擬問如何白棒薦頭楔兩生從嗣

雙桂首一懷禪師上堂有懸河口方吹無孔笛用肘
後符始登獅子座正令行時是佛是祖齊乞命眞機
演處若凡若聖悉皆融聖箭透九重霜染蘆花渾一
色劍氣肅梧葉簷前砧杵搗千峰是物含玉露何處
不金風是法住法位世間相常住諸人還識常住眞
心麼良久曰知音不用頻頻達者應教暗裏從中
秋晚參諸佛窠白列祖關鍵十五日已前盡爲諸人
滿眼滿耳註破了也燈燈相繼續到彌勒下生未來
底猶在十五日已後正當十五日入簾山色雲隔斷
到耳簷聲滴桂華大家坐却中秋月免得眼中又著
沙問如何是祖師關師曰乞兒手內破提籃僧
問如何是向上事師曰木人腦後使金鞭雲矯水嗣
銅仁香山聖符越禪師上堂頂額一著耀古騰今腦
後圓光千差照徹若是通方之士直向威音那畔掀
翻窠白豈在今時門頭踢倒從前拍禪床曰男兒自

有冲霄志不向如來行處行鐵樹相嗣

靖州嵩雲自徹槃禪師小參禪不假參施用現成道
不假學本自圓明須是怎麼人方說怎麼話未到懸
麼時必須要大歇諸昆仲還知大歇底消息麼良久
曰挨到水窮山盡處回頭撞著本爺娘潘竹密嗣

雲南開化吉祥恒秀林禪師上堂問臨濟在黃檗三
度問佛法大意因甚二度被打師便打曰在黃檗下
喫苦爲甚向大鼎處拔本師邊打退乃曰要明怎麼
事須是怎麼人若是怎麼人須解怎麼事便乃拳踢
相應唱拍相隨雖然如是要見二老則易要見吉祥
則難何故響有眼無耳朶六月火邊坐解制上堂
二僧齊出師曰一箭落雙雕二僧齊歸位師曰死的
死活的活乃曰山僧去冬此日有一則急要事在諸
公分上諸公還知麼若也得知許你放膽摘楊花脫
或未然出門便是草上堂上苑春花取次開庭前
燕子語啾啾箇中曾得眞消息何必胡僧特地來
問學人皂白不分乞師方便師曰你眼在甚麼處僧
無對師便打退問世智辯聰總不要拈出還我話

頭來師便打曰。瞪目不見邊際。師曰。苦。頌世尊初生曰。天上人間誰似君。放開圭角便稱尊。雖然萬古無倫匹。幾箇知恩解報恩。頌世尊拈花曰。瞿曇纔露鋒銑。迦葉眼中著楔。疑殺百萬人。天個個證龜成鼈。雲幻宸嗣

澧州洛浦。長庵長禪師。上堂有說不如說。不說不如無說。何也。五更侵蚤起。誰家竈裏不生烟。上堂年年此日慶瞿曇。一狗齧形衆狗譏。景仰遺風風不墜。借他槽棹順揚帆。遠月正嗣

荊州金菴園密印見禪師。常德王氏子。佛誕上堂。天上天下惟吾獨尊。言不該典。攪亂乾坤。韶陽一棒口。是福門。末後拈花殃及兒孫。千百世下誰是知恩。良久顧衆曰。慕頭一杓。非爲屈水。有源兮木有根。遠月正嗣楚南芙蓉百凝一禪師。中秋示衆。大道只在目前。要且目前難觀。欲識大道真體。不離聲色。言語古人恁麼說話。大似抱橋柱洗澡。致令後人認著個圓陀陀。光燦燦的。以爲極則而殊不知道。無體性趣向則乖。總饒拂盡青霄。猶是法身大病。山僧今晚不費纖毫。

氣力普使諸人常光現前。畢竟具何三昧。以拂子畫○曰。此夜一輪滿。清光何處無。復舉馬祖玩月話。畢師曰。可惜一個清淨圓滿皎潔無瑕的月輪。被他馬家父子說黃道白塗污極矣。衆中還有爲他作主的出來道看。良久無人出。驀以拂子指曰。衆衆翹首師曰。且喜沒交涉。擲下拂子。小參山高須到頂。水深必探底。諸仁者。各有各肩。有臂有力。因甚不直下討個落處去。卓拄杖曰。自是欲歸歸便得。五湖煙景有誰爭。慧覺衣嗣

華嚴不厭樂禪師。印江楊氏子。上堂問世尊初生。卽不問如何是未生。前師曰。雲籠古木。曰如何是已生。後師曰。雪滿寒巖。乃曰。大道在目前。人。是。人。境。是。境。惟心超物。表聖非聖。凡非凡。爐焚柏子。依依香霧。甯倪臺燭點油。龍皎皎神光侵垢面。還委悉麼。咄。上堂展兩手曰。大開方便門。通十方無二路。復叉手曰。牢關緊閉。納四海成一家。只如不開不閉。又且如何。撒手曰。荷葉團團。自鏡菱角尖尖。似錐。玉可玉嗣指雲光孝禪師。新津黎氏子。示衆舉德山托鉢話。師

日。拶破虛空枯木花作者。相逢兩會家。雖然各具頂門眼。玉本無瑕却有瑕。聖可玉嗣

西蜀文殊慈毒存。禪師上堂。這一片田地。從來淨潔。不許人屢。薰擱口兩下云。無端無端。小參。冬寒夏

熱。陰長陽除。聖凡非二物。我一如展手。曰。這箇是我。指竹筴曰。這箇是物。願左右曰。如何得一如去。衆擬

語。師拈竹筴作舞。歸方丈。小參。有一物上同天下。同地。明同日。黑同漆。不在動用中。動用中。收得功在

甚麼處。衆罔然。師震威喝曰。兩彩一賽。示衆。祇期緘默。消殘夏孰料。猶來窺口。唇作賊心。虛休議論。眠

毛且道。幾莖存。晚參。活煮冰花。玉汁清香。旋綠霧照。筵明等閒。不滴如沾。著釀就泥犁萬劫。深咄。福福

俱從口生。晚參。觀音貢峽口甘泉。普賢晉蒙頭錯落。慚愧文殊無口。總不消得。薰擱曰。這莫是驢鞍橋

麼。復擱曰。莫莫莫。聖可玉嗣

錦官文殊井。覲道登禪師。蜀壘江倪氏子。參遍諸方。向蒼松鶴處。印可六住名。藍開法二十餘稔。痛時風不古。遂隱錦官文殊。將生平言句。盡付煨燼。慈毒存

竊記其十二時歌云。雞鳴丑。真機密密翻筋斗。一點明星漏室來。涼風漫我娘生肘。老禪和無何有。起來禮誦還依舊。老鼠不來偷我油。米筐猶聞聲打鬪。平旦寅。不燒香去占虛名。禪床靜坐勞筋骨。且下經行走。一巡休擬議。勿追尋。一念無爲百不生了。了時無可了。真真真處絕非真。日出卯。打開門。戶光皎皎。青山依舊不曾移。室內無塵奚用掃。剔明燈。穿破鏡。拂拂清風誰覺曉。鵲噪鷄鳴動我機。分明原是自家寶。食時辰。火板聲聲報衆。聞霍飯。絮羹百味足。淡茶苦菜一腔清。喫却了自家評。摘葉尋枝我不能。鉢底明珠光燦燦。口中三昧嚙津津。禺中已妙用。縱橫無忌諱。眼裏不栽荊棘花。脚下何嘗有關係。道不修禪不識胸中唯覺虛。明地等閒拈起七斤衫。直使人人全體會。日南午。隨分隨緣。只麼度心地。不容正覺生。口中且喫油鹽醋。箇東西。唯自悟。酸甜苦辣皆圓具。西天東土總皆然。有甚男兒沒去處。日跌未光陰漸。漸衰將去我儂到此。自承當。會得來時還不是。自修持。自淨治。箇事原來非容易。但使身心寬覺空。一超

直入如來地。晡時申天地爲欄。一體平獨有草庵分。
寂寞且無俗客到山門。風無動雨無驚。此事人人本。
現成。狼藉一腔唯自得。殷勤馴伏趙州賓。日入西羣。
靈不動山河走清機。一點少人知。八萬門頭自衛守。
莫沉空休抱。有性天明月光已久。堂堂箇事沒遮攔。
覺得來時不唧。啍黃昏戌黑地穿鍼。沒照顧分明一。
箇好機關。密密綿綿割不入。風一龜月一窟。瀟瀟灑灑。
無回互。獨脫無依到上方。放出摩尼光閃。露人定。
亥一輪明月無邊界。宇宙山河凍底穿。世出世間無。
罣礙者些兒。沒依賴。養就銀缸冰一塊。沉沉寂寂就。
中懸。冷冷清清常自在。半夜子靜聽松風。說道理泥。
半吼處。碧天寒木馬嘶時。波浪起。起無起止無止。蟻。
蟻吸乾滄海水。我儂有首偈。初歌試聽囉囉囉哩哩。
師於己未冬辭世。偈曰。吾年六十度生已畢。打翻觔。
斗佛祖不識。蒼松
鶴嗣

五燈全書卷第八十九

京都聖感禪寺住持臣僧 超永 編輯

京都古華嚴寺住持臣僧 超發 較閱 進

呈

臨濟宗

南嶽下三十六世隨錄

荊門圭山五眼毓禪師。禮三際通薤染。一日通指菊。
花示之曰。黃花有意通消息。祇許禪人獨自觀。師有。
省。依通十載。咨決心要通。一日問如何是法身。句。師。
曰。白馬將軍跨通曰。如何是法身。向上句。師曰。雪山。
擎玉柱。卽呈偈曰。雪山擎玉柱。錦水泛清灘。白馬將。
軍跨。當陽破祖關。通爲印證。上堂。經寒雪嶺已多。
年。觀著明星似眼穿。東土西天今古煥。皆提拄杖現。
家傳。靈山拈花也是這個。少林面壁也是這個。天下。
老和尚接物利生。總不出這個。若也會得。許汝等共。
相提持。其或未然。山僧與汝等。通個消息。擲拄杖曰。
劫火洞然。猶不壞。巍巍獨露太虛前。三際
通嗣

益州紫雲古高源禪師。宜都舒氏子。年二十禮三際。

通難染執侍巾瓶有省通問臨濟在黃檗得力在大

愚得力師曰借屍還魂通領之一日室中問如何是

陝府鐵牛通打曰者畜生師作牛鳴而出三原通嗣

陝西寧夏海寶林我鑑禪師川北閬州侯氏子上堂

初冬草木色離披梧葉追風落向西雖是上方霜令

遍笑看冰雪浸僧衣若也會得何勞再話重關其或

未然未到盡驚山險峻行來方識路高低上堂桃

顏舒暢朝昏嘯月吟風柳眼新醒勸念去途過客致

使園林池沼居然共演無生行脚高流驚地禪關直

透豎拂子曰是卽是猶未踏著向上一竅在擲拂子

下座除夕小參月盡三冬歲窮五九公案現成戊

亥子丑東村燒錢西舍奠酒林下禱僧本無新舊大

衆且道事合作麼生良久曰辭年柳戴千枝翠迎歲

梅簪一樹花康熙己未從河西歸西安住大興善

寺二月初六日未時禮佛畢忽然索紙書偈曰登山

足疾忽爲魔必欲登山可奈何此去直將空四大笑

看白骨起成病歸方丈侍僧問其意如何師笑而不

答端坐而逝茶毗火光熾空舍利無數世壽六十八

僧臘四十八易菴師嗣

宕水開心啟禪師宕水羅氏子參開山圖問如何修

道師曰道本圓明不屬修證國曰既不屬修證道從

何立師曰立即非道國曰卽今事作麼生師曰事卽

不似國曰你爲甚麼隨波逐浪師曰久已風恬浪淨

國乃印證上堂策杖騰騰識故鄉風塵滿面慣經

常歸家一句全拋露觀體明明絕覆藏所以頭頭上

顯物物上明只因不了諸聖出來廣開方便無一處

無一時不與揭露當陽若是個英靈漢子直向千聖

未出世以前一坐坐斷目前無法意在目前乃震威

一喝曰盡山河大地情與無情被山僧一喝百雜碎

了也何故自是不歸歸便得五湖烟景有誰爭快雪國嗣

果州卓存來禪師南部孫氏子徧參諸方後依本源

液一日見壁上畫之無二字有省上堂舉國師三

喚侍者因緣畢師曰國師婆心太切落七落八侍者

大難承當承言者喪殊不照顧旁觀者哂何以故字

經三寫烏焉成馬本源夜嗣

果州報恩西履祖禪師出州韓氏子上堂天上爲飛

水底魚躍觀面相逢。築著磴著。且道如何龜毛兔角。

問。出不入一著。子合付阿誰。師曰。切忌承當。曰。

怎麼則某甲退身有分。師曰。逢人切莫。怎麼舉。本源

烏龍龍泉冰源亮禪師。南浦魏氏子。首參萬峰明於

雙桂。有省。迨明辭世。師禮塔曰。某甲今日來遲。時雲

嶠水在旁。曰。禮拜久矣。師曰。和尚智鑑分明。是賊識

賊。遂出受衣拂。上堂。舉世尊陞座。文殊白。椎因緣

畢。師曰。霍曇自起。自倒。文殊起。摸畫樣說甚麼法。王

法如是。總之。籠侗不像。山僧重關龍泉。繙素敦請說

法。設有人致問。便曰。未上座。時勘破了也。至今瓦解

冰消。雲嶠水關

古關我雪慧禪師。上堂。平田淺草。種月扶犁。野岸橫

橋。量水打碓。頭頭合用。物物全彰。古佛家風。是閒破

具。山僧今日向諸人面前撒沙拋土。大似不識好惡。

然有一棒大事。且要諸人擔荷。且道是甚麼事。遂舉

袈裟角曰。一絲纔挂體。越格自風流。密宗

福清黃檗慧門沛禪師。同安康氏子。幼奇穎。雖習舉

業。恒有出塵之志。年十七。應郡試。過南康。報親寺觀。

寺額欣然曰。世出世法。無非報親。何必世榮乎。遂投

禮。時明得度。雪峰彌於法。屬每激發。以出家須明心

要。師信受。服膺勤於參究。一日病中。聞僧舉三不是

語。有省。往寶彌彌曰。此非汝放身命處。又明年隨落

髮。詣黃檗。琦受具。戒。琦曰。來自何方。師曰。泉州報親

曰。欲爲何事。曰。欲求佛法。曰。我這裏一法也無。師曰。

正好著力。琦默器之一日。問南泉。斬猫話。聲未絕。被

琦一踏踏倒。直得前後際斷。礙膺之物。一時冰釋。大

笑。趨出。琦命堂中領衆。師辭以福薄。願擔飯供衆。時

值嚴冬。芒履踏雪中。足皆龜裂。不覺厭苦。琦應長樂

之龍泉。遂安西堂。解制辭還溫陵。居誌公洞。二載。值

時艱。益自韜晦。或炊爨不給。恬如也。琦召師住。師子

巖。居八載。不事外緣。琦應扶桑。請學。師繼席而記。萌

焉。上堂。一春到來。燒痕轉綠。萬木萌芽。風和日旭。

突出達磨眼睛。豁開波斯鼻孔。祇皆本有。風光弗從。

別處流露。諸兄弟還知這個時節麼。若知不離于座。

現諸威儀。不起片念。坐斷須彌。一機通于。機萬機。

活一處。明千處。萬處。耿潔優游。行住白雲中。遙望南

山噪百舌且道是何腔調。喝一喝。上堂。潯溪畔。冰珠點綴。峭壁峰前。霜花錯落。時節推移。陽昇陰伏。片念未生。前全機顯。露毫端。闡演處。法法施呈。不勞雕琢。本體現成。靜猶止水。動若行雲。束虛空爲一棒。棒他不著。集諸音爲一喝。喝他不及。把住也。千山寒色放開也。八面玲瓏。且道放開。好把住。好根塵迴脫。渾無物。舒卷臨時總自由。時閩海多警。常住寥落。師率衆躬耕。勉衲子以爲道忘。驅提持向上一著。深雖痛。拶故學者。咸思自奮。忘其苦澹。沾法乳者。率多高明之士。甲辰省覲。受業於圭峰。檀越周樸園銓部。懇留住持。師雖勉應。已澹世緣。凡上堂小參。皆謝絕。九月中。示疾衆爲延醫診視。師終却之大衆。詣榻前求開示。師便掌曰。是開示。不是開示。一僧曰。末後句。潯師舉筆疾書曰。末後句。無可說。誰是知音。清風明月。命侍者取湯沐浴。剃髮。跏趺而逝。時康熙甲辰十月初六日也。世壽五十。僧臘三十。空全身于黃檗之

左麓。隱元琦嗣

福州黃檗虛白願禪師參徑山容問水既無筋因甚

●爲字字休不明

長流不斷。師曰。只爲源頭有據。問佛祖公案。猶空中紙鷁。向甚處收取。綫索。師曰。抽牽全在裏頭。人問。鵬搏峰與晏坐峰相交。且道說個甚麼。師曰。一人傳虛。萬人傳實。問風扇大野畢。竟作何形色。師曰。只好聞名。不可見面。問望江亭上垂機。誰是知音。師曰。沒面目。漢後謁黃檗。琦機契室中。命師繼席。上堂。法昌搬羅漢圍爐。人貧智短。靈雲見桃花。悟道馬瘦毛長。雖然各見一邊。未免互相鈍置。山僧今日開爐。不用如何。若何。只要諸人著些精彩。稍涉遲疑。灼破面門。頭顱粉碎。祇如心不是佛。智不是道。劒去久矣。方乃刻舟。又作麼生。不爲於三條椽下。七尺單前。仔細摸索。看忽然摸著鼻孔。便知道不遠人喝一喝。問天。上月正圓。人間月方半。且道如何。是真月。師以拂子打圓相示之。曰。月落後。又如何相見。師曰。明日來。向你道。僧拂袖而出。師曰。看脚下。頌經首六字曰。阿誰策起兩莖眉。斜插當陽古石碑。以字不成。入不是。管教千眼莫能窺。隱元琦嗣

雪峰聖壽卽非一禪師。示衆舉世尊拈花頌曰。大小

瞿曇不奈何。花枝拈起。當風播一場。敗闕少人知。獨被飲光親笑破。隱元琦嗣

福建慶城草菴現禪師上堂說佛法。昨已無端問主問賓。翻成鈍置。若一向舉揚宗乘。未免法堂前草深。古人到這裏。事不獲已。曲爲今時。垂半偈一言。或拈龍豎拂。或輓毬打鼓。架箭擎叉。或終日閉門。長年面壁。單提直指。大用全機。檢點將來。總屬建化門中事。畢竟宗乘如何。舉揚焉。豎拄杖曰。誰敢問。著問著。便打折汝腰。上堂石霜道休去歇去。一念萬年去。寒灰枯木去。古廟香爐去。一條白練去。雲峰道不休去。不歇去。業識茫茫去。七顛八倒去。十二街頭鬧浩浩。地聲色裏坐臥去。三家村裏盈衢塞路。荊棘裏游戲去。刀山劒樹。劈腹剖心。爐炭鑊湯。皮開肉爛。去雲峰與麼道。可謂千江有水。千江月。石霜與麼道。依然萬里無雲。萬里天。仔細檢點將來。一人大似死了不得活。一人大似活了不得死。山僧這裏。不管你休不休。歇不歇。饑即喫飯。去倦即安眠。去熱則乘涼。去寒即向火去。若向這裏會。却便會得古人見處。古人見

處。卽且置。慶城見處。作麼生。良久曰。莫將容易會。便作等閒看。上堂佛說一切法。爲度一切心。我無一切心。何用一切法。釋迦老子太無端。四十九年已漏洩。那堪達磨又西來。直指人心。成迂曲。從茲五位設君臣。九十七種呈醜拙。鑑映遂成一字關。心識打作兩個橛。縱饒七事漫隨身。未免于今成途轍。祖宗田地。任分爭。直得七花兼八裂。舉今舉古。鏤中泥說妙說。元眼裏。屑或時瞬目。或揚眉。或豎一拳。垂一足。撒揚宗旨。立化門。競把烏龜證作龜。若人于此便承當。敢保斯人猶未徹。我今以楔而出楔。且道是說是不說。若道是說。說甚麼。若道不說。說不輟。說與不說。且置。敢問現前大眾。卽今還有心也。無汝若無心。我也休休笑。山僧太饒舌。亘信彌嗣

泉州雪峰如幻弘禪師。惠安劉氏子。幼補邑庠。卓有文譽。年二十七。身嬰劇疾。因讀維摩經。發心出俗。後于惠邑道中。遇黃檗彌言。下錐削。頓起疑情。力事參究。依彌十有餘載。深入堂奧。一日彌問。簷前雨滴聲。點點不落別處。畢竟落在甚麼處。師曰。落在鼻孔裏。

彌額之命居西堂 頌殃窟產難因緣曰爲鄭憐悴

却羞鄭萬轉千回懶下床佳信忽傳消舊恨朝來對

鏡理紅妝 頌馬祖翫月因緣曰好鳥雙棲占一枝

高飛健翮獨稱奇若教言下分斤兩笑殺江西馬簸

箕 頌城東老母因緣曰生平不喜佛陀耶阿母風

流出當家十指縫間無避處看來猶是眼中花 晚

年退居山麓高岡惠泉側預誠逝期而寂

亘信彌闕

北京海會明覺憨璞聰禪師南閩邵武連氏子其母

庭前夜坐見星入懷感孕後紅光蓋室師生焉年十

五出家天王寺二十五歲耻州縣庸碌僧不足尙慨

然動參學之念由是詣南海普陀圓具足戒入武林

瓶窰見永覺賢教從萬法歸一做工夫迄一年如蚊

子咬鐵牛直無下嘴處次參東山爾密洩瀉然有省

晚詣方丈白其所得洩領之上天台與通玄奇老人

問答投機命職維那因飯中咬著沙頓徹洞山雪峰

淘米公案其膺頓釋作偈呈方丈奇深肯之繼謁百

癡元于長慶受記荊焉時順治戊子夏也出住臨安

錦山錢塘廣福嗣因門人化被金臺都紳士削牘請

師住南海會寺師之名傳聞

帝庭矣丁酉秋

世祖章皇帝 駕幸海會方丈賜坐問佛法公案應

機甚契被

旨命入萬善殿結制特 賜紫衣銀印勅書加明覺

禪師之號己亥冬

詔命憨忠寺結制庚子秋疏請歸南八月奉

俞旨辭行辛丑入閩邵武郡侯紳矜等請住安國

上堂舉起拄杖曰饅天布網欲羅沖漢金鵬以拄杖

作釣勢曰四海垂釣意圖揚波錦鯉所以知識唱導

意不在言豎拂敲床提持閩外德山見僧便棒掀翻

靈蛇舊宅臨濟見僧便喝震碎鬼窟黑山假使言前

薦得猶是認影迷頭句下翻身早涉程途萬里更於

參究大似丙丁求火直下承當祇恐不是玉是玉也

大奇萬善恁麼道莫謂壓良爲賤只解把住不解放

行雖然如是三十年後此話大行或有英靈子道上

上機人來和尚作麼勘驗超羣須是英靈漢敵勝還

他師子兒下座 上堂天寒地凍衲子寒毛卓豎暖

室商量便落無記。磕睡所以雪竇道。藤蘿松下塊石枕頭。這般漢正好喚起來。頂額三千腦後八百。敵生死軍之甲冑。戰煩惱陣之戈矛。若是皮下有血者。聊聞舉著通身汗。下慶快無疑於此。穩坐神靈之臺。秘密之府。如鸛鷀獨守空流。相似山僧。撥轉船頭。別棹烟波去也。驀豎拄杖曰。木上座。適纔遊遍恒河沙國土。上至三十三天。下至水輪空際。一念回頭。坐在諸人眉睫上。揚聲大叫曰。南瞻部洲人。失火帶累東勝神洲人。奔馳甚生怖畏。幸遇文殊菩薩曰。汝等俱是癡衆。生何必生大恐怖。叫喚馳走。但能息心妄想。三毒業火自然頓滅。便乃合掌曰。我等獲遇佛乘。指我入解脫之門。甚生難遭之想。從今已後。永不退屈也。遂卓拄杖曰。木上座與爾作證明。問如何是奪人不奪境。師曰。林中鳥語。新野徑人踪。滅曰。如何是奪人境。兩俱奪。師曰。目前無閹黎座上。無老僧曰。如何是人境。俱不奪。師曰。白雲何處去。明月落誰家。師住安國六載。修葺頽廢。一新。丙午臘月八日。戒期圓。

滿集大衆付遺囑。散衣鉢。十三日午時。索筆書偈曰。今年五十七。捏碎娘生鼻。一生受用中。無得亦無失。昨夜兩個泥牛鬪入海。直至如今無消息。噴真消息。今朝西廊打倒東廊壁。收拾傀儡歸去來。莫教特地成狼藉。放筆右脇而逝。世壽五十七。僧臘三十九。塔于本山寺。右語錄十六卷。行世百集。元嗣興化府獅山西明蓮峰素禪師。莆田柯氏子。童稚時見山水。便發出塵之想。二十七歲投國權。禮逸叟脫白。嘗閱雪峰錄。看到投子指一片石。曰。三世諸佛總在裏。許參究半載。疑情不破。上曹山問寶華。忍忍拈棒。師一觸有省。後參金粟元。於建州百山。鍼芥相合。受記前焉。住後上堂。大道直如弦。大機疾如箭。不動一毫端。千化與萬變。本無利鈍人。祇要當機薦。杲日懸空。薰風撲面。程路迢迢。不隔條線。枝頭鳥語。兩三聲。錯落飛花紅片片。佛誕上堂。生本無生。無不生。指天指地。最分明。藍園一段風流事。要假兒孫脚下。行豎拂子曰。釋迦生也。大衆還見麼。擲拂下座上。堂有一人曰。餐萬物不道飽。有一人從古至今不。

喫一物不道饑。這二人阿那個合受人天供養。中秋上堂。松風清。山澗冽。八月秋何處。熱天熱有時。涼人熱無間。歇欲間歇。回頭須見靈山月。這片月也不圓也不缺。亘古亘今照世間。不待今宵始皎潔。遂顧視左右曰。汝等諸人還見麼。衆皆罔措。師下座。一時打散。問文殊是七佛之師。因甚出女子定。不得師曰。官不容鍼。曰。罔明是下方菩薩。因甚出女子定。師曰。私通車馬。曰。文殊與罔明得失在何處。師打曰。汝試指出看。僧擬議。師便喝。老僧問人天交接兩得相見。且道見個甚麼。師向鼻孔一捏。曰。會麼。曰。不會。師曰。八十年來空白首。問。萬念方興。念從何起。師曰。百花叢裏過。一葉不沾身。曰。一念未起。念從何止。師曰。無處摸索。問。猛虎不食其子。因甚蜻蜓自咬尾巴。師曰。求人不如求己。百歲元嗣

浦城就山古門真禪師潮陽潘氏子。年十九投大草菴。爲僧。初參黃檗琦。示以倒却門前刹竿。話久無入處。一日入方丈求開示。琦豎拳曰。會麼。師曰。不會。琦便掌師作禮。琦曰。下坡不走快。便難逢。師罔措。明年

回漳州岱山寺。一晚與同參在山門外。師舉倒却門前刹竿。聲未絕。同參將師劈面一掌。遂有省。後依金粟元。一晚元下堂勘驗。問曰。好一堂古佛。爲甚麼不見放光。師便一喝。當下通身爽快。遂成偈曰。因地一聲元有據。廓然脫落了無依。眼空四海明端的。者段風光只自知。師後主馬峰薦福善政。諸利有各會語錄行世。百歲元嗣

興化府曹山萬壽千指光禪師上堂拈拄杖卓一下。召東邊師僧。僧舉首復以拄杖卓一下。召西邊師僧。僧舉首乃擲下拄杖。曰。將此深心奉塵刹。利是則名爲報佛恩。上堂道源不遠。性海非遙。喝一喝。曰。元來只在這裏。又曰。這裏是個甚麼。趙州栢樹子。楊岐三脚驢。復喝一喝。曰。逢人不得錯舉。上堂一塵入正受。塵塵三昧起。乃擊拂子一下。曰。者個是一塵。喚甚麼作正受。又擊一下。曰。者個是正受。喚甚麼作一塵。會麼。不是心。佛不是物。禪板蒲團齊踣跳。乃喝一喝。曰。若不喝住。幾乎撞翻三世諸佛。上堂千說萬說。不如親見一面。喚作拳頭。則觸不喚作拳頭。則背是。

何物兒不見。蓋子撲落地。碟子成七片。上堂一理足萬事。周一塵起。大地收。喝一喝曰。若明得者。一喝盡大地。皎皎然更無一物爲障。爲礙。雖然如是。喪我兒孫。復喝一喝。上堂。桃花紅。李花白。正是春風二月節。有來由。沒端的新羅國裏。火星飛。元來是北俱蘆洲。打生鐵。復舉慧忠國師喚侍者侍者。應諾如是。三喚三應。國師曰。將謂吾辜負汝。却是汝辜負吾。師曰。好一場曲調。廣和分明。直得山河作舞。大地同音。甚麼處是國師。辜負侍者。處甚麼處是侍者。辜負國師。處喝一喝曰。姹女已歸霄漢。去獸郎猶向火邊樓。問喫金牛飯。孤峰頂上安眠。飲曹山酒。十字街頭倒臥。是甚麼人境界。師便打僧。便喝。師又打僧。作女人拜。師曰。我將謂汝是個人。問如何是曹山境界。師曰。萬松不改舊時顏。曰。如何是境中人。師曰。坐底坐立底立。問如何是趙州茶。師曰。普曰。如何是雲門餅。師曰。苦曰。餅茶俱喫。時如何。師曰。毒殺闍黎。百藥元嗣興化石室。伏虎巖。月川卽禪師。莆田人。張姓。母周氏。產師前一夜。異光滿室。髻齡便穎。超邁倫壯。則夜夜

篝燈讀異書。風雨無間。試每前矛。丙戌年。遂謝絕藝苑。棄除筆墨。入壺山。南泉披荆。偏參叢席。後與金粟元投機。受付囑。焉回。蕭住西山之雙峰巖。繼住雪巖。後住石室。伏虎巖。開爐上堂。四十九年。止啼黃葉。西天東土。接響承虛。據實而論。諸佛諸祖。無開口地。卽上座。從何處說起。大道由來。平似掌。奚須爐竈。另安排。舉拄杖曰。未免隨例。看火添柴。若是真金不變色。任教鈍鐵也。成材。光燦燦。絕疑猜。拋撒諸人眼裏。來喝一喝曰。是甚麼也。須仔細。上堂打散大眾。拘折拄杖。拍手大笑曰。今日小出大遇。上堂行偏高山路。嶮巖到來平地反。危疑莫言風景他。山好血灑杜鵑叫。不歸歸。歸便到故鄉。田地猶欠頂門一橛。上堂架箭立牌。擎叉舞劍。都是鹵莽伎倆。嚇騙小兒。若是堂堂正正。八字打開。喫粥者。任他喫。喫茶者。任他喫。茶石橋。無隔礙。大道沒遮欄。一切人。蕭直行去處。處處綠楊堪繫馬。家家有路透長安。上堂未開口。已前佛法盡布大地也。豎拳豎拂。土上加泥。說要說元霜中。撲雪三世諸佛。何曾知有歷代祖師。徒勞

饒舌這裏只管種菜鋤茄豈暇眼中著屑遂以拂子
自擲口曰老僧口門齒折 師誕上堂世尊四月初
八山僧十月初八均一初八一個鑄金一個燒鐵一
個度盡恒沙一個自救不了爲甚釋迦說奇哉一切
衆生具有如來智慧德相喝一喝曰一任峩嵎山積
雪依然滄海水東流 上堂西風吹細雨落葉滿空
庭不語燈花墜停鍼泪自零且道有甚麼事關切放
不下提不起炯炯綿綿在眼前愁人只怕愁人聽
小參龍潭滅紙燭德山暗地生光鹽官索犀牛侍者
轉身有路雖是借途經過也要自家作活至于擒摩
龍捉猛虎未爲分外若事過心涼景移物轉莫怪山
僧舌頭無力 示衆從無量劫來流浪生死如蕩子
離鄉一日遠一日何時得返喝一喝曰有誰阻你
問佛法都要上根上器人得下劣人無他分了師曰
誰家不見樓頭月多少松風塞耳聽 問如何是和
尙家風師曰半邊竹篋通流水幾片閒雲過遠山曰
和尙以境示人師曰失却一隻眼 師看月次僧問
同一個月有時明有時暗有時圓有時缺是如何師

曰你問是第二月曰如何是第一月師曰照天照地
百藥
元嗣

五燈全書卷第八十九

五燈全書卷第八十九補遺

臨濟宗

南嶽下第三十六世隨錄

福建寧德玉象龍華無得寧禪師出隊小參乘熏風
訪明月踏遍雲霞何卓越昨夜西巖太白峰放光動
地千山悅且道悅個甚麼一人有慶萬人樂業 冬
夜小參陰消陽長化運推遷枯木生花道人活計莫
學鑽龜打瓦要知時節因緣語默動靜須得其宜舉
措施爲應當回互不回互撞頭碰額人無數隱元
琦嗣
閩南超山良治樂禪師小參千山突兀萬木蒼翠門
外鷄啼堂前狗吠一一天真本無忌諱無忌諱大開
兩眼對青天莫向閒時打瞌睡 僧問路逢達道人

不將語默對未審將甚麼對師曰不是拳打便是脚

賜元
琦嗣

福州聖泉中柱砥禪師小參前十五日玉兔金烏劈箭急後十五日泥牛入海無消息正當十五日個個眼橫與鼻直此事由來本現成何須特地去尋覓

元慶

○隱

○隱

○隱

福建福廬時學望禪師上堂個事無藏富陽脫體

眞四維山色秀遍地野花新三十年前作境會三

十年後了物惟心到者裏莫作等閒是

悉麼長恨春光無覓處今朝轉入此山來

巨信
彌嗣

福建泉州招慶重眉況禪師同安蔡氏子示衆碧

醉日鋪千錦綠柳隨風布萬條觸目都來成現事何

須開口話時韶無一物不爲諸人啓圓通妙門無一

時不爲諸人闡正法眼藏何須更待山僧鼓兩片皮

假饒搆得將來亦是劍去久矣

巨信
彌嗣

五燈全書卷第九十

京都聖感禪寺住持臣僧 超永 編輯

京都古華嚴寺住持臣僧 超揆 較閱 進

呈

臨濟宗

南嶽下三十六世隨錄

泉州府永春瑞雲借山映禪師漳州林氏子世業儒年二十二投禮南山彌于廣嚴薙染後受金粟元印可上堂問佛問法眼裏著沙不得說心說性耳裏著水不得有道眼裏著得須彌山耳裏著得大海水似這等承虛接響漢正好朝打三千暮打八百何故清平世界切忌訛言上堂昨日臘八今朝臘九石橋看梅花天寒不出手因思趙州喫茶曹山顛酒隨分納些些直得通身都是口既然通身是口却來牽扯他閒絡索作甚麼遂顧視左右曰只要知時識節人何須首上又安首本師三週拈香曰三週三轉語豈足酬恩一棒一條痕終圖雪屈落魄兒上無片瓦下無卓錫只向十字街頭東擺西擺攪得一片來也

不觸也不背。燕在爐中。且道酬恩好。雪屈好。以手捉胸。曰。別寶波斯會。遇相思。寧不哭蒼天。頌世尊拈花曰。佳人曉起行春。公子新晴踏草。雖則冤家聚頭。湊合天然恰好。可憐多少路旁人。不識春光空懊惱。頌女子出定曰。天門中斷。楚江開。碧水東流至北迴。兩岸青山相對出。孤帆一片日邊來。頌趙州洗鉢孟話曰。洞庭寬。秋月好。乘便行。船須及早。莫待空波卷石尤者。邊那邊俱不到。頌臺山婆曰。縱橫十字坦然平。去萬來千任意行。無故從人問。可否隔林猿叫斷腸聲。公驗正眼分明者。隊巡邏都按下。自然歸路一身輕。頌文殊三處度夏曰。是非海裏橫身入。豺虎羣中自在行。要識文殊瀟灑處。瞻毛斜蓋兩三莖。百癡元嗣

松江明發淵堂齡禪師上堂。六月十九前。無佛處不得住。六月十九後。有佛處急走過。正當六月十九圓通門。啓萬木成陰。往者于此息肩。住者于此休心。何故檻外黃鶯聲。頌老分明觀面是觀音。百癡元嗣明發聖墨溥禪師上堂。蕃華城郭多遊徧。富貴鄉村

盡轉交。及至鉢盂未合口。狸奴白牯日咆哮。諸仁者莫饒饒。蒲團且坐。休思慮。待問君平第二爻。小步。湧日堂中寬。且閒諸人何故。脚頭頭從前只爲移差。步致使于今未過關。東西是壁。南北是山。中間一派水潺湲。轉得身。分移得步。危峰險嶂任躋攀。上堂。甲寅五月初五。何用桃符艾虎。一年木虎當陽。妖孽休教莽鹵。獨是祖師門庭。魔外不敢觀。觀總之佛祖來也要循規矩。何以如是。所以有云。賓則始終賓主。則始終主。上堂。諸佛心。心爲衆生。無不曲垂方便。衆生念念違諸佛。無不悖逆行。持昨夜無位真人打落無面目人。半邊鼻孔。揚聲大叫。驚得鐘樓起舞。佛殿騎山門。特出斷事。帶累彌勒大士。呵呵大笑。大衆且道。他笑個甚麼。來來往往。人無數。幾個真心爲道人。示衆。今朝七月十五。諸方解開袋頭。放出金獅玉鳳。顛狗狂牛。不是犯人苗。緣落人釣鈎者。裏一味隨緣。無有布袋。結解有事。大家作無事。大家休。亦有金獅玉鳳。顛狗狂牛。總不按。下任伊去。留若是我。家種草決不沉浮。上堂。叢林到處荒涼雲。水任他去。

住秋來青草盈堦。佛法並無一句。龜毛兔角。何所指。
揮銀管。麥光驪。因流布。以杖作釣魚勢。曰。閒來且學
釣魚翁。日暮錦鱗終未遇。以杖架肩。曰。絲綸收拾賦
歸歟。明月清風滿道路。上堂。溢目秋光好。不須向
外尋。鼻端香馥馥。籬下盡黃金。諸昆仲莫呻吟。淵明
去後花猶在。何得攢眉思古今。百藥元嗣

武林護國仁王寺天昂亞禪師。莆田胡氏子。初參黃
檠琦。久待資福。觀後受明發元記。前出世護國上堂。
涅槃無異路。方便有多門。以杖畫一畫。曰。涅槃路一
時截斷。卓一下。曰。方便門徹底打開。看諸人作麼生
行履。喝一喝。曰。劒去久矣。汝方刻舟。中秋小參。
山指月曹溪話。月馬師。既月護國。總不恁麼。何故。人
人心月孤圓。個個性天朗耀。豈不見寒山曰。吾心似
秋月。碧潭清皎潔。無物堪比倫。教我如何說。山僧說
亦說了。如何是真。月以拂子。○曰。切忌眼花。小參
山中多時冷澹。今日作一薄供。犒勞諸人去也。遂展
左手。曰。先將雲門餅。又展右手。曰。次托趙州茶。直須
細嚼切莫嚙。雖然如是。忽遇雲門趙州索茶餅錢。

又作麼生。衆無語。良久曰。更深猶自可。午後更愁人。
上堂。雪後雨。雨後雪。紛紛落到那時歇。街坊經紀
叫蒼天。海底泥牛凍角折。我禪僧受佛祖餘麻。戶庭
不出。也要知些苦辣。始得顧左右。曰。莫言不說。示
衆。十方佛土中。唯有一乘法。卓拄杖。曰。這裏是佛土。
作麼生。是一乘法。良久曰。黃鳥柳堤喧。日暖雨餘蛙。
鼓鬧桑田。示衆。海水鹹。河水淡。人人得知黃連苦。
甘草甜。阿誰不曉。爲甚麼問著自家屋裏事。十個到
有五雙眼。瞎瞎地。蓋爲情識未乾。觸途成滯。致使無
自由分。今日山僧爲汝道破。遂展兩手。曰。逢人切莫
錯舉。示衆。世間有二種人。一人坐在水底。被火燒。
殺一人。坐在火裏。被水淹。殺。試問這兩人。犯甚麼咎。
良久曰。差之毫釐。失之千里。示衆。佛祖頂額人。天
眼目。苟非英俊。徒勞穿鑿。直饒穿鑿得透。被明眼宗
師向脚跟下一撈。未免胡猜亂卜。須知大冶精金。應
無變色。鉛汞砒砒。如何湊泊。示衆。護國門下。不將
黑豆換人眼睛。又不將糞彈塞人鼻孔。各自見景生
情。遂打噴嚏。顧侍者曰。那個背地裏說我。示衆大

道只在目前。要且目前難觀。欲識大道真體。不離聲色言語。山僧今日舌頭疼。不能與諸人說破。便歸方丈。示衆百千法門。無量妙義。不動舌根。望你瞥地。有山可居。有物可利。一味知機。不取避忌。你且道。避忌個甚麼。不見道。水潦纔跨馬。師門一踏。胡盧笑不已。示衆提起話頭。志猛烈。一掌要見。一握血。三更迸出。日輪紅。裏裏何曾走却。驚示衆。今朝十五。椎鐘擊鼓。覲面提持。更莫莽鹵。莫莽鹵。甜瓜徹底甜。苦瓜連根苦。問如何是不動尊。師曰。盡日街坊。足不停。問如何是函蓋乾坤。師曰。東西十萬。南北八千。曰。如何是截斷衆流。師曰。木蘭陂上。石將軍。曰。如何是隨波逐浪。師曰。七里灘頭。野渡橫。問如何是透法身。師曰。金鍼眼裏。翻筋斗。問如何是神通變化。師曰。這野狐精。百病元嗣燕京玉極南光。禪師上堂。乃舉楚石琦曰。若據一大藏教。說少一字。若據祖師門下。說多一字。不少不多。恰好處。道將一句來。僧擬議。琦便打出先金粟曰。若據一大藏教。說不少一字。若據祖師門下。說不多。

一字減少。添多恰好處。道將一句來。僧擬議。粟便打出。師曰。山僧今日則不然。若據一大藏教。說原無一字。說甚少。與不少。若據祖師門下。說亦無一字。說甚多。與不多。透脫多少。二途恰好處。道將一句來。倘若擬議。亦便打出。且道。二老人打底。是山僧打底。是擲拄杖下座。小參。盡乾坤大地。是汝等本來面目。且道。如何是本來面目。良久。曰。會麼。山僧將古人言。句爲汝等抽釘拔楔去也。切忌忘形。與死心。此事難醫。病最深。直須提起吹毛利。要剖西來第一義。瞳却眼。分明起眉。反覆看渠渠。是誰若人靜坐。不用功。何年及第。悟心。空大小。鷺湖三百六十骨節。一齊撒在面前。山僧另爲頌出。切忌說心與說性。問來眼目便動。定直須拶破太虛。空白棒橫拈行正令。百病元嗣松江明發。懶拙恒禪。師蘇州人。參金粟元。問。不許你動口。不許你動手。本分中。道一句。看師曰。喫飯充饑。飲水止渴。元曰。一切衆生。皆有佛性。因甚。趙州道無。師曰。一字入公門。九牛拔不出。元曰。卽今趙州在甚麼處。師曰。兩眼對兩眼。遂呈一頌曰。狗子無佛性。因

邪却打正。可憐趙州老喪盡窮性命。百癡元嗣

福州府鐘山大中石竺嵩禪師。莆陽蔡氏子。幼失怙恃。八歲時。因看黎園。痛思父母。深恩未報。不覺泪下。遂立志出家。往天馬山禮博山開如靜主。圓頂年方十三。聞曹山請寶華忍。開堂。即往參叩。問父母未生話。忍即打出。自此頓起疑情。進堂經行。偶撞露柱。疑團忽破。即口占曰。堂前露柱太無端。觸豁當頭萬仞關。鐵壁銀山都粉碎。大千沙界共閒閒。後還蕭住西巖。值金粟元就蓮山結冬。往參機契。受囑住鐘山大中。東山大乘。西巖廣福。佛誕上堂。捏怪老瞿曇。因地嘴喃喃。指天又指地。喚北便爲南。雲門打殺餓狗。也是落二落三。何故。斲賊後。張弓遲八刻。回頭轉腦隔千山。上堂。豎拄杖曰。南人相耳。北人相鼻。者個亦無眼耳鼻舌身意。不論南北東西。這裏有能相的麼。相得老僧許他具一隻眼。衆無語。師擲下杖曰。化龍去也。上堂。舉起拂曰。大衆若將這個喚作拂子。諸人眼睛已被這個穿却了也。若不喚作拂子。諸人眼睛又被這個換却了也。畢竟如何。遂擊拂曰。青山

只解磨今古。流水何能洗是非。上堂。諸佛肝腸祖師骨髓。趙州無淨裸。雲門有赤灑灑。大似一團猛火輪。當面擲來沒可把。上堂。寒月印千江。亂蛩鳴四野。祖師格外機。紙墨不能寫。古不云乎。百草頭薦取老僧。鬧市裏識取自己。急著眼。莫遲疑。眨起眉毛。三千里。上堂。法不可以說。說道不可以聞。聞五千四十八卷。空費鼓舌搖唇。一百一十二城。徒勞來往。情超雲水。見絕功勳。卓拄杖曰。今日分明。學似君。上堂。無端昨夜傷風。今朝勉強。上堂。佛法無可商量。不如打個咳嗽。乃咳嗽一聲曰。若不是傷風。爭得與諸人盡情說破。上堂。說佛說法。眼裏撒沙。論禪論道。耳中著水。惟有山門前。佛殿後。有個漢盲聾啞。東西不辨。南北不分。猶較些子。咄。是何言歟。上堂。昨日四今朝五。撞洪鐘。擊法鼓。虛開兩片皮。爲誰成露布。蕭豎拄杖曰。明眼衲僧沒奈何。笑殺雲門道個普。問如何。是佛師。捉住曰。道道僧。擬議師。打出問官。不容鍼私通車馬。意旨如何。師打曰。這是甚麼所在。曰。却求流通一線。師復打曰。再犯不容。百癡元嗣

湖州德清吉祥愚山藏禪師。幼習台宗。博通名相。後參天童金粟。因病居山。久之。自念生死急切。往依金粟。鑑于東明。言下契機。頓悟大法。上堂。無端抱病。臥清溪。個事何曾舉著。伊活捉將來。呈醜拙。當陽拈出。露全機。舉拂子曰。若是通方作者。便能直下知歸脫。或滯句迷言。未免東摸西摸。忽若摸著時。又作麼生。也是將錯就錯。示衆。我有一疑。要與諸人說破。免向人前求言覓句。你諸人不肯全身放下。叩已而參。將謂我有佛法與人。若論山僧見處。釋迦老子不是。佛西來達磨不是。祖天下老和尚不是。善知識現前兄弟不是。凡人正與麼時。喚作甚麼。于是分曉得去。佛祖衆生。沒兩般。聖凡名號。皆幻立。孤雲鑑嗣海陵大聖乳峰卓禪師。定海夏氏子。力田爲業。年二十四。辭親出家。看本來面目。話疑情。頓起。上天童。苦參三年。復參玉泉。鑑有省。一日。領衆入方丈。鑑問。薰風自南來。殿閣生微涼。意旨如何。師曰。天氣嚴寒。伏惟珍重。鑑曰。只恐不是。玉師曰。大衆聽取。問把手與君行不得。惟人自肯。乃方親如何。是自肯一句。師

曰。待汝脚跟點地向汝道。問釋迦未出母胎。度人已畢。因甚。末後又言。觀明星悟道。師曰。欲窮千里目。更上一層樓。師將寂滅。喚侍者曰。我至戌時去也。索水浴畢。更衣趺坐。至中夜。問曰。甚時候侍者曰。戌時。師曰。時至矣。速鳴椎集衆。問衆集否。衆答曰。集。師揮拂子曰。末後句。莫商量。乾坤坐斷。證空王。若問山僧。歸何處。明朝初一日。東方隨舉手。別衆而逝。孤雲鑑嗣泰輿慶雲。此藥約禪師。問和尚住山。得何三昧。師曰。嵐氣侵衣。溼溪流到枕清。問居士設齋。甚麼人還錢。師打曰。就是你。曰。莫聽。師又打曰。得。怎麼不識數目。孤雲鑑嗣古鹽永寧玉山博禪師。新安程氏子。年四十。薙染受具。上堂。白雲出岫。本無心。流水到門。非有意。佛事初過。度人已畢。下座。孤雲鑑嗣瑞安羅山龍聖機。位年禪師。永嘉楊氏子。年十九。航海遊普陀。睹大士現像。潮音洞發心。卽于鎮海寺出家。矢志宗乘。月菴潔欲授鉢。袋師以大事未明。誓不自肯。遍歷諸方。末受本充盛印。可住靜杭州上生菴。

十載瑞邑士紳請住羅山龍聖 除夕小參今晚臘

月廿九夜說著令人心膽碎喻如爾我末稍頭生死

交關非小事失却人身萬劫難了取無生須警地大

衆若曾警地不妨超古今于當念坐斷十方于此際

其或未然一年一度話除年除到驢年何劫已喝一

喝 七期示衆學道如喪父母不覺渾身痛苦忽然

撞破銀山管取超佛越祖雖然如是切忌莽鹵 問

如何得轉凡成聖去師曰夢生槐國 問疑卽悟不

疑卽迷不迷不悟又作麼生師曰速道速道僧擬議

師打出曰弄虛頭漢本充盛嗣

姚江蟠山普濟珉月璉禪師邑之岑氏子上堂昨日

東西兩序詳論佛法是有是無總是驢年未夢見在

何故齊門前生瑞草好事不如無本充盛嗣

蕪湖太平尼一眞恩禪師山陰王季重女也年三十

禮愚菴孟披剃受具上堂法無定相隨念變遷佛無

定形隨機應化語若迅雷不容掩耳機如掣電豈許

停思八臂難敵千眼難覷可奈禪和但知幻之爲幻

不知非幻之幻但知非幻之幻而未知何爲非幻

急轉遲目視雲漢大乘并索小乘錢串喝一喝下座

本充盛嗣

五燈全書卷第九十

五燈全書卷第九十補遺

臨濟宗

南嶽下第三十六世隨錄

福建泉州清源一嘯正禪師上堂風瑟瑟雨瀟瀟衲

被蒙頭睡幾個知天曉春光重慶會儂家意氣奚曾

少滿地白雲收不盡數樹閒花開窈窕獨憐蕩子不

思歸帶水拖泥何日了咄個個眉毛分八字不須向

外打之遶百衆元嗣

福建晉安萬歲白也水禪師示衆眼若摩醯覲之不

得口似血盆宣之不及不及不得處林下好端的且

端的個甚麼此夜月明人盡望不知秋思在誰家

示衆山簇簇水溶溶花笑日竹搖風古怪石頭形若

虎火燒松樹勢猶龍。楊岐驢說弄蹄三隻。立沙紙
休將作白三封喝。一喝曰。長安有路。門門透。繫馬堤
楊處處通。示衆。荷知有暑。先擎蓋。柳爲無寒。盡脫
綿濟北宗風。全體露。更於何處覓三立。一僧曰。如何
是三立。師打曰。領取話頭。百癡元嗣

潭州資陽白鹿鍾山宏禪師示衆。薰蕕不同器。梟鸞
不接翼。壁上畫鍾馗。空中懸劍戟。施大用。展全機。戴
角擎頭。觀者稀。忽地一聲雷雨散。中天佳氣靄騰輝。
喝一喝。百癡元嗣

福建蓮山國權古蒼旻禪師上堂。春日鞭土牛。元夕
掛燈毬。農勤耜舉。將有事於西疇。村歌社舞。咸乘月
以遨遊。遊則連夜樂耕爲竟年謀。何似衲僧家。燈籠
掛露柱。白牯牧溪頭。也無喜也無憂。喝一喝曰。者裏
會得是我同流。百癡元嗣

維揚涇州三昧自覺元禪師本郡江都徐氏子上堂。
豁開頂門正眼。露出腦後圓光。活潑潑絕。囊藏輪魏
巍。無回互。且道現前受用一句。又作麼生。本地風光
隨處是。超然獨脫樂無窮。上堂。天晴日暖。萬象昭

然。燕語鶯啼。見聞不隔。全機電卷。祖印單提。有時山
頭翻白浪。有時海底起蓬塵。透脫樊籠。不存立解。
上堂。春去夏來。如是過。稠林深處。綠陰多。流鶯嚙轉
傳消息。脫體風流會也麼。師住三昧百務維新。順
治癸巳秋。觀法門蓋觴師以衣拂還鑑曰。翻個筋斗。
再來大書昔字。辭衆示寂。果九月廿一日也。閱世四
十六。坐臘一十七。同繼席玉山禪師塔於本寺殿西。
孤雲鑑嗣

吳山寶聚密印衍禪師小參。舉拂曰。釋迦已滅。彌勒
未生。森羅萬象。拋向一邊。作麼生是諸人法身。良久
曰。知麼。簷聲不斷。前旬雨。電影還連。後夜雷。喝一喝。
本充盛嗣

五燈全書卷第九十一

京都聖感禪寺住持臣僧

超永

編輯

京都古華嚴寺住持臣僧

超揆

較閱 進

呈

臨濟宗

南嶽下三十六世隨錄

上洋龍華大壑濟禪師鹽官朱氏子弱齡穎異業儒嗜佛十九脫白往參金粟容纔入門容便當頭一棒曰不可忘却這一棒師當下領旨踰年復謁龍華宗巾瓶隨侍及掌記室殫力輔弼二十年鋸解不開徹法源底晉職西堂以偈囑之遂命繼席龍華上堂塵說利說熾然說大塊分明都漏洩三世諸佛立地聽申江流出廣長舌燈籠拍手舞三臺露柱開眉也擊節善來彙集毗尼壇持戒清淨如滿月報諸仁須甄別縱橫不是塵撲落非他物別別我法妙難思止止不須說示衆向上一著初無奇特丁卓卓迴絕囊藏悄悄巍巍萬仞壁立切忌扶牆摸壁貴須單刀直入機先得旨一似透網金鱗棒下翻身未是白拈正

賊若能跳過金圈吞透栗棘方許獅子窟中縱橫返躑故曰懸崖撒手自肯承當絕後再甦欺君不得直饒恁麼來時劈脊烏藤好與三十有麼有麼山僧也是胡餅裏討汁小參小盡二十九貧漢皆知有大盡三十日家徒空四壁蒼黃陡變不尋常多少男兒赤骨體冷眼忽從忙裏開風光却向閒中擲君不見騎驢人在壩橋西破雪寒梅香潑鼻又不見東村王老夜燒錢爆竹喧天光滿室結角羅紋一線通自然臘盡寒冰釋正當三百六旬之終二十四氣之末吐氣轉身一句又如何分析直饒碧眼胡僧只合口挂在壁士問臨濟三度問佛法大意三度被打意旨如何師曰焦磚打著連底凍士猛省師打曰這一頓少汝不得士問狹路相逢時如何師擒住曰賊賊士便喝師掌曰和贓捉敗宗明越州大善澄澈禪師示衆虺虺隕隕一暴十寒底施主設饋飯供養你你還知慙愧麼巍巍堂堂千了百當底山僧用拄杖奉承你你還知賞罰麼若也知棒打你腰折飯塞你眼白若總不知石女椎胸流血

淚木人翹首哭蒼天。上堂說個佛字。滿面慙惶。說個禪字。通身泥水。說正說偏。說妙說元。說頓說圓。說巧說權。三家村裏。祝念火居。一般有甚麼臉嘴。殊不知大人具大見。大智得大用。一條拄杖。如龍活。直使嵩山暗點頭。晚參。謗佛謗法。謗僧是脫空。小妄語。本來面目。真如涅槃。向上句。末後句。是脫空大妄語。黃面老子。離兜率降皇宮。乃至夜觀明星。無非皆欲發露者。個脫空妄語底罪。根爭奈千佛出興。總不容他發露。設有一人容他發露。龍華拄杖。打教折去。猶未住手。在何故。出瓶妙藥。非輕瀉。離匣金刀。豈亂揮連卓拄杖。上堂。最初一步超羣。已是落二落三。最初一步落節。未免千差萬錯。何況隨人起倒。墮他坑塹。好笑黃面瞿曇。纔生下地。最初一步劈頭錯起。及乎拈花微笑。累他四七二三。歷代古錐。各各將錯就錯。錯至今日。並無一人救正。譬如酒席行令。祇責人錯。去你錯你。飲我錯我。飲到大醉不覺醉。倒在臭尿糞窖裏。即欲出頭。總不可得。龍華不忍坐視。義難容默。向人天衆前。分明說破。雖云邪法靈驗。正法難

扶管教三十年後。此話大行。侍者記取。取。天童掃塔上堂。春林自無枯木。大海豈有別潮。到天童門下者。盡是獅子兒。等閒哮吼。百獸腦裂。遂喝一喝曰。不是澈上座。驚羣動衆。敢借法叔大和尚鼻孔出氣。諸兄弟。豈不見從上來。咬猪狗手脚。用棒喝機關。上弘佛祖心宗。下闢人天眼目。亦莫不血脉相連。同此鼻孔出氣。所以有向四明打鼓。却在九重說法。有在越水經行。又向天童陞座。普天匝地。從古至今。初無絲毫間隔。設有個不借他人鼻孔。且道又向何處出氣。雲擁萬山。齊列拜月。分雙鏡共飛輝。問如何是本來面目。師曰。鼻頭向下。垂曰。覲面相逢時。若何師曰。腦後見腮。莫與往來。問至道無難。唯嫌揀擇。意旨如何。師曰。開口即錯。曰。不開口又作麼生。師曰。錯錯。曰。如何得不錯。去師曰。且請歸單打坐。又僧問。至道無難。唯嫌揀擇。速道速道。師曰。你問得恰是。曰。不問又如何。師曰。是。曰。適來道錯。如今因甚麼又道是。師曰。且請歸單打坐。二僧一齊將師扭住。曰。畢竟意旨如何。師曰。點石化爲金玉。勸人除却是非。難

紹明
宗嗣

越州廣福元藏法禪師上堂烹佛烹祖大爐鞴烈焰
亘天煅凡煅聖辣鉗鎚腥風市地謾道四七二三
七百個盡在者裏鎔冶出去縱饒情與無情一切含
靈無不于此脫皮換骨解粘去縛直得八萬四千毫
竅盡彰盧舍全身百千兆億須彌頓現寶華王座若
到廣福門下更須再加陶煉始得何故換骨洗腸重
整頓通身手眼更須參 上堂癡憨箇不關風久日
用時時緘口過大衆今朝相逼却携筇直上寶華座
既登此座不可無言仔細思量一場話墮諸禪德廣
福不措一詞話墮在甚麼處不見道言滿天下無口
過行滿天下無怨惡 上堂羅龍打鳳不是尋常琢
玉烹金豈非敏手古德道三世諸佛向火燄裏轉大
法輪未免傷柴費炭廣福不然不行舊例不斬新條
事出尋常隨家豐儉又何必三條椽下七尺單前鼻
孔叱沙眉毛厮結伶俐底掾起便行實爲英俊倘若
遲疑鈍置拄杖子劈脊攔腰莫言不道卓拄杖下座

紹明
宗嗣

南昌演儀無則禮禪師上堂百日勤勞苦用工不停
時刻究心宗焉然覩破無生意個裏風光處處同大
衆這段風光人人有分何必三冬燒爐煉炭傷鹽費
醬枉用神思苟能當下知歸潯山便是水牯牛臨濟
原是白牯賊尙或未然山僧更放一隻無毛鐵鷄向
汝諸人面前左衝右突去也拽拄杖下座打散 上
堂佛法本無西與東愚迷顛倒自分別合塵背覺外
邊尋不識家中鍋是鐵腦後焉然正眼開始知凡聖
無優劣笑他雪嶺觀明星却向人天太饒舌弗饒舌
七七年來教誰說 上堂一年三百六十日逗到今
宵爲極則已躬大事如未明各各勤參要努力任他
時節有遷流這裏從來無失得因地一聲透此關原
來歲盡是除夕不須送舊與迎新那堪衣帽假莊飾
平懷一種道人家面亦何如心口直但信龍池與麼
言百劫千生不受惑遂乃震聲一喝曰諸仁者還會
麼休待閻羅索飯錢莫道不曾通消息 上堂雨過
千山增秀麗雲收萬里露青天一輪杲日當空照祖
意明明百草邊 問不落因果爲甚墮野狐身師曰

鴨寒下水。曰不昧因果。爲甚脫野狐身。師曰。鷄寒上樹。曰脫與未脫時如何。師曰。苦匏連根。苦甜瓜徹蒂。甜曰恁麼。則大地衆生得解脫去也。師曰。也須上座。

證明靈巖
古嗣

罕山靈福曰。巖悟禪師上堂。向上一關。你也踏著我也踏著。蓋緣不知者多。若也知得。一踏踏翻四大海。一踢踢倒須彌山。撒手歸家。無一物。雀噪鴉鳴。松柏間。且道是何意旨。個個鉢孟口向天。上堂。今日說法。昨日啓請。凡事豫則立。不豫則廢。昨日辦菜。今日應供。修如是。因得如是。果如斯。會去縱橫在我。殺活非他。更或躊躇。臨崖看滌眼。特地一場愁。上堂。如爲一人衆多。亦然黃面瞿曇。赤心片片。若是腦後抽釘。眼中拔箭。底兒孫到來也。須藏身掩面。何故再犯不容。誕日上堂。赤骨律絕。安排地凍天寒。與麼來。雲門一棒從何進。贏得梅花笑臉開。正眼觀來。釋迦老子。猶欠悟上座一著。在何故。壽福不入慎家之門。

靈巖
古嗣

瑞雲潛谷閒禪師。小參。月隱雲中。情生智惑。雲開月

現。智顯情忘。遂拈拄杖作圓相曰。祇者一輪無圓無缺。無隱無顯。光吞萬象。氣壓諸塵。何幽不燭。何闇不明。如斯耿耿。難可喻之。且道正當恁麼時。如何擊香案。曰。斫倒月中桂。清光轉更多。問世尊觀明星悟道。且道悟個甚麼。師曰。洗面摸著鼻。士問。萬法歸一。一歸何處。師曰。夜長夢多。

靈巖
古嗣

松江超果木居。禪師上堂。佛祖心印。難以識識。覲面相呈。見聞不隔。所以馬祖時。百丈侍立。鼻頭扭得痛。便向堂前卷却席。遂豎拂子曰。大衆是甚麼消息。良久曰。一枝紅杏出牆來。不遇攀郎空狼籍。晚參。豎起拄杖曰。豎窮三際。橫放拄杖曰。橫遍十方。良久曰。不橫不豎。何處與拄杖相見。一僧拈起拄杖。師曰。不識鈎頭意。徒認定盤星。僧擬議。師直打出。上堂。不離當處常湛然。覓則知君不可見。豎拂子曰。還見麼。復擲下拂子曰。認著依然還不是。上堂。有物最大。而無外。有物最小。而無內。有物先天而不生。有物後地而不滅。諸人還識此物麼。昨夜竹床春夢醒。子規叫落桃花月。上堂。頭頭顯露。事事現成。倦來打

睡健則經行三十年來不慕諸聖不污已靈語諸人莫把金屑撒在眼睛昔年曾向途中覓今日看來火裏冰。上堂不是心不是佛不是物畢竟是個甚麼。蛇女已歸霄漢去。歎郎還向火中尋。上堂鐘是鐘聲鼓是鼓響。一一分明那有遮障。因甚觀音大士從聞思修始證圓通。不是大蟲吞白額。肯信師姑是女人。離言法嗣

奉化嶽林楷菴緒芳承禪師。浙之寧波鮑氏子。幼習儒業。通法華經義。十六父母俱亡。棄室于白雲剃度。謁古南門苦參不得入處。一日擔柴遭跌。有省。遂述偈曰。未知生焉知死。輪迴覓處無起止。白雲盡處見青山。行人不在青山裏。次參超果法。問自遠趨風乞師。一接法曰。放下著。師曰。欲窮千里目。更上一層樓。法曰。放下著。師遂作禮。一日看寶華錄曰。我手何似佛手。答曰。某甲也有師。遂大悟。法問羅喉羅何以爲第一師。曰。寧可截舌不犯國諱。法深領之。上堂。夫子不識字。達磨不會禪。拋出栗棘蓬。放下金剛圈。任從吞吐與咬嚼。切忌彈落牙半邊。正恁麼如何。水窮

雲盡處別有一壺天。托鉢歸上堂。流水下山非有意。白雲歸洞本無心。所以花街柳巷。獨露本來面目。茶坊酒肆。全彰格外真機。如虎靠山。似龍得水。及乎看來眉毛依舊。還委悉麼。七佛軌儀。雖漏洩滿船空載月。明歸。離言法嗣

雲間超果。岌嶺頭禪師。上堂。壁立萬仞。罵雨呵風。未免窮斯煎餓。斯炒十字街頭。棒月眠雲。將謂牛頭回馬頭。忍且道。棒月眠雲底。是罵雨呵風底。是斬斷鱉蛇三尺劍。等閒石虎。齒毛長。喝一喝。上堂。今日十一月十五。雨花殿上打花鼓。分明不弄端。師子放出長沙一隻虎。虎虎眉毛牙爪一齊露。爲傳千載江南信。碧眼胡僧不是祖。喝一喝。小參。清淨本然。忽生山河大地。薰拈杖曰。東西十萬。南北八千。且道安身立命在甚麼處。卓一卓曰。看脚下。晚參。月頭是初一。趙州休念七月尾。是三十。鷄子天邊立。明日是十五。雲門道個普。今晚十四灣。去却一存得。七喝一喝。僧問。字次師將脚作修羅。演月勢僧罔措。師便打。山行次。僧問。大耳三藏第三次。因甚不見忠國師。

師曰山深石頭峻曰意旨如何師曰險離言法嗣

定海華岳嵩巖禪師懸鐘上堂召行者曰打鐘著鐘鳴次師顧視大眾曰還見麼一火便就未爲利根再整提綱始成大器妙高峰頂撞帝鐘香水輪際鳴曝曝固是好彩爭似華岳者裏聲光普應點拍得宜一會人天有衆各各咸證圓機山河大地一時動徧動等徧動震徧震等徧震直得師子巖奮然作大哮吼象王峰特地昂藏壁立和他沒頭腦的老普門忍俊不禁剛來道個菩薩子也大奇若將耳聽終難會眼底聞聲始得知是則是山僧要問你者郎當漢祇如鐘聲披起鬱多羅畢竟是法爾如然神通妙用良久以拂子畫◎◎相擊一擊曰祇者是徑山老和尚計到上堂涅槃妙心填溝塞壑正法眼藏摸地撈天無位真人一任牛頭南馬面北沒量個漢何妨聞獄青吳水碧有般逐影循跡之徒得這道符水便謂冷啾啾地去一條白練去古廟香爐去若然則情生智隔想變體殊要見這老子正隔遠在顧視左右拍香臺曰大人峰前親行此令復拍一拍晚到東山

請上堂卓拄杖曰孤峰不與衆山齊白板扉蔽過竹溪寂寂天香團月小肯教容易過峰西召大眾衆回首師喝一喝曰切莫造次除夕上堂凭案書成千字錦膽瓶斜放一枝梅以我爲隱乎吾無隱乎爾現前有英異道流聞恁麼道直得鼻裏冷笑也怪伊不得其或尙滯躊躇爭怪靈峰轉腔別調不見僧問雲門曰如何是和尙家風門曰有讀書人來持不犯之令施格外之機還他雲門則個卽今讀書人已來且作麼生相見顧視大眾曰到來把袂渾無事流水高山話歲寒上堂蒼蒼者天白白者地顧視大眾曰你這隊黃瓜茄子須知泥裏有刺喝一喝佛成道日上堂正覺峰頭千尺雪冰華拶出虛空血啓明纔露眼瞇瞇忙向人前弄口舌以拂子指西邊顧視大眾曰好大哥這裏是妙高臺又指東邊曰這裏是青芝塢佛殿三門前廚後庫靈峰堂前本無遮護何處有智慧德相討甚麼妄想執固二千年前黃皮瘦骨老比丘冷靜不過也大似遺服珍御著衣弊垢既承一衆殷誠不免重爲指註遂起身豎拂子曰我不敢

輕慢汝等。汝等皆當作畫。相擲下曰。顧爲新到。上堂未到。育王不妨疑著。既乎親到。境致歷然。固非善財童子登樓閣之門。暫時歛念。亦非毗耶老人。掌擎日月。別展清機。惟冀諸子。飽足觀光。以資法喜。不然。薰卓拄杖曰。終成辜負。太白雪嗣

明州育王廣利祖林明禪師清明掃本山列祖塔上堂。冬至寒食一百五。家家塚上添新土。忽然華表。順翻身笑。煞瀉山老水枯。且道育王。恁麼說話。還有光耀先宗處也。無良久曰。珊瑚枕上兩行淚。半是思君半恨君。太白雪嗣

五燈全書卷第九十一

五燈全書卷第九十一補遺

臨濟宗

南嶽下第三十六世隨錄

臨江寶壽體通禪師示衆。佛不是佛。於無佛處示

現成佛。法不是法。於無法處轉大法輪。道不是道。於無道處建道。萬端祖不是祖。於無祖處作祖。單傳拔一機。放一線。頭頭而釋迦。彌勒。綱宗行一令。展一鋒。處處而文殊。普賢作用。透得底。收來放去。百千重透。不得底。鍊壁銀山。天懸地隔。正恁麼時。一句作麼生。道金剛寶劍。當頭截。誰敢當鋒著眼看。天水廣嗣

塊天水廣嗣

湖州翔鳳資福至印方禪師問之。福清許氏子繼席示衆。世尊不說說。迦葉不聞聞。數聲玉笛。江天暮。明月扁舟渡石門。示衆。連日陰晴。相半寒熱不均。伏惟水牯牛起居萬福。且道此牛是南泉底。是瀉山底。還委恁麼。青草岸邊酣睡起。背鴉仍復過前村。示衆。祖師門下。不帶枝葉。一句當陽。斬釘截鐵。作麼生。是斬釘截鐵底。句。薰拈拄杖卓一卓。浴佛示衆。多生惡毒。終難洗。臭口纔開。露賊心。長恨當初打不殺。叢林殃害。到於今。召衆曰。還有不受害者麼。知恩者。

少負恩者多。師居一載於次年八月二十七奄逝。

塔於大廬山樵隱庵之右。靈機觀嗣

湖州武康中山茹檠禪師示衆春日晴春景明砌

下飛花幾片枝頭好鳥數聲不是西來祖意亦非了

義上乘畢竟是個什麼樹高塔影雲千樹潭底龍吟

著眼聽。靈機觀嗣

湖州楊墳資福嵩庵正禪師虔州陳氏子繼席小參

風雨晝蕭蕭行人意寂寥披襟林下客曾不動纖毫

個裏苟能親薦得衆生諸佛本同條其或未然且看

霜寒孤鶴唳一鈎殘月掛梅梢。示衆昨夜雨滂沱

今朝天氣熱諸人悉共知試問何時節良久曰麻三

斤乾屎橛正法眼被瞎驢滅喝一喝。康熙丙寅冬

示微恙次年正月初五索浴更衣跌坐而逝壽五十

八臘二十六塔於錢嶺之塢。靈機觀嗣

湖州翔鳳資福利禪師吳門程氏子示衆經行

坐臥無非本地風光喫飯穿衣盡是神通妙用眼裏

見文殊顯現耳裏聞觀音體露隨處慈氏門動步普

賢士且道毗盧心印在甚麼處。乾坤掌上浮日月蟻

旋磨。晚參昨夜雨今日晴兩種猶如鏡上痕痕垢

盡時光始見晚來斜日暮山青會得底歸家穩坐不

會底流落風塵。僧問萬法歸一一歸何處師曰三

條椽下七尺單前。師於康熙己巳冬月九日示微

疾至十三夜集門人囑後事畢端坐而逝奉全身塔

於鳳山之右世壽六十一僧臘四十。靈機觀嗣

湖州翔鳳大展翼禪師嘉禾人也早參大盡三十小

盡廿九日往月來霎然皓首急須打破趙州關大家

向南看北斗如何是趙州關卓拄杖曰參。示衆參

禪學道絕商量日用頭頭理事彰蓋色騎聲齊坐斷

凡名聖號總虛張喝一喝。僧問如何是父母未生

前本來面目師曰敲空取髓曰不會師曰掘地覓天

問如何是萬法歸一師曰昨日寒梅放日一歸何

處師曰今朝瑞雪飛。靈機觀嗣

福建漳州龍溪魏巍居士字大翁弱冠從軍功授副

戎二品朝廷恩賜優渥士不以爲榮志慕宗乘參楊

墳觀令看無字久無所入值法侶西堂舉太平本是

將軍定始於言下捉敗趙州豁然無礙呈偈曰學道

無別旨。無心便廓然。巍巍大自在。此外別無禪觀。曰。一句當天。八萬門。汝會麼。士曰。我無一切心。何用一切法。觀曰。滴水豈是大海。士曰。一口吸盡。觀曰。還識龐公麼。士禮拜。觀晒之。觀將寂。士入山問安。觀把住曰。汝道。山僧在甚麼處。士曰。蓋天蓋地。觀以素珠付曰。昔時廬行者。今日魏居士。士曰。又來塗污。觀曰。分明記取。士著學道篇。有鈍根偈。體取無生不動智。休誇言語。箭鋒利。任人笑我鈍根機。我道明明第一義。

靈機
觀詞

法侶西堂閩人也。侍觀三十載。無移念。徹法源底。以傳心印。僧問。如何是麻三斤。師曰。識取鉤頭意。莫認定盤星。頌。心月孤圓。話曰。光非照境。境非存光。境俱忘絕。點痕雨過。茅堂擡首。處遠山依舊。碧層層。靈機
觀詞

杭州橫塘獅子林。天羽具禪師。仁和劉氏子。上堂。石鞏張弓。空費腕頭氣力。禾山打鼓。徒勞兩臂生酸。雪峰輓毬。教壞人家兒女。道吾舞芻。果然習氣難除。忽然有個英俊。衲僧出來。道。獅林又作麼生。但向他道。

自移瓶去。沽村酒。却著衣衫作主人。喝一喝。僧問。萬法歸一。一歸何處。師曰。壁上掛。簪燈曰。不會。師打曰。誰道不會。靈岳
古詞

武林直指。崇慶獨耀鑑禪師。仁和趙氏。繼席上堂。欲問。直指禪。無事日高眠。不出城隍市。免被世人嫌。也不舉。今論古也。無棒喝。交參。閒時飯足。粥足。一任渴飲。饑食。有時知得落處。方知百味俱全。良久。顧左右曰。參。上堂。舉恕和尚道。黃金鑄就鍊。崑崙推出人前。怕見。聞四七二三。驚吐舌。埋頭東走向西奔。師曰。瑞巖老子。不惜家珍。當風狼撒。山僧則不然。石虎產下玉麒麟。趁出風前。絕見聞。四聖六凡。皆罔測。天堂地獄。任遊行。靈岳
古詞

彌陀獨埋。臨禪師。雲間上洋陸氏子。示衆。紅白桃梅。徑青黃菜。麥田一樽。聊對飲。傲殺晉陶潛。且道。畢吏部。李學士。到來又作麼生。縱然無可說。必也口流涎。示衆。舉青州布衫話。頌曰。鶯梭織就青皇錦。化母憑將燕剪裁。柳線松針。縫得密。趙州穿。出洞房來。舉靈雲見桃花。因緣頌曰。浪跡江湖數十秋。自慚赤。

止字原
唐滅或正歟

手覓封侯歸來林下傷春事把劍空彈恨白頭

古靈岳

杭州智果溫永慧禪師山陰徐氏子未踰九歲即悟

三乘啓父母求剃度遂投智果靈臺師出家父母亦

即以家爲焚修地今梵志中有積慶庵者師誕生地

也廿一歲詣金粟密老人受戒後參崇慶古一言密

契便蒙印可且曰東海止位待汝興行後憫支流泛

濫門戶水火不領衆不登堂不立執事杖笠飄然於

山水間至康熙丙午復興智果及佛像竣功未幾示

微疾門弟子進醫藥者師却之曰報身非病焉用是

爲況寺功就吾不留也康熙己酉十一月二十二日

索筆書偈曰日月面虎空閃電六十六年話柄問

取燈籠佛殿便告寂塔於智果之西

古靈岳

南嶽大善琴谷學禪師上堂高懸古鏡燭地輝天橫

按鐸鐺湊泊不得了萬境於目前絕羣機於當下一

句融通全超法界本覺場中了無餘事道甚德山臨

濟棒喝交馳疾焰過風白雲萬里卓拄杖一下

古靈岳

潮州福溥雪惟韜禪師郡之余氏子陞座丹霞燒木

佛翠微供羅漢富者富形窮者窮算本是一樣提持

因甚發揮兩般若到福溥門下不消一捏何故金針

拈起無回互繡出鴛鴦好毛羽於康熙壬戌秋示

微疾命匠製龕遺囑後事書封龕偈曰四維虛空一

片雪爲霖爲雨無間歇而今大地都莫睹敢問諸人

徹不徹喫燭破虛空祇者是是日乃中元也至夜半

古靈岳

端坐而逝

高陽我瞻載禪師示衆花簇簇草芊芊法性何曾有

古靈岳

變遷今日與君重註破池塘春色柳含烟

當湘圓通納川海禪師清浦陳氏子上堂朕兆未形

文彩全彰乾坤坐斷纖毫不立古今無背面徧界不

曾藏正恁麼時且道無位真人在甚麼處遂顧視左

右曰西風撲面來眉毛俱卓立陞座雨過山色翠

風和鳥性狂乾坤容汝癩名利使渠忙卽心猶未是

無佛護承當直下無回互縱橫不覆藏於此委悉海

晏河清定國安邦設若未然莫怪山僧好肉剗瘡以

法離言

拄杖一齊趨散

福建興化紫霄無依禪師上堂正法眼藏破砂盆信

卓拄杖下座千峯立嗣

五燈全書卷第九十二

京都聖感禪寺住持臣僧 超永 編輯 進

京都古華嚴寺住持臣僧 超揆 較閱 進

呈

臨濟宗

南嶽下三十六世隨錄

錢塘接待法鍾覺禪師上堂。覺自半塘一棹過五龍橋外。路次拾得三萬六千頃。大一個白銀盆。子有七十二朶青芙蓉。在裏許。今日和盤托出。舉似大眾。愧乏土儀。借作人事。不妨將蘇州滯貨。向杭州出脫。放下手曰。莫怪空疎。伏惟珍重。衆中若有道和尙。何得將官物當人情。新長老向他道諾。諾不堪持。贈君祇可自怡悅。開爐上堂。往年在別刹時。衲子慕道望風而至。入我大冶爐中。鎔化過。無論金銀銅鐵錫瓶。盤釧釵各自成器。今日在此湖墅開爐。或從蘇松常鎮來者。未過北新關。安知我接待家風。或從金衢嚴

紹來者。隔江望不見刹竿。又安能知我妙行境界。莫怪諸方鴉飛蠅集。祇因此間般若。若如火聚。擬之則燎却面門。故曰。蠅螟蟲到處可泊。獨不能泊於火燄之上。雖然。山僧以盡大地爲一火爐。以萬象森羅爲柴。爲炭。以風爲韜。以日爲火。以生死二字爲煅煉鉗鎚。所謂世界闊一尺。火爐闊一尺。世界闊一丈。火爐闊一丈。且問你向何處迴避。喝一喝曰。總在裏許。師因入室。次輪到蒼崖。崖囑一童子持一刀入方丈。呈與和尚曰。是蒼崖到。童子一如所教。師喚童子。伸指于桌上。童便伸指。師舉刀便割。童叫喊趨出。師落堂。以刀與拄杖相擊。作聲示衆曰。此是蒼崖老上座。遣達誠代入室。底汝等諸人作麼。生道道得也。是一刀道不得也。是一刀崖出衆。師舉刀曰。你來也。崖作怕勢。歸位。師曰。蒼崖怕死。縮去還有不怕死底出來麼。衆無語。善悅衆曰。剛刀雖快。不斬無罪之人。師乃擲下刀子。復召蒼崖曰。來來。老年老心閒。無外事。麻衣草座亦容身。你爲甚還要行脚賣刀。崖曰。也要和尚識得。師曰。識得你底鈍貨。便歸方丈。除夕前一日

示衆若論各家門各家戶。不應管他閒事。不應說他人過。何也。諸方近來爲因參學。禪僧晝三夜三辛勤勞苦。一年到頭放假三日。堂頭老漢粧璽作啞。一任諸人百醜千拙。會歌者。歌。會舞者。舞。或走拳。或使短棍。或搽花臉。做戲。或粧羅漢。煉魔。以至老老大大。故爲小孩兒伎倆。札盲摸盲。占四角。打眼不見頭。將謂把無始以來習氣。一向打撲不得。鬱捺不住。索性消滅一番。盡情發露。一上然後便道。清淨殊不知一番提起一番新。一度思量一度熟。含藏識裏永劫不忘。不如放下。著自然平貼貼地。我接待這裏。在聚落中。不准放假。明日除夕。請葦首座。小參後喫茶時。祇許諸人頂眞續末。接連不來。大家笑。笑已是放逸。所以古人喻爾我生死事到。結角羅紋。處謂之臘月三十日。未到家者。白雲萬里。鄉關何處。時不待月。有甚快樂。不見道。玉關西望腸堪斷。況復明朝是歲除。師落堂見以一木盆于禪床上。盛漏召大衆曰。汝等諸人。總不及這木上座。在禪單上放下便穩。又不念話頭。又不胡思。又不亂想。又不昏。又不散。却不煩山僧。

費力巡香。隨以香板擊木盆一下。曰。這漆桶道猶未了。便打瞌睡。一衆肅然。上堂舉雪峰湛曰。一切法無差。雲門胡餅趙州茶。黃鶴樓中吹玉笛。江城五月落梅花。慙愧太原孚上座。五更吹鼓角。天曉弄琵琶。雪矯信曰。一切法無差。鴉鵲對老鴉。生臺爭飯喫。打得亂如麻。有約不來過。夜半閒敲棋。子落燈花慙愧。西湖保叔塔。六橋烟雨夕陽斜。師曰。一切法無差。紡紗績苧搖棉花。兒童未解供耕織。也傍桑陰學種瓜。慙愧東村王大姐。桃花春水發。鼃底拾魚蝦。拊膝曰。唱彌高和彌寡。太白雪竊

臨濟石佛斷橋噉禪師。上堂豎拂子曰。其中便恁麼直下承當去。略較些子。更欲遲疑。劒去久矣。每見來者。諮問佛法。殊不知石佛從來無佛法。繫綴于人。豈但石佛乃至三世佛祖亦復如是。何也。但有言說。都無實義。上堂卓拄杖曰。會麼。山僧搥鼓。更無別法商量。只得一事告報。現前大衆。普度結制。諸人經行在甚麼處。著脚。吾普度常住。有片淨白地。諸人不得踏著。若還踏著者。片淨白地。諸人犯根本波羅夷罪。

拽杖下座。上堂維那白。椎竟師召衆曰。若論第一

義維那與諸人說過了也。便下座。太白雪嗣

嘉善鉉耳鼎禪師上堂。舊叢林新長老。夜夜剔殘燈。朝朝除荒草。莫厭石頭頑。殷勤頻灑掃。淡嚼木查羹。護惜衣中寶。佛法懶行持。人情纔慙好。隨時打點舊叢林。鐘鼓晨昏聲浩浩。以拄杖擊虛空。召大衆曰。且道晨昏鐘鼓浩浩聲中。聞個甚麼。卓拄杖曰。道道珍重下座。小參問放下屠刀。誰是千佛一數。師曰。放下屠刀來問曰。怎麼超佛越祖去也。師曰。只恐不是。玉僧便喝。師亦喝。僧無語。師曰。可憐生。乃曰。大地火坑。堂堂獨露一步踏著。出無生路。自是迷頭不肯行。放下屠刀。千佛數顧左右曰。瞻之仰之。禮空能所若著絲毫。便成辜負。一念萬年。超佛越祖。種粟不生。豈甜瓜徹蒂。甜苦瓠連根。苦可憐生。泥人著破金剛。袴直截根源。更無回互。雲門普玄沙。虎莫學禾山打。破鼓擲拄杖下座。僧擇菜處。師曰。好的不要去。僧以一莖擲師前。師曰。何不道那一莖不是好的。師遊燕子磯。僧問和尚。那裏來。師舉足示之曰。那裏去。

師驟步便上。師與僧擡木頭。次問曰。這頭輕。那頭

輕。曰。那頭輕。師放下曰。這頭輕。那頭輕。曰。和尚放下。了說甚麼。輕重。師曰。你也學我放下麼。僧將放。師便托起曰。放不下。我與你擡去。劍門謙嗣

金陵清涼痴山嵩禪師潤之丹徒金氏子。清涼謙百曰。懸眞拈香曰。這阿師超果堂中逞性獨。桑鼓下窮源。饒益魔君冤。仇佛祖將無上宗乘播弄到。有掀有翻。把西來大意狼藉得。無倫無比。石城露布廿二年。遍界中雲行雨施。邪水埋頭一時節。闔國內草枯人死。與麼普天匝地風光難免。生死在人手裏。顧左右曰。諸昆玉。且道以何爲驗。拈香曰。如此如此。叙門謙嗣

大司空程正揆端伯居士。頌兩堂首座同時下喝曰。兩堂齊喝分賓主。八陣圖開捲甲兵。活殺將軍看電影。幾人直入五侯管。頌芭蕉拄杖話曰。芭蕉拄杖幾許長。拈來爭奪絕商量。對鏡任伊顛倒照。耳尖只在眼邊傍。頌四照用曰。有時先照後用。舉似諸方傳誦。拋出無孔鐵鎚。莫怪山僧手重。有時先用後照。七尺烏藤。踴跳不斬無罪之人。拍掌呵呵大笑。

有時照用同時。號令斬將。搦旗刀過。梵天血灑。馬嘶白骨山移。有時照用不同。時山自巖巖。水自瀉。拾得白雲歸。滿袖卷舒。何處不相宜。序清涼語錄曰。見成公案。錯下名言。兜率未離。蹉跎不少。清涼本師。將錯就錯。入水救人。不管脚跟點地。蒼天蒼天。爭得石兒解語。有血性漢。聞風授首。略較些子。若遇不橫死者。聞鐘求肉。昧月捫盆。世人終日喫飯。不曾咬著一粒米。謗佛有分。怪伊不得。昔年曾有僧。向予問。與化三聖出世。不出世。爲人不爲人。話兩老語句。相背。是何道理。予曰。是他錯。僧曰。祖師安得錯。予曰。是我錯。僧曰。居士也不得錯。予曰。是汝錯。這三轉語。內有一句。如百鍊金。有一句。如一莖腐草。有一句。當下薦得慶快平生。檢點將來。大似喚風作雨。且喜沒交涉。今本師出世。還有爲人也。無不知與興化三聖相去多少。續斯錄者。莫作語言抵塞。莫以意理卜度。莫向死水邊浸殺。莫颺在無事甲裏。若是臨濟嫡骨兒孫。掀倒禪床。扯碎膿包。紙劈面欄腰。問道甚麼。管教堂頭老漢。吐舌三寸。便是佛祖。也不奈伊何。庶不杜清

涼山費却草鞋錢也。雖然如此。不道不會。只是佛法尙未夢見在。錯錯銀門。鼎州聚寶湖南。則峰煥禪師上堂。不壞假名而談實相。大衆舌頭在口裏。眉毛在眼上一等。是假名如何。是實相。拍禪床曰。羽落鳥飛。船高水漲。上堂。湖南門下有三種義。夫參學人。不可不察。第一須明。○此不可坐地。若坐地。卽墮坑落塹。是禍成。并第二須制。○此不可觸。若觸。卽喪身失命。是傷成。鉞第三須變。○此不可違。若違。卽無本可據。是銖成。質更有一義。三俱不立。從教抽換。顛倒轉見。銅鑿鐵壁。是汝詩人作麼生參。上堂。好與麼散去。恐錯會。不與麼散去。太郎當如何。得平展去。石牛欄古路。一馬生三寅。上堂。得得閒閒。閒一種。高深太極。先冥有樞。盡有天文。殊無力與人傳。谷口青猿知我意。夜深啼在白雲邊。設祖室上堂。百四十年陳滯貨。如今有價又當行。不惟白浪山頭起。且看雲烟面目生。要見祖師麼。遂插香曰。一幃次第。聯燈遠四面。好山潑黛青。上堂。我有一物。爲腹爲目。舉似諸人。弗弗弗弗。上

堂衆侍立次師曰山僧今日乏困不遑說佛法且請下去俟飯時來與汝商量衆罔措師抖擻布裙曰蒼天蒼天上堂嚴寒月上遲風勁損聲早妙喜世界百雜碎寒山拾得機關僧機關僧長把掃入荒田不揀信手拈來草參上堂枕月不應瓢笠倦鉏雲豈愛饅頭輕大抵爲緣先聖跡故披荊蔓強支撐喝一喝示衆拈菴葦曰祇是菴葦柄可以辨龍蛇有僧挺身出曰是龍是蛇師近前把住曰道甚麼僧擬議師直打曰將謂衝雲漢原來沒尾巴上堂暮雨初晴三月時節鼻祖機關七穿八穴報諸人須辨別粉落清香陣陣寒茶縻綠間枝枝雪上堂我有一則公案舉出供養大衆但不得作有無解會良久衆皆罔測師乃展兩手曰三寸舌頭無用處一雙空手不成拳上堂綠雲冉冉綠陰森落花啼鳥一聲聲殿角鼓南薰者裏續得末後句許你天下橫行上堂一天霜洗竹聲清幾點寒梅香欲滿橫斜漏泄一枝枝等閒刺瞎時人眼拍一拍上堂我有極則話非尋常比擬不惜兩莖眉特地爲君舉床頭颯颯風來來

日非霜卽雨示衆進不得退不得進步踢著文殊普賢退步踏著遮那彌勒以手捫嘴曰咄莫錯說莫錯說免入犁耕與拔舌示衆野寺幽幽掩翠微春風幾度落紅飛可憐多少人迷路杜宇聲聲喚未歸僧問如何是大道眞體師劈脊打曰鑒曰坐斷舌頭更請獨露師復打曰任你噀曰好個堂頭愈出愈奇師又打曰莫亂走問如何是那伽定師曰大地無寸土曰意旨如何師曰踏著的不是問離四句絕百非請師直指師曰老僧不識者話頭問如何是文殊自己師曰今日打柴明日舂米問如何是和尙得力處師曰十稜茄子九稜菜曰此意如何師曰飯少盞添頌世尊陞座曰雲開萬里烟波靜月滿千江影自浮惱殺孤鴻無意緒一聲啼破海天秋頌產難因緣曰巴峽猿啼最慘情斜陽客艇一聲聲自從棹返江陵後常惜遊人事遠行然古風梵源琮禪師閩人也參東蓮然問摩尼珠人不識如來藏裏收得如何是珠然曰露也師曰如何是藏然曰八字打開師曰只如取得底是甚麼人然曰上座

不曾有。禪師曰：「毫頭上通消息，物物頭頭本現成。」然曰：「猶是重說偈言。」師佇立，然曰：「從門入者，不是家珍。」師曰：「從來鼻孔向下垂。」然曰：「識得你了也。」古風然詞

宗南振道者，姓林，瑞安人。爲舉子時，有萬因老宿過訪其家。一見，卽問：「你父親出家，你還知他面目麼？」振擬對，因便與一拳。茶次，因復詰前話。振擬對，因復拳。從此頓起疑情。一日，與季弟眉聲談次，舉法華一稱：「南無佛。」皆已成佛。道隨詰眉曰：「日日念佛，未必卽生。」浮土一稱佛名，卽皆成道。有是理乎？眉高聲喚大兄，振隨聲應之。眉曰：「是甚麼？」振不覺疑情頓釋，相與撫掌稱慶。省父法幢，幟于大梅。問曰：「臣朝君子就父未審作麼生？」垂慈幟曰：「各自努力。」振禮拜幟曰：「從門入者，不是家珍。」振復禮幟，連棒參雪竇。雪問曰：「父母深恩，如何報得？」雪曰：「將此身心奉塵刹。」振曰：「恁麼則個個胸流千丈瀑。」人壁立，妙高峰。雪曰：「天上是地下，是幟遷化後。」參東蓮。然舉世尊初生，公案詰曰：「且道雲門意在甚麼處？」振曰：「疑殺天下人。」然曰：「畢竟意如何？」振曰：「要與天下人出氣。」然曰：「出的甚麼氣？」振轉

身便出。說餘然，印以心要性不拘細。行城邑山水，隨興所至，卽與卜居。有問個事者，但云：「隨緣隨緣而已。」古風然詞

漢陽棲賢大雲濟禪師，上堂：「萬法歸一，一歸何處？」高峰拋出蒲團，雲門敲打露柱。棲賢直捷爲人，免得摸視。擦禪卓拄杖曰：「會麼？未得國能却失故步。」除夕，上堂：「流光易邁，事何如？」爆竹聲中，一歲除。獨許者，枝木上座，翛然渾與世相殊。且道他有甚奇特，而不爲世累？所以道：「惟王髻中有此一珠。」大衆若道是木上座，又是髻中珠；若道是髻中珠，又是木上座。祇如二途不涉，就中一句作麼生？道金輪天子，裏中敕帝釋門前放赦書。開百嚴小參，掃盡烟雲，便見嵯峨萬仞。剪除荆棘，灼知本地風光。盤結茅菴，鑿空石室。效往哲隱居之樂，追古人坦率之風。炊無米飯，羹無根菜。與他四海高人聚首，五湖衲子同餐。任是長安甚鬧，管取我國晏然。喝一喝曰：「搬開大小石頭去，放出清泉一道流。」小參畢，拂示衆曰：「石爛松枯者，個不朽；復擊禪床曰：「劫火洞然者，個不壞。」復擲下拂曰：「且

道者個是個甚麼良久曰會麼靜觀天上星千點細聽譙樓鼓二更首座寮秉拂同門希問十方同聚會個個學無爲此是選佛場心空及第歸選佛場卽不問如何是心空及第歸師曰猶是這邊事希進語稍遲師喝曰掣電之機徒勞佇思便打敬於座後撫掌笑曰此子甚得宗門爪牙乃曰十方同聚會體體常穿世界個個學無爲鼻孔觸摩家風此是選佛場拄杖頭不知按過多少心空及第歸切莫錯會古人意思此是今晨濟上座奉和尚命秉拂上堂希兄出來爲衆問一段話解也解了答也答了諸兄弟與麼會去便省心力其或未然再聽註脚拈拄杖卓一卓曰無人知此意令我憶獨冠 敬嗣

荊州江陵天王寺沙翁海禪師鄂之富川謝氏子世襲錦衣年二十詣報恩脫白徧參江浙諸尊宿看本來面目徹悟從徑山容受具復參棲賢敬機契受記前焉初開荊州鐵佛寺後得古天王遺址碑碣巨鐵爲舊物神鬼護擁有竊掘者輒雷電晦冥屹不可動師奮然中興不數載殿閣堂堂煥然鼎新祖席規模

大綱已具晦山顯記曰沙翁以英妙之年具開闢之力一刹兩刹咄嗟指顧陡見興復猶未足爲沙翁奇所奇者徑山容老人爲列祖慧命防閑僭亂編輯燈統以定宗支所首辯者則天王天皇兩派之誦諷也使無人焉親履其地窮其源則揣盤摸象鬬諍繁興曷有底止今沙翁爲老人的骨之孫而所興者適江陵之祖窟灼然見天王之嗣馬祖龍潭之嗣天王與天皇之嗣石頭幽閒等之嗣天皇天然證據斬盡狐疑老人心血洞達於千萬世矣厥功顧不偉歟冬至上堂昨夜西風吼似雷今朝六出點空堦游人若未知端的剝盡羣陰陽自來急薦取沒張乖南枝暗地破銀顚小人道消君子長一回贏得笑顏開上堂山僧連日橫說豎說熾然說無間歇意欲發揚向上宗乘殊不知隔靴抓癢今日另展家風更與諸人一條生機活路去也擲拂子下座結制上堂宗乘一唱三藏絕詮祖令全提乾坤失色若是精金美玉臨爐豈避猛火荷類敗種焦芽望風自然遠走天王今日把住牢關看汝諸人向甚麼處出氣良久曰還

會麼當下劃然開隻眼。何須立地覓根由。春日上堂。臘盡春回。林間宿鳥。先投語。風和凍解。澗底新濤。舉。遶琴梅。破隴頭。清香襲襲。柳舒堤畔。翠色依依。時節至。理自彰。萬景煥而爽目。一機契以快腸。灼然寶藏。知誰委笑。傲風前我獨狂。爲甚如此不見道。會萬物爲自己者。其唯聖人乎。上堂。無限春光。纔見來。桃花開。亦李花開。忽然又見春光去。枝頭枝底多狼藉。始信光陰不待人。勸君不可無本據。有本據。黃鳥聲聲陌上啼。明明都是西來意。解制上堂。結個牢關。三個月無端生。自按牛頭。今朝忽值期圓。日又整輕包萬里游。回首鄉關何處去。冷烟空自鎖骷髏。示衆。禪不在參。道不在學。一任高眠。乾坤寥廓。薦呈拂子。曰。會麼。黃鸝啼破綠楊烟。無限春光如玉削。示衆。風颯颯。雨瀟瀟。東籬菊放。正香飄。山堂竟日無思算。惟與故人守寂寥。且道那個是故人。乃拍膝一下。曰。參。問如何。是天王境。師曰。夜深靜聽松濤吼。曰。如何。是境中人。師曰。日午鼾眠鷗夢清。僧參纔入門。師便喝。僧擬申問。師曰。劒去久矣。弗勞刻舟。

問不是心。不是佛。不是物。師扭僧鼻曰。是甚麼。曰。不會。師曰。蒼天。問單刀直入時。如何。師曰。收。問觸不得。肯不得。請師方便一言。師曰。露獨冠。敬嗣湖廣棲賢半菴伊禪師。上堂。白雲片片。烟雨濛濛。滴水成冰。冰還成水。四時有轉變之機。八節無暫停之相。直饒向這裏行得。三步四步。轉得一轉。兩轉。猶未是。衲僧行履處。且道如何。是衲僧行履處。空有嚮終難會。擊木無聲。始覺知。上堂。智照洞然。本無迷悟。靈機廓爾。豈有階梯。討甚閒心。情設縵天。網羅籠九有。垂釣鯨。鉤撈捩四生。只爲諸仁。偷心不盡。命根不斷。不得已而說句無趣味話。却是殺人刀子。汝諸仁。還有親遭毒手者麼。隨睡曰。可惜許。問如何。是真性緣起。師曰。蜘蛛結網。打蜻蜓。僧喝。師曰。盡力跳不出。問千里特來。呈舊面。乞師一接。師曰。且過者邊。僧移足。師曰。脚跟未穩在。問如何。是法眼。師曰。你。是個飯袋子。曰。錯認定盤星。師曰。可惜許。問和尚。憑何手段。得獨老人付囑。師曰。殺人不眨眼。僧豎拳。曰。還殺得者個麼。師曰。大海不納死屍。獨冠敬嗣

南嶽福嚴懷先純禪師上堂祇一著活活潑潑無欠無餘本自寥廓擬欲尋思千錯萬錯見不可見却本難却趙州問老南泉明頭合暗頭合擲拄杖曰萬里天邊飛一鶚上堂貨是真貨錢要足百有買者現過手 上堂拈拄杖卓一卓曰就中有個漢亦無新亦無舊不逐四時凋謝不隨寒暑推遷統攝羣生包羅萬有和氣藹時村歌社舞大眾可識渠儂麼積廚堆中多意氣和光混俗樂無爲

敬嗣

鄂州一指斐俞琳禪師上堂豁開戶牖萬里不挂片雲扶起利竿徧界香飛菊藥拳倒黃鶴樓千機截斷鷗翻鸚鵡洲八面玲瓏放出陝府鐵牛咬殺嘉州大象如斯舉唱看落今時作麼生道個出格句喝一喝上堂猛虎頂中解鈴還他好手蒼龍額下奪珠須是奇人真有如是人行取如是事衆中果有麼良久曰自從少室分燈後直至如今音信稀 上堂若據正令○○總教佛祖○○若是眞實○○莫向者裏○○以手拍膝曰啼得血流無用處不如緘口過殘春

敬嗣

西湖留錫問石直禪師慈谿陳氏子過杭州官巷口見凌遲女子有感投留錫省剃度參一口氣不來後因舟次錢清墮水有省省問曰聞汝墮水有個會處祇如一口氣不來在那裏安身立命師曰腰纏十萬貫騎鶴上揚州省曰猶有這個在師曰和尚却疑某甲那省領之 問即今且道即今句如何是即今句師曰荷葉連天碧柳條拂地青曰和尚莫將境示人師曰山僧當門窗缺語不關風 三不是頌曰不是心不是佛不是物天高地厚鳥玄鵠白張三不識竹竿籬笑煞東村李大伯

敬嗣

敬嗣

省值容過堂師迎拜曰承和尚賜棒今知痛癢矣。聲未絕容便打師曰恁麼則痛處加錐容曰知痛癢的是誰師拜曰恩大難酬容大稱之次年隨留錫省住吼山呈女子出定頌曰你稱奇我道異棒打石人頭。噪噪論實事。盧舟省嗣

五燈全書卷第九十二

五燈全書卷第九十二補遺

臨濟宗

南嶽下第三十六世隨錄

嘉興普明香嚴桂禪師上堂天上月正圓人間燈正好燈月兩交輝四衢開浩浩我家一盞祖師燈光明遍界能長久不惟元夜展芬芳要見隨時即便有臥官街喫官酒會得三三原是九解開布袋任縱橫花街柳陌揚家醪示衆舉文殊三處過夏畢師曰若向理上看迦葉膠柱鼓瑟若向事上看文殊了無忌

憚普明當時若在用個移換手段均其事理縱使釋迦老子也拋在大千世界之外示衆舉興化打維那話畢師曰克賓大似蘇武奉節不屈受得一番冷落贏他千載芬芳示衆舉靈雲見桃花話畢師曰靈雲明修棧道玄沙暗度陳倉作用雖然各別鼻孔其如一般圓悟曰具透關眼者辨他未徹處也是胡餅裡呷汁示衆舉趙州訪二庵主話畢師曰庵主兩個拳頭如太行王屋千古巍然趙州作用如黃河倒瀉緩急隨宜圓悟曰若能握向上綱宗與二庵主相見便可以定龍蛇別縑素要知趙州作用處麼老婆心切呵呵笑一任傍人說短長。石關凌嗣

當湖重鳴千靈愚禪師本邑王氏子早歲知有向上事投復庵乾剌染令參潛自泣曰大事未明一口氣不來奈何晝夜參究衣不解帶往參龍華宗繼謁折蘆傑因閱五祖演錄曰若論此事如人作賊教兒引兒入櫃走脫語疑情頓釋即入方丈叫屈傑連棒打出遂呈偈曰十六年來覓馬騎一回相見一回疑今朝識破賊窠白處處山花開滿谿傑笑頷之師掩耳

而出復參金粟昇。昇一日問衆曰：「天地同根，萬物一體。山僧昨夜脇痛，因甚？」諸人不痛。師曰：「鉢盂不用重安柄，昇拈棒師拂袖，便出最後至普明。凌處入室，凌問有句無句。如藤倚樹，意旨如何？」師便喝。凌曰：「樹倒藤枯，句歸何處？」師展兩手，又問：「世尊不說說，迦葉不聞聞。且道中間還有佛法也？」無。師曰：「露柱證明，因呈偈曰：『舌根未動機先露，迦葉無聞賊已彰。會得箇中消息意，梅花枝發短和長。』」凌曰：「放汝三十棒。」師便出。服勤既久，乃蒙印可。自後深隱，不欲涉人間世者二十載。如一日云。石關凌嗣

◆慶曆底

◆東下慶曆

建寧崇安武彞壽宗位禪師。漳浦盧氏子。世業儒。年二十餘，禮巨信彌于南山。薙染，遍參經山古南諸大老。後于金粟元之記荊焉。事母至孝。及世亂，結茅武彞養母。足不出山者三十餘載。僧舉問：「大徹麼？」人本脫生死，因甚？命根不斷。師曰：「紅爐焰上雪花飛。」曰：「佛祖公案，只是一個道理。」因甚？有明與不明。師曰：「天高東地傾西北。」曰：「大修行當遵佛行。」因甚？不守毗尼。師曰：「不入驚人浪，難逢稱意魚。」曰：「杲日當空，無所不照。」

因甚？被片雲遮却。師曰：「青天更須喫棒。」曰：「人人有個影子，寸步不離。」因甚？證不著。師曰：「只爲大近。」曰：「盡大地是火坑，得何三昧不被燒？」師曰：「山僧住此武彞已近三十秋。」百歲元嗣

永嘉法通獨牧護禪師。古田王氏子。幼隨父耕樵，父歿，火化見白骨生，感投極樂，剃染，連雲成回闕，一見皈心。力加參究。後聞金粟元在百山開堂，至彼作火頭，把火次忽聞元震聲曰：「汝是火頭。」當時如夢中喚醒，相似便會得。連雲棒頭落處，既而成主。席法通師重參謁，淵歷居名利師俱巾瓶不離。雖屢嬰捶撻，益堅信受。時福嚴容住雙徑，成攜師省覲，成辭歸容獨留。師直歲三載，機緣默契，成審世緣之將盡，促師南回執筓庫事。是冬成遇難，茶毗畢，持所遺往福嚴，繳於容。容領之，復留直歲已復留筓庫。凡六經夏，臘辭歸。俾主連雲，繼住法通，再應密印。福昌數剎上堂，玉自白。金自黃。鳬自短。鶴自長。本來成現事，何用更商量。吹臺不在青山外，顯海何曾離浙江。結制上堂，常住澹澹泊泊，衲僧零零落落，齋主固請上堂。山僧

難以推托放下掃帚糞箕拈起龜毛兔角不說者也之乎單提向上一著趁此爐韞紅時大家緊著手脚設或一念遲疑未免眉毛燎却上堂頭陀峰下密印堂前無道可學無法可傳饑來喫飯困來打眠不著文字豈落言詮祇有一般親切處普柳聲吼各爭先師嘗書偈曰山僧六十五一身無可慮直待寂光人便向寂光去藏所閱圓覺經頁中次晨忽語侍者道志曰殿角將傾志曰待今冬修理師曰不能及矣是晚寂光寺僧請師舉火師笑曰我即來問攜誰去師曰我自去衆莫喻其意浴畢入方丈偃息踟躕如平時比明已坐化矣其日殿脊鴟吻忽傾師生於天啓壬戌寂於康熙丙寅世壽六十有五僧臘四十九火後牙齒衣鈎不壞得五色堅固子數十顆門人就吹臺山麓登壇奉之古淵成嗣

又作麼生藥舖雖開無別物單賣一服巴豆九穠惡教他扇盡了通身病去自心安上堂分明舉起不須疑直下掀翻展大機說與諸人猶不會可憐辜負兩行眉上堂千人排門不如一人拔關一人拔關千人俱得安樂大眾還識此人麼良久喝一喝下座小參大庾嶺頭不趕上道明不知本來面目少室巖前不立雪二祖如何心得安所以道未得箇入頭處須要遇人始得若不遇人如吳道子畫龍未經點眼不解飛騰即今莫有要點眼者麼拈拄杖一時打散歸方丈盤嶽古嗣

宛平崇寧何一自禪師上堂佛未出祖未來闢著些兒笑盈腮殷勤爲打禾山鼓雲從龍兮風從虎那箇男兒不丈夫耳不聾兮眼不瞤何必馳求覓佛祖顧左右曰還委悉麼面皺皆因陪笑得背駝只爲轉躬多小參大凡學道人須識本心且莫自瞞方可學道多見庸流認賊爲子認奴作郎以爲心要此實錯會一語一默且沒交涉非語非默亦沒交涉我這裏鍼劑不入爲你諸人分明說出良久曰老僧失利

示衆崇寧有一奇特事舉似大衆大地不是土大山不是石大海不是水大悟不是道若人向這裏薦得以見諸佛正眼而識祖師巴鼻雖然如檢點將來畢竟見也不是識也不是如何得相應去良久曰不是不是問牛過牕欄頭角四蹄都過了爲什麼尾巴過不得師曰爲他有疑情在士罔措師曰果然過不得師畫一○相待者曰零零落落師又加一劃者罔措師便打一客來參師曰請坐客曰道不可須臾離也者非道也時聞驢鳴師曰這箇是離也不離也客罔措師曰思根在這裏性空義嗣

廣陵毗盧雪樵林禪師山陽史氏子示衆舉香巖上樹話頌曰周郎平地起干戈鬼面神頭有許多忽遇武侯傍一觀百千伎倆盡消磨示衆舉南泉刈茅話頌曰相見拈鎌子爲君指處明官塘猶不顧只向草中行示衆舉鹽官安國師喚侍者將犀牛扇話頌曰水滿清溪花滿丘老漁乘興汎扁舟臨江直下頻垂餌却恨遊魚不上鉤石庵評嗣

金陵緣壽月潭緣禪師問如何是徹骨徹髓的句師

曰昨朝下雪今日天寒頌產難因緣曰殃禍納敗缺世尊重漏洩固是老婆心弄巧翻成拙頌百丈野狐曰不昧與不落兩邊都不著有理實難伸何人識好惡白菴後嗣

正宗懷日光禪師上堂泥牛關入海鐵馬盡嘶風石女擡眸木雞叫月直得蛟龍震溟渤之波乳虎帶須彌之翅諸仁者此事常在日用中還委悉得麼良久卓拄杖曰風雲展轉雷驚蟄拍手丹霄劫外春上堂法幢新建法道重揚法聲顯密法味馨香昨日晴今朝雨飽食衲子分明看取寒時寒熱時熱且道寒從何處起熱向那裏來若也于此緇素得落處分明證取金剛種智其或未然祇知事逐眼前過不覺老從頭上來天則珠嗣

蘇州葑溪慈航石帆堅禪師定海朱氏子上堂舉藥山久不陞座話畢師曰徹骨寒梅越衆芳庭前揭露映瑤光可憐不遇攀花手狼藉枝頭多少香馨禪床下座永昌院入新應供堂陞座額綱重整接待雲水高流舊店新開運出天厨妙供雖然家常茶飯皆

從本有中來。不論是聖是凡。到此與他一杓。雖然且道。阿難證明。舉起拄杖曰。金牛和尚來也。卓一卓。

問如何。是曹溪路。師曰。東西南北。一僧指空曰。誰能動得師曰。爲我將架上衣來。僧轉身。師曰。動也。動也。

師康熙甲辰佛誕前二日。示微疴。集衆告假。移時。

有俗弟子再扣師意旨如何。師曰。我只有一禮言畢。

命侍者扶兩足上升坐。以脫去塔於院東。古風然嗣

潭州資陽清修簡庵緣禪師鄂州桃溪劉氏子上堂。

春日晴春鳥鳴。森羅及萬象。處處露全真。露地牛。驀。

翻身香飄無影。樹花放不萌。枝黃河解凍。初回暖。萬。

壑千巖翠色新。古風然嗣

臨安天目龍門瀛吼震禪師楚澧蘭黃氏子遊天目。

過龍門舊址。愛其山水幽僻。擲蒲團於古鐘內。跏趺。

者七日。後樵牧入山。覩師吁駭。徧問遐邇。里中君子。

嚮師道德。詣座參請。無虛日。不數年。頓成寶坊。凡叢。

林有者。無不備焉。上堂。靈山一別已多年。今日重。

來話。祖關拈起一枝龜毛拂。斬新條令爲流傳。且道。

以何爲驗。揮拂子曰。一滴曹源能活。卓人間流布億。

斯年。舉馬祖藏頭黑海頭白。因緣頌曰。杜鵑枝上。

喚春歸。雨妬桃花血染泥。底意分明。孰委悉。猶教空。

向五更歸。古風然嗣

華亭東禪元象乾禪師示衆。今朝恰值重陽節。忽憶。

登高落帽客。當知秋老菊花黃。引得淵明情不歇。參。

玄士各省省埋頭。莫作痴迷客。急須猛力著精神。生。

鏡秤。鍾喙出血。薰然遇著大家知。畢竟如何爲顛。別。

良久曰。秋葉如花帶雨紅。隨風搖蕩成狼藉。古風然嗣

杭州東蓮法圓臺禪師越之姚江韓氏子。小參佛身。

充滿於法界。普現一切羣生前。晝見明。夜見黑。雲騰。

鳥飛山青水碧。異類殊般男女僧俗。且道。佛在甚麼。

處。遂豎拂曰。一片月生海。幾家人上樓。大雪示衆。

雪深簷溜響。碎碎報道楊岐正。脉行撲碎虛空。渾一。

色。掀翻大地絕纖塵。普賢失策機先露。文殊悼惶便。

躲。跟累及普門忙。不徹家家戶戶密。追尋。古風然嗣

杭州聖安野潛原禪師。諸暨余氏子。示衆。花簇簇。錦。

簇簇。皇亭風月古。半山家計足。陶潛招友入社來。丹。

楓滿地。觀黃菊。揭示父母未生前。當人本來真面目。

豎拂子曰。報君知須努力。鏤壁銀山俱粉碎。閃電光
中轟霹靂。喝一喝。頌興化。攢維那曰。不圖打草要
驚蛇。辣手還他老作家。霹靂轟然風雨過。碧天好看
綻晴霞。古風
然嗣

秀州壽生古庵捷禪師。上堂。久不陞堂。靜掩扉。今朝
特地示全機。水流花落相忘處。遊子天涯歸未歸。梅
子熟時消息好。日長無事看雲飛。大衆若作佛法商
量。盍盍安柄。若作世諦流布。自埋己靈。且畢竟如何
得恰好。擲揮拂子曰。春色無高下。花枝有短長。達夫
明嗣

紹興眞成祖峰凌禪師。山陰王氏子上堂。豎拂子曰。
若論者個。在天天中之尊。在人人中之貴。在法法中
之王。在物物中之大向者。裏洞徹得去。三世諸佛與
諸人無二。諸人於三世諸佛無別無二。無別光明顯
赫。萬象森羅一掌平。大千利海都超越。性空
臻嗣

臨安福勝無減清禪師。廬江徐氏子上堂。出窟獅兒
吼一聲。狐狼野豸盡藏身。揭開宇宙渾無物。山色依
然自古今。上堂。寶鏡當臺。鎮鐺在掌。個中底意。特
爲敷揚。扶起破沙盆。整頓舊紀綱。要使溥沱一脉源。

遠流長。宗風振法音。彰丈室烟霞時。煥彩璽揮花雨。
落天香。公衡
仁嗣

新州法勝白巖龍禪師。本州顧氏子上堂。風乍歇。雨
初晴。桃花浪裏釣舟輕。柳眼舒。金迎綠水。喬林鶯囀
和歌清。森羅歷歷分明舉。何用重重更指陳。良久曰。
切莫孤負山僧。獨冠
敬嗣

漢陽棲賢舟峰岸禪師。示衆。紅葉滿山川。祝聖開堂
於此日。蘆花飛兩岸。考鍾伐鼓正其時。回頭楚國風
光舉。步先師法窟樓閣重。重百億諸天空翠擁。江風
隱隱五千貝葉畫圖看。船載一江風。名利令人裝不
盡。夜眠八尺地。展轉牽夢睡無多。所以道。紅塵中有
佛法塵。說利說熾然說晝說夜說。無間歇。不是嶺頭
携得事。豈從鷄足覓將來。獨冠
敬嗣

漢陽玉山麗還照禪師。上堂。爐鑪鋪張。此日開無端。
嚼飯餵嬰孩。不知種草誰堪任。克紹吾宗豈易哉。
上堂。春回大地。草木增榮。路上行人。剛折柳村中遊
客。採芳春。惟有桃萼將舒。幾人得似靈雲。獨冠
敬嗣
黃岡竹樓魯子仁禪師。上堂。雪上加霜。天凍地裂。烏

鴉嘴扁。叫寒不徹。石頭大底。大小底。小松枝。秃底。秃尖底。尖。南山北山。一齊鬪。額試問諸人。是何軌。則復曰。上堂。大開門。戶。山是山水。是水。住也得去。也得解。開布袋。天是天地。是地。坐也得臥。也得雖然。去住自由。縱橫無礙。山僧拄杖。未肯放過。在何故。相見易得。共住難爲。獨冠敬嗣

清涼覺悟。祖尼禪師。杭之趙氏女。示衆。舉南泉賣身。因緣。師曰。南泉只知索價。不顧瞻前者。僧難解。瞻前不解。顧後。祖上座。當時若在。待他道。不作賣。不作賤。你作麼生。買。便與三棒。何故。心不負人。面無慚色。出關小參。開關元是閉。關人一度拈來。一度新。八面玲瓏。明似鏡。十方世界。現全身。盧舟省嗣

已下佚失
二十字結二
十行一葉

湖州天池天軾輪禪師。出關示衆。妙覺已圓。圓成已秀。州濮院香藏履庵經禪師。小參。行住坐臥。將錯就錯。祖師門下。不可放過。木馬。越西風。泥牛。蹄踏破。錯錯。丹霞燒木佛。院主眉鬚墮。正聞乾嗣

滌庵新禪師。小參。見色明心。正是眼花。聞聲悟道。孤負平生。除此二途。畢竟如何。喝。一喝。歸院陞座。去。日

寒梅盡破。腮歸時。秋色滿空。塔鄰家父老。重相見。依舊眉毛。眼上栽。正聞乾嗣

蘇州吳江承天萬壽無閤。哭禪師。小參。十五日。已前。石裏麻油。十五日。已後。水中烈火。正當十五日。花劈乾坤。橫身宇宙。放行也。桃花滿樹。收來也。月挂西樓。用盡自己心。笑碎他人。口祇如竹篋子。跳上梵天。拄杖兒。驚過東海。且道是放。過是不放。過連喝兩喝。

小參。喜怒哀樂之未發。即易之未盡。喜怒哀樂之已發。即易之已盡。未盡。我知其先天。天地而引之。無始已。盡。我知其後天。天地而推之。無終。此聖門濶論。老氏劇談。若是。禪僧分上。如何。分割喝。一喝。且道是引之。無始。耶。推之。無終。耶。又喝。曰。易分雪裏。粉難辨。墨中煤。正聞乾嗣

雲間慧蓮弘毅具瞻。任禪師。華亭陳氏子。上堂。禪風擺蘆花。江上顛。道道月移竹影。塔前埽。會則覲體全彰。不會自生煩惱。生煩惱。擬思更問玄門。笑倒江西龐老。小參。燕翻梁上。鷗戲灘邊。是法非法。是禪非禪。揮拂曰。會麼。爛泥有刺。無人見。踏著方知脚底。

穿題正聞乾像鉗鎚惡辣怕怖慣把虛空打破華

亭清白男兒尙被渠儂玷污正聞乾嗣

南嶽大巖廣禪師上堂東石佛林西石佛林北山峰頂雪南邊路上人四維上下其中所有一一互望交參各各常宣妙旨山僧恁麼直示諸人能向這裏默然神契拈山海大地安一眉杪頭上拈一眉杪徧滿山海大地如此神通如此無礙汝等還委悉麼以杖畫○相震威喝一喝曰猛著精彩上堂顯大機施大用將長作短將短作長將大作小將小作大將高作低將低作高將圓作匾將匾作圓種種變化應用不缺等閑拈一烏豆換却諸人眼睛諸人還知落處也無薦以杖畫。曰經行及坐臥常在於其中釋雪聖嗣嘉禾祥符如觀意禪師上堂望州亭與汝相見了烏石嶺與汝相見了法堂前與汝相見了大眾既一一相見了畢竟有何詰話良久按拄杖曰鶉鳩樹上啼意在麻畚裏示衆拈拄杖召衆曰還委悉麼但依自己求莫向外邊討急須薦取猛回頭慎勿癡頑落荒草一回識得阿哥妻元是尊前舊嫂嫂卓拄杖下

座釋雪聖嗣

衢州開化雲門幻松蔭禪師長樂林氏子示衆現成一句老婆禪揭露分明在目前未舉應須先薦得將身算悟待何年示衆祖師好一顆摩尼珠可惜陷在牛跡裏累他南泉費盡婆心親爲拈出諸人且道卽今珠在甚麼處良久曰忽地喚回秋夜夢舉頭惟見月當空釋雪聖嗣

蘇州接待雪平隆禪師示衆舉滄山水牯牛話師曰

者漢如驢獨跳不顧後羣以致東頭未了又惹西頭當時幸得子爲父隱一齊放過若不放過猶喫山僧手中棒在何故舌頭倚卓無依倚推向人前賣不休

金粟石庵釋嗣

潛江大佛浪山嶼禪師僧問前百丈不落因果爲什墮野狐師曰錯曰後百丈不昧因果爲什脫野狐師曰錯僧禮拜師曰若透得者兩錯可以入事事無礙法界不然總是一隊野狐精復示一頌曰不落不昧報君知突兀鴻門大啓時若是英雄真漢子當陽一踏透全機金粟石庵釋嗣

麻城問石璫鑑衡禪師鄂之賀氏子示衆舉僧問與
化四方八面來時如何化曰打中間底話師曰者則
公案大似善卜者吉凶一時判就只要問事人識得
爻象變動何故乾三連變作天雷無妄畢竟意旨如
何轉身縱不離初際仔細看來較幾何

金粟石
庵評嗣

鹽官募輝玉禪師頌風幡話曰不是風兮不是幡直
須打破兩重關清風明月長空濶水是水兮山是山

頌與化打克賓曰千差坐斷脫體風流至親骨肉

却是冤讎一片婆心大難酬憐兒忒煞不遮羞

巢庵
定嗣

勝感雪平隆禪師佛誕上堂取來江海活波濤煮作

香湯薰面澆直得渾身無避處至今平地浪滔滔

元旦上堂臘盡春回報衆知今來古往速如斯重開

日月囊中照又聽笙簧韻裏吹漸見冰河融斷岸湯

看梅萼發新枝當知不動眞常性隨順逍遙樂四時

頌世尊初生曰嬰兒纔誕語琅琅便解人前作主

張莫怪渠儂多意氣人間天上更無雙 頌女子出

定曰望春春未到春時想到春容亦似痴忽地一時

春到後不妨閒坐看花枝

石庵
評嗣

●此一段文
似重出

婁江德慶博靈奇禪師問聞和尚失了賊果然麼師
擲住曰來說是非者便是是非人其僧失色師笑曰
果然心虛便托開 頌百丈捲席曰巨靈擡手華山
破布鼓鐺鳴宇宙聞驚起毒龍翻白浪漫天漫地簸
風塵 頌卽心卽佛曰綠暗紅稀出鳳城暮雲樓閣

石庵
評嗣

古今情時人莫聽官前水流盡季光是此聲

杭州佛日浪山嶼禪師示衆問前百丈不落因果爲

甚墮野狐師曰錯曰後百丈不昧因果爲甚脫野狐

師曰錯僧禮拜師曰若透得者兩錯可以入事事無

礙法界不然總是一隊野狐精復示一頌曰不落不

昧報君知突兀鴻門大啓時若是英雄眞漢子當陽

一踏透全機 上堂薰風涼夏日長白雲淡淡流水

蒼蒼黃鶯啼綠樹旭日照虛堂人在藕花香世界風

流廓徹體全彰

石庵
評嗣

蘇州崑山墨林遠禪師解七小參七日已前人人懷

赤水之珠七日已後箇箇抱荊山之璧正當七日之

中針劄不入水泄不通上不見天下不見地東西不
辨南北不分到者裏三世諸佛結舌有分歷代祖師

插足無門。所以道把斷要津。不通凡聖。今日不妨放
開一線。與諸兄弟通箇消息。驚卓拄杖曰。切忌無繩
自縛。擲拄杖下座。石庵
浮圖

金陵後御濟禪師小參。一年逢一度。花落又花開。說
與林間客。時光不再來。諸人到者裏。剔起眉毛豁開
兩眼看。是箇甚麼。驚舉拂曰。千山紅葉落。一片白雲
飛。佛成道日。示衆怪哉。瞿曇老無端。窮斯妙說。箇
觀明星早已逗漏了。爭似住山翁。澹飯隨時飽。高枕
石頭眠。不假修證好。石庵
浮圖

麻城問石璿鑑衡禪師。示衆舉僧問。興化四方八面
來時如何。化曰。打中間底話。師曰。者則公案大似善
卜者吉凶。一時判就。只要問事人識得。爻象變動何
故。乾三連變作天雷。無妄。畢竟意旨如何。轉身縱不
離。初際仔細看來。較幾何。石庵
浮圖

蘄州靈山問嶽泰禪師。陞座。神珠在握。弘佛祖大機。
慧日當懸。豁人天正眼。直得森羅起舞。萬象騰輝。溢
目光華。貫通今古。正恁麼時。如何是正令提底句。縱
橫日月。寰中掛一。亘晴空萬古春。石庵
浮圖

提底盤全

此一股似
重出

五燈全書卷第九十三

京都聖感禪寺住持臣僧

超永

編輯

進

京都古華嚴寺住持臣僧

超揆

較閱

呈

臨濟宗

南嶽下三十六世隨錄

贛州寶華拈松客禪師上堂。挈挈波波。脚跟下不移一步。忙忙碌碌。鬧市裏不見半人。惟有不出戶庭底。朝往天台。暮遊南嶽。且道歸家一句。又作麼生。還委悉麼。骨格天然。多意氣。不向如來行處行。上堂纔說戒。又上堂。祖意教意。毫沒囊藏。若向這裏。全身擔荷。聖凡兩絕。迷悟雙忘。且道釋迦老子。與達磨大師。即今在甚麼處。顧左右曰。各歸衣鉢下。板轡赴齋坐。
諸諾導嗣

廬陵龍須開一徑。禪師浙江烏程朱氏子。幼失怙恃。隨祖受經。日記數千言。弱冠能屬文。忽厭世相。白祖至吳門。靈瑞禮融印。剝落印令讀楞嚴法華。過目解義。恍悟夙因。乃辭印參焦山。乘一見器之勉。示庭前。

柏樹子話疑情。日發。既而到廬山。值天界盛開法圓。通便求進。堂提撕極切。至第五日。進方丈。跪問弟子做工夫。請和尚示個入處。適版鳴。盛曰。版嚮了。喫粥去。師起。擬出未跨門。心中忽然踴躍。如輓出一輪紅日。便連禮數拜。盛曰。我有甚指示。師曰。和尚老婆心切。盛微笑。打一如意。從此徧歷諸方。末上青原。謁秀。秀問那裏來。師翹一足。秀曰。莫學者。虛頭師曰。從來不誑語。秀曰。打野樵漢。參堂去。命掌牋。翰既而。囑授出住西昌龍安廬。陵龍須禾山甘露。上堂。修證即不問。灼然四染汗。一句定綱宗。坐斷千差語。鉢盂裏走馬。淨瓶裏涕唾。衲僧家巴鼻。大蟲看水磨。喝一喝。開爐上堂。月令建子。律應黃鍾。滴水滴凍。衲子家風。所以道。窮則變。變則通。龍須山裏。擇死柴頭。撥無烟火炙。得無言童子。滿面紅規模。習氣盡銷。鎔巨靈擡手。無多子。壁破華山千萬重。上堂。今日開爐。先與大眾議定。一不得助。一不得忘。三不得釘椿搖櫓。四不得鑿壁偷光。五不得玲竅孤露。六不得衣鉢還鄉。果能依斯六者。方解事于空王。喝一喝。問如何。

是奪人不奪境。師曰：你是個死漢，如何是奪境不奪人？師曰：拂却眼裏塵，如何是人境？兩俱奪，師便打。如何是人境俱不奪？師曰：禮拜了退。師于康熙戊午秋季示微疾，動靜如常。至十月初二日，索浴剃髮，更衣命侍者進紙筆書遺言，與偈一，詳切擲筆而逝。世壽六十。僧臘四十。塔于本山之麓。眉庵秀嗣

當湖善護菴尼一音見禪師，姓戈，適沈，以疾謝投伏。獅剛披剃，看萬法歸一話，有省。剛問：如何是有物先大地？無形本寂寥。師曰：到家何必說程途。剛曰：如何是你到家消息？師曰：仲冬天寒，請和尚珍重。剛爲印可。百丈再參馬祖，因緣頌曰：春花爛熳柳隨風，泊岸漁舟解轉蓬。鏡裏山河原不別，一聲孤雁落長空。臺山婆子頌曰：婆子臺邊弄釣竿，風流脫體幾多般。不因趙老來親看，往往行人被熱瞞。祇園剛嗣

琬公琳禪師參模侍立，次模問：古人有三種墮，且道如何是類墮？師曰：何處不稱尊？如何是隨墮？師曰：不入虎穴焉得虎子？如何是尊貴墮？師曰：我爲法王于法自在，模打一掌曰：者是那一墮？師曰：鴛鴦繡出從

君看不把金鍼度與人。永泰模嗣

宜興陽山潮音轉峰頂禪師太倉朱氏子，示衆學僧問：趙州狗子還有佛性也？無州曰：無。僧曰：蠢動含靈俱有佛性，爲甚狗子却無？州曰：爲伊有業識。在師曰：陽山那時若見，怎麼答話？未免拍手大笑。何故？待者老漢豁開頂門正眼，自然不墮有無窠臼。示衆舉僧問：天童悟和尚如何是三寶？悟曰：一餐胡餅兩餐粥。曰：不是這三。飽悟曰：老僧曰：日奉持師頌曰：問亦尋常答亦奇，和盤托出更無私。奉持一句超三寶，雪曲陽春非楚詞。鐵關能嗣

嵩山玄水杲禪師江南無錫黃氏子，父夢雙輪從室並昇，照徹上下，感而有孕。生時有六種震動之徵，幼性愚頑，長而懶學。年十三出遊，途遇餓殍，遂驚駭，問同行僧有何法可免此苦？僧曰：欲免此苦，必求出世去。塵遠俗參，訪知識見徹本源，得離生死。師卽拜謝，回告父母，苦求出家，送惠山寺披剃。因看古德錄至兔角杖挑潭底月，龜毛繩縛樹頭風之句，頓起疑情。一夕無眠，次日腰包別衆直抵龍池，至山門擡頭忽

見龍池曉雲額前疑盡釋乃口占曰早知個裏原無
我何苦終朝冒雨行可笑諸方學道者龜毛兔角強
追尋遂入方丈微問冒雨來山所爲何事師曰道即
不堪微曰不涉程途你試道看師曰和尚爲甚不領
話微曰貓師曰將謂將謂微便打師曰貓微復打曰
教得孩兒會罵爹爹堂去師一喝而出後微命師承
嗣楫首座師不敢違以受記前出住本邑嵩山旣而
入都得膺

世祖章皇帝恩渥優隆 命于慈壽開法 示衆月
正明秋已老砌下寒蛩聲且悲世人何故多顛倒只
知折桂與攀花誰肯迴光而返照百年三萬六千朝
彈指之間便過了吾等林下衲僧家切莫從他顛倒
好朝參暮叩不宜遲究明己事必須早急急償還他
飯錢莫待閻君親自討山僧此語非等閒只要諸人
自悟好若將此語等閒看到頭空自傷懷抱 晚參
道二不成雙道一不成雙兩個五十文究竟是一百
數目甚分明阿誰能辨別瑞雪落紛紛山河成一色
報諸人警不警坡前野鹿與行人一步明明一個跡

若能者裏徹根源一主參學事已畢 僧參師問那
裏來曰三峰師豎拳曰三峰還有者個麼僧喝師曰
伶俐漢子僧擬進語師直打出 僧參師問阿誰與
你拖者死屍來僧喝師曰三喝四喝後如何僧擬議
師打曰弄虛頭漢

古帆
楫嗣

永嘉法通極牧傑禪師邑之林氏子幼共諸童子戲
好聚沙爲塔或瞑目跌坐識者異之十五歲失怙起
無常想辭母乞禪靜菴朗心脫白指謁法通大拙令
看楞嚴至見猶離見見不能及處疑情頓發究未豁
然參密印幟隨參理安福嚴明發天童諸大老皆有
機緣然終不自肯聞大潮楫道風賣布單參請纔上
法堂卽曰久聞大潮潑天白浪因甚今日到來點滴
也無楫曰闍黎好生照顧袈裟角師曰恁麼則沾恩
有地楫打曰且道是賞是罰師曰禮謝和尚楫曰今
日打著半個師掩耳楫卽留作維那旋授師衣拂出
住法通 上堂遮一片田地最初威音王前契書已
交與諸人了也一任深耕易耨莫不乘時獲益祇是
年代深遠荒唐懈廢若也回頭暫觀退步就已方知

從本未嘗少失。所以道祇是舊時人。不改舊時行履處。且道作麼生。是舊時人。卓拄杖曰。眼底瞳人吹簪。築鼻中獅子露威。除夕小參。舉拂子召衆曰。還見麼。此是人人本有底。新把柄。卽是從上佛祖未了底。舊公案。今朝不免拈頭作尾。翻尾作頭。貴使大家知有拂一拂。曰。向者裏要覓纖毫生滅去來之相。猶如尋始末于環輪之所求。向背于虛空之中更說甚麼。此陰方謝彼陰未生。大抵人情有得方失。世路無往不還。所以法昌邀首座喫湯。聊表家風。北禪向僧堂烹宰。勞費太甚。若也檢點將來。盡屬世諦流布。且道法通者裏畢竟將甚麼與大眾分歲。擊香几曰。少間聞殿上鼓聲。速下食堂驗取。越四載退居化城。至康熙庚申八月二十三日示疾。至閏八月二十三日辰時。忽取水澡浴更衣。趺坐衆請說偈。師曰。緣聚示有生。緣散示有去。生死皆夢幻。何須重說偈。良久曰。大眾會麼。一喝而逝。師生于明天啓丙寅歲十月十七日。世壽五十有五。僧臘三十。有七塔于化城。古帆

嗣輯

易菴燧禪師常州宜興人。示衆風捲殘雲。盡山山長。綠苔日輪。當午卓萬戶笑盈腮。敢問諸人。且道笑個甚麼。土原是泥做的。世尊拈花頌曰。靈山塗毒突。然。觸吐胆傾心。露爪牙一笑。飲光天地裂。傾湫倒嶽。許誰誇。女子出定頌曰。出定入定磨磚作鏡。文殊罔明。虛空安柄咄。鼎山松萬庭南筏禪師示衆廿年參遍。叩諸方毒氣深藏。自覺忘不是。此回傾腹瀉。怎能屑淨者。條腸上堂。倒接無根樹。橫挑海底燈。祇是尋常茶飯。是莽海裏翻身人。我山中獨步。猶是本分生涯。輪却山子。自喪家風。踢倒淨瓶。無非壺弄。如金鵬香象。截取龍吞。孰敢睥睨。有如此威德。有如此作略。堪能克紹宗猷。興隆祖道。方可欺君不得。若是迷封滯殼。非唯埋沒自己。抑且屈辱先宗。卽今還有超宗異目的漢子麼。若有道不虛行。若無山僧今日向千聖頂額上作獅子哮吼去也。喝一喝下座。上堂。雙眸突出。雪山晴怪。嘆奇哉。海嶽驚平地。賺他多士子。今朝盡道悟明星。豎拂子曰。見麼。若向者裏薦得。不但同迦文老人一

個鼻孔出氣亦與三世如來把手共行設或顧好停思白雲萬里衆中還有證據者麼。擲拂子曰：「了知撲落非他物，始信縱橫不是塵。」微雪谷

順天房山雲居溟波古禪師。畿南武清郭氏子弟。兄七人。師居第五。因父病得冥警許子出家。七歲捨入天仙菴。禮智安。薙染菴。本應院。平居無異俗習。師每嫌之。痛念生死事大。莫可咨決。至二十五。跪誦華嚴。足不越閭者三載。偶禪客勉令參學。遂于愍忠圓具。戒參大博。乾于天津。如來菴。便求掛搭。刻苦研究。一日進方丈。問如何。是本來面目。乾豎拳。師曰：「除此還有麼？」乾便打。從此疑情愈發。後隨至楊村報成寺。乾落堂。曰：「堂中有個病漢。欠出一身白汗。在師聞之。工夫彌切。目不交睫者四晝夜。因上單脫履。忽有省。遂白乾。乾問如何。是你本來面目。師曰：「六六三十六。乾曰：「不是。更道。」師曰：「九九八十一。乾打一掌。曰：「這是九。九八十一。還是六六三十六。」師一喝。便出自是當機。不讓復侍。三載得蒙印可。守靜西峪雲居。十載始應多羅惠王請。開法海會。繼住龍溪南塔。如來盤山。

甘露諸利。結制上堂。寒暑遷流。神光不昧。乾坤轉運。物我全彰。融通萬有。而非色非聲。坐斷要津。而即心即佛。隨處作主。遇緣卽宗。以大圓覺爲我。伽藍身心安居。平等性智。始知本無生滅。有甚結解。且應時開爐。一句又作麼生。道是聖是凡。銷鑠盡當。陽直指本來人。臘八上堂。問第一義諦。卽不問。夜觀明星。事若何。師曰：「點鐵成金。曰還有脩證也。無師曰：「無曰。既無脩證。六年苦行。又作麼生。師曰：「爲憐三尺子。不惜兩莖眉。乃曰：「天不高。地不厚。自利利生。非新非舊。未過關者。眼光燦破四天下。已過關者。始終不曾離窠臼。驚召大衆曰：「且道釋迦老子。夜觀明星時。還離窠臼也。無衆無語。師呵呵大笑下座。除夕小參。臘月三十日到來也。諸人脚跟下。事作麼生。汝等須知。人人本有個個圓成。所以道行住坐臥。不離這個。若離這個。當面錯過。三世諸佛。也是這個。歷代祖師。也是這個。天下老和尚。也只是這個。乃至鱗甲羽毛。草木昆蟲。無不承這個恩力。諸人還會得這個麼。若也會得。眉毛依舊。其或未然。來年更有新條在。惱亂春。

風卒未休。觀音誕日上堂。曾爲古如來。廣歷塵沙

劫。大地悉圓通。何處有生滅。三十二應現。全身利剎

塵。塵都漏泄。顧左右曰。且道漏泄個甚麼。紅霞穿碧

落。白日繞須彌。上堂。杲日正當空。照耀無邊際。應

現絕遮欄。生死渾無忌。世出及世間。總歸第一義。袈

僧如薦得。蘇嚕和噫哩。問如何是奪人不奪境。師

曰。空裏幢旛無罣碍。曰。如何是奪人不奪人。師曰。巍

然獨坐絕攀援。曰。如何是人境兩俱奪。師曰。目前無

罣繫。此間無老僧。曰。如何是人境俱不奪。師曰。國清

才子貴家富。小兒嬌。頌女子出定曰。青山孤峯挂

高雲。婢見奴兒意。便慙月下共彈離恨譜。只堪惆悵

不堪聞。頌趙州狗子佛性話曰。明鏡高懸照古今。

有無不涉淨無痕。浮光散盡秋光露。明月蘆花一色

新大博
乾嗣

京都洪光解三洪禪師蘇之嘉定葛氏子。母生時預

兆吞月之夢。纔離襁褓。母五歲父送就學。稍識字。

喜閱宗門文字。漸長樂游琳宮紺宇。聞梵聲則怡然

忘返。乃厭世相。無常以出家之意。白父。父不許。因循

◆于屋于

至十七歲。會父遠出。遂決志禮南翔白鶴寺會心師

剃落。偶值徑山容老人到寺。示參趙州無字話。一日

容問白鶴南翔久矣。子爲何在此坐地。師應聲曰。祇

待扶搖九萬。風容笑曰。我助子可乎。隨打一掌。那時

雖不知這一掌落處。胸中却也生疑。二十六歲受具

于海藏香雪律主嗣。後徧參福嚴靈隱靈巖機緣頗

多。丙午年進京謁盤山乾于。放生池耳提面命。親炙

多時。適胡少宰弟翹羽請開關。于牧園六年。一日看

華嚴元談。至十元門海印森羅常住處。如醉復醒。因

悟法界圓融無盡之旨。始契昔日徑山容一掌之意。

壬子夏出關到盤山省覲。乾問你在關中有新契證。

處何不呈似我看。師曰。好個消息。乾曰。靈雲見桃花

而悟。玄沙畢竟不肯他。師曰。今日捉敗老漢。乾休去。

次日乾舉百丈再參馬祖。機緣勘師。舉到即此用離

此用處。師便喝。乾曰。本該我喝。師曰。敗將不追。乾大

笑。師便出。嗣受記。薊出世京都海會復興圓教。及今

被

旨現住洪光前後七領院事 遵

旨住香山洪光寺入院上堂乃揮拂曰祖師心印狀似鐵牛之機去即印住住即印破不去不住如皓月之凌空光輝八極燭照萬方有時坐斷千差有時放開一線放開一線紅塵浩浩之中橫拖布袋何妨等個人來坐斷千差寂寂孤峰頂上冷靠繩床却好共留雲住所謂法無定相遇緣即宗萬法本閒惟人自開若是久參英彥自然願歇馳求南泉水牯閒牧碣北溪南眠雲嘯月叨蒙

聖主洪床三聖暗驢蹴踏嶺頭山下運水搬柴盡是祖師活計現前大眾還有報德酬恩者麼良久揮拂曰一氣不言含有象萬靈何處謝無私 送華嚴揆進院日佛大人傳

旨命上堂欲入西山已有年近承 恩賜白雲巔借兄柳栗橫肩上偶爾成文是宿緣若論斯道本無住相動止隨緣拈起則剎剎塵塵盡在華嚴境裏放下則人人物物統歸選佛場中異口同音誦佛聲于聖境淨土不隔于纖毫通力合作移金錫于雲端靈山豈分乎今古況知宗而不知經律者謂之增上慢比

自題目

丘知經而不知宗律者謂之不淨行說法知律而不知宗教者謂之破戒佛子止如華嚴和尚不舍一法三身具足四智隨心能報 天庥之厚德深酬佛祖之弘慈萬方普被八極同霑更喜滿自青山鵲噪鴉鳴同談般若幸叨吾

皇上苑溪光山色全露遮那事如是理如是圓融難盡日殊勝月殊勝妙用無邊諸仁者且世出世間一切諸法應驗在甚麼處揮拂顧左右曰 皇天無親惟德自輔 圓教寺裕親王啓建大悲期圓滿請上堂乃薦豎拂子曰此是大悲千手眼復放拂子曰此是圓滿陀羅尼不涉數量名言不落見聞知解直下轉轉轉活潑潑地與物作則爲瑞爲祥建法因人無偏無黨都盧是個大解脫法門以此消愆如湯沃雪以此施福福增無量乃至天地得之以清寧日月得之而流行凡有所爲無不殊勝名之曰牟尼珠如意寶至于身班 帝穆能副人天之喜爵重珪璋永承家國之榮事理雙彰古今一貫祇如今日佛事功圓一句又且如何良久曰頂門放出摩醯眼照徹三千

及大千 供齋米上堂盡大地撮來如粟米粒大古
人恁麼道難補饑瘡不若今日王府中傾出幾十大
斛一任諸人飽食細嚼永絕饑虛水邊林下東觸西
觸不犯他人苗稼何須更用索頭山僧恁麼說話意
在于何良久曰休休山僧不學老金牛鼻繩爲爾掀
翻也窮目還須更上樓 問如何是西來大意師曰
六月火燒山 問萬緣放下因甚這個放不下師曰
五戒未持在 問拄杖與和尚眉毛相去多少師曰
隔一線 問如何是乾矢橛師曰火燒不著水浸不
爛 問鐵船浮海面不載往來人未知等個阿誰師
曰數不到你 問如何是日面佛月面佛師曰山僧
只有拄杖僧作禮師便打 問靈鋒在握誰敢當前
師作怕勢僧作禮曰驚動和尚師曰草裏漢大博
乾嗣
京都海會聖心覺禪師薊州玉田王氏子上堂蘇州
有常州有象王回顧獅子哮吼踏倒須彌露出北斗
咄咄六六三六七七四十九不是楊岐驢亦非
子湖狗看取東山水上行狸奴白牯却知有且道有
個甚麼以拂子打圓相曰向這裏會去 上堂風寒

思衣喫飯思飽寒也不寒飽也不飽生處更要熟熟
處便生巧打破趙州關長安路不遠深防子湖狗直
下露牙爪多少參方客個個被他咬擬議若思量東
方日出卯會得在途中受用不會則饑思煎餓思炒
上堂一不做二不休截斷中間沒兩頭明明歷歷
通今古個事從來不記秋薰風至殿閣幽無影林中
牧白牛自從食盡欄邊草在處風光豁兩眸大博
乾嗣
薊州盤山佛藏正禪師上堂人境雙彰萬法挺然照
用齊施三乘密布且道人境雙忘照用俱泯一句又
作麼生良久曰白雲盡處是青山行人更在青山外
上堂財法二施等無差別萬器同金萬車共轍眼
上橫眉口中藏舌于此了然何用別說佛祖最上機
萬里一條鐵大博
乾嗣
京都隆禧容宇貴禪師上堂法印高朗如晴日麗中
天至道常弘似秋蟾映滄海塵塵普照剎剎全提接
有情總登上乘化無相咸明實義此是佛祖慈悲權
宜利濟若是祖師門下本自圓成毫無造作棒喝交
加猶爲節外大衆還會麼當知清白傳家客洗耳河

邊不飲牛。國賊請上堂。火不待日而熟。風不待月而涼。鶴長鳬短。鵠白鳥黑。花開逢綵石。竹裏見紅泉。衆中還有會得者麼。卓拄杖曰。鳳凰樓下。交天仗。烏鵲橋邊。敵御筵。上堂西來的的。意千聖莫能譚。開口成雙。擲揚眉落二三。枯榮一任彼甘苦。自家諳大衆三條椽。下七尺單前。且道是個甚麼。良久曰。參。上堂眼中著百千萬億須彌山。不剩一塵耳。中承百千萬億香水海。不餘一滴。無足人能行。無口人能言。且道人人本有個。不無是神通妙用。是法爾如然。喝一喝曰。盡思共度量。不能測吾智。大博乾嗣

京都勝果景山禪師吳江人。臘八供法衣。上堂提起袈裟角曰。西天四七傳持。東土二三授受。直至如今。不曾移易一絲頭。許今乃世尊證道之辰。拈出此衣。恰好與他正覺山前。煌煌明星。兩彩一賽。雖然世尊觀明星時。道個一切衆生。具有如來智慧德相。但以妄想執著。不能證得。若據山僧檢點。將來不合把智慧妄想話。作兩橛。致使後代兒孫。將正法眼藏。喚作破沙盆。無位人乾矢橛。累他分疎。不下要知。凡情

聖解盡是虛名。殊相嚴飭。皆爲幻色。山僧不惜眉毛。略通一線。遂披衣曰。全身奉重重拈出。徧覆三千歷。

劫新。大博乾嗣

京都慈慧奇波摩禪師上堂。諸佛最初機。祖師臨末案。展兩手曰。盡露與諸人。不須重打算。當陽著眼看。吾道一以貫。上堂孤迥迥。峭巍巍。黑漆漆。明歷歷。佛祖覷不破。聖凡豈能測。常現妙峰頭。大地無人識。且待當來問彌勒。上堂一機相逼。萬彙齊消。一線放行。羣芳耀彩。所謂森羅及萬象。一法之所印。一塵合法界。一念遍十方。到這裏縱奪齊施。殺活雙行。舉頭天外看。誰是我般人。大博乾嗣

長沙洪恩楚峰立禪師宜興人。小參若是上大人。不勞老僧重下註。脚道個可知禮也。早犯清波。祇如不犯一句。作麼生道。卓拄杖曰。愚啞也不得。示衆當陽一句。突出難辨。頂門一機。揭地掀天。若識得慶快平生。望雲英嗣

梁溪南禪吼松澄禪師僧問。如何是青州布衫。重七斤。師曰。山僧做的。比他輕四兩。問。如何是本來面。

目師曰日曝苔枯雨滋葉茂曰不會師曰素富貴行

乎富貴古鏡符圖

五燈全書卷第九十三

五燈全書卷第九十三補遺

臨濟宗

南嶽下第三十六世隨錄

參同尼一揆琛禪師嘉興大司寇孫簡肅公之曾孫女仲兄子麟少年得道登三教壇師幼聰敏不由師傳而通書義兼繪墨及筭適盛盛遭疾不起思爲出世計自後毀容變服茹素焚修立志堅貞其兄子麟見師心切語師曰待吾排却性命倘有所悟汝不難出世奮身打七大事得明即告師曰汝急做工夫絕後再貶欺君不得晝夜參究話頭難破如吞鐵丸愈疑愈悶一日同母夫人參謁伏獅剛一見稱爲法器是冬結制坐至二七忽爾定去香盡四炷瞬息而過

大地平沉洞徹本來面目其兄聞之笑曰這不唧啣漢遲至今朝方摸著鼻孔何鈍如之剛即披剃印可出住參同繼住伏獅重陽示衆風颯颯雨霏霏應時及節饑則食冷添衣爾我共知拈起也全彰妙用放下也迴絕離微金風黃葉墮脫體露真機禪家不用茱萸酒一盞清茶釋衆疑示衆嚴整衲僧作用貴乎敬守清規心同杲日之明志若冰霜之冷庶是法門種草堪與佛祖貫通果有恁麼人方行恁麼事震威一喝曰吼斷羣狐踪影絕禪林從此清如鏡頌世尊初生曰纔降王宮盡底傾何須七步顯家珍誰知弄巧番成拙一棒于今累子孫頌世尊觀明星曰六載埋身慣脫空明星觀著面皮紅尋常一樣窗前月看到梅花便不同頌女子出定曰出定如何與入定罔明彈指徒僂倖悞賺時人摸壁行至今不識其正令頌婆子燒庵曰二十年來龜證鼈任他寂寂與惺惺逢緣遇境誰爲礙累及婆婆本利傾問如何是賓中主師曰信手拈來無不是如何是主中賓師曰得意回來對月吟如何是主中主師曰莫

教打落當門齒。如何是賓中賓。師曰。簷前啼鳥送殘春。康熙己未春。抱微恙。至六月。絕粒飲水。至示期七月初三。立秋。永別。初三黎明。先期報鐘。師曰。又擔關我。一日。初四日辰時。沐浴更衣。說偈曰。這漢一生骨硬如釘。一處轉脚。最難移根。二十四上。知有此事。十年克苦忘形。四十九上。憫絕娑婆世界。覩得世態。如水實求早離。如願業緣。又使七春。目今葉落。知秋正是歸根時候。呵呵。呵。逍遙惟我。端坐而逝。世壽五十五。僧臘三十一。証圖 剛嗣

善護尼一音見禪師。示衆。今朝五月半。那事明明真好看。真好看。何似秦時轆轤。鑊鑊然。鑊破太虛空。做個逍遙無事漢。大衆還識鑽頭落處麼。喝。一喝。歲朝示衆。今朝初一日。正是好消息。燈籠露柱笑欣欣。上來下去承渠力。遂顧左右曰。且道承什麼力。喝。一喝。曰。疑則別參。初冬示衆。殘秋已過。又新冬。凜凜霜風。撼曉鐘。白髮相催。人易老。嶺頭花放幾時紅。一婆子參問。不得解脫。時如何。師打曰。誰縛汝。婆沉吟。師曰。萬法本閒。惟人自闢。師問道。英汝今見解。

如何。英曰。杲日當空。師曰。爭奈片雲遮却。英便喝。師曰。三十棒自領去。頌國師三喚侍者曰。三呼三應。分明極負汝負。吾略較差。落花曾見隨流水。流水無心戀落花。頌百丈再參馬祖曰。葵花向日。柳隨風。泊岸漁舟解轉蓬。鏡裏山河原不別。一聲孤雁落長空。証圖 剛嗣

金陵溧水祖琳山禪師。參永泰。模問。二庵主一樣豎拳。趙州爲甚麼肯一不肯。一師曰。寒光吞老蚌。夜月透靈犀。曰。未在。師揮案一下。便出。永泰 機嗣

句曲天王天乳湜禪師。村居示衆。遙望村煙近太虛。半浮樹色補林疎。鳥聲飛出青筠舞。一帶奇觀景物舒。示衆。不學痴禪學種田。培根深處潤爲先。要知物理豐收事。盡在勤勞用志堅。鐵關 能嗣

舒城福緣山山圓禪師。開爐上堂。斬新日月特堪乾。坤龍蛇共處。凡聖同遵。紅爐初架。烈焰騰騰。文殊普賢。火光中垂手。釋迦彌勒。紅焰裏翻身。常光獨露。正眼圓明。古今坐斷。迥脫根塵。喝。一喝曰。眞金若不經爐冶。爭得光華徹底鮮。示衆。學離四句絕。百非話。

畢師曰者僧時乘運蹇撞入鬼窠裏當面顛頂若是祖師意遠之遠矣何故從門入者不是家珍鐵關能開

舒城桐崑古水源禪師上堂山門頭合掌佛殿裏燒

香且道是何意旨良久召衆衆舉首師曰鷄子過新

羅上堂舉百丈開田說大義話畢師曰桐崑這裏

也沒田與汝等開也沒大義與汝等說饑時且喫飯

困來便打睡大衆且道桐崑還有爲人處也無良久

起身曰知恩者少負恩者多小參鷺鷥立雪非同

色明月蘆花不似他大衆且道他作何狀似何色喝

一喝曰癡人面前不得說夢小參桐崑一副住山

骨傲雪經霜不記年偶然拈出無私句珍重時流莫

浪傳示衆舉五祖演曰有鹽曰鹹無鹽曰澹太平

間說口似匾擔師曰桐崑則不然有鹽也不鹹無鹽

也不澹一味只情常饑來好喫飯鐵關能開

蘄州白雲象林真禪師示衆此事成現迴絕遮欄擬

欲體會早落二三若不領略轉自顛頂且畢竟作麼

生得瞥地去良久曰北斗應須面南看上堂本自

圓成難畫描豈于意解與情識離諸物象峭巍巍不

涉廉纖明歷歷佛界魔宮閑戲遊人間天上有何及

且正恁麼時又作麼生千尋壁立絕遮欄萬仞無依

獨足立晚參時值新年十四夜不用之乎更也者

直下若能轉身人人鼻孔下頭大普請歸堂去喫

茶佛法禪道且颺在紫雲山下上堂佛法省要絕

元絕妙甚是分明不須尋討不離當處常湛然撥眨

眼時蹉過了晚參舉雪竇曰單傳心印過犯彌天

甚人悉悉諸禪德委悉麼能向這裏端的得一同許

你親見雪竇除夕示衆團圓相聚地爐邊瓦礫清

泉就火煎消遣不妨多坐坐柴頭盡處是新年問

釋迦未出世達磨不西來未審傳個什麼師曰南斗

六北斗七僧無語師曰疑殺天下人士問如何是

萬象之中獨露底身師曰石敢當問如何是先照

後用師曰尋蛇打草曰如何是先照後用師曰拋磚

引玉曰如何是照用同時師曰電掣雷轟曰如何是

照用不同時師曰賊過張弓鐵關能開

興國達虛上禪師上堂靈山提密旨獨有迦葉親聞

少室演妙訣惟許神光擔荷只爲機機順利事事從

心廣開解脫門。大闢無盡藏。普天悉荷裁。成實宇咸沾利益。大衆還會麼。展布宏猷。周利海運籌。中節只毫端。上堂。若論這個。如影相隨。動則偕行。止則共住。亘古及今。並未曾離。蓋緣衆生迷妄。逐境隨人。合塵背覺。不得縱奪自由。罔知料揀。若能於垢淨聖凡一齊抹却。灼然人境全該。卷舒自在。到這裏一任橫身。三界獨步大方。還委悉麼。當堂慵踞坐。慧日自昭明。頌文殊三處度。夏日園內栽花。園外開馨香。飛過玉樓臺。枝頭春色從君看。曠劫靈根未易猜。頌德山托鉢。曰折柳與思。驗作家相逢打鼓弄琵琶。只圖互唱還鄉曲。不覺清風換物華。大傑

敬嗣

南通州崇報衍燈際禪師上堂。舉雲門示衆曰。佛法大有只是舌頭短。復曰。長也。師曰。雲門大師將箇舌頭壓人較短量長。不顧傍觀者。晒。際上座近離金陵。身雖勞頓。舌頭也不出口。佛法也不壓人。只有一偈。舉似祖翁。舊業苦相招。八百途程豈憚勞。豐儉隨常消歲月。何妨白水度終朝。誕日上堂。三月九四月八。跳出母胎。著甚來由。縱現千隻手指天指地。森南

●僧疑師

走北特地一場愁。將靈峰劍當作破木杓。向陸地撈魚中央捉兔。用力者多。見功者寡。何須與無手人撕打。無舌人撕罵。不如青松爲蓋。白木枕頭臥烟霞。嘯林丘說甚麼提策。祖鞭管甚麼光前裕後。既到知非時候。豈肯與人爭八較。九喝一喝下座。臘八小參。瞿曇老子厭喧求靜。向深山裏拾得顆明珠。與國中鬪富大驚小怪。道箇一切衆生皆有智慧德相。以妄想執著。故不能證。怎麼說話。也是平地波瀾。大衆且道是瞿曇執著衆生執著。檢點得出參學事。畢如檢點不出一坑埋却。畢竟過在甚麼處。良久曰。若論午夜一天星。那箇良宵不出現。壽谷

敬嗣

金陵萬松無退勇禪師。僧問。如何是諸佛師。師曰。萬松住老僧。而今恰四載。曰。不用指東劃西。便請直指。師曰。罕逢穿耳客。多見刻舟人。僧禮拜。僧謂侍僧曰。汝會者。僧意麼。侍擬議。師曰。停囚長智。便打。壽谷

敬嗣

冀州盤山了宗見禪師上堂。佛是世間了事漢。衆生是世間未了事漢。欲得萬法總歸一佛與衆生。無二樣。識得自性本如。如亦無一法與人看看。不看凡夫

外道執邪見。丹霞燒木佛。翠微供維漢。古人雖然作。用不同。大家也須具隻眼。解制上堂。有放有收。有結有解。佛祖家風。古今舊例。千山活計。足下芒鞋。踏翻秤錘。元來是鐵。瓊苑花開。萬劫春長。江水洗千秋月。上堂朔風颯颯。寒風疾凍。得毒蛇咬。蟹鼻直教猛虎吞大蟲。參禪衲子。齊著力。世尊拈花。達磨面壁。迦葉起舞。六祖舂碓。法輪常轉。度羣迷。憑這箇真消息。舉拄杖曰。還會麼。今日嚴寒。歸堂少立。問如何。是學人本來面目。師曰。啞子忍痛云。一口氣不來。落在什麼處。師云。水不離波。問清淨本然。云何忽生山河大地。師曰。你妄想作甚麼。李教授問。做工夫。從什麼處下手。師曰。從問處下手。曰。落在什麼處。師曰。鳶飛戾天。魚躍於淵。劉秀才問。如何是本來面目。師云。喜怒哀樂。曰。這箇便是麼。師曰。逢人莫錯

學大博
乾嗣

冀州古中盤德心常禪師上堂。曠劫來事。只在目今。目今薦得。不用別尋。若是西天問佛。東土覓祖。大似牙上安牙。土上添土。你若信得及。歸家穩坐。若信不

及。更爲重宣。現成公案。不須疑。只在離言當下。親若向他山覓佛祖。可憐辜負本來人。上堂性體。如如廓太虛。沉沉寂寂。更無餘。寒來暑往。仍如是。妙用何曾在梵書。上堂至道無難。何隘何寬。一落揀擇。便有多端。且作麼生。是不揀擇的事。鬻男是男。鬻女是女。水是水。兮山是山。遂喝一喝曰。錯。問如何是奪人不奪境。師曰。白雲盡處是青山。曰。如何是奪境不奪人。師曰。大家在這裏。曰。如何是人境俱奪。師曰。權實不立。曰。如何是人境俱不奪。師曰。照用並行。大博乾嗣長樂石仙方谷蕙禪師示衆。一箇無字公案。若向這裏透不得。山僧盡力下箇註脚。遂喝指一下。衆無語。復喝指曰。記取。小參以拂子打圓相。會麼。呵呵大笑。曰。三千里外絕諸訛。午明旭嗣

烟山碧雲山。愚志禪師小參。三根椽下。七尺單前。蒲團似石。脊骨如弦。壁立萬仞。豈容攀緣。猛著精彩。險若絲懸。命根忽斷。獨步大千。顧衆曰。如何是獨步大千的事。豎起竹筴曰。參。中夏上堂。火雲燄徹。天水雪凍。壓地人生。三界中無計避寒暑。拈拄杖卓一下。

曰觀音妙智力能救世間苦敢問是甚麼苦生苦老苦病苦死苦五陰熾盛苦求不得苦冤增會苦愛別離種種諸苦衆生沒在其中歡喜遊戲不覺不知難遭大苦不以爲患勞他菩薩悲心如海願力如山從劫至劫隨諸衆生頭出頭沒處處說法方便權巧接引救度至今度不能盡山僧只爲憂人之憂樂人之樂畢竟如何相助顧左右曰良醫之門足病夫爐韞之所多鈍鐵聖人不出世祖師不西來天下本無事何用强安排 頌臨濟三頓棒曰倒嶽傾瀉劈面來豈容擬議著安排若非出格英靈漢幾被他家棒下埋 頌趙州栢樹子曰脫盡枝柯忘歲月偏饒碩果待高人一時借得東風便放出乾坤太古春王嗣善慶天庵達禪師上堂塵說刹說熾然說無間歇三世諸佛恁麼說歷代祖師恁麼說山僧恁麼說諸人恁麼說且道無位真人作麼生說千古萬古黑漫漫填溝塞壑無人會上堂久參未免躊躇後學那知端的七穿八穴百匝千重不必棒喝交馳何須殺活縱橫百億山河全正令漫言何處不風流 上堂見

機而作已落第三頭全機獨露恁麼來者早是不著便勾賊破家不妨令人疑著若不放過合作麼生上堂天高地厚火燥水濕檢點將來總在者裏眉橫眼上人人有十箇五雙難委悉 上堂犁耙肩上歷多年耕遍山田與水田累得生平心力倦令人常憶老南泉大衆看山僧卽今在什麼處起身大吼一聲下座源中

隨州智門電鋒例禪師結制上堂重雲凍日鳥逸寒枝歷歷明明正令全舉認影迷頭未敢相許正恁麼時久參上士用舍逢緣後學初機觸途成滯驚豎拄杖召衆曰見麼大鵬展翅冲霄漢小鳥翱翔噪晚枝卓拄杖下座 除夕上堂以拂子作○相曰雲門餅趙州茶信手拈來出當家露地白牛何必羨相看隨分納些些置拂曰若是俊流也須吐却何故飯自喫衣自著設遇今宵索飯錢一喝當陽好合殺連喝兩喝 頌女子出定曰玉振金聲集大成始終條理播家聲若將律呂分高下便見笙簧動地鳴 頌國師三喚侍者曰呢喃燕子語梁間底事來驚夢裏閒撩

倒家童睡始覺聽來依舊隔重山 頌百丈野狐曰

春花秋月是年常幾見紛紛話短長爭似堦前石獅

子由他滿口颺嚴霜晦嚴
烹嗣

人華法庵主頌明星悟道曰祇爲貪他一粒粟却來

悞了半年糧分明千古無人識夜夜山頭空斷腸繼
總

嚴

毗陵嚴長居士蔣鑰字玉淵學道讀書俱登堂奧闡

揚二教微旨著作等身足跡徧天下嘗曰會當騎白

鹿雲中俯視蒼蒼九點耳因號馭鹿翁乃與粵東報

資曠圓果水乳契合羅而印焉授法名元稔 頌荆

州天王寺寺本南嶽正派創於唐毀於宋順治間水
鑑大師尋覓舊址重建詳載荊州府誌

曰赤骨翻身理舊壇臨江一阜障狂瀾劫灰盡淨疑

無際預識源流孰敢干遂復堂皇開梵宇不辭艱鉅

露毫端從茲南嶽光明透歷歷傳燈好諦觀 頌天

王寺古鐵曰塊然一物臥荒烟呵護靈根幾歲年藉

得當機迎棒喝錚錚位置法堂前 題晦山顯中興

荊州天王寺碑陰曰重開梵剎運神工特立穹碑莫

渚宮總爲師承留面目天王本南嶽
天皇本青原劃然兩派不相

蒙
果嗣

江寧李遠可居士法名超鑑住聚寶門內從幼信向

此事徧參諸方末入祇園林介石登之室登舉無字

話究竟果覺疑情固塞不敢妄自穿鑿進堂力參至

七日聞鐘聲悟入趨方丈質證登曰你大驚小怪作

麼士曰和尚莫瞞某甲登曰瞞你箇甚麼士豎起拳

頭登曰除去拳頭你又作麼生士振威一喝登首肯

而記荊焉 一日過棲霞謁竺庵成值成垂問曰山

僧有一蜚臺大衆見麼士曰鷄子過新羅成曰文殊

普賢起佛見法見被世尊貶向二鐵團山你作麼生

會士掀倒禪床一喝便出成隨贈一偈曰虛空撲碎

死泥團既得翻身仔細看觸處生涯隨分足倚天長

劍逼人寒 謁天目玉林琇琇問臨濟喫黃檗三頓

棒意旨如何士曰寶劍贈與烈士紅粉賣與佳人琇

曰如是如是介石
臺嗣

青瑤潤空圓禪師結制上堂結却布袋口乾坤皆失

色拈拄杖卓一下曰不出這個時節放出露地牛頭

角天然別復卓一下曰也不出這個時節一吸從教

滄海乾等閒。觀露珊瑚。月看卽有分。拋出當年粟。棘蓬十地三乘。皆膽怯。何處下手。連喝兩喝。曰。捉敗無位真人。且道是何言。說曳拄杖下座。除夕小參。爆竹城南度。晚烟千門萬戶。送窮年。惟餘僧院清。如許燈影寒梅。分外妍。兒童爭鼓舞。野老夜燒錢。明朝淡寫春牛賦。挂向燕山作畫傳。頌世尊初生。曰。獨步堂前信口誇。許多春色鳥啼花。縱然喚得春光轉。也落渠儂第二家。頌夜觀明星。曰。一覺醒來剛夜半。朔風正是緊寒時。明星眼底重添翳。這段淒涼說與誰。頌女子出定。曰。樹頭樹底覓殘紅。一片西飛一片東。自是桃花貪結子。錯教人恨五更風。頌南泉斬猫。曰。汨羅江上弔湘君。無舌波斯讀梵文。三奠酒傾憑化煉。冥衣散作楚山雲。大憚敏嗣潞河仰田居士戒超通幼。不如輩凡見僧。必敬禮至中年。喜與禪門衲子談出世事。一日聞僧道生不知來處死。不知去處。乃尅苦參究。後徧謁諸家宗匠。惟以此事叩問。至康熙初年。造謁中盤乾。值乾上堂。曰。心如木石。何須努力參禪。意若冷灰。不用窮源覓旨。

至此疑情頓發。復問有無兩道。俱不問。心空及第事如何。乾曰。一箇閒人。天地間。士曰。忘家者。就路而知歸迷祖者。轉身而見父。乾曰。從門入者。不是家珍。又問。歷代祖師。都在甚處。乾曰。山南嶺北。士曰。爲甚不出世。乾曰。築著。碁著。士遂有省。乾以從上公案。徵之士。一一答對符合。乾一日喚士入室。囑以偈曰。鐵饅頭。破便忘。機佛祖。根源付。囑伊待我。年深無別說。傳方施藥。貴臨時。至康熙己巳年。壽七十歲。春二月初二日。是日陪客。應事如常。忽揖客起。坐曰。不及相陪。乃入室沐浴更衣。跣趺而坐。索筆書偈曰。七十年來牧此牛。東山西嶺任悠遊。而今識得歸真處。月印千江萬古秋。擲筆而逝。乾大憚敏嗣永福永慶源禪師。上堂。山僧久棲岩穴。鋤口鈍舌。被諸檀護。推上列祖之座。有愧於先宗事。不獲已。解開布袋。擬議鷄過新羅。貶眼。觸體粉碎。沒踪跡處。莫藏身。有佛處。不得著脚。且道如何。領會良久。曰。莫將關學。解埋沒祖師心。佛成道日上堂。指天指地。獨稱尊。又向空山學定門。六載知非。方證覺。一朝冷眼露。

雙睛四十九年成話。墮迄今若箇解酬恩。顧左右喝

一喝。曰口說如癡。眼見如盲。大傑

敏嗣

荊谿龍池。虎堂偉禪師。繼席龍池上堂。青山似畫。綠水如藍。點綴乾坤。應時變換。拈拄杖召衆曰。且道這水上座。還有變換也無。卓一下。曰。嶺上白雲舒復卷。天邊明月去還來。中明

恭嗣

五燈全書卷第九十四

京都聖感禪寺住持臣僧

超永

編輯

京都古華嚴寺住持臣僧

超揆

較閱
進

呈

臨濟宗

南嶽下三十六世隨錄

江寧瑛瑤浦菴源禪師江寧王氏子上堂。隔牆見角。便知是牛。隔山見烟。便知是火。因甚問著。祖師西來。意十個有五雙。不會良久。豎拂子曰。祇爲分明極。翻令所得遲。上堂扶桑涌出一輪紅。大地山河信息通。果是當陽能著眼。新羅原在海門東。上堂明不

得狀不得。向下文長。付在來日。上堂舉僧問雲門。

如何是和尙家風。門云。門外有讀書人來報師曰。讀

書人至。問家風。莫謂斯門一貫。通點出趙州茶一盞。

還知滋味。頗相同。上堂今朝三月十五。椎鐘復擊。

鼓。露柱却歌。歌燈籠便起舞。一衆不顯。預一二三四

五。上堂瑯琊佛法大有連。日只是傷風。不得與諸

人商量。遂咳嗽一聲曰。還有些兒不勞久立。上堂

在體爲體。在用爲用。顧視左右曰。如何是用。藉拈拄

杖曰。天晴不肯走。只待雨淋頭。一齊打散。問如何

是祖意教意。師曰。東瓜直儻侗。匏子曲灣灣。問達

磨面壁意旨。如何。師曰。病鳥棲蘆。問如何是佛師

曰。壁上挂燈盞。士問和尙姓甚麼。師曰。趙錢孫李

周吳鄭王。士曰。和尙原來有許多姓麼。師曰。古今不

隔。問如何是祖師西來意。師曰。山月如銀。牽老興

閒行。不覺過峰西。古鑑

彭嗣

黃梅接待魯衡言禪師吉州萬安陳氏子。元宵因雪

示衆。今宵正月十五。雪作金吾禁。阻文殊境界都忘。

普賢神通廣普。星橋鐵鎖重關。火樹銀花莫觀。正是

太平時節。禪流切莫。莽鹵禪床。打坐窗下。吟哦火爐。共說超羣。伍接待。且無二種。僧。驀頭有個。玄沙。虎阿。呵。呵。甜瓜。徹蒂。甜苦。瓠。連根。苦。惟一宗嗣

嘉興東塔廣福幼衷孺禪師。住院上堂。舊店新開。別無行貨。暫應門頭。只有者個。拈拄杖曰。拈起也。天不能蓋卓。一下曰。放下也。地不能載。或時價重。連城。或時分文不值。且道不拈不放。時如何。復卓一下曰。惟許大海經商。客當行同道。料應知。示衆舉與化打維那話。畢師曰。有曰。克賓將成九仞之山。功欠一簣之土。累及與化。不了與麼。見解可謂長于料事。而不長于料敵。殊不知克賓具溫而厲。威而不猛。之作略。設使當時。翻轉面皮。討甚好克賓耶。示衆舉婆子燒菴話。畢師曰。諸方往往言。句上下。度道者。僧搆婆子。不著。遭伊燒菴。遣出可謂承言者。喪殊不知。盡婆子伎倆。出者。僧。纔續不得。至今無人斷得。此公案。頌女子出定曰。春蘭秋菊。夏榴紅梅。至冬來香。信通惹得人。問。雙眼異。天時那許。別西東。僧問。德山棒臨濟喝。未審是同是別。師曰。月篩松影。高低樹日照。

●同字原本
不明或似問

池心上下天。問臘月三十日到來。闍羅老子打算飯錢。如何抵對。師曰。今日不答話。曰。爲甚不答話。師曰。恐汝在鬼窟裏作活計。問古鏡未磨時如何。師曰。味伊不得。曰。古鏡磨時如何。師曰。味伊不得。晦巖新安黃山慈光雨峰綱禪師。示衆結制。今朝三日堂內。絕無消息。無常生死到來。各各自宜著急。莫謂山僧不道。從來不借他力。照顧眼上眉毛。切忌當面不識。解制上堂。東風潑面。露紅頤袋口。今朝暫解開去者。雖然與麼去來者。何妨與麼來去來。踏著娘生路。從教到處舞三臺。示衆舉女子出定。頌曰。無端一隊老風塵。賺殺文殊與罔明。滯貨至今無著落。東京難脫賣西京。示衆舉百丈再參頌曰。面皮扣轉。驗當家起倒。隨人未足。誇霹靂一聲全體現者。回掣斷舊生涯。示衆舉國師三喚侍者。三應。頌曰。好事不須頻話會。留將和氣暖丹田。西風一夜花狼藉。滿架遊蜂徒自憐。示衆舉百丈野狐頌曰。不落固受野狐累。不昧何曾脫得身。若要。不招無間業。莫謗如來正法輪。晦巖

慈谿五磊靈山天音朝禪師小參舉初祖道內不放
出外不放入心如牆壁可以入道師卓拄杖曰大衆
要見達磨老祖麼。醫得眼前瘡。剋却心頭肉。復卓一
卓。問閉門打坐。接上上機。搬磚運土。又接何機。師
曰。你是門外漢。問。不是心。不是佛。不是物。是個甚
麼。師高聲曰。葫蘆。葫蘆。僧擬議。師曰。趙州東壁挂底。
師喫茶。次僧求指示。師曰。却值山僧喫茶。僧擬議。
師以茶薰面便潑。清逸座主休夏五磊一日謂師
曰。我今日要你私通車馬。師曰。從來不曾。官不容針。
曰。長慶道萬象之中。獨露身爲人。自肯乃方親。昔時
謬向途中覓。今日看來火裏冰。豈不是天台所談一
空觀麼。師曰。錯。曰。畢竟如何。師揮扇曰。青絹扇子足
風涼。曰。你又關却門也。師大笑。清又問。壁立萬仞。
是甚麼意旨。師曰。針割不入。曰。不會。師曰。滴穿鼻孔。

達變
權嗣

吉州靈巖藻菴鑑禪師立春小參。良久按拄杖曰。若
也放過一著。且教碓觜生花。若不放過。冰消瓦解。正
恁麼時。且道放過卽是不放過。卽是雖然靈巖與麼。

道也是冬行春令。作麼生是不違時節。一句復卓曰。
天孫別有巧安排。拶著當人眼。豁開接得一花生。確
賓逼人夜半出黃梅。上堂有佛處。不得住。上絕攀
仰。無佛處。急走過。下絕已躬。三千里外逢人。不是別
個。不得錯舉。有卽拈出。摘楊花。眼裏無翳。休撒沙。蛟
蝶紛飛過牆去。不知春色落誰家。燈節晚參。好一
個時節。衆中有識得者。出來久無出者。師復曰。大衆。
嘉會難期。不可總使無言去也。所以曰。譬如暗中寶。
無燈不能見。佛法無人說。雖慧莫能了。乃豎起拳頭。
曰。者個是寶。那個是燈。復展兩手曰。者個是燈。那個
是見底寶。山僧說也說了。是汝諸人作麼生會。直得
會了無遺。若作佛法商量。入地獄如箭。示衆有漏
篋。籬無漏木杓。小乘錢串。大乘井索。拈拄杖曰。魚行
水濁。鳥飛毛落。會則目前。包豈不會。則當面諱却。
長至因事小參。黃梅石女夜懷胎。碧鳳山頭喚得回。
驀地一聲消息。斷鐵牛生下玉猫來參。歲夜小參。
舉北禪曰。年窮歲盡。盡老僧烹一頭露地白牛。與諸人
分歲。大家喫了。唱村田樂。何故免見倚他門戶。傍他

牆剛被時人喚作郎師曰。義出豐年儉生不孝北禪門下。盡可觀光。靈巖者裏則不然。驚拈拄杖曰。爛研巴豆三千顆。瀉盡諸方五味禪。復卓一卓。佛誕上堂。舉世尊初生。一手指天一手指地。曰。天上天下唯吾獨尊。雲門曰。我當時若見一棒打殺與狗子喫。貴圖天下太平。師曰。世尊稱尊。車不橫推。雲門行棒。理無曲斷。要見天下太平。還未盡善。橫按拄杖曰。靈巖今日將世尊雲門一齊按下。且聽漁人舞棹。野老謳歌。何故無爲而治者。其唯聖人乎。山子玉詞

越州柯山石頭彬牧質禪師示衆。柯巖小構三間屋。何必深居羨大梅。樂我躲跟藏拙。訥石頭高枕臥雲隈。示衆舉眞淨文和尚上堂云。昔日大覺世尊起道樹詣鹿苑。爲五比丘轉四諦法輪。唯憍陳如最初悟道。貧道今日新豐洞裏。只轉拄杖子。遂拈拄杖向禪床左畔云。還有最初悟道者麼。良久云。可謂男兒自有沖天志。不向如來行處行。師曰。九轉丹砂點鐵成金。可謂二俱好手。要且無大人相。質上座卽不然。今日不轉四諦法輪。亦不轉拄杖子。何故我不敢輕

◆鼓鑪鼓

於汝等喝一喝。頌德山見僧入門便棒曰。朗水盂。管充國富。崑崙拈出一毛。輕要知俠骨風流。客肝膽何辭盡底傾。頌趙州勘二菴主曰。手握靈鋒三尺劍。何須海底鼓烟塵。漁人不愛滔天浪。穩臥蘆花對月明。頌慈明室中置水盆。橫劍旁安草鞋一緇。凡見僧參。遽云看劍。稍擬議便喝出曰。澆盡銀灣水。作田全憑奇僻傲諸仙。老來猶是耽兒戲。弱水洋中泛鐵船。天巖查詞

吳江普濟簞山體禪師江都許氏子。二十脫白。廬山投華山圓具。初參楊墳。覩再參天童。儻得法。出住吳江。積慶京都法光。小參實際。理地不受一塵。佛事門中不捨一法。大衆且道。不捨那一法。卓拄杖曰。向下文長。付在來日。立春小參。諸兄弟。五九盡日。又逢春草木爭妍。萬卉新。拈拄杖曰。惟有積慶拄杖子。終年不改瘦稜。層喝一喝。小參人人有個影子。寸步不離。因甚踏不著。高峰大師恁麼道。舌頭拖地了也。積慶恁麼舉。且道還有過也。無以手自擱曰。口是福門。歲夜小參。水居寂寞。到人稀。年去年來自掩

扉一任口邊生白。驢懶將閒學誑初機。僧參師問。是凡是聖。曰。看破了也。師曰。是凡是聖。僧擬進語。師打曰。掠虛漢。遠庵體嗣

婺州五洩應乾最癩根禪師。上堂。舉僧問趙州如何。是道州曰。牆外底。曰。不是者。個道州曰。問甚麼。道曰。大道州曰。大道通長安。師曰。趙州指點分明者。僧當面錯過。五洩則不然。設有人問如何。是道向他道。昨日有人從浦江來。今朝却住暨陽去。雖然如是。草鞋印子不可脫。却何故。五洩一溪水到門十八渡。行人仔細觀。切忌打溼脚。上堂。問昔日老瞿曇。具三類身未審。那一身利益衆生。師曰。泥猪癩狗死猫頭。僧沉吟。師連棒下座。上堂。崑山有玉。獲得者不在崑山。赤水有珠。拾得者不在赤水。近日衲僧家。有一個無位真人。證得者不在面門。驀拈拄杖卓一卓曰。大衆不見道。柯城渡口石人蹲。上堂。一天暑氣燒空。熱三伏。花紋嘴似鐵。臨睡尋煩惱。不徹何故。昨夜床頭扇無端。又打折。旅庵月嗣

燕京弘善中嚴正禪師。上堂。至道無難。唯嫌揀擇。紅

者紅白者白。烏豆誰云赤。珠珠砂詎可畫。月水是水。山是山。莫教烟浪峰巔起。便把牛頭尾上安。上堂。問如何。是當陽一句。師曰。大地熱如湯。乃曰。當陽一句。勝熱全提。三餐薄粥。汗透須彌。早參。人人曉得。今日是初一。會得一萬事。舉乃舉拳曰。這個甚麼。良久。自代曰。日日是好日。示衆。舉僧問雲門如何。是雲門一曲門。曰。臘月二十五。師頌曰。五音六律排山嶽。底意由來撩亂吹。盡說浩然詩句好。原從驢背見端倪。晚參。活卓卓。峭巍巍。沒縫罅。絕攀追。江月照松風。吹千峰雲。掃芙蓉。嫩一亘晴空。隻鷗飛。喝一喝。晚參。每日同諸兄弟。種樹開池。補屋鑿澗。不曾商量。得佛法因緣。今夜特共商量。便起身趨歸臥室。旅庵月嗣

溧水壽國祖菴銳禪師。贛州信豐曾氏子。示衆。清光野色映晴樓。春意虛無豁兩眸。橫笛一聲吹落葉。牧童歸去小橋頭。示衆。舉洞山因僧問。三身之中。阿那身不墮衆數。山曰。吾常於此。切師曰。斬釘截鐵。本分宗師。直下知歸。罕逢達者。大衆還識洞山老漢落

處麼那邊不坐空王殿爭肯耕田向日輪 示衆片
葉飄庭際秋聲已到關如何明月下不見故人還 庵

詞月

金陵華藏知止能禪師益州李氏子上堂十方無壁
落四面亦無門不在內不在外不在中間畢竟在甚
麼處白牛放去無踪跡空把山童贈鐵鞭 問透網
金鱗未審以何爲食師曰薦取鉤頭底僧一喝師曰
看伊吞吐不得 問古人道有個入處事負老僧無
個入處事負自己如何不得兩不辜負去師曰收歸
上科 問起一念還有過也無師曰水上挂燈毬 太

詞咸

燕京觀音壁山徹禪師晚參問如何是觀音境界師曰
深固幽遠無人能到曰如何是境中人師曰只可聞
名不可見面曰如何是人中法師曰向下文長曰人
境已蒙師指示別傳一句願慈垂師曰父母所生口
終不爲子說 上堂向上一著觀體全彰太煞分明
活活潑潑饒他佛祖到來有口直堪挂壁若也世諦
流布敲磬將來未免證龜成鼈卓拄杖曰還有見聞

不昧者麼子期去不返浩浩良可悲 佛誕日上堂

問佛爲三界大師雲門爲甚要一棒打殺師曰父作
之子述之曰如今一棒打殺和尚又當如何師遍挂
杖曰便請僧擬接師打曰山僧倒行此令去也遂推
倒禪床喝散大衆復召大衆衆回首師曰世尊脚忙
手亂罪不重科雲門無地容身恩仇有報今日山僧
自領三十棒貴圖此話大行 問薦直去時如何師
曰你擬向甚麼處去僧沉吟師打曰去處也不知亂
走作麼 大

咸詞

金陵吉山三明睿禪師蘇之嘉定孫氏子上堂獅子
吼野狂鳴英俊禪流著眼聽明明一句全提旨不是
通方未易聞 問如何是皇天無二道師曰東邊日
出西邊雨曰聖賢無二心齊師曰惟上智與下愚不
移曰怎麼則聖賢各別耶師曰堯舜與人同耳 問
如何是達磨宗師曰好個問頭曰如何是如來教師
曰分明記取曰且道宗教是同是別師伸手曰握則
成拳展則成掌 大

咸詞

鳳陽太守陳寅居士字靖共號鐵僧大裏人官內翰

時掌制詔便留心宗乘。凡著詩古文辭。每多出塵之想。一時弘覺。恣大覺。琇及靈巖。儲皆極稱賞。後任金陵司馬。謁東山。咸示無夢無想時。如何是大用。現前話。士參十年不得悟。後與卞孝旨。日夕提警。遂與前參語句。默然有契。忽一日于長江舟中。憑檻觀流。因憶受不知報報。不知受句。猛得徹證。遂作頌曰。十載鑽研道路除。笑將已屋認他家。而今打破聰癡看。始信梅開是舊花。一日棲賢問一粒米大似須彌山。如何被螻蟻拖去。士曰。蓋天蓋地和。尚如何道賢曰。死水不藏龍。士振威一喝。賢便休。士嘗與高隱李中房爲法求人。究心果位之學。每手錄楞嚴大義。以及華嚴法華維摩圓覺諸經。而于相宗獨窺堂奧。會謂座主曰。相不自相。因我而成。相不自我。因相而成。我一時講席傳爲妙語云。大威咸詞

廬山西林魯宗俊禪師。閩之林氏子。僧問如何是西林境。師曰。無心塔老雲來往。引路松高春又秋。曰。如何是境中人。師曰。吹毛劍斬清風去。棕竹杖挑明月歸。曰。還有爲人處也。無。師曰。一掌一握血。僧喝。師曰。

饒汝喝到驢年。西林拄杖也不打你。僧又喝。師便歸方丈。博凡可嗣

上海一粟岷泉禪師。慈谿項氏子。辭世偈曰。一生只喜平常臨死那弄奇。特要行撩起。便行夢幻空花。自得又囑曰。死後早付一把柴。靈龜切莫久攤排。湘南潭北從人說。我道青山總好埋。越一載。門人茶毗舍利無數。四衆起塔。大淵齋嗣

泰山普照石堂祖珍玉禪師。結制上堂。盡十方世界。總是白雲一座。禪堂今日四面八方。俱將封鎖。一一封却。諸人也須尋個出身路。始得若不尋個出身路。則凡所見者。不過只是這個乾坤日月。不過只是這個山川林藪。眼界不寬。胸襟不大。然則出身路畢竟作麼生尋。三根椽下各醒醒。七尺單前休瞌睡。上堂白雲從來不說法。三世諸佛歷代祖師亦皆口挂壁上。且道如何是不說之說。遂豎拂子曰。烏自黑。鵲自白。棘自曲。松自直。各各靜處。薩婆訶。莫擬當來問彌勒。師室中不蓄長物。惟古書數百卷。一日薰炕走火。并所著諸稿俱被焚。盡示衆出世萬般當盡棄。

●字原本
不

奈何仍愛百家書。纔嫌習氣耽文字。天喜知非代掃
除。雖然如是。遂以拄杖畫一畫曰。應知這一部書。火
燒不化。水浸不溼。刀劈不開。針刺不入。的照耀古今。
包羅天地。世出世法。俱從此出。任爾日曬風吹。惟益
光明赫奕。且道他有何神通三昧。便能如此。良久卓
拄杖曰。憑他夫子與瞿曇。盡力註解。他不出。僧問。
天下名山。岱嶽爲最。如何。是普照境。師曰。四山環抱。
峰巒秀。二水交流。溪澗靈。曰。如何。是境中人。師曰。木
鐸懶將搖盛世。寶刀時按坐當陽。曰。如何。是人中意。
師曰。掀翻海嶽。撥轉乾坤。僧擬議。師卽喝退。天岸
昇嗣
慕菴居士象震。法名原倅。東甌人。大中丞李生石公
季子。嗜學遊庠。有聲。因法幢幟啓迪。發心參究。幢示
寂。乃禮幢嗣。曰。休寤爲師。棄舉子業。專精辦道。學使
者珍惜之。弗顧也。時與眉聲誠證詰。宗要損嚴。堅印
之以偈。參訪霽崙。永于紫霞山房。及屢致書問。猶殷
殷執弟子禮。縉素雅重其道行。拈城東老母曰。千
佛出興。只要個不受惑人。這婆雖具丈夫氣。槩爭奈
胸中尙有一尊佛在。頌產難曰。現成公案。不容卜

度釋迦老子將錯就錯。頌三頓棒曰。揚鑿鼓鬲向
龍門。掣電轟雷。海嶽昏盡。道機權吞。佛祖誰知。塗毒
累兒孫。僧問。如何。是佛。曰。石頭土塊。如何。是法。曰。
犁耙繩貫。如何。是僧。曰。禾麻菽麥。僧問。十二時中。
作麼生。士畫。○相僧曰。祇這個麼。士以袖拂之。損巖
堅嗣

五燈全書卷第九十四

五燈全書卷第九十四補遺

臨濟宗

南嶽下第三十六世隨錄

越州平陽昉。厓昱禪師示衆。春山疊亂。青春水漾。虛
碧黃鸝啼處。綠楊陰入。詠樓中。游賞客。五百灘頭芳
草多。落花滿地。紅狼藉。一條柳。標贈諸禪路上。同行
須決擇。兩水遶高城。白雲抱幽石。趙州指示甚分明。
西來祖意庭前栢。示衆舉教中道。今佛放光明。助
發實相義。如何。是實相義。薦口拂子曰。腰疼應識天

將雨鵲噪定知客到門。上堂燈籠感斷眉輪露柱。呵呵拍手一口吸盡西江蝦跳何曾出斗喝一喝曰。金鐘玉漏相酬酢疑殺滔滔天下人。上堂江月照松風吹永夜清宵何所爲淶水澗中留不住白雲片片嶺頭飛漫道瑯琊無刺語箇中密意有誰知。晚參值犬吠師曰獅子咬人韓獺逐塊趙州道無業識不昧驚威一喝若不是山僧喝住汝等諸人性命今日幾乎喪在子湖手裏。上堂花開確紫笑春狂布穀聲聲喚插秧日用光中須急薦明朝又要採茶忙。天嶽金剛

香林偃庵誠禪師中元晚參如來藏中不留一法禪僧門下豈有多般祇如尊者明晨度母長老今夜晚參露柱燈籠起舞山河大地和南且道是留一法不留一法好事不須重話會留將和氣煖丹田。結制上堂法昌今日開爐行脚僧無一個惟有十八高人。鉢口圍爐打坐者裏又不然香林今日開爐行脚僧只半個惟有十八高人推出無伊冷坐何故師子不咬麒麟猛虎不食伏肉。晚參還有不被真如佛性

涅槃善提染汚者麼良久曰設有普請向大洋海底淨洗一番始得。除夕小參透過萬重關底人猶被臘月三十日瞞識得臘月三十日者十二時中猶有事在且道是甚麼事禽翻竹葉霜初下人立梅花雪正香。頌女子出定曰賊隊相逢午夜時擡旗奪鼓討便宜驚然天曉重相見滿面羞慚各自歸。問如何是定師曰慙慙癡癡曰如何是慧師曰零零落落曰如何是定慧總持師曰花街柳巷任縱橫。問文殊具一切智爲甚出女子定不得師曰熱時懶向火曰罔明因甚出得師曰冷處喜添冰曰出得出不得是同是別師曰莫謗他好。問如何是寂然不動師曰朝遊西天暮歸東土曰如何是感而遂通師曰一葉落天下秋。天嶽金剛

江寧天界玉輪激禪師上堂春山青春水碧諸人著眼看切忌東西覓還有不向東西覓者麼一僧出師曰也是胡餅裏討汁。臘八上堂師舉香曰此是黃面瞿曇三千年前於雪山頂上六載辛苦斷不斷的葛藤棒子末後無端向鷄足山中淺掘深埋自此引

蔓牽枝不知絆殺多少英靈。禪子激上座自不唧唧。打向這窠窟裏。今朝特地和根拔倒。蔡向爐中。且要薰他鼻孔。何也有仇不報非君子。元旦上堂。不是心。不是佛。不是物。畢竟是箇甚麼。看破鐵壁銀山。自有通天一路。且道如何是通天一路。大家相揖慶新。莫負一年一度。天嶽

婺州明招宏度梁禪師示衆三界無法何處求心。四大本空佛依何住。驀豎拄杖召衆曰。看看你有拄杖。我與你拄杖。子你無拄杖。我奪却你拄杖。子古人恁麼說話。且道意在於何。擲下拄杖歸方丈。晚參。舉雪峰示衆曰。盡乾坤是箇解脫門。把手拽不肯入。一僧曰。和尚怪某甲不得。一僧曰。用入作麼。雪竇曰。三箇中有一人受教在師曰。大小雪峰龍頭蛇尾。既盡乾坤是箇解脫門。你又向甚麼處拽。可憐二僧恁般抵對。未免徐六擔板。祇如雪竇道。三箇中一人受教。在大衆。且道是那一箇。震威一喝。頌風幡話曰。兩陣交鋒未肯休。旌旗閃閃動人愁。將軍一劍乾坤定。凜凜威風四百州。頌趙州勘二庵主曰。拏雲攫霧。

是生涯。凡聖同歸不二家。塞海移山全在手。幾回拈出驗龍蛇。頌秘魔擎杖曰。少婦乘春倚畫樓。悲笳吹得海天秋。征夫解唱邊關調。爭奈宮商不共酬。天

湖州烏山龍泉侶巖荷禪師示衆春日晴春鳥鳴春。山疊疊春水盈盈。一一七穿八穴。明明百匝千重。篆不離之心。印演不說之妙門。只是不得將眼見。併耳聽。何故。纔有纖毫卽是塵。示衆不是心。不是佛。乃展手曰。擦開兩手。大家看。畢竟明明是何物。良久曰。承虛接響。人無數。到底難傳太古音。示衆法法皆備於己。切莫自生欣厭。隨時得座披衣。說甚萬年一念。喝一喝。頌世尊未離兜率曰。停鍼無語忽驚春。偶憶尋芳鬪色新。枕上相思千萬種。醒來誰是夢中人。頌世尊拈花曰。鹽自鹹。蜜自甜。那堪矢上又加尖。拈花若謂傳心印。迦葉而今笑更添。天岸瑞嵩眉山畔禪師晚參。黃葉溪頭白雲深。處處泉洶幽崖風鳴高樹最上。門真空無住。喝一喝曰。不如此處。究根源。落花流水。官然去。晚參春山青。春水綠。

滿眼韶光事事足。柳含煙。梅破玉。聽我臨風歌一曲。
飛雲冉冉出松關。澗水潺潺響空谷。不是菩薩蠻。亦
非清平樂。以拄杖卓一卓曰。當的帝鄉。丁碧斑。彬豹
搏。小參心。不是佛。到即不點。智不是道。點即到。不
露柱。暗裏點頭。燈籠明中發笑。且道笑箇甚麼。夜來
北斗面南看。熨斗煎茶不用鉤。佛誕上堂。若說釋
迦老子。今日降生。失却一隻眼。若說釋迦老子。今日
不降生。亦失却一隻眼。何故多處不須添。少處不須
減。本來自現成。更覓甚麼盃。晚參。桃花開得好。黃
鶯啼得巧。良哉觀世音。全身入荒草。拍膝一下曰。入
荒草沒處。討樓頭撞起。五更鐘開得門來。天大曉。
頌產難曰。萬丈澄潭。清徹底潭。有蟠龍睡不起。忽朝
龍起。一潭冰不見龍飛。見秋雨。頌趙州勘二庵主
曰。祥麟只有一隻角。撥轉虚空縱與奪。半邊下雨半
邊晴。任爾時流亂圖度。頌趙州喫茶去曰。禮樂全
三代。殷勤只一杯。花須連夜發。莫待曉風吹。遠庵
偈嗣
潭州神鼎一揆揆。禪師開爐上堂。磨輒不成鏡。坐禪
不成佛。冷水浸東瓜。大家撕漚漚。別有好商量。節目

更節目一聲短爆。冷灰中六六元來三十六。冬盡
上堂。陰消陽長。有功者賞。拄杖抽條也。直聳上三十
三天。遊遍四天下。直得冰河發。鐵樹開花。薰於十
字街頭。撞著普化。掣風掣顛布袋。長汀橫拖。倒曳一
時荷負。歸來並作飯香。因齋慶贊。如何是者。隊漢著
力底句。塵中能作主。化外自來賓。頌圓覺經云。一
切障礙。即究竟覺。曰。花遭風雨。柳顛狂。無數遊人恨。
轉長。誰識青山添秀色。流來寒澗一溪香。頌百丈
野狐曰。不昧不落。誰墮誰脫。五百生前無繩自縛。前
之墮兮。何虧後之脫兮。還錯就中一句。絕諸訛。萬里
天邊飛一鶚。僧參師問。那裏來。曰。河北師曰。近日
干戈擾攘。因何得到此間。曰。長安甚闊。我國晏然。師
曰。你背後是甚麼僧。擬顧師曰。大好晏然。便打。僧
問。牛頭未見四祖時。因甚百鳥啣花。獻師曰。乞兒見
小利。曰。見後因甚。不啣花。獻師曰。禍不入慎家之門。
遠庵
偈嗣
淮陰長壽古律範。禪師上堂。解開彌勒布袋。放出文
殊普賢。一任東西南北去。須知隨處有三條。祇如途

中有人問你如何是祖師西來意。劈面一掌攔胸兩拳。纔是吾家本分禪。小參結制安禪。又幾日一二三四五六七。冷得石鳥龜伸頭縮不得。凍得癩泥牛。清水流滿鼻。好笑胡餅裏要討甚麼汁。呵呵。好大哥情與無情解。所說月明砧杵夜聲多。小參釋迦文佛於昔年四月初八日降生。生而不生。范太孺人於今年四月初二日示滅。滅而不滅。生而不生。芳草渡頭。韓幹馬滅而不滅。綠楊坡畔。戴嵩牛釋迦文佛無衆生可度。范太孺人無佛道可修。人從橋上過。橋流水不流。頌初祖分皮肉骨髓曰。紫絲紅黃一樣春花。神含笑。識東君。輕狂不愛長衫舞。賣俏偏宜繫短裙。頌二祖安心曰。琵琶月下訴離歌。調入秋闈恨。轉多寒雁一聲魂。夢斷始知身世臥南柯。頌產難因緣曰。我佛如來正徧知。因風吹火在臨時。要知母子承恩力。月在中天影在池。頌本來面目曰。空合空鏡照鏡。篋籬有眼鉢盂無柄。遠庵體嗣金陵一枝石濤濟禪師示衆舉世尊初生雲門一棒話畢。師曰。黃面瞿曇大似旁若無人。纔降皇宮便乃

將七珍八寶一時傾弄滿地。也是勾賊破家有箇利動君子的跛足。阿師大驚小怪。也是破家的賊。檢點將來總之俗氣不除。若是山僧纔見恁麼只消咳嗽一聲。一嗽管取冰消瓦解。示衆舉文殊三處度夏話畢。師曰。百年千萬億文殊。且置你道世尊還出得迦葉正令麼。示衆舉城東老姥與佛同生。不欲見佛。因緣畢。師曰。不欲見佛。略較些子。以手掩面東西總皆是佛。有什了期。示衆舉國師三喚侍者。因緣畢。師曰。三呼應聲徹底澄清。將謂吾負汝。却是汝負吾。腳跟下好與三十棒。何故不合無端特地。旅庵月嗣宣州廣教喝濤亮禪師上堂。心不是佛。六六還他三十六。智不是道。牆壁瓦礫呵呵笑。若作佛法商量。入地獄如箭射。不作佛法商量。入地獄如箭射。畢竟如何。理會卓拄杖曰。萬古碧潭空界月。再三撈漉始應知。旅庵月嗣南嶽式庵理禪師冬至小參。今朝十一月初十節。屆書雲好風日。普請開土點茶。兜那管後人忙不徹。良久曰。忙不徹。但能饒下知歸。便是參學事畢。臘八

上堂雪山凍得皮膚裂。夜觀明星眼著屑。六年特地一場愁。做啞裝聾反成拙。屈屈擲拂子曰。明星墮地也良久。曰三生六十劫。頌殃。幡救產曰。一枝新艷倩人看。昨夜東風特地寒。盡向遊蜂飛處覓。誰知春色在南園。頌趙州無曰。單絲繫虎脚。寸刃破重關。塞北收歸了。將軍衣錦還。問工夫不透脫。求和尚開示。師曰。舌頭不出口。問除却語默動靜。求和尚指示。師展兩手。僧曰。畢竟垂何方。便得學人領會去。師拓開曰。任從滄海變。終不與君通。問如何是夜半正明天曉。不露師曰。山僧只有一箇舌頭。山曉。竺溪澹然照禪師。中秋陞座。五湖四海月。千江萬嶺雲。頂門亞隻眼。脚下甚分明。且道是箇甚麼物。擲拄杖曰。諸佛不能識。誰敢強安名。小參舉世尊因自恣曰。迦葉欲擯文殊。師曰。迦葉善握闔外威權。不能行齊家正令。若也正令當行。非但百億文殊。瞿曇老漢也。須迴避無門。驚拈拄杖卓一卓。喝一喝。便歸方丈。小參舉香巖上樹話畢。師曰。香巖大似金翅鳥。王據空自在。虎頭似空合空。天地懸隔。若是伶俐衲。

僧據起便行。路較些子。縱使香巖通身伎倆。未免一場懣懣。問如何是鹿苑境。師曰。柳絲桃紅。舒錦繡。曰。如何是境中人。師曰。高歌獨唱樂昇平。曰。還許學人唱和得麼。師曰。五音六律。莫相關。僧喝。師便打。伊。金陵華藏玉白清禪師。小參今日打七。各自努力。挽著眉毛。豎起鐵脊。佛魔打開。是非莫立。識得本命元辰。參甚西來大意。開口道著。信腳踏著。法法現成。少箇甚麼。喝一喝曰。莫瞌睡好。小參時值清明。節碧桃迎映。蝶家掛紙錢。哀樂呈禮樂。鴉鳴和鶯噪。花紅與柳綠。顧視左右曰。滿眼滿耳。不相瞞。是聖是凡。誰觀著。少參臨機縱奪。一任施爲。大用現前。不存軌則。傾出靈源。一滴碧浪滔天。展開妙旨。眞機清風。匝地非聲。非色。徹古徹今。歷歷明明了。無間隔。這裏明得透。見得清。一任毗盧頂上撒屎。撒屎十字街頭打雨打風。其或未然。喫冷水也。須防噎。大威。金陵高座紹古德禪師。示衆。衲僧家一動一靜。務要實踐躬行。千說不如一行。千行不如一到。直饒行說。

俱到衲僧門下。正好喫棒。何故拍案曰。祇爲他尤欠一著在。上堂。諸佛法要。列祖機關。不涉理事名言。一任山青水綠。恁麼會去。好肉剜瘡。不恁麼會。亦是好肉剜瘡。上堂。今晚山僧將諸佛列祖出世大事。因緣爲諸人披肝瀝膽。盡力吐出。與汝等結般若緣。貴要汝等眼親耳利。始得。乃張口作吐勢曰。屈屈示衆。天晴蓋却屋。乘時刈却禾。禪和子莫蹉陀。紛紛風雨入秋多。莫道山僧不說破。除夕示衆。年年逗到今宵盡。箇事何曾說著。來自笑。山僧成話墮舌頭。無骨令人猜。問如何。是西來意。師曰。楊子江心月。日意旨如何。師曰。千古向人明。問古人云。捉象亦全其力。捉兔亦全其力。未審是甚麼力。師便打僧。喝師直打出。問佛法省要處。乞師一語。師曰。昨夜好秋雨。曰。學人不曾。師曰。一回雨過。一回涼。大威威嗣金陵東山滌山慧禪師。蜀之重慶朱氏子。一日閱蓮經。至是法非思量分別之所能解。豁然悟入。隨侍翼善。咸久之。咸遷化。師繼席僧問。如何。是祖師西來意。師便喝。僧亦喝。師掌曰。會麼。曰。恁麼則學人禮謝去。

也師又喝。僧於喝下有省。大威威嗣向上具瞻。仰禪師結制小參。結制僅半月。箇事尚未決。諸人不努力。到底無休歇。識得秤鎚原。是鐵。示衆。衆纔集。師曰。古者三日小參。五日入室。無非爲諸人提持此事。且向上。昨日晚參。今日陞座。還有爲諸人耳提面命者麼。良久。以拄杖旋風趁散。晚參十日。風五日。雨又愁。柴又愁。米只有一人。總不愁。未審此人居何國。土俊維那云。請和尚歸方丈。師曰。多臂阿師一僧曰。今古石梁橋。幾人能得度。師曰。麪較些子。結夏上堂。百不知。百不會。飽喫飯。熟打睡。更無佛法商量。諸人作麼解會。晚參。大衆擁上師。就座曰。只者一句子。自有天地以來。不在東。不在西。不拘南。不拘北。祇在當人日用間。未審諸兄弟。閒時你來我往。還摸索得著麼。遂起身抖擻曰。參。復曰。歸堂去。問當軒正坐。迴絕遮欄。如何。是奪人不奪境。師曰。霜前黃葉雨。紛紛進云。如何。是奪境不奪人。師曰。鼻孔原來沒半邊。進云。如何。是人境兩俱奪。師曰。我總不見伊進云。如何。是人境俱不奪。師曰。兩眼對兩眼。

頌德山托鉢曰春光已秘花枝好雲澹粧來色更

妍嬌亂蝶魂香陣陣穿枝傍葉到何年 頌國師三

喚侍者曰賣俏佳人不識羞頻添脂粉滿妝頭賺他

公子空惆悵情緒偏多倚玉樓采商衆詞

獅峰如石石堂曠禪師晚參若論這箇不得動著如

動著二十拄杖子打折驢腰何故重賞之下必有勇

夫 小參爲人不藉老胡禪自出家珍得自便照用

同時全殺活臨鋒展拓過天然 僧問風來樹有聲

風息聲歸何處師曰普天匝地曰如何不聞師曰怪

得阿誰放庵雲嗣

北山成賢一貫唯禪師小參成賢起七晴空轟霹靂

鉤錐一齊行烏龜拶上壁石女眉間著一棒木童背

上痛不息四海參玄客各自須憤力既然到龍門切

忌遭點額跳過這重關燒尾歸大澤鼓動曹溪水萬

丈激起渾沱浪千尺倒嶽傾湫事非常興雲布雨潤

含識因不得打濕山僧袈裟角 解制上堂山僧牧

得一羣牛痛加鞭策烈性柔春風裏柳溪頭夕陽芳

艸兩悠悠九旬已前把住不許東觸西觸九旬已後

◆頂巖頂

◆樹巖頂下

放開亦任南走北走諸兄弟會也否會則擊頭帶角

去不會則鼻索依然落在山僧手 問如何是道師

曰步步踏著曰不會師曰你終日在什麼處行僧擬

議師便喝 問不是心不是佛不是物畢竟是箇什

麼師曰這箇是露柱這箇是椅子曰怎麼即是佛了

也師曰瞥眼見空花芥庵大嗣

天召通元偉南如禪師上堂時時風日日雨五眼圓

明莫能觀柴牀縮頂嘴盧都跣足鬚頭露赤肘今古

通元眼底通拄杖吞却佛與祖 上堂通元門戶高

峻壓倒萬八奇峰傾刻風雲變態游子那辨西東屋

後林巒深邃慣蓄猛虎獐龍不是山僧開口看來

若箇觀吾宗 退院上堂薰拈拄杖卓一下曰三世

諸佛行到這裏歷代祖師說到這裏天下善知識說

到這裏山僧更有一句子三世諸佛行不到歷代祖

師證不及天下善知識說不著今日因行之際解開

懷抱撒向石梁橋畔萬八峰頭留待三十年後蹄踏

將來觀著山僧半邊面孔也不可知神山瀛嗣

維揚萬壽月樵柯禪師上堂舉百丈謂衆曰有一人

嘗不喫飯不道饑有一人終日喫飯不道飽師曰甜瓜徹蒂甜苦瓜連根苦然雖如是若不共同橋上過爭信橋流水不流示衆時人學道愛閒居吾道閒居事不誣偷得身閒心未冷徒教鬚髮一時烏問一口氣不來向甚處安身立命師曰蒼天蒼天曰蒼天蒼天師喚侍僧曰拖者死屍出去僧喝師曰蒼天蒼天元嗣

揚州淨慧破愚智禪師鹽城夏氏子上堂前山門後佛殿左雲堂右厨庫頭頭盡泄古佛微猷處處全彰大人境界若是頂門具眼底漢連得便行不妨揭示拈花要旨激揚臨濟家風其或未然淨慧不免將西天四七東土二三以至天下老和尚說不到處今日爲汝諸人八字打開去也蕭拈拄杖卓一卓曰久立珍重晚參若論此事從上諸聖本無一法與人智上座到者裏爭敢捏目生花祇貴衆兄弟直截擔荷薦豎拂子曰且道者箇是直截是紆曲擲下曰明眼人前不得錯舉祥光吉嗣無錫弘濟逗庵湛禪師上堂以拂子作此○曰人之

生也固若是乎其我獨役此而人亦有不若是者乎便下座小參僧出禮拜師曰仁者何方來爲曾到于此曰某甲從天台來却往南嶽去師曰乾一兌二離三震四僧打○曰先須防于此師曰六爻推移四爻發動敢保无往不吉上堂有一句子欲伸正議于千載之下豈可得乎良久起身曰黃連未是苦小參衆集師顧左右曰汝等旣而簇簇上來討箇出頭日子山僧豈好孤其來意以拄杖旋風打散除夜小參竹馬看看白髮垂蹉跎歲月欲何之追思往事長江水日夜東流無返時節巖秀嗣饒州地祿南溟鵬禪師上堂有一無位人不名佛與祖喚作普化驢却是瀉山枯虎穴裏安居魔宮中作舞展機權縱弄鹵擊金鐘鐵鼓纔拈雲鋒便發千鈞弩射透百億山河大地全無寸土示衆舉法眼禪師上堂云盡十方世界皎皎地無一絲頭若有一絲頭卽是一絲頭法燈云若有一絲頭不是一絲頭師云大小法眼總被一絲頭縛殺地藏卽不然若有一絲頭入地獄如箭射頌金牛作舞曰金牛笑

舞暗藏刀。佛口蛇心。恨不消一粒。拽空窮劫。夢從教舌上瀉秋濤。

頌青原問六祖不落階級話曰。一踏曹溪。獨猖亡從。今不坐白雲床。藏身炭裏。忘尊貴。那識苔封玉殿荒。

聞庵位嗣

信州弘宗隱嶠逸禪師小參我有一句子世尊不能說迦葉不能聞其餘西天四七唐土二三以至德山臨濟諸大善知識猶未夢見在今日時節到來不免盡情吐露遂豎起拂子曰直饒這裏見得也是崖州萬里小參舉趙州在井樓上打水次見南泉過乃抱柱曰相救相救泉遂向蹋梯上打曰一二三四五州少傾却具威儀上方丈曰適來謝和尚相教師曰一箇父爲子隱一箇子爲父隱箇點將來也是播揚家醜逸上座當時若在待伊道相救相救以兩手作學哀勢且道與南泉是同是別小參舉德山不答話問話者三十棒佛山這裏要且不然問與不問總不打他何故好肉不敢剗瘡淨白土上豈堪塗汚卓拄杖復顧左右曰土曠人稀相逢者少

靈遠應嗣

京兆草堂大樸環禪師上堂乃卓拄杖曰若向這裏

見得釋迦不前彌勒不後驅聖使凡差排古今踏倒終南踢翻渭水揭開羅什眼睛磕破圭峰鼻孔大衆還委悉麼千峰迎麗日一脉貫長安靠拄杖下座上堂昨晚有禪客入室問女子入定因緣今朝山僧不惜唇吻舉似大衆若道出定錯過文殊若道不出定錯過罔明且道二俱不涉錯過女子到這裏總不恁麼錯過瞿曇畢竟合作麼生拈拄杖旋風打散曰山僧罪過臘八上堂今之日月古之日月逗到臘月風味各別無端夜半一天星賺殺瞿曇眼著屑頌大慈識病話曰春天到處一般紅何用評他澹與濃將待曉風吹入夢黃鶯啼在綠叢中

靈遠應嗣

京都翊教鏡庵徹禪師上堂喝一喝曰不可數計而心測也只如我意不欲與麼貴圖拋却拄杖撒開兩手七縱八橫應物隨情皆無窒礙任從吐得黃金我終不依一物復喝一喝曰善男子若能如是信如是入不待擡三元戈甲展五位旌旗蕩掃邪氛袂陰災殺亂撒珍珠九十六相齊拋橫按鎮鐙一十九門共關其或志趣殊分不能當陽提掇莫道山僧謾汝連

◆悟下座
道字

喝下座。上堂。衲僧命脉。般若真宗。如淨月輪。出則萬波分影。如吹毛劍。用則千里無親。不論佛與祖。那識聖凡情。舉頭天外看。誰是我般人。上堂。華開壠上柳。綻堤邊黃鳥。調叔夜之琴。芳艸入謝公之句。何必見色明心。聞聲悟非。惟水上覓。溫已是眼中著。屑與麼告報。料得橫點頭的。有一半豎點頭的。有一半除是帝王廟裏。三脚金香爐。盧溝脚上。兩帶石獅子。全歸肯諾。或未定準。不如自向摩訶般若光中。打箇筋斗合掌。曰。南無觀音菩薩。南無大悲菩薩。展兩手下座。上堂。喝一喝。曰。無依道人。諸佛之母。諸人會麼。名不得。狀不得。取不得。舍不得。嘗照管現鐵圍。不能礙其輝。遍界遍空。穹蒼不能覆其體。非純非雜。萬象不能隱其真。無住無移。塵勞不能擾其性。欲識端的。出回白汗。始得復喝。一喝下座。南開茶嗣

北京聖安一覺永禪師。宛平潘氏子。韶亂時。夢神閃爍如金蛇。掣空覺。即通身汗流。遂投聖安禮。隱明禪落髮。從大覺琇圓具。得領參禪。旨要殊難契悟。復將古人言句。晨夕窮究。亦不能入。一日取紙然燈。忽

◆語話

◆定上座
出字

見火光。有省。方知自己光明。原非外得。後蒙平陽記。前上堂。龜毛拂子。漏春光。萬紫千紅。不覆藏。多謝諸山齊竭力。聖安無地著慚惶。舉世尊陞座。文殊白椎。語曰。仔細看來。好與一狀領過。何故。土曠人希。相逢者少。省覲回京。上堂。諸方示人或揚眉瞬目。或豎拂拈錘。或東語西話。或棒喝交馳。直饒婆心大切。未免窩臼難除。何如吾老人。泯然自在。一種平懷。褊子到來。粥足飯足。擔柴引水。化鹿家風。採茶栽秧。興福活計。若問佛法二字。豈肯畫地添足。何故。道泰不傳。天子令時。清休唱太平歌。示衆舉產難。因緣畢。師曰。殃福平地喫交。世尊因病施藥。檢點將來。未免笑破人口。示衆舉世尊初生話畢。師曰。世尊善舞。太阿未免傷鋒。犯手雲門。雖會錯節。早已落他圈。圓聖安。怎麼判斷。且道。意在於何。良久。曰。陣雲橫海上。拔劍攬龍門。制期小參。臨濟老祖。建黃檗宗旨。於渚沱河側。雷厲風馳。今日山僧於太液池邊。高豎法幢。風馳雷厲。豎拂子曰。今即古。古即今。今古都盧一口吞。若問歷然。賓主句。脚尖踢出破砂盆。頌女子定。

曰良醫讀盡脉訣歌。癩病何須費藥多。莫向釣竿頻
弄巧。風來水面自生波。天岳詩

岩頭燦容義禪師問如何是出格的句。師曰水底紅
魚倒上樹。僧佇思。師曰風鈴寶塔上白晝响叮嚕。僧
於言下忽省曰我會也。師遽扭住曰速道速道。曰白
晝响叮嚕。風鈴寶塔上便禮拜。師休去。旅庵月嗣

廬山開先心壁淵禪師示衆舉。殃幅摩羅產難因緣。
師頌曰學得穿楊藝最高。應弦一箭落雙鸞。遊春公
子歸家晚。回首春山雪盡消。雪中示衆。但得雪消
盡。自然春到來。祇如雪未消時。春在甚麼處。衆默然。
師拈拄杖旋風打散。示衆招隱橋頭有一片石。汝
諸人逐日搬。搬運瓦挑土。拽木因甚麼。踏不著。衆無
對。師卓拄杖曰險。解夏上堂。秋風涼。秋夜長。未歸
人思故鄉。試問諸人。故鄉在甚麼處。一僧出禮拜。歸
衆師曰。癩馬繫枯椿。天岳詩

京口焦山鐵夫立禪師。山陽張氏子。久侍天岳。晝遂
臻堂奧。而受記荊。因舟過京口。愛其焦山幽僻。遂居
焉。嘗有偈曰。鳥語林中。方啓戶。鼉鳴江上。正挑燈。居

山此景誰能委。茆屋三椽一箇僧。又曰今年無事到
人間。誰謂雲間似我閑。雲忽有時隨雨去。我閑終日
在青山。示衆舉香嚴上樹公案。畢師曰大小香嚴
弄功成拙。示衆舉魯祖面壁話。頌曰佳人二八繡
緯時。無話停針不自持。枝上傷春何處鳥。恰來兩兩
話相思。示衆舉睦州陳尊宿因見講僧。乃召曰座
主。主應諾。宿曰擔板漢。師頌曰拋出無須鎖。臨場似
鐵圍。饒伊千百眼。到此也難窺。天岳詩

上虞象田羽庵臯禪師。晚參呈拄杖曰。拄杖子從空
躍出。便擲地曰。要取爾等性命。不犯鋒銳者。方過得
者一關。總然過得。猶更未。在畢竟作麼道理。始合他
快意。一僧扶拄杖度。與師接得。旋風打散。示衆舉
應庵和尚曰。三十三州七十僧。驢頭馬面得人憎。諸
方若具羅龍手。今日無因到淨明。象田亦有一偈。舉
似諸人。鐵額銅頭數十僧。栽田博飯自無憎。悠悠兀
兀同堂坐。紙撚油多燈更明。頌世尊拈花曰。頭陀
落節眼生塵。解笑還如未笑親。若是當時作得主。免
教今日活坑人。頌世尊未離兜率曰。未離兜率度

人畢我愛當時擎得出彼此眉毛八字橫一言道盡

誠真實天岳

興化龍珠寄崖知禪師臘八小參天寒人寒滴水滴
凍眼光燦破滿天星原是一場熱發夢諸方老古錘
盡道二千年前釋迦老子在正覺山前觀明星悟道
七十世南蠻獠獠遠孫敢道悟即不無爭奈落在第
二頭大衆且道如何是第一頭以拄杖旋風一時打
散頌女子出定曰香掩重門晝漏稀一枝濃艷畫
樓西嬌禽不解幽人意斷續春聲只管啼頌狗子
無佛性曰劍離寶匣藥出金瓶觸著壑著起死回生

森鑑
微嗣

溧水壽國曉璋智禪師六安州徐氏子上堂乾坤之
內宇宙之間中有一寶秘在形山大衆上來下去肩
挑日月額鋒須彌且道寶在什麼處良久曰翫翠踏
翻荷葉雨鷺鷥衝破竹林烟退院上堂按下雲頭
在水深法幢隨處立綱宗芒鞋踏破溪山路又過千
峰與萬峰拈拄杖便行問如何是祖師西來意師
曰弗錄用得貫熟占德吃抽糞頌曰桃李無言黃

鵬酌價字經三寫烏焉成馬山子
玉嗣

舒州白雲翠亭燼禪師上堂山又不清水亦不秀黃

土石頭蠻似狗兄弟家莫亂走一僧纔出師便下座

上堂鍋湯爐炭內寒水地獄中見大法身舒廣長

舌常在其中轉如是真經度無量衆有時出沒神通

遊戲三昧隨情適意得大自在且道甚麼人說底法

喝一喝曰一聲黃鳥青山外隨處風流作主人上

堂問萬事俱泯寸絲不掛時如何師曰羞死你祇如

穿衣具禮時又作麼生師曰赤體露條條乃曰風漸

漸雨瀟瀟石人頭上種芭蕉冷死鴉熱殺鷄春行冬

令一般齊喝一喝上堂揚眉瞬目面壁搖鈴早已

蹉過了也何故幾度孤舟行不得鷓鴣偏向夕陽啼

乃喝一喝大威
成嗣

金陵占曇獨門慧禪師小參不入華藏堂焉識華藏

寶歷歷明明珠在盤何須向外別尋討滿堂雲水欲

何爲眨起眉毛錯過了頌女子出定曰拈出無孔

笛誰知露賊身一般彈指處疑殺幾多人頌古德

喫油糞曰行不出戶坐不垂堂若知端的徧界不藏

大淵
齋嗣

龍舒資福天海東禪師頌那吒太子曰。骨還父也。肉還母。脫體無依。誰敢觀。惟有岩花咲不休。年年歲歲風前舞。頌女子出定曰。層巒疊翠遠孤峰。月上松梢色正濃。鶴淚長空聲細細。猿啼深谷日方紅。問人間何物爲貴。師曰。斷貫索。曰。何物爲賤。師曰。破草鞋。曰。不落貴賤作麼生。師曰。十字街頭石敢當。僧擬議。師打曰。捋甚虎鬚。問洪波浩淼不假舟航。如何渡得。師曰。倒跨楊岐三脚驢。僧無語。師連棒打出。庵放

嗣雲

金陵地藏以靜顯禪師示衆。若論此事。無理可伸。無言可說。不用安排。豈容造作。造作安排。難以摸揀。不安排。不造作。本自圓明。光灼灼。嘉州大象鼻。掠天陝府鐵牛頭。戴角松風水月。少人知。南海波斯生白澤。喝一喝。示衆。昔往金陵時。信步踢著一箇物件。信手拈得一件東西。從來不許別人知。拈出作箇入門喜。大衆且道。是個甚麼。擲拂子曰。莫覷著。覷著則眼枯。覷著則腦裂。頌百丈野狐曰。百丈野狐語直言。

羅唵唵唵唵唵唵唵唵
應嗣

六安祈祥曉輪旭。禪師示衆。楊岐三脚驢兒也得恁麼。擇惡偶然。踢斷鹵江。澈底了無一勾。諸兄弟。休小度。人人鼻孔下頭。大四方八面。絕遮闌。萬里天邊飛隻鷲。上堂。卽心卽佛。岳前風響。琅玕竹。非心非佛。幽鳥曉殘華。落深壑。拂子曰。同此高山與流水。分明一曲在知音。上堂。問如何是深山底佛法。師曰。泉聲咽危石。日色冷清。茶曰。恁麼則心外無法。滿目青山。師曰。勿妄宣傳。乃曰。百丈扭破鼻孔。霧雲打失眼。瞞若較向上一竅。猶未端的。分明。敢問諸人。如何是向上一竅。卓拄杖曰。夜猿曉出。斷腸聲。僧參才展具。便曰。未入門時。蚤呈似和尚了也。師曰。你爲甚又刺腦入膠盆。僧佇思。師直打出。問如何是萬法歸一。師曰。手長衫袖短。曰。一歸何處。師曰。脚瘦草鞋寬。頌世尊拈花曰。將軍密令不通風。百萬雄兵策戰功。那識傾城在一笑。干戈平地起西東。頌那吒太子析骨曰。乳鴉曉散玉屏空。一枕清涼一扇風。睡起纔聲無覓處。滿階梧葉月明中。頌趙州狗子曰。趙

州狗子佛性無杜宇含情徹夜呼泣血聲歸未得
猶憐春色在江湖應龍

龍舒準提慧海深禪師示衆舉世尊初生話畢師曰
瞿曇眼睛突出大似垛生招箭韶陽雖施正令不覺
泥水通身若使正眼觀來呵呵好笑何故其父攘羊
而子證之 頌世尊觀星悟道曰活埋雪嶺寒心透
開眼便誇絕後甦得寶資兒休說富誰家屋裏沒明
珠 問四州大聖因甚揚州出現師曰蒼蠅偏向臭
處飛曰莫是放身命處麼師曰死水不藏龍應龍

江陰大悲曇照明禪師上堂說得一丈不如行取一
尺從苗辨地因語識人諸兄弟住我者裏山田脫粟
飯野菜淡黃蘗不住我者裏同行無伴侶擺手出長
安還是有孤負處無孤負處莫向禹門求變化風雷
直在葛洪家 上堂偏吉貪眠曼殊失曉目連打失
眼睛笑殺子丑寅卯多少孟八郎渾身入荒草撥轉
乾坤別處看珊瑚枝上月杲杲 小參上無把茅蓋
頭下無卓錫之地無一法可當情踢遍四天下赤骨
律地橫身三界獨步大方不是我同流顧左右曰幾

手錯下名言 舉趙州勘臺山婆拈曰婆子被趙州

勘破趙州被者僧勘破只是謾天下人不得頌曰一

勘破二勘破無齒大蟲看水磨路上行人口似磑道

得完全能幾箇 舉香嚴上樹話拈曰香嚴千奇百

怪作得箇話端也是用盡自己心笑破他人人口頌曰

樹上語樹下語四海禪流須辨取赤斑蛇人面虎甜

瓜徹蒂甜苦瓠連根苦五五原來二十五 冬夜圖

爐次師曰三面坐僧問三面那一面是正底師合掌

曰南無三謾多母獸喃衆無對節旁

武清極樂南耕震禪師小參我也不慣拗直作曲你

也不要妄生節目當下薦得兩箇五十合成一百取

不得捨不得即此物非他物擬議思量何似走南而

至此 頌古德喫油糞曰施設無端任意爲流言千

載亂支離長安大道平如掌多少行人白晝迷 頌

牛頭見四祖曰江南地暖千山翠塞北風高萬里寒

擊碎珊瑚枝上月夜深誰共倚欄干 僧指牛車問

曰車在這裏牛在甚處師曰不是禪師舉著山僧幾

手忘却 問如何是學人的自己師豎拳示之曰不

會師曰見之不取思之千里。問猛虎當路時如何。師曰赫殺人日和尙猶有這箇在。師作伏虎勢。僧擬議師曰却是你有這箇在。友山石嗣

江都中和元傑禪師頌香巖上樹曰特地殷勤施一問須憑作者定諸訛。若於上下尋端的依舊明明錯過他。頌乾矢橛曰被人拶著強安名賺落平人墮屎坑若謂渾身俱是臭驢年洗去也難清。問如何是那伽常在定師曰朝往西天暮歸東土日與麼則不定了也。師曰不快漆桶。問如何是直截一路師便打僧不肯。師復打曰一任舉似諸方。靈遠應嗣

新城開善慧門通禪師晚參我宗無語句亦無一法與人但只饑來吃飯困來打眠汝等諸人切莫錯會。頌香巖上樹曰機關巧設驗龍蛇那箇男兒解克家。獨有虎頭招上座和根析倒不堪誇。頌殃幅救產難曰白蘋蘆荻兩悠悠碧水長天一色秋何事遊人全不會乘橈猶自覓歸舟。士問如何是開善境師曰殿閣鬼蛾侵碧漢如何是境中人師曰朝晨合掌暮和南如何是人中意師曰請坐吃茶。問如何是

最初機師曰錯過了也。如何是末後句。師曰轉見諸訛。靈遠應嗣

燕京天龍卓午曜禪師示衆舉女子出定話。舉師曰世尊早被女子惑亂文殊罔明未免撞頭碰腦畢竟那箇出得良久曰春色無高下花枝有短長。示衆舉世界濶一尺古鏡濶一尺話畢師曰尺短寸寬橫身不轉透過那邊木人腰閃。頌牛過窗櫺曰龍泉三尺未爲高猛將屯兵勢轉豪錯落錦文迴北斗惟餘劍氣逼寒霄。頌德山托鉢曰蜘蛛結網亦何奇無限心情在此時互換主賓全照用從來返躑羨獅兒。僧參師問上座從何處來曰蘇州虎丘師曰曾見隆祖也未曰見過久矣師曰且道隆祖鼻孔長多少僧便喝師曰者喝落在甚麼處僧擬議師掌曰掠虛漢未夢見隆祖在。問如何是天龍境師曰堂前柏子常青翠曰如何是境中人師曰閒把經書倚樹看曰如何是和尙家風師曰兩粥一飯曰如何是和尙爲人句師劈脊便打。靈遠應嗣

永康洪福祝峰松禪師上堂僧出禮拜師便喝僧亦

喝師又喝僧復喝師便打僧曰屈棒師曰且喜有人喫乃曰重賞之下必有勇夫篤信之士得大受用衆信施財山僧施棒所以財法二施等無差別上堂問文殊七佛之師因甚出女子定不得師曰拙是能之主曰罔明因甚出得師曰能是拙之奴曰女子得何三昧能近佛座師曰非父不生子僧呆立師曰出得也甲乙丙丁出不得也戊己庚辛便下座上堂諸方有生擒猛虎活捉獐龍腦後抽釘眼中拔楔之手又有喝似雷轟機如電閃胸藏島海口吐懸河之辨卓拄杖曰這裏也無如是之手也無如是之辨者要你饑來吃飯困來打眠祇是不許動著動著打折驢腰上堂問如何是向上全提師便喝僧亦喝師便打乃曰直饒怎麼也是半提何故達磨祇得一隻履神光祇得一隻手祖師況止沒有全副手脚怎怪得我小參舉拂子曰識得者箇普天匝地盡是我子如或不然張王李趙並非汝親問世尊拈花意旨如何師豎拂曰恐後無憑立此爲照問水窮山盡時如何師曰七珍八寶一齊拋頌本來面目曰

方無四垛圓有八角絕跡潛踪填溝塞壑友山石嗣仁壽大志祚禪師上堂心超物外迴脫根塵妙用無窮眞常獨露鉗鎚在手任意施爲踏翻大海踢倒須彌使人人親見本來面目且道如何是本來面目良久曰無眼耳鼻舌身意喝一喝下座上堂眞如妙性何曾欠缺動轉施爲趁此時節返照回光好個消息不向外求不在內覓離却見聞覺知自然頭頭合轍舉拂子曰還會麼神仙原是凡夫做只恐凡夫力不竭問禪是大安樂法門不樂非禪假若遇鑊湯爐炭內如何得自在師曰曠劫無明當下灰問佛是生前面目不透非佛睡熟無覺誰是本來師曰可矣騎牛更覓牛雪頤持嗣鏡堂清禪師晚參火雲屏跡桂葉生香時節到來其理自彰龍潭吹滅紙燭麗老吸乾西江等閒一似秋風至無意涼人人自涼拍禪床立僧上堂揭示人天眼目毗贊佛祖宗猷事是怎麼事行須怎麼人怎麼人既遇且道怎麼事作麼生行○師○問取堂中第一人晚參一大藏教是個切脚且道切個甚

麼字乃驟步歸方丈。上堂有一物。靈山三百餘會。說不到。少室面壁九年。傳不得。山僧不惜眉毛。特爲諸人拈出。兩個八兩原是一斤。豎拂子。切忌錯認。定盤星。頌靈雲見桃花。曰。綠滿皇都紅滿蹊。狀元歸去馬頻嘶。鶻鳩意在麻禽裏。更與殷勤枝上啼。頌百丈開田說大義。曰。西來大義幾曾諳。雙手才伸落後三。當日若將今日用。繩床掀倒哭蒼天。問如何是大功不宰句。師曰。某甲不解掛唇齒。僧問此庵名甚麼。師曰。龍華。曰。彌勒。師近前把住曰。你是那裏閑神野鬼。敢來我者裏探頭。僧擬議。師推出閉却門。巨靈融嗣

金陵鍾山萬壽靈智徹禪師。僧問牛頭未見四祖時。如何。師曰。蟻子但隨腥處集。曰。見後如何。師曰。無影枝頭鳳不棲。問如何。鍾山景師曰。竹樹風聲談妙諦。曰。如何。是境中人。師曰。笑指峰頭臥白雲。曰。如何。是人中意。師曰。布漫天網收鳳皇兒。小參舉世尊初生話畢。乃曰。世尊氣壓人。天難逃鐵棒雲門法。令雖行未免入他圈子。徹上座則不然。待他道天上天。

下惟吾獨尊。但曰果然果然。且道是肯他不肯他。古田

元嗣

太醫院院判心如劉存恕居士參蛤庵園於京都開示悟入。乃呈偈曰。從前只爲有諸佛。觸目菩提俱不識。打翻破鑼破鼓後。諸佛與我沒交涉。園領而印之。蛤庵園嗣

龍山寧一恒禪師。梁溪馮氏子。示衆舉芭蕉拄杖話畢。師曰。你有拄杖子。我與你拄杖子。瞎你無拄杖子。我奪却你拄杖子。瞎大衆現前提掇。莫受人瞞。會麼。近日王令稍嚴。不許攙行奪市。頌德山托鉢。曰。錦城絲管日紛紛。半入江風半入雲。此曲祇應天上有人間。能得幾回聞。頌大事未明。曰。浪子無依哭旅亭。那堪猿呌又傷心。年來貧到無錫地。舉目無親喜絕倫。響山琦嗣

湖廣孝感三山若果泰禪師。頌文殊白椎。曰。大智無端饒片舌。迦文打失兩莖眉。人天箇箇親承薦。那待區區著一椎。頌殃窟產難。曰。老去韶光恨悔遲。蓮花欲產五雲芝。秋風吹綻庭前桂。顆顆蟠桃熟落枝。

新傳
淵嗣

京都妙智仁覺先禪師示衆桃花開遍滿園春。誰是花前具眼人。翻憶靈雲親見後。至今千載少知音。示衆舉雪峰。示衆曰。盡大地撮來。如粟粒米。大拋向面前。漆桶不會打鼓。普請看師曰。若論者一著子。如杲日當空。大地普照。說個拋向面前。已是漏逗了也。更若打鼓。普請看。依然土上又加泥。問如何是佛。師喚曰。闍黎。僧應諾。師曰。者個是甚麼。僧罔措。師曰。漆桶不快。靈遠應嗣

襄山應化禹風叟。禪師楚清溪。唐氏子。結藏上堂。師陞座。衆禮拜。纔集。師拋下拄杖曰。大衆會麼。一衆默然。師良久曰。爲汝諸人。結藏已竟。便下座。示衆十月正十五。印水空泥土。水心鍊骨寒。靈機生角虎。且道如何是靈機。發生事。驀豎拂曰。青松雪後看。庚除舒州紫林九乾貞禪師上堂。鉗鎚妙密。燈籠露柱。生花理事融和。禪板蒲團。解道所以日用中。收不得。日用中却親切。分破華山通兩路。踏翻湖海應來機。大衆這副手脚。阿誰具得。卓拄杖下座。結夏上堂。對

一說倒一說。九夏安居。須努力把住。乾坤仔細看。無位真人。自不識密運神機。若個知。禪僧有口難分雪。報諸人當猛烈。切忌蹉過好時節。卽今是甚麼時節。長夏涼風。日日生。松關夜吐天邊月。示衆舉趙州。狗子有無話畢。乃曰。狗子佛性無仁者。見之謂之仁。狗子佛性有智者。見之謂之智。也不有也不無。不許夜行。剛把火直須當道與人看。頌雲門胡餅曰。遇賤則貴。遇貴則賤。百般造作。由人到底無過是麵。頌興化擯維那曰。要逼生蛇化毒龍。傾瀉倒獄滿長空。乘時破浪冲霄漢。首尾威憚振古風。庚除鑲平松年居士許延齡示衆。舉女子出定話畢。乃曰。世尊推倒女子。罔明扶起。文殊未免傍觀者。晒。示衆舉趙州吃茶話畢。乃曰。到與不到。總吃茶去。喝一喝。曰。寐語作麼。當時若有我。在一手掩住其口。看這老漢作麼生道。僧問居士。曾見甚麼人來。士曰。三世諸佛。不欲見。何況人乎。曰。脫空漫語。士曰。將爲你信不及。座主問如何。是如來禪。士曰。開權顯實。曰。如何是祖師禪。士曰。一棒一條痕。曰。如來禪。祖師禪。

相去多少。士曰：「一滴水墨，兩處成龍。」曰：「怎麼則總是一般？」士曰：「又怎麼去也？」友山石嗣

金粟居士覃有培字茂林，係燕武科。頌女子出定曰：「出入無端，較短長。時人罔自費商量。梅雖遜雪三分白，雪却輸梅一段香。」頌安身立命曰：「歷劫何嘗有去來，得開懷處且開懷。而今識得分明也，依然兩耳不離腮。」桑郎中問馬頭在北俱蘆洲，尾在南瞻部洲，不知是甚麼人。騎士曰：「無面目漢。」曰：「却向甚麼處去？」士曰：「不離寸步。」曰：「道是你騎著。」士曰：「某甲不騎這瞎馬。」友山石嗣

寧夏彬穆餘禪師頌大顛擯首座曰：「兩彩全歸一賽中，馬因千里快追風。停鞭試問封疆事，塞北安南信可通。」頌德山托鉢曰：「開門何異閉門時，果日當空何所私。不是親生真嫡子，幾乎墮却一雙眉。」浪平理嗣

淮安漢牧照禪師晚參，拽驢脚上船。人人腦後見腮，按牛頭吃草。箇箇眼中拔楔，不動步而還家。自然頭頭合轍，切忌無智癡人前。第一不要說何故，盡知恩者少。負恩者多。頌南泉斬貓曰：「塞外將軍令不虛。」

靈鋒出匣，展龍圖。賺他多少英雄漢，策戰功勳在半途。頌趙州訪二庵主曰：「樹頭樹底，竟殘紅一片。西飛一片，東自是桃花貪結子。錯教人恨五更風。」浪平理嗣明州天童慰弘盛禪師小參，舉雪竇顯和尚橫按拄杖曰：「者裏會得，便能瞎却天下人眼。」師拈拄杖曰：「如今拄杖落在天童手裏，且道雪竇眼在什麼處？」卓一卓。重九上堂，把菊東籬下，悠然見南山。大好佛法，一千餘年無人舉著。卓拄杖一下，高風思五柳，醉石在柴桑。上堂曰：「東上月西出一堵壁，黑如漆，老達磨渾不識。拍膝一下曰：『秋勢逼人寒。』山亭飛落葉，早參拈拄杖曰：『若見諸相，非相即見。』如來卓一卓，無可奈何花落去。似曾相識燕歸來。小參拈拄杖曰：『千聖頂額無過此也。』或曰：『佛法祇怎麼未夢見。』在卓一卓曰：『山僧二十年不曾瞎箇師僧眼。』上堂水中鹽味，色裏膠青。決定是有不見其形。傳大士和身放倒，有知落處者麼？月色和雲白，鐘聲度水寒。小參齋時有飯與汝喫，後夜有床與汝眠。鐘聲鼓聲俱道了，莫教辜負杏花天。上堂問如何，是佛曰：「公孫大。」

娘如何是法。曰劍舞第一。乃曰公孫大娘劍舞第一。明眼衲僧。祖師巴鼻。喝一喝。成道日上堂。問如何是般若體。曰牛溲馬勃。如何是般若用。曰踏碓打磨。

山曉
哲嗣

越州東山廣教德建。偈禪師。結制上堂。恰逢十月十五。東山初次開爐。一用鉗鎚。綿密二須實地工夫。鉗鎚綿密。且置作麼生。是實地工夫。揮拂子曰。剔起眉毛。翻覆看。人人手握夜明符。小參歷代祖師說不到。開口道著。天下老和尚行不到。動步踏著。雖然說著。踏著拄杖子。未肯點頭。在何故。將成九仞之山。未進一簣之土。頌高峰墮枕曰。一翻風雨。一翻寒蕩。盡蘆花江面。寬雲散。雨收風靜。後洞庭秋水。月團圓。頌座難曰。正值檀家產難逢。累他殃。輾涉西東。果然媳婦真分。婉送語傳言。亦有功。

山曉
哲嗣

明州天童柏堂靜禪師上堂。我有一句子。一字一鐵。概自出胞胎來。曾未向人說。且道是那一句。昨日廿九。今朝初一。臘八上堂。豎拂子。召大眾曰。明星現也。汝等還見麼。衆舉首。擲下拂曰。一翳在眼。空華亂。

墜。解制上堂。結也。龍歸大海。解也。鶴舞長空。東山不循舊例。結解總要相同。何故。若無久遠志。空費在前功。珍重。上堂。李白桃紅。山青水碧。歷歷孤明。孤明歷歷。折旋俯仰。總現前日。用頭頭承。渠力卓。拄杖曰。大鵬展翅。蓋十洲一壁。滄溟絕涓滴。辭世示衆。橫按拄杖曰。截斷三世諸佛路。頭勒轉。從上祖師關。板汝等諸人作麼生。透卓。拄杖曰。直須迸出頂門眼。管教滅却瞎驢宗。師擒住一僧曰。好箇肥漢。大家來。副僧擬議。師托開曰。無血底。問。萬法歸一。一歸何處。師展兩手示之。頌文殊三處度。夏曰。落盡棠梨水。拍堤萋萋芳草。望中迷。無情最是枝頭鳥。不管人愁只管啼。頌百丈野狐曰。不落不昧。青山綠水。不昧不落。孤雲野鶴。從前伎倆。一時休。山上鯉魚活。

山曉
哲嗣

吳興蕭山尼天。一具禪師。頌馬祖。翫月曰。十分光彩。一輪圓。說得分明。總枉然。供養修行。拂袖去。何曾夢見祖師禪。頌靈雲見桃花曰。春來桃李徧天涯。添得靈雲眼裏花。今古無能辨端的。半疑半信是玄沙。

頌香嚴上樹曰。全身上樹。儘風流。祖意西來話。未
周。不得傍人來救。取看君懸到幾時休。
頌玄沙上堂。聞燕子聲沙曰。深談實相。便歸方丈。曰。畫梁紫燕
語喃喃。訴盡衷腸。人未諳。留得故園春色在。不須惆

悵望江南。旅庵月嗣

榕城南宗端禪師頌趙州訪二庵主曰。一對鐵鎚。當
面擲。觸碎趙州半邊鼻。就中若論重與輕。曲裏何曾
藏得直。
頌卽心卽佛曰。托出南溟波底月。丹青巧
筆。畫難成。光輝普照無私眼。萬象森羅盡現形。元古田嗣

武攸雲海旻禪師中秋小參。豎拂子曰。雨歇雲收。露
出千山色。相星迴斗轉。豁開萬里塵煙。乃劃一○相

曰。會麼。喚作是。瞎。喚作不是。瞎。是與不是。拈向一邊。
四海浪平。百川潮落。若在建化門頭。有何不可。衲僧
分上。總沒交涉。擲下拂子曰。一聲鐵笛出雲來。萬里
長空光皎潔。
頌趙州喫茶去曰。金谷園中常晏客。
滿盤托出不爲奇。飄然兩箇痴公子。相對春風皺斷
眉。
頌洞山麻三斤曰。湘南潭北不相親。路入桃源
少故人。蕩漾乾坤開六合。白雲深鎖洞中春。節岩秀嗣

誕庵太禪師頌女子出定曰。身困神疲。睡易濃。笙歌
叢裏耳如聾。一聲啼鳥驚回夢。開眼門前日已紅。

頌百丈再參馬祖曰。干戈再整。突重圍。箭柱交參。妃
兒奇勦。絕烽烟。天地靜。人人樂享太平。時節岩秀嗣

雪溪霞峰崖靈暹禪師海鹽富氏子頌城東老姥曰。
山色西湖面面春。韶光爛熳困遊人。不知繡入梨花
譜。却對東風添淚痕。
頌國師三喚曰。謾道男兒不

受欺。肝腸吐出始稱奇。一回呼喚一回應。落盡娘生
兩道眉。
頌百丈野狐曰。一觴一咏便忘歸。萬里山
河近屬誰。移得岳來填巨壑。月明依舊照無虧。
頌

樓子和尙悟道曰。明月初圓。秦戍外。青山行盡。壩橋
東。桃花無限離人淚。吹落池塘一夜風。
頌古德不

解答話。只能識病。曰。一眨眼。毛路八千黃。頭碧眼構
應難。醅醅開罷。無人問。空把琵琶月下彈。靈遠應嗣

四川峨月朗禪師頌雲門如日裏看山話曰。西來祖
意日裏看山。石橋流水。別是人間杜鵑花。發春三月
處處晴。潁染血斑。
頌興教坦上堂。雪竇化主出問。
因緣曰。謀主深能密用。機輪他一著。占便宜。豈知減

今時疑肘

竈兵猶盛。賺殺英雄。千古疑。頌法華學訪瑯琊覺。因緣曰。倒握靈符。懸時後橫。抽寶劍。掛眉端。大家拋出富陽。看佛口。蛇心。覷一團。靈遠應嗣

六安大悲祖幻寧禪師。開爐上堂。雲封古殿。月冷空山。化母與無作之功。老鬚垂格外之手。初開爐。鑪煨煉聖凡。坐斷十方。纖塵不立。縱有百尺龜毛。縛他不著。千尋兔角。越之亦難。然雖如是。且道火爐頭。無賓主。話作麼生。委悉卓拄杖曰。當下若知無剩法。何須被強蒙頭。晚參不用。鍾爐不用。燒了無一點火星。拋冷然。迸出些些子。燎却諸人蓋膽毛。示衆金雞抱木卵。鐵牛生石虎。燈籠痛不禁。露柱叫冤苦。參禪客。休養。齒若非收得返魂香。誰敢當風。搥毒鼓。喝一喝。問如何是密密意。師以手掩僧口曰。未審意如何。師曰。莫使外人知。問如何是三藏十二部師。曰。文不加點。問如何是佛師。以手掩兩耳。僧禮拜。師便打。頌世尊拈花。百萬人天成。佛竟頭陀。何事陷泥犁。苦哉冤屈。誠誰訴。轉得身來。是甚時。頌殃蝠救產。春到百花開。秋來還葉落。母子俱平安。何須

重下度靈遠應嗣

彰德圓通月庵印禪師。頌臨濟三頓棒。曰。困龍失水。臥泥沙。日炙風吹。苦莫加。驀地翻身。投入海。與雲布雨。遍天涯。問如何是本來面目。師曰。有名呼不得。無地可安排。栽竹次。僧問。如何是祖師西來意。師曰。深掘坑。好栽竹。曰。不會。師曰。今日出坡。疲倦。明日於你商量。靈遠應嗣

今時令

郢州華嚴法海鯨禪師。晚參。法輪揭簾。曳脫鼻孔。道震見月。打失眼睛。恁麼悟去。猶隔羅幃。諸仁者。作麼生。是不隔底。句以杖橫肩曰。常啼菩薩。肝拋却。你若無心。我便休。午日示衆。今朝五月五的。的爲君舉。拈來羊角粽。打動鳧頭鼓。額間點酒。摸雄黃。庭際插旗。懸廿七虎。汨羅江上。吊些些。千古今人。淚如雨。獨有衲僧。鶴膝筇。橫拈倒卓。絕規矩。好大哥。休養。齒。蛙蛙緘口。各知時。主勘賓。兮賓勘主。喝一喝。頌僧問。神昇遷。索火話。曰。索火從他滅。證龜却成鼈。初三與十一。開眼多饒舌。本是同根生。相煎何太切。頌汝是慧超。曰。紫陌春芳綠。浸苔杜鵑啼。處血盈腮。遊人

不解探幽興。撩亂東風夜。落梅應靈遠

住舒城蓮花菴。庵宗禪師小參問八萬四千寶。捨那

箇是眞。捨師曰。遍界不曾藏。乃曰。如來寶。捨八萬四

千東。拋西。擲七穴。八穿。芒芒兮。洪濤匝地。杲杲兮。麗

日。當天無限。落花隨水去。不知春色滿長川。頌世

尊初生曰。萬綠叢中一點紅。十分春色樹頭濃。無端

空谷黃鸝叫。啼破花林幾萬重。靈遠

興國長壽逸庵清禪師頌黃檗三頓棒曰。黃檗山頭

親喫棒。高庵灘上鼓風濤。禪種一時流毒遠。至今千

古陷兒曹。頌靈雲見桃花曰。江城春色映桃腮。得

意王孫躍馬回。御使府中高唱入。春卿署裏和歌來

神山

朝陽天。哲智禪師。謫八小參。天寒地凍。滴水成冰。正

覺山前。打失雙睛。雖然越得老鼠爭奈。打破油餅。薰

拈拄杖曰。釋迦老子來也。在拄杖頭上。七縱八橫。諸

人見麼。復擲下曰。是什麼熱碗鳴聲。頌牛過窗櫺

曰。烟叢叢。又雨濛濛。疊疊蒼雲鎖碧峰。拌得此身親

到頂。一聲高笑。海天空。息庵

冲嗣

◆以類似

鄂州聖嗣麟禪師。佛成道日。小參黃面瞿曇。將一盤

酥酪醍醐。向此夜盡。情傾入大洋海中。致使百億梵

天將百億須彌爲臺。百億日月爲燈。百億香水海作

供。翹勤頂禮。瞻仰取足。然雖如是大。以滯貨不出門。

若是麟上座。祇有一棒。只須盡大地拈來。有無含識

等量。而撞薦拈拄杖。卓一卓曰。龍門萬仞。清如練。四

野來賓。法海寬。示衆舉女子出定。師曰。儘爲文殊

出不得底。不知世尊被他七佛之師。一把捺向清水

河內。至今無有了日。只饒罔明。彈指一出。也是空裏

定。概且道。女子定畢。竟作麼生出。拈拄杖。一時旋風

打散。頌百丈再參曰。活計從前不自詞。頂門一擊

快如梭。頓將五嶽融成雪。萬里珊瑚映碧波。頌崑

頭爲渡子曰。襟羅日月腰橫劍。要向長安布赤忱。及

到九門纔啓處。一聞金磬便休心。息庵

平湖則明誠禪師。邑之趙氏子。幼年入泮。長擅詩文

七戰。浙闈數奇不售。晚歲投伊。仇哲。薙髮受具。庵冲

囑。示衆。毀形決性。入空門。栗棘何妨。任吐吞。所冀

修持能紹祖。不勞芳草怨王孫。示衆棒喝迎機用

不殊德山臨濟總瞞肝英靈漢子如相見手口都應一概無示衆舉宋太宗幸相國寺與僧問答畢師

曰好箇風流天子觸境言情其如笨伯裨僧有眼無睛喝一喝曰閉口深藏舌安身到處榮今朝拈出看

徒覺是非生息庵冲嗣

永寧中賢旨禪師頌觀明星曰柯刀拋下入仙霞一

見仙人眼著沙謾道洞中天有別春山何處不飛花

頌世尊陞座曰帶露桃花笑倚牆十分春色斷人

腸淒其無奈東風急狼藉枝頭多少香頌德山托

鉢曰明擔谷蠡暗磬邯鄲欲抱琵琶相共彈曲罷不

知何處去一鈎月照古今寒息庵冲嗣

武昌泉石自見性禪師頌瑞嵩喚主人公曰高閣風

微燕語嬌鶯驚刺就恨無聊可憐多少傷春意空逐

流鶯上柳條頌趙州無字曰拋出當陽生鐵輪烈

如猛火冷如水等閒挂向眉尖上觸著輕輕便喪身

頌臺山婆子曰利劍叢中飛鐵騎定花板上打鞦

韁老來莫怪風流甚羸有靈符肘後懸息庵冲嗣

徽州右文穎禪師頌梁山家賊難防話曰故鄉人遇

故鄉人鵠舌泉唇語盡情露滴花枝春正冷玉簫吹徹鳳凰城頌法眼指簾曰一枝紅艷露幽香蛺蝶

雙雙透粉牆最好迷漫香霧冷殷勤款曲不尋常息庵冲嗣

平湖思禪天倫景禪師頌女子出定曰神頭鬼面有

何奇看破機關任所施堪笑一枝無孔笛幾人歡喜

幾人愁頌城東老母曰佛身充滿太虛空大地羣

靈執不從一切有情人盡見誰言老母不相逢息庵冲嗣

崇福月山珠禪師上堂久覓岩窩養瀑泉如今始慚

盡囊懸欲將古店開新面先學刀耕種石田諸兄弟

鉢囊高掛折脚鐘支三五僧徒猶過風穴數椽老屋

不讓楊岐只宜深棲幻影何妨舛枕雲眠日飽黍羹

以作供寒剪池荷而爲衣興來時白雲高歌山河起

舞倦來時青苔愁臥天籟停機逍遙物外無欲無爲

佛法二字不怕爛却種田博飯吾宗活計只如錫飛

佇雀泉石相宜一句作麼生道饅頭邊事誰相委唉

指黃花冷照人上堂天上無彌勒地下無彌勒十

字街頭等箇人布袋橫拖人不識若人識又被時人

喚作賊。頌女子出定曰：淡掃蛾眉八字長，青樓巧試內家粧。文殊不作揚州客，兩兩相看也斷腸。頌達磨少林面壁曰：先被梁皇親勘破，謾言這箇又相瞞。西天不識唐人語，少室峰前嘆百端。山曉哲嗣

寶華李貞幹禪師示衆舉南泉圓寂院主問陸亘大夫曰：大夫何不哭先師？亘曰：院主道得，卽哭。院主無對。師曰：者兩箇漢也大奇怪。南泉遷化肉上未冷，何得干戈相待？雖然如是，若不入水爭見長人。師伸手問僧：古人道爲甚麼喚作手？僧曰：請和尚縮手。某甲卽道：師乃縮手曰：速道。速道僧亦伸手曰：爲甚麼喚作手？師劈面掌曰：情知你不識。頌產難因緣曰：寒崖石壓老梅枝，迸出花開却外奇。笑殺往來傳信者，不知春去幾多時。頌女子出定曰：閬外將軍提正令，君還吳越我還秦。誰言南北分高下，明月團圓照客行。天岳畫嗣

萬壽南虞備禪師示衆舉船子藏身處沒踪跡沒踪跡處莫藏身。話頌曰：劈口一橈打落水，點頭三下哭蒼天。捨身釣得蝦蟆子，脫却華亭沒底船。頌三不

是曰：羊角何來香更幽，百花頭上逞風流。關中西子增嬌媚，擲筆騷人難盡斟。頌婆子燒庵曰：大道坦然平似鏡，泥中暗刺利如針。逢人且說三分話，未可全拋一片心。神山瀛嗣

嘉善西林竺峰緒禪師邑之賈氏子上堂，正令當行乾坤吐舌，千差並用。禹象交輝，薦拈拄杖曰：正令行也。佛祖不敢出頭，卓一下曰：千差用也。人天從教得路，有氣息底負命上鉤，不是吾家種草。那裏有你立地處，有麼？有麼？連卓拄杖曰：掣開神臂，千鈞弩直射眉山石點頭。伊仇哲嗣

眉巖琦禪師題金剛塔讀孤迥迥峭嶸嶸終朝不在烟霞裏，半幅全彰緊密相。諸天花雨莫能窺，風來鈴不動。月到影無移，百千萬人頻禮拜。鴛鴦豈在蓼花枝。天岸昇嗣

京都普惠奇石玉禪師頌玄沙白紙曰：比比肝腸盡已知，何須白紙更封題。要知千里同風事，一曲巴歌和莫齊。頌鏡清明教新年佛法有無話曰：橫披蜀錦吟春思，半展吳綾並綺欄。兩兩鴛鴦齊繡出，金針

端不與人看疊
估嗣

金陵雙忠叟谷初禪師起七小參大治真金其色不變是聖是凡打成一片暗度金針明抽玉線一氣不來墮坑落澗以竹筴擊禪床曰照顧眉毛頂門著箭

小參驢鳴犬吠啓圓通臘月蓮花迥不同蓋色騎

聲端的處西方日出一輪紅芥庵大嗣

靈崖幻堂湛禪師上堂以拂畫○曰者座塔子威音已前形質早彰混沌判後阿誰觀著幻上座今日指出直得千峰卓豎萬派流奔虎踞龍蟠更不掘地覓天金聲玉振管取當下知歸 頌國師驗三藏曰一釣便隨福已彰那堪南北漫商量幾回覲面空相憶開眼明明落漫湯 頌金牛飯曰倒著藍衫出禁城誰能頑鎖點成金玉鞭幾度空收拾堪笑堪悲恨轉深息庵冲嗣

濟南暹禪師示衆舉南泉與歸宗麻谷同禮南陽國師畢歸宗麻谷雖有動絃別曲之作怎奈猶落在南泉圈套裏當時但抹却便行管取王老師吐氣不得雖然衆中還有知三大老落處者麼衆屏息便打散

示衆舉洞山問雪峰甚處來曰天台來山曰曾見

智者否曰義存喫鐵棒有分祇如雪峰怎麼道且道過在什麼處聽取一頌蕭呈一句玉珊瑚表裏晶莹目寒曾踏石梁橋畔月瀑花飛處五雲看元古田

順天大興玉如楊古拙居士著年業儒每遊僧寺見其門庭施設宛同夙構偶展案頭燈史見有韓蘇機語詢其來由僧能詳悉殊覺茫然陡生疑情後值李虞卿過訪勉以念佛三昧久之時有領會留心二十餘年因宜遊龍舒聞紫林岳大振法道遂往請益深加逼拶水乳契合卽蒙印可 頌念佛是誰曰一枝無孔笛相通不涉官商字字同大地山河齊接拍聲聲只在畫樓中 頌臨濟三頓棒曰棒下無情道有情知輕知重太分明貧兒布袋從茲失脫體風流自在行庚除

華亭牧堂龍禪師頌觀星悟道曰何事就就坐六年無端又道眼睛穿從茲惑亂參玄客錯認明星在雪巖 頌臨濟參大愚歸黃檗曰得第歸來態轉嬌渾身意氣托雲霄龍樓鳳閣曾題徧始信長安路不遙

◆補遺

頌高峰曰人人有箇影子寸步不離因甚踏著踏

不著曰雪消春水滿江流流出天台古渡頭泛盡桃

花不知處依然在釣漁舟 頌缸子得夾山曰煙

江歷盡不知寒始遇金鱗上釣竿一自覆舟人去後

月明千古照荒灘 頌婆子燒庵曰二十年來供養

深如何冷地故殷勤相逢謾說三分話怎奈全拋一

片心 頌萬法歸一一歸何處曰東風吹雪滿長安

路上行人徹骨寒獨有梅花香滿洩一枝春色放河

干大淵
齋嗣

金粟獨懶一禪師上元上堂燈破暗月除黑衲僧莫

被良宵惑彩雲移下一天星疑是東君弄春色更有

一句子直須問彌勒且道是那一句波斯嚼冰牙齒

寒蚯蚓吞鹽尾巴曲 上堂師抖擻拂子左右顧盼

曰智者聊聞猛提取莫待須臾失却頭便下座 師

問僧文殊是七佛之師因甚與釋迦爲奴僧拂袖便

行師曰意到句不到僧轉回曰和尚意作麼生師曰

我說意到句不到便打天嶽
堂嗣

嘉禾甘露越機頌禪師小參一葉落天下秋一塵起

大地收雲淡淡水悠悠滄江萬里一輕舟歸去休歸

去休莫待自頭空倚樓節巖
秀嗣

法雲天印燦禪師頌靈雲見桃花曰昔日與君花下

醉未通名姓兩分張滿懷心事無由舉特地相逢話

痛腸嵩壁
觀嗣

舒城林繼芳元彥居士問拈花微笑是何意旨士曰

風流出當家 問城東老母與佛同生因甚不欲見

佛士曰家無二主庚除
岳嗣

天心野靜啓禪師晚參師以杖作釣勢衆不顧師曰

夜靜水寒魚不餌滿船空載月明歸 示衆衆纔集

師曰汝等患聾麼患啞麼患盲麼衆不答師卓拄杖

曰幸自無瘡弗傷之也雪嶺
持嗣

護國玉峰岑禪師上堂光吞萬象氣奪乾坤放之聲

振大千卷之則退藏於密既無心於彼此豈有相於

去來故能隨處作主自然遇緣卽宗焉喝一喝曰還

委悉麼將此身心奉塵刹是則名爲報佛恩復喝一

喝友山
石嗣

白龍自牧緣禪師上堂十五已前吞却一箇兩箇十

五已後吐出三箇四箇正當十五作生捏弄一喝下座。山回上堂一二三四五用力何似千鈞弩脚穿一雙破屨鞋踢出玄沙一隻虎。同一士坐次士言。愍忠寺五味甚美必有神調師曰厨被火燒禪向甚麼處去士無語。乾乾提調

壽州資壽善識知禪師晚參展兩手曰一軸圖畫少知音良久曰任是王維寫不真。示衆拄杖子化爲龍吞却大地山河了也若喚作拄杖子卻是山河大地若喚作山河大地却是拄杖子到者裏分則是不分則是卓一卓曰毫釐有差天地懸隔。上堂吾有如意寶光輝明皎皎分明本現成痴狂向外討大衆且道是甚麼寶豈拂子曰佛眼觀不到。遊山回示衆通身著力步步登高撥開煙霧直入雲霄孤峰頂上揚聲叫萬象森羅總一毫喝一喝。示衆若人返本還源盡十方徧國土無一處不是淨妙法身且道山河大地又從甚處得來莫妄想。問如何是藏身處沒踪跡師曰顯而不露曰如何是沒踪跡處不藏身師曰隱而彌彰。問如何是透法身句師曰無毛。

鷄子潑天飛曰那裏棲泊師展兩手。應遠

蘇州綠雪一雲徵禪師示衆舉拈花微笑畢師曰一箇和盤托出一箇盡底掀翻若作正法眼藏入地獄

如箭射。頌倩女離魂曰故園春色在枝頭半笑春

風半帶愁果到枝頭成熟後兩重公案一時休。頌

日面佛月面佛日面月面頭頭成現緣暗紅稀芳菲

兩岸輕風一陣度溪來花落枝頭三兩片。天岳畫調

會稽雍熙克修挺禪師叩烏石暉暉問甚處來師曰

雲門暉曰雲門餅呈似老僧看師曰只恐美食不中

飽人。煖暉器之受印可結廬於秦望山。示衆懸巖

撒手荊棘棲身橫三豎四特地相承遂起身曰鴛鴦

繡出從君看不把金針度與人。南雲傳調

千佛恩寵欽禪師上堂期無長短以悟爲則非具大

力量大願力焉能顯露宗門牙爪建立正法眼藏須

是奇特人方行奇特事非遇奇特人難明奇特事顯

發須是過量眞毗盧頂上現全身。上堂祖佛玄奧

大事因緣末後牢關縱橫自在舉拂子曰觀面荷擔

第一機當來彌勒又持疑。山曉哲調

◆感應錄

濟南武定三聖中牧瑛禪師涅槃上堂。換手推胸哭老爺。香樓高架火光奢。大眾我想當日人天百萬。並無一箇有智慧者。不如掘地深埋。却管取來年喫嫩茄。喝一喝。清明上堂。香巖上樹住。住住住。擬問如何。葛藤露布。所以介子推。母子不言祿。徹體火光騰。眉毛還如故。喝一喝。禱雨上堂。萬里無雲青天喫棒。掣電轟雷。乾坤失色。正恁麼時。途中遇著山僧。決不向古廟裏躲。過爲甚麼。天下蒼生望霖雨。憐龍肯臥白雲堆。上堂。匱裏跳出賊。是小人擲石井中智。過君子是以威鳳以難見。爲神走驛以遺香。脫捕可憐。獵犬無靈。性空遠枯椿舊處聞。夜參高霞孤映。明月獨舉青松落陰。白雲誰侶。山僧不覺手之舞之。足之蹈之。何故。轡過屠門而大嚼。雖不得肉。要且快意。上堂。珠生含浦。魏人取以照乘。玉在邯鄲。秦人請以華國。天下至尊。不可自娛。菩薩子。以我爲隱乎。吾無隱乎爾。擲下拂子。說戒上堂。諸大德。壇場是戒耶。閤黎是戒耶。和尚是戒耶。設有箇漢。聞與麼道。掩耳便出。三聖許他是箇靈利衲僧。然雖如是不經。

◆含融會

敏手終成廢器。示衆一喝如金剛王寶劍。切斷天下人命根。一喝如踞地獅子。狐狸野干盡潛踪。一喝如探竿影草。金剛與泥人。揩背一喝不作一喝。用小厮兒夢眼開也。未喝曰。且道是金剛寶劍。是踞地獅子。是探竿影草。是一喝不作一喝。用試定。當看若定。當得出。灼然。揭王擇乳素非鴨類。我也知你在背後。咬牙定。當不出。灼然。揭王擇乳素非鴨類。我亦知你在背後。咬牙爲甚。如此知我者。春秋罪我者。春秋連喝兩喝。示衆千星朗。不如一月光。十牖開。不如一戶明。多少少人。寶碁碁爲珍。拾橘皮當火。不見道。鍾未鳴。鼓未響。托鉢向甚處去。乳大噬虎。伏雞搏狸。恩之所加。不量其力。錯認驢鞍。驕當阿爺下。領低頭。便歸赫日光中。霹靂震大小。德山未會末後句。在千日並照千戶。洞開盲龜跛鼈。亂出頭。無孔鐵鎚隊。隊走正與麼時。且道明甚麼邊事。禹力不到處。河深水向西。頌世尊拈花曰。誰道春光不屬儂。一香足以壓千紅。總教折入韓娘袖。不作人間腦鬢風。頌清平木杓話曰。細敲檀板接鶯喉。聲遏行云宛轉流。千度唱。

來千度。別令人猶憶小涼州。天岸昇嗣

慈谿五磊。孚山性志禪師。慈溪丘氏子。庚子春。投雲岫。脫白時。永嘉開庵。羈居方丈。皈誠甚切。制期鉗錐。得徵錄。機緣呈大梅幟。一領之示。字悄然。辛丑。羈應永嘉。請師上五磊。羅而印之。上堂。大凡扶豎宗乘。須具頂門眼。正肘後符。靈赤手持。持啓。潑天之門戶。全身擔荷。振墜地之綱宗。出一言。吐一句。莫不如珠如玉。行一事。警一衆。誠然絕聖絕凡。隨時有捲有舒。觀面全生。全殺其把住也。千差坐斷。虎踞龍蟠。其放行也。萬別齊彰。風行草偃。如斯標格。方可克紹宗猷。流通正脈。堪報不報恩。仰助無爲化。上堂。太虛寥廓。含萬象以無遺。正眼洞明。鑒千差而不漏。百草頭邊。突出祖師巴鼻。紅塵鬧市。顯露諸佛真機。者邊那邊。咸是祖翁田地。築著。撞著。無非本地風光。所謂目前無異路。徧界絕遮攔。萬別與千差。吾道一以貫。問。如何是箇中人。師曰。袖頭打領。腋下剗襟。僧曰。不會。師曰。不會。請人裁。問。傳宗演教。含血噴人。未審吾師有何方便。師曰。不是巴掌。便是拳頭。問。如何

是親切處。師曰。蛇無頭而不行。曰。如何是向上事。師曰。鳥無翅而不飛。拙辭懷嗣

五燈全書卷第九十五

京都聖感禪寺住持臣僧 超永 編輯

京都古華嚴寺住持臣僧 超揆 較閱 進

呈

臨濟宗

南嶽下三十六世隨錄

神京百花陀報國寺玉輪滿禪師小參。鳴鐘集衆。搥鼓。陞堂。聲色堆頭。難逃語默。兩堂俱是杜禪和教。我有口向誰說。兎角龜毛。眼上裁無孔。鐵鎚重下。楔說不說。那怕甕中走却鼃。喝一喝。小參問選佛場。開卽不問。德山托鉢事如何。師曰。日烘山色。煖冰解凍。聲寒曰。雪峰與麼道。德山便歸。方丈此意如何。師曰。好音在耳。人皆聽曰。巖頭道大小德山。未會末後句。如何是末後句。師曰。古路毒蛇頭。戴角曰。巖頭雪峰。一挨一拶。是何心行。師曰。死柴頭上有生烟。曰。德山

明日陞堂果爾不同。且道明甚麼邊事。師曰：不因樵子徑。怎到葛洪家。曰：巖頭撫掌受記。又如何。師曰：門前禾已熟。稚叟盡高歌。曰：德山果中。其言麼。師曰：瞎僧作禮。師曰：一把柳絲收不得。和烟搭在玉闌干。乃曰：德山施閬外之機。運籌帷幄。雪峰奉全提之令。奔走道途。巖頭拍板。無陞風清。八極雖然。迥出常倫。未免通身漏逗。有人檢點得出。許伊親見作家。其或未然。更聽一頌。金鎚擊碎玉珊珊。此老家風。總不堪時。把一聲歸去。笛夜深吹過汨羅灣。古田元嗣

華亭溪翁居士顧昌洛法名元登。年六歲。即喜誦經。十八歲。遍參知識。留心個事。三十三歲。聞燒菴葱花語。有省。甲子補選都門。參兜率園於隆恩。園問一口吸盡西江水。龐公佛法未夢見。在居士向甚處見馬祖。士曰：直饒龐公再來。亦答者話。不出園曰：今日問得龐公口。啞士曰：未到隆恩。早知和尙有此鈍置。園曰：老僧年邁。士曰：者老漢。是何心行。園曰：咩咩。隨命聲。鐘集衆說法。記前及園遷化時。大衆雲集。園曰：山僧末後。以何爲供養。士曰：槐樹庭中。顛到枝。園曰：何

如臨濟青松好。士曰：這小厮兒。干他甚事。園曰：你要在老僧頭上行麼。七曰：恁麼則某甲退身三步矣。園曰：與老僧何干。士曰：凍雲吹不盡寒雪。欲飛花。園曰：不礙往來關。士嘗舉南泉斬貓。因緣拈曰：南泉橫吞巨海。趙州背負須彌。可謂機超元要。道出常情。雖然如是。爭奈鼻孔在兩堂手裏。若人檢點得出。許伊天下橫行。舉元紹二上座見烏白。因緣士拈曰：烏白據令而行。直饒三世諸佛。歷代祖師。也覷烏白。不著衆中。還有顯著者麼。照顧性命。舉陸亘大夫問南泉。肇法師也甚奇特。因緣士頌曰：夢中花艷不尋常。那曉芳菲別有香。一陣春風歸去也。空餘落日照斜陽。士因仙巖智問世尊。不說說迦葉。不聞聞不說說。且止。如何是不聞聞。士曰：明月下庭紗。聰自白。曰：何處得者消息來。士曰：官商律呂甚分明。曰：是甚麼。音士曰：迦葉不聞聞。芙蓉覺問久聞居士向來見處。舉似山僧看。士鳴指一下。曰：未在更道。士曰：今日捉敗和尙也。曰：那裏是山僧敗關處。士曰：再犯不容覺笑而頷之。士郊遊次。友人問今日看插苗如

何是祖師西來意。士曰：竹籃提飯農夫喫。士問：卓林傑進則喪身失命，退則墮在塹坑不進不退。又落在死水裏，如何？卽得曰：一鏃破三關。士曰：昨夜三更月到窗，曰：是何消息？士曰：石人牽線，玉女穿針，曰：也要露柱證明。士曰：大似弄巧成拙。士與傑同臥，聞鄰人哭聲，傑曰：爲甚麼？士曰：東家死人，西家助哀，曰：他家死底人，卽今在甚麼處？士翹起一足，曰：浪搖湖水，月山背楚南。士曰：萬年松在祝融峰。侯莘隱問：如何是海底泥牛銜月走？士曰：蚯蚓騰空翻觔斗。曰：如何是巖前石虎抱兒眠？士曰：仰面當場不見天。曰：如何是鐵蛇鑽入金剛眼？士曰：蝦蟆頭上戴片板。曰：如何是崑崙騎象驚驚牽？士曰：八十婆婆裝少年。曰：四句中畢竟那一句是縱奪殺活的？士曰：十行丹字賢良冊。五夜黃麻辟召書，士有語錄行世。始菴虎丘雲巖聖宣時禪師吳江烏鎮花氏子，上堂：三門達海涌之峰，日光生石座，絕頂挂雲巖之塔。時時影落經臺雪，浪軒前放開脚步，轆轤井畔坐斷石頭。明明百草頭，明明祖師意，把住則截斷衆流，放行則

隨波逐浪，且道作麼生？是恰好。薦卓拄杖曰：過去諸如來斯門已成，就現在諸菩薩，今各入圓通，未來參學人當遵如是行。雖然如是，撞著個臨濟德山，又作麼生？卓拄杖曰：放過則不可。佛智越州蓬山院慧雲周禪師上堂：一僧出師，便打僧喝，師直打退，乃曰：問答分明，理事周皇恩，佛化已相酬，頻頻更覓元中旨，笑倒雲門六不收，喝一喝。示衆：道人相爲絕言詮，熱罵羣拳意氣全，莫把醍醐成毒藥，等閒仰面吐青天。小參：智不到處，切忌道著，則罪犯彌天。薦卓拄杖曰：山僧失口道著了也，還有相救者麼？如無，總是鐵圍山裏漢，喝一喝。上堂：饑餐渴飲，冷添衣，撥火拈香，是阿誰薦得當陽無二見，依然重楔腦門錐。晚參：難難，胸中有座須彌山，移又移，不去推又推，不翻十分煩悶，無人識，不如饑來喫飯，倦來眠睡，睡醒時打個噴嚏，通身慶快，向誰言。佛開光上堂：佛身無爲，隨處示現，正現之時，阿誰不見。卽此而見，見非是見，離此而見，見不能及，畢竟如何？卽得良久，曰：忽地洞開千聖眼，風光斷不假安排。

觸不得。背不得。彌空花雨是何來。小參浪跡天

涯。剛十年業風吹過海東南。而今鹽醬隨時用。敲磴

虛空話歲寒。蕭卓拄杖曰。還有知音者麼。復卓一下

曰。徒勞側耳。晚參識得一萬事。畢試問諸人如何

是一良久曰。秤錘落井。示衆諸人。天堂裏也。去得

地獄裏也。去得佛國裏也。去得魔宮裏也。去得檢點

將來只有一處去不得。何故。山僧將竹篋子向你諸

人橫兩橫。便去不得也。且道。過在甚處。衆默然。乃曰

莫謂無事好。上堂。芒鞋蹋破襦衣穿。一盞高懸枕

石眠。任他心動與。幡動畢。竟誰將口耳傳。揮拂子曰

一陣霜風透體寒。問如何是本來面目。師曰。簷前

雨滴聲。問眉毛挂劒時。如何。師曰。照顧性命。僧

喝。師曰。死活不知。示衆明鏡。當軒妍醜。難藏心鏡

高懸。因甚不知。已過衆下語。不契。師自代曰。我不負

人面。無慙色。聖超

僊居方巖。應五昌禪師。上堂。佛歡喜。僧自念。昔日目

連尊者。用大神通。百計千方。只救得一母。不如山僧

拄杖子。力量大。打破鬼門關。日輪正當午。卓拄杖曰

◆彼當作破

室利室利伊醯伊醯。又以拄杖作按劒勢曰。若不順

我。呪頭。彼七分如阿梨樹枝。又喝一喝曰。當時摩竭

令幾喪目前機。上堂。近硃者。赤近墨者。黑。硃墨不

近。豈稱純白。若論個事。萬靈瞻仰。無門千聖。近傍不

得。方巖到這裏。直得通身是劒。難分玉石。今日不免

蝦爲子曲。隨例說拈花說面壁。遂高聲曰。住住。瀑布

不容針空。華難下筆。喝一喝。上堂。連朝大雨。滂沱

三草二木。悉蒙潤澤。敷榮萬壑。千溪盡皆流沙走石

穿過。諸仁。觸膝滴睛。諸仁眼睛。因甚。麼恬然不識。豎

拄杖曰。劈箭急。上堂。纔見分秧。又報秋熟。今日收

歸滿倉珠玉。人人藉此。資生。個個皆仗渠力。汝等有

口。祇堪喫飯。全不想牛耕田。農播穀。官差日日鞭糧

促。更有一件。還想得起來麼。喝一喝。便歸方丈。上

堂。四大五蘊之身。等於泡沫。一息不來。便同灰壤。汝

等尋常日用。問還仗誰力。朝參暮參。畢竟參個甚麼

若謂有佛法。文殊不應貶向二鐵圍山。若謂無佛法

世尊四十九年說的。作麼生豎拂曰。大鵬展翅。覆十

洲。離邊之雀。空啾啾。湛庵常嗣

永嘉琴溪昭福少古傑禪師上堂教中道諸法從本來常自寂滅相卽今山自青水自綠荷自香鳥自語日自昇月自降雲自興雨自施種種等法無不是發露諸人本地風光爭奈妄想執著而未證得故我宗只貴契悟汝等學得的于此門中一點也用不著不聞巖頭曰從門入者不是家珍山僧立地待汝搆去卓拄杖曰會麼一翳在眼空花亂墜常韻順天慈源獨步裔禪師上堂馬祖陞堂百丈捲席赤眼撞著火柴頭究竟相逢不相識臨濟建立黃檗宗旨棒打普化克符六耳雖不同謀三人證龜成鼈者一隊漢向蟪蛄眼裏擊大法鼓轉大法輪雖使人天百萬一聞千悟得大總持直是不滿新慈源一笑或問慈源又當如何指陳薦卓拄杖曰諦聽諦聽上堂首座白椎竟大衆寂靜師曰淨白地上不可更扇便下座上堂七月秋何其熱令人滿口齒冰雪望斷雲霓稼穡勞農夫曬得背皮裂娑竭羅龍熱惱生火婆盧門正歡悅從來冷暖自家知何必豐干又饒舌雖然如是且道不涉寒暑一句又作麼生一雨洗

空三伏暑片雲廣被萬方清湛菴常嗣

寧波大梅曰休歇禪師永嘉林氏子上堂樹色未收前夜雨溪聲添得別山泉桃花灣上無人到荷葉池邊有鹿眠若向第一句薦得堪與佛祖爲師若向第二句薦得堪與人天爲師若向第三句薦得自救不了忽有個漢從旁出來道者一句嚮師卓拄杖曰將謂無人證明量田小參佛殿基亘今亘古法堂屋氣象簇新東廊頭西廊畔丘丘相似大佛具小佛具兩窟分明琴案一岑荷池五畝新嶺口灰爐兒園後底塘外底絕無遮覆菱筍坑桐樹園淨髮公丘七石八石歷來收管一任橫量豎量千算萬算直饒弓口不差算盤有準上了冊子祇可交世界主未可交閻大王以拂子打○曰現前大衆各各有自己者一片田地從無始以來于其中間食息起居樹藝種植播弄直至今日也須從頭量過通盤打算長多少闊多少漲沒多少荒蕪多少或熟多少或尖或斜或肥或瘠證驗得十成無弊實方好春耕夏耨秋收冬藏自他俱利設若毫釐有差流水不對局段不是荊棘參

天莽莽。幽幽他時日後。飛行夜叉來取冊子。莫言山僧不道。晚參一塵飛。而翳天一芥墮。而覆地一花開。而見佛。驚擲拄杖曰。且道是一塵飛耶。一芥墮耶。一花開耶。若是俊鷹快鵠。便合摩霄。鈍鳥棲蘆。徒勞嗽啣。上堂。寶劍未施。百怪潛踪。古鏡未彰。千妖匿影。火爐未開。瓶盤釵釧。悉化精金。若說個鉗錘妙密。早已傷鹽費醬了也。更說個尅期取證。又已落第二頭了也。既然如是。因甚爐韜之間。鈍鍊仍多。良匠門下。樗散靡用。良久曰。鴛鴦繡出從君看。不把金鍼度與人。法幢幟嗣

小巖巖五雲閒菴禪師永嘉沈氏子上堂。林覺侯問。佛法人情。徧葛藤。蛇神牛鬼。一時與。願師提出吹毛劍。昏夜重瞻太白燈。吹毛劍卽不問。如何是太白燈。師曰。神光鑒邪正。焰焰燦人天。曰。高冷欲堅松。柏操微寒不媚熱。炎人可是雪竇雪。麼。師曰。紅爐飛一點。觸著使人寒。曰。大材小草皆培植。近壑遙巒任仰瞻。可是頭陀頂。麼。師曰。擬瞻終不見。隨處露青青。曰。梅子峰前親記別。慈溪縣裏展風規。可是雲岫雲麼。

師曰。八風吹不動。出處自閒閒。曰。虛聰常納千峰月。古洞高撐半壁天。祇如五雲境。還許拈提否。師曰。孤峻期知己。清嚴是素心。曰。眼空宇宙。渾無物。舌鼓風雷。若有神。莫是境中人麼。師曰。揚眉裴休至。掃地相公來。曰。欲惜狂瀾爲砥柱。願瞻杲日麗中天。請師直指人中意。師曰。把臂弄明珠。慰枯作霖雨。曰。三千里外。臨獅象。萬仞峰頭。集鳳麟。今日知己相逢。作家團繞未審。如何。欸接師曰。冷澹煮巖泉。一琴彈古曲。曰。八角磨盤空裏走。無星秤子十方橫。可容戴角小斯兒。接拍成令。麼。師曰。打鼓弄琵琶。相逢兩會家。曰。恁麼萬古羣蒙開正眼。千秋佳會際風雲。師曰。道義重如山。高風光末世。乃豎拄杖曰。鸞峰正眼。耀古輝今。少室真風。敲金戛玉。或處或出。發明佛祖靈機。全主全賓。開鑿人天眼目。所以道。欲舉恁麼事。須是過量人。既逢過量人。方舉恁麼事。倒騎三脚驢子。放憨無位。眞人一爲無量。無量爲一小。中現大大。中現小小。頓令山林泉石。咸作獅子吼音。鱗甲羽毛。齊露毗盧妙相。卓拄杖曰。到者裏。縱是六臂三頭通身。是眼底亦

須驀面一割腦後一鎚大衆會麼烈焰光中騰彩鳳
花鍼孔裏展金鵬。小參問如何是卽心卽佛師曰
王孫豪氣空今古碧玉盤中擲六紅曰如何是非心
非佛師曰一賽千金等閒事家無四壁不知貧曰不
是心不是佛不是物又如何師曰一片白雲橫谷口
幾多歸鳥盡迷巢曰人人脚下起清風師打曰且過
這邊立乃曰豎起脊梁珊瑚枝撐著月放下身心
烈焰紅爐飛點雪卽心卽佛阿那個皮下無血非心
非佛芥子觸著須彌裂不是心不是佛不是物好大
哥瞥不瞥選佛場中及第歸大似虛空重著楔以柱
杖旋風打散。上堂紅塵浮百市翠岫疊千重眞實
相頭頭顯露差別智事事超宗餒凡餒聖誰還價絕
倒長汀老凍臘喝一喝。示衆窺壑千峰寥寂僧梅
知寒盡報春興纔過元旦元宵至及節隨時也挂燈
驀豎拄杖曰諸仁者還見麼一燈發焰燈燈傳輝西
天四七震旦二三開人天眼目徹佛祖風規五花騰
彩千朵競奇名匠不能剪畫巧手安得浪爲然燈釋
迦策眉相看三賢十地隔礙旁窺到者裏還有洞然

者麼以拄杖打○相曰明暗只緣隨影轉迴光返照
不須疑。示衆也大奇也大奇飛虹磴滑獅子峰威
有佛無佛俱勘破誕生示寂莫狐疑且道黃面瞿曇
卽今在甚麼處良久曰楊柳含烟描不就桃花依舊
露春姿。一居士入方丈曰某五磊參得底昨日失
節一夜不睡却有徹處師遽曰海底泥牛昨夜三更
因甚觸殺前村老大虫士擬議師曰三十年後莫道
見雲岫來。僧持鏡柿二物來參師問大圓鏡智性
清淨卽今山河大地且道在鏡內在鏡外曰某甲展
具師卽指柿子問曰者從那裏得來僧擬議師打曰
不是你的。五雲垂問踞嶺青獅較人火急如何入
得五雲門。尋常道懸崖撒手自肯承當因甚聖五
雲巖個個脚酸手軟。手眼通身底過飛虹磴還免
得惡水驀頭澆麼。法幢機嗣
永嘉密印多子無禪師章安潘氏子神識暢茂髻鬣
時雅慕出世法卽與母茹素稍長穎慧善讀書每于
炎涼際輒動世間無常之想因訪密印幟于大隱廬
命看趙州無雜用心處疑情頓發不放參閱月信口

作偈呈幟幟徵曰。心既無有甚麼物。怎麼來師面。亦汗下。偶見月上柳梢。有省。有要。識趙州端的旨。綠楊枝上月初寒之句。幟以爲潘子參得禪矣。無何嚴慈相繼辭世。乃詣法通成。薙染服勞三禩。嗣復參雙徑。容命入堂。一日舉德山便棒公案。詰師擬答。容振威一喝。師無措。少頃聞堂外僧唱。君不見絕學無爲。閒道人不除妄想。不求真。乃豁然撫掌曰。自今已往。不被天下老和尚謾也。未幾歸省。幟於大梅幟一見。輒問。如何是佛法。無多子。師曰。眼橫鼻直。幟領之。搥鼓集衆。授師衣拂。後幟退居淨覺。命師繼席密印。上堂。大象不遊於兔徑。揭地掀天。行直捷。大悟不拘於小節。驅耕奪食。全殺活。滄海不擇細流。紅爐那容毫末。所以德山入門便棒。臨濟入門便喝。劍氣鏗愁雲。虛空也斬脫。卓拄杖曰。者裏拶身得入。直須鶻眼龍睛。若非鶻眼龍睛。烈焰何由湊泊。雖然還知無湊泊處。正好湊泊麼。震威一喝。上堂。問前面大羅山後面頭陀峰中間事。作麼生。師曰。真不掩僞。曰。萬象及森羅一法之所印。師曰。直不藏曲。乃曰。真不掩僞。

直不藏曲一法所印。堆山積嶽。凜凜霜風刮面。寒處處梅花香。錯落剔起雙眸。不受瞞。祥麟原祇一隻角。喝一喝。小參。當人一著無欠。無虧。貧無不足。富有餘。眉毛橫額下。鼻孔大頭垂。閉眼合眼。自不見。甘受山僧。驚面欺。驚面欺。好肉剜。瘡知不知。遂拍掌一下。復喝一喝。上堂。大年初一。無事不吉。有喝彩者。出來相見。良久。衆不出。乃曰。且喜天下太平。便下座。晚參。喫粥了也。千足萬足。洗盂盂去。馬頭栽角。縱饒直下承當。也是將錯就錯。何故。彼自無瘡。不勞剜肉。晚參。山僧一向有一句子。在汝諸人問處。諸人不解。問得諸人一向有一句子。在山僧答處。山僧未曾答得。如今問。問答。問答。問答。俱全。天地懸隔。爲甚如此。萬語萬當。不如一默。上堂。大眾面亦不如語。直今辰乃山僧墮地之時。好事大家知。柏參知衆。炊香積飯。爲作供養。冷處著把火。一場熱鬧。諸仁濟濟上來。請爲說法。可謂慶讚。因齋難逢。快便。山僧到此退步。末由直得口。是扁担。正與麼時。仔細思量。畢竟說個甚麼。卽得。若爲說。佛是假名。若爲說法。法。

無定相。若爲說山僧自己生緣。落處山僧生緣。瑞安俗卽姓潘。何須再舉。若更爲說山僧本命元辰落處。山僧本命屬亥。亥生人肖猪。泥猪疥狗。便是本命元辰。本命元辰卽是泥猪疥狗。祇恁麼道。汝等諸仁。還信得及否。若也信得及。去戴角披毛。償他施主有分。其或未然。密印今日失利。拈拄杖卓一卓下座。小參。薦召大眾曰。冬不寒。薦後看今朝十月。旣盡動著通身汗。出四五日前响雷。兩三日前雨雹。桃花李花開滿庭。後山草上蛇蛻殼。試看田內刈禾人。猶脫衣卸膊者。便是冬不寒底時節。汝等諸人。自然洞曉。不疑祇如道臘後看畢竟。看個甚麼。看梅耶。看雪耶。看佛性義耶。薦喝一喝者。裏若不喝。住只恐諸人看到臘年也。未有歇口。雖然如是。也是冬行春令。呵呵歸方丈。師于康熙丁巳夏。示微疾。至六月二十六日。大眾問安。次師曰。山僧一生別無他事。惟先老人囑累未完言之不覺。目下遂書遺囑。勉衆居喪務儉約。不必作法事。破費常住。酉牌時分。以指于侍者。明正掌中畫一偈字。正卽具紙筆。師隨書曰。生來死去如

何說絕學。無爲半句多。不動唇皮開口處。要知端的有諸訛。擲筆怡然而逝。世壽五十有五。僧臘二十有九。依法闍維。奉靈骨于本山之東麓翠塔。霽霤永爲之銘。塔語錄十卷。行世。法體

瑞安葆光斷流渡禪師上堂。舉拄杖卓曰。者個便是本有生緣。元辰甲子五行收不得。巧曆莫能推處。聖不增在。凡不減注焉。而不滿酌焉。而不竭。端坐受供養。施主常安樂。設有向未舉。已前勘破。山僧不辭旂鼓相送。何也。人人有分。金剛體直下承當。見作家小參。七人八穀。自求多福。羅喉羅兒與一文端的。今年蠶麥熟。穀日立。春天與善人府庫充。分倉廩實。從門出者是家珍。恁麼則時和年豐也。只如水牯牛。又作麼生拈拄杖曰。犁與耙不離身。只在自家田地。上一回翻轉。一回新。小參。天上月圓。人間月半。諸方布袋解開。火樹銀花。撩亂正恁麼時。且道如何。批判以拂子作○。相曰。君子和而不同。衲僧高著眼看。小參。佳節清明。桃李笑。野田荒塚。只生愁。衲僧家大事未明。如喪考妣。笑個甚麼。長連床上有粥有飯。

愁個甚麼笑只笑他李白桃紅重重間錯不得春風
 花不開花開又被風吹落愁只愁他野田荒塚漠漠
 寒烟春來依舊蓬蒿長那兒兒孫挂紙錢山僧者裏
 愁也不須愁笑也無可笑三盞清茶一瓣香百千祖
 塔同時到以拂子作掃勢下座 小參今朝纔今朝
 昨日已昨日轉眼是明朝光陰劈箭急所以道生死
 事大無常迅速欺人是禍饒人是福一念回機千足
 萬足卓拄杖喝一喝曰彼自無瘡不勞剜肉法極
 纖嗣
 處州東寶雪機元禪師上堂一句截流千江絕滴圓
 機獨唱萬聖消聲吹毛劒誰敢撻鋒塗毒鼓寧容側
 耳縱有喝散羣峰掀翻大海底來也不得動著何故
 動著則禍生喝一喝下座 上堂卓拄杖曰能殺能
 活能縱能奪有時驗在我邊諸人不知有時驗在汝
 邊山僧不會山僧若會則枝生節外取笑旁觀諸人
 若知則墮坑落塹未許出頭欲得兩無過犯合道甚
 麼卽得擲拄杖下座 上堂孤迥迥峭巍巍毗耶正
 令摩竭風規百尺竿頭路窄獨木橋上人稀一般古
 曲無音韻且道如何和得齊 上堂瞬息韶光去不

留百年風木轉輿憂子規泣盡三更月血滿枝頭恨
 未休 山行次侍僧問如何是萬山深處佛法師曰
 澗流隱隱調清梵幽鳥聲聲發妙機 萬公訪師使
 問覲面相逢請師速道師曰莫錯認萬曰看破了也
 師便喝茶次師問護法向參誰來萬點胸曰萬公師
 曰他剛恰不在萬曰當面錯過師一喝萬擬議師曰
 果然不在 吉將軍遇師于芝田一見便問請問軍
 中還有佛法也無師曰有吉曰如何是軍中底佛法
 師卓拄杖曰掃却羣魔隊回朝謁聖君吉曰然則我
 贊三軍請師定爵師曰五侯費盡平生力自此詩書
 懶更看吉大喜禮拜而退法極
 纖嗣
 寶月金山義禪師永嘉李氏子年十五睹演西竺傳
 奇因興出世想遂禮梅峰寶戒壁雍落適密印請雪
 寶奇結制師隨衆打七會奇入堂因同參問本來面
 目師側聆豁然遽呈所得奇領之解制後居靈田山
 纂件虎狼而友麋鹿寒暑兩忘時大梅幟還頭陀聞
 師清操以偈招之師亦欣然出山罄吐平生所蘊幟
 悉爲許可命典藏鑰尋以鋤斧子囑師住山 小參

不是目前機亦非目前法眼光爍四海眉尖堆五嶽
有等泛泛流只將皮膚摸以拂子畫一畫曰若透這
一關虛空也打落遂擲拂子喝一喝師于康熙辛
亥冬仲示微疾至二十四日子時問侍僧曰夜何時
耶僧曰三更多也師起沐浴更衣索筆書偈曰坐斷
春風不計期溫花影裏露全機鐵牛昨夜雲中吼報
道歸家正是時擲筆而逝奉全身塔于本山之麓法鑑

明

雁宕羅漢深明徹禪師小參問句裏無私則不問如
何是賓中賓師曰迷頭認影人曰如何是賓中主師
曰拄杖絕疎親曰如何是主中賓師曰披簑帶月吟
曰如何是主中主師曰殺活在當人乃曰纔過履端
佳節却遇春餘三日梅花片片飛來柳眼枝枝突出
灼然底事分明何須語言徵詰那知佛祖家風錯過
目前消息撞著無位真人空開大口叫屈休叫屈寬
則知君不可得喝一喝法鑑

法鑑

永嘉密印非相提禪師上堂啓潑天爐韞煖聖煉凡
施震地鉗錘風行雷厲轉四大部洲作一粒米室廬

城郭不動纖塵將一粒米包含百億須彌日月山川
了無窒礙所以道盡大地是沙門一隻眼隨所住處
是諸佛身放之則六合可彌卷之則退藏于密直使
頑銅鈍鐵頓化精金外道天魔共揚至化提持列祖
綱宗穿透衲僧巴鼻且道得何三昧與麼縱橫自在
以杖畫○相復作十相曰高著眼上堂結制解制
總歸舊例鼻孔昂藏古今無異祇要人人脚跟穩密
個個踏著自家田地何必向外馳求算來多少費氣
大丈夫須猛利衣裏明珠照萬方莫如窮子空逃逝
示衆千說萬說只是一說作麼生是一說良久曰
父母所生口終不與君訣一僧經行展兩手于師
前曰好個清平世界師曰既是清平世界何用著忙
僧無語師與一掌曰者弄虛頭漢僧纔到門便問
如何是淨土師曰步步踏著問如何是佛師曰今
年米價平僧參問久聞和尚今纔識得師曰山僧
眉毛長多少僧擬議師曰我却識得汝法鑑

法鑑

蕭山湘湖城山大拙理禪師示衆我有一句子只是
道不得何故若道得爛却舌頭衆中這有道得者麼

一僧出禮拜師曰錯錯便歸方丈

冷堂林嗣

雪竇逸菴元禪師上堂。握向上機權。紹祖師寶位。開鑿羣生眼目。恢廓振古風規。蓋是衲僧尋常事。若也旋乾轉嶽。忽雨忽風。佛祖觀視。無由天人展足。無地有時。高高山頂。而合水和泥。有時深深海底。而一塵不立。一塵不立。處坦率無畦。合水和泥。時潛身不露。有般不知進止底。便謂上無攀仰。下絕已躬掘地覓天徒勞。歲月且如何。是元上座爲人處。卓拄杖曰。千鈞鐵棒。輕拈出。要辨楊岐嫡骨兒。七期滿。小參長老。不解存德。慣要拶人。痛處無奈。根鈍皮頑。拶著仍不知痛。及至歸到方丈。却在背地自訟。休自訟。須向當場展大用。有麼有麼。良久曰。如無只得正馬單鎗。獨拈獨弄舞。拄杖歸方丈。退院上堂。在昔白雲端。祖住圓通。退院上堂曰。難難難。是遣情。難情盡。圓明一顆寒方便。遣情猶不是。更除方便太無端。大眾且情又如何。遣遣遂一喝下座。拽杖出山。清風古韻。仰止千秋。今日不肖遠孫。乍主雪竇。況味相侔。用拈一偈以續貂。後秉命住持九越月。艱危奚止一絲懸翠。

峰法叔親臨到。搥鼓陞堂告脫肩山夫

正嗣

明州南山昂峰隱禪師。臘八上堂。明星忽覩。嘆奇哉。便出山來打野糲。自此一虛傳百實。謂言成道至今。猜問性從何起。師曰。問從何來。僧擬議。師便打。

山夫

正嗣

武林雄聖尼靜諾。越禪師郡之林氏女。幼出家。參雄聖。致往來雪竇之門。一日侍立。次致舉洛浦見夾山。因緣汝作麼生。會師進前一掌。致曰。切莫捋虎鬚。師曰。蒼天蒼天。一日隨衆入室。致曰。古人道。諸方只具。啐啄同時。眼不具。啐啄同時。用汝諸人作麼生。用作麼生。會衆無對。師囑兩聲。致曰。未在。師曰。齊和太平歌。元旦上堂。一年三百六十日。迅速光陰如電捷。古來舊例起年規。個個出門賀聖節。撞著彌勒笑呵呵。踏著秤硬錘。如鐵鐵鐵。鐵世人那個知端的。喝一喝下座。

惟極致嗣

蘇州秀峰漢峰頂禪師。宜興人。上堂。積雪未消。是處銀牆鐵壁。紅輪高照。依然綠水青山。時節若至。其理自彰。且道。卽今是甚麼時節。喝一喝。南泉賣身頌。

曰。貧來無賴。把身憂。齒落眉長。不怕羞。那得窮坑填得滿。由來千古使人愁。趙州柏樹子。頌曰。塞壑填溝。體露真何拘。古柏覓知音。從伊此話傳。千載引得韓獪遶樹尋。岫雲碑嗣

戴耘野居士吳江人。村居不入城者四十年。先於古南座下受偈策。發後參秀峰璋呈偈曰。鳥啼花落暮春天。悔別名山幾十年。梅子青青將熟也。這回能不口流涎。璋爲印可。岫雲碑嗣

大善鑪鐵璋禪師示衆。清晨諸人濟濟到來。日午諸人蕭蕭散去。須知有一人不來。亦不去。蕩蕩乎民無能名焉。且道此人證何三昧。良久曰。莫怪渠儂多意氣。他家常踏上頭關。示衆豎拂曰。大眾看看大中眞富貴。寶網羅毆角。好個祖師心。古鼎三隻脚。問欲瞻大壽山。須得淨五眼。如何是肉眼。師曰。阿誰不有。曰。如何是天眼。師曰。照破大千曰。如何是慧眼。師曰。無所不透。曰。如何是法眼。師曰。驗你骨出。曰。如何是佛眼。師曰。空空如也。僧擬進語。師豎拂曰。這個是甚麼眼。僧無語。師便打。崇己峻嗣

京都圓寧漢杲印禪師示衆。參個甚麼。悟個甚麼。歷歷明明。不消絡索。觸著是兮。磕著是祥麟。只有一隻角。士問。如何聖賢。心師曰。能殺人。能活人。士曰。如何是凡夫。心師曰。能讚人。能陷人。問。如何是最上一乘。師曰。從來無二路。曰。還許學人蹴踏也。無師曰。疑則別參。達本地嗣

處州法海隨菴猷禪師闍之長汀黃氏子上堂。一錫多年住翠微。無才不敢浪施爲。龜毛兔角從他弄。火種刀耕且守愚。諸禪子。知不知。盤中盞內好茶飯。俱是行人血汗珠。弗修道。鼓是非。長裙高帽雖遮過。黑面閻君不放伊。解制上堂。三分光陰。二早過靈臺。一點不揩磨。貪生逐日區區去。喚不回頭怎奈何。諸仁者。此古雪竇示衆法語。如此說話。字字鏗金。戛玉可珍可愛。是卽是究竟將來。未免無人爭似眞身寺裏。其中雖不多衆。且喜各各脚跟下。縱橫八字人。人頂門上。飛大寶光。敢問諸人。這段奇特事。且道承誰恩力。湖海從他枯到底。姓名終不與君通。退院上堂。二十年來一釣舟。不風流處也風流。解畊種小特

牛欄內無多三四頭老僧從此還山寺一飽毛團萬事休拽拄杖便行。寶掌先師塔前上供諸方窮尙有卓錫之地獅山窮錫地也無盤中白石鐘裏清溪此乃不肖之微誠插香曰雖有好花時正放難禁愁思滿秦峰。問聞昔韶國師居此山時嘗爲人解粘去縛和尚今日濟師拈拄杖曰我者條鍊疾藜能殺人亦能活人僧喝師便打僧又喝師良久復顧侍司曰山僧住持法海多時始遇一人僧近前作聽勢師展兩手示之僧擬議師曰禮拜了退。雪厂白嗣

吳江圓明靈松慈禪師秀水吳氏子上堂敲石石響擊木木應。薰以拳擊空一下曰且道是何音韻若將耳聽則響却若將眼觀則瞎却若將口說則啞却若是個漢聞恁麼舉揚拂袖便行雖然慈上座拄杖子未肯放過在何故。齊春風偶度庭前樹石上苔花夜又開。上堂山頭白浪海底飛塵總饒會得開口不能因甚到者裏唇齒俱失不見道融父象管輅思而不解事富山海郭璞註而未詳諸祖相見攢眉千聖逢之結舌直須向洪濛未兆打個觔斗方好與慈上

座拄杖子相見如或未然徒成鈍置。雪厂白嗣

處州青田石門蒼石立禪師孝感湯氏子僧問如何是佛師曰耳朶裏山河大地曰如何是法師曰桃花紅李花白曰如何是僧師曰踏翻大地一雙驢脚劃斷風雲七尺鳥藤僧擬進語師便歸方丈。上堂舉麻谷至章敬因緣畢師曰一人說是一人說非銅頭鐵額漢堪笑復堪悲諸仁者且道石門笑的是個甚麼良久曰能可舌根爛出骨此心不敢漏真機。雪厂白嗣處州凌江稅嵩宗禪師閩之歸化蕭氏子浴佛上堂若道釋迦生于此日則爲世諦流布若道不生于此日衲僧眼在甚麼處這裏會得不動脚跟朝離兜率暮降閻浮未出母胎度人已畢其或未然年年是今日惡水薰頭澆長至上堂假不立真不守甦回萬竅頓發千機頭頭現影處處孤危迴露孤危迴露頭頭現影解獅鈴于獅子頂下奪驪珠于蒼龍窟中赤手風流甚生意氣說甚君子道長小人道消大衆還知者個消息麼若也不知打開香積厨傾出無米飯諸上座普同供養。雪厂白嗣

杭州演教佛髻元禪師。越州上虞倪氏子。棄儒出家。上堂。曠劫猶今。殊途一轍。平地上起堆。無風處作浪。雖非聲色。聲色炳煥。雖非心佛。心佛歷然。悉仗此機。流轉不從他處發光。且道此機是甚麼。若道是佛背。却自家的。若道是法。不免從他覓。若道是心印。賊身自敗。若道是人天正眼。掩耳偷鈴。直饒總不恁麼。猶未相許。在既總不恁麼。因甚麼。猶未相許。不是丈夫多意氣。爲他曾透上頭關。雪廠白嗣

京都弘慈廣濟別室天孚祐禪師三韓金氏子。母宋生時屋後火起。家產殆盡。方七月。父故母苦志堅守。五六歲。師患病將死。有一道者。偶從外入。信手拈一粒藥。放師口中。其病隨愈。道者指師曰。此子當入空門。有大因緣。在十三歲。母因道者言。送師禮本寺恒明。口著宿癰。染未幾。母亦逝。一日恒摩師頂曰。當勤精進。莫辱汝父母。師泣拜而銘心。恒器師骨硬。更加嚴切。執侍巾瓶已久。丁未春。正恒示疾。將入滅。呼師叮嚀。激勵師跪叩無措。恒輒滅。後師日夜追思父母。一回愁。指像顧衆曰。還識這老漢麼。祐上座。昔日親

◆母下佚失
二十字詰二
十行

遭毒手。大結冤讐。歷年以來。未敢輕露。今日遮藏不住。在諸人面前。披肝瀝膽。和盤托出去也。以香打圓相曰。沿皮摸索。終無用。打破○○始得知。喝一喝。插香便拜。示衆學世尊。初生頌曰。一聲因地。天方曉。禍出私門。不可當。却怪此公。眞大膽。獨將雙手劈洪荒。示衆學未離兜率。頌曰。王宮兜率。示多生出得泥犁。墮火坑。堪笑度人伎倆。盡只將烏豆換金睛。示衆學殃福產難頌曰。春城處處有花開。陣陣香風撲鼻來。大抵遊人咸錯過。豈郎還向髮邊猜。高層雲太常。一朝罷官服見師曰。弟子今日帶了枷鎖來見和尚。師曰。何不解脫去。士曰。難逃治化師。遂豎起拳頭曰。這個鬻士無語。師曰。果然難逃治化。士作禮。天植樹嗣

雄州興雲石琳瑯禪師臘八上堂。世尊向正覺山前六載辛勤求一佛字了。不可得。趙州丈夫氣槩便云。佛之一字。我不喜聞。檢點將來。一人事上不足。一人理上有餘。各與二十拄杖。象山這裏明星燦爛。敢問諸人。還曾悟也未。若也悟去。各與二十拄杖。若也未

悟二十拄杖象山自喫。諸人無分。且道利害在甚麼處。卓拄杖曰。金剛寶劍。重拈出。佛祖齊教立下風。冬至小參。一陽來復。水牯牛。驚爾向無陰陽地上。東觸西觸。敢問諸兄弟。還曾摸著他鼻頭也未。若也摸著。不妨隨處卷舒。放去踏翻千澗月。收來衝破一林烟。若也未曾摸著。年來更有新條在。惱亂春風恐未休。示衆舉香巖上樹師曰。天地一指。萬物一馬。通身是口。分疎不下。祇如祖師不西來。香巖未上樹。又作麼生。太平本是將軍定。頌殃。嶠產難曰。花謝花開。檻外香引他蜂蝶。去來忙。自從夢破情忘後。陋巷空回笑一場。頌德山托鉢曰。玉女乘春出畫堂。牧童一見笑紅妝。無端更唱關山曲。不是愁人也斷腸。

南音
言嗣

五燈全書卷第九十五

五燈全書卷第九十五補遺

臨濟宗

南嶽下第三十六世隨錄

戒幢天資粹禪師。因僧送竹筥上堂。離却觸背。迥然絕對。鐵壁銀山。一拶粉碎。金毛獅子。忽翻身牙爪。雄雄全體備。喝一喝。因雪上堂。昨夜三更消息。別泥牛吞却一輪月。天花亂剪。碎無聲。珍珠密撒。何殊絕。千溪萬壑。盡生光。大地山河。一片雪。呵呵。呵呵。警不警。此時若不究根源。直待當來問彌勒。上堂。靈機閃電。見還難。伶俐師僧。窺一斑。莫把定盤星。錯認初生月。是曲彎彎。喝一喝。小參。今朝八月十四夜。皓月團圓。沒縫罅。本來面目。甚分明。普請諸人。圓者話。諸兄弟。且道。圓甚麼話。良久。以竹筥打圓相。拋向面前。震威一喝。微清月嗣

宣州奉聖古韶音禪師。華州蓮華寺。示衆。心同虛空。界示等虛空法。證得虛空時。無是非法。山僧據天目中峰。把一枝瘦藤。向虛空一擲。忽現大身。與雲吐。

霧雷從東起。雨從空注。直乾坤振動。日月潛光。撞倒須彌。踏翻大海。深沙神努。眼西嶽白帝。驀然讚嘆。善哉善哉。希有希有大作佛事。須臾雲收雨霽。海宴河清。山明水媚。人物交馳。拄杖子依舊右邊立。地衆中委得麼。如或未然。脚跟下放一線道。山僧浙西蒼上著艸鞋穿雲度水。撥紅塵。揮白汗。踏過許州縣。行到華之東路。脫下被幾尊具。大手眼底居士。攔胸把住。送蓮華峰頂。山僧信口道。何妨向十字街頭和泥合水。左右逢源。隨流得妙。所以臨濟道一句中具三玄。一玄中具三要有權有實。有照有用。喝一喝曰。且道是權是實。是照耶是用耶。試辨看良久。曰。拈起少林無孔笛。橫吹一曲渭河邊。洛京韶山雲門寺上堂。提臨濟正印。唱雲門之曲。敲唱雙行。殺活自在。今者王臣加被。檀護光臨。不妨向佛祖頂額上。舉揚個事。豎拂曰。還見麼。擊香几曰。遊聞麼。聞見分明是個甚麼。不見應庵老僧道。孤峰萬仞。鳥道虛玄。名利查忘。是非頓絕。直得猿吟古木。虎嘯幽巖。碧落青霄。道人活計。遠祖恁麼道。山僧恁麼舉。大似聲應氣求。令人

舉著。愈使金聲玉振。且道還有奇特事也。無天教生在韶峰上。不待雲攀也出頭。問臨濟道第一句薦得堪與佛祖爲師。如何是第一句。師曰。石火迸青天。曰。第二句薦得堪與人天爲師。如何是第二句。師曰。春雷開蟄戶。曰。第三句薦得自抹不了。如何是第三句。師曰。舌頭生。滋師雲。

燕京勝水大來果禪師上堂。彤雲瑞雪正飛揚。徹體風流不可量。坐斷十方無觸背。明明徧界不曾藏。乃召衆曰。既爾徧界不藏。且道即今雲彌大野。雪覆千山。孃生兩道眉毛。又落在什麼處。良久曰。露上堂。五九四十五。窮漢街頭舞。露柱却生歡。燈籠復叫苦。萬壑千崖雪漸消。領略春風一百五。晚參舉僧問。石門年窮歲盡時。如何。門曰。東村王老夜燒錢。師曰。石門老漢善應時。機但替人數寶。有甚交涉。山僧則不然。設有僧問年窮歲盡時。如何。但向他道。庭前數點催花雨。門外春風次第來。問如何是道。師曰。勝水門前無曲徑。曰。如何是道。中人師曰。眉橫鼻直。問年荒米貴。大衆如何過。曰。師曰。金剛栗棘任汝敲。

嚼曰設若餓死時如何師曰難得一箇半箇

達本元嗣

澄江大興在天裕禪師上堂有物先天地無形本寂寥能爲萬象主不逐四時凋大衆還識萬象主麼若也識得天上天下惟我獨尊如或未然却被聲色之所籠罩寒暑之所遷流不得自由處處爲礙逗到眼光落地一似落湯螃蟹莫言不道 上堂春日融融和風蕩蕩嫩柳舒黃金之色老梅帶白玉之香直得木馬嘶風泥牛起舞所以道欲識佛性義當觀時節因緣時節若至其理自彰大衆要識佛性義麼嘉豎拂子復召衆曰不因柳毅傳書信何緣得到洞庭湖示衆舉僧問風穴如何是道穴曰五鳳樓前曰如何是道中人穴曰問取城隍司曰道與道中人相去多少穴曰月似羅中鏡星如霧裏燈師曰月似羅中鏡星如霧裏燈舉頭天外看誰是箇中人

識得純嗣

雪白嗣

當湖大乘鐵鼓音禪師越州餘姚應氏子師因送天

童悟老人入塔知有宗門向上事乃堅志出禮復庵乾得度受具戒於徑山容時年四十六夕究朝參已無虛晷遂徹源底參金粟元一見機契令典藏鑰匠歲師不忘源本仍歸復庵會有大乘之請乾以源流記荊焉 示衆秋山削玉秋水磨銅杲日涵輝千界青天不掛片雲於此會得歷千差而不異總萬變而常存良久曰還委悉麼吸盡西江和底徹鯨吞大海露珊瑚 示衆大乘不蓄箇餘錢聊與諸人結勝緣拈出團圓巴釐子洗腸蕩胃滌殘涎喝一喝曰知解絕時緣慮盡觀體無依自現前 師於康熙庚戌八月十三日告衆逝世書偈曰六六三十六從頭教不足生此闔浮提露出醜面目應知識者稀不去登曲糸折脚鐺瓔珞粥常飽饑腸真是福鈍鑊年深起鏽紋而今懶把青山剛無管帶沒拘束南北東西任去留何妨唱個無生曲且道無生曲作麼生唱喝一喝擲筆而逝至丙辰秋闔維見鬚髮如故全身不壞塔於虞山北麓

天息乾嗣

當湖普福大用顯禪師。華亭沈氏子。甫十齡。父母送新溪。其暉光爲剃度師。服勤復庵乾。左右示參三。不。是公案。偶閱華嚴淨行品。有省。卽述偈曰。一卷淨行。品不知何物。淨淨則多一番淨。盡名淨行。詣方丈。呈白。乾目之色喜。至復庵。疾作。授師兜笠一枚。併偈記。萌復庵亦垂遷。化後事畢。歸普福杜門。養拙足不踰閭者一十八年。至康熙甲戌正月十九日。從容告衆。誠勉畢。吉祥而逝。世壽六十五。僧臘四十有五。天恩 乾嗣潤州鶴林雲屋音禪師。小參宋人資章甫。而適諸越。越人斷髮。文身。無所用之。山僧到鶴林。三閱月。佛法二字。無人問著。山僧亦不敢提著。何故。裸形國裏。誇服飾。想君太煞不知時。還一 船嗣

興福雪鑑意禪師。佛誕上堂。今朝四月初八。到處叢林浴佛。興福隨例攀條。遂以拂子作灌水勢。曰。也與鷺頭一杓。不論這箇那箇。管取箇箇浴著。優波離稽首。翹勤謂因茲得受心地。戒而親承布薩。老雲門怒目瞋眉。却悔當年不曾打殺。以致東土西天。畫蛇添足。兩兩紛爭。竟無間歇。乃震威喝。一喝曰。住。住。自威。

音王已前樓至佛以後有箇乾暴暴地底。且喜不曾動著。復喝一喝曰。是甚麼時節。請職事上堂。雲從龍風從虎。必有鄰德。不孤。鷺豎一指云。一不成。雙復舒掌云。二三成五。所以衆流合滙。方興萬頃之濤。千楚共攢。始架凌空之構。絲竹旣合成。調節節拍。自然相應。三山芳草。綠不待獅子頻呻。一徑落花。紅豈在象王回顧。神通法爾。觀體現前。財法二施。等無差別。且賓主歷然。一句作麼生。道遂喝一喝曰。問取堂中第二座。問爐韞重開規模。再整如何。是興福境師曰。六朝古柏翠參天。曰。風景依稀雲樹裏。月明淡蕩水中天。曰。如何是境中人。師曰。剔起眉毛仔細看。曰。法雨晴飛。去天花晝下來。曰。如何是人中法師。曰。面赤不如語直。曰。人境已蒙師指示。大家共仰目。前機師曰。毫釐有差。天地懸隔。問向上宗乘。則不問主賓。相見事如何。師曰。兩眼對兩眼。曰。如何是賓看主。師曰。聞名不如見面。曰。如何是主看賓。師曰。識得你是蘇州人。曰。如何是主看主。師曰。遠走不如近。匍匐曰。如何是賓看賓。師曰。腦後見腮。莫與往來。示衆。舉世尊。

陞座文殊白椎話畢師曰老瞿曇若非文殊一椎不知嘴皮邊得到幾時乾淨雖然且道世尊從前曾說甚麼話來示衆舉瀉山水牯牛話畢師曰者漢面皮厚多少喚作瀉山僧尾巴已露喚作水牯牛蹄角不全頌世尊初生雲門一棒曰冷燄堆頭星火子爆開烈烈燼重樓雲門欲滅彌天燄不道當年悞潑油頌婆子拋兒曰鄂渚灘頭撥棹夫一橈弄得半縷糊雖教七子多拋盡爭奈猶存岸上婆頌莊上喫油糞曰喫飽油糞不赴食人頭鬼臉費評論侍僧若果逢莊主悔殺從前錯出門頌雪峰兩度打僧曰臨機辣棒兩番施棒下偏生不孝兒冤債却從恩處結直看邇代怨聲馳頌興化打維那曰打了重新又罰錢直令千古惡聲傳久懷大覺堂前恨此際方知養子緣古雲傑詞

嘉興眞如宏治敏禪師臘八上堂明星夜夜出臘八那年無堪笑迦文老無端起浪波然則眞如今日不是隨邪逐惡也要諸仁共知薦拈拄杖曰看看良久擲杖曰祇因妄想執著而不證得普茶示衆今晚

普茶菓子盡數不管齒牙利鈍且要箇箇吞吐錯口咬著舌頭莫怪眞如莽鹵觀音大士開光上堂豎拂曰花開菩薩面草長無邊身擊拂曰爭似圓通妙家家觀世音擲拂下座晚參纔過初一十四又來忽然半月未免驚懷諸兄弟於此端的得一回歷千差經歲月原無二致豈有差排所以從上尊宿每于茶時飯時未嘗不風規略露只是知恩者少古雲傑詞

嘉興妙峰道者范弘禮嘗有偈曰花滿枝頭月滿輪香風拂拂更精神白雲影落乾坤濶眼上眉毛又上新千里特來呈舊面不消煅煉本來圓箇中自有安心法粉碎虛空只一拳古雲傑詞

寧國法海惟勤順禪師一日師在庭前立次一僧到曰好竹師曰當時香巖擊底敢問闍黎是那竿僧對竹作拋石勢曰擲師曰上座於斯抵對不敢言不是只是有賓無主僧擬開口師連掌打退頌婆子燒庵曰鳥有眞心歇又啼花無恻色露全機其中一段風流事今古人間當是非忍可持詞

寧國龍潭大木元禪師僧問如何是和尙住山句師

日一樹梅花開雪後。日意旨如何。師曰。鳥鳴當谷香。
透春風。僧禮拜起。師曰。會麼。僧擬議。師喝出。桂昌
銳嗣

慧山且拙廉禪師。九日示衆。九月九菊花新。此日登高不厭頻。撥轉上頭關。板子天涯何處得疎親。草木落雁來賓。楓葉紛紛下。漸深寒露已降。授衣時。臨蕭蕭兩鬢雪。霜侵自是陶潛歸。去後惆悵攢眉少一人。

結夏上堂。北往南來諸衲子。多因結夏在山中。所謂萬事俱成辦。大都只是欠東風。風柴難斫米難舂。豈可一向說脫空。山青蔥水碧。綠漪開來倚修竹。經行坐臥在其間。尅期不怕不成佛。十洲
蓮嗣

廬州如田澍霖覺禪師。僧問。棒如雨點。喝似雷轟。此是諸方舊套。和尚底作略。敢請垂示。師曰。榛荆斬却。龍泉劍露出。秦時月半邊。曰。古利幸逢師。掛錫西湖從此浪滔天。師曰。有勞三十棒。賞在來日。善意
林嗣

潁州彌陀雪幢著禪師。上堂。主賓不立。共觀白露秋光。人境雙忘。更有斬新日月。不萌花上。花藥層層。無影林中。濃陰密密。到者時節。掀翻滄海。喝散白雲。還應歸家穩坐。還應垂手入塵。若能直下。委悉一任收。

◆道伊羅嗣

放自由。倘或未然。山僧再爲道破。豎拂子曰。倒駕紅爐來。此地通天作用。自今施解。制上堂。嶺梅殘堤柳絲。夜半燈籠笑露柱。結制一冬而今圓。放教衲子東西去。東西去。脚跟下事不得。草草眉毛上的切須仔細。無佛處急走過。有佛處不得住。若有人問潁州以何法示人。祇向道。伊春至寒食六十日。上堂。綠水涯邊生瑞氣。青山深處起烟嵐。善財參徧難會風送蘆花作指南。示衆。入得興雲門。莊嚴似勝蓮。寶華開滿地。來者任君觀。示衆。舉香巖上樹話畢。師曰。香巖老漢。大似援人之溺。幾乎自溺。示衆。舉天童悟祖。掛上堂牌。不陞座。立於座前。曰。老僧氣喘不能說話。遂咳嗽一聲。吐痰於地。曰。衆兄弟試道看。良久無有出者。祖以脚抹却。歸方丈。師曰。密祖怎麼施設。盡道將八千人一坑埋却。殊不知瞞他八千人一些不得。頌石霜門榜曰。短畫長書。字字清拈來。換却眼中睛。石霜費盡閒心力。笑殺雲堂七百僧。問。如何是清淨法身。師曰。癩蝦蟆。問。人人有箇影子。因甚踏不著。師曰。踏著便成兩箇。問。盡大地是。

箇解脫門爲甚把手拽不入師曰只爲全身在裏許

聖儀
詩嗣

舒州指泉且巖履禪師僧問如何是指泉境師曰清

風生翠竹黃鳥叫晴天曰如何是境中人師曰釣魚

石上坐秋月白滄江曰末後句乞再垂示師和聲便

打僧於棒下洞徹已事破笠
懋嗣

江州廬山若雨潤禪師小參時有僧出師劈脊便打

曰學人話也未問便賜棒意作麼生師又打僧無對

師良久召衆曰會麼野牛鼻盡腕頭力拽不回頭其

奈何破笠
懋嗣

舒州黃山白雲古懷樞禪師僧問古人道毫吞巨海

芥納須彌爲是神通妙用本體如然師曰昨日晴今

日雨曰如何領會師曰山北山南當此際好花都打

落愁人破笠
懋嗣

昌化弘庵杲禪師小參一點靈光爛太虛於中何處

辨親疎堪嘆多少去來者到底依然不識渠古人又

謂渠今正是我我今不是渠恁麼道也是徐六擔板

杲上座則不然何處不逢渠小參眉毛眨起不須

◆拂下佚失
二十字詰二
十行

看雲自山兮青山藍更問一處歸甚處前三三與後

三三且道前三三後三三意旨如何良久顧左右曰

會麼不存一法卽如來註脚重侄成擬議遷如
泰嗣

玉田妙峰嘯風虎禪師上堂今朝臘月二日特爲諸

人細說有箇無位真人常向汝等面門出入薰豎拂

淡裏一般滋味好舉目現前仔細咬嚼復拈餅曰卽

如者個餅露柱還他幾個大眾若道得一句者此夜

良宵不妨許他手舞足蹈玩月指月畫月笑月風流

意氣壓倒羣流其或未然歸堂參去示衆學文公

見大顛話畢師曰昌黎大似衛公孫朝只知子貢不

知仲尼所以雖見大顛似同不見頌慈明挂榜曰

江淹彩筆煥文章織女金針繡鳳凰多少行人著眼

看不知日用只尋常頌女子出定曰諸葛排成人

陣圖四維上下轉樸糊若還不識生門處困殺人間

大丈夫頌婆子偷笋曰偷筍還他婆子捉賊須是

趙州吸盡西江無一滴從教何處不風流律牧
制嗣

蘇州無量壽寺忞庵相禪師問如何是祖師西來意

師指曰這是豐木堂僧一喝師不顧僧又喝師曰打

頭底知是賓中勘主者一喝意作麼生僧無對師連

掌打出 結制上堂十月十五結制赤手空拳活計

普天匝地爲爐不漏絲毫移易衆兄弟若也會去高

懸兜笠晏坐華林脫或未然莫看水艸嫌枯淡且聽

春雷換甲鱗可生忍嗣

雪竇新開濬禪師小參人無大小達者爲先明得大

事與佛齊肩且道明甚麼事穿衣喫飯行住坐臥日

用一切等事麼太煞沒交涉祇如未有身心世界已

前將甚麼喚作大事良久曰擬議思量白雲萬里

頌臨濟三頓棒曰事因叮囑起干戈直入他家話轉

多惡口挑唆功已及至今怨恨滿山河道嚴恂嗣

越州法雲石堂穎禪師上堂喫水防咽行路防跌豎

起脊梁證龜成鱉烟雨連旬地爐難熱刮面西風入

牖來吹動茅堂俱漏洩木魚禪板兩相交選佛場中

驗巧拙確柴開花枯椿燄烈萬象森羅俱昨額薦豎

拄杖曰會麼衆無語乃一時打散 問古鏡未磨時

如何師曰莫妄想曰磨後如何師曰莫妄想曰黃鶴

樓前鸚鵡洲又作麼生師曰莫妄想雪廠白嗣

五燈全書卷第九十六

京都聖感禪寺住持臣僧 趙永 編輯

京都古華嚴寺住持臣僧 趙揆 較閱

呈

臨濟宗

南嶽下三十六世隨錄

金陵橫山同菴潤禪師上堂以拂子畫○○○○○

一二三四五金木水土常在五形中五形中莫觀

報君知休莽爾捉敗虛空仔細看五五原來二十五

上堂一二三四五任君顛倒數五四三二一從頭

數不徹數得徹休狼藉放過長沙老大蟲只恐蝦蟇

吞却月 示衆個事猶如立戰同當陽一著好施功

若還不聽將軍令向外安排總是空空即不無且道

將軍令汝作麼生聽以拄杖卓一卓曰不得動著動

著即禍生 示衆風敲翠竹露滴荷香西來祖意如

何說一番雨過一番涼 問如何是道師曰此去金

陵一百里曰如何是道中人師曰驢駝馬載 問如

何是佛師曰花放寒巖 問借和尚金剛王寶劍看

●莊嚴新

師曰。照顧性命。僧擬議師曰。髑髏墮也。問如何是

善知識。眼師曰。一切不見。曰。人人皆見。爲甚麼善知

識不見。師曰。你猶在門外。問如何是本來面目。師

曰。雪消山露骨。曰。意旨如何。師曰。水滴石流香。言南音

金陵蔣山佛國禪菴學禪師。示衆舉道。吾因趙州來。

著豹皮褌。把吉撩棒。在三門前。見州來。便高聲唱。喏

而立。州曰。小心祇候。著吾又唱。喏一聲而去。師曰。這

兩個漢。大似無孔笛。撞著豉。拍板五音六律。太煞分

明。惜乎當時少個知音。且道。卽今還有分別者麼。以

拂子擊几。一下。曰。子期子期。南音言嗣

朗公居士。吳顯長洲人。初參靈隱禮。禮問有甚疑處。

遠來參謁。士曰。狂心未歇。歇卽菩提。請問和尚歇在

甚處。禮曰。歇歇去你。葛藤士無語。參半載。無所入。後

禁足北菴。一夕坐香次。聞甌響有省。頌殃崛產難

曰。腦後白雲閒。片片眉端春色甚。迢迢不知討甚閒

家具。平地無端喫一交。頌女子出定。曰。春睡沈沈

却正濃。不知黃鳥罵東風。醒來謾揭羅幃。看隱隱

紗亂落紅。印象

紗亂落紅。印象

繡水雨嵩襄禪師。問丹霞訪龐公。靈照放下籃。意旨

如何。師曰。啞子傳來信。聾人滿耳。聞曰。丹霞問龐公

在否。照攜籃而去。又作麼。生師曰。誰家別院池塘裏

一對鴛鴦。滿不成。商子啓嗣

興國上一乘禪師。參多福。啓一日求入室。啓曰。上無

片瓦下無草。雖喚甚麼作室。師仰面四顧。曰。蒼天蒼

天。啓曰。阿誰叫苦。師曰。不是師貧。連子苦。只緣家富

小兒嬌。又問。多年失親。近今日乞纓。拳啓曰。老僧沒

氣力。師曰。慈悲太煞。啓惡發曰。脫空妄語。漢何處見

得來。師曰。早晨喫粥。而今又餓。啓曰。飯袋子出去。師

曰。歇歇進來。問訊和尚。商子啓嗣

蘇州朱茂苑居士。產時母夢明月射腹。驚覺乃婉長

成。信向宗門。參扣諸方。一日聞鐘有省。述偈曰。偶寓

平江道院東。諸方禪客喜相逢。十年切切求開示。不

若親聞一擊鐘。丹霞燒木佛。頌曰。木佛燒來禦禁

寒。何須特地起疑端。可憐院主親遭毒。墮落鬚眉不

自瞞。世尊初生。頌曰。錦衣公子舞鞦韆。實弄風流

逞少年。添得黃鸝鳴翠柳。十分春色播人前。忍可持嗣

逞少年添得黃鸝鳴翠柳十分春色播人前。忍可持嗣

丹徒正覺尼佛機元禪師竹篋子頌曰。拈起吹毛劍。魔佛皆膽戰。擬議問如何。雷聲轟閃電。趙州勘婆

子頌曰。勘破婆子公案兩重。山崩地裂。呆日當空。

臨濟見僧入門。便喝。頌曰。鐵牛踏破澄潭月。石虎巖

前吼不徹黑漆崑崙沒處藏。百獸聞之皆腦裂。中璞如嗣

順天報成起聖仁禪師上堂。身瘦面皮黃。都緣爲事

忙。昨朝親入市。今日又陞堂。擬唱雲門曲。猶疑不合

腔。勞煩拄杖子。代我爲敷揚。連卓拄杖。上堂。今日

開爐。柴炭俱無。掃除靈蕩。滌眞如本。無故舊。那有

親疎。饑餐渴飲。眞實工夫。冷灰爆出黃金豆。笑殺西

來碧眼胡。上堂直說曲說。讚說毀說。識者是醒。翻

不識是毒藥。毒藥醒翻一并拈却。要識楊岐驢。只有

三隻脚。桂昌銳嗣

桐城慧山清泉大宜卓禪師解制上堂。住不用錐。去

不用鈎。不住不去。鈎錐甚利。內中還有知痛癢者麼。

衆無對。師復曰。饒君走遍天涯路。盡在山僧拄杖頭。

仲春小參。春風和暖。日長夜短。青山依舊。青乾坤

依舊。轉山僧拄杖頭。今古何曾免。謹白參元人。道不

遠。人人自遠。卓拄杖一下曰。這裏不是。十洲藏嗣

京都大悲燈嚴德禪師江南常熟朱氏子。師生時香

光滿室。四歲便解跌坐。念佛十歲。父歿。偶至城西地

藏。見壁上地獄形相。生恐怖心。欲出家。母許之。象游

遼。爲之剃染。一日讀楞嚴。至阿難此非汝心處。頓起

疑意。三年乃有所會。後與福定以主人公話相詰。益

自奮力研究。歷參吳下知識。俱不契。旨圓戒舉。省從

兄于蒲邑。道出京師。途次遭癩疑情。冰釋。適定住都

門鐵佛師。詣之。定曰。幾年不相見。此事又如何。師曰。

鼻孔依然向下。垂定曰。那裏見得。師曰。特來禮拜和

尙是。夕師陳所見痛棒。打出如是者三。一日入方丈。

纔開口。便打。當下若脫千觔擔子。相似。禮拜便出。受

囑。後初住虞之破山。復入都住大悲廣泉諸刹。上

堂舉僧問。趙州如何。是祖師。西來意。州曰。庭前柏樹

子。僧曰。和尙莫將境示人。州曰。我不將境示人。僧曰。

如何。祖師西來意。州曰。庭前柏樹子。師曰。若言心境

一如好。與這僧一坑埋却。若言信手拈來。毀謗趙州

更甚。畢竟如何。是祖師。西來意。庭前柏樹子。夏日

上堂舉洞山因僧問寒暑到來如何迴避。山曰何不向無寒暑處去。曰如何是無寒暑處。山曰寒時寒殺。闍黎熱時熱殺。闍黎師曰轉功就位。轉位就功。融通妙叶。不犯離微。自是洞上宗風。只如寒時寒殺。熱時熱殺。又作麼生。回互不見道。太陽門下。日。日。三秋明月。堂前時時九夏。師誕上堂。天地同根。萬物一體。且至哉斯言。急須會取。嘉拈拄杖曰。既是萬物一體。且道拄杖子與山僧是一。是二。若道是一。山僧是山僧。拄杖是拄杖。何曾是一。若道是二。山僧屬羊。拄杖子又屬個甚麼。却喚作二。向這裏道得諦當。不妨與從上佛祖把手同行。若道不得。你有拄杖子。我與你拄杖子。你無拄杖子。我奪却你拄杖子。速道。速道。因事小參。盡大地是個火坑。得何三昧。不被燒却。遂目左右曰。看看個個肉綻皮穿去也。若是個漢。但向世間一切榮名利養人。我是非鬪諍堅固處。一椎擊破。虎空粉碎。大地平沈。正恁麼時。且道火坑在甚麼處。良久曰。再犯不容。上堂舉臨濟會下兩堂首座。同時下喝。僧問還有賓主也。無濟曰。賓主歷然。師曰。兩

家總不用喝。亦復賓主歷然。且道阿誰證明。良久曰。照顧眉毛。冬至上堂。朝來忽報一陽生。逆旅何人。不動情。只有殘僧。就寂寞。從來寒暑不相驚。歲夜小參。大盡三十日。小盡二十九。從古到如今。曆本家。家有既有。何不拈出。看時有僧欲出。師約住。曰。且住。若無本。監曆日印信。即同私曆。立春上堂。開歲越十日。風光始得。春法筵龍象。客又見一番新。一番新大地。山河倍有神。莫道東村王大姐。依然滿面是埃塵。問法身充滿于太虛。正與麼時。應身在甚麼處。師曰。山僧在上座。眼裏僧禮拜。師曰。鄭州出曹門。士問大鵬展翅。即不問金榜題名事。如何。師曰。久已斫額望子。曰。如何是無根樹。師曰。切忌節外生枝。曰。如何是無陰陽地。師曰。踏著幾人知。曰。如何是叫不響山谷。師曰。動容揚古路。不墮悄然機。平巖定嗣鄂州龍華吼山興禪師江夏張氏子。結制上堂。七日。前壁立萬仞。追到牛角尖頭。直要懸崖撒手。七日後。裂破漆桶。勦絕命根也。須絕後再甦。正當七日內。你諸人性命。盡在山僧手裏。以拄杖連打曰。急速救取。

示衆我有達磨隻履乾坤踏徧無底脫在糞掃堆頭千聖提掇不起 問如何是般若體師曰橫三豎四曰如何是般若用師曰七穿八穴曰如何是體用一如師便打省庵由嗣

青田崇勝桂巖嵩禪師蕭田人少從父遊寺見一羅漢以兩手拍開胸膛露出一佛鼓掌笑曰奇哉原來心頭有佛詣長樂龍峰披剃二十四歲出嶺參崇勝晶機緣相契後承印可繼席 示衆一毫頭上立乾坤百億須彌繞日月乃豎拂曰能於者裏識根源南北東西何途轍 小參風高月冷海闊天空猿啼遠岫鶴唳喬松提挈衲僧巴鼻發明佛祖綱宗卷舒自在八面玲瓏直須坐斷主人翁古木斜陽嶺外紅 小參十里長亭五里短亭神疲力倦暫爾消停風來一陣鳥語數聲汗乾體爽眼豁心清從茲歸去好歸去休問前途多少程 問如何是崇勝境師曰千峰翠繞芝溪水曰如何是境中人師曰瘦骨寒披毳衲衣 問燈籠與露柱相交是第幾機師曰是第二機曰如何是第一機師曰燈籠與露柱相交 問如何

是冬來意師曰嶺梅破玉 問如何是佛師曰雞嘴尖鴨嘴匾 問如何是孟春境師曰鷓鴣啼處百花香白蟻鼻嗣

通州廣慧啓密綿禪師示衆今朝識得是初一萬事從茲俱了畢靜聞啞子唱山歌笑看泥牛相鬪踢拳來脚去逞風流錯把須彌打一擲直得龍王怒不休帶累修羅雙眼突拄杖從空見不平各與三十齊趂出連卓拄杖喝一喝均實水嗣

通州廣慧笑翁珍禪師上堂舉拂子曰若向這裏透得可以放曠隨緣設若佇機停思未免當面錯過山僧更與註破今朝據室復陞堂四衆雲臻沾法喜露柱燈籠合進香森羅萬象齊施禮 師出世不久遂爾遷化臨終書偈曰住世風顛三十二載呵佛罵祖生平慶快瀟灑而行無些罣礙擲筆而逝均實水嗣 大名興化斷指覺禪師參玉田潤得法後結茅于天雄軍之城西十里每夜坐見祥光燭天追求之得臨濟祖塔埋沒瓦礫中師遂重建石幢鼎新塔院天童恣古南門報恩賢天目琇俱爲捐資以讚助之又建

興化塔寺于側不三年而成叢席與復第一祖庭緣
非小可也。僧問虛空粉碎大地平沉底境界還喫
臨濟痛棒也。無師曰罪不重科。問古塔巍然不動
還有向上事也。無師曰瞻之仰之僧禮拜師曰因我
得禮汝。玉田潤嗣

虞山中峰天山旭禪師。溧陽史氏子。俗名藩。以世胄
擢大金吾。援勦山東流寇。奏捷勅賜巡邊值鼎革。洪
內院疏請。陞見願。懇爲僧。初參福嚴天目。後入龍華
滿室。遍拶三閤。月以野鴨子公案。聞報鐘聲得省。補
第一座。臘八上堂。豎拂子曰。釋迦老子來也。向這
裏會得。則不用勞形忍餓六載。三年明星夜夜。燦中
天德慧。無邊傳正續。大眾會麼。倘或未能。山僧下個
註脚。擲拂子曰。切莫漂流在異鄉。雲漢滿嗣

虞山智林僧木蔭禪師。邑之楊氏子。上堂。卽心卽佛。
鴨聽雷鳴。非心非佛。畫蛇添足。離卽離非。癡人說夢。
是卽是非。矮子觀場。內中有一句。不是心。不是佛。不
是物。具眼者試辨看。雲漢滿嗣

崑山葛毅調居士名鼎。號七空。十六歲于古人言句

上起疑。遂徹夜坐香。脫略塵事。會世變。獨居究心。教
乘後謁古南門。靈隱禮各有契。入繼參妙喜。滿朝夕
質疑。一日滿問。路逢死蛇。莫打殺。如何。士曰。死蛇原
不死。打殺便不生。問無底籃子。盛將歸。如何。士曰。無
底盛。將來有底盡底去。滿領之。婆生七子。頌曰。從
來大地絕知音。拋擲從誇眼目新。可惜末兒泥水浸。
放他六子長威神。倒騎牛入佛殿。頌曰。多劫騎牛。
祇爲不鑑。這回倒騎得個方便。絕勝覓牛。幸他佛殿。

雲漢滿嗣

京口聽潮。慧雲頂禪師。武進陸氏子。依鹿泉。漢一日
聞黃鸝鳴。開悟。出住廣陵。萬壽上堂。揮拂子曰。達磨
留下一隻履。偏地兒孫提不起。直教做得十分像。不
是歛頭便歪嘴。我亦自笑求其全。南北東西覓知己。
那管逢人出不出。萬壽勉作三年主。驗盡方來少作
家。寂寥此道誰堪語。作收拂子勢曰。莫教鉢鉢空。狼
藉收拾歸家著。自底。問須彌山畢。竟是有是無。師
曰。頓向你面前了也。獨囊演嗣

洪都西山龍泉千山峻禪師。問如何是戒。師曰。斷除

妄想重增病曰如何是禪師曰趣向真如亦是邪曰如何是不遷義師曰石壓筍斜出懸崖花倒生曰如何是行脚事師曰乞食前村去臨池洗鉢回獨案洪都靖安法藥百拙倫禪師問法藥是甚麼湯頭師便打曰且莫亂打師復打曰蒼天蒼天師曰病狂叫屈多死少活僧擬議師直打退獨案

五燈全書卷第九十六

五燈全書卷第九十七

京都聖感禪寺住持臣僧 超永 編輯
京都古華嚴寺住持臣僧 超授 較閱 進

呈
臨濟宗

南嶽下三十六世隨錄

杭州開化化南上禪師越之浣溪人稚時口瘡七歲方知語言九歲過五洩禮佛見僧如舊識乃投出家後上天童悟祖命參萬法歸一一歸何處話逾年聞

貓聲豁然開悟祖遽問萬法歸一一歸何處師曰烏龜鑽破壁悟領之最後參鹿泉演一見契合開化上堂舉達觀頌曰諸方釣又曲餌又無猶如水底菰葫蘆拈拄杖作釣勢曰深水取魚長性命不曾將酒祭江神開化又且不然家業輕舟一葉朝南暮北隨流得意高歌數曲忘機閒伴沙鷗遂收取拂子曰寧教絃斷成孤峻不爲門庭下曲鈞獨案潤州龍山放雲智禪師參鹿泉演看南泉三不是話偶柴扁挑墮地作聲咄曰元來元來不是心不是佛不是物欲覓覓不得欲避避不得冷地親看破分明者個賊頌竹篋子曰竹篋子無背面利似吹毛揮八面諸僧問者是如何拍破腦門鮮血濺看取香爐吞佛殿龍牙石龜頌曰前朝風昨夜雨今日夢回又見鬼鬼扯腿跌折嘴仔細思量弄自己趙州城門頌曰四門開豁趙州城南北東西道路分二十五絃彈夜月玉樓人醉杏花村獨案都督葵軒居士張國勛宣府世家初于福嚴容安田靜愚菴孟天界盛參扣有年再訪鹿泉演問如何是

捷徑路頭。濱曰。黃鶴山頭春。萬家士曰。如何是歸源的旨。濱曰。瘦拳斜枕臥梅花。士曰。幾乎錯過目前機。濱曰。已知居士是家裏人。士曰。弟子究心佛法。不敢自負生平。但恐業累羈人。惟願不吝慈悲。濱曰。居士如寶劍在握。一斬一切。斷何處更有業累。所羈士于言下。猛省呈偈曰。于此植機緣。我道總一般。山頭明月下。松風話指南。渴癡演嗣

廣東淨業方中式禪師。月夜示衆。初出銀蟾遍大千。尖時圓相已完全。只今笑語垂楊下。多少清光在目。前大衆。這個光明人人本有。因甚不知落處。響盤山曰。光非照鏡。鏡亦非存光。景俱忘復是何物。且道是月不是月。是月。曙却諸人了。也不是月。汝等作麼生會。便下座。拳石沃嗣

昆陽玉倉碧峰微禪師。示衆。我此法印。如塗毒鼓。聞者命根頓斷。諸人如何湊泊。直下便是。已涉增梯。總不恁麼。猶落情識。任他千聖。到來一齊列在下風。汝等還識此法印麼。擲下拄杖。小參。今日將十方世界權借爲一禪堂。開深深之爐。堆燄燄之煤。是凡是

聖。萬象森羅。一一盡在其中。朝打三千。暮打八百。個皮穿骨露。脫體無依。衆中還有不受煅煉者麼。拈竹篋曰。禹門三級千層浪。奮迅休遭點額回。拳石沃嗣

明州普陀貫之。珏禪師。姚江陳氏子。元宵解制上堂。萬象回春。冰河轉綠。黃鳥閒關。魚蝦踴躍。跳當是時也。鐵樹共銀花。競彩金烏與玉兔。潛輝衲僧家。行止未卜。脚跟下去。住何傷。到這裏。琉璃瓶。祇盛獅子乳。龍象踐踏。非驢所堪出。頭跛驚行。乎其所得。不行得水真龍。得乎其不得。不止若也。腳踏實地。底爾等亦須善自體。悉良久曰。仍把鉢盂。安舊位。莫教虛費草鞋錢。拳石沃嗣

四明薛蘿尼慧空禪師。鄞縣王氏女。三十三歲辭俗出家。初參念佛底是誰。苦無入處。因參天童奇。問盤陀石上珠一顆。無去無來。不見踪。請和尚直指。奇曰。說底是誰。師沈吟。奇一喝。師大起疑情。歸途遇老宿。問如何是本來面目。宿曰。禮拜的是誰。師于言下頓悟。遂述偈曰。四大浮囊假借。因拈香撥火。阿誰親從。今燦破。壞生面。大地山河一統平。又曰。本自無心。物

自開通身渾露祖師。俄然一念超方外。水自水兮

山自山。攀石沃嗣

江都中房李謙居士。淮安山陽籍。北直人。年十二。夢朝天帝。令二僧傳示。龍從火裏出。虎向水中生。十字醒白。二親親曰。汝未生前。因禱呂祖。而孕。士遽問。未生前作麼生。父大異之。年既長。好讀孫吳書。二十八歲。中崇禎丁丑。進士三十二歲。遇異人。授三教心法。遂棄職尋師。歷參名宿。謁商尊元。問臨濟三句話。尊喝曰。要山僧說與你聽麼。士矍然。又問雲門拄杖子。踴跳因緣。尊又喝曰。要山僧講與你聽麼。士于言下。大省曰。毗耶一默。觀聽全消。月落烏啼。雲漢昭尊。曰。從來孝子諱爺名。士禮三拜。尊深然之。後謁天峰清一。一見許可。特爲上堂。問路逢達道人。不將語默對。將甚麼對。士曰。臨去秋波那一轉。清曰。未在。更道。士曰。先號咷而後笑。清遂記。荆士嘗獨居。與教僧寮。隨機說法。唱演楞嚴。圓覺大義。世稱田大士。復生。僧問趙州。繞禪床一匝。何云轉藏。竟士曰。繞下禪床。早知轉經已竟。曰。婆子。因何云只轉半藏。士曰。牛邊窗。

欄頭足四蹄。都過了。爲甚麼尾巴過不得。僧曰。差別

公案如是者。少天峯清嗣

興化融峰萍寄普禪師。上堂。擊鼓鳴鐘。已舉揚何勞。請我更陞堂。不知棒喝。重彰露。猶聽叨叨說短長。便喝散大衆。擲拄杖下座。上堂。豎起拂子曰。惟此一事。實餘二則。非眞復自擲口曰。山僧今日爲人錯下註脚。上堂。拈拄杖曰。山僧今日特請木上座。爲汝等一上去也。卓拄杖曰。諦聽諦聽。問生從何來。師舉火鐮曰。這張火鐮子。三文錢買的。曰。死從何去。師曰。一擦火星飛。問如何是道。師曰。水陸通衢。曰。不問這個道。師曰。問甚麼道。曰。問大道。師曰。南北東西。法音深嗣

嘉興會龍破峰一禪師。海寧曹氏子。上堂。院無大小衆。無多寡。小中現大。大中現小。不見道。文殊騎象于藕絲孔裏。消息全無。鴻蒙鼓翅于北溟之上。浪沸波騰。事會也得。處處綠楊堪繫馬。理會也得。家家有路透長安。顧左右曰。只恐不是玉。是玉也大奇。法音深嗣

揚州遠峰旨玄泰禪師。興化焦氏子。十四出家。依建

隆深力參有年。深一日問不落古今道。將一句來。師曰。不道。深曰。爲甚麼不道。師曰。道又落古今也。深休去。僧問。今日喫粥喫飯。師曰。打破鍋來向汝道。曰。打破也。師曰。一任飽餐。拈趙州狗子佛性有無頌。曰。佛性緣何說有無。十分春色滿皇都。掠虛頭。漠無依。賴留與兒孫唱哩囉。黃龍三關頌。曰。驢脚生緣與佛手。橫三豎四。揚家醜。看來不值半文錢。也向人前開大口。法音 深嗣

融峰法幢普禪師。與化李氏子上堂。鍾音鏗鏘。鼓聲軒昂。山僧陞座。衆立兩旁。喝一喝。曰。底事分明全露布。何須重疊更宣揚。師嘗頌汾陽三訣。曰。第一訣。不容擬議。無分說。秤錘是鐵。甚分明。看到秤錘重著。楔第二訣。馬祖藍關。消思絕。朔風凜凜。普天寒大地。山河一片雪。第三訣。百草頭邊。俱露泄。桃紅李白柳垂青。子規聲裏流啼血。又曰。汾陽三訣。強生枝節。要知落處。水冷火熱。僧問。心經云。無眼耳鼻舌身意。將甚麼說法。師良久問僧。適間問個甚麼。僧擬開口。師便以手掩却。法音 深嗣

江都維摩古梅寬禪師。邑之方氏子。佛開光上堂。一陽開泰。萬象咸亨。四衆瞻依。佛光明照。且道維摩今日有何義諦。以拄杖擊香几。曰。大衆盡大地是個佛身。汝等向甚麼處安居。復擊一下。曰。泥牛吼月。歸東海。萬水朝宗。又一重。法音 深嗣

六安佛國文楚演禪師。泰州屠氏子。上堂。舉本師深到月菴。曰。菴主在否。曰。不在。深曰。甚處去。曰。隨起家去。深曰。水牯牛牽去麼。曰。不知。深打僧三下。便出菴。主回。僧舉前話。菴主曰。水牯牛被人牽去。也不謹慎。遂打擯出。深問。曰。略較些子。雖然如是。也是按牛頭喫草。師曰。仰之彌高。鑽之彌堅。瞻之在前。忽焉在後。大衆老人。這樣說話。還知他人落處麼。將成九仞之山。不進一簣之土。喝一喝。法音 深嗣

青州萬祥麒禪師。示衆。今日聊將一線通。秋水畫圖中。紅輪劈破闍黎面。擬議思量隔萬重。法音 深嗣 眞州大慈尼桴海濟禪師。上堂。學道應須達正因。道源曾不隔微塵。當知一切衆生界。卽是如來正法輪。濟長老截舌去也。衆中還有相救者麼。喝一喝。下座。

法音
深淵

雲間賈龍文居士名達真。年九歲。父母俱喪。兄龍媒撫養。婚娶後。愛酒好訟。十載。囹圄鼎革以來。諸事不豫。每嘆光陰有限。世事不常。發願念佛。齋僧。漸漸留心。本分參佛。果聞。韜明宗三默權。霽崙永諸禪宿。六載工夫。幾成一片。每於行住坐臥時。如皓月澄潭。純清絕點。及至勘問。便轉身不得。一日。請永至舍齋後。永放下面皮。痛加逼拶。問居士。即今一口氣不來。向何處安身立命。直得無語。可對回。入室中。豎起脊梁。萬緣放下。不覺冷汗如雨。忽聽更鑼聲。通身慶快。如拋下千觔擔子一般。出侍次。永問得何消息。士震威一喝。永曰。親切道來。士便掌。永曰。不怕罪過。士曰。蒼天蒼天。即呈偈曰。樹凋葉落見秋空。全放全收不露踪。人亦忘時牛亦滅。一輪皎皎碧天中。永曰。不信道。士隨畫圓相曰。大地平沈。遍界空。腦門裂破。任西東。振聲一喝。千江逆萬法。收歸絕異同。永頷之。明日往龍華入方丈。宗曰。內不放。出外不放。入如何。是你作。用。士曰。一搗粉碎。宗曰。那裏學來的。士曰。好個具眼。

堂頭宗曰。你的眼。濟士便喝。宗拈棒。士便出。偏歷諸方。後受報恩。訇記荊。隨機應接。遲性逍遙。至康熙乙丑冬月。示微疾。書遺訓十則。誠勉其子。不得行世禮。須備木龕。道服。自製封龕偈曰。向來愛坐。今日要眠。向來要眠。今日愛坐。兩俱不著。圓無回互。天然一段好風光。赤骨條條。我獨步。舉火偈曰。賈龍文。賈龍文。紅爐烈焰。久煉精金。胸中惡氣。脫體從新。入火不變。入水澄清。撒火炬曰。一道風光。無限樂。換却時人眼裏。晴復書一偈曰。此番決定。別無私。撒手分明在戊時。若能識得。其中意。雲在山兮。月在池。一笑而逝。佛果。

汝寧羅山巖立敏禪師。休寧人。參寄菴。深問如何。是佛法的大意。深曰。待山前石龜解語。方。向汝道。師擬議。深便喝。一日。騎驢過澗。有省。歸乃禮拜曰。山前石龜。今日點首也。深學首。師曰。切忌多口。深下禪床。師指曰。老漢脚跟。猶未點地。在。呈偈曰。忘餐廢寢亦無端。謬把孃生鼻。捏酸小塔山前。遣一撲。虛空笑得舌頭乾。深爲印可。深。

溧水劉惟贊居士不第後閉關二十年有省註經解論嘗作山居百首有曰日用工夫在鑷頭剪茅誅葛自無休有人笑我空勞力個事如何向別求參禪何用坐蒲團活處工夫死處鑽事事隨緣無不是百般滋味一般酸寄菴

蘇州法華樹南祚禪師上堂丁一卓二白雲淡泞放兩拋三瀾水潺湲住住假雞聲韻難瞞我未肯模糊放過關以拄杖卓一下曰這個喚作關諸人作麼生過時有僧纔出師連打曰也不得輕放隨後曰的是孟嘗門下客從教一去不輕還元夕解制上堂火就乾水就涇棘何曲松何直南來自南北去自北出門草漫漫沿街燈簇簇一棚兩棚三碗四碗六六原來三十六說與今朝衲子各各觀光飽足示衆天上天下唯我獨尊世尊最初之句正法眼藏涅槃妙心世尊末後之機此話西徧西天東徧東土必也共相委悉及乎輕輕拶著多是開口不得更向語言上尋心思上下日日東昇日日西沒日日會時金鳥飛向廣淵玉兔走入陽谷示衆寒山寺笑呵呵

法華院挨濟濟黑豆子換人眼睛紅荔枝赤荔枝與人吞噉閉目食蝸牛何處門頭無幾個開眼喫鼠糞誰家釜裏有兩顆會則蝦蟇大蟲貓兒老鼠不會三世如來一大藏教在你腳底參結七上堂山僧有兩個關板子三十年行脚東尋西討未敢布露今日結七安禪爲汝等拈出要且坐斷仰山九十六種圓相及得盡底去也釋迦達磨未能出得這裏師以手畫△▽曰諸禪德若透得這兩字如天有日月照臨八表九州如地有泉淵週流五湖四海如人有眼目勘驗天下衲僧且道以何爲驗乃豎拂子曰還識麼復放下拂子曰還會麼山僧字義已說注解已竟個中若有仙陀客何必文殊下一匙春朝上堂桃花紅李花白揭開佛祖眼睛小葉柳大葉楊穿過衲僧巴鼻泥牛打破千年古木敷榮木馬牽回萬里長途瞬息出谷黃鸝毛自乾入水烏龜頭不溼有智主人黑眼漆無位真人赤骨律咄咄何處春晴轟霹靂示衆咄咄臨濟小斯兒壓著大愚肋不禁三拳叫屈聲風清月皎有何極子規啼上杜鵑花長恨游人

歸不得歸不得。歸便得十分春色滿皇都。五陵公子鞭驄勒。夜來爛醉臥花街。回頭日出東方白。土問百姓日用而不知。知得又如何。師曰。智者見之謂之智。仁者見之謂之仁。曰。請示佛法。師曰。你自己屋裏不打點問他家事。問如何是彼岸。師曰。此路曰問水。答水問蟲。答蟲。學人問彼岸。因甚和尚答此路。師曰。此路不通。彌整

益州嵩山竺竹福慧禪師。渝州長壽葉氏子。因遭變亂。父母鬻散。孤身南避黔州。不覺一念回觀。立志脫白。求禮東明。曉剃落未幾。去謁龍門。示以萬法歸一。一歸何處。話參究有年。始有契悟。仍受龍門記。別出住雲南。慈雲蒙化竹林。順寧五福樹宗。善法富民法華。激江彌勒。益州嵩山。上堂。卽心卽佛也。不是非心。非佛也。不是不是心。不是佛。不是物。也不是泥神。笑金剛骨出土。地罵伽藍面黑。會則脫體風流。不會莫枉久立。上堂。一二三四五六七。楊岐老子舌頭赤。新婦騎驢阿家牽。伶俐衲僧爭得識。喝一喝。上堂。去年春在天目。今年春在五福。却把寒梅仔細

看。枝枝撐破山頭綠。誰家灑酒賽勾芒。不管子規啼血出。上堂。僧問。如何是三寶。師曰。稻梁菽。曰。意旨如何。師曰。二時喫得飽。駒乃曰。若是德山臨濟。以杖指曰。且向這邊立。若是文殊普賢。以杖指曰。且向這邊立。顧左右曰。臥龍不合爲諸人註脚。便下座。

上堂。一聲呱破稱雄安。知雲門棒折。更有白拈老子說他。所見不別。拈拄杖曰。當斷不斷。返招賊。擲拄杖。呵呵下座。中秋晚參。青山日日雨。傾盆祇說廣寒羞。見人忽地晴。開天如洗。清光依舊在江蘋。鷺召衆曰。正恁麼時。還是修行耶。供養耶。拂袖歸去。耶。星隨平野闊。月涌大江流。開南小參。拈拂子召衆曰。會麼。開南盡處。是天涯。竹引清風。日正斜。杖上無錢沽白酒。且傾一盃趙州茶。笑者如麻。不笑者如麻。放下曰。吽。吽。小參。匡徒領衆。竭吾才。祇要兒孫正眼開。若是分明開正眼。衆生諸佛一坑埋。以拄杖畫一畫曰。且道毗盧遮那。畫復畫一畫。小參。知見立知。卽無明本。知見無見。斯卽涅槃。驚豎拄杖曰。安楞嚴。安楞嚴。你何曾識得。菱花未照前。示衆。寸絲不挂。

粒米不餐底衲僧正好痛與三十棒爲甚如此爲他祇解潔白地上作活未解一切處流通雖然且到這裏著示衆要取便取要舍便舍取舍兩忘時如何大唐國裏安他不下士問如何是父母未生前面目師劈口掌曰是生耶未生耶問如何是水中心師曰教你撈摸不著

山禪辭

五燈全書卷第九十七

五燈全書卷第九十七補遺

臨濟宗

南嶽下第三十六世隨錄

松隱栢山森禪師問如何是松隱境師曰橋橫活水由升降塔挂清風任往還曰如何是境中人師曰體掛袈裟離世相心懸祖印出人間曰法王法令意旨如何師曰急須著眼看僊人莫看僊人手中扇小參三乘十二分教俱是止啼黃葉一千七百公案總

●續隨錄

●雲下隨記
是字

乃陳爛葛藤今向諸佛談說不著處諸祖行履不到的略通一錢言外知歸舉拂曰初開新氣象齊唱太平歌晚參萬緣叢中夏五月松隱林開獅子窟箇箇心空及第歸塵說利說熾然說熾然說無間歇山色無非清淨身溪聲盡廣長舌

冠帽辭

智海曇紹杲禪師上堂南泉斬猫打失兩隻眼睛趙州禮拜贏得一鞦韆鞋打鎖敲枷斬釘截鐵是山僧分上事諸人分中又作麼生道良久曰十字街心一塊磚上堂摩尼珠人不識如來藏裏親收得薰召曰大衆如何是摩尼珠喚什麼作如來藏良久乃以手指曰者箇上座肥那箇上座瘦便下座清明上堂草芊芊花爛熳春風拂面寒紙錢灰線亂觸目烟霞處俱是名利漢終日走紅塵何不同光看各各持鉢著土聲聲喚子呼爺不如子規親切叫道急早還家夜來何處狂飈起吹落人間多少花僧參師良久曰和尚何得一語不施師曰早識得汝了也僧參師曰近自何來曰臺山師曰聞說清涼石被海龍王移去是否僧罔措師打曰何得不持五戒

禪經

洪都法藥百拙倫禪師結制上堂。今朝法藥結制大似一場兒戲。柴炭渾無些些。却也不成。體。辜負龍象到來。猶如賊打空室。非是山僧怯財。要汝偷心。願息諸方點鐵成金。我道點金成鐵。從來眼裏不著沙。歷劫何曾異。今日呵呵。呵好大哥。警不警。若不警。且自關門去。拽石。驚然。踢著自家底。九九元還八十一。喝一喝。解制小參。九旬閉門造車。今朝開門合轍。打車打牛。總莫交涉。蘇州有常州。有八角磨盤空裏走。遇著拾得與寒山。鼓掌呵呵笑破口。僧參師豎拂子。僧便喝。師曰。作家禪客。宛爾不同。僧又喝。師曰。山僧今日失却一隻眼。便打出。問如何。是一師曰。今日不答話。曰。爲甚麼不答話。師曰。恐汝落在二山。次

演

泰州定慧容德裕禪師示衆。只合寒江坐釣磯。等閑識得舊荷衣。雖然踏著家山路。雲護春深出繡緯。頌臺山婆子曰。兩岸蘆花兩岸香。杖藜雲外異清涼。道人行處離中虛。日月經天有底藏。法書

深

建隆拙翁最侍者。一日坐香次。深問如何。是本來面

目。師曰。腿麻脚酸。深曰。莫錯好。師曰。甜瓜徹蒂甜。苦瓜連根苦。頌本來面目曰。昔年攜手向高臺。叢菊丹楓覆酒杯。今日半山園獨醉。清風明月久徘徊。法書

深

蘇州西山機先曉禪師示衆。拈拄杖卓一卓曰。勘破了也。底事分明全露布。何須重疊費商量。小參以拂子向空中點三下。乃顧左右曰。見麼。家肥生孝子。國霸有賢臣。擲拂下座。法書

深

廬陵聶先樂讀居士參建隆深。一見機契。每入室棒下得旨。一日深舉拂子。士曰。入地獄如箭射。深放下拂子。士曰。入地獄如箭射。深曰。不拈不放。一句。擲士曰。入地獄如箭射。深曰。西來大意。可曾會麼。士曰。拈箇泥彈子打殺活雀兒。深曰。還能救得麼。士曰。滿堂僧不厭一箇俗人多。深便打退士。轉續指月錄。行世。法書

深

松江倪超定永清居士淹博古今。以詩名世。入建隆深室。有機最契。呈偈曰。那容門外木馬行。不聞海底泥牛叫。一拳打倒四金剛。彌勒果然呵呵笑。深領之。

一日雪首座問紙縫中有本來面目。日月照耀居士可曾見麼。士便喝。雪曰。詩在筆尖頭。大地山河在舌頭。且道當人心血如此用盡。成得什麼邊事。士曰。野鴨子飛過去也。雪曰。麻三斤兒過也。未士曰。從來不曾妄誕。雪曰。乾矢橛用得著麼。士曰。悉憑首座證。據雪曰。四句外別通一線。看士曰。夜深困倦。法音深嗣

明州補陀自天育禪師晚參。薄福住補陀家。常事無僧堂名。不二少炭漫開爐。不用煖處商量。貴在當陽拋出。且道火種在甚麼處。薦舉拂子曰。喚作火燒殺你。不喚作火凍殺你。示衆。春回大地。雪漫漫莫作尋常景致看。指出峯山頭已白。人間疑是玉龍蟠。顧左右曰。莫受人瞞。退院示衆。千丈巖前浪沒天。三山雲接筈山連海門。風急潮回。晚收拾絲綸過別川。橫擔拄杖下座。奉石沃嗣

明州隱學岸麟駿禪師示衆。舉僧問睦州。一言道盡時如何。州曰。老僧在汝鉢裏。裏又問雲門。一言道盡時如何。雲曰。裂破師曰。或問隱學。一言道盡時如何。合取兩片皮。小參。今朝臘月十四。諸人看是不

是當陽放大寶光。切忌當面蹉過。不蹉過寒則徹骨寒。熱則通身熱。喝一喝下座。問。一年之稻早已收。割一生之道爲甚。不了。師打曰。且道了也未。奉石沃嗣常州萬育霖。沛汾禪師。彌陀誕日上堂。自性本圓明。自性本空寂。生固未常生。滅亦何常滅。西方古佛號彌陀。相傳降誕在今日。諸仁者。高著眼看。你道彌陀生也未。若道露柱尙懷胎。固是平地死漢。若道玉毫已現瑞。也是眼裏生花。薦舉拂子曰。彌陀來也。若果見得分明。則七寶池八功德水。頭頭現。前樓臺殿閣。金銀琉璃。轉轉瓔珞。物物具足。迦陵頻伽。諸鳥無不演唱雅音。五根五力。七菩提分。八聖道分。功德莊嚴。又何須口裏念真言。眼前作佛事。其或未然。必須猛力看去。如子憶母。如母憶子。哀切追尋。追到無可追尋。到無可尋處。忽然冰河發。因地一聲再來親喫。山僧痛棒。何故。響冬至離春四十五。問。如何是萬法歸一。師曰。開口便錯。曰。一歸何處。師曰。重陽九月九。問。一念未生時如何。師曰。這問從何處得來。問。古鏡未磨時如何。師曰。無汝覷眼處。磨後如何。師

曰無汝藏身處彌堅

澄嗣

京都九華晦嵩慧禪師上堂五九四十五窮漢街頭舞卓拄杖曰發機須用千鈞弩上堂古人道從文殊門入者牆壁瓦礫爲汝發機觀音門入者蝦蟇蚯蚓爲汝發機普賢門入者不動步徧十方卓拄杖曰且道從這裏入者阿那箇爲汝發機顧左右曰半嶺夕銜樹落一行斜雁向人來解冬示衆去年結未曾結拶出諸人佛手今年解未曾解緊悄諸人驢脚祇知道人人有箇生緣諸人生緣在甚麼處渴飲饑餐好自如莫學茫茫顛倒走示衆學阿育王問賓頭盧尊者曰承聞尊者親見佛來是否者以手撥開眉云親見佛來示衆舉僧問雲門如何是清淨法身門曰花藥欄彌堅

澄嗣

後又作麼生相見復顧左右曰還我話頭來上堂臘月二十五雲門一曲譜石女弄笙歌崑崙水上舞大用從來顛倒顛五五不成二十五問牛頭未見四祖時如何師曰擎頭帶角曰見四祖後又且如何師曰失却鼻孔一僧到師問參甚麼話頭曰合是和尙記得師曰却是山僧罪過山暉

辨嗣

揚州吳陵光孝旭峰焯禪師南通州徐氏子出家于本州三仙寺天童受具得法光孝出住屹礪山至佛殿基以拄杖指曰虛空的宮殿瓦礫的金身羣山的大衆一切盡屬拄杖子了也且道契書甚人寫復以拄杖畫十字曰五湖烟景有誰爭解制上堂師高聲召大衆曰水牯牛走也衆皆回首師曰山僧說法少人知待你知來是幾時便下座示衆學道人抱個話頭如握一把鐵掃帚相似佛來也掃魔來也掃一切物來一切掃直掃到無掃處老僧更問汝覓掃帚在問如何是萬法歸一師曰拄杖子吞却大千世界曰畢竟一歸何處師便打問如何是祖師西來意師曰簷聲未斷前宵雨曰不會師曰電影還連

後夜雷玉田

亳州護國義明今禪師。開封蘭陽楊氏子。生而不茹。年五歲。送入鄉塾。開卷。即閉目思睡。聞梵誦聲。輒喜。躍。年十二。懇求出家。父母不許。先是大中丞瑞軒丁公文盛。秉臬中州。公之子制府泰嚴。公思孔方垂髫。公一夕夢。韋賦謂曰。公之子。乘願輪來。當取科第立功勳。然須覓一人代爲薙染。以報佛恩。隨以手中杵。指旁立童子曰。此兒大乘法器也。毋踐過。公唯唯。及醒。以語黃夫人。而黃夫人所得夢亦同。不勝歎異。翌日。公偶出師。年十五。方自塾歸。途中卒不及避。因拱立道左。公瞥見之。乃宛然夢中童子也。因喚至。署問童子志。何所慕。師曰。願出家。公以夢中事語其父。父曰。此天也不可強矣。公因出廉俸爲之落髮。師脫白後。不半載。歎曰。出家兒爲了生死大事。豈如此虛消信食。唐喪光陰耶。遂腰包頂笠。孤身行脚。參請知識。三十餘輩。究心多年。不甚明了。至亳州護國謁洞上白雪靜令參萬法歸。一一歸何處。話苦心體究。一夕漏盡不寐。忽聞鷄鳴。有省。作偈曰。譙樓敲徹短長更。

快快快快

燈盡油乾。兩目瞠。腦膊一聲剛報曉。隣家惹得衆雞鳴。次早呈白。靜靜掩偈曰。速道速道。師曰。金屑雖貴。落眼成翳。靜曰。不許夜行。剛把火直須當道與人看。師曰。快便難逢。靜曰。三十年後逢人。不得錯舉。師震威。便喝。靜曰。據子見處。當是臨濟兒孫。於是溫研。積累二十年。如一日也。康熙甲戌。秋。聞制府泰嚴公殁於官。快快如有所失。迨次年秋。思公小祥。日近。遂挈笠入都。遇乾乾。駐錫保安。遂往咨叩。湜問甚處來。師曰。亳州。湜曰。到此幾程。師曰。二千里。湜曰。船來陸來。師曰。頭頭有路。透長安。湜拈拄杖曰。向這裏更道。師曰。蒼天。蒼天。湜便打師拂袖便出。有頃。師重具威儀。上方丈請益。湜曰。趙州三十年前。火爐頭有箇無賓主。話未曾有人舉著。此意如何。師曰。和尚年高。莫要麤喫。湜曰。畢竟如何。は無賓主。話。師曰。鴉鳴鴉鳴。湜曰。只如元沙。聞得云者。老漢脚跟猶未點。地在又作麼生。師曰。獅子咬人。韓盧逐塊。湜曰。出頭天外看。誰是我般人。師作掀禪床勢。湜休去。一日。值湜上堂。師纔出衆。問訊。湜曰。來者好。一員法門戰將。

師曰和尚眞箇具眼。湜曰運籌帷幄之中。決勝千里之外。又是什麼人分上事。師曰。攬旗奪鼓。據險用奇。不無和尚。踞虎頭。收虎尾。第一句下明宗旨。還讓某甲。湜曰。老僧祈願望汝已久。師向前三步。應諾。諾。湜劈頭便棒曰。且道者一棒是踞虎頭。是收虎尾。師遂禮拜曰。恩大難酬。湜深領之。以拄杖源流當堂記前。偈曰。叩徧諸方已有年。師資道合本天然。從教拄杖爲龍去。接盡人中上上賢。乾乾湜嗣

宿遷法華半雲伏禪師臘八上堂。霍曇夜半觀明星。打失娘生兩眼睛。新得一般奇特事。十方世界總全身。總全身不用尋梅花枝上寒香噴。箇箇山頭頂白雲。上堂兩堂首座齊聲喝。賓主歷然當下分。不是久經行陣。手山僧杖下不容情。曹山酒金牛飯雲門餅。趙州茶自古風流出當家。雙手呈起拄杖曰。大眾見麼。滿盤托出多般味。一飽忘饑萬事休。卓拄杖下座。師看書次。僧問。如何是祖師西來意。師曰。一句。一圓。曰。如何是一句。一圓。師曰。汝問甚麼。問大道無形。如何得見其道。師曰。青色。青光。黃色。黃光。曰。學。

人因甚不見師曰。祇爲太近。頌臺山婆子曰。綠茸深厚迷歸鳥。南北風吹啓薜蘿。浪子不甘休歇去。長天空挂月如珂。頌趙州勘二庵主曰。兵符在握任施爲。雷掣雷轟妙用奇。一等沙場全著力。當鋒殺活有誰知。獨癡演嗣

廣陵萬壽慈雲頂禪師小參。上古禪子無叢林。巢居穴處絕羈絆。曰。則乞食向村落。室家無慮道可辦。雖然行止若雲踪。豈免朝夕風雨患。後來大智創叢林。杖錫所至起烟爨。四方老幼盡來歸。養育材器從此燬。全憑主法行法令。循規蹈矩統條貫。長者如兄少者弟。四攝六和無諍慢。開門七事要支撐。身心道業俱成現。如上所說當遵行。拄杖無情如鐵面。上堂。聲色浩浩總是西來大道。衆生本不曾迷。聲色浩浩不是西來大道。諸佛本不曾悟。了知迷悟不相干。柳巷花街隨處安。絕憎絕愛癡癡惑。惑等閒潑潑潑。籍只知有飯開口便吃。那來討甚佛法多般。若便恁麼去。將謂辜負高檀。若不恁麼去。畢竟將何指南。遂起身以拄杖架肩曰。志公不是閒和尚。花剪刀子杖頭。

有僧參師曰巍巍堂堂煒煒煌煌是個甚麼僧

措師曰將謂是絕妙好辭原來是個沒字牌

獨癡漢詞

潤州鹿泉牧庵密禪師除夕小參拈拄杖曰去年臘月三十日有者個今年臘月三十日也有者個復舉

拄杖曰還見麼若道有見有聞却是隨聲逐色卓一

下曰還聞麼若道不見不聞人是避色逃聲畢竟如

何擲下拄杖曰領取山頭凍色共繁茗碗薦春繁

小參虎泉一滴水含吐十虛無向背對面潑來深

千尺知恩者少當頭澆下潤心田負恩者多既然有

恁麼神通脚下爲什麼乾爆爆地風來樹影動葉落

便知纔問無夢無想主人公在什麼處師曰石龜

吞却目問三界無安猶如火宅且如何安得去師

曰你因甚踏碎常住方磚角頌晦堂豎拳示僧曰

武陵溪畔碧峰巒俗眼從來未許觀行過六橋風景

異雲漫漫又水漫漫頌德山托鉢曰狹路相逢子

驗爺低頭無語毒何奢雖然未遇梭雲手已使人人

理亂麻

獨癡漢詞

舒州菩提古癡言禪師江南興化李氏子問如何是

●馬巖局

祖師西來意師曰青山吐色澗水傳聲曰如何保任

師曰水邊林下曰恁麼則承當去也師打曰還我飯

錢來問一物不將來還許學人相見否師曰不相

見曰爲什麼不相見師曰一物不將來相見箇甚麼

僧便喝師曰該打折你驢腰

法音漢詞

廬山東林宗遠溥禪師江寧人歷參名宿不契後謁

法音溆於風化溆問甚麼處來師曰江南溆曰曾見

甚麼人師曰見幾箇粗行比丘溆豎拳曰曾見這箇

麼師擬進語溆便打曰粗行比丘溆一日拈拂子曰

汝向這裏道一句許汝參學事畢師禮拜起依位而

立溆曰別道看師拂袖便出

法音漢詞

蘇州虎丘石龕邈禪師本郡陸氏子上堂密移一步

虛空座演法翻披無相衣鐵笛橫吹劫外韻金鳥夜

半徹天飛問白浪滔天事如何師曰嶮僧擬進語

師曰沒頭沒腦問虎頂金鈴誰人解師曰無手人

解曰既是無手如何解得師曰汝若不會怎怪得老

僧

法音漢詞

興化正覺怡庵常禪師本邑趙氏子上堂皓月當空

照澄潭無影樹心同太虛空示等虛空法大衆如何是虛空法豎拂子曰更有一句不敢道著道著諸佛諸祖齊立下風且道是那一句法音良久曰路逢死蛇莫踏殺無底藍兒盛將歸法音

揚州法雲華嚴偉珍琦禪師本郡張氏子上堂舉芭蕉曰你有拄杖子我與你拄杖子你無拄杖子奪却你拄杖子正眼觀來未免也是將官物作人情畢竟如何施設只教諸兄進前不得退後不得今日一句越例前來聊且放開一線通箇消息遂連卓拄杖曰路逢劍客須呈劍不是詩人莫獻詩法音

揚州建隆拙翁衆侍者六合楊氏子參法音濤最久一日坐香次濤問曰如何是汝本來面目師曰腿麻脚痛濤曰莫錯好師曰某甲又不酸痛也濤曰如何是不酸痛的意師曰甜瓜徹底甜苦瓜連根苦即呈偈曰腿麻脚痛甚分明徹底風流豁頂門兩岸溪聲山更遠高聲唱曲過南村 除夕小參用得親見得徹拈來無別說炮竹迅如雷聲玄妙訣玉女夜懷胎東村王打鐵以拂子擊香几曰一擊忘所之更不

重添屑揮拂子下座 本來面目頌曰昔年攜手向高臺今日丹楓覆酒來有絡索時添絡索得徘徊處且徘徊法音

江西袁州揚岐逸岩靜禪師示衆舉女子出定頌曰一不做二不通半憨半巧半英雄紅葉笑翻秋景老梅花出賣古春風法音

興化法華朗慧元禪師本邑韓氏子八歲投蘆渡寺徹生老宿出家上堂問如何是法華境界師曰門外芳草綠階前苔蘚青如何是境中人師曰拄杖撐天地日月照時人曰人境已蒙師指示今日登座事如何師曰一棒一條痕乃曰古剎重開色更研拈來白棒打青天今朝舉向諸人看舟破溪邊月影圓大衆還委悉麼良久以拂子擊禪床曰垂垂細柳埋山寺漠漠荒陵作水田法音

江西黃檗徹翁昭禪師南昌人元旦上堂數十年前事丟在太虛空今朝重拈出長安大路通欲問西來意東方日正紅法音

天台護國魯庵源禪師江都人徐氏子解制小參九

旬禁足三月安居。把住牢關。不容絲毫走作。管教進退無門。藏身無地。不免放開一線。使人人脫體風流。箇箇眉橫鼻直。如龍得水。似虎靠山。縱橫自在。殺活自由。到這裏。恁麼也得。不恁麼也得。空心樹子。歸霄漢。恁麼總不得。處處相逢。李八伯。顧視左右曰。歸家盡是兒孫事。祖父從來不出門。法音深淵

常州靖江朱鳳台居士字慎人。丁亥進士。一日與倪永清坐次。論三教盛衰。倪曰。儒門澹泊。著落我輩。不得佛門廣大。一槩收羅。去訖。士曰。若然。孔丘孟軻皆作古佛矣。倪曰。人人有一尊古佛。先生古佛在什麼處。士曰。古佛不在別處。倪曰。畢竟在什麼處。士擬對。倪曰。慎翁。士應諾。倪曰。古佛出現也。時聞猴兒演劇。有省偈曰。天不偏地不圓。幾箇猴兒跳出圈。古佛堂前。今出現。西方只在草鞋邊。歸呈建隆溲曰。此君徹也因付偈曰。不用隔江招手。何須望見剎竿。報與靖江居士。猴兒已跳出圈。法音深淵

小楊山翠峰祖源溟禪師上堂。萬機截斷。一句全提。千聖難窺。萬靈罔測。諸佛出世。列祖繁興。有恁麼人。

知恁麼事。卓拄杖曰。聲前薦得。無私旨。直透威音。更那邊。小參。饑來吃飯。困來打眠。寒來向火。熱來取涼。見聞不昧。聲色全彰。因甚問著。不知且道。過在甚麼處。良久。脉左右曰。面皺皆因陪笑。得背佗。自謂打躬多。結制小參。水牯牛。趕入欄檻。老瞎驢。繫枯椿。自教水足草足。養得身強力壯。且待來春。趁他出去。任爾左跋右跋。東觸西觸。自然不犯人家苗。緣因甚得恁麼慶快。呵呵大笑曰。因他累劫遭饑渴。漫學渴山得自由。天峯清嗣

吉州報國千拙。惡禪師金溪吳氏子。上堂。佛是衆生。父衆生爲佛子。父子情俱忘。即便離生死。打破圓羅。圓當下超佛祖。從茲便入塵。不願生淨土。冬至上堂。吾道一以貫。京師出大黃。小人纔退位。君子便登場。一句無私曲。今朝爲舉揚。百可深淵

杭州華嚴禹庵弘禪師。臨安高氏子。出關示衆。立限三年。今已終和盤托出。實流通。今朝踏破這重關。鐵壁银山。不露踪說。甚言見諦。句句朝宗。揮拂子曰。夜半不露無私。句密移一步。看飛龍。百可深淵

毗陵澹園履中弘禪師晚參是日曰已過燈花咲未
休滿座參元客騎牛更覓牛且如何是你們底牛衆
無語師厲聲曰這班噉飯漢牛也不識以竹篋旋風
打散法音深嗣

鹽官悟空介威禪師上堂問如何是父母未生前本
來面目師便與一棒如何是已生底面目師又與一
棒如何是青州布衫重七斤師曰今日天晴乃曰竹
淚千層碧松花一片金黃鶯枝上囀鳴破祖師心
上堂今朝正是五月午祖印當陽亘今古聊拈蒲鉞
遍虛空蚯蚓蝦蟆變猛虎不須門上畫蜘蛛百怪千
妖叫冤苦休叫苦榴花朵朵紅似火 頌丹霞燒佛
曰丹霞焚佛無多子院主眉鬚墮偶然致使五湖林
下客一回舉著骨毛寒 頌產難曰甘雨堂前落泥
團盡打開白雲消散後杲日照庭臺 問天要下雨
因甚用雷師曰先以定動後以智拔于雲湛嗣
獲嘉東林夫隱機禪師小參舉高峰大師中夏上堂
以拂子召大衆曰到這裏進前一步也不得退後一
步也不得總不恁麼也不得畢竟如何不得不得師

曰高峰大師一等是爲衆竭力要且勞而無功東林
這裏又且不然以拂子召大衆曰到這裏進前一步
也得退後一步也得總不恁麼也得畢竟如何得得
且道與高峰大師相去多少 示衆起七來第三日
了諸仁者得箇入處也未如若得箇入處出來道看
若未得箇入處山僧有一要語與汝商量祇貴依教
奉行東單的禪師過西單立西單的禪師過東單立
衆一如所教師曰昔日達磨大士從西天過東土來
祇要覓過不受惑的人呵呵大笑拽杖便出一衆竦
然澄聖嗣

五燈全書卷第九十八

京都聖感禪寺住持臣僧

超永

編輯

京都古華嚴寺住持臣僧

超揆

較閱
進

呈

臨濟宗

南嶽下三十六世隨錄

襄陽檀溪梓舟船禪師成都潼川何氏子參寶安謚

一日。體在方丈。因打知客師曰。和尚打他爲何事。體
驚頭一棒。師悶死在地。體曰。一向受棒。這番氣息也
無。師忽起失笑。體曰。者一死也。難得活。師曰。說甚麼
死。活。體領之。二隱

謹嗣

金陵鷄鳴古拙圓禪師。汝寧蔡氏子。上堂。三世諸佛
歷代古錫。與當年開山韶國師。于者法席盡開。鋪面
去也。大衆且道。是何鋪面。不見道。鎮州蘄。蘄青州布
衫。蔬三觔。乾矢橛。今朝到山僧也。開一鋪面。且道是
何鋪面。以拄杖作架。秤勢山僧者裏。汝有半斤。秤汝
半斤。汝有八兩。還汝八兩。若是羚羊挂角。揚眉瞬目。
且居門外。卓拄杖下座。頌臨濟喫棒因緣。曰。精金
燦燦出爐。紅兩掌三拳。格外雄。拶下火星轟烈。焰至
今。聲勢播寰中。二隱

謹嗣

吳陵普福乳峰宗禪師。上堂。今朝冬月十七。盡道彌
陀生日。且問大衆。彌陀生在甚麼處。若知生處。便會
法法無差。驚豎拂曰。還會麼。若也會得。人人大事圓
明。箇箇脚跟點地。且道端的在甚麼處。良久。曰。西方
常在此。擬議隔千山。問如何了得生死。師曰。通身

放下。曰。學人通身放下。師曰。放下箇甚麼。曰。不會。師
曰。不會。從頭起。僧喝。師曰。草賊大敗。二隱

謹嗣

京口關山東霞古松蔭禪師。師鉏園僧問。如何是祖
師意。師曰。鉏頭入地。土翻身。曰。好箇話頭。只是某甲
不會。師曰。拈驚頭喫水。問。盡大地是沙彌。一隻眼
和尚還在沙彌眼裏。眼外師拈掌曰。是甚麼所在。師
打曰。放過。卽不堪。二隱

謹嗣

紹興新昌眞覺曹山嵩禪師。晚參拈拂子打圓相曰。
大衆。還見麼。將四大神洲作箇禪床。汝等在那裏安
身立命。良久。擲拂曰。鐵牛不喫欄邊草。直向須彌頂
上眠。二隱

謹嗣

陝西西安圓通匡崖鑑禪師。立春上堂。昨日五九四
十五。老僧無心打破鼓。今朝六九五十四。施主設齋
求半偈。有時寂靜絕遮欄。有時歌舞難迴互。伶俐禪
僧。休錯過。剔起眉毛著眼觀。且道。觀箇甚麼。三陽開
泰。萬物生輝。二隱

謹嗣

華亭洙涇船子。驚一聰禪師。示衆。今朝臘月初一。諸
方各各打七。惟有船子不然。不踐他人脚跡。舉昔有

僧問南院龍躍江湖時如何。院曰：警喜警嘆曰：傾湫倒嶽時如何。院曰：老鴉沒嘴。師曰：大小南院問則雲興答則瓶瀉。船子則不然。設有問龍躍江湖時如何。向他道末爲好手。傾湫倒嶽時如何。向他道照顧眉毛。且道：山僧與麼批判。還有檢點得出者麼。良久曰：且莫忘却話頭。二隱

蘇州賜福巨源海禪師示衆鉢裏飯桶裏水多口阿師難下嘴。北斗南星位不殊。白浪滔天平地起。擬不擬止不止。個個無視長者子。道之出口淡乎其味。視之不足見。聽之不足聞。用之不可既。豎起拂子曰：大衆會麼。若向這裏薦得一任獨步大方。其或未然。真怪山僧舌頭短。小參英靈鶻子出言吐語非是。造次必須脚跟下。照顧自然文彩全彰。遂豎拄杖曰：大衆還見麼。卓拄杖一下曰：還聞麼。向這裏會得。所謂在天而天在人。而在人而人在。凡在聖而聖。倘或未然。聽取註脚。水窮山盡。覓根源。努力更教徹底參。踏得自家田地穩。方知此道絕言詮。二隱

餘杭慈明覺禪師佛涅槃日上堂。入生死海。髻珠獨

耀現去來相。寶覺天然。統三界以爲家。作衆生之慈父。覺後覺度未度。理足事足。智足德足。祇如此日。是我大師千餘年前。垂最後弘慈。示實相法門時節。外道執謂斷凡夫妄。謂滅是汝諸人。且道正當恁麼時。畢竟作麼生。委悉會麼。三昧火開。千聖眼。雙林頂露。法王機。上堂出沒難辨。溝壑壑現前。直截滿地。遍空耳見。斯明眼。聽斯聰。遂拍膝一下曰：飛泉碧落。銀千尺。眠石紅生。錦萬重。示衆三元三要事。難分擬分。卽難得意。忘言道易。親略較些子。一句明明該。萬象填溝壑。壑重陽九日。菊花新。喚前三句。山僧不顧面門。爲汝諸人。願朱填墨了也。後一句未敢容易。註破何故。慈豎拂子曰：時人見此拂子。如夢相似。示衆拈拄杖卓一卓曰：見則不取。取則不見。有人向這裏道得。個現成句。劈拳便打。示衆八字打開了。無背觸彈指。善財入樓閣。直下圓成。八萬門。祥麟只有一隻角。錯錯錯。示衆心不是佛。天晴日頭出。智不是道。雨落地。下溼入荒田。不揀信手拈來草。達磨一宗掃地而盡。日可冷。月可熱。乞兒伎倆。和土糶麥。

汝諸人終日喫飯還曾咬著一粒沙也未良久日誰是個中人。師住天目剝草次偶一僧來參近前叉手曰莫就是蓮花峰山主麼師以手捏自鼻呌曰無我僧罔措師便推曰要汝開些待我好剗。師因廣化覺舉五祖演率水牯牛過窗欄話命師下語師曰無毛鷄子撲天飛覺領之。師偶遇一僧進門攔住曰不思前不慮後正當恁麼時速道速道僧彈指一聲師曰只者些伎倆曰和尚也只問得者些師張開口曰闊汝多少僧擬議師便打自開覺嗣

太平白雲漢關喴禪師明州慈水王氏子父夢老人投大桃而生年十七父命出塵親族難之師矢截指送邑之東皋禮祇園薙落偶過鄰山有老宿掩關問師你年幾耶師曰十八曰我問那無十八底師面熱不能對從此懷疑心生憂悶又經年謀參金粟包笠渡江偶於途中登溷有省抵金粟容問你是甚處人師曰慈谿容曰慈谿出得官多還出幾個佛麼師曰冬瓜作碓曰容便打遂命安悅衆繼遷客司復謁磬山棲真末至羅漢與芙蓉覺水乳契合羅而印焉出

住白雲天香二刹。示衆陽春未動風雨交加大徹堂中事將來定不差拈拄杖曰千年枯樹子一夜冷生花。上堂鷓鴣聲報喜鴉聲報殃祇如五祖以手作鷓鴣鳴曰谷谷孤且道報個甚麼三賢尚未明斯旨十聖那能達此宗。上堂瞿曇纔出母胎便爾指天指地目顧四方可謂五逆無遮十惡不赦及乎逾城出家白虎當頭饑凍六年羅罽入命及至此夕今宵大驚小怪乃是華報果在地獄然雖如是拈拄杖曰莫有與瞿曇同行把手把手同行者麼卓一卓曰照顧鼻孔。上堂脫珍御服著弊垢衣執除糞器作大闢提遂顧衆曰若無舉鼎拔山力千里鳥難不易騎。上堂黃梅無父拾得無娘臘月蓮花六月生薑喫著齏著又辣又香癡僧若與麼就地土打牆。上堂揮拂子曰開虛空口按須彌舌動地山呼東方日出。擲拂子下座。示衆今朝六月初六踢倒淨鉢澡浴諸方打鼓晒經般若打鼓晒腹不晒錦繡文章肯晒清淨酒肉不晒拂子生瘋肯晒拄杖頭禿不晒四百四病肯晒五風八欲善來若云晒個甚麼卽向伊道

汝未通紅爛熟。直饒道個我已通紅爛熟。癡僧即入
拔舌犁耕地獄。雖然莫有把手同行者麼。時有僧出
師以拄杖抵曰。溝壑易平。人心難足。小參。一火鑄
成。猶是頑銅鈍鐵。再經勘辨。何異碎瓦零磚。金鳳鳥
棒頭折翅。玉麒麟喝下攢蹄。直使通身遍身。早涉驢
脚馬脚。遂拈拄杖卓一卓曰。選佛若無如是眼。假饒
千載又奚爲。自開

溫州仙巖天目智禪師。松江青浦李氏子。十二歲喪
母。得祖母提攜。信道參禮金粟容復。爲請益心。懷疑
惑。決志出家。因父命嚴切。不能如願。一日遇禪客號
在茲者。威儀自若。喜而拜之。開示生從何來。死從何
去。遍拶再三。師忽有省。二十二歲喪父。次年投嘉善
山巖菴披剃。參通玄奇于棲真。追死茫然。奇即當胸
一推倒地。起復又推倒地。奇曰。會麼。師曰。不會。奇曰。
無你用心處。乃覺得力。又謁芙蓉覺于羅漢覺。學天
童扶法偈。徵師。師擬答。覺便掌。師于此始徹源底。因
受記。萌出住。永嘉天王。瑞安仙巖。昆陽寶興。上堂。
中秋佳夕。雲霧忽生。碧天月隱。不必沉吟。任渠風頭。

自破兩脚自伸。須知懷中獨抱皎皎。一輪舉拂子曰。
向者裏見得無幽不顯。無暗不明。復打○。相曰。會麼。
上堂。開期結制。日忙忙。釘起空中緊。馬椿今日盡
行拈却了。人人鼻孔自昂藏。叮嚀記取江南信。雪裏
梅花處處芳。示衆。愛與禪流結死冤。杖頭終日血
痕鮮。法堂前草如無丈。佛祖家風值甚錢。坐底不許
坐眠底不許眠。天王有家法。說甚法昌嚴。還識山僧
爲人處麼。復視左右曰。驢年。示衆。汝若無心。我便
休。妄生穿鑿。甚來由。一歸何處。潭潭事。莫觸天王拄
杖頭。小參。玉剖荆山之石。還他好手。珠明赤水之
淵。更須親見。薦豎拂子曰。珠明也。復擊香几曰。玉剖
也。直下親見。親得千了萬了。在諸方不無明聽。下安
排仙巖者裏。正好朝打三千。暮打八百。晚參議得
一萬事畢。又有重關難透出。且道諸訛在甚麼處。到
江吳地盡。隔岸越山多。問和尚者裏多少衆。師曰。
兩個五百。是一貫。曰。千衆麼。師曰。養病算人。三合米。
師一日打行僧數拳。旁僧曰。和尚甚麼要緊打他。
打痛自己手。師曰。自己手若不痛。爭教得他人知痛。

師過五美院。僧指灰堆問。實際裏地。不受一塵。因甚者。邊一堆。那邊一堆。師曰。清淨本然。問石敢當。還有佛性麼。師曰。有曰。石本無情。因甚却有。師指石敢當曰。驗取額頭汗流。自開

覺嗣

宜興芙蓉雪。上堂。天無私蓋地。無私載。滿目青山法。非心外有。般漢聞山僧。恁麼道。便謂三界無別法。惟是一心造。是則也。是我且要問你。過去已去。未來未來。現在不住。你喚甚麼作心。心又作麼生造。若也識得。大地無寸土。其或未然。寧可將身入地獄。莫謗如來正法輪。問。大事未明。如喪考妣。事如何。師曰。失却衣中寶。鈴鐺過在誰。曰。大事已明。爲甚亦復如喪考妣。師曰。天上天下。唯我獨尊。問。世尊拈花迦葉微笑。意旨如何。師曰。焦磚打著連底凍。曰。世尊。道吾有正法眼藏。涅槃妙心。付囑摩訶迦葉。且道當時還有分付處也。無。師曰。白日青天。休說夢。自開

覺嗣

崇明壽安遜菴玉禪師。示衆。羲之見蛇鬪而字益神。子昂想馬。讓其畫愈卓。武侯知劉備乃三分仲尼識。

麒麟只一角。謂是智鑒精微。隨邪逐惡。謂非自性宗通。怎免大錯。乃搖手曰。不錯。不錯。賈誼長沙。屈原偷桃。定是東方朔。喝一喝。示衆。德山棒快如風。臨濟喝疾於雷。拶入觸髅。兩眼開速。薦取莫疑。猜眉毛。定動。直下來也。以拄杖一齊打散。歸方丈。上堂。一氣初回。陰巖解凍。一機始動。槁木抽枝。人間天上。咸聞金谷。鳳鳴城市。山林共覩。玉堂鸞囀。騷人俊士。把酒興歌。畎畝農夫。扶犁喝采。且道。林下禪僧。如何相慶。倒著簑衣。戴笠笠。手攜筇竹。賀春來。喝一喝。時山中興造已完。衆雕師像。供於祖堂。一日。師指像曰。爾而既同我面。而心未若吾心。我身未死如槁木。我眼雖開。空古今。我尙在茲。君勿立有君有我。轉難禁。當自決。莫沈吟。須向紅爐行脚去。免教唾罵在叢林。遂火之。自開

覺嗣

汀州佛祖山荊門臻禪師。上堂。若論此事。如登台山。過石梁橋。相似步宜。其穩心宜。其細不可前思後算。左顧右盼。一直勇往向前。卽趨彼岸。然後始得者。邊那邊不隔絲毫。向上一路。其直如絃。既是其直如絃。

因甚千人萬人到此退步不見道。欲行世間希有事。顯發須憑過量人。師一日沐浴曰。快活快活。僧曰。是阿誰快活。師曰。待汝浴時。卽向你道。僧參。師搖手曰。不是。不是。曰。是。是。師曰。是則擲取去。曰。不是。不是。師曰。依舊可憐生。問家。家門前火把子。如何。是火把子。師曰。破篋纔曰。意旨如何。師曰。照見夜行人。

自開
覺嗣

徑山起綱宗禪師。晚參十日。風五日。風陣陣。不從他處發。莫是從自心中發。麼也。須息心除妄。始得。三日雨。兩日雨。點點不落。別處莫是落在時人眼睛裏麼。爲何不自覺。知少待滴穿。觸體浸爛。鼻孔時莫言我。不道說破了。辯親疎。一夜滂沱。漲滿湖。湛湛波光。澄巧妙。長空雲淨。碧天孤。上堂。蟬聲鳴。歷歷噪破太虛空。一片兩片。千萬片。千重百重。無盡重。東也。達西也。通補得完全。大有功。拈拄杖。望空打一棒。曰。者裏還有一縫。上堂。一陣立秋雨。渾身頓覺涼。先番熱。從何處去。而今都要著衣裳。定用頭頭取次。消停細細商量。風來池上。藕花香。上堂。東武山衝風冒雨。

鑑湖水激濁揚清。虛空明月浸爛。取勝越王城。滿眼滿耳。非色非聲。那個男兒摸壁行。上堂。塵從外來。又增一點。放下。若帶性出。非常究竟。趙州翁拾得子。慣會說白道黃者。一片地。何曾埽得潔淨。繁興永處。那伽定。上堂。無位真人。何處安著。三脚驢子。騰踴難堪。日面佛。月面佛。阿誰證明。牛頭沒馬頭。回分身異類。頭頭莫放過。處處絕遮闌。大千空曠。塵世閒。問一切衆生。皆有佛性。因甚趙州和尚。道狗子。獨無佛性。師曰。口是禪門。問古鏡未磨時。如何。師曰。秦望峰高連碧漢。曰。磨後如何。師曰。鑑湖水渺泊滄溟。曰。磨與未磨時。如何。師曰。杭城到此。一百二日。不會。師曰。脚頭脚底。錯商量。師削荳草。過路僧問。和尚何爲削草。師以鐮築地曰。處處不可放過。僧無語。師曰。一齊埋向荳根底下。自開
覺嗣

衢州南禪佛音昌禪師。錦江鄧氏子。母夢緇衣入舍。而生。年十二出家。二十參方。看雙桂。參禪警語。至若要了知法界性。水是水。兮山是山。有省。負笈南遊。歷諸老宿。門戶得法。于芙蓉覺。出住南禪。上堂。舉當山。

第二代法泉慧曰。時人欲識南禪路。門前有個長松樹。脚下分明不較多。無奈行人恁麼去。莫恁去。急回頭。樓臺烟鎖鐘鳴處。師曰。法泉打草驚蛇。告往知來。固是好手。檢點將來。猶將常住物。私作人情。在山僧犬尾續貂。亦有數語。時人欲識南禪路。門前無個長松樹。晴空法雨洒飛虹。行人遭此寒徹骨。寒徹骨毛卓豎。六六依然三十六。咄咄咄。上堂。狗子佛性有。面南看北斗。狗子佛性無。壁上挂葫蘆。正恁麼時。不道有不道。無作麼生。這個出身句子。若道得。趙州老漢。脚跟下。好與三十棒。若道不得。莫謂此中山。勢險前頭。猶有最高峰。示衆。不是心。不是佛。不是物。是個甚麼。咄咄咄。吐盡野狐涎。打翻山鬼窟。今日分明。畢。畢竟是何物。參自開覺嗣

汾陽獅子慈予。還禪師。順慶西充王氏子。八歲出家。便好趺坐。人俱呼爲憨和尚。長而徧參叢席。于靈隱會下。得個入處。復參芙蓉覺。問。聞汝于飛來。峰撲碎鼻孔。是否。師曰。和尚那裏得者。個消息。覺曰。現今賊物捉敗覺。又問。曰。一喝不作。一喝用。汝作麼生。會師

曰。覺甚麼。碗覺曰。與化道。紫羅帳裏撒珍珠。汝作麼生。會師曰。滿盤托出。覺領之。小參。德山曉參不答話。聲震若雷。趙州晚參。答話虛空徒側耳。今夜乾明晚參。却不恁麼。無論問話不問話。都盧三十棒。何故。各各要知。正令流通三十年後。免被別人瞞肝去在。自開覺嗣

五燈全書卷第九十八

五燈全書卷第九十八補遺

臨濟宗

南嶽下第三十六世隨錄

襄陽鹿門梓舟船禪師。上堂。鹿門山勢最威雄。瓦礫生輝達本宗。面目儼然成現箇。百草頭上起雲龍。二

隨錄

龍安雪峰牧雨霖禪師。金堂米氏子。卅歲出家。恒以死生爲念。遂買舟南下。見二隱。謚于嘉禾之三壇。獲

蒙印可後歸龍安雪峰上堂隆冬佛法絕商量萬象盡從雪裏藏直待一輪紅日出燈籠露柱盡舒光

上堂昨夜霜風透膽寒黃河水結勢如山凍得泥牛

連夜吼牽連木馬競相看

二隱
謹嗣

皖山愚谷賢禪師問如何是三玄師曰萬象體中圓

如何是三要師曰一月千江照如何是第一玄師曰

金鷄夜半唱庭前如何是第二玄師曰無舌童子善

能言如何是第三玄師曰鐵鷄無毛飛上天如何是

第一要師曰金烏子夜照如何是第二要師曰石虎

空中叫如何是第三要師曰言中絕巧妙

二隱
謹嗣

台州黃巖北嵩崑清微禪師小參直下會去猶在半

途撩起便行已遲八刻直饒向威音王那畔更那畔

道取猶涉唇吻不是心不是佛不是物恁麼會又怎

得山僧沒量罪過諸人也沒量罪過畢竟如何得帖

體去但得雪消去自然春到來

二隱
謹嗣

福常大慈浣風智禪師僧問昔日泉祖今朝和尚請

問泉祖當年如何說法師曰七山垂脉遠和尚今朝

又作麼生師曰大海發源長

二隱
謹嗣

芙蓉米山靜禪師示衆案前明燭照用齊施簷下雨

鳴法源全顯如此會得不妨聲色堆頭坐臥紅塵關

市遊行其或未然切忌被他換却眼睛塞斷耳竅

自
爾覺

淨業鐵庵總禪師上堂僧問一口氣不來向甚麼處

去師曰馬糞驢屎處處拋僧擬進師叱退乃曰閉門

打睡接上上機願鑑願呻曲爲中下山僧二十年不

曾見個上上根人來至於願鑑願呻又成多事畢竟

如何良久曰佛法不怕爛却上堂北風吹寒雁報

道天色變不是起大風便是雪片片急須走莫耽玩

路遠夜長誰顧盼上堂問如何是正法眼藏師曰

狗子斯咬曰祖意教意是同是別師曰海鹹河淡乃

曰覷面一著如大火聚近之則燎却面門末後一著

如太阿鋒觸之則喪身失命莫有不顧危亡者麼薰

拈拄杖曰鐵鞭多力恨無仇浴佛示衆毗盧園裏

不曾生雙林樹下何曾滅不生不滅見瞿曇眼中又

是重添屑大慧老人見得親說底當且置山僧今日

別行一路要把悉達太子拋向諸人面前去也以杓

盛水堂前遍灑乃呵呵大咲便行。問如何是正法眼藏。師曰柏樹滿園青。曰與趙州柏樹子話是同是別。師曰老底老嫩底嫩。問與化打維那意旨如何。師曰禍福無門。曰克賓出院他還甘麼。師曰啞子喫蜜。頌趙州訪二庵主曰成東家敗西家。兩處語言無柄。欄有時車轂橫。推有時笑臉作罵爭。奈不逢惡人。保得全身遠害。頌臨濟三頓痛棒曰霹靂過頭擊不殺。拍案一聲便喪魂。歸來有口難分雪。肋下三拳恨殺人。二隱 譚嗣

吳江遷村報恩牧翁濟禪師上堂象龍窟宅古佛名。蓋我三十一世上浮下石先師翁。於此弘開正覺之場。本師上古下卓老和尚。向這裏一會打失鼻孔徹證之地。今日濟上座到這裏不勞彈指樓閣門開。無所希求風雲際合。明此用者顯不言之正令。蹈此機者提向上之宗乘。全生殺於一莖草上空古今於三寸舌根到這裏臨濟用喝倒退三十德山用棒施爲無地。今日新長老符到令行斬新條。令大眾也須高著眼。燕以拄杖卓一下曰劈開吳嶽連天秀湧出浮

幢動地雷復卓杖下座。小參議得一萬事畢。聖賢卽是凡夫。菩薩不離戒律。假饒鐵壁銅牆也要鑿孔。著楔迢迢前後古今點點青黃赤白。祖師面上刮金。衲僧身上割血吃盡趙州茶。燒却慧林佛且如大用現前畢竟如何。施設良久曰一字入公門九牛拽不出。古卓 凌嗣

五燈全書卷第九十九

京都聖感禪寺住持巨僧 紹永 編輯
京都古華嚴寺住持巨僧 超發 較閱 進

呈

臨濟宗

南嶽下三十六世隨錄

羅山慵菴玉禪師溧陽牟氏子神氣秀顯父異望之。三日僧來立名尼錫暗符牟姓稍長英銳不羣嘗從老衲遊留心大道視浮華同芻狗遂投顧龍山薤染首參大覺瑋陸沈衆務力行苦節語不停綴機無抗衡瑋亦側目而視繼而上天童登徑山剖析疑義殆

無虛日叩吾祖奇于棲真激揚飛捷上下動色奇示
寂芙蓉覺向既同參水乳得合而印之遂入金陵結
放笠居焉住四載尋過晉安羅山彌陀寺緇素延
之而駐錫師每事務持大體慨然挽廻時風爲已任
感愴唏噓掀髯營目意無可一世世亦無有傲所長
以難師者素強無疾忽病肺薄糜不沾口者月餘怡
然吟咏疾革書扇曰薰風昨夜送微涼桂子雲中落
異香不以金莖承玉露庭前一曲已流觴擲筆一笑
而逝自開覺嗣

瑞安寶峰雷門墜禪師晚參盡大地是個公案拈起
則亡鋒結舌放下則七縱八橫逗到寶峰手裏畢竟
如何衆擬議師喝一喝曰泊合打破蔡州晚參舉
翠巖示衆云一夏與諸兄弟東語西話看翠巖眉毛
在麼師曰翠巖可謂心粗膽細寶峰則不然一夏與
諸人東語西話眉毛端在眼上還見麼心不負人面
無慙色慧日昇嗣

台州太平崇國具彰略禪師僧問如何是崇國境師
曰夜寒三徑雪雲曉萬山春曰如何是境中人師曰

雨後移蘭香夜月風前看竹埽雲烟慧日昇嗣

台州臨海惠因無瑕玉禪師僧問如何是惠因境師
曰雲澹手爐峰寂寂月明龍井夜遲遲如何是境中
人師曰呼來猥鶴乾坤外盡斷烟嵐水石間僧近前
作女人拜師展兩手示之僧喝師便打慧日昇嗣

台州天寧指月明禪師上堂舉百丈野狐因緣師曰
不昧不落衆離木杓前後百丈一坑埋却卓拄杖曰
官不容針私通車馬慧日昇嗣

桐廬大奇月菴潔禪師西蜀遂寧樊氏子小參今夜
七期已滿適來兩序諸執事敦請要爲諸人說晚參
山僧冷地思量人人鼻孔撩天脚跟點地又何用淨
地上撒沙却也不得辜負來機及乎到了座上抖擻
肚腸并無一個元字脚只得借木上座爲諸人說法
一上遂拈拄杖一時打趂師問僧乾坤之內宇宙
之間中有一寶秘在形山如何是寶僧喝師曰錯曰
和尚作麼生師亦喝僧罔措破額祖嗣

海鹽法雲石樵記禪師江南懷寧于氏子繼席秦山
法雲上堂舉百丈因僧問如何是奇特事丈曰獨坐

大雄峰僧禮拜丈便打師曰問既越格答更超羣賓
主投機古今榜樣今日或有人問如何是奇特事只
向伊道縑素同登峰頂上清風襲襲動林間僧若禮
拜更向伊道祖禪不了累及兒孫上堂絕情愛離
見聞覲面提無向背只許老胡知不許老胡會以拄
杖卓一卓曰還會麼復卓一卓曰吾無隱乎爾破顏祖嗣
瑞安悟真南野續禪師上堂無爲雖真執之則慧性
不朗有爲雖幻棄之則道業難成欲得自他兼利必
須解行相應三脚驢繫鼻蛇水牯牛野鴨子鷺豎拄
杖曰若要撐著者個門戶總是闕伊不得且道誰是
其人良久顧左右曰是處是慈氏無門無善財卓拄
杖一下示衆鷺飛戾天魚躍于淵龍吟霧集虎嘯
風旋搬柴運水喫飯打眠頭頭本成現物物自天然
七期三日了也汝等諸人寒山子作麼生良久曰一
點是非纔入耳從前好事盡成冤問文殊是七佛
之師因甚出女子定不得師曰官清鬼退三千里曰
罔明乃下方菩薩因甚出得女子定師曰吏瘦民肥
百萬家僧佇思師便打破顏祖嗣

雲山佛奧寺鐵山基禪師上堂問如何是奪人不奪
境師曰幽谷雲深樵子隱曰如何是奪境不奪人師
曰舉頭不見前峰頂曰如何是人境兩俱奪師曰口
吞佛祖眼蓋乾坤曰如何是人境俱不奪師曰當今
主聖天下太平乃曰我本無心有所希求祖翁田地
歷代傳流大衆還知者一片田地落處麼拈花微笑
播揚家醜正爲者一片地面壁安心惡聲流布亦
爲者一片田地黃梅夜渡南嶽打車祇爲者一片田
地至于禾山鼓雪峰毬秘魔杖道吾笏臨濟喝德山
棒無非爲者一片田地既各各爲者一片田地後代
兒孫履踐者固多拋離者不少茲承同門相逼入山
事不獲已特陞此座且道是爲者一片田地不是爲
者一片田地良久曰掀翻海嶽求知已撥轉乾坤建
太平大用志嗣
太倉香林石璞質禪師上堂斬釘截鐵大功若拙本
無全提豈有妙訣鴿白鳥本黑松直棘自曲堪笑千
花盧舍那放出寶光成多說且道說個甚麼喝一喝
晚參香林寺裏人打七天下禪流毛骨寒額爛腿

酸成底事。看來也是太無端。豎拂子曰：且道是諸人無端。是山僧無端。擲下曰：無端無端。小參欲識諸佛心。但向衆生心行中識取。欲識常住不凋性。但向萬物遷變處會取。古人怎麼說話。大似坐佛床。斫佛脚。不敬東家孔夫子。却向他鄉習禮樂。還有人檢點得出麼。豎拂子曰：自從春色來。嵩少三十六峰青。至今示衆執之失度。必入邪路。放之自然。體無去住。祖師恁麼道。也是玉石不分。金沙混雜。若據衲僧門下。天地懸隔。且衲僧門下有甚長處。靈苗瑞草。和根拔滿地。從教荆棘生。晚參。西天鬚子沒髭鬚。無位真人面門赤。併却咽喉道將來。明如果日黑如漆。報諸人須委悉。九九原來八十一。豎拄杖曰：且道者木上座。是多少喝一喝。問如何。是徑截法門。師打曰：一棒一條痕。曰：如何。保任師又打曰：喚作一棒入地獄。如箭射。僧參師曰：相見了也。僧擬開口。師震聲一喝。佛古聞嗣

溫州寶寧紫芝有禪師。上堂起爐作羅珠玉烹金豎拂拈椎。靈機密運。棒頭有眼。打草只要蛇驚。鋼刀雖

快。無罪之人不斬。所以臨濟老祖覓個不受惑的實事。今日開爐。棒打石人頭。囉囉論實事。且道如何是實事。卓拄杖喝一喝。上堂臘月初五。敲鐘打鼓。弘演毗尼。大開門戶。文殊烹爛鐵。作黃金。彌勒鞭狸奴。成佛祖。老瞿曇不動脣皮。一任泥中洗土。拄杖子忍俊不禁。爭肯釘椿搖櫓。翻身觸倒七金山。發機須是千鈞弩。卓拄杖下座。示衆曉起開門看遠山。午携短鑊出松關。鉏來一片荒榛地。疏得三條筧水灣。伶俐漢莫偷閒。生死真同呼吸間。百尺竿頭須進步。未登寶所莫空還。師指火爐問僧曰：三世諸佛在此轉法輪。僧便踢倒火爐。師曰：著忙作麼。師一日普請摘菜。次僧問無根菜作麼。生摘師曰：共出隻手。曰：者猶是有根底。師曰：莫眼花。僧拈菜曰：者個是甚麼。師曰：菜也不識。法柱長嗣

樂清雁山羅漢寺治翁伯禪師。上堂僧問寶劒未出匣時如何。師曰：鋒銑不露。曰：出匣後如何。師曰：險僧喝。師便打。乃曰：朔風凜凜。閉口則溫。開口則寒。大道巍巍。見之則易。行之則難。山僧雖無離婁之明。聊以

識其微細無師曠之聰聊以識其音聲無工輪之巧聊以識其繩墨或有問如何是微細音聲繩墨邊事卓拄杖曰昨夜風吹雲翳淨嶺梅新綻數枝春上堂五九四十五玄沙當路虎通身牙爪不曾施一一從頭爲汝舉擲拄杖曰大衆還有捋虎鬚者麼喝一喝上堂昨夜嚴霜無月一天星斗皎潔蒙頭歛爾發曉鐘忙入佛前把香爇不祝是非來入耳惟願人人消已業三頭六臂現那吒懔迦羅眼窺不徹以拂子畫○曰證龜成鼈上堂兎角杖打天邊月龜毛繩繫樹頭風其中端的誰能委特地與君仔細通喝一喝上堂舉玄沙三種病人畢師曰見前大衆且喜無此三種病何故若言患重適纔鳴鐘不合聞若言患盲適纔集衆不合拜若言患啞適纔香讚不合念良久曰鍾馗頭上不合貼卦小參撲落非他物莫眼花縱橫不是塵是甚麼山河及大地郎當不少全露法王身弗得認奴作郎豎拂子曰見麼山僧罪過一日入僧堂豎起拄杖曰者個不得喚做拄杖喚作甚麼衆無語師以拄杖打散曰尿床鬼子者

個也不識師一日山行遇一虎橫行過相去不遠師乃振威一喝虎昂首直視師曰擬議即不堪虎咆哮而去師歸舉示衆曰今日幾遭虎口一僧曰可惜許師曰汝作麼生僧乃作虎勢逼師師擒住曰道道僧打師一掌師乃拓開曰不入虎穴焉得虎子僧禮拜古泉清嗣斬州慈雲子固方禪師住福興上堂欲識佛性義當觀時節因緣若喚作時節因緣將甚麼作佛性義若喚作佛性義又將甚麼作時節因緣不可離時節因緣別有佛性義亦不可離佛性義別有時節因緣諸仁者還會麼遂拈起拂子揮一揮曰自有一般堪愛處不風流處也風流晚參小年大年甚是可憐百無一有正好參禪參得禪月大三十月小二十九擲下拄杖曰究竟不期然而自然商尊玄嗣泰州福慧生白虛禪師僧問至道無難唯嫌揀擇如何是不揀擇師指庭前竹曰這竿得與麼長那竿得與麼短曰恁麼則揀擇也師曰仁者見之爲之仁智者見之爲之智問休去歇去時如何師曰好人不

肯做偏要屎裏臥。問如何是堂奧中事。師遂喚僧。
僧應諾。師曰。含元殿裏更覓長安。商尊
玄嗣

寧國寧元。祖建承禪師上堂。秋葉黃。冬月霜。春來處。
處百花香。夏日薰風滿。院涼寧元佛法無多子。贏得

莊周蝶夢長。漢目
泉嗣

廣德石溪崇化達禪師上堂。秋日耀長空。秋光含虛。
碧。傷嗟門外人。處處尋彌勒。驚路忽擡頭。相逢不相。
識。大眾既是相逢。爲甚麼不相識。良久曰。莫示衆。
法鼓淵淵。繚亂擊。無限真機俱漏洩。了然不昧本來。
人。法鼓未鳴。先委悉。大眾且道。委悉個甚麼。良久曰。
作家龍象。討甚巴鼻。喝一喝。了悟
能嗣

建平開法慧光聖禪師高淳孔氏子。晚參。鋪面弘開。
列寶珍。一回拈出一回新。黃金自有黃金價。終不和。
沙賣與人。鋪面新開公案。仍舊雲門餅。趙州茶。金剛。
圈栗棘蓬。作麼吞透。良久曰。好。大眾不貪香餌。味可。
謂碧潭龍。了悟
能嗣

廬州棲賢壽山琦禪師示衆。舉本師拈文殊令善財。
采藥因緣。曰。文殊大智。却被善財熱瞞。師曰。吾師善

能舉唱。亦被龍門熱瞞。何故神仙秘訣。父子不傳。

問一人相逢不相識。一人相識不相逢。且道阿那個。
的是。師曰。烏山嶺頭曾出沒。望州亭際得團圓。曰。若。
不出此問。怎得見師機。師曰。瞎。拈拾
學嗣

吳江徐崧松之居士從幼過精舍。聞梵聲輒悲感。不。
能去年稍長。絕意進取。力參宗乘。心如木石者有年。
後歷見諸老。一日寓東塔。忽于中夜聞鴉鳴一聲。如。
虛空因地。卽頌曰。嘎笑一聲更有何物豁開兩眼。天。
青日出。又頌曰。鵲噪不鵲噪。寂寞無人到松門。夜。
不關。却被知音笑。往見地藏。學問板響有頌呈曰。
西天念經。東土打鼓。非去非來。無事不可。自題像。
曰。覲面阿誰。似乃未似家私。蕩盡胸無一字。豎起如。
意。通天徹地。倘遇識者。喚作居士。拈拾
學嗣

汝州風穴雪兆性禪師上堂。盡十方世界是個禪堂。
就中是凡是聖。若僧若俗。正見邪見。鈍根利根。情與。
無情。以拄杖一卓曰。都向者裏結却了也。還有知落。
處者麼。萬別千差。無著處。十方世界現全身。晚參。
若論此。事性上座開口不得。莫有開得口的麼。出來。

道看僧出師曰向你道開口不得出來堪作甚麼以拄杖直打出便歸方丈。上堂舉祖師道一人在途中不離家舍一人離家舍不在途中阿那個合人天供養試道看一僧曰大家在裏許師曰與麼見解滴水難消乃曰途中家舍不隔一毫大家有滴水水難消殺人須用殺人劍活人須是活人刀。晚參舉靈山會上廣額屠兒曰殺千羊放下屠刀曰我是千佛一數這漢得與麼瞥脫汝等諸人用盡許多伎倆大似泥裏洗土塊一僧纔出師打曰勘破了也便歸方丈。小參天下叢林今朝結制鶴林禪院今日開爐且喜六和共聚何愁七事蕭疎須進步莫躊躇僧方便有多途萬里乾坤爲橐籥兩輪日月作紅爐且道煅煉阿誰良久曰蝦跳不出斗雲表喜嗣

新蔡金粟冲涵恒禪師上堂問如何是佛師曰遠親不如近隣曰如何是法師曰多虛不如少實曰如何是僧師曰求人不如求己師以拂子打○相曰非瓦礫非珍寶圓陀陀兮光皎皎爍破威音雪谷春照開空劫壺天曉各努力休潦草踉蹌過當陽無處討遂高

聲召曰大衆衆側聆師拍禪床曰此時不了何時了上堂舉昔有跨驢人問衆僧何往僧曰道場去其人曰何處不是道場僧乃毆之曰這漢沒道理因甚向道場裏騎驢不下其人無對師頌曰九品十要了無疑始可擦零不受欺輕速須防逢勁敵等閒輪却一盤碁。謝徐二文學至上堂舉世尊陞座衆纔集定文殊白椎曰諦觀法王法法王法如是世尊便下座師曰此則因緣自古至今更無一人分明剖露金粟今日權借儒宗鼻孔下個註脚世尊陞座以我爲隱乎吾無隱乎爾文殊白椎小不忍則亂大謀祇如世尊便下座又作麼生良久曰若是孔門親弟子自然不昧化三千。僧問如何是無見頂相師直上覿僧擬議師便打曰學人實不會師曰你若會山僧即無藏身之地。問正當停午時因甚道猶虧一半師曰老僧不在明白裏曰和尚卽今在甚麼處師便掌問生死到來將甚麼藥醫師曰渠無生死僧作禮師扣齒曰今日無端僧擬申問師驟步歸方丈。僧參禮拜起便喝師亦喝僧又喝師曰三喝四喝後如

何僧作掀禪床勢師起揖曰作家僧擬議師曰這瞎漢也來亂做拈棒直打出雲峩喜嗣

京都延壽如如極禪師上堂以言顯道曲爲今時豎拂揚眉周遮示誨天然上士豈受提撕中下之機鉤頭取則投機不妙過在阿誰更或躊躇轉加鈍置舉拂曰若向者裏一肩擔荷直下承當與國兩手分付更待如何若何白雲萬里示衆凡人見水是水諸天見水是琉璃魚龍見水是窟宅餓鬼見水是火餓鬼見水喚作甚麼若喚作水同凡夫見若喚作琉璃同諸天見若喚作窟宅同魚龍見若喚作火同餓鬼見畢竟喚作甚麼即得向這裏道得恰好許你具一隻眼良久曰寧可截舌不犯國諱小參堂中今日起七劈面寒風冷徹骨王老圍爐笑呵呵透頂透底人不識極容易最難得火便紅兮煤便黑大衆既是容易爲甚麼難得衆下語不契師曰且待當來問彌勒問千說萬說不如一默時如何師曰死水不藏龍曰與風作浪時如何師曰蝦跳不出斗問狹路相逢事如何師曰退身三步曰百年三萬六千日反

覆原來是這漢師曰錯認定盤星法曇海嗣

房山上方山永慈覺興隆禪師宛平王氏子僧問除却棒喝語言有人問西來大意作麼生答師曰截斷兩頭另致一問來曰也跳不出這個圈子師曰還出得者一棒麼僧沉吟師曰切忌作棒會問釋迦未出世祖師未西來如何是第一義師曰割曰釋迦已出世祖師已西來又作麼生師復打曰將謂別有麼懷淨土詩曰白藕香風拂拂來這回親得出塵埃豁然識得彌陀面曠劫無明當下灰淨土惟心莫別求山明水秀自悠悠驢鳴犬吠皆相應可笑騎牛更覓牛法曇海嗣

京都西山廣泉自曉禪師示衆舉徑山國一欽禪師因馬祖遣人送書因緣畢師曰馬師圓相欽師被惑則且置還知這一點至今無著落麼示衆舉南泉斬貓話畢師曰道得卽不斬正恁麼時雖則盡大地一切人性命俱在南泉手裏還知正恁麼時南泉性命却落在一切人手裏麼至若趙州頭頂草鞋止解順水推舟不會逆風把柁縱然救得也只是個死

貓兒 頌文殊白椎世尊下座曰。心曲殷殷寄短桐。

知音未舉便流通。鍾期去後無消息。狼藉寒烟逐曉

風。頌女子出定曰。行盡江南數十程。曉風殘月入

華清朝元閣上。西風急都入長楊作雨聲。頌法眼

指簾曰。一得一失曲中藏。直山高月小。水落石出

頌高峰四句曰。鞦韆影裏蕩流蘇。漏泄春光入畫圖。

任是僧繇描不就。青山掩映白雲孤。法臺海嗣

洛陽韶山雪霽睿禪師照鏡時有僧問鏡內雪霽鏡

外雪霽未審那個是真的。師曰。一滴水墨兩處成龍。

曰。非師境界。師曰。莫是上座境界麼。僧茫然。師以鏡

薰面便打。雲父偏嗣

寧波大慈溪雷音禪師蛟川李氏子問教中道法喜

禪悅食更無餘食想。如何是法喜。師以手作喫飯

勢。如何是禪悅。師作拭口勢。復顧視曰。會麼。曰。不

會。師曰。誰教你問。曰。實是某甲疑處。師打曰。獸貓頭。

直饒你疑到驢年去也。未夢見在。問智過于師方

堪傳授。未審傳授個甚麼。師舉起拳頭曰。試道道看。

問如何是衲衣下事。師曰。撩起看。僧便撩衣。師曰。

未有端的在。問如何是無位真人。師和聲便打曰。

畢竟如何。師曰。鳥嘴魚腮。印山先嗣

桐鄉長慶新逸微禪師元日上堂。昨日舊年去。今朝

令已新。梅花三四點。笑破隴頭春。不改舊時行履處。

開門即是閉門人。且道這個門頭。還許諸人慶讚也。

無鵬弓已挂狼烟息。萬姓謳歌樂太平。印山先嗣

太平青山白雲芝山觀禪師上堂。客冬結制青山裏。

今日辭雲各有還。莫道青山不把住。放行處處是青

山。諸仁者。莫向有處立。休從無處探。有無俱不立。一

個閒人。天地間。喝一喝。印山先嗣

五燈全書卷第九十九

五燈全書卷第九十九補遺

臨濟宗

南嶽下第三十六世隨錄

普陀潮音旭禪師上堂。二十年前。要津把斷。不通凡

聖所以花宮紺宇。化作類垣廢址。蓮臺獅座。鞠爲茂草。荒榛聖僧。打失鼻孔。金剛碎作微塵。彌勒開張大口。笑他廿四圓通。全沒巴鼻。惟有烏髯。瑟摩却較些子。倒騎佛殿。走出三門。二十年後。八字打開。直得青蓮呈瑞。古柏重榮。於百草頭上。現瓊樓玉殿。革故鼎新。光揚佛日。且道承誰恩力。寰中天子。頒綸勅。闔外將軍。有佛心。佛誕日上堂。藤三斤。乾矢橛。杖林山下。竹筋鞭。三三老。證龜成鱉。設有問。普陀如何。是佛又作麼生。對夜短睡不足。日長饑有餘。上堂山之深廣。鳳麟之美。梟獍之惡。無所不容。海之濶大。龍鼉蛟龍。鯢鯨魚鱉。無所不藏。日月之明。普天匝地。無不照臨。人聖之君。率土之濱。無不化被。諸佛之慈。家三子四。情與無情。無不普度。拈拄杖曰。拄杖子。峭巍巍地。又具甚麼道理。卓一卓曰。向下文。長付在來日。解七晚參。僧問。如何。是佛師曰。了角女子白頭絲。曰。如何。是法師曰。冬到寒食。一百五曰。如何。是僧師曰。圓頂方袍。乃曰。道得底。三十棒。道不得底。三十棒。道得道不得。總與三十棒。何故重賞之下。必有勇夫。

晚參。達磨不來東土。官路少人行。二祖不往西天。私酒多人喫。普陀則不然。達磨不來東土。好箇清平世界。二祖不往西天。那箇池無月。誰家樹不春。晚參多說。不如少說。少說不如不說。設有道。因甚長老口喃喃地。鶻拈拄杖。卓一卓曰。田庫奴。你道山僧說什麼。晚參坐斷百城烟水。相交四海英賢。祇如龍蛇混雜。凡聖交參。阿誰是凡。阿誰是聖。却笑長汀愁布袋。逢人要乞一文錢。晚參雲門放洞山三頓石。中有玉黃羹。打臨濟三頓沙裏無油。今日既到普陀。手裏又作麼生。爲人金簇。慣調曾百戰。鐵鞭多力。恨無雙。無雙。微詞。

龍游靈耀延喜塔禪師。中秋小參。靈山指月。捏目生花。曹溪話月。證龜成鱉。靈耀寺裏。賞月應時。及節更羨雷公電母。全降法筵。風伯雨師。齊來翫月。同則普天匝地。同則普天匝地。別則別。八閩兩浙。春寒秋熱。小參師舉南泉示衆曰。昨夜文殊普賢。起佛見法。見各與二十棒。貶向二鐵圍山去也。趙州曰。和尚棒教誰吃。泉曰。王老師有什麼過。州禮拜。泉便歸方。

丈師曰。南泉虎開口不合。趙州當頭撞破。及乎收拾將來。也是一場漏逗。某長老。昨夜眉毛眼。睜起佛見法見。亦各與二十棒。教伊莫妄想。設有問長老。棒教誰吃。亦與二十棒。何故不見道口似福門。除夕

小參。一年三百六十日。都盧總在今宵畢。東村王老。夜燒錢。露地白牛忙。不徹普天率土禪家兒。拾得眼睛失却鼻。拈拄杖曰。惟有者箇木上座。從來母固亦毋必。任他佛來與祖來。不是攔腮便劈脊。問諸仁。瞥不瞥。須從者裏急翻身。莫道來朝有初一。無礙微嗣

永嘉雲。山道隆璫。禪師開爐。上堂。雲山結制。諸方舊例。端的有來由。活潑無本據。竭盡老婆心。單提第一句。沸水深鍋一錠金。取手須是生鐵鑄。喝一喝。下座。

解制上堂。住山討得好便宜。解制何如結制時。兩隻草鞋休著脚。莫離寶所踏塵泥。出門去路多歧雨。宿風飡著甚痴。莫道雲山沒好處。乾柴白米淡黃齏。仍舊貫意如何。山泉流出人間去。清水自然成濁溪。佛誕上堂。世尊初生。錯一手指天。一手指地。錯周行七步。錯目顧四方。錯天上天下。惟我獨尊。展轉見

錯召大眾。五箇錯中。有一錯過於雲門。關趙州無臨濟。喝德山棒。百千萬億倍言。下正與土木偶人眉毛相對。鼻孔相連。復召大眾。還檢點得出麼。卓拄杖曰。山僧陞座。也是將錯就錯。便下座。頌世尊初生。雲門一棒曰。一出娘胎。意氣豪。凶星入命。自家招當時。若解深藏。舌何待而今脫戰袍。頌殃屈產難曰。獨坐幽篁裏。彈琴復長嘯。深林人不知。明月來相照。頌法眼指簾曰。堪與那問方隅。向按定中心。子午鍼端的。動絃無別調。是非不到白雲間。頌非心弄佛曰。澄潭月影鏡中生。鼓吹何勞絃上聲。喜得子房施計好。楚歌頓散八千兵。問如何是祖師西來意。師搖手曰。西來無意曰。搖手又作麼。生師便打。大用志嗣

浙川法海斌雅鑑。禪師上堂。春深物茂。日暖風和。燕喜鶯歡。時清道泰。般若流通。法元無隱。擊禪床曰。聲不是聲。徒勞側耳。色不是色。難爲檢別。復卓拄杖曰。啼得血流無用處。不如緘口過殘春。解制上堂。師拈拄杖曰。一不做。二不休。遶天一簇撥轉雲頭會得的。鵬程萬里不會的。歸家穩坐。就中有些諸訛。終不

與人說破大衆且道諸訛在甚麼處卓拄杖曰錯錯
祥麟只有一隻角問四分律云以手擊撻比丘者
波逸提因甚德山逢人便棒師曰停禽養勇終待驚
人曰嫌罵知事者波逸提因甚麼臨濟進門便喝師
曰霧豹澤毛未嘗下食曰與麼則一莖草上瓊樓現
百煉爐中彩鳳飛師便打上堂湖天浪靜碧湛琉
璃眼睛突出鼻孔下垂牛首賀蘭相期鬪額僧堂厨
庫笑傲欣歡惟有當陽寶塔日面佛月面佛巍巍獨
坐上頭關伶俐漢謂我誑嚇閭閻瞠瞳底正好橫參
豎參試問大衆七日內踏破幾緇草鞋佛成道日
上堂問卽心卽佛多些非心非佛少些拈過二邊請
師速道師曰千年田地八百主人乃曰正覺山前老
凍驢縵天網子要擒風賺他無限英靈子錯認黃斑
作大虫下座上堂聞聲悟道掘地覓天見色明心
掉棒打月直饒百發百中雙放雙收於生死分中了
無交涉拈拄杖曰吾今爲汝保任此事終不虛也波
斯學梵語笑倒金剛神擲拄杖下座劉居士披薩
請上堂今朝四月初一雲外山青水碧隨機稱性且

◆運上下
有誤脫

從面赤不如語直無常畏若曉霜身世安如火急不
達自性淵源生死如何抵敵有抵敵萬緣放下絕馳
求一日鉢盂兩度濕頌那吒太子析骨曰還父析
肉還母然後現本身爲父母說法殘雲歛盡山光
寂秋月臨空宇宙新雪後寒松增晚翠猿啼青嶂一
聲聲頌庭前柏樹子曰驢士才高藝過人辭鋒筆
力妙通神生成一幅佳山水點畫分明似不眞頌
黃蘗嚙酒糟話曰大唐國裏無禪師綠水青山休更
疑竹杖化龍歸去也默耶尤自眼瞋瞋頌百丈野
狐曰珠走盤兮盤走珠天師門裏賣桃符野狐跳入
金毛隊五百生前不丈夫喜詞
汝州風穴惑休乾禪師蜀西龍安胡氏子十九脫白
二十圓戒徧參諸方各有省處後詣少林禮祖過風
穴參雲巖喜機緣相契乃授記萌開法逕陽興福長
安興善復繼席風穴上堂撥草瞻風二十秋全機不
動信優游無端扶上華王座擊破三元接上流宗乘
一唱三藏絕詮至道恢弘十途合轍衆流截斷遍塵
刹而任運全該妙轉元樞括有無而甕垂指注光超

日月智出塵。凡動靜無私隱顯。不昧觸體。常干世界。
鼻孔摩觸家風。綿密安祥。權開洞山五位。暗機圓合。
要出。爲仰三生一字。關大雲門之高古。六相義。捫法
眼之現成。奪境奪人。直捷痛快。立賓立主。大用天旋。
印水。印泥。印空。匪作家難辨。非心非佛。非物唯證。徹
乃知似地普擎。如天普蓋。眞機剖露。萬法全彰。正恁
麼時。且道。卽今開堂祝聖一句。作麼生道。擊壤歌揚
忘帝力。由廢詩詠樂時雍。雲峩喜詞

桃源瑞麟孤月朗。禪師合州楊氏子。歷徧諸方。參著
庵間。打徹謁宕山遠印。證住瑞麟上堂。只著芒鞋。不
用舟脚。跟下事愈沉浮。而今渴飲饑餐也。未卜橫流
是水流。小參驚豎拂子曰。此是向上第一著。未會之
人。沒棲泊權。曰。此事與君持細細嚼來。味似喫放下
拂子拍膝一下。宕山遠嗣

新蔡金粟虎堂福禪師結制上堂。根源直截。豈落階
梯。大用全提。不存軌則。盡大地是箇禪堂。何分內外。
盡十方通爲火爐。當下銷鎔一切處。卽事卽眞。十二
時輝天鑑地。以拂子擊禪床。曰。若能如是。薦去何用。

外求脫或未然。打起精神。快睡。莫教燎却兩莖眉。
解制上堂。打破情關了。無遮蓋。突出無位眞人。縱
橫得大自在。且道。超方獨步一句。又作麼生道。閒雲
不擊從舒卷。野鶴無拘任往來。上堂。盡道迷。因悟
遣除不知悟。是迷根由直饒。迷悟兩忘。却未免全身
在半途。且如何是到家一句。竿頭須進步。撒手莫遲
疑。上堂。春日晴和。春鳥鳴。春山疊。疊水盈。盈分明
漏泄天眞事。何用他方向外尋。上堂。春山青。春水
綠。一覺纔醒。夢初足。擲筇趁伴出松門。是處桃英香
半褪。因思昔日靈雲道。三十年來無處討。如今饒愛
摘楊花。紅香未發。春猶早。幸值商水舊。舊年閏法南
塘求至寶。山僧不惜兩莖眉。一分明。須自保。等閒
莫作文字觀。得失有無一齊掃。舉國師三喚侍者。
頌曰。汝負吾兮。吾負汝。直如鉤處曲如絃。千江水急
東流去。五嶽峰高不到天。舉趙州訪二庵主。頌曰。
一番陰雨一番晴。惱亂春風送客行。故國不知何處
是。猶聞啼鳥兩三聲。雲峩喜詞

龍舒慶元水鑑眞禪師頌。百丈野狐曰。五百生來墮

野狐不知何處有偏枯。臨機應用珠投水清濁。渾忘月影孤。頌黃龍三關曰。我手何似佛手。應用無分好醜。一拳打破太虛。驚起須彌。倒走我脚。何似驢脚。趙州不識路。杓輕輕。踢倒淨鉢。一任填溝塞壑。人人有個生緣。誰家竈裏無煙。有口祇堪喫。針那管成佛。

成仙
乳峰深嗣

四明太清景雲瑞禪師上堂。黃鸝鳴綠樹。白鷺春青田。古今諸祖意。不昧見聞緣。門外落雲冉冉。石根流水濺濺。舍此別無一。要何方更有三。玄喝一喝。上堂登山觀洪水者。必知山之嶙峋。水之流入林玩。脩竹者。必知林之疎密。竹之參橫。且衲僧家喫了現成茶飯。無爲爲事。又知些甚麼。三斤鹽換五升豈一束香還十箇錢。上堂東說西說。不如不說。好逆行順行。不如不行。更好何謂。也不行。底脚跟穩實。已到安樂田地。不說底口業清淨。得入無諍三昧。設有恁麼人。山僧喚來與他摩頂授記。上堂山僧嬾說宗。眠到日頭紅。若人來問法。耳朵撲教響。爲甚麼事。寧只怪其攪亂我睡。僧問。如何是佛師。曰。壞不就。曰。

如何是法師。曰。詮不及。曰。如何是僧師。曰。山僧不是謝三郎。問牛頭未見四祖時如何。師曰。穿靴入市。曰。見後如何。師曰。赤脚歸家。印山先嗣

吉州就源鍵。幾銓禪師上堂。僧出作一。○相叉手立。師曰。暗裏畫符信不及。曰。難瞞識者。師曰。不見大衆咬母指麼。曰。誰人知此意。令我憶汾陽師。曰。只恐不是玉。是玉也。大奇僧禮拜。師乃揮拂曰。明投暗合。丁一卓。二體用全該。古今無別縱使。竭世樞機。翻圖奪幟。底漢到者裏。且拈過一邊。遂以拂子畫此。○圖。○圖。○圖。相曰。今將千百年九十六種八臂那吒。扶不起千眼大悲。願不破陳餛飩餅。一一爲先。就源門庭重疊。舊令新行。直得德山縮手。臨濟吞聲。天下老和尚。退身有分。衆中莫有似仰山者出來與山僧相見。復作此。○相曰。看看若也會得。不妨今日親見就源。擲拂子下座。冬至小參。一滴水一滴凍。鬼角龜毛成大用。牛頭沒馬頭。回安南塞北路。崔嵬喫官酒。臥官床。那管京師出大黃。陰漸消陽漸長。鐵額銅頭沒伎倆。衆中還有能爲萬象主。不逐四時凋者麼。卓杖曰。向下。

文長 元旦上堂。跨三脚驢。過九重之法鼓。放無毛。鷄起八極之春風。頭頭示現。露出瓶內鷄黃。物物全彰。豁開籠中鴨綠。三身四智。各呈本地風光。五眼六通。共顯真如妙用。諸仁者。還會麼。海濶浪平。龍睡穩。天空雲靜。鶴飛高。無礙微嗣

六安準提雲鬢宗禪師示衆。舉德山托鉢話。畢師曰。這箇公案。諸方盡道是鐵門檻。從來諸大老。至今批判不下。且道諸訛在甚麼處。良久曰。咄咄咄。△○。●。初三十一。中九下七。頌。瀉山有句。無句曰。鴛鴦對對宿蘆花。水淺山高。雲影遮夜半。黑風吹不動。依然天曉散晴霞。頌。萬法歸一曰。滿天風色白。蘋洲截斷長江水。逆流直得虛空成粉碎。相逢堪笑又堪愁。乳峰深嗣

溫州雁山羅漢雲峰學禪師睦州人。上堂。卽心卽佛。謾商量。梅子熟時到處香。囑付人天正法眼。不知擔荷孰承當。還有承當者麼。拈拄杖曰。只知開口易。不覺舌頭長。問。向上宗風。卽不問如何。是本來面目。師曰。七穿八穴。慧日昇嗣

衢州石巖世拙智禪師義烏毛姓。以居士身參雙林。瞿令看狗子無佛性話。於一喝之下。默契其旨。卽呈偈曰。聞師一喝。山崩海竭。驚起碧潭龍。捧出團圓月。瞿曰。是卽是。是卽未。是後。謁慧日昇。昇問甚處來。師曰。雙林昇曰。彼中有傳。大士是否。師曰。是。昇曰。來時向汝道什麼。師進前曰。恭惟和尚萬福。昇曰。此是奴婢。如何是主。師便出。慧日昇嗣

池州雨臺海獅野關賢禪師上堂。雨臺高峰。高飛鳥難度。獅子林深。無容異獸。須各有出身路。可得高聲召衆曰。有麼。有麼。良久。拋下拄杖。山僧直得撒手行去。示衆。白雲自異。流水自深。照破影響。由除影響者。段風光塞耳盈目。雖然八萬威儀。百千三昧。祇能治己。不能爲人。且道如何。是爲人一句。召衆曰。須彌直上。磨今古。折草量天。枉用工。乳峰深嗣

石溪崇化慧燈智禪師上堂。豎拂曰。大衆還見麼。世尊觀明星於正覺山前。靈雲見桃花於春風陌上。於此見得道。非物外。良久。擲下拂曰。一任驗取。上堂。涅槃心易曉。差別智難明。會得差別智。徧野是黃金。

拈拄杖曰。喚作拄杖子。與你一頓。不喚作拄杖子。亦與你一頓。何故。多虛不如少實。了悟能嗣

崇化佛舟隆禪師。上堂第一義諦巍巍。卓犖法法全彰。情與無情。頭頭顯露。豎拂子曰。還見麼。人人眼裏有睛。決定是見。豎拂曰。還聞麼。個個耳中有竅。決定是聞。不待豎拂拈椎。早已騎聲蓋色。了悟能嗣

廣德建平法古純徹弘禪師。示衆舉臨濟因兩堂首座同時下喝。話師曰。首座各展洪機。臨濟關頭把住。雖是一門宗匠。爭免者僧勘破。何故。不見道。鴛鴦下田魚。驚死毒龍。行處草皆枯。了悟能嗣

會稽秦寧餐顓西禪師。小參檻外梧桐葉落。頻金風體露。驗當人浩歌一曲。秋光靜笑看黃花面目。新喝一喝。師問新到甚處來。僧曰。顯聖。師曰。與者裏相去多少。曰。十里。師曰。來時阿誰在前。曰。某甲。飯後動身。師曰。不謬在顯聖來。無礙微嗣

衡陽泉石隱禪師。小參。看不見處。千聖骨髓行不到處。萬靈本源明眼衲。貴在機先。領略則知。無背無面。佛祖莫測。端由魔外。豈能諳識。天地以此長育萬

◆本齋木

物。以此發生。敢問大衆。只如雪峰。輓毬禾山打鼓。且道。明甚麼邊事。豎拂子曰。看脚下。木偶耀嗣

寒木林禪師。武昌顧氏子。小參。年年舊。向今宵。歲歲新。從明日起。豎拂子曰。惟有者。個不推遷。却爲諸公。特地舉。特地舉。須薦取。百年三萬六千朝。俯仰折旋。渠是汝。木偶耀嗣

古潤蓮峰佛髻頂禪師。示衆。諸人還會麼。終日迎待。往來底。料理人事。底。喜怒哀樂。底。若道有。覓之不見。若道無。歷歷分明。且道。不落有無。畢竟如何。理會。遂震威。一喝曰。切忌。當面錯過。頌世尊初生。曰。纔出母胎。便著忙。指天指地。惹災殃。當時不遇雲門老。逐隊成羣。滿大唐。月風度嗣

明州大慈孤峻極禪師。晚參。蘇州有常州。有措桌用底。破衲布。掃地用底。禿荳帚。草本原來天下同。因甚只道。蘇常有。諸人者。還會麼。若也會得的。當許你具行脚眼。其或不然。總是癡狂。外邊走。印山先嗣

杭州清流太虛廣禪師。舉趙州訪二庵主話。頌曰。兩個拳頭一樣齊。趙州口裏有玄機。知音不用將拳豎。

疑殺當年老古錘 頌深明二上座見魚跳因緣曰

金鱗戲水下長川游到龍門碧海淵幸喜迅雷輕一

展翻騰直上九重天印山先嗣

慈修鳳庵順禪師小參靈機迅發射透凡聖觸機智

鑑晶瑩洞徹人天肝膽縱擒互換照用齊彰三玄戈

甲精鮮九帶綱宗畢備麻三觔乾矢橛趙州茶雲門

餅俱是殘飯餒羹若人噉著俱要愁眉嘆息別有滋

味甚深不與諸人道破驚拈拄杖卓一卓下座 小

參汾陽有三訣慈修祇一訣露柱忙然問燈籠開口

說昨夜三更屋角頭照見烏龜吞却鼈 頌世尊初

生曰纔出頭來便著忙自誇自街自顯狂脚跟到底

隨人轉賺得兒孫學不良 頌婆子燒庵曰漢地尋

遊蜀地居東吳西楚遞君書不談兵革人間事誘得

孔明出艸廬無礙微嗣

首山麗光楚禪師晚參學僧問楊岐如何是佛岐曰

三脚驢子弄蹄行僧曰不會岐曰湖南長老師曰大

小楊岐被這僧一拶指東劃西且道首山爲人在甚

麼處 小參從上佛祖道不盡底諸人放不下底提

不起底山僧一時顯露了也旋棒打退歸方丈宜山通嗣

東山穎鋒展禪師小參舉鹽官示衆曰虛空爲鼓須

彌爲槌甚麼人打得南泉曰王老師不打這鼓鼓法

眼曰但道王老師不打自然是破鼓曰二老辨鼓龍

蛇分別繃索總是逐隊裏搜未免傍者矣慈氏這裏

也要出隻手爲鹽官出氣遂鼓掌曰一任舉事諸方

雲父福嗣

五燈全書卷第一百

京都聖感禪寺住持臣僧 趙永 編輯

京都古華嚴寺住持臣僧 趙授 較閱

呈

臨濟宗

南嶽下三十六世隨錄

北京西山聖感齋永禪師攜李姚氏子七歲喪父

慈母撫長矢志業儒值崇禎申酉之變遇兵遇盜幾

死復生功名念澹有僧攜金粟容語錄見訪心生歡

喜遂入山拜謁求示參究法于是出俗之念愈堅至

順治庚寅夏。禮本郡深雲果剝落秋末。辭師造謁弁山。斯制期進。堂參一口氣不來向那裏安身立命。二七日間。隔溪鋸樹倒地。有省入方丈。呈見斯攔胸扭住。曰一口氣不來向那裏安身立命。師曰不是驢胎便是馬腹。斯曰墮也。墮也。師曰蒼天蒼天。斯索偈師隨口應曰鐵壁银山直下。灰鼻頭依舊大頭垂。如師再問安身處。老大拳頭劈面揮。斯領之。自此影來吳越間。游歷天童徑山報恩金粟等刹。機緣頗多。然拈提公案不敢自欺。壬辰春。參安田靜于福源。一日舉洗鉢孟話徵詰。連下數十語不契。只是痛斥詆罵。不已數日間。直得無言可對。無理可伸。一日靜示衆舉野鴨因緣。曰衆生迷已逐物。若能轉物。卽同如來處。頓然瓦解冰消。靜問不得動著。境爲甚瀉却淨瓶水。師曰百花叢裏過。一葉不沾身。靜曰爲甚歸宗道伊亂瀉。師曰無端特地靜。一日舉雪峰同條話。問師曰秦駐峰高。東洋海闊。靜連棒打出。從此痛打數十次。幾及月餘。師出其不備。舉同條話把住問之。靜亦曰秦駐峰高。東洋海闊。師于言下覷破心肝。五臟愈。

覺七通八達矣。安田結制定執事。靜垂問曰我要個不會佛法的作頭首執事。還有麼。師便喝。靜曰佛法來了。師曰這老漢作佛法會。靜曰怎奈一喝何。師曰蒼天蒼天。靜命晉西堂。一日靜落堂以杖卓于聖僧前。曰有人承當得收取去。若也收不得。自來喫一頓。師攜杖至靜前。曰和尚也須退身三步。靜曰山僧過在甚麼處。師打曰再犯不容。靜曰蒼天蒼天。師驚杖曰草賊大敗。靜低頭歸方丈。解制記。荊付授衣拂源流。有安田露現一班。直得山僧迴避之。句時癸巳佛成道日也。出世住平湖景雲慈濟孝豐圓通上海玉芝深雪嘉興德雲普明陝西咸寧成六永嘉雲外護國康熙癸亥。因徵輯燈史入京。隱靜萬佛三教圓通趙園。至康熙二十九年十一月八日。

皇上特旨命住西山聖感寺。景雲入院上堂。僧問師登法王寶座。請闡臨濟宗風。師曰杲日麗中天。曰如何是賓中賓。師便打。曰如何是賓中主。師又打。曰如何是主中賓。師復打。僧擬議。師直打出。曰還是主中主。僧問。措師曰蒼天蒼天。卽舉臨濟四賓主話。

乃曰當時臨濟老漢于潯沱河邊建立黃檗宗旨可謂實劬揮空不留朕迹今古拈提每于語下顯發師家殺活全彰學人錯會不少山僧久欲拈出老人面目以救膏肓今日上堂恰有一僧三問賓主山僧四度痛打也是忍俊不禁未免當陽註破諸仁者試簡點看于此識得山僧許與濟上老人相見 上堂僧問雪峰兩度打僧意旨如何師曰三杯酒壯才郎面一枝花插美人頭曰雪峰與麼問這僧如是答且道還有過也無師曰大冶精金應無變色曰爲甚逢人便罵師曰淚出痛腸曰同行點破又作麼生師曰換却闍黎眼睛曰焚香遙禮齊師曰前箭猶輕後箭深曰可謂珊瑚枕上兩行淚半是思君半恨君師打曰也須薦取好僧禮拜曰風雲際會千古一時師連棒打退乃曰雪峰與麼問這僧如是答大冶精金色轉輝獅兒豈受黃金索兩番打趣兮佛祖魂消數聲泣罵兮人天膽裂等閒一曲度瀟湘正是太平時節卓拄杖喝一喝 上堂趙州道無雲門道普與麼拈提太煞莽鹵良久曰還識山僧麼急搖手曰從來不打

寬皮鼓 上堂舉瑯琊覺曰有句無句如藤倚樹樹倒藤枯好一推爛柴大慧曰作賊人心虛雖然如是恩大難酬師曰是賊誠賊是精知精簡點將來猶欠一著圓通有甚長處敢與麼道有句無句如藤倚樹樹倒藤枯苦 上堂山河大地牆壁瓦礫無時不上堂無時不說法可憐無限人辜負伊太煞今日忍俊不禁只得再下註脚耳聞者聾眼見者瞎 上堂諸人知處良遂總知穿衣喫飯有甚麼難良遂知處諸人不知穿衣喫飯莫道不難祇如南泉入園拋出瓦礫且道是警覺這僧耶不警覺這僧耶翹一足曰王老師慣向莊上喫油糞 上堂黃面瞿曇三百餘會說不盡的闍黎老胡十萬里程傳不到的山僧今日特地露布惟冀諸人直下薦取良久曰會麼逢人莫錯舉 上堂僧出纔禮拜師搖手僧懷懼而退師椎胸曰蒼天蒼天乃曰華嶽崔嵬到者須是其人黃河浩瀚弄潮全憑好手個個常光現前且道阿誰知有眨得眼鐵壁银山跨一步移星換斗你等長連床上菩薩子只知晝見日夜見星那曉當年菩提達磨來

時無口喝一喝。佛成道日上堂。無端特地毒胎深。結正覺山前。虛空迸裂。拾得麗水金。用作新羅鐵。以拂點。午夜星別不別。復畫○奇哉奇哉。證龜成鼈。除夕小參。小盡二十九。大盡三十日。兔走鳥飛。疾似梭。茫茫幾個知端的。結角在羅紋。今宵好委悉。顧視左右曰。形山有至珍。切忌輕拋擲。觀音誕日上堂。草色芳菲。花光縹緲。須彌頂畔。果日高昇。蟠桃枝上。春風未老。鐘聲短的。短長的。長鳥聲大的。大小的小。顧左右曰。會不會了。不了一片大悲心。狼藉知多少。京都萬佛入院上堂。全提正令。豈在多端。金鑊鑄動寶劍。光寒志士。寧容縮手。良馬那用揮鞭。括古包今。篆不離之心。印超聲越色。演不說之真詮。猷續條條玉燭。花敷井井青蓮。承誰恩力。鑒在機先。喝一喝曰。非常人荷。非常事扶。豎門庭不等閒。觀音大士誕辰。植本師靜老人百日上堂。雙林樹下。披襟瀝膽。大抵無端。熊耳峰前。露尾藏頭。早成漏逗。若論洞明正眼。還他沒量大人道有也。而不立一塵道無也。而不撥一物。凡情詎可測。聖智莫能窺。焉拈拄杖。左

卓一下曰。觀音菩薩向這裏出。驢胎入馬腹。示現一朝。又以拄杖。卓一下曰。香嚴老人向這裏飲鐵汁。食銅丸。化過百日生滅。不異呼吸相通。好事多同。如何證據。復以拄杖中間連卓曰。直劈華山分兩路。萬年流水不知春。聖感入院上堂。智鑑洞明。靈機廓徹。揭示摩醯正眼。拈提向上弘規。日月星辰。全彰妙明。心印。昆蟲草木。咸隣菩提覺場。起立曰。仰荷。聖恩。欽承。綸命。祝延。

聖壽翊贊

皇猷又且如何。展演金輪統御三千界。寶祚延綿億萬年。立兩序上堂。多年抱拙。隱蘊廬。閉戶深藏。定祖圖燈史。纔完今日案。犁耙從此又相呼。事不獲已。略整規模。金將爐冶玉。切銀錢。且約三章法。應遵七事符。勒回河北千年運。直溯曹源萬疊波。

聖駕幸山謝 恩上堂

駕臨古寺。春滿寰區。大毗盧頂。應身優鉢。曇華吐燄。山河大地。盡作琴聲。萬象森羅。俱隨妙舞。堯仁廣被。位永固于金輪。舜德恒新。壽彌堅于寶祚。仰祝。

無盡

睿算所實正法流通。豎拂子曰：大衆還委悉麼？須識皇恩造化，同一切含靈，承此力揮拂子下座。

聖駕侍

皇太后幸山謝。恩上堂，千峰如滌淨，無塵恭遇。

宸遊雨露，新勝義諦。中彰勝義，慈仁行處，見慈仁巍巍乎全彰。大用蕩蕩乎顯發純真，胸宇早分無量壽。頂珠常照，百由旬仰瞻一片溪山色，共沐

皇恩不盡春。示衆百丈，得大機，黃檗得大用，更有

一人得個甚麼？願左右曰：好不增一毫醜，不減一毫

晚參提婆，以一鍼投水，爲甚龍樹大士，便喜恩深。

無語懷抱，分明聖人之道，不可名而可見者，此爾以

拂畫○歸方丈。僧問：世尊初生，雲門一棒，世尊

過在甚麼處？師曰：若是鳳凰兒，不向那邊討。僧參

入方丈，便喝。師亦喝。僧又喝。師把住曰：山僧被汝一

喝，僧擬議。師拓開曰：門外漢。師路逢一僧，攔住曰：

求和尚說。說師劈面一掌。僧無語。師曰：元來元來。

僧參師，問從那裏來。僧於地上畫○。此師以杖作擎

又勢僧復于相上加一曰字。師與抹却。僧復擬畫相。

師連棒打出。問：如何是諸佛出身處？師以杖作舞。

僧翹首。師打曰：古佛過去久矣。問：維摩方丈，不以

日月爲明，和尚方丈，以何爲明？師展兩手曰：道甚麼？

曰：直得某甲有眼，覷不見。師曰：將謂將謂。問：大事

已明，爲甚亦復如喪考妣？師薦與一推曰：果然有口，

只堪挂壁。師曰：二時齋飯，僧沉吟。師打曰：差之毫

釐，失之千里。問：趙州看二菴主意，旨如何？師曰：道

路各別。養家一般，曰爲甚？肯一不肯一。師曰：莫將閑

學解埋沒祖師心。頌文殊三處度夏，曰：暇即遊兮，

俗即眠。玉容常醉彩樓前，春風起處，楊花亂。江月重

重雪裏天。頌調達誘佛，曰：韶光三月景，和融錦繡

山川處處同。碧瓦曉烟寒食雨，朱簾晴捲杏花風。

頌初祖隻履西歸，曰：達磨從不來東土，緣何說個西

歸去？空棺隻履大分明，知音鳥用頻頻舉。頌鳥窠

吹布毛曰：冤家歷劫難回互，出鞘龍泉劈面寒。觸瞎

一雙青白眼，漫天覆地絕人烟。頌國師三喚侍者

三應曰：流鶯聲老綠楊中，啼落南枝一點紅。莫謂東

君無管待更加煦日與和風。頌百丈野狐曰。描不成。寫不全。桃花如錦柳如烟。饒君題盡招魂賦。輸我安閒自在眠。頌雲門乾矢橛曰。玉鷲飛歸蘆荻渚。芙蓉窈窕秋光前。世間無限丹青手。到此都盧畫不全。頌黃龍三關曰。有個生緣。帽大衣寬。愛喫梅實。不顧牙酸。我手佛手。出乖露醜。纔涉思惟。披枷帶扭。我脚腫脚。鳶飛魚躍。一種風流。誰能領略。師有語錄二十卷。深雪草堂集三十卷。并輯五燈全書一百二十卷。法苑英華。□□卷讀書隨記。□十卷。古今僧詩六十卷。諸種行世。嗣法弟子明誠謹錄。道安靜詞當湖暨玉道者。馬明熙邑之文學少孤。性落落喜自適。嘗覽詩書。遇疑難者。愛讀之。閱歷事務。擇實益者。方爲之。見人禮佛像。誦經懺。哂爲土木章句。從事奚爲。居於鄉。習射獵。打魚弋鳧。不顧焉。繼而避亂乍浦。安田靜。應天台湧泉之請。取道海濱。寓於柏子院。士偶過。一見若舊生。歡喜心明。晨修誠往。謁呈月隱偈。有清風明月夜。總是一家人。句靜問如何。是人中主士。茫然問指。通身汗流。覺已躬下。便有一種放不過。

處廢寢忘餐。數晝夜。一日復造。直陳目前境地。恍如桃花隔岸。芬芳可聞。恨不能便渡。輕航採賞。笑傲於其間。又如策天驥。迅足雲程。俄而晴空萬里。俄而嶽峙峰連。種種識界。不斷塊壘。多礙伏望。慈悲靜偶。閱士所鐫篆章。舉示曰。汝且向這裏。薦取分分明明。一絲一毫。模糊不去的。是個甚麼。若能一眼覷破。盡十方世界。山河大地。明暗色空。一印印定。無處不是。圓文鐵線。漢篆秦章。說甚麼桃花隔岸。天驥雲程。耶。時雖心感。開示更覺增了一重疑案。抵夜同師步橋邊。靜舉世尊初生雲門一棒。因緣言下。未領歸途。問不覺失笑。若有所遇。卽扣門馳證。曰。路次忽得可笑一事。特來證明。笑得雲門老人一棒。打殺世尊。已見辣手。怎麼也要與狗子同槽喫食。靜曰。世尊雲門與狗子。則且置。只要問如何。是汝獨尊的。我速道。速道。士擬議靜叱曰。聰明意解。有甚麼用處。卽推出門。士廢然自喪。曰。此誠識解邊事。算不得數。作不得準。生死岸頭。怎能敵得此時。如進重圍。如增鉅石。心下益不自安。而皇皇焉。又慮師之起程也。偶無舟得以阻期。

遂邀闍然姪暮往。因茶次談及報恩。琇一夜喚兩僧入方丈。命以今夜不了明。各打一百杖。兩僧俱得開悟。茶畢靜起身曰。山僧今夜亦作報恩老人去也。設兩蒲團於佛殿。命士參獨尊的。我命闍然參。青州布衫鉗錘。至半夜疑情倍切。士獨立中庭。靜驚然一推。此時心想意識多無用處。猶如鈍鐵一般。靜復打曰。不唧啾。漢士雖略知冷暖。不敢承當。回坐蒲團。良久靜問曰。坐的與立的有兩個否。士曰。無。靜曰。天上天下。唯吾獨尊。士益猛勵。拚死追求。至五更聞報鐘鳴。千重鎖鑰豁然迸裂。謂闍然曰。不須參。不須參。纔涉思維。千里萬里矣。時東方既白。靜問曰。還信得及也。未。士曰。莫開口。靜曰。如何是獨尊的。我士豎拳。靜曰。有人道是拳頭。士便喝。靜亦喝。士曰。今日看破和尚。拂袖而出。盥沐焚香。請歸依。靜許諾。授名超建。臨別靜驚問曰。死了燒了。向何處安身。立命。士曰。此去天台一千里。靜曰。非汝境界。士連喝兩喝。靜微笑。嗣後又達一書曰。仰荷鎔鑄。直頭逼出精液。山河大地。一腳踏翻。百萬億劫後。衆生俱是盤古老子的祖宗。說

甚麼開天闢地。那如者拳頭亘古彌今。縱橫自在。憑人放馬打鞦韆。跳不出毫毛管裏。這也不是希奇特。別之物何用饒舌。弟子只在當湖。送師往天台去也。靜謂不是門外漢。爰授偈拂以記。荊焉。靜詞

嘉興當湖復菴殊賞德禪師。上堂。道人行履本無固。必有時埋頭絕壑。種石鋤雲。有時身入鬧藍和泥。合水。恁麼也得。不恁麼也得。無一事不演真乘。無一物不圓至體。迴脫根塵。靈機廓徹。不妨拈草。現金身丈六。彈指開樓閣。百千顯左右。曰。還有共相證據者麼。一言金石風雲際。萬古洪謨祖道新。頌女子出定。曰。大定何曾有出入。文殊罔明誰得失。雲收雨霽廓然空。依舊青天與白日。頌趙州勘二菴主。曰。兩入僧菴。兩唱酬。豈來一樣是拳頭。若將得失分高下。覷面何曾見趙州。道安靜詞

順天房山天生院恒遠一禪師。僧問。臨濟三句。請師宣師曰。我這裏著不得。曰。如何是第一句。師便打。曰。如何是第二句。師又打。曰。如何是第三句。師復打。僧擬再問。師連棒打出。僧竚立門外。曰。屈屈。師曰。一任

舉似諸方。問德山托鉢事如何。師曰：平地起浪。

雪峰一問德山爲甚便低頭歸去。師曰：疑殺天下人。

曰：雪峰舉似巖頭又作麼。生師曰：禍入不慎之家。

曰：云未會末後句。又如何。師曰：越空打劫。曰：山聞令

侍者喚巖頭云：汝不肯老僧。那師曰：將錯就錯。曰：頭

密啓其意。麼。師曰：山西打鼓。江南作舞。曰：山明日上

堂果與尋常不同。師曰：龍蛇易辨。衲子難瞞。曰：頭主

僧堂前撫掌大笑曰：且喜老漢會末後句也。天下人

不奈他。何雖然也。祇得三年活。師曰：撼動須彌。曰：

山果三年而逝。師曰：頭正尾正。題觀音大士像曰：

觀音耳作眼耳見始方明。若問圓通意。驢鳴犬吠聲。

道安
靜嗣

京都聖感桂芳林禪師保寧清苑張氏子。賦性淳和。

不茹葷酒。雖羈縻網矢。志出家。二十七歲禮本郡觀

音菴光碧玉披剃。詣憫忠圓具戒。後居漏澤園。日誦

華嚴夜持尊勝。設放餓口施食。三年無輟。四衆傾心。

鬼王之號。由此稱之。繼住西山寶珠洞。有禪者以拄

杖向背語請益。師罔措。遂抱疑團。通宵不寐。次晨食

椒菜。有省。適坐菴於善應。開爐師預其數。聞鼓聲正

思惟。間有人誦金剛經三心不可得。豁然悟徹。撫掌

笑曰：此心不逾三心。外離却三心。亦此心。後參先師

靜。屢徵詰。知臻堂奧。乃記荊焉。洞前有平坡寺廢址。

係唐朝勅建者。師不辭勞瘁。拮据一新。善應結制。

示衆。善應結制。好個消息。禪不會參。噉飯第一。飯後

喫茶。不知何味。喝一喝。曰：過了三十。定是初一。自

題像曰：者個阿禿。生來薄福。不諳人情。太甚孤獨。破

衲隨身。愛棲林麓。虛空作隣。頑石爲族。問著宗風。張

口閉。日。曉。建立門庭三十年。等閒難覓。知心腹。康

熙壬子秋。

今上皇帝召師入萬善殿。見師撲實解珍寶數珠。

賜之并。賜龍藏扁額。咏詩褒之。命內翰亦咏其

事。至丙寅七月十日。忽然示寂。世壽六十八。僧臘四

十一。

上聞。仍賜白金爲殯資。其徒寂印奉師全身塔于

後山廣禧寺之前。

道安
靜嗣

育嬰關主忍菴信宗禪師。吳江人。僧問如何是南臺

境師曰。萬柳年年綠。如何是北臺。境師曰。千山日日青。如何是境中人。師曰。玉堂金馬客。不作等閒看。問。關中意。請師直指。師曰。有口道不盡。曰。還容出入也。無師曰。上座何方來。曰。五臺。師曰。無汝下脚處。問。父母未生前。如何是本來面目。師曰。午上與你包子喫。曰。不會。師示一頌。曰。不會不會。石頭土塊。斷却咽喉。失錢遭罪。問。如何是佛。師曰。水面葫蘆。問。終日看經。有何利益。師曰。特地一場愁。曰。如是則不消看也。師曰。瞎。師示疾。謂衆曰。臭皮袋。生死關。打得破。尙還難。會得會不得。滿目是青山。復豎起拳。曰。道道一衆罔措。師曰。青山也不識。瞑目而逝。道安靜嗣

慈祥雲平我禪。師示衆舉丹霞燒木佛話。畢乃曰。丹霞偶爾成文。院主不妨撞彩。今日將二老漢一齊燒却。拍掌大笑。曰。且看有舍利也無。問。五千四十八卷。那一卷是真經。師曰。破被蒙頭。總不知。曰。普天下僧。那一個是真僧。師曰。兩耳依然左右垂。曰。三頭六臂。那一臂是正臂。師曰。照顧眉毛。曰。呆日當空爲甚。覆盆之下。師曰。從來不借他力。道安靜嗣

燕京法興寺德涵禪師。上堂。轟雷掣電。駒踏麟奔。目視繩床。煥然頓現。不是師資。合妙安得。啐啄同時。就中殺活。機權個裏。鉗鎚嚴密。全提大用。還他獅子之威。魏代相承。須藉法王之印。到者裏。水到渠成。遇緣卽住。各各懷仁。抱義人人。裕後光前。薰豎拂子。曰。還委悉麼。生涯只在絲綸上。明月扁舟得自由。上堂。聲前悟旨。已涉程途。句下明宗。却成知解。說心說性。謂之惡口。小家言證言修。總歸世諦流布。若有個漢。不涉程途。知解不作。惡口世諦。山僧拄杖子。雙手分付。良久。曰。誰人知此意。令我憶南泉。示衆舉殃嶺產難頌。曰。賢聖法來不殺生。親言親口有誰爭。堪憐來往途中客。惜却眉毛露眼睛。示衆舉國師三喚話。畢乃曰。南陽明修棧道。侍者暗渡陳倉。帶累多少。人向辜負處。轉身不得。示衆舉趙州二菴主話。畢頌曰。一分家私。兩分分。老婆心。切剖來。均堪憐。無限痴男子。猶向其中論富貧。示衆舉興化打維那話。畢乃曰。興化善行六韜三略。奇正莫測。克賓運籌帷幄。終不墮他術中。雖然如是。還知克賓喫棒處麼。

具眼者試道看。示衆舉婆子燒菴話畢。乃曰。婆子似冰者。僧如火。檢點將來。二俱不了。士問。庭前柏樹子。是何意旨。師曰。昨夜三更月到。聰士曰。錯。師曰。居士又作麼生。士曰。今日風吹面裏寒。師曰。錯。士曰。某甲罪過。師曰。錯。錯。道安

蘇州虎丘甘露雨。平定禪師本郡孫氏子。母夢北方僧借宿而生。父母早亡。九歲依甘露純菴。染參安田。靜究徹法源。而受記荊。出住甘露。示衆舉維摩默然話。畢。師曰。維摩默然。其聲如雷。文殊讚歎已落第二。二大士靴裏弄指。則不無若是不二法門。要且未。在示衆舉趙州二菴主話。畢。師曰。趙州雖則殺活全提。要且鼻孔在別人手裏。頌五通問佛曰。無端惡口。噴青天。却把黃金當碌。打破那通關板子。瞿曇鼻孔不完全。頌二祖得髓曰。禮拜無言聲。若雷老胡有口也難開。若將皮髓論高下。辜負西來破草鞋。頌南泉斬猫曰。殺人刀。握無人識。魔佛當陽遭霹靂。若道圓機是趙州。鷄子已過新羅國。頌潯山水牯牛曰。不是潯山。不是牛。清風明月一時收。短歌唱。

出蘆花岸。無限青山盡點頭。道安

開封天王印持敬禪師上堂。仰之彌高。望不及鑽之。彌堅。割不入瞻之。在前天左轉。忽焉在後地右旋。燕豎拂子曰。若向這裏薦得。所見一切見。所聞一切聞。山河大地。百億須彌。盡在諸人面前。一一頓現了也。諸仁還會麼。以拂子擊禪床曰。劒去久矣。上堂。獨露全機。觸目菩提。踏翻四大海。陽倒五須彌。也是一場笑具。何故從上諸祖。只到得這裏。且道這裏是甚麼所在。喝一喝。上堂。佛法禪道。無你諸人。啓口處。無你諸人。解會處。無你諸人。湊泊處。無你諸人。分別處。汝若是個丈夫。直下休去。歇去。多少省力。無位真人在汝面門出入。還見麼。待汝等打破鏡來。纔有喫棒分喝。一喝下座。小參。佛法二字。無說無傳。指鹿爲馬。肋下還拳。天王今日。覓個還拳底。有麼。有麼。良久曰。也不得按牛頭喫草。道安

睢陽大佛平林旭禪師嘉定馮氏子上堂。豁開戶。闢萬里。不挂片雲。杲日當空。四顧清光。溢目。本來現成。何必口喃喃。地以拂子畫○曰。急著眼。復喝一喝曰。

休錯認。上堂心不是佛智不是道直下承當切莫草草若或顧盼躊躇徒白鬚眉到老有個徑捷法門也要當人便了良久曰父母所生口終不爲汝道上堂道遠乎哉觸事而真紅爐烈焰片雪飛騰聖遠乎哉體之卽神寒風凜冽滴水成冰汝等諸人曾撞著無位真人麼擊禪床一下曰切莫動著僧問佛祖近不得底是甚麼人師曰不是佛祖曰畢竟是甚麼人師脫一履拋向前僧罔測問如何是掩關一句師曰向你道不難恐成兩句道安靜嗣

五燈全書卷第一百

五燈全書卷第一百補遺

臨濟宗

南嶽下第二十六世隨錄

當湖復庵殊貫德禪師示衆學國師三喚侍者話畢師曰國師將金博金侍者以水投水一期聲應氣求

◆宋顯宅

千古之下足稱父慈子孝示衆舉興化打克賓維那話畢師曰興化徹底婆心其奈棒頭短克賓不因喫棒怎令此話行雖然只如罰錢出院又作麼生從前汗馬無人問祇要重論蓋代功問世尊初生雲門一棒且道世尊過在甚麼處師曰知恩方解報恩問雲門放洞山三頓棒且道有喫棒分無喫棒分師曰事因叮嚀起問靈雲見桃花悟道玄沙云未徹在如何是未徹處師曰相識滿天下知心有幾人頌庭前柏樹子曰一片無私古佛心願將肝膽向人傾堪憐無限癡男子猶向庭前柏上尋頌大事已明如喪考妣曰破家散家向誰論赤體無依徹底貧迢遞故鄉消息斷回思不覺倍傷神道安靜嗣京都白雲瑞平毓禪師佛誕上堂昨夜三更明月朗倒騎玉象下丹墀牛回馬沒綢繆勝難免諸方惡水澆大衆卽今釋迦老子在什麼處擲拄杖曰直下來也急著眼看上堂一葉落天下秋一塵起大地收樹凋葉落金風動只要諸人放下休且道結角在甚麼處卓拄杖喝一喝下座示衆舉玄沙和尚示衆

曰深山懸崖千年萬年人跡不到處還有佛法也無。若道有喚甚麼作佛法。若道無却有不到處。師曰大。小玄沙漏逗不少。佛法說甚麼有無與麼說話。大似黃蘗止兒啼。大眾山僧與麼道。意在于何。良久喝一。喝曰喚作祖師機。猶落第二義。師同天根到勝果。指庭前柏樹曰。汝向者裏道一句看。曰今古一色師。曰西來意。庭前柏樹子爲甚。五祖演道前邊會得不。是後邊會得。是曰當年若道茆長短。燒了方知地不。平師曰放汝三十棒。僧問十方無路四面無門。因甚。又道一門超出妙莊嚴。路師曰卽今路頭在甚麼處。僧便喝。師曰且喜沒交涉。

道安靜嗣

奉川法海。樸庵樸禪師姚江韓氏子。上堂。若道山僧
今日生。誠哉杓卜聽虛聲。古今不離於當念。日日無
非是。誕辰雖然作麼生。道箇應時及節句。以充衆聽。
今朝六月六。芙蓉香馥郁。安分且隨緣。唱闕哩囉曲。
衆中和得者。出來通消息。看如無山僧拄杖子。現大
神通轉大法輪去也。卓一卓下座。道安靜嗣
亮公周超。端居士拈百丈再參。曰豎拂挂拂熟處難

忘振威一喝傾湫倒獄不但百丈三百耳聾直使盡大地人髑骸粉碎拈丹霞燒木佛曰丹霞因風縱火院主別有生涯要見丹霞則易要見院主則難頌百丈野狐曰不落不昧牢關粉碎玉兔東昇金烏西墜一時吐却野狐涎忽然闖入金毛隊頌大隨劫火曰壞不壞觀自在劫火光中無隔礙隨他去真古怪將人財物償人債大用全提超物外

道安靜嗣

撫州芙蓉瑞庵濟禪師上堂芙蓉近日與諸方不同有時默有時說有時默中說有時說中默你諸人擬向默時見芙蓉芙蓉不在默時處擬向說時見芙蓉芙蓉不在說時處擬向默時說說時默處見芙蓉芙蓉亦不在默時說說時默處你擬不要見芙蓉怎奈諸人無處迴避還有迴避得者麼舉手劈開生死易教人除却是非難

道安靜嗣

都門李泰然居士參道安靜問和尚住何道場靜曰臨濟老門庭曰何不自建立靜曰料汝跳不出曰却被和尚鈍置靜曰還識趙州語言麼曰趙州有多少語言靜曰那裏是他勘破婆子處曰瞞得阿誰靜曰

猶未曾在日擬會卽錯

道安靜嗣

蘇州定慧瑞旭容禪師示衆吞盡楊岐栗棘蓬更於何處覓英雄別峰謾道相逢也未出門時見已同

示衆豎拂子召衆曰看看若恁麼見得向第三句會取擊禪床曰若恁麼聞得向第二句會取只如第一

句向何處會取以拂畫^④曰休錯認師落堂見一

僧經行向前擲住曰道道僧擬議師拓開曰山僧罪

過問目前雙塔終日相峙未審放甚麼光師曰刺

破汝眼曰是何心行師打曰且道是甚麼光

道安靜嗣

松陵泗洲松吼雷禪師上堂夏木陰森黃鸝聲碎梅

熟梔香松蒼竹翠百千法門處處全彰無量妙義頭

頭顯著遂拍案曰少林心髓盡傾翻汝等諸人尙瞠

睡上堂一年三百六十日候爾新正已過三老死

將期休放逸拚條窮命力追參旋顧左右曰參參參

釋迦本姓是瞿曇不必逢人乞指南以手擲口曰無

端終日口喃喃

純朴汝嗣

海鹽草堂秀禪師小參火雲時乍斂萬里碧天秋金

風翻貝葉玉露裊珠毵蛩吟幽谷畔蟬噪柳梢頭動

絃應別調蕞落自知秋卓拄杖一下

雲阜慧嗣

懶雲學禪師禮嘉善靈塔冲凡師薙染看竹篋子話

有省後參廣化明得法頌夾山參船子話師曰活計

波心三十年錦鱗高躍出重關相逢點首華亭棹收

拾蘆花月一彎

悅可明嗣

眉庵靈谿源禪師頌高峰六問人人有個影子寸步

不離因甚踏著踏不著曰一江明月浸秋空獨泛扁

舟上下同莫道水中撈不住依然在月在明中頌

盡大地是個火坑得何三昧不被燒却曰投滿芥城

猶有缺拂殘劫石尙披衣不如斫却無根樹一任旁

人說是非頌大修行人當遵佛行因甚不守毗尼

曰春風花放一枝新花放春風色愈真處處縱教春

色好相逢誰是看花人頌大徹底人本脫生死因

甚命根不斷曰難難難易易難難十石油麻樹上攤

回首啞然只一笑前三三與後三三頌佛祖公案

本是一個道理因甚有明與不明曰一片婆心舉似

他絕諸訛處轉諸訛都來換却時人眼莫笑時人眼

目多頌杲日當空無所不照因甚不照覆盆之下

日。鵬盡春回感歲華。朔風吹雪徧天涯。可憐名利江湖客。何事經年不到家。芥子園

西山廣泉自曉愍禪師吳江馮氏子。幼爲諸生。負豪俠。順治庚申年。脫白參禪。嚴容發明。心要依孤雲鑑。最久已而登峨嵋。歷五臺。遂至京師。謁法曇海于延壽。機緣相契。卽受記。荊康熙甲辰秋。聞白雲山外道趙圓真。緇服妖言。鼓惑甚衆。師恐貽患。正教志存匡救。直抵榆關。同僧悟宗入山。諭以正法。真不從。回京著照妖直論一書示之。真怒。欲誣師。師不得已。聞之。當事時。大宗伯具疏上聞。奉旨以趙圓真邪惑人。擬斬。又以可矜。減等杖一百。流三千里。隨發遣陝西藍田案結。垣中察希。納請師住西山廣泉。師應之。卽閉門謝衆。鑿泉栽花之外。無他務也。間以一拈一頌發明向上。丁巳師年五十一。秋季示微疾。以十月初四日告衆而逝。闍維收骨。塋于本山。其遺稿爲不知者所焚。僅存廿之一。剃度弟子寂衍。編刻之曰焚餘集。與照妖集並行於世。法曇海嗣

修證論圓成。試看此土是何土。擬議思量千萬程。從來無滅亦無生。任性逍遙最現成。堪笑隨聲逐色者。踰躅辛苦問途程。一念知歸事怎生。無根樹子蔭涼成。頂門一隻金剛眼。萬里神光不計程。師資契合不尋常。針芥相投別有方。一錐痛處難回互。飲恨而今孰可忘。脫盡皮膚始見真。一真猶是眼中塵。要知眞妄消融盡。萬里長空月一輪。法曇海嗣

吳江羅漢月蟠閉禪師。示衆畢。死了。燒了。向何處安身。立命頌曰。龍歸大海。作波瀾。東湧西遊。過萬山。縱使乾坤搖撼動。渠儂不動一毫端。淨樸汝嗣

五燈全書卷第一百一

京都聖感禪寺住持臣僧 紹永 編輯
京都古華嚴寺住持臣僧 超煥 較閱 進

呈 臨濟宗

南嶽下三十六世隨錄

南陽香嚴蜀叟古禪師。先香嚴小祥上堂。先師去年

今日入隱身三昧。今年此時與三世諸佛歷代祖師同現。普光明三昧。不肯兒孫將西天祖師西邊著。東土祖師東邊著。過去諸佛且退。後未來諸佛護近。前現在諸佛當正令。灘頭緊渡頭深。丹水氣象主山高。案山低。白崖家風。諸兄弟于此高低深淺。一一見徹。齊到影堂前禮拜焚香。檢藏上堂如來寶藏妙性圓明。見者聞者。誠爲聖種。弘宣勝義。秘密門開。頓教漸教。一時流通。大千普利。以此殊勝功德。甚是難值。看經時不作字相。句相義相。是得文殊大智作務處。不憚疲勞辛苦。方入普賢行門。即此一法。十方同聞。以何爲據。遂作○○○○○曰。親向靈山承授記。同遊藏海渡迷津。示衆卽心卽佛。非心非佛。三九二十七。四九三十六。屈指數三回。不出是者。數于此。明得正好。朝打三千暮打八百。其或未然。各各歸單參。師行脚次路有僧曰。日子不可錯過。好學佛法。師曰。若是佛法。目前也不少。曰。請舉些看。師正色以手指僧頭曰。帽子都不帶。正僧擬整帽。師笑曰。大好不錯過。問。闍賓國王斬師子尊者。意旨如何。師曰。

太平本是將軍定。曰。祇如王臂墮落。又作麼生。師曰。不許將軍見太平。宕山遠嗣丹霞古宿尊禪師。上堂。藤條笻笠寄高岡。寂寞風規歲月長。不掩柴扉交脚坐。焉知佳客到茅堂。當此之際。山林現瑞草木呈祥。幽鳥元談。野猿妙唱。同明般若。互演眞常。言言顯佛祖家風。句句作人天榜樣。然雖如是。猶未是衲僧行履處。大衆且道。畢竟作麼生。良久擲拄杖下座。宕山遠嗣澧州大同辨海言禪師。中州浙川李氏子。先事戎行。因遇五臺僧。指點棄官。薙染依蓮。夫元座下。親承心印。回祿上堂。昨朝勝熱婆羅門。顯大威光。逗大神力。以虛空作爐。鑄大地山河作煤炭。將四聖六凡情與無情。一爐鎔化了也。大衆急著精彩。遂震威一喝。曰。但覺皇風成一片。不知何處是封疆。上堂。知之爲知也。三十棒不較少。不知爲不知。三十棒不較多。是知也。三十棒恰恰好。何故知之一字。衆禍之門。示衆金佛不度爐。鎔成一片木。佛不度火。甚生彩燄。泥佛不度水。通身打失眞。佛內裏坐三十棒。越出何。

故大海不宿死屍。上堂我愛山中夏日長。松陰滿徑足清涼。寒泉徹鑑鬢如鬢。何必多般對鏡粧。上堂盡大地無纖毫過患。撮十方如粟米許。因甚熙寧八年崩倒華山四十里。壓倒八十村人家。卓拄杖曰。汝等諸人。逢人切忌錯舉。遠夫懶嗣

黃梅東禪天澤霖禪師。解夏晚參。夏末秋初。百事臨頭。草鞋跟斷。破傘難收。鼠咬笠帽影。也沒有者。裏脫去。永絕馳求。噓一噓。冬日示衆。林葉蕭疎。後萬緣放下。時若人知此意。便透祖師機。作麼生是祖師機。

豎拂子曰。月落潭無影。雲生山有衣。千切嗣

黃梅五祖無絃琴禪師。上堂。東山沒計較。不會元與妙。有問。信口誦那願言。精造釋迦。不能說信口便說到。彌勒不能行。信脚使行。到行說俱到。未能夢見。向上竅。饒你口似秤錘。難免燈籠絕倒。上堂。東山立處。人難立。東山到處。人難到。非是有心異。物情大抵行藏無作。造德山臨濟。尙茫然。法眼雲門。空計較。其餘固理殊難。伸悵怨。東山沒頭腦。拄杖忍俊不禁。爲伊點破一竅。無口人喫飯。無肚人知飽。江西湖南歸。

去好。千切嗣

衡石笑玉禪禪師。維揚季氏子。參南山月。月問有一物。明歷歷。常在動用中。爲甚動用中。收不得。師曰。杓卜聽虛聲。月不肯。三日後。師契悟入室。曰。三日前公案會得也。月曰。試道看。師纔舉前話。月驚拈拄杖便打。師卽呈偈曰。今朝臘月八。昨日臘月七。好笑諸方老凍儂。原來都是白拈賊。一菴月嗣

瑞州黃蘗崇禪師。宜興王氏子。上堂。登先師堂。入先師室。據先師座。鑊橫按。正令全提。元要照用。祖代門風。殺活縱奪。家傳茶飯。振黃蘗未墜之宗。續臨濟將殘之焰。不在茲乎。雖然如是。攫浪擎雲。端藉馬駒門下客。擎天浴日。還他濟水渡頭人。假如躡劍樹刀山。入鑊湯爐炭。還有相隨得。一上者。麼。顧視左右曰。掀翻海嶽。求知己。撥轉乾坤。定太平。一菴月嗣

瑞州黃蘗亦葦岸禪師。吉州文江李氏子。上堂。拈拄杖曰。拄杖子。有時如金翅鳥王。直取龍吞。有時如摩尼寶珠。隨方顯色。能斷衲子之命根。能續佛祖之慧命。妙用天然。殺活自在。所以賤歷則一任東擲西拋。

貴拈則縱使千金不換。然雖如是。祇如喚作拄杖子。則觸不喚作拄杖子。則背。畢竟喚作甚麼。卓一卓曰。一切現成。一菴月嗣

安慶清涼現。幡隱禪師臘八小參。皇宮賣弄多端。又向雪山六年冷坐。擡頭夜觀明星。依舊將錯就錯。大衆何爲將錯就錯。良久曰。三千利海盡光輝。多少行人草裏臥。天章玉嗣

萊州福慶妙偉俊禪師上堂。人我山便是涅槃山。煩惱海卽是法性海。可中有個沒量大。人從蠅螟眼裏突出。不消一擲。涅槃山粉碎。法性海枯乾。且道渠儂又在甚麼安身立命。良久曰。昨夜寒風起。今朝刮地霜。晚參金風颭颭動。寒林徹體無依忍。不禁不借。實難陳擬思。早隔萬千尋。參。小參踏斷雲邊白。玉床倒跨泥牛鞭。出血等閒觸著娑竭龍。烈焰爐中飛白雪。大衆且道是醍醐句。毒藥句。苦瓠。連根苦甜瓜。微蒂甜。晚參古人道。白月則隱。黑月則現。大衆且道是甚麼物。衆無語。乃曰。白月隱。黑月現。仔細分明爲君判。蟲蛀秤錘血滴滴。無目波斯親覩見。還會

麼。遂以兩拳置額而起。上堂問道。本無言。因言顯道。如何是道。師曰。口是禍門。僧擬議。師便打。乃曰。今朝五月十五。舜若多神起舞。撞著南山。驚鼻吞却。莫教冤苦休冤苦。南泉不打鹽官鼓。頌趙州勘二菴主曰。一步笑兩步啼。隨風直到夜郎西。神頭鬼面人驚怕。攪得乾坤爛似泥。頌五祖演牛過牕。欄話曰。金鎖元關齊掣斷。大方獨步許誰知。不堪回首夕陽望。一線梅花月上遲。天笠珍嗣

盛京興善允則欽禪師解制上堂。有佛處不得住。背後一拳。無佛處急走過。攔腮贈掌。三千里外逢人。不得錯舉。藝高心膽大。恁麼則不去也。撞著聲頭禪。摘楊花。摘楊花。零落枝頭多少春。向者裏薦得。呼喚不回頭。羅籠不肯住。有恁般手脚。任伊南北東西。其或未然。且莫亂走。佛成道日。小參盡謂觀星成。道誰知。頂上著枷。四十年含血汗。人數十載。和賊捉敗伴。死拘尸河邊。帶累金色頭陀。活埋鷄足山下。死守一袈裟。地從茲兒孫。遍塵遍刹。拈條曰。棒嚇鬼。欺神正眼。豁開誰辨的。滔天逆浪起。滄沱喝一喝。中秋晚

參半夜虛空裂山河光皎潔廣寒元不遠莫向天邊覓多少守株人錯過者時節南泉拂袖走白雲曾遭跌好笑楊岐老白拈明珠奪去還生鐵僧問萬法歸一一歸何處師曰鐵蛇橫古路問如何是第一義師舉竹筴僧擬議師打曰落七落八問未生面目作麼生參師曰你面前無我我面前無你僧作禮師打曰有也頌臨濟宗曰百步千鎚揮鐵鑊蒼龍窟裏扶明珠印開朱點全提旨五逆雷聲震五湖頌雲門宗曰自從拶折娘生脚蕩盡家私惹禍殃殘草毒蛇藏要路金鍼不動繡鴛鴦頌曹洞宗曰絲來線去覓泥團古殿蒼生月半殘偏正未分離解辨當人終不坐金鑾頌馮仰宗曰不思羣分豈患瘥風流無限屈難伸相逢莫掩舊團扇半面呈君笑轉新頌法眼宗曰至化不須重問卜眼聲耳色總相宜東村飲酒西村醉得意潘郎驢倒騎天竺珍嗣潭州金星中輪智禪師湘潭人上堂召大眾曰若道說的是又道諸法寂滅相不可以言宣若道默的是又道佛法無人說雖慧不能了到這裏如何得相應

去豎拂子曰識取這枝無孔笛逆風吹又順風吹續舟濟南玉泉荊谷靈禪師晚參佛也不識祖也受囑從不囊藏願力要完一時透脫話不虛傳菱角尖尖荷葉團團此段清光收不得月白風清徹骨寒問如何是教外別傳師曰木鷄叫斷三更月曰不會師曰石女聞風暗點頭續舟海嗣趙州觀音院雪山祥禪師晚參正眼豁開萬法融猶如飛鶴出銀籠不空無位生緣密千聖不傳即此宗大眾如何是此宗喝一喝曰任從滄海變終不與君通晚參朔風凜凜不停吹正是寒梅破玉時若個雙睛從此豁東君漏洩本無私顧左右曰有麼有麼衆默然師卓拄杖曰失便宜處得便宜續舟海嗣順天法華園谷悟禪師上堂百千三昧無量法門放行也如開武庫錯落交輝把住也雪覆巖花通身莫辨須具頂門正眼嘗懸肘後靈符豈不見昔日寶壽上堂三聖推出一僧寶壽便打三聖曰與麼爲人睹却鎮州一城人眼在法華今日設有僧強生節目山

僧亦打不惟此話。大行亦要開燕京一城人眼。在何故不逢作者不開拳。一遇知音便分付。上堂拈花與旨。少室真機。日月不足踰其明。虛空焉能比其廣。四時莫能合其序。鬼神何能測其機。巍巍獨運。蕩蕩無私。舉心即錯。動念則乖。三藏十二分說食。向人一千七百則持燈。測日現今。諸方盡謂。驅耕奪食。賣圖宗猷。不墜殊。不知除熱進火。濟寒以冰。愈增其劇。法華恁麼道。非是壓良爲賤。所因臂三折。而知醫觀多人。而識相。若是英俊。被僧便請單刀。直入斬將。拳旗坐享太平。豈不快哉。顧左右曰。有麼。有麼。稍涉思唯。白雲萬里。鐵舟海嗣

南嶽中國清信菴事禪師。滇南昆明周氏。子上堂。十方同聚會。長底矮底矮。個個學無爲。白曰。青天著鬼迷。此是選佛場。錯心空及第。歸錯諸人。向這裏檢點得出。國清院子。兩手分付。其或未。然鼓寂鐘沉。當午夜飛蛾撲滅。佛前燈。退院上堂。祖翁田地。理合耕種。爲甚麼苦要告退。漸良久。顧視左右曰。還委悉麼。石爛松枯。都不是。梳風兩鬢雪鬢鬆。明明燈嗣

江寧金陵寺僧一瑠禪師。示衆意不在言。虎踞關前。孤危峭絕。來機亦赴。龍江城下。帶水拖泥。同行不同步。火爐頭有個無賓主。話直至如今。無人舉著。豈拂子曰。舉著也。且道在虎踞關前。在龍江城下。揮拂子曰。兩手捉來。安舊處。化爲一片紫金霜。示衆論禪論道。兄弟家各各口似。血盆乃鳴指。一下曰。到者裏爲甚。一個個眼搭睡地。蓋爲未曾經過一番寒熱。何謂寒。放在萬仞峰頭。一任風吹雪打。何謂熱。拋向洪爐大冶。從教百煉千錘。然者話。謂已經寒熱者。說是他見得慣。一切尋常。若未經者。聞得將謂。合有與麼事。且道是甚麼事。拍禪床曰。可知禮也。示衆諸仁者。長空無路鳥道高。懸秋水。無波烟光奪目。絕纖毫於空劫過患。猶存投水乳於中天。家鄉何在。直得主賓同用。縱奪臨時。劈面呈機。猶爲鈍漢。示衆拄杖橫也。十方世界。一時橫拄杖。豎也。十方世界。一時豎似恁麼。還稱得。稱得。僧性燥也未。好女不著嫁時衣作者。要求無病藥。示衆事出急家。索性拈出也。更擬擡眸頭顱。破作七分。有一棒到你。你死裏逃生。無一

棒到你時要進進不得要退退不得要觸觸不得要背背不得。因眉毛火發也。拙婦已炊無米飯。巧郎請洗土中泥。

顯明
繪圖

吳陵覺院山痴倪禪師。廬州廬氏子。冬至上堂。石笋抽條。冰河發燄。冷灰豆爆。枯木花榮。三冬和氣。煖烘烘。夜半日頭紅。杲杲且道是甚麼時節。良久曰。京師出大黃。一日示寂。說偈曰。幻寄閻浮五十八。拖泥帶水利生法。如今撥轉死頭陀。萬象森羅齊嚇殺。震威一喝而逝。

紹隆
祖嗣

沁郡永慶尺木休禪師。又號虎眼。常問僧曰。汝曾見木老虎麼。僧曰不曾。師曰。咩咩。曰。這畜生。師曰。我不喫這狗子。問如何是佛。師曰。賊。如何是法師。曰。賊。如何是僧。師曰。賊。賊。世號爲銅鞮三關。有僧問如何得過。師曰。把將公驗來。順治癸巳二月二日。師謂寺僧曰。吾今將去矣。至夜半示衆曰。吾喫了漢陽三頓拳。思量何等痛快。而今契不了的。也要把與人喫。又沒人肯張口。不識諸方還有慈悲阿師。再與老僧喫些麼。少少。次日看管藏塔。說偈曰。思不來。想不來。

自己打磨自己擡也。奇哉也。怪哉。臨濟兒孫會活埋。仰天大笑。擲杖而逝。年甫四十一。太守王國棟經理其後事。所著有臥雲集。冷齋草。太平三昧記。龍珠語錄。銅鞮三書。行世。

不遇
勇嗣

蕭山江寺芾山彥禪師。粵之東莞袁氏子。參歷諸叢席。謁圓照。森問向依何人。師曰。金粟森豎拂子。曰。金粟還有這個麼。師奪却拂子。森便打。師曰。今日且還和尙便出。小參。舉法眼。因僧問如何是佛眼。曰。汝名慧超。師曰。者僧出門不吉利。以致打失鼻孔。法眼可謂得人。一牛還人一馬。只如者僧與麼悟去。還端的也。無不見雪竇。曰。三尺浪高魚化龍。痴人猶罵夜塘水。

邦溪
森嗣

湖州報恩冰澡復禪師。金壇戴氏子。徧參名宿。謁大覺琇。一見機契。呈頌曰。煉成一粒丸。還丹點鐵成金。也不難。惟有貪生怕死者。饑逢王膳不能飡。琇領之。琇問香嚴上樹事如何。師曰。大似開門引賊。琇曰。卽今問你。師曰。但禮拜而退。

寂菴
洽嗣

五燈全書卷第一百一

五燈全書卷第一百一補遺

臨濟宗

南嶽下第三十六世隨錄

上巖遠堂本禪師。上堂。狂風昨夜打牕紙。萬頃松濤。談妙理。漆桶翻身。忍不禁。起來撞著自家底。敢問諸仁。作麼生是。自家底。喝。一下座。上堂。舉婆子燒庵話。師曰。婆子電掣雷轟。客路如天遠者。僧星移斗轉。侯門似海深。還有知得落處者麼。雲收雨散長空濶。一對鴛鴦畫不成。上堂。舉烏白打立紹二上座話。師曰。烏白按劍當門。眼空四海。二僧汪洋襟度。不動干戈。可謂主則始終。主氣宇如王賓。則始終賓藏鋒到底。要見烏白麼。性命在二僧手裏。要見二僧麼。風流在烏白棒頭邊。雖然如是。若在興隆門下。要喫拄杖子。且緩緩。頌丹霞燒木佛。曰。特搥毒鼓。振天門。一抹雲山氣象新。近水樓臺先得月。向陽花木易爲春。頌德山托鉢。曰。龍門拔劍攬長河。特地風高萬頃波。鼓鬣金麟燒尾去。無毛鐵鷄抹新羅。頌趙

◆日錄云

州勸二庵主曰。一帆春漲展綸竿。兩岸垂楊拖翠藍。下載清風上載月。鉤頭有意在深潭。頌百丈野狐。曰。去國憂齊路萬重。此身不出我皇封。首陽山在乾坤內。何處能逃舊影蹤。僧問獅子未出窟時如何。師曰。海晏河清。曰。出後時如何。師曰。風行草偃。曰。出與未出時如何。師曰。疑殺天下人。僧問清淨本然。曰。何忽生山河大地。師曰。魚行水濁。鳥飛毛落。玉天章南嶽蘇羣謝禪師。僧問。如何是祖師西來意。師曰。山僧今日下國清。去來曰。作什麼。師曰。常住一頭水牯牛。凍倒山前僧。擬議師震威。一喝僧不肯。師又喝。僧於喝下悟旨。燈明明南嶽白石仰修讚禪師。斗笠頌曰。智眼通身南與北。經霜傲雪不知年。而今還在孤峰上。遮著紅輪我聽泉。燈明明黃梅南愚珍禪師。小參有般道。先西河當時蹉過多。少英靈。殊不知。憧憧蹉過先師在。諸兄弟。既到老祖門下。切忌莽鹵。蹉過拍禪床下座。示衆。燈盞撲落地。魚子開口笑。帶累老瞿曇。攢眉便歸去。且道老瞿

疊向甚麼處去。一僧曰：雲從龍風從虎，師便歸方丈。

退院上堂。文殊是七佛師，因甚出女子定？不得文不加點，罔明下方菩薩，因甚出得女子定？字義炳然。且道：卽今有出得者麼？良久說偈曰：山頭忽聽鴈聲，幽木落風號動地。愁幸是老僧征不倦，楚山踢倒復南遊。喝一喝。小參迴龍露柱夜懷胎，又幸陽回大地輝。產下嬰兒頭似雪，却依花下舞三台。喝一喝。

晚參。昨日入城拾得兩袖馬糞，今晚撒向諸人面前。汝等遠聞氣息麼？其或不然，莫怪山僧去也。薰拈拄杖劃一劃曰：悠然歸罷無餘事，寄意孤筇一再行。

晚參釋迦慳饑虛鼠子嚼枯根，彌勒貪月到茅簷。祇一痕山僧也不慳，也不貪一條拄杖隨分安。其間若觸靈鋒，刃魔佛齊揮絕妄攀。且道：靜海有甚長處？卓拄杖昔瑯琊覺曰：有句無句如藤倚樹，樹倒藤枯好一堆爛柴。大慧曰：雖然如是，恩大難酬。千岩祖曰：一人作佛法商量，一人作世諦流布。簡點將來總欠悟。在師曰：三大老雖然如是，胸中各有一株樹。在靜海則不然，有句無句如藤倚樹，樹倒藤枯，胡孫絕望。
章天

嗣王

竹林果林因禪師上堂。師拈拄杖曰：拈起也，天回地轉放下也。海晏河清，祇如不拈不放，又作麼生團圓？無縫罅，佛祖覷無門。示衆一二三四五六七八九。五四三二一針鋒尖上翻筋斗，萬仞岩前獨足立。示衆舉趙州訪二庵主曰：趙州眼光燦破四天下，被二庵主一拳換却。晚參脫却貼肉衫，透過祖師關。未明三八九依舊被人瞞，且道作麼生是三八九？以拄杖畫一畫曰：東西十萬，南北八千，過去已過去，未來猶未來。百草頭邊諸聖眼，三十三人入虎穴。
天竺參
泰州三昧法乳樂禪師上堂。向上一句，三世諸佛直得口掛壁。上然雖如是，官不容針，私通車馬。喝一喝。中秋晚參十五日已前缺漸圓，十五日已後圓漸缺。正當十五日，巍巍堂堂，輝輝煌煌，正好修行。正好供養王老師到這裏，爲甚拂袖便行去？國一身輕似葉，高名千古重如山。病起示衆，病從業有，妄心生心滅。如何病得人覷破？未生生滅滅，紅鱗蹙上雪花紛。晚參諸佛說心爲破心，相且心相作麼生破不

見道乾屎橛。或有箇漢出來。掀倒禪牀。喝散大眾。許入虎穴。得虎子。解三晚參。一二三祖師。關能透得。即放參。三三一。遼天鵲。萬里雲。只一空。祇如一。亦不守。三亦不立。還有過也。無卓拄杖。曰。青天也。須喫棒。擲拄杖。歸方丈。晚參。豎拂子曰。若喚作拂子。頭上安頭。不喚作拂子。斬頭。覓活。畢竟如何。擊拂子曰。除却華山陳處士。誰人不帶是非行。僧問。不是心。不是佛。不是物。是箇甚麼。師曰。無毛鷄子。潑天飛。曰。落在什麼處。師便打。僧擬議。師打退。問僧。不觸不肯。是箇甚麼。曰。青天轟霹靂。師以手掩耳。僧無語。師曰。兩點全無。鐵舟海嗣

金陵白衣曇瑞然禪師。除夕小參。年窮歲畢。諸人妄想不息。而息山僧。乍開斯院。凡務奔忙。累及大眾。寸心無間。兼以愛惜眉毛。無一爲諸仁慰勞。特命行者。滿架松火。以暖茅堂。清點趙州茶。聊爲薄供。只要兄弟心。眼豁開。今宵任爾商量。只有一塊八角。轆子在僧堂中。諸人終日在上。經行禮拜。折旋俯仰。朝參暮請。時時委悉。只是踏他不著。踏得著的神歌社舞。自

成曲調。踏不著底。縱爾威儀禮貌。總是線牽傀儡。蕭召大眾曰。還有踏得著的麼。衆無語。良久曰。舉步即錯。示衆。舉世尊初生。話畢。師曰。世尊無風起浪雲。門雪上加霜。後來不向虛空中釘橛。便去坦道上掘坑引的時流。口喃喃底一味效顰。無有了期。然上座却不似雲門興起干戈。當時纔見稱尊。便向道希有。世尊不獨老瞿曇。瓦解冰消。亦令雲門老棒須自喫。爲甚麼如此見怪不怪。其怪自壞。鐵舟海嗣

西山椒園淨公信禪師。示衆。參學人未會之時。須得箇會處。已會之後。要識得箇不會底。何也會而不會。始是真會。且作麼生說箇會而不會底道理。良久曰。左眼八兩。右眼半斤。示衆。良久。顧視左右曰。會麼。汝等若直下會去。何假繁詞。彼自無瘡。勿傷之也。示衆。三世諸佛。不知有舌頭。何曾離了口。鷲奴白牯。却知有眼。干權作獅子吼。南泉用處。少人知。後學多向燈影走。若人更問事。如何。三十鳥藤劈脊。接問。如何是祖師西來意。師曰。黃河九曲。曰。某甲不會。師曰。三千年一度清。問。牛頭未見四祖時。爲甚麼百

鳥銜花。天人送供師。曰。俠焉知已。用曰。見後。因甚不來。師曰。豈不受人憐。頌殃幅產難。曰。一聲啼鳥亂花叢。探聽匆匆。西復東。堪笑尋枝攀葉者。樹頭樹底覓殘紅。頌與化打維那。曰。只因一點老婆心。結得冤讐海嶽深。不是當家真種草。宗風那得到如今。鐵舟

海

鎮江江天香林淨禪師掛寺額上堂。怒倪頌賜九重天。渴驥奔嘶中冷泉。浩蕩恩波霑帝澤。仰祝皇圖億萬年。輝煌金刹昂霄迥。鬱秀琳宮湧翠連。香惹御爐花欲濕。山留宸翰日長懸。於斯長也風恬浪靜海晏河清。萬邦寧謐八表歸仁。且道林下臣僧如何恭謝捧拂。嵩呼云。日月光天德。山河壯帝畿。聖明何以報。願上萬年書。頌德山托鉢曰。遇著出門風色惡。狂濤浩浩打頭來。轉蓬直入蘆灣泊。釣罷月明滿載回。頌夾山參船子曰。竹林不出奈他何。及到秀州鼓碧波。釣得錦鱗歸去後。清風月映至今多。鐵舟海嗣德清梵行靈草芝禪師小參。明明不覆藏。明明絕遮礙。乃至穿衣喫飯。行住坐臥。無有不是。因甚眼見則

瞎耳聽則聾。口說則啞。到這裏又爭怪得老僧驚豎拂子曰。還會麼。手執夜明符。幾箇知天曉。退院小參。一葉落天下。秋一塵起大地。收梵行業緣。今已盡。攜筇又過別峰頭。美發淳嗣

海鹽靈祐曹水源禪師。晚參。厨庫對僧堂。打躬佛殿。與山門鬪額。露柱燈籠。覷見無掌呵呵大笑。且道笑箇甚麼。一人有慶兆民賴之。中秋小參。秋露滴秋葉。秋月照秋林。祖師西來意。切忌莫沈吟。莫沈吟。分明舉似君。晚參有鹽曰。鹹。無鹽曰。淡。人人盡知。因基本來面目。等閒著十箇有五雙。開口不得。以拂子擊禪床一下。曰。不離當處常湛然。覓則知君不可見。小參談玄談妙。肩矢放尿。行棒行喝。水底捉月。所以道。臨濟大師在黃檗處。三度問話。三度被打。如蒿枝拂。睦州拶折雲門一隻足。示衆學道參禪。豈是容易。大丈夫爲師。非細事。一刀兩段。天地懸隔。直下承當。白雲萬里。如太阿鋒。如大火聚。顧後瞻前。喪身失命。晚參我本黔南人。來坐浙西。鋪賣箇栗棘蓬。是誰能吞吐。乃顧視左右曰。有麼。有麼。一僧擬出師。

曰今朝不著便遂歸方丈掩却門。晚參此事本成。現不必重打算。兩箇五百文。原來是一貫。若作實。薄會入地獄。如箭不作實。薄會入地獄。如箭。真誠參玄。人自然識。方便雪峰毬雲門。鑑何似臨濟小斯兒。一喝晴空生閃電。頌香嚴上樹。曰百尺竿頭五兩垂。逆風吹又順風吹。太湖三萬六千頃。月在波心說向誰。頌倩女離魂。曰佳人睡起懶梳頭。秀抹紅羅下玉樓。醉把琵琶彈一曲。斷腸春色在。南州。美發象山瑞龍語松裕禪師。上堂舉大覺琇國師。僧問如何是諸佛出身處。琇曰我是蓉城楊四郎。師曰超宗異。曰龍驤虛驤。師翫面目。師表百世。可惜無人證明。致令後代兒孫互相鈍置。今日不肖孫。要與師翫出氣。忽有人問如何是諸佛出身處。但向他道。王將軍今日請山僧住院。衆中還有具眼者麼。良久曰。莫怪渠儂多意氣。他家常踏石頭關。頌六祖風幡曰。老盧太饒舌。證龜却成鳖。一語錯流傳。返教人不覺。頌南院願禪師。因僧問古殿重興。曰開門破戶。要支撐殺活。臨時正令行。斬草蛇頭。隨手落。等閒扶起碧。

峻嶒美發
淳嗣

新州上元捷庵敏禪師。上堂建法幢。立宗旨。須賴其人發大機。顯大用。洞明格外。所以臨濟德山。行棒下喝。與人抽釘拔楔。解粘去縛。如天普蓋。似地普擎。遂拈拄杖。衆中還有喫得痛棒的麼。卓一下曰。賞罰分明。小參。青陽照曉風。吹桃花紅。李花白。黃鶯舌巧。千般語。說向遊人總未知。小參。僧問。十方婆伽梵。一路涅槃門。如何是涅槃門。師曰。描不成。畫不就。還曰。頭頭上明。物物上顯。因甚描不成。畫不就。師曰。疑殺天下人。乃云。十方婆伽梵。一路涅槃門。豈拂子曰。向者裏會得。頭頭上明。物物上顯。若也不會。疑殺天下人。小參。上元山長老。胸無元字。脚問著西來意。不棒。即便喝。連喝兩喝。一任諸方貶剝。一日侍者睡起。師曰。你得睡中三昧者。曰也似一睡仙。師曰。你是上八洞。是下八洞者。曰無刺不現身。師曰。黃鶯子。你還現身麼。者曰。正是。諸佛出身處。師拈拄杖打曰。且道是賞你的。罰你的。者擬議。師復打曰。苦哉。佛陀耶。夜闌開靜。鼓聲遂問印宗沙彌曰。如何是鼓也。

●僧下靈脫
僧字

無打甚麼皮。曰：轟師曰：如何是皮也。無打甚麼鼓。曰：轟師曰：今日也有一場好曲調。如何是一場好曲調。曰：震殺天下人。師曰：莫震殺老僧。擬議師曰：轟。頌。世尊拈花。曰：賣花人遇買花郎。醜露人前不覆藏。春色一枝橫劫外。賺他蜂蝶逐殘香。頌：婆子燒庵。曰：婆子兩眼熱如火。庵主心腸冷似冰。明暗相投誰致得。幾多錯認定盤星。天竺珍詞

成都報國數庵願禪師。簡州謝氏子。中歲出家。嗣法大雄峰。住成都報國。昭覺請上堂。報國初開法戰場。滿堂雲水破天荒。厨中儋石無儲也。自有高明共助揚。舉大慧杲和尚。至蔣山。訪應庵華禪師。上堂。舉牛過窗欄。話者則公案在蔣山。肚內多年若不是法叔。老師抑揚小姪。一生不敢學著。今日向人大眾前拈出。供養我法叔。老師召眾曰：大眾既是頭角四蹄俱過了。因甚尾巴過不得。諸訛在甚麼處。良久自代曰：家家門前火把子。元來事同一家共相唱。和所謂酒逢知己飲。詩向會人吟。願上座不敢學古判。今茲是昭覺老人屈尊就卑。助揚法化。以佛法住持。且接物。

利生一句作麼生。道卓拄杖曰：橫塘宿鷺斜飛起。數隻銀瓶挂樹梢。骨崑峯詞

保安白堊萬休靜禪師。上堂。一句無私直。須全身吐露。絲毫不隱。爲人倒腹傾腸。假若機先薦得。猶落今時境界。言下承當。已墮馬後驢前。正眼觀來。總是第二門頭事。祖師門下。那許鼓唇饒舌。若恁麼把住黃金失色。放開瓦礫生光。且如不把住。不放開。恁麼時如何施設。良久曰：夜靜水寒魚不餌。滿船空載月明歸。上堂。時當滅劫末。法秋勸君直下。火急修莫待病來知。是苦趁身強健。早回頭。髮白面皺難精進。耳聾眼花悔莫由。六七十。年瞬息過。依舊荒郊伴土垠。堪憐堪悲。誠可嘆。何故晏然不驚憂。一念迴光同大地。會取雲門六不收。祖山地嗣京都祐聖純素白禪師。臘八日。小參。佛身偏在一切處。一切衆生及國土。三世悉在無有餘。亦無形相而可得。既無形相可得。爲甚又觀明星而悟道。且道。悟箇什麼。揮拂子曰：還會麼。庭際雪消梅破。玉光風化日最分明。上元日。師見殿前雪獅子示衆。爪牙藏。

◆ 懷慶府

伏幾多年佳節相逢豈偶然。出窟囑神饒有路混融。
 一色體非堅。衆兄弟還識得。這獅子麼。只如杲日當
 空時。又作麼生。乃呵呵大笑曰。我不學仰山便行。
 示衆舉雲門大師曰。扇子踣跳上三十三天。築著帝
 釋鼻孔。東海鯉魚打一棒。雨似盆傾。且道是神通耶。
 法爾耶。一有。多種。二無。兩般。拈起拄杖曰。山僧今日
 一條拄杖。攬入諸人鼻孔。自頭目髓。惱以至五藏六
 腑。一一歷徧。從脚指尖上出來。坐寶蓮華。騎獅子脊。
 過於東方十萬八千國土。得阿耨菩提。化無量衆成
 三賢十地。復還此土。向山僧座前作禮。三拜曰。如是
 我聞。汝等諸人。還見還聞麼。復卓拄杖曰。無端就裏
 傳消息。不覺和身到洞庭。問如何是有。句無句如
 藤倚樹。師曰。所供是實。進曰。樹倒藤枯。句歸何處。師
 曰。一狀領過。問無舌人如何解語。師曰。薰風自南來。
 殿閣生微涼。頌世尊初生曰。春到無私。遍界新桃
 源。密處不通秦。無端露出桃花片。引得漁人亂問津。
 頌女子出定曰。苦瓠連根苦。甜瓜徹蒂甜。瞿曇與
 女子不值半文錢。頌丹霞燒木佛曰。打水魚頭痛。

穿林宿鳥驚眉鬢。墮落後門外草青青。祖山地嗣
 燕京龍泉容舒申禪師示衆舉初祖答梁武帝問。聖
 諦第一義話。畢。師曰。武帝錯。達磨錯。諸人還知麼。錯
 錯。示衆舉趙州答僧。鎮州出大蘿蔔。頭話。畢。師曰。
 鎮州出大蘿蔔。且道答得。恰答不恰。若道答得。恰則
 謗趙州。若道答不恰。則辜負南泉。諸人還會麼。良久
 曰。莫將閒學解。埋沒祖師心。頌百丈耳聾曰。父子
 作家同鼻孔。耳聾三日孰知歸。迅雷閃電今猶在。兩
 眼能聞絕百非。頌臨濟三頓棒曰。老婆心三頓。烏
 藤親不親。太饒舌。肋下還拳徹不徹。誰知恩大更難
 酬。倒轉干戈入虎穴。頌臨濟四喝曰。凜凜威光星
 斗寒。當頭誰敢向前看。堂堂正坐時。橫按魔佛靈鋒
 血未乾。踞地巍巍孰敢觀。孤狼屏跡絕。躋攀當機
 覷面無回互。颯颯威風徧界寒。無孔鐵鎚當面擲。
 機前有令孰知先。爛泥有刺須縑素。薄處從來立見
 穿。一喝不作一喝用。無星秤子定輕重。若知斤兩
 得分明。許你當機共拈弄。僧問。倒却門前刹竿著。
 意旨如何。師曰。家家門前火把子。曰。佛傳袈裟外傳。

箇甚麼師。慕以手掩其口。祖山地嗣

隨州普照祝峰善禪師。晚參結制。到今整八日。未有一人通消息。只見露柱與燈籠。紛紛商量。堂中事。山僧要問諸人。作麼生。堂中事良久。以香板擊禪床曰。各請經行。除夕小參。今朝佛法不相同。年月歲遷。物物窮。惟有衲僧分上事。明晨依舊祝祝堯。風大盡三十日。小盡二十九。且問諸人。此夕作麼生。喝一喝曰。臨崖看。潚眼特地一場愁。道昌桂嗣

◆當下當有
弟子

雲居象巖峻禪師。示衆舉世拈華。飲光微笑。話畢。師曰。世尊弄巧成拙。迦葉至鑑。難逃致令百萬人天。遮掩不及。如今莫有遮得底麼。萬年滯貨。脫不得。頌女子出定曰。日暖風和。鳥道平。從他出入。枉勞神路。遠夜長休。把火大家吹滅。暗中行。頌南泉斬猫曰。提起千將。斷不平。死猫無血。枉勞神。出羣莫若驚羣。手捉賊。還他做賊人。頌百丈野狐曰。因果不昧。百萬人天。都不會。因果不落。千手大悲。摩不著。野狐成隊。數如麻。祥麟現瑞。實一角。問如何是我手。何似佛手。師曰。一拳拳倒黃鶴樓。曰。如何是我脚。何似驢。

脚師曰。一踢踢翻鸚鵡洲。曰。人人有箇生緣。未審生緣在甚麼處。師曰。有意氣時添意氣。不風流處也風流。南曉尋嗣

涌翠月江印禪師。頌世尊初生日。末上重重洩。此機肯將知見。誑愚癡。而今欲得空三際。識取瞿曇未降時。頌黃龍三關曰。我手何似佛手。觀露當陽。本有分明十箇五。雙是處揚塵簸土。我脚何似驢脚踏到三山五嶽。歷徧東土。西天。渾然不曾動著。人人有箇生緣。饑餐渴飲。倦眠出無神通妙用。問我劈脊便拳。

南曉尋嗣

東安東山魯庵性禪師。臥佛聖誕。小參。春風十萬放。梅腮燈火千門次第開。此日三城民湧沸。咸言臥佛降生來。蓋此道者。生於大宋。去大。清幾七百年。今逢嶽降之辰。恰值泥牛踏故鄉。田地木宿。揮格外春風。銀花火樹。鑲鎖星橋。連宵歡娛。此時此景。若領略得。不妨錦上添花。其或未契。更聽一偈。龜毛索縛。虛空碎。兎角杖敲。娑竭灰。若會個中親的旨。頭頭顯現。臥如來。卓拄杖下座。頌殃婦產難曰。一雙俊鶴穿雲。

去鞭影何堪更著貽。昨夜寒梅深雪裏。春風不到已花開。頌德山托鉢曰。捉虎無端已受殃。更加一箭暗中傷。雖然擊節成雙美。未免和身入鑊湯。雲父編詞

宣州奉聖智觀慧禪師佛涅槃示衆。四月初八周行

七步。狼藉不少。二月十五。禪示雙趺。醜態更多。薰拈拄杖。畫一畫曰。蝶穿芳徑。雙眉溼蜂。掠殘花兩股肥。

示衆。世尊掩室維摩。杜口臨濟。下喝德山。便棒且道。山僧意作麼生。遂展兩手曰。那。示衆拈拄杖曰。

遮道神符驅禍崇。不須更要貼鍾馗。卓一卓曰。看看掣電轟雷。後爛額焦頭是阿誰。問。如何是正法眼。

師曰。谿花紅似錦。岸柳綠如藍。問。如何是奇特事。

師曰。斗米七文錢。問。多子塔肯共。該何事。師搖手。

曰。低聲低聲。頌牛過臆欄。曰。牛過臆欄。尾巴不過。

認定盤星。錯錯錯錯。頌德山托鉢曰。鐘鼓未響。托鉢上堂。識法者懼。欺敵者亡。梅谷悅編

順天福德等慈悲禪師示衆。舉經云。題曰。蝌蚪赤文。

唐言梵語。萬有包羅。總在裏計。薰豎拂子。召衆曰。還

會麼。良久。擲下拂子曰。達磨不會禪。夫子不識字。便

起身。小參。舉靈雲見桃花。頌曰。十分濃艷江非日。觸著娘生正眼開。釣罷忘筌歸去後。螺江春色滿南臺。白眉真編

撫州雲門仁中閻禪師中秋示衆。此夜一輪滿清光。

何處無直饒。親見得不免自塗糊。大衆既是親見得。因甚却成自塗糊。不見道。二十年前。恁麼來。如今去。

盡光彩。上堂。惟一堅密身。一切塵中現。山是山水是水。僧是僧俗是俗。乃至森羅萬象。明暗色空。無邊

香水海。浮幢王刹。且道。還有空缺處也。無忽若擬議。山僧在汝脚底。美發淳編

濟寧放生汾雪禪師上堂。大隱朝市。小節山溪。放傑

量。漢無東無西。今日新放生。雖非其人。且乘碧雲天。

黃花地。竭力孤撐。縱不能大廈。廣堂向後。自有楊岐。

到底。遂仰視曰。東魯人性暴。西竺法難醫。二居士

謁茶。次師問。二居士春秋多少。曰。皆七十有餘。師曰。

有一物不屬陰陽。迂變不受塵勞。關鎖且道。春秋多

少。曰。專來求教師。曰。各奉茶三盞。祖山地編

濟寧地藏庚水西禪師本州楊氏子。上堂。道是桃花

金肯發前
該疑談

不是道是李花。不是白白與紅紅。別是一番風味。汝等諸人是箇漢。始見清明是寒食。示衆一氣潛回。晝始長。園林化日際。羣方山前一片閑田地。自古無分陰與陽。示衆昨夜電掣雷崩。夢覺擊碎虛空。拄杖無端呈踣跳。天明依舊日頭紅。大衆且道是何意。旨衆佇立師以拄杖旋風打散。頌女子出定曰。深山古寺白雲中。莫道歸來無路通。鐘扣塔前清夢覺。日移塔影上梧桐。頌本來面目曰。描不成。寫不就。丹青恨殺毛延壽。何須千里憶招君。霜月秋清眉目秀。傲也 融嗣

法華博庵仁禪師雪夜小參庭前柏樹子。不會西來大意。帶累青山愁得頭白。十字街前石敢當。縮項嗟吁。惟有滕六神忍俊不禁。平空起舞。將園林樹木。變作玉蕊瓊枝。韓昌黎策馬不前。孟浩然尋梅無路。慧可因之堅立。元亮因之高臥。山僧今夜不可無半點熱腸。也要向諸人冷。籠裏著火。連卓拄杖曰。照顧鬚眉。頌德山托鉢曰。衝寒策杖破烟霞。爲訪梅花過嶺斜。幸有東君能解意。暗傳春信到山家。頌魯祖

面壁曰。斯門未入。已先知。疑欲相逢。隔水泥。莫謂春歸無覓處。杜鵑啼在落花枝。用中 容嗣

無錫惠泉三槍聖心達禪師小參。今之知識慈悲太煞。今之學者履踐難明。親師之念不真。學道之心不切。以致叢社凋零。法苑荒蕪。所以山僧入院之初。向九龍峰頂覓箇不自欺的漢。遂召衆曰。有麼有麼。良久卓拄杖曰。放待冷來看。江南撫院慕鶴鳴請上堂。家珍運出毗耶城。供具雲輿觀面呈。三萬二千獅子座。盛來香飯滿盂擎。不二法門無內外。姑蘇月映惠泉明。松青鶴望千年翠。花放鳥鳴萬壑清。蒲團坐鎮青山下。每日焚香賀太平。丈室端居無一事。元機密契樂無生。虎丘名勝梁溪接。總賴維摩作翰屏。然雖如是。且道山僧恁麼舉揚。還當得宗乘中事也。無良久曰。堂堂一默。誰能委只許。曼殊作者聽。上堂。梁溪古名藍。山水最幽深。野色千家翠。花香萬壑陰。鳥啼晴日湧。漁唱夕陽沉。錦帆飛瑞靄。玉笛弄清音。茶社接歌管。烟鳥繞雲林。沙汀近月渚。柳岸鎖梅亭。頭頭諸佛國。處處祖師心。舉揚第一義。總入不二門。

打開大寶藏。受用盡黃金。大眾還見大寶藏。麼九點
高峰懸舜日。二泉噴玉沐堯天。頌馮仰摘茶因緣
曰。陽春白雪韻。偏佳琴遇知音。兩作家彈罷。玉絃歸
去後。清風明月徧天涯。美發 淳嗣

昌化不器王禪師。韋天開光上堂。前是三門佛殿後
是方丈僧堂。左廚案右庫房。一咸承護法力。識得
自心心。卽佛護持。常住佛卽心。喝一喝。僧問。祖孫
異世。一一親承。未審承紹箇什麼。師曰。鼻孔向下垂。
曰。恁麼則不須重註脚。師曰。眉毛眼上橫。問。師子
林中。師子吼。臨濟宗旨。請師宣。如何是第一元。師曰。
如意兩箇角。曰。如何是第二元。師曰。拄杖八隻。眼曰。
如何是三元。師曰。春寒。跨跳上三十三天。師將示
寂沐浴更衣焚香禮佛畢。衆請留箇末後句。師曰。使
符多謝。遠相臨。撩起袈裟。請共行一曲。浩歌歸去樂。
從來老將不談兵。言畢坐脫。祖山 地嗣

陽山梵音匡裔來禪師。上堂。有時在千山頂上。向十
字街頭。合水和泥。有時在十字街頭。向千山頂上。壁
立萬仞。拄杖子穿却。凡聖眼睛。鉢盂子覆却。河沙世

界。賓中有主。主中有賓。全主成賓。全賓成主。到得這
箇田地。與麼也是佛。不與麼也是佛。與麼不與麼。悉
皆是佛。既能頭頭是佛。新陽山未免向有佛處。稱尊
無法處。演法乃拈起拂子曰。大眾看看。先開山於拂
子頭上。放大光明。坐法空座。解頤而說偈曰。古柏繁
梅擁梵音。頭頭物物現全真。磐陀箕踞開馴虎。石上
何須喚惺惺。先開山既與麼。證明某上座未免乘虛
接響。昔日趙州有僧問。如何是佛。州曰。殿裏底。曰。殿
裏底。豈不是泥龕塑像。州曰。是曰。如何是佛。州曰。殿
裏底。大眾會麼。趙州古佛。頂上有光。爭奈這僧脚下
似漆。如今或問新陽山。如何是佛。但向道。少間莫掃
先塲。各須至誠瞻禮。小參春日。和春風。賦鵲鵲啼
在深苑。裏年年光景暗相催。誰能於此。趣真旨。趣真
旨。戴角泥牛入海底。頌僧問。雲門諸佛出身處。答
東山水上行。曰。花飛絮舞出溪灣。送盡東風過遠山。
金谷園中春色曉。曉杜鵑枝上月珊珊。骨嚴 絳嗣
黃梅北山寶相。睹庵見禪師。師誕日上堂。一爲無量
無量爲一指。北作南。言端語的。昨夜雲生八極。今朝

雨漲前溪。父母未生以前。看來何似今日。時倚松根。閒極目。數聲鶯囀。畫樓西。進新方丈。小參奪食。駢耕。詆堯譽桀。總是抑而爲之。仰面看梁。閉門打睡。亦非提持本色。北山今者。門戶洞開。據令條直。得寸還寸。得尺還尺。使泊海有志之士。一個個向者裏。激昂青雲。揚眉吐氣。橫按拄杖。曰。誰敢道。山僧兩眼黑似漆。晚參舉輿。化雪居何必。不必因緣。畢師曰。雲居何必。沙場飲盡刀頭血。輿化不必。老將論兵。只彈碁。廿年有屈。無呌處。秤錘捏出黃金汁。放下手元是一丸鍊具。眼者辯取。示衆古者。道者一片地。分付來多時也。立地待你。搆去者一片地。分付來多時也。坐地待你。搆去。怎麼說話。一往看去。甚覺省力。若約北山檢點。將來不唯違時失候。亦乃平白欺人。還信得及麼。以手拍禪床。曰。若是陶淵明。攢眉便歸去。天章玉嗣東禪夢庵格禪師。蕪湖丁氏子。示衆二七圓三冬過兩片皮。終日播末。後句休說。破分明。聽連卓竹筴。曰。錯錯錯。立春小參。舊年尾新年頭。額點黃金五彩。畫春牛。勾芒得令。東風暖。春雨下。綢繆報。道明年麥。

穗兩岐。田禾大有。秋山僧聞之不覺手舞足蹈。喜得衆兄弟。依舊飽胸胸。樂悠悠。佛法兩字。總向周公橋下蕩裏。一丟擲拂子。示衆。舉亮座主。參馬祖公案。畢。乃曰。亮公未出蜀時。幸自可憐生。及到泐潭。被馬祖喚回頭來。擔條斷貫索。子向西山埋沒一生。頌世尊初生。曰。西施纔出苧蘿村。攪亂吳王宮裏人。拋落五湖踪跡。泯歎聲。鼎沸徧蘇門。頌高峰。枕头子落地。曰。季倫何事。愛風流。散宅亡家。恨未休。直到綠珠樓下死。那知玉碎粉枯。骸天竺珍嗣琅邪。禰關真禪師。開田晚參。如來禪四十九年。不曾說著。祖師禪四七二三。不曾道著。既不曾說著。道著諸方。拈錫豎拂。畢竟承誰恩力。薦揮拂子曰。不勞演大義。開徧祖翁田。示衆。見見之時。見非見。蝶螟眼裏。黃金殿。樓閣莫認。夜叉頭。芍藥開。非菩薩面。示衆。舉曹山四禁語。莫行心處。路畫蛇重添。足不挂本來衣。東施嬾效顰。何須正恁麼。開口早話墮。切忌未生時。鷄子過遼西。於此薦得曹山在你脚底。稍設遲疑。卒風暴雨。打濕青州布衫。莫言不道。頌女子出。

定曰古錦織成雙彩鳳。莫從顏色辨雌雄。曉窗未動金鍼處。迸出丹山一點紅。
頌黃檗普請曰。師子窟中施返。擲栴檀林裏。燕名香驢前馬後。從他倒白晝徒勞閃電光。天竺珍詞

京口崔林滿如學禪師。上堂古釋迦不先今。新彌勒不後直饒。個儻分明。未免無繩自縛。大眾要見新海會麼。喝一喝。曰吹毛不犯當頭令。好看漚沱正脉通。
頌百丈野狐曰。人人盡道野狐。別我說野狐事也。同兩個半千元。一貫轉轉不錯漫流通。
頌牛過牕櫺曰。四蹄踏地角撐天。多少男兒盡錯傳。若向尾巴尖上會流沙。巴過路三千。天竺珍詞

瓜洲江門御綸文禪師。頌世尊陞座文殊白椎話曰。劍挂眉稜殺活分。雷轟白晝剝塵春。不知龍去涎津渡。賺殺刻舟求底人。
頌狗子無佛性話曰。皎潔澄潭絕點塵。蟬噪烈燄容蚊吹。毛磨用山河暗。拶得泥牛血濺人。
頌趙州勘二庵主曰。千林滯貨乘時運。家有黃金外有秤。沒諸訛處起諸訛。賺殺許多窮性命。
頌女子出定曰。無端立地展旗鎗。家崇爲殃

最不祥。攪亂三軍難決勝。大都擒賊必擒王。天竺珍詞

京口崔林遠涵著禪師。晚參我手何似佛手。我脚大似驢脚。以手打圓相曰。哪大似厨房下案板。頭無底杓。遂以拄杖擡下面前。作怕勢曰。呵呵呵。將謂南山鱉鼻蛇。原來寄奴泉邊斷井索。
晚參一期以來說黃道黑。不覺眉毛墮盡了。諸人眉毛還在麼。若在急須照顧。喝一喝。便起。
解七小參。把住玄關不放走。青獅變作子湖狗。今朝驀地解翻身。八萬竅毛俱抖擻。俱抖擻。嚙吼。繩頭猶在山僧手。天竺珍詞

金沙淨土院霞標城禪師。於康熙乙亥十月初六日迎請新方丈入院。隨交代畢。卽沐浴更衣。設茶小叙。人事并謝山主。諸檀護勸發。眞信策勵進修。情詞慷慨。聞者流涕。隨急起身。披衣詣各殿。拈香說偈。作禮畢。敘謝。
就座。舉昔日世尊于涅槃會。以手摩胸。告衆曰。汝等善觀吾紫磨金色之身。瞻仰取足。無令後悔。若謂吾滅度非吾弟子。若謂吾不滅度亦非吾弟子。時百萬億衆。悉皆契悟。師曰。看者一隊。隨邪逐惡。漢萬劫無有解脫之期。殊不知黃面老子。空教四十

九年說得天花亂墜。地湧金蓮。何異趙昌畫花。終是一場虛設。逗到臨沒梢頭。抵死命根不斷。城上座。忝爲後裔。忍俊不禁。今且別資一路。使現前大衆。個個如龍得水。去也。遂展兩手曰。汝等善觀我四大本空。五蘊非有。離這殼漏子。畢竟甚處與諸人相見。若謂我滅度是我同流。若謂我不滅度亦是我同流。何故。擲大海若不納百川。應倒流起身。引衆繞佛至薪座邊。乃曰。安排何用。巧多般不用。棺兮不用。龕死後茶毗。增厭惡。此生叨瞻自專。權遂入薪。跌坐垂問。高峰妙禪師道盡。大地是個火坑。得何三昧。不被燒却。大衆試答一轉語。東禪曰。正是老弟受用。處師舉手笑曰。謝和尚證明。遂撫掌歌曰。餘年三十六。世味俱嘗足。堪歎閻浮提。幾唱還鄉曲。夢幻與空花。徒勞思把握。苦樂不相干。無榮亦無辱。儒釋教雖分。無僧亦無俗。凡聖本同途。無遲亦無速。去住任縱橫。無拘亦無束。出沒本無端。休評壽延促。生不愛天堂。死不怕地獄。銳利若剛刀。鋒鈍似金鏃。嗔怒當慈悲。甘露翻成毒。鐵面不容情。怨恨如薤葉。棒喝一齊施。觀根知幾

熟惡聲載道。傳十回九響。變化度既無緣。枉作如來屬。無地避慚惶。貶向無生國。復雙手擎兩燭。臺示衆。敢問諸上善人。且道這個還是金臺耶。銀臺耶。若向者裏直下。搆得便知。人人自性彌陀。個個共證藥王三昧。遂合掌三誦蓮池海會佛菩薩。便以燭燃薪。須臾其燄大熾。一衆環視誦彌陀經。至今現在說法。句師復高聲曰。住。衆誦如故。莫會師意。師復搖手曰。不要誦了。衆號泣動地。有不忍觀者。競擁薪覆之。俄頃復長伸兩手。劈開薪。燄出示全身。合掌端坐而化。天竺

詞

蘇州石佛獨耀禪師頌世尊初生曰。一出頭來。氣槩雄眼。空四海絕倫。同乾坤把住。要津路。眞使人人徹骨窮。頌觀明星曰。寐眼不開猶寐。只知大地一微塵。從茲見後。貧如洗。始覺從前錯用心。天竺
蘇州宋文森居士別號城南幼慕空門。長齋課佛。耽嗜禪宗。參南澗珍于吳郡。放生庵。士禮見便曰。龍腦薄荷香。聞天下珍。曰。乾矢橛。庵中常出幾個士。無語珍隨問。士如何。是乾矢橛。士曰。八面春風。曰。來此作

摩士曰不求佛不求法要個了當曰萬劫千生不得了士言下頓省珍問竹篋子是什麼東西士曰霹靂針曰爲甚你齋中沒有士曰者裏青天白日用他不著曰午夜紅爐烈焰中君家留得好家風畢竟向甚麼著脚士曰石敢當珍遂羅而印焉天笠參嗣

大悲定空欽禪師上堂心月獨露光吞萬象一種神機全賴拄杖擲下曰如來大寶不落限量 晚參一滴水一滴凍風雨淋漓彰大用夜深不聞人語喧晨鐘時到耳邊送諸仁者只是不得喚作聲會 示衆二年又一年漸漸改容顏時作兒童戲看看兩鬢斑者個是遷變底那個是不遷變底嚮良久曰劍去久矣 師一日作把琵琶勢傍一僧曰正好彈師曰不遇知音僧隨作聽勢師曰徒勞側耳 久參蔣山僧問梅老人卽今在甚麼處師曰山僧也是客居積善頌殃福產難曰濛濛細雨熟梅天兩岸垂楊弄晚烟蜂蝶出林忙不歇波斯倒捲水晶簾 頌臨濟三頓棒曰大鵬擊海取龍吞撒底掀翻波浪深踏著珊瑚枝上月光明照徹歲寒心梅谷悅嗣

虔州萬壽跋應華禪師佛成道上堂一二三四五六七七六五四三二一算來八兩是半觔甕中何曾走却蟹不可說不可說微塵刹土中殿裏乾屎橛喝一喝卓拄杖下座 謝化主上堂山僧福力軟如綿甘在崖窩飲石泉抱愧孰知天地老無爲此不在塵緣畢竟施者受者功向何所孟中皆是勦辛力莫把金錢換鐵錢 晚參達磨西來直指人心見性成佛殊不知從門入者不是家珍還有不受惑者麼 晚參達磨西來盡力提持祇道得箇不識大衆還會麼一字入公門九牛拽不出 問父母未生前如何是本來面目師曰道過了也曰道箇甚麼師展兩手問大地爲牀虛空作帳須彌爲枕且道甚麼人得臥師曰無面目者師於康熙丙子夏說偈踟躕而逝世壽七十一坐夏四十七門人奉師全身塔於善慶院之左梅谷悅嗣

五燈全書卷第一百二

京都聖感禪寺住持臣僧 超永 編輯

京都古華嚴寺住持臣僧 超授 較閱 進

呈

臨濟宗

南嶽下三十六世隨錄

信州沙溪正因續崖禪師上堂。眼空宇宙。旁若無人。指天指地。稱我獨尊。當是時。天下人只得吞聲忍氣。不料百世已後。超羣拔萃。忽有雲門卓拄杖曰。也在如來脚下。行。解制上堂。百千鏡燈。祇是一燈。百千水月。祇是一月。熹豎拂子曰。燈也。月也。總在者裏。輝天鑑地。汝等諸人。還見得麼。若也見得。脚跟下一任東西南北。七縱八橫。其或未然。且按下。心猿置之一處。莫教動著。忽於用力不及處。豁開兩眼。方見光明。燦爛無解。無結。無古無今。一年一度。元宵節。處處笙歌樂太平。揮拂下座。全卷進詞

姑蘇華嚴澹菴昱禪師吳江沈氏子。父母蚤亡。年十七。發心於黎川羅漢禮梵光。薙染十九。受具戒。關高

◆又續又

峰錄立志參方。謁大覺瑋於報恩。便問。如何是父母未生前本來面目。瑋曰。十個指頭。八個。又師擬議。瑋喝出。後入枯木堂。晝夜不許倒身。工夫急切。一日聞報鐘聲。忽然身心廓落。疑情頓息。一日侍立。次瑋曰。家常事說完了。我有現成的話問你。祇如盡大地火。發向甚處迴避。師曰。不入虎穴。焉得虎子。瑋拈拄杖曰。許汝大膽師。隨聲一喝。拂袖便出。瑋領之後。因瑋示寂。受天目進記。前出住陸墓華嚴。小參。舉僧問。多福如何。是多福。一叢竹。福曰。一莖兩莖。斜僧曰。不會。福曰。三莖四莖。曲。師曰。多福。可謂美盡美矣。未盡善也。華嚴即不然。或有人問。如何是華嚴。一叢竹。向他道。繞徑百千竿。清風可襲人。若言不會。更向他道。青青黯黯處。歷歷不相瞞。大眾會麼。良久。顧左右曰。深固幽遠。無人能到。僧請益香。嚴上樹。公案師大笑曰。你還知我蘇州人。頭髮根裏多是空心的麼。曰。即今樹下。請和尚道。師拈棒打出曰。又是一個逐塊的漢。問本來面目。還喫飯否。師曰。飯雖喫。不曾喫著一粒米。士問。弟子誦金剛經。如何得見性成佛。

師曰入地獄如箭曰應無所住而生其心作麼生會

師曰此去琴川九十里

全卷進嗣

荆溪磬山起化弘禪師楚之費氏子解制上堂諸人未得個入處須得個入處既得個入處不得忘却老僧古人怎麼說話大似施恩望報令人不得暢快弘上座即不然諸人未得個入處須得個入處既得個入處痛與三十拄杖何故有功者賞 小參韶華二月好春光乍雨乍晴白晝長山鳥聲聲來聒耳幽蘭處處發清香佛法分明須鸞取拈來不用別宮商山是山水是水寒是寒暖是暖且道佛法在甚麼處良久曰不審不審

雲居遺嗣

茗溪張無跡販烟治生一日閱末如如居士錄有省參濟芝覺令看父母未生前話越二年頓釋所疑隨說偈曰四十餘年赤骨律驀然打失孃生鼻翻身跳出這重關販烟原是張無跡 頌婆子燒菴曰給侍殷勤日日親臨機賣弄十分春風吹雨過苔痕綠月落枝頭霜滿林 頌女子出定曰一片野雲橫太白動定不關輕漏泄一場曲調強惺惺冷地看來誰得

失濟芝
覺嗣

潭州瀏陽石霜碧眼本開禪師星沙曹氏子髫年投本郡萬壽及染後參弱翁于石霜尅究三年一日外歸忽觀野鷄飛有省乃述偈呈翁翁問路逢達道人 不將語默對將甚麼對師曰鉢孟峰頂浪滔天翁曰道甚麼師曰看者老漢又來納敗拂袖便出一日翁問那個是正眼師曰瞎翁曰爲甚如此師曰車不橫推理無曲斷翁領之復謁洞山百丈雲居翠巖於翠巖機契命掌記室一住六載弱翁聞知乃以書召回一見便問還見翠巖鼻孔麼師曰穿却了也翁曰以何爲驗師曰某甲今日行倦且放和尚過越明年翁以衣拂記前命師首衆翁示寂師繼席焉 上堂一機全殺活大地黑漫漫一句定綱宗當陽風颯颯坐却意根截却語言萬仞峰頭側足猛虎穴裏橫身擲大千於方外擲須彌於芥子一即一切一切即一出沒卷舒縱橫自在還委悉麼出頭天外看誰是我般人 上堂僧問如何是先照後用師曰磨礮三尺劍待斬不平人曰如何是先照後用師曰一棒一條痕

一掌一握血。曰：如何是照用同時？師曰：生擒虎兇活捉獐龍。曰：如何是照用不同時？師曰：到江吳地盡隔岸。越山多日照。用已蒙師指示。直截根源事。若何師打曰者。鈍漢乃舉古德道。拈起也。天回地轉放下也。草偃風行。山僧則不然。舉拂曰：拈起也。滿慈驚子口挂壁上放下也。泥團土塊。辨瀉懸河。且道不拈不放時。如何擲拂子。曰：江南江北問王老。一狐疑了一狐疑。中秋上堂。黑白未分。千聖罔測。纔形朕兆。萬象炳然。道甚麼。靈山話曹谿指南。杲旣寒山北。莫怪石霜壓良爲賤。總是一隊弄光影。漢大衆還委悉麼。以拂子打圓相曰：此夜一輪滿。清光何處無。浴佛上堂。舉遵布衲在藥山會裏充殿主。浴佛次。藥山問汝只浴得這個。還浴得那個麼。遵曰：把將那個來。藥山便休去。師曰：二老宿一人。撩天說價。一人就地還錢。若據山僧看來。杓柄總未摸著。在且道。杓柄在甚麼人手裏。少間親到殿上爲諸人說破。結制小參。若論此事。眨上眉毛。早已錯過。那堪左旋右轉。有甚麼交涉。石霜有年無德。且作死馬醫。也不要你參活句。

八人入

死句也不要你窮元究妙。但飲水定渴。喫飯療饑。只是日用動步。不得踏著常住地。喫茶不得打溼自己。嘴洗面不得摸著孃生鼻。不許動著動著。打折你驢腰。僧問：如何是透頂透底句。師曰：拔出眼中楔。曰：直下承當去也。師曰：猶隔一重關。石霜處楚劉之。最僻絕無外助。唯務苦耕。衲子不憚其勞。座擁數千。指大毘盧法堂。師爲鼎建寮舍。樓閣漸次落成。竟復舊觀。康熙丁卯臘月八日。謂衆曰：老僧病軀不久于世也。乃以院事託同門大唐符初十。以書別陳邑侯。十一赴山前何檀越。請爲祖說法。十六自書封龕起龕。茶毗人塔。四佛事十七早剃髮沐浴更衣。說偈辭衆曰：生也如是。死也如是。生死去來了無忌諱。長空萬古月常輝。誰謂化緣今日畢。遂吉祥瞑目而逝。世壽六十三。僧臘四十二。塔于寺東之金銀庫。語錄十卷。行世爾瞻。
潭州石霜首賢本立禪師。黃州人。上堂。僧問：既有佛處。因甚不得住。師曰：莫草草。曰：無佛處。急走過。又作麼。生師曰：太泛。泛。乃曰：一毛頭上識得根源去有。

佛處亦如是。無佛處亦如是。諸昆仲可能解會否。如是如是。僧參師問那邊來。曰南嶽。師曰見七十二峰點頭麼。曰見。師曰。較人屎橛不是好狗。便打出。

爾曉

爾曉

劉陽霜華仲字本虔禪師。頌庄上喫油糞。曰官不容鍼。私通車馬看破了也。許伊膽大。

爾曉

醴陵雪凱本珍禪師。衡陽人。示衆把住也。水洩不通。放行也。如雲赴壑。只今坐斷兩頭。又作麼生。彼自無瘡勿傷之也。示衆諸禪子。會麼。有時騎佛殿出山門。有時將須彌納芥子。且道是神通妙用。法爾如然。良久曰。眨上眉毛。

爾曉

善化西延同文本蔚禪師。永州零陵人。示衆心也不是。心佛也不是。佛物也不是。物畢竟是個甚麼。向前來與汝道。明眼人前莫錯舉。上堂舉產難因緣畢。募召大衆曰。會麼。良久以拄杖旋風打散。

爾曉

衡山朝南天山本定禪師。長沙人。僧問大師者裏有禪可參麼。師曰。總不按牛頭喫草。曰某甲會也。師曰。試道看。僧無語。師曰。總不按牛頭喫草。上堂舉女

子出定話畢。乃曰。大家在這裏耳聞及眼見是非不到處。那用語言辨。

爾曉

劉陽石霜月江本印禪師。示衆三世諸佛不知有。摘楊花摘楊花。狸奴白牯却知有。摘楊花摘楊花。諸禪德能於此諦聽麼。南泉老子舌頭拖地。

爾曉

醴陵大唐默可本符禪師。示衆佛是衆生家裏人。衆生是佛屋裏客。真誠體究。自分明。何必叮嚀費齒舌。

爾曉

常州荆溪海會雪船中禪師。都梁樊氏子。六歲聞僧警世語。懼歎。禮遇龍爲啓脫白。稍長參紫雲。剛令看念佛者。誰未幾聽板聲。有省。嗣受記。荆剛示寂。繼席紫雲。又住獅子山。漢口湖山。宜興法華。杭州仁王。毗陵海會。邗江廣福。北京圓通。諸刹。示衆花紅雲白。山青水綠。怪石如虎。奇松若龍。端而廣理。而微伊關。在南羊腸。在北不耕者。饑不織者。寒更教山僧將何所說。示衆春山有花。碧水有月。六月炎天。紛紛下雪。十方世界。現全身。百尺竿頭。須甄別。示衆迷時萬惑累於心田。悟時真空齊於法界。如鏡對鏡。了了。

明明難解難思。千差萬別。火裏蟬。蟬飛上天。觀音直入普門下。晚參。鷄子已過新羅國。且道甚麼人。覓得空中鳥跡。倘或擬議思量。未出黑山鬼窟。示衆。抱車入淵。丈人播船。春不避于風塵。夏豈逃於暑熱。所以獅子不食鵬殘。快鷹那打死兔。僧問。如何是祖師西來意。師曰。明月難教下。碧天曰。請和尚直指。師曰。山僧不曾曲說。問大死的人。却活時如何。師曰。何曾移得半步。問向上一路。千聖不傳。請和尚道破。師曰。莫妄想。密嚴剛嗣

城步玉屏石船本萃禪師。都梁朱氏子。信向宗乘。投紫雲剛剃染。參萬法歸一契。悟隱于粵西中洲。後開法玉屏。小參減半。便成圓增半。便成缺一條拄杖。子拟作中秋月。莫謂語不成章。却也抽釘拔楔。有人道得。分明不妨兩手交結。臘八上堂。明星傳說已多年。好笑瞿曇夜夢顛。若論奇哉誇證得。不堪憐處也堪憐。僧問。如何是道師。曰。向前來。曰。學的道師。曰。退後看。曰。畢竟如何。行持師。曰。立地死。密嚴剛嗣永州鳳山破有本宣禪師。通州潘氏子。參密嚴剛於

紫雲。一見機契。出住清溪鳳山。解制上堂。合抱之材。生於毫末。九層之臺。起於壘土。千里之行。始於足下。八字之門。開於方便。大塊山河。無間隔。芒屨似虎。杖如龍。至節小參。淑氣潛回。萬象甦。漢宮一線費工夫。靈源不逐時遷變。凜凜寒光徹太虛。落堂拈拄杖。僧出問。和尚手裏是甚麼。師便打。曰。打某甲。何爲師。曰。蒼天蒼天。問。如何是鳳山境。師曰。春色無高下。花枝有短長。曰。如何是境中人。師曰。昨夜三更失却牛。天明起來。便得馬。密嚴剛嗣

武岡州端峰碎塵本經禪師。本州李氏子。示衆向上。一路千聖不傳。天下師僧承。虛接響。汝等切忌鑽龜打瓦。二僧參。一僧出。師便打。又一僧出。師亦打。二僧齊下去。師曰。一箭落雙鷗。問。如何是第一句。師曰。路從平處險。曰。如何是第二句。師曰。人向靜中忙。曰。如何是第三句。師曰。何必費思量。密嚴剛嗣武岡西竺子愚本立禪師。新寧劉氏子。示衆說法者。無法可說。是名說法。聽法者。無法可聽。是名聽法。參禪者。無禪可參。是名參禪。學道者。無道可學。是名學

道所以文殊起佛見法見被世尊貶向二鐵圍山
僧參師問那裏來曰寶慶師曰借寶看僧打○相師
將拄杖向中劃曰碎也密嚴剛嗣

南康廬山開先樸倫本樹禪師廣西全州馬氏子僧
參師問汝到者裏何事曰有疑師曰直說來曰不是
心不是佛不是物師曰蒼天蒼天問佛未出世時
如何師曰黃河三千年一度清曰出世後如何師曰
春風滿地雨花香曰謝師答話師曰天地懸殊一
日當路中央兀立而逝推不倒地密嚴剛嗣

新寧碧岫寄幻本遵禪師本邑呂氏子髫年投遇龍
出家初參燕月曇令看一歸何處後侍紫雲有省乃
得衣拂住碧岫四十三年影不出戶示衆雲門乾
矢槩分明空瑣屑洞山藏三觔趙州殿裏底東澗水
流西澗水南山雲起北山雲僧問世尊拈花時如
何師曰那裏瞌睡來示寂本山壽八十四塔存右
隴密嚴剛嗣

邵陽西竺瑞參本軸禪師本邑賀氏子示衆有法可
說含血噴天無法可說有口如啞衆中有知見過人

者出來相見看一僧出師便打僧擬問師直打退密嚴剛嗣

都梁端峰冰履淨堅禪師本州李氏子示衆下得手
道得著痛與一頓一僧踴躍而出師便打退又一僧
踴躍而出師亦打退復卓拄杖曰要識真金火裏看
問水裏火起時如何師曰莫亂傳曰和尚爲甚信
某甲不過師曰水裏火起密嚴剛嗣

武岡獅子山鐵輪本熈禪師本州馬氏子小參僧問
如何是奇特事師曰看破不值半文錢曰望和尚說
明師曰悶殺人曰豈無方便師曰蒼天蒼天乃曰佛
法不是細事便下座示衆禪不在參道不在學說
到行到是個甚麼喝一喝密嚴剛嗣

新寧觀音山規普本範禪師參紫雲充庫司雲問寶
壽生薑辣麼師曰謝和尚證明雲曰寶壽卽今在甚
麼處師禮拜起叉手而立雲領之僧問西來祖意
乞師指明師曰祝融峰頂萬年松曰達磨未來時如
何師曰爛柯巖下水潺湲頌牛過牕櫺曰教人有
法明而已矣擬議思量白雲萬里頌七觔布衫曰

看取鉤頭意。錯認定盤星。隨口逐惡。千古播虛聲。
密嚴 剛嗣

新寧大益彌映本道禪師。僧問。地獄中人。可成佛否。
師曰。成佛曰。直待幾時。師曰。待他出獄。卽向汝道。

頌世尊觀明星曰。盡大地人。是瞋睡漢。我佛世尊。眉
毛已換。頌洞山。麻三劬曰。有買有賣。無錢莫怪。細

殺多人。索子現在。
密嚴 剛嗣

六恒侍者。永州東安人。示衆。舉產難。因緣拈曰。三人

行。必有我師焉。擇其善者而從之。其不善者。改之。信

夫。示衆。舉婆子燒菴。拈曰。說人十善。不如隱人一

惡。是則是未免二俱敗闕。僧問。一口氣不來時。如

何。師曰。通身慶快曰。何處安身立命。師曰。不是天堂

便是地獄。
密嚴 剛嗣

潭州龍山大石來洪禪師。衡陽人。示衆。頂門具眼者。

山僧與他。錦上鋪花。一撥便轉者。山僧一棒也不打。

他若是家裏人。定知家裏話。問馬祖。踏殺天下人。

還有怨恨者麼。師曰。就是你不唧。啾。
宗少 旨嗣

全州香林瓊崖來淳禪師。衡陽人。上堂。舉雪峰道盡。

● 磨字字體
磨滅或磨歟

大地如粟米粒。大拋向面前。漆桶不快打鼓。普請看。

古人與麼道。倒腹傾腸了也。所以雲門。扇子趂跳上。

三十三天。築著帝釋鼻孔。東海鯉魚。打一棒。兩似盆。

傾路。遙知馬力。歲久見人心。上堂。僧纔出。師一棒。

打退。僧復進。師又一棒。打退。又僧曰。和尚棒頭與麼。

利害。師曰。者瞎漢。不打更待何時。直打下座。
宗少 旨嗣

南嶽隆興。自真清修禪師。衡山人。示衆。磨鏡臺說法。

了也。已躬崖說法了也。俱說法了。山僧何得重論。便

歸方丈。示衆。參活句。莫參死句。且道。那一句是活。

句。風吹荷葉團團轉。雨打梨花蛺蝶飛。那一句是死。

句。推不向前。約不退後。釘椿搖櫓。可憐生。諸兄弟。還

解坐斷兩頭麼。直下若無宗正眼。莫來這裏定鑑鉢。

宗少 旨嗣

法海。徵徹。禪師結制。上堂。虛空爲爐。大地作炭。煨

凡煉聖。點鐵成金。雖是宗師。分內事。檢點將來。猶是

好肉剜瘡。薰豎拂曰。會麼。于斯會得。釋迦不前。彌勒

非後。其或未然。各人挽起眉毛。臘八小參。眞金不

避。混泥沙。堪忍場中。顯作家爲要。諸人爭意氣。故來。

捏目又生花。僧問生從何來。師以左足示之曰。死向何去。師以右足示之曰。某甲未信。在師曰。疑則別參。問生從何來。師曰。幽谷曰。死向何去。師曰。大海曰。還許學人棲泊也。無師曰。不許曰。爲甚麼不許。師曰。從來不納死屍。頌善財五十三參曰。不求自己。反求人。踏遍諸方。沒處尋。樓閣門開。饒薦得了。無一法可爲親。頌世尊敕文殊看維摩居士病曰。維摩幻疾文殊幻問。各顯家風。毫無餘蘊。有藥還須妙手。醫門高不二。誰能近。祖山地嗣

五燈全書卷第一百二

五燈全書卷第一百二補遺

臨濟宗

南嶽下第三十六世隨錄

杭州大慈隱嵒璇禪師。本業儒。不明生死至理。卽棄室爲僧。徧謁諸方。晚參柏山理。依止三載。行業純一。

每見貧寒。必自捐衣食與之。見病苦。必躬事之。嘗行密行。理深器重。每謂師曰。出家學道。須明自心。自心不明。終非利器。饒汝修行。恒沙劫數。不能出他閻老子掌握。在師于是。刻勵參究。一日登閣。有省。復侍三載。漸益奧旨。出住大慈。有刻錄行世。後不知所終。弘素

登州法源寶如玉禪師。山東文登于氏子。年二十辭家。投黃縣體空祝染。遍遊講肆。首參大覺。忝歲餘。被友人拉同南下。禮堯峰容受具。命師灑掃。一日掃地畢。方擲帚。覺身如虛空。了無一物。乃成一偈。呈西堂。隨住東蓮。繼參大雄。末叩柏山理。而印可焉。出住河陽法源。上堂。隨處安居。逢場作戲。正是衲僧行履。須知人人脚跟下。有大寶光。如天普蓋。似地普擎。無生滅去來之表。無迷悟頓漸之殊。五眼莫覩。千聖難名。從上尊宿。屈曲垂慈。與人解粘去縛。早是和泥合水了也。而今倘有個具眼底。到法源門下。好與三十棒。何故。杖頭有眼。明如日。欲識真金火裏看。上堂。以手搖曳曰。道本無言。更說個甚麼。若要山僧饒舌。

也是幻直作曲性躁漢未動脚跟早已七通八達從南來底未過黃河崖自知是南從北來底已到護駕嶺自知是北且道徑捷在甚麼處復以手搖曳便下座。上堂豎拂子云羣山列翠一水涵空魚泳鳥飛悠悠自樂且道有何三昧得不落網罟擊拂子云高高峰頂躍深深海底飛。上堂西天佛祖就樹安居苟放形軀大行化法東土沙門高房大廈圖事豐盈以樂爲業法源卽不然居屋兼居樹披衣亦披蓑隨分納些須箇箇心安樂破鼓不時打信口唱巴歌橫按拄杖曰囉囉哩哩囉囉去年今日因今日去歲果因果甚分明忽然成實所殿堂雖窄衆心寬萬指圍遶獅子座滿院憧憧自遠來總是靈山一會過自此法源梵剎新承貼千古作規模。素弘理嗣

玉峰身雲徧禪師蘇州人卅歲脫白有孝行禮三昧律師受具扣荆谿請益禪要次參素弘理于柏山一日問理曰某甲參禪自覺無味不如仍學律去理曰汝若解參禪便解學律會學律卽會參禪了明心理爲戒悟徹本心爲禪名雖有二理則歸一今時人青

天白日扶籬摸壁走者甚衆蓋因背覺合塵迷真逐妄或終身不悟或半途自返或藉師友傍通或觸境緣得解如暗室遇明燈如遠客歸故鄉此等人只名初地亦名歡喜地更須自銷現業無始習氣直造威音那畔與麼時持戒也得參禪也得說教也得念佛也得呵佛罵祖也得吟風弄月也得總是神通妙用其施設也不妨三千儀行其收藏也任爾纖毫不立一卽無量無量卽一豈不自由自在汝若擠身做去從朝至夕從暮至旦刻究話頭忽然腦後眼開罵山僧有分在師于是衣不解帶寐不開單者五載一日聞虎聲覺大地震動身心豁然猶若虛空往見理理肯之一日辭理乞錄稿梓行刻竣仍同侍寮奉理終焉。素弘理嗣

杭州慧彰文玉璣禪師參柏山理一日登廁理見曰清淨地上何撒屎師曰乾屎橛理曰錯會不少師曰和尚作麼生理纔開口師曰錯會不少理休去師執侍數載深領厥旨出住烏峯。上堂山僧不會禪從來異類行特訪同道人被強捉上撓入隊水牯牛

難辭犁耙分醜態不能藏鼻孔幸端正良久曰咩

示衆超山雲唐棲水眉目分明不二體阿呵呵當自

委河沙諸佛毫端裏一切臨風觀面呈現前諸人會

也未若不會山僧自道去也拽拄杖歸方丈示衆

江右針杭州線北馬南舟直無限以如意一畫云會

麼良久云不是知音者徒射穿楊箭

素弘理嗣

温州山斗吼山震禪師舉駕湖用與雪嶠信旣月次

信指月曰者半箇在那裏去了用良久曰會麼信曰

也只得半箇用曰者半箇在那裏去了信亦良久用

曰也只得半箇相與大笑頌曰峨嵋山月半輪秋影

入平江浸不流此夕管絃休接拍風情恐動玉關愁

夢堂
倪嗣

北京安化嘯堂予禪師休寧汪氏子世儒業因閱竺

墳有出塵志二親繼歿從愚山藏癡染投玄水果秉

具參本來面目話六年無所入偶看般若若至若以色

見我分疑情頓解參大覺瑋萬善殿見明覺璉命司

書狀機緣頗多末叩安化則則拈拄杖曰一口吸盡

西江且置汝試吞拄杖子看師曰某甲不是野狐精

莫疑目

則曰尋常喫什麼師曰夜叉頭菩薩面則曰杜撰禪

和師震聲便喝則曰獅子吼野干鳴師曰也要和尚

疑著則打曰還知落處麼師擬開口則又打師禮拜

曰若不親見和尚幾被諸方瞞過則然之命掌院事

親炙五載微旨日益授偈記前繼席安化上堂財

法二施等無差別眼上眉橫口裏藏舌尼姑定是女

人秤錘畢竟生鐵如此分明何用多說乃顧衆曰翻

思從上古雖也是看孔著楔元旦上堂塞北風霜

結凍江南梅柳爭春天時人事兩兩昇平會得即是

妙旨何須立主分賓更若擬議尋思便是鐵壁面橫

喝一喝云爐燒紫柏歌堯德四海朝衣祝聖仁示

衆豎拂子云大道只在目前要且莫前難親欲明大

道真體不離聲色言語古德恁麼道帶累多少人向

聲色裏卜度安化者裏饑則喫飯倦則打眠那有許

多般事諸兄弟恁麼會得管取參學事畢還有麼良

久擊拂子曰但得雪消處自然春到來世高則嗣

北京蕉園繼遠哉禪師歷叩尊宿晚見安化則則豎

竹筴曰諸方參得的拈向一邊且道者個是什麼師

日和尙莫強生節目則曰觸不得背不得畢竟如何
即得師便喝則曰汝者一喝諸方即得老僧者裏未
敢相許師擬開口則便打師又擬開口則又打師點
首數下則曰汝見何道理便點首師曰某見數員知
識如在雲霧中行今日見和尙若青天白日之下一
塵也著不得則曰汝有此見也又打師忽然開解便
禮拜則領之世高則嗣

北京弘福源池靖禪師蘇州馮氏子禮寒山光剃度
諸慇忠秉具恒遊講席參世高則於安化命掌維那
示看本來面目話二載未得脫漚一日遊西山聞客
曰無邊秋色在山林有省歸告則曰某甲今日摸著
鼻孔也則曰本來面目嚮師便喝則曰無夢無想主
人公在什麼處師曰腳頭腳底則曰甚處見得師曰
何必重栽眼上眉心則曰之後付偈曰車溪宗旨付
爾流傳一根拄杖開豁人天世高則嗣

天津大悲慧林光禪師吳縣張氏子投安化則披剃
命參本來面目話一日因僧問睦容如何是本來面
目容曰覓裏何曾走却驚師在傍有省即趨方丈則

問本來面目嚮師曰描不成畫不就則曰既怎麼喚
什麼作本來面目師震聲一喝則曰喝則從汝喝還
我本來面目來師曰到者裏有口只堪喫飯則曰三
十棒且待來日尋命典書狀巾瓶十載乃受印可初
住西山法雲次遷天寧後繼主大悲上堂喝一喝
曰威音那畔更那畔直至於今無改變面目分明只
是渠說與諸人仔細看且道看底是阿誰以拂畫○
作拋勢云拋向古皇前來朝再打算立夏上堂諸
佛說不到祖師提不起不得動著動著則福生拈拂
子畫一畫曰閒坐義窗讀周易不知春去幾多時
上堂看破趙州無割碎雲門普拈起石霜笏打動禾
山鼓拋出雪峰毬把住巖頭縛擺手出天津達磨不
是祖世高則嗣

靜海普度從實虛禪師本郡王氏子幼習武不樂禮
天童門披緇命參一口氣不來話因拽石索斷遭跌
有省呈門門器之旋里見大博乾晚謁世高則于湧
泉甚契則遷大悲師任勞匪懈經十載漸益歐旨入
室次則曰藥山久不陞座是何意旨師曰秋空孤月

朗難教下長天。曰。陞座。院主問。又作麼生。師曰。一段傷心處。那箇是知音。則領之。示衆開口成雙句。揚眉落二三點。卽猶偏執說之。又弗然。旣總不是。畢竟如何。卽得。諸人試甄別。看若不會。二六時中。只在汝脚跟下。慎勿錯過。薦卓拄杖曰。放下。著。又卓一下曰。放不下。擔取去。示衆拈拄杖曰。好箇消息。只恐對面不識。便恁麼會。功不浪施。若不會。可放下。身心抱箇話頭。九旬禁足。三切思惟。豎起脊梁。如蛇鑽壁。忽地鑽過。那邊便有。如許世界。逍遙自在。任意優游。豈不快哉。還有恁麼人麼。卓拄杖曰。把手教人行。不得爲人。自肯乃方親。世高則嗣

濟寧十方澹淵源禪師。本郡張氏子。齠年圓顙。于蓮白。從天寧禮乞戒。命看一歸何處。話晝夜提撕。坐臥不懈。禮落堂。師問。一歸何處。禮曰。三角火輪空裏炙。師不覺通身汗流。疑情頓失。卽呈偈曰。萬法歸一一。歸何處。寶劍纔拈。觸體偏地。禮身肯命。掌記室。次參報恩靈巖。後抵泗水嶧山。聞安化。則卽往叩。師資甚契。命理院事。數載深得奧旨。一日。薦召入室。問雪峰

親毬禾山打鼓。是什麼意。師曰。打草要蛇驚。則豎如意。曰。卽此用離。此用師曰。賊身已露。則曰。正法眼爲甚。向瞎驢邊滅却。師曰。知恩解報。則打一如意。師便禮拜。則印之以偈。出住十方次遷大悲。世高則嗣

神京南泉心禪宗禪師。無錫顧氏子。歷叩名宿。雖有悟入。終不灑脫。嘗請益安化。則猶未解。則屢加痛棒。遂別築一室。名文星閣。晨夕刻苦。至忘寢食。一晚聞鐘聲。覺大地震動。聲滿虛空。返觀身心。了無所得。往見。則曰。且喜汝今日捉賊也。師曰。若非和尚慈悲。幾乎枉遭聖世。則曰。始知吾不欺汝。師珍重。禮三拜。則領之。世高則嗣

北京安化澹如賢禪師。山陰張氏子。習青箱喜宗門語。適白下投若見。芟染詣古林圓具。參靈隱。禮示本來面目。話力參不契。後客聰閱傳燈。識得大蟲。原是虎。渙然釋疑。謁靈巖。儲儲舉竹筴曰。者箇喚作什麼。師曰。蘇卿原是漢朝臣。儲曰。一口氣不來什處著脚。師曰。橫身三界外。誰是出頭人。儲器之。最後參世高。則于安化一見。緣契命充。維那一十五載。深悉微旨。

一日召入室。鷲頭打曰：「只此一棒，具縱奪殺活，汝作麼生會？」師曰：「如龍得水，似虎靠山。」則又打曰：「者一棒，鷲師曰：『也知和尚太煞婆心。』」則曰：「未在更道。」師便與一掌，則拓開曰：「莫亂作師，便禮拜。」則曰：「如是如是，付偈記別。」世高則嗣

北京天龍致和中禪師，浙婺浦江人，投華藏慧峰披緇喜誦持峰誨曰：「誦經不通理，循行數墨，流明心達本源，方名誦持。」經師請益曰：「如何？」即是峰曰：「須親知識，則不失出家志。」師遂北遊於憫忠，受具習律。一日忽思受業語，即謁隆恩園看無字話，刻究累歲，適出門聞呼犬聲，有省呈偈曰：「主翁驚一喚，昂頭便轉身。」觸著些毒氣，斲殺天下人。園爲稱喜，便問狗子因甚無佛性？師曰：「和尚也要照顧。」曰：「如何？」又道：「有師曰：『雪壓梅梢冷，應知別有春。』」園曰：「善自保護，再叩。」大懺敏敏曰：「狗子因甚無佛性？」師曰：「塞北薰風冷，廣南冬日和。」曰：「雖却有無道句看？」師曰：「釣魚何必子陵臺？」敏打曰：「者躲跟漢師拂袖便出。」晚參安化，則則問：「聞你會得無字？」師曰：「和尚爲甚杓卜聽虎聲？」則曰：「既是

無用，會作麼？」師曰：「劈破虛空，捻出髓。」則曰：「未在更道。」師曰：「放出凌天鷲，沖開碧落圖。」則曰：「放與三十棒。」師曰：「某甲今日乍到，不敢觸忤，和尚則契之師親侍數稔，洞明玄旨，則印以偈命住天龍，次遷華藏。」世高則嗣

北京觀音天然定禪師，禮安化，則出塵命看無字次參溟波古。一晚古落堂，謂衆曰：「看話頭要親切，如立在萬仞懸崖上，忽然撲落到底，直得無一點氣息，向者裏甦醒起來，方有少許相應。」聲未絕，師豁然省悟，便起身作禮。古曰：「此是風力所轉。」師便喝。古便打師，連喝兩喝。古曰：「何不道一句亂喝？」作麼師又喝一喝，歸位開靜。後古喚師入室，問：「你爲什喝？」老僧曰：「學人見和尚跌殺在萬仞崖下，特來相救。」古撫掌笑曰：「冷灰裏一粒豆爆。」師亦撫掌曰：「活也活也，自是機鋒敏捷，復省則則問：『你有箇入處？』」是否師曰：「和尚莫妄聽傍言。」則曰：「經云：『一人發真歸元，十方虛空悉皆消殞。』」乃指面前曰：「因什物物顯現？」師曰：「天無私覆，地無私載，則即入方丈，掩却門。」師不解意，轉展懷疑，立至夜深，擡頭見月光萬里，從前所有廓然不見，次早

扣方丈門則曰誰師曰元定則曰道得即開師曰若有開口處即不來見和尚則開門曰老僧只要子恁麼師珍重禮三拜則領之世高則嗣

蘇州聖蓮吉庵貞禪師本郡錢氏子北遊京師禮安化則荆落參三不是話南旋謁金粟石庵瑯呈見瑯與掃却一日聞隣僧曰不經霜雪操那識歲寒心有省即回虎丘參天鼓震偶侍山門外行震問古人爲什麼道得也又下死道不得也又下死師曰熱心片片震打曰且照顧性命師引頸曰要頭便取去震曰逢人但恁麼舉師指千人石曰者是生公說法處震異之復覲則則曰南方去得箇什麼來師曰空手去空手來則曰如何是到家一句師曰頭頂天腳踏地則曰脚跟下道句看師禮拜曰今日又得親見和尚則領之康熙壬申二月望日告衆畢說偈曰來也落落脫脫去也脫脫落落且道是箇甚麼咄萬里長空飛一鷲瞑目而逝世高則嗣

天長藏經院清映潤禪師三阿蔡氏子幼生多疾父母捨從靈幼老宿圓顙訓以禮誦每讀惟此一事實

句懷疑不輟往千華具戒精習毗尼企慕禪宗遂參天笠珍于夾山屢蒙示棒未得悄然後遊金門謁安化則則曰甚處來師曰天長則曰天有多長師擬答未恰即求住則命充記室令看萬法歸一話憤發提參無所透路除夜聞爆竹聲疑情頓釋即往方丈則曰今朝除夜作麼生烹露地白牛與衆分歲師展兩手則便打師以手加額而出則默契之世高則嗣

英麓天寶劍鋒峻禪師性剛利徧謁知識無契其心聞古壁文孤邁竟造三角文一見即舉首衆一日舉廊侍者問德山從上諸聖向甚處去因緣請益文令師自念至王老師不打破鼓處文曰住住恁麼則德山休去也師曰者老漢一場敗露文曰你又作麼生師曰某甲到者裏禮拜何辭文曰切忌草草師轉身便出文閉却方丈示衆二十年來行脚身貧竟無襪著坐斷千峰萬峰轉見脚無處插復展兩手云有甚麼法後繼席三角晚參盡大地是箇院子挨拶不入盡大地是個自己從來不識盡大地是箇盂孟沒處喫食盡大地是箇道場無門可出諸仁者還會

麼良久曰大地拈來是甚麼無人構得奈如何桃花
笑破靈雲眼鄭十三娘一老婆示衆畢殃幅持盞
因緣曰長者因事問事世尊就車打車殃幅勞而無
功喝一喝云今日錯下名言頌曰淡抹濃粧倚翠樓
隔廉風月動闌愁一聲杜宇園林過驚破莊周蝶夢

遊古壁
文嗣

廣西龍峰鐵輪印禪師上堂炎炎六月火生水果果
長空日一輪萬里青山回首處白雲冉冉襲氤氲以
拂畫圓相云大衆于此會得入我法中勿論凡聖智
愚施爲舉措咸遵舊令要明格外單傳斬新條令不
免借龍峰鼻孔出氣擊拂子一下古壁
文嗣

蘄州三角速度淵禪師修水盧氏子年十五禮白蓮
誠祝髮執勞五載忽思生死事大徑造法昌昌命看
一口氣不來話至三七日間爆竹驚聲撲下單昌近
前曰且喜好消息師作禮曰某甲參究目不交睫三
晝夜覺前後無際昌曰而今不要你參禪學道只要
你饑來喫飯困來打眠師自念佛法不是小可遂徧
叩江楚至鳳山禮東巖璨執侍六載璨一日喚師入

室命作本來面目頌師曰黃河曲也水灣灣面目分
明不用參換却雙眸天外看回頭石馬過千山璨稱
賞之遂印可師嗣禮天峰性于多雲明年性赴三角
請命師首衆經七載性受東承福請命師繼席上
堂僧問師唱誰家曲宗風嗣阿誰師曰蟠蟠雙徑月
照徹蠡湖冰曰如何是相承底事師曰偶踏青林路
今來最上頭乃曰奮踞地獅威千箇萬箇頂額火迸
及盡去也草偃風行正當恁麼時向上一著壁立千
仞驚拈拄杖劃一劃云諸人向者裏透脫得始有喫
棒分何故龍門瀉下飛騰勢倒嶽傾瀉徧五湖東巖
璨嗣
斬水吳山楚石秀禪師湖南吳氏子母夢月輪墜揚
驚趨戶外而生十六出家于崇法寺十九參羅月于
圓通二十三謁法昌受具看竹篋子話有省隱住白
雲山一日過溪遇虎偏身毛豎師默思此是宿業所
致將平生事一時放下危坐溪邊俄頃虎去師乃捨
庵出山謁黃檗杲後于百丈破竹傷指始透古人關
鍵晚參東巖璨于雙林璨問那裏來師曰雲居璨曰
既是雲居因甚到此師曰龍行虎驟遂執侍六載凡

應機深契。璨意有克。紹許英靈。奕葉芳起之句。師稟囑。隱于硤砂巖。吳山寺舊址。結茅自勵。三十年影不出山。東巖璨嗣

淮安心宗。誠然禪師。侍主峰法最久。一日法問。無水不朝東。爲甚。涕流西行。師曰。大海知足。應須倒流。法曰。倒流一句。作麼生。師曰。恁麼則。左右逢源去也。法然之康熙丁未秋。法上堂。拈衣拂云。龍淵虎穴。任縱橫。大抵還他氣象。雄不是。山僧呈醜拙。驚人浪裏獲。獐龍心宗。然公識見無疑。侍老僧有年。今日兩手分付。一任倒用。橫拈光揚。法化師珍重。禮三拜。主峰法嗣

石門天柱機峻禪師。參古燈炯於仙居。請益禪要。命看無字。炯住青蓮。師亦隨之。制期炯落。堂問衆云。不思善。不思惡。正恁麼時。還有道得者麼。衆無對。炯震聲一喝。師不覺通身汗下。疑團頓釋。卽呈偈曰。一喝虛空撲落驚。起海底泥牛。直得通身汗下。徹骨徹髓。風流炯領之。卽以偈印曰。一回汗下釋疑團。徹骨風流眼界寬。翻憶當年無字話。令人幾度恨無端。示衆。學鴛湖。用因金明進參。纔跨門。便去是甚麼。進擬

對用震威。一喝進豁。然契悟。便掩耳而出。頌曰。萬疊銀濤漲禹門。揚髻鼓鬣有鯨鯢。一聲霹靂驚天地。直得風雷宇宙昏。古燈炯嗣

蘇州雷音道成宗禪師。參古燈炯於金明。炯問上座。字甚麼。師曰。道成。炯曰。道既成。又來者裏作麼。師曰。若不來。怎知道成。炯曰。如何是道。師曰。脫殼烏龜飛上天。炯曰。如何是道中人。師曰。今日親見和尚。炯喝曰。是誰見。師擬進語。炯便打。師曰。和尚莫強抑人。炯叱曰。我強抑你。連棒打出。師曰。某特來親近和尚。懇求慈悲。炯復喚師近前。師便掀倒禪床。炯曰。者風顛漢。師曰。適來不合打某甲。太過。炯曰。你作打會。那師曰。和尚也不得作風顛會。炯曰。是汝深明棒頭事。師便禮拜。炯然之。古燈炯嗣

眞定報恩樗木潔禪師。錢塘鍾氏子。投北京三教祝髮。詣安化則求戒。命參無字。復徧叩叢林。無所入。叩青蓮炯于天津。大悲纔跨門。炯便喝曰。者裏無你著脚處。卽推出。師良久復入。炯又喝。師于此有省。擬禮拜。炯便掩却門。明早師入室。禮拜曰。和尚昨日著賊

也不知炯曰。昨日且置。今日事作麼生。師便喝炯曰。汝深明昨日事也。師禮拜。炯命理院事後。晦跡五臺。數載住報恩。小參一箇破沙盆。且喜大家撐。日日齋時飯。滿盤誰解吞。解吞則不無。且道是甚麼滋味。山僧不惜口過與你。諸人道破飯却是米做。住盛京雷音寺。示衆固安邑裏諸檀度。笑我終朝祇默坐。忽地雷音轟夜半。燈籠露柱成錯過。休錯過。積劫泥團俱裂破。住宣府法華寺。上堂。僧問。北方佛法與南方佛法。是同是別。師曰。塞北霜前冷。江南雪後寒。曰。還有分別也。無師曰。三千里外不得錯學。乃曰。萬里城萬里山。行人到此絕躋攀。一輪明月自千古。迥出而今宵。漢間除烽火。息狼烟。東西南北慶安然。大眾且道。承誰恩力。卓拄杖云。烏藤七尺。凌天際。一念無私。頌萬年。上堂。上無佛可成。下無生可度。一炷清香。閉門打坐。恁麼施爲。切勿錯過。召衆云。還會麼。萬全衛畔車馬大路。古燈炯嗣

長洲無住子陳玉文居士年十九登己卯賢書。即任南京御戎事。屢經衝險。有感辭歸。乃學猿公之術。因

閱壇經。至不思善不思惡處。有疑久無所入。後聞僧曰。善惡都莫思量。方爲究竟。有省。值友華慧生偕參。石帆于慈航。問親到寶山乞師。一接帆將茶劈面潑。云。會麼。士曰。且喜趙州放光。石曰。莫眼花。士一喝。便出。石謂華曰。者漢。異日與風作浪去也。士於此悟入。雪竇雲至松園。邀士往東禪。雲曰。如何。是最初一步。士曰。看脚下。雲曰。莫被斷貫索絆。倒。士曰。謝師指示。雲拈偈贈曰。一片無瑕玉。通身只淨文。等閒高著眼。覷透復何云。蔣虎臣太史招士同參。鄧尉壁題曰。陪坐七堂士曲就虎刻究無所得。乃贈偈曰。高峰絕頂見空王。撥轉靈明照十方。豈爆寒灰紅彈子。何須更用煉金剛。虎忽悟。撫掌大笑。報恩賢至舍賢。舉杖曰。者箇人人本具。因甚摸不著。士曰。只爲分明極。翻令所得遲賢。曰。汝還得麼。士曰。和尚也須照顧頂門。賢撫士背曰。瞞你不得。士禮拜。復數參。知識無不契。機。暨謁大悲。炯曰。聞你久參諸方。何處得力。士曰。總沒交涉。炯打曰。者一棒作麼生。會士曰。婆心甚切。炯曰。莫錯認。好士曰。阿誰不恁麼。炯曰。本分上道一句。

看士曰。渴飲饑餐。不爲分外。炯印以偈。士亦以偈謝。曰。兩拂從初地。一朝雨露深。當軒懸祖意。喜得古人。心炯曰。如是如是。一日三埵。雄見訪談及古人公案。雄曰。如何是居士修證。不無汚染不得的士。豎一指。雄曰。藏身處沒踪跡。爲甚露出尾巴。士曰。沒踪跡處。不藏身。方爲好手。雄打曰。漏逗不少。士曰。却被和尚。看破。古燈炯嗣

霍山鳳鳴慧超先禪師。參天峰性性。問如何是上座。本分事。師曰。舌鋒滿口。性曰。未在。更道。師曰。不道。性曰。爲甚不道。師曰。恐驚動和尚。性策起兩眉曰。道道。師便禮拜。上堂。剖一微塵。出如來大經卷。豎拂子。云。大衆且道。者是什麼。經有僧出。師曰。明破即不堪。便下座。天峯性嗣

九江崇壽乳石顯禪師。參天峰性于三角。舉靈雲見桃花。因緣徵詰有省。示衆舉徑山南明。廣示衆云。五峰頭卓朔。雙徑尾顛先。喝石巖。踣跳明月池。傾天頌曰。太平無事。刀開鞘。煩惱之時。劍入匣。忽聽秋風。嘯一聲。忙轉深宮著鎧甲。天峯性嗣

黃陂白龍遜野胎禪師。參三角性性。問口吞佛祖眼。蓋乾坤。底人到者裏。因什不會。師曰。從門入者。不是家珍。性曰。古人爲甚三登投子。九上洞山。師曰。將謂別有性。曰。你即今又作麼。生師曰。鴉王擇乳。素非鴨類。性領之。天峯性嗣

廣濟鶴林漢辰弘禪師。舉一切法。應如是知。如是見。如是信解。不生法相。頌曰。青山青。白雲白。水向東流。星拱北。攜樽夜酌小樓頭。醉看峰前千古月。天峯性嗣

黃梅鷄鳴蔭遐樹禪師。參天峰性于多雲。纔跨門性。問作麼。師曰。親近和尚。性曰。將甚麼親近。師曰。請和尚定當看性。曰。不勞一拶。師曰。恁麼則典牛賣庫耶。性點首。師禮拜。天峯性嗣

蘄州獅子衛木口禪師。參多雲性性。豎拄杖云。還識者箇麼。師便喝。性便打。師又喝。性又打。師曰。和尚得與麼性躁。性曰。汝適來得與麼好喝。師曰。不因柳毅傳書信。云何得到洞庭湖。天峯性嗣

武昌黃龍振子鐸禪師。參廣教玉發明心地。性敏捷。頌悟超卓。徧歷叢林。無可其意。與雲石源友善。盤桓。

數載聞永福性鉗錘往叩一語機契便曰此真我師也。次早卽辭歸護國衆號師爲一宿禪師。住後示衆舉二祖南宗印參三角喜請益趙州置筭撫掌大笑。因緣角連打二掌。宗曰莫當得麼。角又打宗曰金鉤不辨玉石不分角。大笑出法堂。宗一日聞僧誦風鈴偈曰銅唇鐵舌太尖新樓角懸來不計春言外百千三昧法。因風說與個中人。乃有省呈似角。角可之。頌曰荷葉羅裙一樣裁芙蓉笑臉兩邊開。直入池心看不見。歌聲必定有人來。天峯性嗣

松江秦瞻明居士參天峰性子種福院性問明明百草頭明明祖師意。你作麼生。會士曰某到者裏却不。會性曰山僧正要箇不會底士曰和尚爲甚放學人不過性曰千軍易得一將難求士禮拜。天峰性嗣

蕪湖福嚴鞠庵輪禪師晚參海月啓纔跨門啓問是什麼師曰某甲啓拈棒直打出閉却門師曰久聞海月果然寒光逼人啓却開門曰上座是那箇魔王窟裏來的師攔腮便掌啓曰不必也只要上座打得搆山僧便罷師禮拜曰和尚知恩卽得啓深契忍仙

詰參師一見機契尋命齋師拈糍團問若喚作糍團入地獄如箭射詰曰和尚婆心太煞師曰透網金鱗以何爲食詰曰謝和尚賜齋師乃覆却碗曰且道契箇甚麼詰曰且喜財法二施師領之。天峯啓嗣

泰州藏經已庵純禪師上堂僧問一大藏教是箇切脚未審切箇什麼字師曰天皇皇地皇皇曰只如五祖道鉢囉漢意作麼生師曰路逢瞎波斯滿口嚼冰霜僧禮拜師曰悔曰悔箇什麼師曰對面不相識誰不著慚惶僧無對師便打僧問從上諸聖向甚麼處去師曰不是江南便是江北曰還到和尚此間否師曰不到曰爲甚不到師曰我者裏使他不著。天峯啓嗣

揚州大庵禪師學天嚴啓小參孔子不識字達磨不會禪人却不信至海月與麼說諸人不信諸人與麼聽海月不信諸人不信海月不信且道是同是別頌曰風前一曲透離微今古無人和得齊仙子騎龍歸碧漢癡人猶辱夜塘西。天峯啓嗣

太倉問梅舜日杲禪師吳門馮氏子幼習儒偶閱羅念庵詩龍鷄有食湯錢近野鶴無糧天地寬之句師

意惻然。即詣繡雪禮宦陳修。剃染。嘗竟日不語。一日歎曰。若不明道出家。何益。直趨方丈。求示。執侍七載。得徹法源。初住圓覺。示衆旃檀林獅子窟。狐狼野犴無踪跡。雲門一字太粗。疎洞山五位何綿密。鴻仰法眼兩相當。捏怪弄鬼神。爭漆惟有臨濟較些些。逢人慣作白拈賊。且道。果上座又作麼生。揮拂子云。坐臥閒房。春草深。指揮如意。天花落。托盃上堂。佛法徧在一切處。千眼大悲觀。不破鉢盂開口語。喃喃大地撮來粒米大。梅花引客試春衫。三三兩兩成行五。忽然撞著鬪雞兒。忘却當年胡達磨。宦陳修詞

蘇州西山自耘田。禪師本郡人。博綜羣典。徧遊講肆。聽法華至惟此一事。實餘二則。非真有疑。遂問曰。未審是那一事。座主沉吟莫能對。謂曰。須是請益宗師。方知師乃謁宦陳修于問梅。修問向在何處。師曰。教下修曰。卽今在何處。師無對。修大笑。師面赧。于是猛參至忘寢食。一日聞柳聲。覺身心泰然。疾趨方丈曰。今日要打老漢去。修引頸曰。便斫頭去。也不妨。師擬議被修痛打一頓。推出。師自謂曰。本來現成。爲甚道。

不出。愈加策勵。經行次。忽風作。見落葉旋轉。卽悟徹。乃入室呈解。修曰。如是如是。師禮拜。宦陳修詞

太倉顧商。兩孝廉。妻東望族。心慕禪宗。嘗閱內典。謁金明進。不契。進指參問梅。修修問居士何字。士曰。商雨。修曰。試下一點看。士擬議。修曰。且喜雲彌布。士猶茫然。遂日夜研究。久之。侍修。次見僧做麵。士問。如何。是祖師西來意。修曰。兩手輓麵杖。士曰。還有祖師意否。修曰。雪浪捲春風。士點首。修曰。見何道理。士曰。何處不風流。修然之。宦陳修詞

建寧龍珍。覺圓胤禪師。閩縣周氏子。母施氏。禱大士像。感白光燭室。如晝。有娠。不茹葷師。兒時每聞殺生聲。輒悲號不已。釋之。則婆和喜甚。及嚶見僧。便謨拜。稱大士號。不輟。有梵僧謂其父玉壺曰。此子非俗器也。壺怪不與語。門送揖而不見。壺驚異。悔過師。十七有出塵志。以二親不允。積鬱成疾。越明年。父母繼歿。卽禮科山。焚祝髮。造鼓山。需受具。求開示。需命看父母未生前話。遂徧叩八閩。知識欲出嶺。因兵阻。乃結茆西峰。三載。惟有一箇話頭。後縑素請歸科山。時時

現曇寓本庵。嘗蒙策發。一日聞客僧相語曰。盡大地是箇自己。師豁然心開。從前所有一時冰泮。師詣求證。曇問。如何是汝父母未生前的面目。師曰。紅爐飛片雪。曇曰。未。在。更道。師曰。庭前擲碌磚。曇甚喜。曇住鳳山。命師首衆。盤桓十載。一日曇落堂問衆曰。鳳山一期柴火甚熱。汝等作麼。生師曰。烘得泥牛背汗流。曇曰。許你道得一半。師曰。如何是那一半。曇拈棒便打。師把住送兩送。曇曰。那一半。響師曰。大衆證明。曇曰。未。在。師禮拜。曇領之。康熙庚戌秋。曇付以偈。明年命分座龍珍。上堂喝一喝。召衆云。會麼。絲傳園客意。曲奏楚妃情。乃顧左右云。噫。不有知音者。空勞流水聲。上堂彈夜光於碧漢。不可謂星沉。韶華於清流。不可謂月拍禪床云。且道。星耶。月耶。韶華耶。夜光耶。喝一喝云。裏辨得出。許你覺戶不掩。對月無迷。示衆神龍何德於萬物。乎動則務爲雨澤。虺蛇何怨於萬物。乎動則務爲毒害。不爲恩仇。萬物皆有以見於○此其皆有不能自己者○時現曇○已矣。泉州開元希覺銳禪師。晉江林氏子。母康氏。覺有娠。

不如腥。一曰父遠見屋上火光衝天。白鶴旋鳴。急趨歸。乃誕師。因地一聲怡然而笑。父怪之。及長。不共兒戲。一日見僧持鉢如舊。識問曰。作麼。僧曰。我只恁麼。你不恁麼。那師喜之不禁。即欲出家。年十四。持怙俱忘。憂奮幾絕。服畢。禮戒壇。冲如煌剝。度朝夕。落落無有。是處因閱傳燈。至斷橋。倫命高峰。參萬法歸一。于此有疑。年二十二。有方僧激揚師於佛前。審七日爲限。不悟。即斷其臂。遂寢食都忘。單提一箇話頭。第七日早。聞鐘聲響徹天地。通身慶快。乃謁鼓山。帶受具。歷參名宿。稱爲法器。一日危坐。聞隣僧曰。懸崖撒手。自肯承當。絕後再甦。欺君不得。師豁然述偈。後聞時。現曇開法。承天師往叩人事了。曇問上座。年多少。師曰。與虛空同生。曇曰。還有人相伴麼。師曰。從來不假他力。曇曰。如何是汝自己。力師薦與一擲。曇曰。者漢也。解恁麼。那命師首衆。一日呈頌。本方跨門。曇問。是何物。師呈頌。本云。請和尚定案。曇接得。便擲于地。曰。何勞恁麼。師乃頓悟。以手掩曇口。曇曰。你見何道理。便如是。師曰。今日看破和尚了也。曇曰。三十棒。且待。

別時師曰說什別時要打便打隨聲便掌曇曰又恁麼那後命師入室問曰世界蕩盡無見無聞向甚麼處去師曰石虎當途踞曇領之付師法偈次年曇遷化衆請師繼席承天無何又請與復崇福舊址不三載竟成叢林

時現曇嗣

天津先登皓月亭禪師霸州鄧氏子卅歲隨父遊講肆嗜踟躕閱楞嚴至清淨本然云何忽生山河大地有疑值世艱依天津雲庵荊落遂參慈翁森問清淨本然云何忽生山河大地森喝曰誰教汝恁麼師亦喝森曰石上又生苔師擬議森便打往親大覺琇于萬善殿師問清淨本然云何忽生山河大地琇打曰喚甚麼作山河大地師舉拳曰者箇覺琇曰放下著師便喝琇曰輓泥團漢師疑益切遊盤山聞僧誦曰山河大地成是妙用真性中物有省卽造見雪子淨淨便問清淨本然云何忽生山河大地師曰春日晴黃鶯鳴淨伸一足曰老僧爲甚翹足師曰貧人思舊債淨以足畫一畫曰者裏道句看師曰請和尚收足淨曰未在更道師便喝淨領之未幾淨遷西山永壽

●用疑明

命師理院事淨示寂師率衆建塔于本山衆卽延師繼席

雪子淨嗣

義水宜林天則能禪師黃岡康氏子投本郡安國剃度圓具于杏巖慕南宗之盛一錫偏參初謁金陵天界盛看三不是有省到龍池微見堂榜曰若有看經念佛持呪禮拜者到者裏急求懺悔遂通夕不安次早入室微舉起扇子曰會麼師曰不會曰爲甚不會師曰非我境界曰汝何方來師曰湖廣曰黃梅佛法如何師曰夜半付盧能泥牛歸雪嶺曰卽今事作麼生師曰和尚道甚麼微便喝師拂袖而出復到紫蓋天童雲門俱機契最後謁山翁恣于道場深得奧旨命師首衆無何風鶴不寧遂旋楚之義水結茅語嶺山適東林山鐸在開法能仁師往謁值山上堂師問世尊初生便云天上天下惟吾獨尊如何是獨尊底事在曰適逢山僧陞座師曰一枝無孔笛吹出萬年歡在曰罕遇知音師曰從茲高步華峰頂法法頭頭總不疑在曰如何是你不疑處師曰仰面見天低頭見地在曰記取三十棒是冬付師衣法囑依舊處

上堂栗棘蓬三葉五葉金剛圈一個兩個衲僧吞跳
得於一毫頭上卸却干戈吞跳不得辜負平生行脚
諸仁者畢竟作麼生卓拄杖下座 示衆與女子出
定因緣頌曰手把琉璃 彈疎庸乘醉倚闌干默
地喚 霜夜夢撩天黛色映晴嵐山鐸在嗣

太陽以山聞禪師斬水陳氏子其先世有孝聞師生
而莊重喜樂不干懷偶至大治平等山閱七佛偈手
不忍釋卷遂投披剃精究毗尼過午不食接人以慈
語不傷物世稱古佛參能仁在獲心印 示衆舉臨
濟三頓棒因緣頌曰龍得水時添意氣虎逢山色長
威憚禹門若不風雷送怎見洪波萬古聲又頌婆子
燒庵曰枯樹上銀花簇簇寒巖中瑞霧重重四時活
計身無累閱徧炎涼倚碧松勘人何處動嘆容黑山
輟出團圓月鐵壁千尋絕塵踪師著有學海源珍書
一百卷行世山鐸在嗣

黃州龍泉石源雲禪師麻城周氏子禮興善戒祝髮
謁禪通是圓具命掌院事順治丁酉參天界盛不契
卽南下見弘覺古南報恩雲門龍池俱有機語庚子

歸里參廣教玉久之玉問欲明一切明欲了一切了
爲甚一切聖賢皆以無爲法而有差別師曰徒知金
玉易那辨楚王心又問大事未明如喪考妣卽不問
因甚大事已明亦如喪考妣師曰苦瓠連根苦甜瓜
徹蒂甜玉深肯過三祖訪湘翁沅敘及五宗各有其
旨遂疑臨濟三頓棒至破夏等語後歸白虎乘涼次
見明月出礙臂之物始得泮然是冬隱居大石山福
林故址癸卯遷石門黃荊庵師輯五宗聯璧遍索諸
祖遺稿復過廣教玉以太平方丈命師主之秋過華
桂索斷橋下諸祖機語與在盤桓屢日在日據公見
解有過人處待來春著人送公至金明必師資有分
師笑曰若去金明則喪我兒孫後在赴龍興師結茆
白雲山彙聯璧稿成庚戌春再參在於龍興解制上
堂付以法卷 上堂去年四月八將此身心奉塵刹
土地都忙倒帶累菩薩摩訶薩今年四月八燈籠露
柱齊撲瞎毗藍園內掣風顛做甚手脚拄杖子忍俊
不禁現神變異踊身梵天與百億虛空鬪額火蛇吞
却鐵崑崙水上紅旗千個萬個一時燒殺東海鯉魚

打一棒雨似盆傾。上堂平田淺草翻珠浪。烏石嶺頭有一句。子南嶽也。恁麼道。馬祖也。恁麼道。臨濟也。恁麼道。楊岐也。恁麼道。徑山也。恁麼道。淨慈也。恁麼道。車溪也。恁麼道。普明也。恁麼道。金明也。恁麼道。東林也。恁麼道。新龍興也。恁麼道。大眾還恁麼會麼。若恁麼會得。駕無底鐵船。一任冥海天池釣。彼脩鯁長風直破。倘或不曾。山僧重下註脚。良久。拍禪床下座。

東林在大祥上堂。懸羊頭賣狗肉底。老凍儂。一年一度有甚麼憑據。生鐵鑊上活烹佛祖。赤沙灘上撞著馬郎。帶累許多人生陷阿鼻。致令大地平沉。徧界不覩。然雖如是。且道大逆雲。今日到者裏。不立戶限。不涉主賓。又如何相見。以香插爐云。紫柏黃檀纔篆。

露九霄鷄唳鳳呈祥。山輝在嗣

英麓興福等輝欽禪師。楚之安陸人。投鄂州洪山剃度。習楞嚴。素居講席。聞山鐸在風高。棄席往參。在舉庭前柏樹子。話問曰。座主講多般經語。此語出何典。試講遍看。師罔措。求入堂行七七。畢在喚座主。師應諾在曰。柏樹子而今講得麼。師赧然欲進語在曰。錯。

過了也。便起身入室。師疑愈切。徧閱教典。無一辭可措。便入寮閉戶。斷絕水穀。以悟爲期。在于戶外。遍拶益切。至第五日。聞板聲。頓悟疾趨。方丈在。惟手舞足蹈曰。此回欺公不得也。師曰。和尚恩逾父母。求入弟子之列。一日安職陞座。師出問大通智勝佛十劫坐道場。佛法不現前。不得成佛。道意旨如何在。曰。一個閒人。天地間。師禮拜山曰。你作麼生得與麼徑捷。師曰。早知龍蟠深水裏。傾湫倒嶽過多時。在曰。不要打。溼老僧衲衣。師拽出首座曰。堂頭老漢。今日不著便。何不拔劍相助。首座擬對。師掌曰。又淹殺一個拂袖歸衆。在曰。好與三十棒。師一日與石源雲相見。同時一喝。各歸本寮。僧舉問在曰。昔臨濟會下兩堂首座。同時一喝。時有僧問臨濟。還有賓主也。無曰。賓主歷然。卽今二上座。同時一喝。未審還有賓主也。無在曰。無僧曰。爲甚却無在。曰。不同臨濟。其僧休去。三日後復請益前話。在曰。要會龍興賓主。句須問堂中二驢。漢僧問師曰。禮拜向汝道。僧禮拜。師便打。又問雲。雲曰。與我過。若需來。僧過。需雲亦打。僧擬進語。雲又

打僧禮拜云。好個消息。雲曰。驢漢道甚麼。堂頭若知。

打折你腰。僧至晚。潛詣方丈。通所得在。命侍者喚師。

與雲不容分說。各與二十棒。趁出。住與福上堂。擊

石火閃電。光眨上眉。毛錯過了也。卓拄杖下座。壬

戌正月十七日。示微疾。書偈而逝。塋全身于本山之

前山在。

撫州荊溪雨山越禪師。本郡夏氏子。因世亂。投廬山

金竹坪出家。參湧蓮文有穎。悟與以山等輝。徧參知

識。及諸講肆。晚叩在于華桂。值在上堂。師問。機回虎

豹。趨山嶽。玉轉神鯨。奔海淵。律令斬新。卽不問。臨濟

綱宗。意若何在。曰。閃爍電光。迷宇宙。師曰。作家宗師。

天然猶在在。曰。幾家愁。閉雨中門。師禮拜。又一日。問。

一花百億國。一國一釋迦。如何。是一花百億國。在豎

拂子。師曰。如何。是一國一釋迦。在以拂子。便打。師曰。

梅因雪壓。方知操誰是。知恩解報恩。在曰。忤逆聞雷。

師禮拜。示衆。舉徑山廣參車溪冲。每聞示誨。必垂

淚。刻究一日。偶拾片紙。有觀方知彼去去者。不至方

之句。有省。呈冲。冲印可。卽舉首。衆師頌曰。河出圖洛。

出書。藍田產美玉。赤水育玄珠。仙姿不是人間種。穀

裏藏身供上厨。山在。

斬水增福。尼聖拙地。禪師親在。最久一日。問。未離兜

率。已降王宮。未出母胎。度人已畢。今日和尚。又爲阿

誰。在瞪目視之。曰。將謂汝是個人。師便掩耳而出。在

曰。三足蝦蟇。飛上天。師住庵事母。二十載不出山。山在。

齊安上方古輪玉禪師。本郡張氏子。投能仁祝髮。參

山鐸。在發明心地。侍隨三載。在赴龍興。命師繼席。華

桂。圓華嚴期。僧問。華嚴服畢。千佛筵開。諸護欽崇。

未審。以何爲驗。師曰。梅舒香噴。三冬煖日。恁麼則坐

斷。天下人舌頭去也。師曰。泉落空巖。九夏陰日。華峰

法雨超羣。表大地蒼生。盡沐恩師曰。合取口。山在。

廬山東林耳觀。演禪師禮在披緇。參四祖。顯有省。依

在。最久在住東林。能仁龍興。命掌院事。在一日。因塵

入目。問。盡大地是沙門。一隻眼爲甚。一塵不納。師曰。

和尚。今日一場敗缺。在曰。非公境界。師便出。方丈。山在。

詞在

嘉興金明晦岳旭禪師。新水王氏子。幼不食腥。七歲禮萬福心剎。染參山鐸。在於華桂。命看萬法歸一話。師朝夕參究。寢食無安。一晚聞鼠嚼琉璃墮地。覺身如虛空洞然。無際述偈呈在。在以師年稚。作色待之。師亦不自肯。年十九。圓具過午。不食。坐不脇席。律身精潔。在俾爲侍者。前後八載。入室次。在問。蓋子撲落地。碟子成七片。汝作麼生。會。師曰。百雜碎。曰。意旨如何。師便喝。在曰。者喝落在甚處。師曰。劈破。空在。舉拳曰。破得者。個麼。師擬進語。在驚扭住。送至地曰。且道者。個是甚麼。速道。速道。師豁然。乃曰。和尚且放某甲過。在卽放起。師隨與一掌。在曰。怎麼。那師又掌在曰。莫亂作。吾望子久矣。師珍重禮三拜。在曰。如是如是。師曰。偶閱臨濟正宗源流。至黃檗吐舌處。師忽失聲曰。噫。黃檗老漢。怎麼那驟趨方丈。在曰。有甚麼事。師曰。事卽有。忍觸忤和尚。在拈棒便打。師捉住。送至兩邊。在震聲一喝。師唯然點頭。數下。在曰。識此一喝。恩大難酬。師歛手作女人拜。曰。屈屈在深肯付偈。後南下徧訪吳越。知識嘉禾縉紳。請住金明。上堂。諸

佛慧命。列祖心宗。覲面提持。一肩擔荷。搥毒鼓于樓前。振洪鈞于未兆。顯出禪僧巴鼻。豁開向上重關。此猶是古人行履。未爲越格超宗。大衆會麼。薦拈拄杖。卓一卓云。者裏會得。臨濟三元。洞中五位。是甚麼閒家具。若欲克復嘉猷。挽回末運。直須一踏鴻門。開兩扇。雍雍佳氣。樂寰區。示衆。虛玄大道。體全彰。物物頭頭。盡顯揚。海月湖天空濶。處。珊瑚翠竹。曩斜陽。千門萬戶。重重透。理事雙融。絕較量。諸仁者。護揣詳祖翁。一片閒田地。兒孫永劫受餘殃。拈拂子。畫○相云。大衆到者裏也。須汗流浹背始得。端節示衆。今朝五月。五月輪大如斗。照徹五須彌。舜若顛倒走。驚起桃符神。撞破帝釋口。拈拄杖。旋轉曰。拄杖子。忍俊不禁。隨例打筋斗。喝云。住住。不可莽鹵。示衆。十五日。已前煙迷古渡。十五日。已後月缺清池。正當十五日。青松樓白鶴。碧沼綻紅蓮。寒山子。知不知。世情看冷。暖人面。逐高低。示衆。窗上毛。撐玉殿。開坐看露柱。自懷胎。生兒不食人間乳。日把靈芝石上栽。示衆。若論此事。山僧實無下口處。只得向第二門與諸人。

道破去也。隨搖手云。莫莫。晚參心不是佛。造作即乖。智不是道。用修還錯。從上佛祖歷代古錐。說心性判古今。大似挑燈白晝。龍淵者裏。不是盡法。無民蓋爲諸人千里尋師。不遇作家。終成廢器。入我門的。直教吐盡野狐涎。脫却鴿臭衫。換骨洗腸。少許相應。不爾則閻羅大王。不怕多知多解。莫言不道。小參僧出叉手立。師曰。是誰使汝顛倒。僧低頭視師曰。者老漢。頂上鐵枷。也不知師便歸方丈。示衆。舉車溪冲云。世界如許廣闊。爲甚在山僧手裏。師曰。徑山道雖十成。不顧通身泥水。世界既在手裏。且道甚麼處是老漢立地處。便起身入室。山鐸在嗣

漢陽大別。惟範琪禪師。孝感劉氏子。禮月輪老宿出家。參龍興。在在今看三不是。話有省。呈偈曰。彌天大舍暗藏形。突出山河礙眼睛。十二瓊樓都折倒。機前獨露舊時人。在問如何是舊時人。師便喝。在曰。一喝分賓主。你者一喝。是賓是主。師曰。和尚坐本。琪立在指露柱曰。古佛與露柱交參。是甚麼時節。師曰。今日親見和尚。在然之師執侍五載。盡得微旨。及在示寂。

同晦岳旭至金明。見東巖璩。遍參兩浙名宿。無不契機。戊午春。一錫旋楚。混跡脫白之地。不欲爲人師表。山鐸在嗣

鄂州普雲石航宗禪師。初參棲賢。敬領受心要。後謁龍興。在問。不是心。不是佛。不是物。是個甚麼。在打曰。雪色連天暗。空花滿地鋪。師曰。畢竟如何在。曰。卽前張大媽削髮。李尼姑師廓。然有省。呈偈曰。不是心。不是佛。生鐵崑崙當宇宙。和身一拶頂門通。萬象森羅齊突兀。在豎竹筴曰。者個禪師。便喝。在便打師。掣竹筴擲地曰。和尚今日打某不得。在曰。汝信吾不欺汝。耶師禮拜。龍興小祥上堂。維那白。椎畢。師曰。却被闍黎道著。便下座。康熙戊午。示寂。藏骨于龍左受業墓側。山鐸在嗣

新安龍興大雲入禪師。廣濟余氏子。投東林禮在披緇。一日請益曰。某欲參禪。可得否。在曰。不得。師曰。誰可得。耶在指露柱曰。是他却得。師於此有省。在遷能仁龍興。師執勞不忘。及在遷化石源雲繼席。師亦如之。雲遷二祖。請師主席。師曰。某何人敢當此大任。送

虛方丈以待賢者。值屢歲奇荒。師怡然不以爲苦。嘗枵腹以食。給衆遐邇。緇素無不敬仰。衆請上堂。舉僧參和庵。庵問何處來。曰嵩山。曰曾到五乳峰麼。曰在彼過夏。庵曰聽月巖畔石爲甚大。底大小底小。僧無對。庵打曰。何曾到彼來。師曰。要到五乳峰麼。蕭豎

拂子云。盡大地人向者裏相見。山鐸在嗣

黃安歸源宗如昇禪師示衆。舉金明進因主峰法參進豎拂子。法便喝。進曰。從上佛祖盡向者裏流出。你還見麼。法曰。從上佛祖盡從者裏來。師曰。金明撩頭主峰撩尾。父子互換足可觀光。若是從上來事。只管在語言上卜度者多。不錯會者少。山鐸在嗣

新安胡心維居士少業儒。生而端明。一日參龍巖。在求開示。在謂曰。公以儒而趨釋者。蓋儒釋形貌雖殊。其道一而心同也。其究性命至理。豈有二哉。夫學釋者此心也。學儒者此心也。堯舜與人同。同此心也。但各純於舊習性之所近者。朱陸之尊德性與問學。果有優劣乎。不過趣其性之近耳。蓋道之總難言也。今子有志于大道。而趨向無門。故學釋而究性命之

理。以歸一貫宜矣。第此中參須眞參。悟須實悟。莫以依稀彷彿似是而非。因循不迫。虛棄光陰。嘗見世人立言則聖賢莫及。歷事則舉措乖張。其過在四楞未踏地耳。予嘗示徒曰。萬境俱寂。汝作麼生。倚萬境俱彰。汝作麼生。消萬苦逼身。汝作麼生。遣以此驗已勘人。方可取日新之益。知至善之道。達眞常之理也。予見子懃懃懇懇。然非皮膚淺薄之學道者。所可語也。士研究二載。一晚聞城樓鼓聲。覺身心竦然。卽造龍巖呈解。在曰。者是心意卜度的。祇如不是心。不是佛。不是物。是個甚麼。士曰。穿衣喫飯。有什奇特。在曰。除却穿衣喫飯。又作麼生。士曰。皓月當空。在曰。月落後如何。相見士禮拜。在曰。何不道取一句。士一喝。在曰。喝後又如何。士曰。無毛鐵鷄。過新羅。在曰。是何境界。士曰。山河大地。在曰。山崩河竭。向何處安身立命。士乃大笑。在曰。果然如是。切須保護。以偈印之。舉鷲湖用。因僧問。如何是祖師西來意。用曰。金風吹繡水。桐葉落莓苔。士拈曰。若是英俊。衲僧腦門有益。自知金鷄一夜來。階砌梧桐葉。我意似秋雲。我心如皎月。

舉南明廣參徑山古湛久之一日偶拾片紙有觀
方知彼去去者不至方之句得悟呈湛湛印可頌曰
頓絕狐疑遠探玄劫壺空處妙難詮而今積聚毫端

上一鼓雷音徧大千

山鐺
在嗣

蘇州蓮花古林如禪師上海潘氏子母夢採蓮花頃
之結實寤而生師腥不入口及冠父母俱喪遂矢志
出家禮惟一薙染參二隱謚親炙久之次謁性空臻
于法輪後見竹庵衍于藕庵機契執侍五載住金
墅鎮蓮花寺上堂九月九日重陽節金風颭颭飛紅
葉離菊凌霜吐晚香林下禪和甘抱拙笑他世俗插
茱萸何似蓮花更饒舌別別太湖波底撈明月示
衆春色紛紛花滿枝黃鶯啼切柳垂絲見義勇爲豪
氣爽方知出格丈夫兒上堂今朝五月五恰是端
陽節呪水與書符赤口盡消滅別艾虎龍舟最親切
蓮花更有一句不向諸人說且道甚麼句良久云
角黍大如錐榴花紅似血

竹庵
衍嗣

北京興隆天乳哺禪師毗摩羅氏子幼習青箱有出
塵志投方亭祝髮詣憫忠受具徧遊講肆自謂於生

思鑒師

手鑒呼

死關頭無得力處遂謁萬安命看本來面目話刻究
三載一早捲簾見曰有省卽南詢見三十五員知識
末後參妙雲雄于大悲雄曰甚處來師曰南方曰南
方佛法如何商量思曰與和尚此間不異曰用去作
麼師曰也須到過日到巖頭麼師曰到曰他道婆生
七子六個不遇知音祇者個也不消得便拋水中意
旨如何師曰貧恨一身多曰從上古德以何爲人師
曰殺人不用刀雄便打師便喝雄曰參堂去依止二
載漸益奧旨元旦上堂元正啓祚萬物咸亨鳥啼
花笑山高水深無文印子不現而章西來祖意無爲
而成趙老茶香喚客金牛飯熟乎僧頭頭成現物物
從心香嚴擊竹靈雲見花乃至擎拳豎指鼓棹搖鈴
且道明甚麼邊事連揮拂云梅花片片呈祥瑞爆竹
聲聲報太平

妙雲
雄嗣

東昌洪涼天癡善禪師獲鹿姜氏子習儒未就從文
宗紫落禮太虛圓具參聖儀令看本來面目話銳志
不怠偶見山水瀑發有省謁風穴喜喜曰將什麼與
山僧相見師展兩手喜曰是甚麼師作掌勢喜打曰

休作怪師拂袖便出。晚見妙雲雄於大悲。雄問何處來。師以手點空。雄曰。者野狐精。拈棒便打。師便喝。雄曰。臨濟有四喝。你者是那一喝。師曰。三世諸佛分疏不下。雄曰。放汝三十棒入室。次雄問德山。托鉢是何意。旨。師曰。爲憐三尺子。不惜兩莖眉。雄曰。嚴頭密啓。其意又作麼。生師曰。鬼家活計。雄曰。喚甚麼作末後句。師曰。片雪點紅爐。雄乃命首衆親炙。三載稟受。囑累出住洪涼。儒士請上堂。豎拂子云。仰之彌高。鑽之彌堅。瞻之在前。忽焉在後。此是孔聖遺言。山僧對衆拈出。還當得佛法麼。續鳧截鶴。不妨好手。奪獄盈壑。始稱作者。不是鬪巧逞能。貴要儒釋道同。緇素不二。更爲下個註脚。仰之彌高。斫額不見頂。鑽之彌堅。刀斧劈不開。瞻之在前。頭頭合轍。忽焉在後。處處逢源。出乎其類。拔乎其萃。還如是會麼。喝一喝云。以我爲隱乎。吾無隱乎爾。示衆。舉徑山無幻冲。因僧問如何。是提婆宗。冲曰。一字不著。畫曰。不問者。個冲曰。圓相不著。圈師曰。圓相不圈。一字不畫。魔佛難名。衲僧眼瞎。逼塞虛空。無人酬價。驀地相逢。七上八下。雲妙

雄

棗強與福天。鞏禪師眞定王氏子。幼隨父禮太虛。荆染謁金陵劔門。諫命看念佛是誰。一夜聞雨打牕。紙聲有省。適諫落堂。問師念佛的是誰。師從東過西而立。諫曰。亂走作麼。師曰。若不登高望焉。知滄海寬。諫曰。脚跟下道一句。看師便喝。諫打曰。且緩緩著。因母老歸里。結菰素。聞妙雲雄道。價往謁。雄問諸佛智甚深。汝從那裏入。師拍香几一下。雄曰。古人道。先以定動。後以智拔。是如何。師曰。薰風自南來。殿閣生微涼。雄曰。忽若天崩地裂。你向何處安身。師曰。金香爐下。鐵崑崙。雄曰。作麼。生得不觸。不肯去。師曰。竹影掃塔塵不動。月穿潭底水無痕。雄休去。妙雲雄

楚黃王復。樸鍊禪師深得老莊之秘。喜與禪衲遊歷。參叢席。有呂巖之風。至嘉禾。與旭晦岳。梁弘度。盤桓甚契。往來李蛟門家。時人有三教歸一之謂。康熙庚午。妙雲雄住龍淵。晦岳旭請上堂。雄末後結云。他家自有黃金骨。何必拆檀入細羅。士默契語。旭曰。者老漢。今日舌頭拖地也。旭便扭士。曾曰。你見何道理。與

麼道士曰他家自有黃金骨何必旃檀入細雕旭曰試取黃金骨看士便掌旭托開曰你今日犯竊法罪稟過法叔和尚打你去即同見雄纔進門士便問如何是西來密意雄曰與我東土不異士曰如何是和尙不異底意雄拈杖便打士乃點首唯唯雄曰汝見何道理使點首士曰水歸終到海月落不離天雄曰我幾乎喚汝作道流士禮拜雄可之後因衆羽士請歸武塘凌仙庵臨終書偈曰踏碎虚空徧體寒一身赤肉冷如綿個般消息阿誰會遠在人心近在天踰跌而逝妙雲雄關

鎮江善業天惟德禪師丹陽人徧叩吳越法席後謁大悲雄雄問塗毒鼓轟天震地因什聰耳不聞師曰識法者懼雄曰嘉州大象被蛇吞却是何意旨師曰小出大遇雄曰一粒米充塞法界八金剛擡舉不起爲什被螻蟻啣去師曰賊是小人知過君子雄打曰者一棒落在什處師曰大地盡回春雄領之妙雲雄關廣平大雲濁空貞禪師參大悲雄雄問上座千里而來還有不動的麼師曰覲面相呈雄舉拳曰還見麼

師曰婆心太切雄曰雖却見聞覺知試道看師曰某甲到者裏有口只堪挂壁雄曰放子三十棒妙雲雄關

宜興覺華天嶧修禪師徧參江浙諸老大參大悲雄一見器之命充維那入室次雄問過量人高步毗盧頂上汝尋常向什處行履師曰含元殿裏不問長安雄曰獅子踞地羣獸避道因何喚作繫驢橛師曰屈尊就卑雄曰只者個人人本具個個不無汝爲什不識師曰無雲生嶺上有月落波心雄便打師便喝雄又打師又喝雄曰三喝四喝後又作麼生師連喝兩喝禮拜起依位立雄領之師曰辭歸南雄曰真機廓徹始可嚴整韜光聖胎完固方稱出格道人誰云瞌睡虎莫優踞地獅哮吼則聲震寰宇返擲則裂破虚空不同跛鱓盲龜豈似守株待兔一朝風雲際會雷奔電掣之時必勿滯於池中也珍重妙雲雄關蘇州開元睦聞純禪師崑山顧氏子世業儒投遞時剃度禮雙瑜受具參古燈炯于金明命看父母未生前話寢食俱廢炯落堂曰做工夫貴要疑情重把話頭如銀牆鐵壁相似用盡氣力忽然推倒多少慶快

師聞覺心境廓然。出問曰。只如牆壁倒壞。意旨如何。炯曰。怎奈磚頭瓦礫。何師曰。一總奉還。和尚曰。本來面目。響師曰。一月當天。無處不照。炯曰。月落後。又作麼生。師擬開口。遭炯痛棒打退。師自謂曰。明明知是般事。爲什道不出。放在胸中。一十四載。未嘗吐露。於人忽聞妙雲雄至。玉文陳居士留度歲。師往叩合掌曰。拜卽是不拜。卽是雄劈脊。便打。師擬開口。雄又打。師復擬開口。雄薰掩師口。師豁然頓悟。便禮拜。雄曰。汝見個什麼。便禮拜。師曰。今日幸遇和尚。得見金明和尚。立地處。雄曰。莫承嗣古兄去麼。師曰。若怎麼。則不來親見和尚也。雄領之。妙雲雄嗣

湖州證道天屋禪師參妙雲雄于大悲。雄問。你是何處。師曰。浙西子道什麼。雄拈棒。便打。師便喝。雄豎棒曰。向者裏再喝看。師禮拜曰。今日親見和尚。雄領之。妙雲雄嗣

蘇州何棟居士字楚生。本郡人世業儒。喜宗門事。初參靈巖。儲看三不是。話一日。儲問。不是心。不是佛。不是物。是個甚麼。士茫然無對。卽請益曰。求和尚指示。

一言儲曰。我喫飯。汝還飽否。士曰。豈無方便。儲曰。汝如何用心。士曰。弟子竟無用心處。儲曰。卽此無用心處。正是汝著力處。自是體究亦切。嘗與無住子盤桓。得見三塢雄。雄問。何姓。士曰。姓何。曰。台字。士曰。楚生。雄曰。居士吳人。因什楚生。士曰。和尚莫分別好。雄曰。豈不聞雲月是同。溪山各異。士曰。弟子不恁麼道。雄曰。汝試道看。士曰。盡大地是個自己。何同何異。曰。只如毗嵐風起。大地銷爍。自己在什麼處。士豁然。便禮拜。雄拈棒。擬打。士搖手止曰。不必。雄曰。汝向何處用心。士曰。盡大地總被和尚占却了也。雄曰。居士在什麼處。士便喝。雄肯之。妙雲雄嗣

嘉興龍淵諾嚴禪師。武塘夏氏子。少業儒。博綜子史。屢試不遂。年二十六。感異夢。有出塵志。偶于僧舍。閱楞嚴。未及半。置卷長嘆曰。至理不明。孜孜役於筆墨。何爲哉。卽投清淨祝髮。謁淨慈。岳圓具執侍久之。一日。聞僧舉應無所住而生其心。有悟入。後參夢庵。覺于青蓮。問末後一著。始到牢關。未審如何透得。覺拈杖打曰。不妨爲汝通一線。師曰。通後如何。覺曰。七

縱八橫師便喝。覺又打。師約住送一送。覺擲杖曰。今日放汝出一頭地。師禮拜覺頷之。上堂拈拄杖云。者一著子。光騰燄熾。五眼難窺。其際電掣雷轟。千耳莫聞其聲。及盡去也。相逢者少。龍淵者裏有時。恁麼倒捲銀河千丈雪。有時不恁麼。放開金谷萬層光。有時不恁麼。中却恁麼。花影月移香盡。露有時恁麼。中不恁麼。柳絮風吹半點無。此四句中有賓有主。有照有用。莫有檢點得出者麼。卓杖云。爲拋香餌釣金鱗。不惜綸竿頻滯水。夢庵覺嗣

蘇州法華履巒涼禪師本郡盧氏子。父無嗣。禱南海大士。至古松庵。見一老尼。禮法華。如有舊識。問曰。何來。曰。求嗣。曰。嗣卽有待。期年父禮謝。明年上元。後見尼。至舍。父問。莫是古松老師否。言畢。報生子矣。父默識之。師兒時喜見佛及冠禮。不二剃染。叩五臺受具。徧謁十餘知識。後見青蓮覺詰師。所得師曰。某參諸老。併無所益。特乞慈悲。開我聾瞶。若此番大事。不明。誓投江海。以供魚鱉。淚猶雨下。覺曰。我者裏不同。諸方圖門庭熱鬧。惟種田博飯。汝且種田去。月餘復詣。

子暉

方丈覺問你的田。覺師以手指心。復作一圓相。曰。若無我師親指示。幾送殘軀魚鱉吞。適有僧持花供佛。覺指花問。花開見佛。佛在何處。師曰。見花非眼。眼見非花。覺深肯。浴佛上堂。盡道釋迦老子今日降生。然釋迦老子于娑婆世界七千返矣。且道今日是第幾番降生耶。若說不是。今日降生。現前緇素請山僧陞座。却是矢上加尖。驚豎拂子云。釋迦老子降生也。諸人還委悉麼。卽以杓舀香水。澆于佛頭曰。也少者杓惡水。不得。夢庵覺嗣

蘇州報恩斷崖淨禪師本郡史氏子。往華嚴披剃。禮報國受具。初遊講肆。次謁天童悟命。看念佛是誰。一夕身心俱定。香板一擊。豁然冰釋。卽趨方丈。悟纔見。便問念佛的是誰。師曰。寒來向火熱則乘涼。悟曰。今日閻羅王打算飯錢。汝作麼。生師展兩手。悟打曰。賊物不勞拈出。師一喝。便出。後參企賢清子。牧園清舉。如意問者。個蘇州有麼。師曰。近來王令稍嚴。不許搶奪行市。清曰。漏逗不少。師便喝。清曰。者一喝落在甚麼處。師曰。兩眼相對。不相識。清便打。乃命掌記室參。

詰無虛日。清一日。囑以偈。後還里。住報恩寺。金賢清嗣

秀水李欽。嚴居士行履端肅。一介不苟。初謁金明介。領一歸何處話。潛究數載。應務之際。忽有省介示寂。後執弟子禮。見空諸性性曰。我與子同師。金明何得如此。士曰。老師也不得打作兩橛。性曰。師今先師在甚處。士曰。不辭道破。恐成埋沒去也。性曰。也不得推却。士豎拳曰。金明老人來也。性曰。埋沒不少。士曰。師又作麼生。性亦豎拳。士曰。一樣拳頭。因甚有得有不得。性喝曰。者是甚麼。所在道得不得。士廓然契悟。便禮拜。性曰。子既如是。深加保惜。士歲首覲性。性曰。子將何度歲。士豎拳。性曰。我將謂別有士曰。機惺無剩語。性曰。忽有人問。張公喫酒。李公醉。又作麼生。士鞠躬曰。恭惟吾師新正萬福。性曰。且坐喫茶。一日。性問從上佛祖。即今何在。士豎一指。性曰。子又在何處。士乃作一圓相。性曰。子與佛祖相去多少。士便喝。性曰。真獅子善哮吼。士禮拜。性深肯。與偈印焉。空諸性嗣

嘉興普光潛夫峻禪師。金陵蕭氏子。禮純湛脫白年十七。謁金粟孤雲鑑乘戒看萬法歸一話。經歲不契。

請益茫然。纔出門。值直歲問公務。斧子在那裏。曰。原在舊處。師當下釋然。轉趨方丈。曰。和尚如今瞞某甲不得。鑑曰。如何是萬法歸一。一歸何處。師伸手曰。捏之爲拳。舒之爲掌。曰。未在。師便掌。鑑曰。好與三十棒。最後見牧公謙。有師資之契。侍隨二載。謙詰師行脚。師次日呈之。謙閱畢。問曰。還有麼。師曰。甚處還少。謙曰。只因太多。師豁然點首。謙便打師禮拜。一日。謙舉衣拂曰。雞足山前披坐。大庾嶺頭。特來。瓶山今日事不獲已。從頭註破。瓶山曾於博山得其毛次。見三十餘尊宿。得其皮骨。末後在金明得其髓。不欲囊藏。和盤托出。然此衣固非形相可拘。亦非情識所測。佛祖到來。不敢正眼覷。著而今有個牙如劍。樹口似血盆。個無面目。漢轉身就父。嘉舉拂子云。汝在諸方參得的。拈置一邊。向者裏道一句。看師曰。金香爐下鐵窠。崙謙打一拂子。師禮拜。謙以衣拂并偈授之。出住普光上堂。諸佛出興。列祖降迹。以至拈花面壁。斷臂破顏。總是以譌傳譌。將錯就錯。無非要汝諸人識取者。個且如何是。峇個。齊松篁拂。漢梵字排空。鳥語花香。

風清月朗頭頭上顯物物上明于斯會去自見堯風
蕩蕩舜日熙熙海宴河清民康物阜且道法筵重闢
法令初行一句又作麼生豐年野老謳歌日共喜嘉
禾合穗生 小參舉斷橋上堂云德山低頭夾山點
頭俱低豎起手指頭玄沙築破脚指頭提起拄杖云
都來不出山僧拄杖頭何以見得卓拄杖云一葉落
天下秋師頌曰幾座畫閣瓊樓數條花街柳巷從頭
說與遊人總在長安市上 小參舉車溪冲燒火次
僧問如何是自性天真佛冲曰與我搬取一束柴來
僧搬柴了又問冲曰者奴子好惡也不識便打師頌
曰桃源洞口尋春色野老頻呼在此中遊徧園林猶
借問不知身在萬花叢牧公
眉州報忠慈林旃禪師淮安大河洪氏子薙髮受具
謁夾山報恩皆不契末後見瓶山謙于心空齋一夜
侍次謙與紙燭出師纔接謙便吹息師有省便禮拜
謙曰你向什麼處會師曰龍門無宿客謙曰爲甚不與
波作浪師震威一喝謙打曰放過不可又月夜經行
偶到端本堂擡眸見皎月當空曾懷廓落渾忘身世

忽踏石作聲頓釋所疑述偈呈謙曰孤輪皎潔鏡磨
天上下光通珠走盤徹體風流無一似大千沙界沒
毫端謙然之師親炙兩載洞悉微旨謙付以偈 上
堂舉阿育王內宮齋賓頭盧尊者策起眉毛因緣畢
師曰育王被賓頭盧塗汗一上當時見他策起眉毛
劈面便掌待云阿耨達池請佛齋吾亦預數但合掌
云謝尊者指示看他怎生合煞 小參舉瑞巖主人
公頌曰春山片片五花飛杜宇聲中最可悲啼得夕
陽山影亂此心能有幾人知牧公
湖州天聖師王禪師嘉興項氏子年十六有出塵
志是歲避兵辰溪值素華講楞嚴有所契後禮悅開
披剃習天台教觀聽愚庵孟講次謁雪竇雲笈心三
載而雲入寂乃徧參後謁瓶山謙謙以竹筴擊香几
曰響從何處師曰從心起曰心在什麼處師曰聞在什
處謙便謁一日隨謙覲金明進進問汝做何工夫師
曰無工夫曰不空過也師曰好兒不使爺錢曰汝字
誰師曰師王曰既是師王爲什却被文殊騎師曰老
大大作者般語話進顧謙曰出羣須是英靈子師

●生處在

曰莫塗汗人好進便打師禮拜次日謙付偈印焉
上堂舉臨濟問座主業何經論曰粗習百法明論濟
曰有一人於三乘十二分教明得有一人於三乘十
二分教明不得是同是別曰明得即同明不得即別
洛浦曰者裏是什麼所生說同說別濟問問浦曰汝
又作麼生浦便喝濟送座主回乃問適來是汝喝老
僧那浦曰是濟便打師曰一等是借路經過了無奇
特當時待問是汝喝老僧那但向道古佛過去久矣
管教臨濟老漢另眼相看抑且有出身之路牧公謙嗣
秀水羅紹棠居士字雪苑幼聞祖空語性與衲子談
禪恍如宿習向性啓問性曰是非汝所知士曰孫已
知得性曰試道看士曰可與祖道即非真知也性異
之曰汝何得此消息來士曰于不思議處得之從此
嘗與性盤詰此專與旨日益後性違和調實煥訊候
次性指士謂曰小孫於本分事有些子光影乞再爲
開示令其竿頭更進則不受人瞞也士遂問煥曰百
尺竿頭如何進步煥曰直須一腳踏到底士曰祇如
踏到底又作麼生煥曰待汝翻身返擲即向汝道士

●生上塵作
未字

便喝煥曰者一喝落在何處士曰虛空迸裂煥與性
大笑一日煥謂士曰昔何太守得田素庵庵後得四
人其法道大行于世朽受金明法要今欲託之吾子
士曰紹棠何人敢當此任煥曰據子所見有過人處
此子分內事也勿却士遂禮拜煥取名機徹付之以
偈調實煥嗣

金明天鐸源禪師上堂乾坤之內宇宙之間中有一
寶秘在形山與麼說話大似饑逢王饍不能食依然
忍肚過日山僧則不然乾坤之內宇宙之間中有一
寶不是金山美玉亦非赤海玄珠驚豎拂子曰看看
復擲下曰劒去久矣汝方刻舟示衆師拈拄杖曰
有一則公案三世諸佛不曾說著歷代祖師不曾舉
著山僧今日忍俊不禁特爲諸人拈出以拄杖作鼓
棹勢召衆曰大衆會麼不會則山僧自道去也高吟
朗唱曰自是不歸歸便得五湖烟浪有誰爭復作鼓
棹勢下座別傳化嗣
吳縣茂林松禪師唐氏子世儒業有出塵志竟造大
悲禮則髡落參父母生前話久不契一日禮佛投地

頓釋厥疑。呈則則拈拄杖曰。識得者箇麼師曰。閒家具。則曰。娘未生時。作麼生。師曰。鼻孔依然。搭上唇則肯之一日。問盡十方世界。是一枝花。汝試拈起看。師曰。又是從頭起。則曰。未在。更道。師曰。和尚嫌少。那則打一拂子。師禮拜。則領而印之。安化則嗣

九江護國次僧倫禪師。河南人。徧參江楚。未得悄然。特叩多雲性。纔入門。性問是甚麼。師曰。也要和尚疑。著性怒色。叱曰。著野狐精。即推出。關却門。師曰。久慕和尚慈悲。乞墜方便。性不爾。師侍立至晚。適侍司點燈出。師薰有省。乃擒住侍司。叫曰。和尚快來。某甲捉得一箇賊。性出問曰。賊在甚麼處。師於性膊上。捏兩捏。曰。低聲低聲。性乃許入室。一日。命頌世尊拈花因緣。師即衝口曰。未拈已前。花含笑。已拈誰復笑。花開頭陀。一自羞慚。後惹得時人。盡見猜性。曰。花開後。又作麼生。師曰。一夜淒殘。雨滿城流水。香性領之。多雲性嗣

吉安鈍峰銳禪師。姓曠。本郡人。屢赴棘闈。不第。憤志出塵。徧謁禪講名宿。氣宇卓犖。不羈所見。無不稱賞。晚見源於龍興。師資契合。執侍三載。源一日陞座。舉

僧問保福雪峰。生平有何言句。得似羴羊挂角時。福曰。我不可作雪峰弟子。源曰。設有問。碧雲金明。生平有何言句。得似羴羊挂角時。只向他道。金明不可作我本師。且道與古人道的是。同是別。還有縑素得者麼。試出來道看。師出便喝。源豎拂子曰。雲從龍。風從虎。且道者箇從什麼。師曰。今日不得鈍置。和尚源曰。你作麼生。用師以坐具。撼一撼。源曰。用後如何。師曰。雲從龍。風從虎。源拈法卷曰。者箇話。欄從佛及祖。傳至山僧。即今上座。悉在者箇話。欄袋裏。師曰。靈山授記。未至如此。源度卷。師便禮拜。出世荊溪。有語錄行世。報恩源嗣

揚州九蓮季彬質禪師。首參碩揆。志看未生話。被志一踏。豁然。乃呈偈曰。一腳踏翻生鐵甕。重關直破氣吞容。虛空撲地。須彌舞。無數笙歌樂禁中。志曰。虛空撲地。你甚處安身立命。師曰。某甲到者裏。有口道不出。志曰。爲甚麼道不出。師曰。舌頭無肉。志曰。好與三十棒。後遍訪名宿。莫不契機。師與旭晦岳友。喜幾二十年。聞旭住甘露。師渡江訪舊。值雄退禾之三塢。還

山左大悲師曰久嚮和尚高風無緣親覲雄曰卽今是有緣耶。是無緣耶。師曰且喜親見和尚。雄曰如何是親見底事。師曰偶得瞻禮。怎敢造次。劈面便掌。師禮拜曰果然名不浪傳。雄曰那裏見得。師珍重歸位立雄遂授之以偈而印焉。妙雲雄嗣

蘇州陳溯漢槎居士本郡人善岐黃之學志慕禪宗往親金明燭十有餘稔參萬法歸一話有契入因合藥次燭曰文殊令善財採藥善財拈一莖草度與文殊殊曰此藥亦能殺人亦能活人你作麼生會士曰知恩方解報恩燭打曰者是什麼藥頭試吞吐看士便喝燭曰不得喝不得擎拳豎指道取一句來士曰冬日嚴寒請歸暖室商量燭休去甲戌除夜適龍淵雄至讀雪樓士懷香謁見有水乳之契雄曰今夜閨老與你筭飯錢你如何祇對士曰風吹片雪補梅花雄又問如何是萬法歸一士曰鷄寒上樹雄曰一歸何處士曰鴨寒下水雄曰辭舊迎新又作麼生士曰暮夜事繁明日拜祝和尚新禧雄拈拄杖擲地曰露地白牛翻身去也士便禮拜雄領之付偈曰佛祖心

燈照不偏燈燈遞互古今傳真源一貫無繇素此事從來不自瞞。妙雲雄嗣

玉田文龍洞源耀禪師本邑吳氏子幼依慧山披剃受具於愍忠後參大悲則則見便問死了燒了向那裡安身立命師曰光前絕後則曰畢竟得何受用師便喝則曰我有三十棒且待別時又命入室則問佛祖正傳畢竟傳箇甚麼師曰豁開千聖眼風光遍九垓則曰如是如是隨付偈曰豁開千聖眼風光遍九垓信手親拈出曹溪一脉來。世高則嗣

文學梁洪居士字崇此雲中人也生時母夢三大士送入室解語時聞祖母誦金剛經一切有爲法如夢幻泡影有省初謁大悲則令參一歸何處一夜忽入境兩忘竟了不得乃呈偈曰四大原無相身心何處安秋風搖翠竹一夜枕邊寒則然之以偈記荊焉一日與僧渡河乃問絲綸千尺意在深潭未下絲綸時如何僧無對士曰此水無魚僧曰何不收綸士曰今日不利同學講易曰六十四卦都不離太極士曰太極未分時如何同學無語士曰喜得無語救得

一半。問二龍爭珠。誰是得者。士曰。露頌曰。團團皓

月正當空。湖海江河影不同。笑把玉鞭鞭石馬。一聲

咆哮舞西風。問盡大地是水。且道是誰的鼻孔。浸

爛土曰。盡大地是水。且道是誰的鼻孔。不浸爛頌曰。

日中有鳥。月中有兔。天上有天下。光明獨露。世高則嗣

撫寧張霍居士字念藝。初不信佛。凡庵寺幢塔鐘磬

等字。文中槩禁弗用。及謁大悲。則始感悔。則追問父

母。未生前本來面目。讀易之寂然不動。感而遂通。語

悟而有得。則嘗語士曰。汝有拄杖子。與汝拄杖子。汝

無拄杖子。還我拄杖子。士曰。多謝和尚。老婆心切。則

問。如何是居士家風。士曰。禽翻竹葉霜。初下人立梅

花月正高。則曰。也要你擔。當士曰。大家有分。則印之

以偈。世高則嗣

大同梁屋居士字叔敏。通權達變。而簡默持重。每語

人曰。退一步行。是安樂法。嘗獨坐自思。醺醉之中。主

人公在甚麼處。聞空中鴈聲。忽有省謁。大悲則問。

世尊拈花迦葉微笑。畢竟笑箇甚麼。士曰。太殺多事。

則曰。那裏得這箇消息。來士進前。捏則一把。則與一

掌。士便禮拜。則以偈印焉。世高則嗣

津門龍震居士字東溟。性嗜酒。常遊大悲于樹陰塔

影間。買酒酌之。則亦不禁。顏後或哭笑。或歌罵。多有

以顛名之者。則以頌古摘珠貽士。士受之以作下酒

物。一日讀至調達謗佛。生身陷地獄。因緣士乃浮一

大白引聲作偈曰。佛不入地獄。魔不出地獄。佛一入

地獄。魔已出地獄。無魔亦無佛。何處有地獄。舉似則

則大喝一聲。以拄杖子擲士前。便歸方丈。士笑而呈

偈曰。信步入空山。空空山空香。發尋到枯梅。根枝枝吐

明月。則亦付之以偈。世高則嗣

天津大悲圓音鐸禪師本衛劉氏子。兒時喜跌坐。里

人咸謂有宿習。及長。剃落。參世高。則蒙指示。嘗徹夜

不寐。一晚經行。廊下聞貓聲。有省述。偈曰。夜深新月

照簷楹。忽地貓兒解。做聲踏碎虛空無著處。當陽獨

露劫前身。呈則則曰。如何是你劫前身。師曰。泥牛夜

半吼。金烏出海門。則曰。一歸何處。師曰。延齡不用九

還丹。則曰。心佛物俱非。畢竟是甚麼。師曰。簸箕不安

唇。則頷之。師親依數稔。則受偈曰。普化搖鈴鐸。圓音

萬古傳一滴車溪水流。出在機先。世高則嗣

金世純。邑侯字靜庵。鐵嶺衛人。嘗繙禪史及蒞任。邾縣政事之暇。必禪坐。後丁父艱。僑居天津。造大悲則請益工夫。則命看一歸何處話。極力參究。偶見死尸。私謂曰。一靈何往。疑之益甚。夜坐書齋。觀生滅相。皆如幻夢。乃述偈曰。死生皆如夢幻。一靈超越古今。吞却乾坤。無相當空。皓月獨明。呈則則曰。吞却乾坤。月在甚處。純鳴指一下曰。那裏學。者虛頭來。純曰。含元殿裏。玉液翻波。一歸何處。純曰。謝和尚重問。則然之。親炙二載。遂印以偈。參妙雲。雄曰。聞居士會得死生如夢。是否。純曰。泥牛踏碎。千江月。木馬衝開五嶽雲。曰。猶是生死事。純曰。太歲頭上。土雄打一掌曰。勅純便喝。世高則嗣

法雲了心相禪師。蘇州唐氏子。參妙雲。雄於拈花客舍。雄問我手何似。佛手師曰。昨日聞和尚到此。雄曰。我脚何似。驢脚師曰。今朝拈見。恨遲。雄曰。人人有箇生緣。如何是上座生緣。師曰。和尚前怎敢諱。却雄拈拄杖曰。爲甚。木上座不知。師曰。風吹梧葉落。何處不

秋清雄打曰。正好喫棒。師禮拜執侍。半載。雄以偈印焉。一日。雄問如何。是佛師曰。眼不見鼻孔。曰。如何。是法師曰。釣絲絞乾。滄海曰。如何。是僧師曰。眉直眼。輪瞪。頌石鏡像曰。三清偶。眺上蓬瀛。酌盡壺漿興。已醒幾變滄桑。渾不醒。酣歌天際曲。難。賢妙雲。雄嗣嘉興高亭古朗鑑。靜主海鹽呂氏子。幼從雲庵。量祝髮禮鄧尉。壁得具參。福臻看拖死屍話。無入嘗請益。居士陸燾。屢蒙策發。不能酬酢。燾曰。汝且一切放下。斂念泯心。參箇念佛。是誰。曉夜不懈。自有會處。緣因聽講世尊徵阿難曰。當以直心。訓我所問。處始釋疑。情呈所見。燾爲助喜。燾示疾。師慰問。燾曰。維摩病三十二大士。問老夫病。上人問意在甚處。師曰。我不似三十二大士。燾拈起如意曰。還識者箇。否。師曰。恭惟居士萬福。燾翹一足曰。者裏道看。師禮拜。燾領之。燾豎如意曰。汝但於水邊林下。深蓄斯道。倘有勝緣。亦可啓迪。將來我此一事。賴子傳持。慎勿忽諸。遂以如意并偈印之。玄度燾嗣嘉興魯公范霞。居士秀水人。兒時喜見佛志慕空宗。

利參真如。傑開示禪要。次參如如。拈命看三。不是話。精苦自勵。一夜危坐達旦。聞報鐘聲。有省。述偈呈楫。曰。忽聞一擊鐘聲。徹拶得虚空。沒處藏大地。坦然平。似鏡依前覲體露堂堂。自是徧叩名宿。一日見瓶山師資甚契。卽以偈拂印焉。牧公諱嗣

金陵華嚴法界甄禪師。俗姓宋。延慶州人。示衆舉徑山冲曰。世界如許開闢。爲什麼在老僧手裏。師曰。徑山道雖十成。不願通身泥水。既世界在手裏。且道甚麼處是老漢立地處。問達磨西來傳箇什麼。師曰。破屢鞋。曰。聞道傳衣與二祖。是否。師曰。且信一半。曰。和尚莫瞞人。好忽鵲噪。師曰。鴉鳴。鴉鳴。鴉鳴。鴉鳴。問古人見何道理。便休去。師曰。無人問得伊。達祖覺嗣湯陰朝陽慈雲度禪師。永年陳氏子。依慧月剃落。詣華山禮受具。坐五夏。精究毗尼。歷遊講肆。每私自忖曰。戒乃束身之本。教亦文義之學。俱非究竟之理。嘗聞禪宗有解粘去縛。了生脫死之要。豈欺我乎。乃束裝參風穴。喜命看萬法歸一。話身不倒。楊勤苦無怠。忽覩日光赫奕。頓釋前解。入室呈見。喜曰。如何是萬

法歸一。師曰。風穴衆山叢曰。一歸何處。師曰。月落長天碧。曰。未在。更道。師掀倒禪床。便出。喜曰。者漢亂做。後親甘露覺命典客。後覺遷神京。開化師理院。務幾二載。覺示疾甚篤。召師問曰。吾欲建一座無縫塔。汝試作箇塔樣看。師進前叉手而立。覺曰。似則似是。則未是。師曰。和尚意作麼生。覺推出枕头。師曰。建塔已竟。覺曰。向後設有問還。遞得師真麼。汝如何祇對師以手畫一圓相。作女人拜。覺曰。更別有麼。師曰。恩大難酬。覺曰。如是如是。遂出衣拂。並法偈印焉。達祖覺嗣紹興衛生月暉光禪師。馬姓。本郡人世業。儒嘗請益三宜石雨諸老。深究禪理。中齡投東山禮歸。鬻髻落圓具。看念佛的是。誰晨朝洗面。聞一僧戲曰。脫下青州布衫。著師不覺汗流浹背。呈偈曰。放下前塵本來清淨。摸著鼻孔。原非別人。曰。者是心意記述。且道念佛底是誰。師曰。闍王元是鬼。驚打曰。也須驗過。師曰。和尚太煞婆心。曰。那裏見得。師曰。怎敢瞞得大衆。曰。獨汝自瞞。師便喝。驚極加稱賞。師雖有所入。終不肯一錫北遊。謁企賢清。卽針芥相投。命理院事。不憚

勞役提究亦切。每結伴做死工夫。一日聞僧誦趙州語。曰念佛一聲。漱口三日。師疑情轉窒。黎明聞驢車聲。震始脫疑滯。乃曰念佛一聲。漱口三日。金屑雖貴。落眼成翳。呈清曰。此是古人句。你的齋師曰。生米煮熟飯。曰鍋漏柴濕時。如何。師曰。今日不得普請。清打曰。放過不可。師曰。和尙有成人之美。清契之企賢。清嗣

五燈全書卷第一百三

京都聖感禪寺住持臣僧 超永 編輯

京都古華嚴寺住持臣僧 超揆 較閱 進

呈

臨濟宗

南嶽下第三十七世隨錄

潭州瀉山古梅定冽禪師邵陵王氏子少遊邑庠便念生死事大乃薙染完具依大瀉海力參一十五年出住芙蓉山廣化 示衆牛頭沒馬頭回風馬牛不相及玉兔速金烏急日月竝行而不悖桑樹上著箭柳樹上出汁 示衆殺人須見血我王庫內無如是刀爲人須爲徹我躬不閱遑恤其他喝一喝曰禁止訛言 海退老七星巖命師繼席上堂世尊有密語終日在耳邊迦葉不覆藏終日在眼裏若恁麼會我要問你說箇甚麼見箇甚麼世尊有密語父爲子隱迦葉不覆藏而子證之且道證的是隱的是 晚參舉巴陵因僧問祖意教意是同是別陵曰雞寒上樹鴨寒下水師曰雞寒上樹一聲撲落梅梢月鴨寒下

水生身踏破楚天秋願脉左右曰雖然證上加證畢竟祖意教意 黃龍三闌頌曰我手何似佛手牽著

須彌倒走撞倒碧眼胡僧無端斷却一肘髓 我脚

何似驢脚鸛鷀洲前趨躍遇著惡辣楚王被他雙足

則却錯 人人有箇生緣江南江北東海西川在上

高祖從下曾元然 師嚴持律範道播江楚著有語

錄六卷行世慧山海嗣

潭州浮山崇福與峰智禪師上堂說法無所得是名

獅子吼說法有所得是名野犴鳴有無所得野犴獅

子一時打斷卓拄杖曰直下如輪王解髻了絕思惟

如象王渡河迥忘回互正恁麼時還有構得的麼喝

一喝 上堂舉趙州因僧問三身中那一箇是本來

身州曰缺一不可師曰提本分鉗錘接引客作漢惜

乎久客忘家反覺自瞞了也如今若問山僧三身中

那一箇是本來身但度拄杖子與他他若擬議便劈

頭打出且道與趙州相去多少 晚參炊鐵釘飯綴

齒黏牙封白紙書虛多實少孰若就現成茶飯發放

方來以文彩爛然交待尊宿如會則事同一家有禮

有樂不會則萬別千差無黨無偏拍香几曰夫子不
識字達磨不會禪一生敗露處板窗缺門前 問大
死的人却活時如何師曰三千里外絕諸訛曰和尚
住山以何為驗師曰石象泥牛連夜吼 頌德山托
鉢曰一門禮樂擅英豪細把週文月下敲撼斷玉絃
緣底事畫堂贏得語聲高 師歷住荊州果願朗州
西禪邵川龍山大梅明照諸利語錄十卷行世 慧山海嗣
慈溪白龍萬松疊默聞禪師餘姚翁氏子禮白龍能
剃度苦參竹笠子話一夕山行因踢石傷足有省呈
偈曰柏子甚奇哉無根石上栽笑他無住處露出一
枝來能接偈曰汝作麼用心師便喝能曰發惡作麼
師曰髮尖迸出日輪紅能曰意旨何如師曰大地盡
回春能領之 小參為僧只合住山好無端煎逼出
山來誰知福薄難調治帶水拖泥盡力捱 栽松小
參山家活計只尋常沐雨梳風不借緣但得工夫成
一片白雲綠樹任高眠 康熙己酉八月朔師示寂
塋全身於寺之西麓 冰懷能嗣
崇川石渚廣惠荷禪師上堂和光莫與世同塵奮力

深培劫外根透得睡中無夢主千花爛熳鳥啼春 冰懷能嗣
吳陵開化大歇定禪師昭陽邢氏子僧問如何是入
門句師曰觀見容顏便得知曰如何是門裏句師曰
運籌帷幄決勝千里曰如何是當門句師曰吹毛須
不動曰如何是出門句師曰杖頭挑日月袖裏貯乾
坤曰如何是門外句師曰那山又有那山高 冰懷能嗣
泰州北山古藥智禪師上海人年十七薙染歷參天
童大樹瑞光焦山諸老後受白龍能印可 出世上
堂萬里長天碧乾坤徹底清山河成一片箇事有何
分會得如是意物物盡皆春千七百則公案一一廣
羅將來向者裏還用得待一絲毫著麼若用得著也是
空中釘鐵若用不著畢竟如何遂推倒禪牀拈棒趁
衆曰不得食別人家殘羹餒飯 冰懷能嗣
潞州瑯琊祖讓宗衡禪師上堂展左手次展右手復
合掌顧衆曰會麼衆無語師云事已再三便歸方丈
上堂以手拽鼻曰諸佛聖人畜生驢馬莫不盡同
者箇鼻孔若也識得便可於魔宮虎穴劒樹刀山馬

腹驟胎茶坊酒肆處處遊戲神通淨佛國土若也不識業識情緣輪迴汨沒未有休歇在忽有箇衲僧出來道識與不識且置祇如沒巴鼻底出來又作麼生定山但有一事問伊向甚麼處出氣 上堂妙有不有真空不空兩頭一擔月白風清棒打不著喝又何從釣魚船上顯家風夜深撐入蘆花裏南北東西不見踪甚處去也擊禪牀一下 問大善知識出世所爲何事師曰貪杯一世債人債賣紙三年欠鬼錢曰和尚何苦也入者箇行戶師曰悔不愼當初崇寧堂湖州白雀匡瀑青禪師初參靈隱禮於天寧看城東老母因緣有省隨呈頌曰眼花不少老婆婆平地無風自起波十指莫驚都是佛祇緣避溺反投河依淨慈崑於顯寧呈平昔所作偈頌崑覽未竟卽曰未有喫棒分在師曰過在甚麼崑曰待案山點頭卽向汝道師卽焚却入堂苦參久之於狗子話下釋然頓悟一日普請次崑垂問曰一拽石二搬土發機須是千鈞弩如何是千鈞弩衆下語不契師曰到卽不點崑笑而領之 問不與萬法爲侶是甚麼人師曰十字

街頭廖鬍子曰爲甚却道一口吸盡西江水師曰我不如他崇寧堂

金陵蔣山靈谷于南運禪師泰興李氏子十八歲因全家病疫無存遂發心薙染乞戒於天寧禮時南屏崑爲第一座見卽機契隨依侍決擇後受記蒞出住靈谷 結制上堂選佛場開十方聚會山僧一以平等心爲爐韜眞實語作鉗錘無論是金是鐵是玉是石水擊則成羅浮之磬山鳴則爲于闐之鐘使見者驚奇聞者駭異不惟爲蔣山起價亦足爲宗鏡增輝且憑箇甚麼拈拄杖喝一喝曰犀因望月紋生角象被驚雷花入牙 過堂次師謂行堂曰露柱何不與他一分曰是伊不解喫師曰正該與他一分曰何故師曰若解粒米難消 康熙丁未二月師將示寂時塵僊西堂與師同參兄弟也見師疾篤不輕付授一日舉風穴上堂至垂淚處曰當日若無念法華不如哭到幾時師曰當時風穴舉似念法華今日塵西堂舉似靈谷誰正誰倒曰生意各別養家一般師曰親言出親口曰且借靈谷毒氣上報南屏業債次日師

卽搗鼓升座對衆付囑乃索筆書偈曰來無些子去無些子倒騎鐵馬出重城江國春風吹地起遂沐浴薙髮泊然而逝葬於誌公塋之西大司農張有譽爲之銘

豁堂
崑嗣

淨慈舜瞿方孝禪師江都王氏子參南屏崑於顯寧隨衆入室聞舉肇論物不遷有省乃呈有句無句偈曰兩刃交鋒如火聚纔涉鋒芒觸體粉碎不粉碎泥人搗鬼春石確崑爲許可上堂盡大地是衲僧一隻眼淨慈有願不欲撒沙今日亦是不得已還有向電光中使帆石火裏走馬者麼其或未能索性剗心瀝膽將諸佛體相祖師大意百千三昧無量法門拈向諸仁一任丁一卓二橫三豎四

豁堂
崑嗣

諸暨靈屏同圓禹峰現禪師示衆舉臨濟示寂不得滅却吾正法眼藏公案師曰男兒不喫分家飯女子不著嫁時衣祖父田園都沒了纔能赤手去編籬大衆這籬笆從那一處編起

豁堂
崑嗣

武林筠菴尼象菴慧禪師郡之莊氏女也一日閱三峰語錄有人以生死不了請開示峰應聲便掌師于

句下有省遂成頌曰四十餘年業識拋驚提寶剎還英豪喝教倒退三千佛大地全收在一毫後見淨慈崑問作麼生是菩提路師曰入地獄如箭崑曰寸絲不掛時如何師曰負心人越窮崑曰如何是差別智師曰三九二十七崑曰還有方便也無師曰三九二十七崑便休

豁堂
崑嗣

頌德山托鉢曰當頭一問豈尋常攪轉鋒芒暗裏藏父子各人彈別調聲聲狼狽斷人腸食筍偈曰久隱深山保聖胎一聲雷動出頭來層層剝盡蒸來喫不負親嘗者一同

亮如
亮嗣

神山報慈樹可徹禪師上堂一不做二不休軟暖處收拾伊不下袈裟裏草屨且聽草草鉢盂裏放尿匙筋邊還知氣息麼喝一喝上堂春風楊柳媚春禽弄百舌一片祖師心兩處都漏泄古人恁麼道話作兩橛報慈則不然春風楊柳媚春禽弄百舌幽哉委幽哉快活真快活一片只是一片漏泄不曾漏泄早參昨夜湖頭秋色好今朝移棹別宮商離鈞一曲誰堪和鬚髮消除有謝郎拍案一下

◆甚難忘

染完具謁瑞光徹棒頭機契後中興範繼席命師力參竹筥話心甚迷悶白万丈曰某甲不解竹筥譬如豆投壁隨投拋颺終無入處範曰可看父母未生前話去師歸堂猛參一晝夜黎明聞黃鶯聲不覺心地豁然急趨方丈纔擬開口範即打出時一足恩爲西堂師詰問前話恩便喝師又喝恩又喝師乃通身汗下洞徹法源 上堂卽心卽佛紅爐點雪非心非佛分明漏泄不是心不是佛不是物衲僧腦後三斤鐵伶俐漢撩起便行猶謂未譬何故陽春雪曲和皆難却被風吹調轉別 示衆六月炎炎飛大雪生兮死兮消息絕消息絕爲君說月落不離天口開便見舌別則我常於此切中興範嗣

海虞三峰佛曰圓禪師上堂舉南泉參百丈丈曰從上諸聖還有不爲人說的法麼泉曰有丈曰如何是不爲人說的法泉曰不是心不是佛不是物丈曰說了也泉曰某甲祇甚麼和尚作麼生丈曰我不是大善知識爭知有說不說泉曰某甲不會丈曰我忒煞爲汝說了也師曰百丈有舌無口南泉有口無舌設

◆甚難忘

有問山僧從上諸聖還有不會人說的法麼便問道無更問一切諸聖俱有法施和尚何得道無山僧便與劈脊一棒曰孟八郎漢又恁麼去也良久顧左右下座中興範嗣

翠峰海印祖涵禪師洞庭東山張氏子因同參指古松稱奇師擡頭一視疑情頓釋遂述偈曰生前面目無縫罅趯破脚尖稱痛快人人舉眼看奇松那知更有奇松在後參瑞光範山遊次範曰古人道山花開似錦澗水碧於藍意作麼生師曰和尚莫將境示人範曰老僧不作境示人師曰古人意作麼生範曰山花開似錦澗水碧於藍師曰某甲不甘範曰飯袋子便恁麼去 僧問如何是西來意師曰菴後桃花樹樹紅偈曰春色清明觸處通由來不負好東風有人問我西來意菴後桃花樹樹紅中興範嗣

汝州羅山百靈然禪師上堂舉本師語曰三際握來爲拄杖十萬元是舊袈裟泥牛石虎知消息踏破虚空便到家師曰羅山則不然觸背雙關似轆轤力窮氣盡罷沉浮忽然輟到心機斷撫掌呵呵笑不休大

衆老人恁麼道。羅山恁麼道。還有優劣也。無卓拄杖曰。父子不傳千古印。也要當人著眼看。眉山

瑞光

瑞光西禪楚珍善禪師。吳郡沈氏子。初參靈巖儲問。

曰。汝年多少。師曰。十七。儲曰。讀書否。師曰。讀書。且置。

求和尚開示。儲奇之後。儲到瑞光上堂。師出問。久知。

雲巖峰峻。翠削難攀。今日四瑞堂中。現身說法。未審。

如何指示。儲曰。客聽主裁。師曰。果然。一峰雲起。山。

映。二桂飄香。處處聞儲。曰。是瑞光底。是靈巖底。師曰。

今日學人小出大遇。儲曰。若不妨拈出。師曰。人天。

衆前爭敢驚動和尚。頌。三元三要曰。頂門亞眼。觸。

無私脚下。神通亦可奇。看到春歸花盡處。寒崖枯木。

長靈芝。笠雲

雲嗣

太倉玉泉誼堂蘊禪師。婁東陸氏子。首參天童恣有。

省後。在瑞光充記室。時雲爲西堂。爲師曰。筆尖頭露。

些好消息出來。師曰。文不加點。雲曰。觸背不得。諦當。

道將一句。師曰。百雜碎。雲復詰曰。纔開口便打。又作。

麼。生。師曰。倚天長劍逼人寒。笠雲

雲嗣

姑蘇積慶御堂光禪師。廣陵周氏子。伯父爲金陵師。

府無子立師爲嗣。一日因渡江。感發宿因。堅辭出家。

十七。秉戒安隱。十八。謁靈隱。禮參有句。無句。公案三。

載不契。一日偶至冷泉亭。見水波猛省。詣白方丈。禮。

徵曰。有句。無句。作麼生會。師曰。雲外有山。連暮雨。禮。

曰。樹倒藤枯。句歸何處。師曰。霧中無路。豁朝嗽。禮。

曰。瀉山阿。呵大笑。歸方丈。又作麼生。師曰。今日隨衆。

出坡。無暇與和尚答話。禮曰。瞎漢參堂去。上堂門。

庭施設。且恁麼破。二作三入理深譚也。須是七穿八。

穴。當機敲點。擊碎金鎖元門。據令而行。直得掃踪滅。

跡。雖然有時。將一毫頭現瓊樓玉殿。有時將瓊樓玉。

殿歸攝。一毫頭若能飽足。觀光便乃取之不竭。用之。

無窮。且道有甚良處。便乃開張大口。今日山僧略借。

拄杖子威權。與諸人應箇時節。乃卓一下曰。大衆拄。

杖子。吞却乾坤了也。你等又向那裏安身立命。衆回。

首師曰。堪對暮雲歸。未合遠山無限碧。層層。笠雲

雲嗣

西山廣福道源禮禪師。湖州武康人。投本邑康山雲。

剌染雲。示趙州喫茶話。有省。述頌曰。趙州待客本家。

常觀面相承。不覆藏。試問往來諸衲子。幾人親把舌。

頭管己亥歲

世祖章皇帝詔集有道沙門於蕉園師亦與沐恩渥
辛丑主廣福寺在西山而師刀耕火種志尙高深殊
得古人風味焉

笠雲
雲嗣

江陰觀音院心舒性禪師參瑞光徹領無字話有省
頌曰狗子佛性量量一斗堪笑趙州說道無有
山水牯頌曰何物瀉山水牯牛一名兩姓沒來由有
時直上千峰頂不待雲擎也出頭 師德臘俱高佐
輔叢席有睦州之風

笠雲
雲嗣

蘇州瑞光行起提禪師玉峰張氏子師生名族不樂
仕進隱居村曲茗碗爐香讀書自得至四十投瑞光
徹脫白後參雲於梅隱令看僧問法眼如何是佛汝
是慧超話有省頌曰院冷三更月落時天然風景本
無私分明月在梅花上看到梅花早已遲

笠雲
雲嗣

蘇州金天翅居士字漢翔奉母最孝篤信禪宗參瑞
光雲於無下口處得悟元旨南泉斬貓頌曰因垂一
釣緣楊渚意在金鱗豈在水不是趙州知此意滿船
空載桃花雨

笠雲
雲嗣

蘇州接待率菴性禪師吳縣張氏子十六出家二十
圓具入瑞光精進堂忘餐廢寢偶聞報鐘聲省入尋
卽芒屨竹杖三湘兩浙南嶽天台無不徧歷歸來得
法東厓森出世接待 結夏上堂山僧繼席以來行
則與諸兄弟同行坐則與諸兄弟同坐饑同飯臥齊
眠雖不知向上元關踏著不踏衲僧巴鼻手提未提
然東語西話料想未曾落虛今日是吾佛如來最後
安居諸方各各提唱宗風未審接待以何施設若是
行棒行喝舉今舉古未免拖泥帶水更云外不放入
內不放出也是煎過藥查既不恁麼只得尋常過日
明窗下一任長養聖胎不妨量才補職呈我本地風
光展事投機培他蔭天大樹全功終非分外妙用端
在當人雖然如是總跳他九十日不出珍重

東厓
雲嗣

蘇州勝感茲菴文禪師吳縣許氏子上堂涅槃心正
法眼十字街頭一塊磚祖師印解脫門百草頭邊爛
斷繩拈來擲向婁江內免得人前刺眼睛 中秋晚
參心月孤圓光吞萬象諸仁者還見月麼以拂子指
月曰這箇是月劒去久矣爾方刻舟這箇不是月公

案現成。當面踉過。直饒見得分明。若到諸方。管取明窗下。安排勝感。這裏放過。則不可。何謂不見道。萬里不掛片雲。青天也。須喫棒。古德云。貴買硃砂。畫月。算來。枉用工夫。純將白粉。塗成。要且未是真月。畢竟如何。是真月。復以拂子畫。○曰。光明皎潔。無偏照。冷露無聲。濕桂花。東匡森嗣

崑山資福兼菴達禪師。古膠徐氏子。參究本分。終以大事未明。爲憂。晝夜不放。參者九年。忽聞譙樓聲。始得了。明箇事。遂有偈曰。一刀劈破。煖生面。恰似街頭墨鐵硯。落盡楊花。杜宇啼曉來。依舊成一片。東匡森嗣

蘇州金沙化燈用禪師。無錫秦氏子。上堂。飯得羹衣得布。起卽行。倦卽臥。切莫咬人屎。概直須如鷹捉兔。委悉麼。落花片片飛紅雨。上堂。今朝八月十六把。斷天關。地軸放出。南山大蟲。猩猩不食伏肉。上堂。月生一西河獅子。頻翻擲。月生二燈籠。動輒入露柱。月生三蠅。螳吞却。須彌山會麼。參。康熙丙辰二月晦日。索浴。跌坐。以拄杖橫肩曰。昔年與麼來。雲現蓮峰之影。今日與麼去。月沉震澤之輝。正與麼時。如何。

道箇一真不立底句。擲下拄杖曰。好看北斗掛南枝。遂整衣而逝。巨治教嗣

揚州天寧一樹蔭禪師。僧參求開示。話頭師曰。不是心。不是佛。不是物。是箇甚麼。僧許思復求開示。師曰。將謂別有麼。僧云。沒處下脚。師打一掌曰。我這裏下手不下脚。僧搭衣。經行。師見曰。大似箇律師。曰。不做這小乘人。師曰。何不小小中現。大曰。我如今大中現。小師曰。大好不做小乘人。師見二僧經行。勇猛。驚擲住曰。正當恁麼時。還我話頭來。二僧無語。師便掌曰。一箭落雙鷗。巨治恒嗣

京口雨華堅明願禪師。西蜀開縣趙氏子。披剃後。上萬峰。完具。壁令參萬法。歸一話。一日打茶。方掀鍋蓋。被茶頭一瓢冷水。師忽有省。壁聞令首座入堂勘驗。座問曰。垂絲千尺。意在深潭。離鉤三寸。子何不道。師曰。不飲從他。酒價高。座曰。上堂不妨喫我一杯。師曰。人天首座。何得出言如醉。座語稍遲。師掌曰。一總付與首座。座笑曰。作家禪客。後謁天寧。恒問臨濟。被黃檗三頓棒。如土上加泥。未審又悟箇甚麼。恒曰。莫眼。

花師擬議恒打曰果然土上加泥師於言下頓徹法源。示衆一塵飛而翳天逼塞虛空一芥墜而覆地。遍界難藏打鼓普請貴圖有眼者見有耳者聞汝諸人既是聞見分明且道一塵一芥畢竟落在甚麼處。衆無語師喝一喝曰切忌鑽龜打瓦。問我手何似佛手師曰自家辨驗曰我脚何似驢脚師曰切忌亂走曰人人有箇生緣某甲生緣在甚麼處師曰二時粥飯未曾欠少僧一喝師曰亂叫作麼僧無語師曰想是行堂的少與他一碗。問德山棒臨濟喝這兩箇漢那箇親切師曰俱不親切曰畢竟如何親切師曰夜來牀簾暖一覺到天明。康熙丁巳十月三日疾革說偈辭衆而逝塋全身於八公洞之西麓。巨湖恒嗣維揚天寧兩山恩禪師上堂闡提有佛性佛非妄語。狗子無佛性祖是眞言非妄語處爲凡夫開入理之門是眞言時爲聖人關出身之路。嘉豎拂子曰看看無面目漢來也在天寧拂子頭上揚聲大叫道者二老漢一箇闡揚教意其明如鏡一箇提唱祖意其直如弦雖然佛祖分上足可觀光若據衲僧正令而行

一人好與三十拄杖何故彎不見東山演祖曰說心說性尙屬惡口討甚閒工夫說有說無來今日天寧掃除枝葉直示本根庶幾乎免諸仁倚他門戶傍他牆剛被時人喚作郎久立衆慈伏惟珍重。上堂若論眞實提綱不在逞舌劒唇鋒以爲本事果是作家禪客只消離落邊拾一莖草便可穿天下人鼻孔可笑德山茅廣漢到處用一條毒棒臨濟小斯兒隨處鼓一聲熱喝那知傳到於今盡成流布自餘滾毬打鼓之輩擎叉擊地之流些小伎倆何足稱祖域爭衡之上將哉天寧若不嚴其關防豈免濫觴徧界。嘉拈拄杖畫一畫曰一齊趨向他方世界可中有超然獨脫底展出本有神通與山僧相見天寧拄杖便兩手分付何故不逢作者不開拳一遇知音便分付。上堂秋樹凋秋葉落體露金風言端語確雲門一句以火傳薪天寧一句如水赴壑有眼者知有耳者覺若要返本還源乃豎拂子曰到底不離者一著。巨湖恒嗣江都尼拈花靈璽融禪師胎素天秉薩染後謁天寧恒領參竹篋子話久而徹悟恒問前話師曰水向石

邊流出冷風。從花裏過來。香。恒曰。直須拋過一邊。始得。師卽呈偈曰。此事分明在目前。何須向外覓生緣。重關擊碎清風起。慧日高懸偏大千。恒頷之。冬至。小參。孤風凜凜。孰堪誇佛眼。何曾著得沙。妙用坦然。神莫測。鉗錘毒辣。有分拏一聲。哮吼驚天地。突出威音徧界。除今日分明重舉。似一毛頭上定龍蛇。且道。如何是冬至一句。以拂子揮一揮曰。但得雪消去。自然春到來。巨勸 恒嗣

蘇州天池古滌尼慧照蓮禪師。金沙孫氏女。年十九。白父出家。謁天寧。恒言下知歸得。蒙印可。世尊陞座。文殊白。椎頌曰。法王法令是非關。多少行人著眼難。雨後花殘春寂寂。青山只在白雲間。南泉斬貓頌曰。斬貓機用誰能委。草履擎來費力多。只向低頭舒一笑。任他伎倆自消磨。趙州庭柏頌曰。趙州活計。嘴唇邊點著。風馳與電旋。柏子壓來曾有據。是誰甘喫祖師拳。俱胝豎指頌曰。俱胝一指莫疑猜。已是和盤托出來。漫道作家無禮數。酒濃原不在多杯。趙州訪二菴主頌曰。等閒看破菴中主。甜者甜兮

苦者苦。殺活臨時八面風。發機須是千鈞弩。巨勸 恒嗣

五燈全書卷第一百二

五燈全書卷第一百二補遺

臨濟宗

南嶽下第三十七世隨錄

茶陵郁山劍庵興禪師。上堂。殺人刀。活人劍。信手拈來。便拘折。有人問我。祖師禪。長柄鋤頭三斤鐵。啊。呵。深深掘。神通妙用誰會得。每日生涯只一鉏。按下雲頭且休歇。倦來洗脚上床眠。裏面何曾走却。繫小參。百丈開田說大義。報慈不可太無言。從來與衆無虛。日生涯只在鋤頭邊。以拂子召衆曰。旣在鋤頭邊。你諸人尋常舉手動鋤。因甚不會。乃放下拂子曰。祇爲分明極。返令所得遲。退院示衆。雨過春山翠。黛濃芒鞋竹杖出。熊峰盈眸不盡西來意。雲抱蒼松老化龍。問衆手淘金。誰是得者。師曰。切莫妄想。

僧參如何是和尙家風師曰切莫犯苗稼僧一喝師打出占天性嗣

靈峰惺禪師示衆此事如烈火如塗毒卽之則膚裂肌殘聞之則魂銷魄喪三世聖人先行不到六代開士末後太過天下老和尚甜口薄舌亦只水上描痕空中繪影山僧一夢做了三大阿僧祇劫至今無人推醒你輩茄子瓠子拖拖曳曳討箇甚麼以手自擱曰癡人面前不得說夢便歸方丈 示衆放教閒閒地如童稚一般念念眞事事眞時時眞刻刻眞遇境逢緣如木人見花鳥雖然忽遇阿修羅王耗動三有大千又作麼生以手作伸欠勢曰今朝是甚麼日子結夏示衆歷歷沒遮攔明明無回互亘古恒今騎聲蓋色有時孤峰得路萬別同源有時十字無門千差一貫小中現大寬同法界大中現小細入隣虛豎拂子曰是大圓覺是平等性果是羅籠不住呼喚不回可以經行可以坐臥有麼有麼擊拂子曰熏風來殿閣脫體有餘涼 示衆把斷要津不通水洩爲甚土地嶺一隊來一隊去衆罔措師代曰看木上座寬

恒巖互

行澗步便打 示衆黃花翠竹般若眞如山色溪聲廣長妙相祇如六根不具八識不全底還有應接分麼咄 頌女子出定曰化母都來伎倆窮一番寒熱一番風鷓鴣啼破雲中月枯木花開劫外功 頌達磨遇武帝曰和盤托出絕商量就地還錢要當行翻轉面皮還不識烟波萬頃轉微茫 問如何是學人本來面目師厲聲曰甚麼要緊僧曰不會師劈面掌曰面目現在 師送僧出門僧曰何處再會師拈僧背曰待汝踏破草鞋與你相見僧走數步曰草鞋破也師曰箭過西天十萬餘眉山 湘西道吾大木慧禪師元宵上堂正月十五大開門戶放出鷺奴白牯菩薩子莫鹵莽護道草鞋似虎饒你神通走上天須彌燈王搥毒鼓喝一喝 晚參盡十方世界是箇話頭光明燦爛諸兄於中開眼也著合眼也著總作住山家計山僧不惜眉毛索性與諸人說破卓拄杖下座 示衆盡十方世界是箇解脫法門把手拽不入到處行脚也須帶眼拈拄杖畫一畫曰山僧若不畫斷未免葛藤偏界 示衆學法華

和尚曰釋迦未出世達磨不西來佛法遍天下譚玄口不開靈巖諸曰釋迦已過去彌勒猶未來佛法無可說三門日日開師曰過去已過去未來尚未現前一句子有口向誰開 遊山回示衆奇哉奇哉五老峰擢破虛空獅子崖笑開鼻孔雲門大師北斗裏藏身山僧一一勘破舉似兄弟乃拈拄杖卓一下曰且道勘破箇什麼喝一喝 示衆臨濟的的意如擊石火電光蔡州千箇萬箇打破只在須臾拈拄杖曰放過卽不可一時趁散 問如何是祖師西來意師打曰東山下左邊的僧曰學人不會師曰盲人看戲問父母未生前那箇是學人本來面目師打曰屋破見青天無盡聞嗣

茗溪地藏逸庵新禪師示衆舉世尊觀明星話畢師曰這老漢捏目生花一場特地到這裏無星可觀無道可成無相可具無慧可分鳥道玄關澄虛絕點但是一夜東風催箭急偏空渾濕雨摩訶 示衆滯貨多年要出行苦無酬價暫相當等閒丈六珊瑚樹喚作尋常朽木椿 示衆舉僧問香林如何是衲衣下

事林曰臘月火燒山雪竇曰臘月火燒山萬種千般翹松鶴冷踏雪人寒達磨不會大難大難道林曰大小雪竇隨妻淚不能截斷諸訛若是道林卽不然臘月火燒山特地無端綿包特石鐵裏泥團若在綺浮更則不然臘月火燒山漫漫宇宙間金漆泥牛走花斑石虎眠 示衆朕兆未分前威音更那邊有眼不能見有口不能宣鐵牛打出嘉州象一行白露上青天月航函嗣

南陽觀音詰庵揆禪師上堂對一說踏著秤錘硬似鐵倒一說鵝眼龍睛難辯別麻三斤乾矢橛分明有語非干舌趙州無報慈隔金剛寶劍當頭截鄒叱頂上喫蒺藜泥牛脚下流出血知不知警不警別開耳竅海山傾拶破面門天地黑喝一喝 大士誕日上堂啼鶯出谷競傳不二圓宗藥雪飛林豁示無邊妙相是以隨機普現應用無虧化物垂慈纖塵不昧薦拈拄杖召衆曰看看觀世音菩薩來也三十二相莫向外求十四無畏豈存內見若也內外兩忘身心俱泯普令一切衆生悉入無礙陀羅尼門有甚難事鄒

拄杖曰丹鳳自騰霄漢去寒鴉猶噪夕陽西晚參豎拂子曰不是象骨毬亦非鹽官扇雪霽風光河清海晏說甚麼殺人刀活人劍虎體斑花枝艷擲拂曰盞子撲落地碟子成七片小參舉霍山和尚因仰山會下一僧至自稱集雲峰下四藤條天下大禪佛參霍乃喚維那打鐘著僧驟步而出師曰如龍出海似鷲搏鳩不無一期盛作若到南陽門下說什四藤朵卓拄杖曰棒折猶未放在啓萬佛懺會上堂諦信諦信九千九百九十九尊喝一喝曰唯者一尊最爲第一直焉而弗迂明焉而弗昧居凡不滅入聖不增與天地同根天地不知共萬物一體萬物莫測智照無私根塵不立聆其音出生死之窟承其旨越得失之關雪莫雪之愆於倏忽際報不報之恩在刹那間遂顧視左右曰還委悉麼也不得當面諱却復喝一喝上堂忤逆兒曹振大唐三玄戈甲絕囊藏驚啼燕語于林曉日麗風和百卉香晚參拈拄杖曰今夜有向山僧拄杖頭邊放得一扇許伊是真獅子兒一僧便出師截住曰道道僧便喝師曰野干鳴僧

曰莫錯會好師便打僧又喝師曰獅子孔僧沉吟師連棒打出復顧左右曰還有麼衆無語師曰山僧今日失利靠拄杖下座頌百丈再參曰棋逢輸局意偏濃詩到重吟趣自窮三日耳聾君不信長江千古水流東舉靈樹敏因僧問如何是祖師西來意樹默然後遷化立行狀碑欲選此語刻石時雲門爲首座僧問先師默然處如何上碑門代曰師頌曰門開不二驗英奇無那斯文不在茲郭象平將莊子註紛紛蝴蝶開鬚眉頌南泉隨分納些些曰簾寂更殘月轉廊老漁猶自泛湘江扁舟不犯東西岸鐵笛梅花四塞香頌玄沙因僧問親切事沙曰我是謝三郎曰親切事謝三郎永日寥寥坐草堂兩道眉峰橫碧落一棚花影漾雲床字雲蹤嗣姑蘇華藏圓音鋪禪師浴佛上堂初八日以前佛未生時諸人本無所見初八日以後佛乃降生諸人見箇甚麼豎拂子曰卽今釋迦老子現在山僧拂子頭上放光動地說法利生汝諸人還見麼連揮拂曰若將眼見終難會耳裏聞聲始得知上堂久雨不晴

鼻孔連朝打失。簷壁不斷眉毛。何處分開拈拄杖曰。只有山僧拄杖子。年年晴雨自相隨。卓一卓下座。果致

調數

大覺恭讓遜禪師示衆。我輩出家兒。不耕而食。不織而衣。昔人判爲朝廷懶。漢佛門嬌子。然哉。山僧敢曰。嬌則嬌矣。懶則懶矣。有朝閻老子。打算飯錢時。還是餽之以嬌乎。對之以懶乎。喝一喝。嬌也。懶也。到這裏。一總用他不著。且道這一盤帳。畢竟如何。消算喝一喝。結制上堂。豎拂子曰。向這裏。遠得便行。脚跟下。早是泥深三尺。若待三條椽下。七尺單前。循循善誘。博我以文。約我以禮。然後方見百官之富。宗廟之美。非唯埋沒己靈。亦且辜他先聖。不見昔人有言曰。庭前露柱。久懷胎產。下麟兒。頗俊哉。未解語言。先作賦。一操直取狀元來。諸兄弟。苟能奪彩。爭先敢保不落。在第二揮拂子下座。小參。豎起竹筴曰。看看竹筴子。踈跳上三十三天。觸著帝釋鼻。孔東海鯉魚。打一棒。雨似盆傾。咄咄怪力亂神子。不語也。諸兄弟。還識山僧這片心麼。擲下竹筴。僧問。不是心。不是佛。

不是物。是甚麼。師曰。寧可截舌。不犯國諱。問黃檗。打臨濟。意旨如何。師打曰。我與汝下箇註脚。僧禮拜。師曰。逢人不得錯舉。問德山。低頭歸。方丈岩頭。密啓其意。諸方盡道。據虎頭。收虎尾。還端的也。無師曰。如盲摸象。各說異端。曰。師意如何。師曰。我爲法王。於法自在。僧應諾。諸師曰。摘楊花。摘楊花。問如何是正法眼。師曰。絕毫絕釐。曰。如何是涅槃心。師曰。如山如嶽。巨嶽恒嶽

潯山同慶。易庵應禪師。龍標蔣氏子。投都梁。羅染參。潯山。海看三。不是公案。一早侍海。因行者。遞煖帽。言下有省。而受記。前開法。白雲龍山。潯山上堂。今朝四月。一春事欲畢。未畢。嶺上麥秋黃。南畝農夫急。輪却山中人。無固亦無必。幾片白雲。綿綿密密。整日空生。巖下座。不知巖畔花。狼籍。上堂。二由一。有一亦莫守。六祖愛喫和羅飯。李公好飲卯時酒。風吹石臼演摩訶。妙德空生。讚希有。大地山河著眼。聽森羅萬象。齊稽首。惟有藥山老漢。跛跛挈挈。百醜千拙。與麼過日。又作麼生。龐公失却篋籬。寒山拈起筇帚。大笑下。

座問如何是佛師曰十字街頭酒帘子曰如何是非心非佛師曰泰山廟裏紙錢灰康熙乙丑正月命諸法子至山訣別誠勉四月十六日自製龕舉火辭世諸法偈拱手而逝門人建塋於白雲世壽五十有八僧臘三十有七語錄一十二卷行世慧山海嗣

馮山同慶揆庵空禪師漱浦趙氏子二十落髮參馮山慧海充飯頭後于棒下豁然契證開法同慶次住密印上堂三春已過九夏初臨禁足護生拘直作曲怎似同慶者裏種田博飯受用天然桑疇雨過羅紈膩麥隴風生餅餌香上堂涼風颭颭古佛嘉猷綠水潺潺道人活計恁麼會得釋迦彌勒站過一邊其或未然父母所生口終不爲汝說上堂拈拄杖曰者條活路三世諸佛共成歷代祖師同證現前大眾一往一來毋固毋必無黨無偏因甚有長者長法身短者短法身若會得山僧性命在諸人手裏不會諸人性命在山僧手裏問狗子佛性無是何意旨師曰生鐵鑄成曰有佛性又作麼生師曰純鋼打就己巳七月初四示微恙吩咐後事沐浴更衣至子

時插香爐中烟未起而師已寂矣茶毗分塋于同慶開元二處世壽六十有七僧臘三十有七語錄八卷行世慧山海嗣

長沙上林月愁權禪師上堂喝一喝曰須就明中取則莫於暗裏偷光花柳街頭達得九衢春色芙蓉岸畔帶來八面秋光應用無虧隨緣自在祇於樹倒藤枯句歸何處風送泉聲來几畔月移花影到牕前大殿告落上堂卓拄杖曰會麼此是戒靈禪師當時建法幢立宗旨大開爐爇陶鑄聖凡之所數百年來荊棘縱橫飛鳥不度山僧今日花攢梁棟錦簇簷牙出自諸人搬磚運瓦之妙用揮斤弄斧之神通顯揚從上風規展拓今時蹊徑且遇臨濟德山到來又作麼主金銖慣調曾百戰鐵鞭多力喜同儔卓拄杖下座慧山海嗣

都梁西禪月堂湛禪師常德王氏子結冬上堂鉗錘初展爐爇弘開是聖是凡乃佛乃祖總與縛作一束拋向烈焰中一火煅就他日鼻孔透天眼空四海不得孤負西禪上堂紙窗生白月初笑破寒梅白

玉賜古澗幽深人罕至尋香公子謾疑猜 康熙庚申冬揮偈而逝建塔于荊竹寺之後山語錄四卷行世世壽五十有四僧臘四十有二

慧山海嗣

上梅大雄千如一禪師上堂大雄山下豺虎縱橫凡有來者即便咬殺且作麼生入得大雄門見得大雄人良久喝一喝曰參堂去 上堂佛法無人說雖慧莫能了山僧今日將一大藏教千七百則葛藤總作一句布施大衆良久卓拄杖曰鷄子過新羅六旬日集衆書偈曰生順死逆死逆生順吩咐後來學道人真誠不是小兒戲怡然而逝塔於本山與峰智爲撰

銘慧山海嗣

南嶽指南翫輪月禪師臘八上堂今朝臘八良期乃佛成道之日切莫講之乎者也祇說如來智慧德相人人皆因妄想迷真不能證具拈拄杖曰會麼山僧今朝一條門路打得通天徹地亦任汝諸禪縱橫無礙作箇躬逢勝會奇緣祇如瞿曇老子夜觀明星大悟無生法忍未審一衆還信得及麼且道如何是成的道良久喝一喝曰侍臣鵠立通明殿一朵紅雲捧

問難

玉皇復喝一喝下座 示衆不是癡癡戀世塵奈緣門戶力支撐因茲布袋難收恰苦向皆頭等箇人四月八日上堂拈拄杖喝一喝曰今朝四月八諸方沐悉達指南則不然高登曲豕木床彈壓古今說客恁是雲門到來管教忘鋒結舌雖然如是或有箇漢出頭道山僧令行太嚴月上座與他劈脊便棒曰是賊識賊冤家結正法眼藏瞎驢滅天上人間沒處藏入泥入水無休歇喝一喝下座 示衆指南門下無禪可參無道可學無佛可成無法可說亦無珍饈百味只蓄得無影樹子留與後人蔭覆天下傍僧曰大衆你看這老漢一場敗闕師曰三十年後要此話行僧參師問甚處來僧曰潯山師曰來時牛起也未僧擬議師打曰虎消草料漢復連棒趁出 師問僧問闍黎在黃檗久住是不僧曰三載有餘師曰黃檗道佛法無多子意旨如何僧劈開胸曰是多少師曰料掉沒交涉 僧參纔跨方丈門師作抽坐具勢僧便出師曰與麼與麼不與麼不與麼僧回首師展兩手曰討什麼碗 僧辭師問上座往甚麼處去僧曰

回姑蘇去師曰不得道山僧的過僧曰某甲怎敢謗和尚師便打僧曰未甚却打某甲師曰我要這話行

庭栢
觀嗣

法雲眉白常禪師示衆舉趙州勘二庵主話畢師曰趙州掘坑阱于當途擒虎兇握勾錐子覲面察辯臨時雖曰把柄在手殺活由我也是屋裏販揚州祇如一樣豎拳頭因甚肯一不肯一喝一喝曰點石化爲金玉易勸人除却是非難 頌丹霞燒佛曰寒來燒佛老丹霞格外全提驗作家撥盡烟塵餘赤手眉

髮墮落絕周遮

巨渤
恒嗣

五燈全書卷第一百四

京都聖感禪寺住持臣僧

趙永

編輯

京都古華嚴寺住持臣僧

趙揆

較閱 進

呈

臨濟宗

南嶽下三十七世隨錄

杭州雲林證南參禪師上堂若論升祖父堂據祖父

室三十八年前蚤已親到一回了也何用辭禹穴渡錢塘經百里踰三城而後謂之一會靈山儼然未散然則我法叔碩和尚之命豈徒然哉繼席開堂則吾豈敢聊向泉亭執帚分所應也遂以拂子拂曰雲門三句掃向一邊洞山五位掃向一邊法眼六相瀉仰一十九門掃向一邊直饒溥沱老子三元三要四料揀雖不路傍槌搔要非屋裏家珍到這裏也不得放過祇如今日建立一句又且如何大喝一喝曰新雲林且令行一半 晚參高峰大師道工夫不到不方圓而今工夫到了也且道是方是圓良久曰西冷橋外斷頭船 晚參古人道月到中秋分外明今晚已中秋了分外明的月彎大眾要見麼豆莢剝老菱咬幾箇知他滋味好 上堂將心來與汝安那箇葫蘆醋不酸將罪來與汝懺不是我衣莫晒眼更言五十自知非老鼠啣著油燈盞凡莫知聖豈會大喝曰不是箇中人休教來插嘴

三目
淵嗣

建昌雲居九屏燕雷鵬禪師結制上堂欲知護末猶當慎初脚跟努力空裏步躍出那邊三脚驢威音王

佛猶是他奴。大唐國內割稻栽畚。不入荊棘林。不坐曲肱牀。頭正尾正。阿誰直下分疎。擲拄杖曰。穿却鼻孔。解制上堂。匡衆十年來得箇住山法子。不學汾陽置酒肉紙錢。趕散閒神野鬼。不學葉縣水潑旦過堂。驅驗英靈。又不學諸方巧黠。羅致掠虛。雛兒多多打發。但只去者。任去不用鉤子。鉤伊住者。任住不用錐子。錐伊設有知得飯是米做的。更須七棒對十三索取飯錢著。晦山顯嗣

撫州疎山白雲願西器禪師上堂。舉白侍郎參見道林禮拜起曰。乞和尚開示。林曰。諸惡莫作。衆善奉行。白曰。恁麼說話。三歲孩童也解。道林曰。三歲孩童雖道得。八十老翁行不得。師曰。道林太煞直截。侍郎當面錯過。若問山僧。但向他道。諸惡莫作。衆善奉行。設有箇漢出來。道長老何得走人。舊路山僧便合掌曰。棒打石人頭。囉囉論實事。疎山塢頌曰。使盡三文全體露。同風千里合知音。層層影落秋水。水一道寒光翠鎖深。趙州訪二菴主頌曰。懸羊頭賣狗肉。口甜如蜜。心狠如毒。前箭猶輕後箭深。討人便宜不知。

足晦山顯嗣

饒州荒山寶應異目宗禪師示衆。見聞覺知乃生死之本。見聞覺知乃解脫之源。苦瓜連根苦。甜瓜徹底甜。與麼會去。如隔天淵。示衆攔腮一掌。劈胸一拓。可笑灌溪只得半杓。何故關南鼓普化鐸。晦山顯嗣

饒州南天異峰迥禪師示衆。無手人行。拳擗倒須彌山。無口人發渴。吸乾大海水。識得渠面目。千華生確嘴。且道是甚麼面目。有眼無耳。來六月火邊坐。雲門乾屎橛。頌曰。這一橛太直截。硬似泥。軟如鐵。薰地拈來。虛空逼塞。咄咄莫覷。著則眼瞎。晦山顯嗣

鄂州梅亭嗣昌雲白映禪師小參。昨日晴。今日雨。雞寒上樹鳴。寒下水仔細思量。生擒活捉一串穿却鼻孔。拋向十字街頭。高聲曰。不作貴。不作賤。還有人耐價麼。良久曰。山僧今日失利。示衆識得一萬事畢。人天衆前討甚巴鼻。高高處觀之。不足低低處平之。有餘無言。童子口喃喃。新羅鷄子過多時。昔日丹霞燒木佛。偶然院主墮鬚眉。小參高懸古鏡。突出難辨。漢來胡來。不隔一線。從空放下。無背無面。直饒一

擊粉碎誰知七片八片拋向糞埽堆頭剔起眉毛不

見迸出頂門三隻眼倒騎泥牛入佛殿

晦山顯嗣

杭州香積玉山玢禪師上堂無生國裏荊棘參天糞埽堆邊光明動地雖乃一道平等不許拗曲作直饒是淨名杜口於毗耶也須腳下一椎釋迦掩室於摩竭亦要當頭一劄何故從來官不容情殺人須待見血上堂禪僧家不識這箇消息東觸西觸天驚地動一朝打破漆桶鼻直眼橫始知瓦解冰消若便與麼會去正是用管窺天須知更有事在且道畢竟如何徹證遂顧左右曰半百白頭雲覆頂萬家冷竈火生烟興化橫維那頌曰戈戟森森奮虎威霜鋒不展勢崔嵬金鞭倒插乾坤黑蓋代功高腦後槌德山托鉢頌曰碧海無風浪拍天幾回翻轉釣魚船渾身是口難分訴一日恩深萬劫冤趙州洗鉢頌曰十分容易萬分難無限癡人苦自瞞饒你於斯能薦取須知更有一重關問如何是函蓋乾坤句師曰東山高西嶺瀾曰如何是截斷衆流句師曰無你插足處曰如何是隨波逐浪句師曰阿爺不是自家親

晦山顯嗣

鄂渚大洪山報國潤堂證禪師上堂世尊設教露布葛藤達磨安心眉間掛劒引得後代兒孫分門列戶至我先師老人橫拈七事法戰當場饒他鈍錮打就底也著鎗頭亂點山僧既是他種草敢不依樣畫貓開爐已來逼得幾箇尿牀鬼子破家散宅餘者趨入水牯牛隊裏朝打三千暮打八百解制上堂把住繩頭是佛亦打是魔亦打管甚船來陸去九十日內饑也一餐飽也一餐且喜隨家豐儉放開一線緊峭草糝逢人且乞一文沒踪跡處切莫藏身遇佛堪消三拜吾在諸方二十年祇明箇事汝等若到他家逢人切莫錯舉除夕示衆一年今夜已畢沒者閒工夫說祖翁底長話祇要諸人識得鼻孔眼睛原在自已面上從來不借他人的出氣立地翻得轉禪牀上老漢痛椎一頓大丈夫兒捋虎鬚不爲分外萬一不然明朝又添一歲問頭尾一齊收如何是把住句師曰鐵蛇橫古路曰兩頭俱坐斷如何是放行句師曰追風天馬戴麒麟曰威音那畔事請師又重拈師

打曰話墮了也。臨山顯嗣

揚州圓通北來別傳續禪師湖廣元江徐氏子小參舉德山托鉢公案畢師曰機輪轉處龍象磕額瓜牙相叩雷轟電掣折轉旌旗搏天跨月撓鼓擎王還他箇賊攔胸把住曰賊賊免教叢林證龜爲鼈小參梅藥欲放未放春風似來未來不如截斷岐路看取拄杖花開直得燈籠夜半結子露柱午後懷胎不知是男是女切忌胡亂疑猜山門佛殿從新起僧堂厨庫兩邊排薦喝一喝曰要識圓通這句子大家出手

舞三臺。紫蓋衡嗣

朱華山芥巢宗禪師越州蔣氏子壯年棄室出家禮佛曰衡參無夢無想公案有省卽呈偈曰一輪明月照西溪黃鶴峰頭黃鶴棲展翼不知何處去擡眸猶見海天低衡曰如何是大用現前師曰石虎駭兒過別峰衡笑而頷之柏樹子頭曰趙州舌頭硬似鐵滾滾機輪無間歇放去收來得自由殺人活人不見血有人更問西來意拈起柏子薦頭問諸人攬不

攬珊瑚枝枝撐著月。紫蓋衡嗣

江都上方鐵壑普禪師盱眙朱氏子母馮孀居守節備歷艱虞旣長念生死事大依邑之嘉祐薤染後參靈隱志機契而印可焉問如何是學人得力處師曰禮拜頭須著地曰如何是學人轉身句師曰脚跟下須帶眼走僧擬議師便喝無夢無想頌曰燈籠沿壁上須彌高唱虛空沒字碑喚起木童吹鳥道前峰石女報生兒。石按志嗣

信州玉山白雲隆濟紹燈明禪師福建汀州吳氏子依臥龍山剃度參僊潭晉得法入室次晉問無夢無想無見無聞如何是大用見前師曰鼻孔裏翻身晉曰香巖上樹如何話會師曰再犯不容晉曰文殊乃七佛之師因甚出女子定不得師曰莫謗他好晉曰罔明乃下地菩薩爲甚出得師曰賊是小人晉首肯焉問猛虎當路時如何師曰却被山僧騎著曰將謂猴白更有猴黑師曰草賊大敗僧作虎聲師打曰者畜生問如何是佛師曰壞菴葦曰某甲不會師曰要用便用說甚不會僧於言下有省。紫蓋晉嗣

京都報恩楚林睿禪師小參笠下清風胸次無塵始

見杖頭明月頂門具眼方窺汝等各各眼光燦破四天下還見興化老做處麼衆無對師曰一似瞎漢

小參三日前二日後仔細看來全漏逗十字街頭石敢當始終不解藏家曉報道達磨無心釋迦有口說了四十九年狼籍八斛四斗賺得神光立雪深一箇禪身盡分與山僧無法施行總付糞箕苕帚解制上堂天無門地無戶亂走禪僧向什處去饒汝道箇不是西天便歸東土也被興化拄杖子穿却鼻孔攬拄杖下座小參結冬來半月了半月前不問你半月後道將一句來一僧曰待某甲禮拜和尚師便打一僧曰山門前佛殿後師曰前後一齊收僧便喝師便打乃曰山門前佛殿後向上向下全提半提正法眼藏涅槃妙心德山棒臨濟喝是什破草鞋總拈置一壁畢竟如何歸堂吃茶小參鷓鴣鳥鷓鴣鳥終朝兀兀棲烟島脚下魚行總不知耽耽只視池塘草守到天昏地黑時空腹高心飛去了知他何處是歸林前路茫茫添懊惱知是魚形是蚌形傷哉如何好爭免山禽舌噉噉早參今朝三月一光陰真可惜

春山遠若眉春雨濃如汁春日不曾晴春色從何覓卓拄杖一下曰潦倒靈雲見不全桃花幾陣空狼藉

小參瞞瞞預預問訊燈籠眼睛在甚麼處懣懣恹恹禮拜露柱脚跟下錯過不知空王殿上打得箇背翻筋斗百草頭邊許你同坐同行

歇堂

太平乳山普明載月舟禪師上堂有一句子從上諸佛列祖古今天下老和尚橫說豎說隱顯說方便說種種譬喻說總未曾說到乳山今日不惜口業與諸兄弟道破良久曰耳朶兩片皮牙齒一具骨上堂考鐘伐鼓攢簇將來事不獲已聊通一綫呵呵大笑歸方丈晚參一冬來燒槽榼火擁百衲被饑來喫飯困來打睡曾無少法當情那來禪道理會諸兄弟攢簇上來將謂我惠汝三昧衆引首師以竹筴旋風打散小參住山無奇特一日鉢盂兩度濕豐儉但隨緣物物頭頭皆具足乃目顧大眾曰幸是人家男女便歸方丈小參卽心卽佛錯非心非佛錯不是心不是佛不是物錯諸人還會麼若還不會更聽一頌乳山三錯筵籬木杓一任諸人橫卜豎度小參

南泉十八上便解作活計。奢而不儉。趙州十八上便解破家散宅。儉而不奢。有人道得平展句。掉臂出乳山門。小參乳山一往家風。別弄瓦礫磚。無刻歇有人若問西來意。放下泥盤笑不徹。上堂天之高地之厚。折旋俯仰。誰解構燈籠。三露柱四認著。依然還不是。卓拄杖一下曰。切須仔細。上堂洞明堂奧。迴絕羣趨。扶豎宗乘。肯資餘力。纔得大綱在手。自然橫拈倒用。殺活全彰。東擲西拋。權衡有據。有時建立。則如山如嶽。全主全賓。有時掃蕩。則無剩無餘。絕朕絕兆。變化若神。龍出海。脫略同香。象截流軌。則弗存印文。畢具且畢。竟以何爲。驗喝一喝曰。由臨濟主。今七百有餘禪。先慈忌日上堂。舉那吒太子拆骨還父。拆肉還母。然後現本身。運大神力。爲父母說法。師曰。骨肉既還。父母且喚甚麼作本身。今日山僧飲水思源。深恩罔報。也不拆甚骨肉。亦不運甚神力。祇將我母曠大劫來。不沉不掉一段光明。直下穿透。熬奴白牯。觸灑灑破燈籠。露柱眼睛。且汝等尋常面門出入的。又是甚乾矢橛。連燈喝下座。山菴林嗣

泰興建安澹風位禪師。小參卽心卽佛。毗盧墮在凡夫。非心非佛。普賢失其境界。嘉拈拄杖卓一下曰。若向這裏徹去。卽便拗折拄杖。高挂鉢囊。若也如何。若何。奚啻白雲萬里。小參破故紙糊窗。防風不住。黑牽牛過嶺。滑石難行。拈拄杖曰。看看拄杖四百四病。一時頓發。還有相救者麼。衆無語。師曰。觀音觀音。熱勝

蘇州華山湧潭自求禪師。上堂百千妙義。總在心源一句。無私十方。坐斷山門。頭合掌。佛殿裏燒香。且道有法說無法說。蓮華峰高高處。觀之不足。默然洞低低處。平之有餘。豁開鳥道。撥轉龍池。一樹兩樹。花千莖萬莖。竹紅底自紅。綠底自綠。斜底自斜。曲底自曲。南北東西。參學人畫蛇不用重添足。示衆。臨濟示衆云。赤肉團上。有一無位真人。常在汝諸人面門出入。未證據者。看看時有僧出問云。如何是無位真人。濟下禪床。擒住云。道道僧擬議。濟托開云。無位真人是甚麼。乾矢橛。便歸方丈。師曰。臨濟大師。如將谷響千斤。換得空花萬片。若作佛法商量。還未夢見。

在何也。鯨吞海水盡。露出珊瑚枝。僧鑒青嗣

五燈全書卷第一百四

五燈全書卷第一百四補遺

臨濟宗

南嶽下第三十七世隨錄

京都報恩楚林睿禪師示衆。舉馬祖因僧問離四句。絕百非話畢。師曰。馬祖父子不動干戈。全鋒敵勝。這僧只要深入重圍。不顧腦門中箭。祖曰。藏頭白。海頭黑。也是鐵作面皮。示衆。舉世尊觀明星因緣。畢。師曰。諸方盡道話作兩橛。何似徐六擔板。殊不知大小世尊。開得一張口。打失兩莖眉。示衆。舉婆子燒庵話畢。師曰。一人暗藏春色。一人明露秋光。雖然咸歸造化。要且時分不同。若到報恩門下。二俱喫棒。示衆。舉盤山上堂。向上一路千聖不傳。學者勞形如猿捉影。慈明曰。向上一路千聖不然。大慧曰。向上一路

熟碗鳴聲。師曰。諸大老各各張吞佛祖底口。勸凡聖底舌。及至向上一條捷徑。大路依舊提掇不出。山僧要與諸人覷面拈出。如何是向上一路看脚下。便歸方丈。示衆。舉藥山化主與甘贄行者因緣。畢。師曰。者僧著賊。猶可藥山著賊。更甚具眼者。試辨看。示衆。學南泉示衆曰。三世諸佛。不知有。鷲奴白。拈却。知有。師曰。余住法興時。舉問琮監寺。如何是三世諸佛。不知有。答曰。黃金殿上青苔老。如何是鷲奴白。拈却。知有。答曰。鐵壁峰前水草香。又問輝維那。答前語曰。拖犁拽耙。渾閑事。答後語曰。帶水沾泥。總不妨。余曰。你者兩箇漢。作甚麼語話。披毛帶角。無有了日。在喻

竟陵寶嚴頭谷璘禪師。青陽邑侯請上堂。豎起拂子。召衆曰。看看這漢無端。蹣跚跳撞。倒妙喜國土。現蹟轉輪。號無諍念。一時統領王及千子。來到寶嚴。自謂我於寶藏如來。所發阿耨多羅三菩提心。誘諭惟心法門。宏道教外旨。趣聲未息。被山僧一掴。直得瓦解冰消。連聲叫曰。屈屈。且道屈箇什麼。擲下拂子。曰。二段

不同收歸上科。解制上堂結却布袋口三世諸佛不知有解卻布袋口狸奴白牯却知有逗到功成行滿時依舊面南看北斗。怎麼見得猶是矮子看戲直饒向未結已前掀倒禪床喝散大眾寶巖拄杖未肯輕放若到諸方不得錯舉。上堂纂子峰高萬山環簇卓錫泉深孤雲出沒良覆盂盞逼塞咽喉唇吻脫羅漢橋把斷聖凡要路任具獅子爪牙縱象王威猛的到來未免望崖而退。慕顧左右門風豈欲高天下聳峻孤峰勢如然。報恩上堂舉僧問首山曰一切諸佛皆從此經出如何是此經山曰低聲低聲曰如何受持山曰不染汚師廼喝一喝有問如何是此經莫向者一喝下薦取如何受持念千念萬倘或躊躇更聽一頌二月南湖春草徧橫江渡口常如練相期一夜在孤舟空見浮雲三兩片。俞昭汾嗣

久依慧定禪師潤州陳氏子世業儒早孤食貧奉母每有出塵之想以終鮮兄弟而弗忍命之娶即痛哭避去母察其志堅乃不之強母歿始薙染誓志參學風飄雨笠單丁無侶徧歷諸方先是參西來意頭面

俱腫一日見梧葉墜堦疑情頓釋腫處全消作偈曰微體金風吹瑟瑟堦下梧桐落一葉只道今朝是立秋不知已過寒露節後至武昌禮洪山嚴序紀機緣相契遂蒙記別焉。一日鷓鴣頭陀問秋色滿空庭萬法非真實且道以何為驗師曰長年不出戶士曰堪作甚麼師曰撞著老維摩虛空連底脫士曰割出鋒鉞你可曾見師曰金風一動徧體清涼士曰住住師便喝。洪山紀問德山入門便喝臨濟入門便棒且道利害在什麼處師一喝紀起身拓開曰向者裏添個註腳師一掌紀曰山僧今日失利。頌本來面目曰慕然踏著娘生鼻萬物從來非法時向日西來沒半字至今東去有無爲。頌萬法歸一曰萬法一歸何所疑九年冷坐盡皆知而今識得佳人面暗寫秋光寄阿誰。嚴序紀嗣

袁州仰山獅乳猊禪師上堂冰凌走馬劍刃行拳那吒手裏展紅旗金剛背上翻白眼三百六十骨節節節放光動地八萬四千毛孔孔孔現寶王利海但得南山解起雲未必北山不下雨若是久參上士向這

裏直下坐斷。方有少分相應。何故不入洪波內。怎見弄潮人。晚參。仰山平實生。涯懶向淨地撒沙。說甚子胡狗。趙州茶。禾山打鼓。秘魔擎叉。乃至五乘三藏。諸子百家。無量法門。妙義恒沙。不消仰山咳嗽一聲。盡情收拾了也。且道是何章句。良久。喝一喝。僧問。不著佛求。不著法求。不著僧求。師便打。曰。學人不識。師曰。莫謂辜負汝。頌世尊初生。曰。惡毒多生。種得親出胎。便解鼓風塵。至今無限郎當漢。餓飯拈來祭鬼神。照泉

蘇州祇園湘鄰濟禪師。小參。斬得釘。截得鐵。出匣銚。寒倚天。照雪若綠。破碎五分。同具一身。莫羨團圓。兩口却無一舌。千偈讀瀾翻。且喜沒交涉。一句解全提。重把虎鬚捋。千七百則盡。是達摩眼睛。四十九年無非釋迦心血。諦聽諦聽。莫說莫說。若到無智人前。添他一箇驢橛。小參。大好齋筵。人人得飽。東邊來者。東邊坐。西邊來者。西邊坐。你莫管他。杓大碗小。但要知得飯是米。做祇如鹹酸苦辣。一一打從諸人舌頭。歷過。因甚孔子又道人莫不飲食也。鮮能知味也。良

久曰。今朝應酬事。煩明日到齋堂裏與你說破。小參。乾矢橛。南無佛。饒你念得口滑。但有出氣無進氣。還曾念著一句麼。所以說大統綱宗中事。先須識句。若不識句。難作箇話會。百不思時。喚作正句。你作麼生念。纔擬舉念。早入邪途。一言蔽諸。直須會取。喝一喝。曰。莫妄想。僧鑒

海雲浣墨源禪師。小參。古人曰。瞽者善聽。聾者善視。截利一源。用師十倍。三返晝夜。用師萬倍。迴旋顧衆。曰。千倍萬倍。盡在斯矣。擊竹筵一下。曰。不堪持贈君。小參。咽喉。縫侗吞却。一對達摩眼睛。卽今在臍腑中。橫竄豎曉。嘆曰。可惜許。打入這個皮袋去也。乃撫手久之。曰。具眼衲僧。且居門外。中秋小參。清光如洗。萬象涵虛。潑出松濤。寧沉空寂。直得虎頭岩。藏身無地。疊石磨。轉展無從。端嚴如坐。水晶宮。普願何須超物外。乞食回。小參。住山人無別計。餓則乞食。持盂飽。卽歸家。任意念觀音的。常念觀音。呼揭諦的。頻呼揭諦。負春者。繼大鑊之高風。掃地者。奪寒山之長技。拾片雲。補就袈裟。對殘月。課完經偈。灼然無事於

心怡然無心於事。長聯牀上飽齋。即此便名歡喜地。諸仁者。祇如一飽忘百饑的。還曾嚼著自己舌頭麼。
僧鑒
青嗣

興國天岳峻禪師示衆會則事同一家。不會則萬別千差。古人恁麼道。祇堪入佛。不能入魔。伏龍則不然。不會則事同一家。會則萬別千差。汝等諸人。還曾夢見麼。示衆臨濟有三要。伏龍有四要。不免舉似諸人。也要大家知有。第一要薪水。第二要茶鹽。第三要米谷。第四要喫飯穿衣。屙屎睡覺。諸人者。不得作禪道佛法會。不得作世諦語言會。且作麼生會。參上堂。哆哆和和說。無病憑實商量。不可信。更有一種告諸人耳。聽何如。眼聽正。喝一喝。
照泉
照嗣

邑宰大慧居士牟欽元字東山。原籍關東。隨父任淮揚。粵西。士生聰慧。博通經史。晉宰秦邑。夙具根器。信重禪宗。向上事苦志窮究。有年。雖解會稍能趨向。不能直下了。然一日到蓮花寺。參肩遠鍾士。問畢竟如何。得明正法眼藏。鍾震威一喝。士曰。除此之外。還別有麼。鍾却掩其門。良久復開。士擬問。鍾掩却士口曰。

道。道士直下洞明。乃曰。早知燈是火。飯熟幾多時。復呈偈曰。正法眼開。法法融。一機纖動。萬機通。本來面目。今方見。盡在逢緣不借中。鍾首肯。即授之以偈。而記荊焉。
肩遠
鍾嗣

山東臨清林文伯居士名秀。早年登科甲。官居主政。世善之家。伊父芝山道長。曾得旨印心於兜率。廣行六度。士閱藏得悟。洞徹玄要。曰。今日方知一字無復呈偈。曰。五千大藏。隨心轉。心法雙忘。徹底掀親。悟本來真面目。拈來用去。總逢源。肩遠鍾乃以源流法偈印可焉。
肩遠
鍾嗣

五燈全書卷第一百五

京都聖感禪寺住持臣僧 超永 編輯

京都古華嚴寺住持臣僧 超揆 較閱 進

呈

臨濟宗

南嶽下第三十七世隨錄

鼎州德山冰鐵宗禪師。麻城宋氏子。普請插田。小參。

舉百丈示衆曰。你諸人與我開田。我與你諸人說大義。諸人開田竟。請和尚說大義。丈展兩手示之。師曰。是則故。是未免拖泥帶水。新德山不然。你諸人與我插田。我不與你說大義。何也不可。枝老生節。原直賦詞

澧州欽山明民時暉禪師問。如何是函蓋乾坤句。師曰。我從賢聖法來。不曾殺生。曰。如何是截斷衆流句。師曰。我誓不與二乘人說法。曰。如何是隨波逐浪句。師曰。難得良馬見鞭影而行。原直賦詞

衡嶽福嚴得坤展厚禪師上堂。僧纔出。師曰。什麼物。恁麼來。曰。某甲何敢說。似師曰。這箇是古人底。曰。將和尚底出看。師便打。曰。同坑無異土。師曰。何妨。說似。原直賦詞

桂林南院山學慧禪師上堂。一峰峻峭。不掛苔痕。多少人到這裏。退身有分。且道。新南院如何行履。喝一喝。曰。不向東山水上行。原直賦詞

舒州太平選寄遠禪師上堂。拈拄杖卓曰。法隨法行。法幢隨處建立。不必互分賓主。馳聘問答。自然鉗錘妙密。機用高超。喝一喝。曰。你道我德山老子那一半。

在什麼處。小參行說俱到有什碑記。行說不到白雲萬里。無位真人。瞥瞋瞥喜。棒喫青天。囉哩囉哩。小參舉芭蕉拄杖子。公案師曰。拄杖頭邊。可是你賣弄言語得底。設有箇明眼衲僧。向前一手把住。拄杖子。又向甚麼處著。原直賦詞

太倉祇園倚鳴秀禪師。滇之保山周氏子。年十六薙染。秉具參九峰。賦教看臨濟三頓棒公案。忽聞鐘有省。述偈曰。萬仞嵯峨。一徑通輪斤。打碎太虛空。從前汗馬無人識。祇要重論蓋代功。上堂。心不是。佛處處。綠楊堪繫馬。智不是。道家家有路。透長安。喝一喝。曰。彷彿落花三月雨。依稀殘夢五更鐘。上堂。今年白浪多。栽曰。博飯苦。鏡欲覓三條束之。亦何補。復顧左右曰。你道終日風風雨雨。呆樁樁坐。這破屋裏。將謂如來惠我三昧。喝一喝。曰。特地成拳。園。原直賦詞

衡州甘露無言侃禪師。楚之永州人。久參德山。於棒下得箇休歇處。後隱衡之甘露。僧問。萬緣頓息時。如何。師曰。江國春風吹不起。原直賦詞

虎丘甘露澹園仁禪師。初參靈巖。儲有省。繼參萬壽。

章得受記。荊四衆迎主。甘露儲喜而寄以偈曰。短言十丈。贈文孫。矢報滹沱上祖恩。垂手定知精彩著。直提法運起沉淪。晚參舉茶盃曰。昔趙州以一盃茶。普請往來衲子。今日却落在山僧手裏。願與諸上座。大家喫口。你道箇中有味也。無祇要識取這茶。假使放下茶盃。又向甚麼處覓。顧左右曰。只這一味。人人具有。阿誰放下。完魯章嗣

吳江長慶上嚴道禪師。與化人上堂。舉僧問長慶。有問有答。賓主歷然。無問無答時如何。慶曰。怕爛却。那僧問睦州。有問有答。賓主歷然。無問無答時如何。州曰。相逢盡道休官好。林下何曾見一人。圓悟曰。若問崇寧。有問有答。賓主歷然。無問無答時如何。對他道。收得安南。又憂塞北。師曰。設問新長慶。有問有答。賓主歷然。無問無答時如何。只向他道。頭顱連眼卓朔。他若擬議。劈脊便棒。何以故。不見道。幽州猶自可。最苦是新羅。僧鑒青嗣

大佛寺示權寂興禪師。天津高氏子。依憫忠潤受具。至浙江謁靈隱。禮看竹篋子。話有省。復參三峰青打。

失布袋室中。嘗垂三問。驗人。一曰。世尊三昧迦葉。不知迦葉三昧。阿難不知。既不知。因甚。金襴袈裟。遞相傳授。自代曰。綿州附子。漢州薑。一曰。天地與我同根。萬物與我一體。因甚。眼裏著沙。不得。自代曰。再犯不容。一曰。人間無水。不朝東。因甚。禹力不到處。河聲向西流。自代曰。且放過一著。僧鑒青嗣

虞山白雀雨華雪爐治禪師。上堂。舉古德曰。我三十年前。曾斷一人命根。而今日夜憂愁。如何。免得白雀。則不然。我三十年前。曾斷一人命根。夜來床薦暖。一覺到天明。上堂。若論此事。不掛一元字。脚靈嚴。儲師翁曰。不道無元字。脚只是不掛。首山暗。中爲照燭。靈嚴險處。作津梁。白雀孟八郎。也有個道處。不道不掛。只是無元字。脚。早參前日。說向你似水投石。昨日說向你。如沙壓油。今日不可更唐突也。眉毛依舊。還你眼上。鼻孔依舊。搭你唇上。你也怨恨。我不得。我也怨恨。你不得。樂菴志嗣

梁溪龍護尼道遇禪師。除夕示衆。山中無曆日。寒盡不知年。此是陳年語。話烹白牛。分歲。閣拄杖過年。乃

是諸方葛藤。喚沙彌曰。換水添香。著山僧今日要與諸人應個時節。雖然如是。猶是衲僧家尋常活計。且道。格外提持。又作麼生。乃喝一喝曰。特地爆聲震裂。各自惜取眉毛。槩菴志嗣

無錫德慶月指標禪師出毗陵白氏上堂。德慶單提一句子。人間天上實無比。擬議思量不較多。蹉過白

雲千萬里。問松原嗣

常州橫山復松祖裁體禪師琴川錢氏子。年十九隨

靈巖儲完具。因儲問如何。是你父母未生前。面目師悚然。罔對。乃極力參尋。後謁祥符。運一日見榴花盛

開。胸次釋然。呈偈曰。梅雨不絕聲。松風穿耳過。舉目見榴花。二三都劈破。運爲助喜。後依太平原。一日原

問曰。久參上士。莫有格外之機。麼師曰。說似即不中。原便喝。師伏膺而受印焉。問松原嗣

吳江長慶字伊汝。禪師虞山金氏子。上堂卓拄杖曰。

此是伽藍。何爲圓覺。三世諸佛。移丘盈壑。天下衲僧。無繩自縛。設有人問。和尚擲下拄杖曰。任你卜度。

月掌恒嗣

江西寶掌鑒衡謨禪師上堂。百草頭邊。捉敗古錘。拄杖頭上。按捺上座。過橋拔橋。得路塞路。直饒釋迦老子。親自到來。且教退後一步。顧左右曰。莫道新寶掌不近人情。太無回互。雨青齊嗣

南嶽西園白兆繁禪師文殊三處度夏。頌曰。晚醉扶

筇。過竹村。數家殘雪擁籬根。風前有恨。梅千點沙上

無人。月一痕。馬祖不安頌曰。日面月面。朝夕相見。

暗地摸著。是何嘴臉。月函潛嗣

毗陵脫菴古漁薪逸禪師靖江夏氏子。上堂雷太簡

聽江聲。而筆法進文。與可見。蛇鬪而草書長。長慶坐

破七個蒲團。高亭隔江。招手橫趨而去。此事的約。如

合虎符相似。向後洞然。幸無辜負。示衆一白。二黑

三碧。四綠。顧衆曰。人間無顧陸。令我憶丹青。康熙

壬子秋。師臨寂。有同參問如何。是臨濟家法。師曰。無

人解問。同參再申前話。師乃震聲一喝而逝。月函潛嗣

菁山常照香谷蔭在禪師生湖濱皇甫氏少負義虎

聲。善詩文。參寶雲潛。一日大雪。中間紙燭。因緣豁然

開悟。靈雲見桃花頌曰。靈雲跌入深井元沙。更壓

大石可惜一樹桃花開得狼狼藉藉。題畫菜曰疎疎葉上蛙蟲眼點點根頭野菜花信得個中滋味好連根敲嚼不留渣。師于康熙甲寅說偈而逝有椁

菴集菁山客話數卷傳世

月函
潛嗣

蘇州紫石霜樵謂超禪師郡之湖口萬氏子依寶雲潛參不與萬法爲侶甚麼人久而不省求改參因緣潛叱曰你要改參因緣那師大疑一日聞林梢鳥語喧喧猛然有省。問香巖上樹意旨如何師曰古殿不禁寒。問南泉斬猫是何意旨師曰山青水綠曰趙州頭帶草鞋作麼生師曰殿角一林風。問如何是佛師曰鎮日長廊捲風葉曰如何是法師曰他家門戶不輕開曰如何是僧師曰欲得不招無間業莫謗如來正法輪。問古人據個甚麼逢人便喝師曰屋角聽鷄聲曰古人據個甚麼逢人便棒師曰千手大悲援不得

月函
潛嗣

筆月冷霜寒總未辭些子氤氲烟縷上現來樓閣自然奇。師品行高卓得記三年卽化去有寒溪遺語一冊

月函
潛嗣

吳江鈍菴兼樹讓禪師邑之漁村倪氏子依寶雲結夏石屏一日分衛歸潛問羚羊挂角時如何師纔開口潛便喝師愕然潛呼曰兼樹來適纔問你你答甚麼師擬開口潛又喝師于此有入次日詣方丈問如何是至理不當機潛曰你不解問這話隨問一言道盡時如何師曰游絲千尺康熙丁巳師將示寂潛爲舉洞山臨逝剃髮澡身披衣磬鐘辭衆儼然坐化因大衆號慟忽開目責之復令主事僧辦惡癡齋延七日隨衆齋畢而終子今若何師厲聲曰洞山卽爾我則不然潛曰將不然底呈似看師彈指一聲卽化去

月函
潛嗣

文殊訶堂覺從禪師廣惠興寧何氏子年十五補弟子員閱壇經有感絕意進取父強之舉于鄉時天啓辛酉科也計偕遇黃山普門祝髮不赴春官初參聞谷印于迴龍示以橋流水不流語不契忽沉沉湘舟

中有燭乃省一時尊宿道望名騰叢席歷主數刹機
叩瀾翻意旨邃遠崇禎壬午有徒九一西者來省師
舉殃幅產難因緣勘之九爲直示古人閭奧至五祖
曰我這裏如馬前相撲一倒便休師拍手大笑願嗣
九一西謝不敢逸去師復通嗣法書有以人師道以
道師人降尊爲卑極宗風之獨唱云云西爲陞座而
印荊焉順治戊子六月十七日示微疾浴畢禮佛歸
寢室顧左右曰有末後一句擬付諸人得麼衆無對
師長吁一聲而逝塔于神光山下靈巖儲爲之銘九

詞西

常州祥符湘雨紀陰禪師婺源游氏子上堂硬址虛
空塞住口舌頭占却地三畝金剛手內八楞拳三世
諸佛不知有風吹石白念摩訶驚起南辰藏北斗昨
夜三更失却牛火中剛得船如藕否否南閩浮提黃
童白叟

身牧
藏嗣

常州天寧天興贊禪師本郡劉氏子力究三不是話
聞磬聲有省後參靈巖謙受囑上堂喝一喝曰打開
潑天門戶踏著祖父田園風流何處不是說甚四諦

三元更若低昂佛祖陶鑄人天盡是無風市市之波
彼自無瘡弗傷之也復喝一喝上堂拈拄杖卓一
卓曰卽此見聞非見聞無餘聲色可呈君天寧一向
爲諸人可謂太煞盡情若欲布蔓牽枝叮嚀恐損君

德身牧
謙嗣

嘉善大聖古薪紀鑑禪師荊溪閔氏子上堂舉拂子
曰難以瞞衆人之眼喝一喝曰難以塞衆人之耳遠
得便行的固不尋常掉頭不顧的實爲罕有良久曰
山僧終不肯以第二義誑惑諸仁便下座

身牧
謙嗣

天池落木連山紀易禪師玉峰王氏子幼慕空宗投
國清樹剎度參上方志洞明大事從青龍斯得具戒
華山俾職維那尋參先靈巖室中溫研者久之肅然
遠引適謙補住靈巖分衛婁東晤于龍谿言下契合
次冬制期遂典堂司尋遷西堂付授鍵關祥符藏雲
室示衆薦顧左右曰直須放下放下一任卜度卜
度若論佛法不須穿鑿震威一喝示衆薦豎拂子
曰禪不須參道不須悟祥符門外官馬大路一任兄
兄弟弟東去西去只要識取路頭隨以拂子畫一畫

曰且道如何是向上一路連擊拂子曰不可又怎麼去也。晚參不用如何若何便請單刀直入回頭擬議思量曲直因誰致得遂顧左右曰今日三千明朝五百。示衆眼親手辨底何妨貴賤賤賣眉橫鼻直底一任指東話西遂展兩手。示衆四山風月靜一榻竹陰涼遠得便行底休嫌杓柄長顧兩行曰湖南飯袋子切忌錯商量連聲喝下座。晚參薰鑪竹篋子一下曰諸佛未出世松盤萬塢諸佛已出世花落一庭幸是太虛境界何必驅犬馬于大野之中掃風塵于千山之外而後較眉毛短長論鼻孔淺深復擊一下曰更嫌甚麼。小參無一法可當情定不轉腦回頭空王殿裏石虎巖前一日走幾轉說甚月明簾外迴絕遮欄終日共鉢盂喫飯聽板聲上堂還知癡未生時一椿奇特事麼連卓拄杖曰切忌從他覓與

詞議

吳陵覺胤紹宗祖禪師上堂怎麼怎麼不怎麼殺人刀活人劍此是古人一段風規衲僧尋常作用擬議思量白雲萬里召大衆薰拈拄杖旋風打散咸菴反詞

潭州益陽白鹿天長慧禪師雲南陸涼人上堂自從那年發願願直至而今賣不完有時豎一指有時拈一掌明來施棒喝暗裏畫個圈有人問我西來意綠的竹一簇紅的花一團頤秀悟嗣

辰州浦峰長明晃禪師蜀涪陵石氏子上堂一僧纔出師曰止止不須說僧拂坐具師便喝僧亦喝師便打又一僧出曰某甲禮拜是不禮拜是師拈棒曰山僧打即是不打即是僧退後三步師曰不是不是乃曰今朝勸子當機一味棒喝齊施不是強生枝節要人翻轉而皮衆中還有翻轉者麼如無請看木上座自翻轉去也擲拄杖下座頤秀悟嗣

辰州龍山六潤杲禪師蜀渝州長壽黃氏子上堂舉臨濟三頓棒公案師曰棒頭三頓活如龍佛祖齊來也下風點著頂門開正眼轉身捋却虎鬚頤秀悟嗣辰州雲棲大都定禪師黃岡人族姓何初鎮守辰州後感宿因棄官薙髮芷江參龍山充侍司一日入室次悟曰汝昨日道無是有中無是無中無師曰法本不二悟曰再道一句來師便喝悟便打師連喝悟便

休 上堂雲盡一天波。清四海。人人鼻孔。撐天個個。

脚跟立地。更要山僧說。個甚麼。拈拄杖卓一卓。曰。七

尺烏藤。開正眼。是魔是佛。總皆愁。當陽擊碎。虛空後。

大笑一聲。天地秋。乃呵呵笑下座。穎秀悟嗣

辰州沅陵智鼎禪師。州之瞿氏子。示衆萬法。無心便

是。休隨緣動止。得優遊一天。明月照今古。堪笑人從

指上求。穎秀悟嗣

歸州觀音純備德禪師。蜀東鄆都李氏子。上堂若不

恁麼。則負當機。若只恁麼。有負山野。只得向恁麼中

不恁麼。不恁麼中。却恁麼。豎拂子曰。本是圓成。無欠

缺。只因擬議。涉趁。起從斯直下承當。去一。目了然。括

十虛。耳毒泰嗣

武岡金城在邇道禪師。西蜀渝州桂溪人。參獅山申

充侍司。巾瓶有年後。聞雪林梅道望。腰包往依梅。曰。

別却雲山來。此作麼。師曰。兩頭扶起。梅曰。你作麼。生

扶師便喝。梅便掌。後入室。梅問你近日事。何如。師曰。

一事不爲梅。曰。一事不爲。是個死漢。師撫掌作舞而

出。上堂無法可說。三山五嶽有法可說。龜毛兔角。

虛空開口。須彌倒卓。佛法有無。問人人不自覺。覺不

覺。收放風雲如掌握。喝一喝。雪林梅嗣

鼎州護國通玉禪師。州之李氏子。頌瀉山水牯牛。曰。

天曉黃鸝樹上啼。一聲嘹唳。一聲低。東君昨夜傳消

息。巾地春風打竹籬。天機舜嗣

澧州慈利道林百獸善禪師。上堂達磨大師來。也在

道林拂子頭上。與慈悲運悲爲汝等說。第一義諦。還見

麼。若也見得。今日正是小雪節。個個面門冷似鐵。其

或未然。大家剔起眉毛。務要討個明白。何故不入虎

穴。爭得虎子。上堂全提祖印。獨坐雄峰。棒喝齊施。

令行有據。道林這裏。唯握一柄金剛寶劍。凡有來者。

卽教脫却貼肉汗衫。便與一刀兩段。震威喝一喝。念一

龍嗣

澧州伏牛憨野賢禪師。初投神鼎澤披剃。後依龍潭

龍服勤。有省。囑住伏牛。問大師在神鼎時。如何。師

曰。頭帶夜叉帽。曰。在龍潭時。如何。師曰。手持柳標條。

龍嗣

澧州龍潭光孝斷雪初禪師。荆楚歸州項氏子。上堂。

奇言妙句俱是歷代祖師道過錦繡珠璣盡是諸方
大老說盡今日新光孝作麼生道乃提起僧伽黎曰
乞兒破席府袋抖一抖一卷
龍嗣

石梁青蓮不醉常覺禪師楚青江杜氏子禮德山波
完具服勤三載恒喫痛棒一日波問生從何來師曰
初一初二又問死從何去師曰小盡二十九大盡有
三十波深器之後佐中邑徹入室次徹問萬法歸一
作麼生會師曰落花有意隨流水徹曰畢竟一歸何
處師曰流水無心戀落花枕石
徹嗣

五燈全書卷第一百五

五燈全書卷第一百五補遺

臨濟宗

南嶽下第三十七世隨錄

叶那羅漢雲林地禪師通江董氏子參石谷慧嗣法
重建叶那羅漢乃馬祖脫白處也上堂問如何是羅

漢境師曰參天蒼竹密填空古栢稠曰如何是境中
人師曰大雄殿一座頭陀祇十人曰人境不立時如
何師曰虧汝到與麼境界乃曰一棒一喝一拳一脚
直指臨濟心髓全彰德山韜略古之不多一點今之
不少一劃全得草偃風行如虎戴角撞著磕著橫機
殺活脫或未然山僧未免重下註脚以拄杖卓一卓
喝一喝也是千錯與萬錯復卓曰錯錯石谷
慧嗣
龍門淨居月月初禪師樂至鄒氏子上堂僧問如何
是龍門境師曰清風橋下兩池水曰如何是境中人
師曰日出而作日入而歇曰人境以蒙師指示向上
宗乘事如何師便打乃曰時開飯店止飢寒引水龍
門且種田佛法寧教齊爛却從斯弗說老婆禪石谷
慧嗣
綦江石門蒼桐華禪師綦江封氏子卅歲出家石谷
慧印證隱山爲常其示衆曰山悠悠也水悠悠一枝
雲深任自遊樹杪松花堪作食秋迴荷葉可爲裳堂
堂佛法消塵鏡渺渺光陰送客舟若要頓超如幻景
只須常牧此心牛 又云溪山一一都成畫竹樹叢
叢畫不成堪笑住山人性蠢饅頭一柄足平生 暮

年仍歸石門。臨行偈曰。來時黃菊節。金去時青山鋪。
白想起者個。骷髏千回萬回作客。今朝踢倒須彌。得
得虛空出血。涅槃城裏不相知。笑殺率陀古彌勒。石谷

慧嗣

郭箇護國天然貴。禪師上堂。今朝腊月初八。處處闡
揚佛法。惟有護國不然。見人只是生罵。驀拈拂子曰。
向者裏薦得利利塵塵。毗盧境界。溪聲鳥語。觀音理
門。其或未然。依舊鼻孔向下垂。擊拂子下座。元宵
上堂。不唱陳年曲。調要打新鮮。鼓笛無言童子口。吧
吧無舌人兒能解語。等閑操動沒絃琴。海水騰波山
自起。且道沒絃琴作麼生。操以拄杖作操琴勢曰。會
麼。若將耳聽。終難會。眼底聞聲方始知。紫芝藏嗣
錦官萬福瓊目溫禪師上堂。昔人聚石說法。今我法
說亦空。石火電光難爲湊泊。驀拈拄杖卓曰。惟有者
個赤條條光灼灼。有時和泥合水。社舞村歌。有時孤
峰獨立。挂月懸星。動則俾觀音勢。至結舌藏鋒。靜則
令釋迦老子無本可據。且道利害在甚麼處。良久曰。

紫芝藏嗣

少蛾慈明嵩耳住禪師上堂。弘機獨唱千聖潛踪。截
斷衆流。棒雲無路。若箇正因。禱子顯大機施大用于
石火閃電光中。啐啄縱奪人天權衡。佛祖敲唱雙行。
殺活齊彰。行凡聖窠窟。斷生死根苗。猶未是向上事。
王令已行天下。徧將軍塞外。絕烟塵。語嵩裔嗣
西蜀定遠舌響。訥禪師定遠龍氏子。參半天下。于林
野奇掌下有省。回蜀見書雪。昂以印證焉。上堂。打開
光明藏。現出本常理。天地絕點翳。四海清如洗。森羅
與萬象。都盧在裏許。休言觀明星。誰惑癡男女。上
堂。爐韞弘開。魔佛頓鎔。鉗錘高舉。理凡情盡。箇箇焦
頭爛額。人人皮綻肉鎔。任是百煉精金。到此也須失
色。卓拄杖曰。拈出紅爐金彈子。筵破諸人鐵面皮。書嗣
金川中巖。濯眉采禪師。開爐上堂。個事人人本具。何
須向外討覓。頭頭頂著青天。步步踏著實地。山僧不
是妄言。要且理無二致。所以。廬居士曰。神通並妙用。
運水及搬柴。若于此中透徹。一生參學事畢。其或未
然。長連床上。豎起脊梁。切莫瞋睡。抖擻精神。只看穿。

金畢下殿脫
竟字

衣喫飯運水搬柴底畢是個甚麼參書雲
出嗣

西川峨嵋舒光照禪師斬水人避世入峨嵋絕頂影

不下山者二十餘載忽一日欲下山鳴鼓上堂九旬

限滿巧中藏拙晝夜殷勤拙中藏巧養馴一個水牯

牛頭角崢嶸世上少今朝四足印莓苔笑殺平田黃

大老辭世示衆形本無形說亦無說盡大地人難摸

索七十九年住娑婆彈指光陰如夢覺舉步踢倒峨

嵋山者邊那畔總一箇喝一喝擲筆而逝大治
況嗣

射洪會靈幻住明禪師上堂雨過莓苔淨陞堂說法

時斯緣誰解會啼鳥上花枝小參初過塗毒鼓三

舉撲地鐘敵勝超羣句生蛇始化龍咄耳毒
泰嗣

曇陵黃陵純備德禪師鄴都上堂立教明宗須張縵

天網子活捉龍蛇可以直下承當安邦定國要展揭

世經綸生擒虎兇乃能全身擔荷所以祖師心印狀

似鐵牛之機去即印住住即印破只如不去不住印

即是不印則是于斯擬議錯過千山少涉思惟白雲

萬里致使三世諸佛總放不下歷代祖師全提不起

一大藏教詮註不及伶俐衲僧自救不了正恁麼時

作麼生履踐喝一喝曰振奮託沙無向背懽迦羅眼

莫能窺耳毒
泰嗣

重慶香國竊堂秀禪師開爐上堂爐火乍熾是鐵是

銅須經煅煉大煬若凡若聖盡鎔鎔淬般若之智

鋒礪金剛之神劍若是躍冶之金徒勞鍛煉驚豔拂

云者一星兒火種自驚峰發燄嵩少騰芳太白山中

標天之光彩錦江江上闌亘古之宗猷如如意珠似

帝青寶可以福國裕民爲祥爲瑞入聖超凡而今落

在香港者裏只得借曼殊普賢作爐頭勢至圓通爲

冶匠五百聲聞緣覺作散工扇火扇風添煤添炭山

僧忍俊不禁未免助其神用遂擲拂子曰直下來也

急著眼觀佛語
御嗣

唐安曇雲文壁禪師上堂柳舒金梅正白幾經霜

凌幾經雪寒枝傲骨占春先却把清香輕漏泄惟佛

與佛無分別揮拂子曰箇過東家作竹林藕穿池面

爲荷葉臘八上堂積劫深懷疑彈子實難吞吐田

皇宮六年雪嶺時無懈慕地擡眸見已躬此是大覺

老人在霜天月下悟得底今日福上座向情與無情

煥然等現處舉似大衆還會麼。若會得天地虛空生
汝心內人物。殿堂皆汝元常正恁麼時。且道大覺老
人畢竟悟箇甚麼。良久曰。泥半掣斷黃金鎖。鐵馬衝
開碧玉關。孔一
等詞

成都德元玉諾昌禪師上堂。吾年三十四。佛法總不
識。強登曲朶牀。渾無些子伎。全提臨濟宗。惟憑斯箇
力。頭頭絕覆藏。處處無踪跡。活潑潑耀古。騰今峭巍
巍。輝天鑑地。當陽露出端倪。揚眉已落第二。且如何
是全提意旨。卓拄杖曰。青天也。皺眉。瑞林
遠詞

密山鎮疆大旭宗禪師至節上堂。六花亂墜。寒氣逼
人。日南長至。百卉萌生。山僧裹頭大睡。誰管他人屋
上霜。凝以拄杖作圓相。云。會麼。于中薦得百千三昧。
一時證得神通妙用。無越此宗。人人向文殊肩睫上
往來。個個于普賢行門中出入。高揖釋迦。不拜彌勒。
到恁麼田地。有無不立。凡聖一如。隨緣放曠。任通逍
遙。又何必山僧再下註脚。曉元
濟詞

嘉州九頂子開乾禪師上堂。若論箇事。一味尋常。騎
聲蓋色。法法全彰。縱奪殺活。不犯鋒銑。清風明月。不

坐玉堂。快須揭瞎娘生眼。炯炯寒光照大唐。靈利禪
僧。聊聞舉著。直下承當。雖然如是。脚跟下與伊三十
拄杖。且道利害在甚處。卓拄杖曰。鴛鴦綉出從君看。
不把金針度與人。佛寔
綱詞

興元淨明天湛熾禪師上堂。法不孤起。仗境方生。時
當秋末。萬卉潛榮。或抑或揚。觸目現成。豈不見置山
河大地。于一毫端。透頂透底。絕羅絕籠。顯大機明大
用。觸處普賢境界。發揮佛祖機籌。有時拋三放兩。拈
尾作頭。有時充塞虛空。壁開華嶽。蓋豎拂曰。會麼。步
步登高。易深深入海。難擊禪床下座。佛寔
綱詞

秦州普門壽室熾禪師上堂。赤體條條。絕所依生。平
莽鹵沒。思惟一椎打就。無今古途路。行人誰箇知。是
日陞堂重漏逗。且喜當陽毋自欺。佛寔
綱詞

江津淨慈非指明禪師。頌丹霞燒木佛曰。離宮勅令
降將來。簇錦攢花當下。灰驚起牛兒。渾不見行人得
去。邑人災。頌石霜橫刀水盆上。傍置草鞋曰。空把
瑤琴月下彈。無生曲調自超然。子期不諳何處去。孤
負渠儂意一翻。頌婆子燒庵曰。正恁麼時。如食得

寶焚却葢子一了百了。頌曰。面佛。月面佛。曰。日面

佛。兮。月面佛。一條拄杖。兩頭禿。敲風打雨。人不知。拄

地撐天光。煜煜懶石

古。遑印心。佛敏訥。禪師上堂。山野一向以來。白蟻生

於嘴邊。青草長於舌上。遂按膝。嘆一聲。錯下註脚。

佛成道。日上堂。活驚殺。活笑殺。山頭老漢。沒傷。怪無

端。夜半觀明星。兩眼明明。都填。瞎卓拄杖曰。瞎瞎

上堂。拈拄杖曰。木上座。于黑漆桶裏住。著。未敢輕示

其人。以杖置右手。曰。今日出來。指東話西。似與鉢盂

安柄也。雖然如是。且不得辜負拄杖子。何也。爲伊頂

門上有眼。癡雲

眉州燈壁文衡。權禪師。佛成道。日上堂。佳景時逢臘

月天。嚴寒凝凍。雪爲簾。頓分一線回春令。却放梅花

一著。先遂舉世尊。觀明星。悟道話畢。師曰。老瞿曇。須

是頂天立地。到頭知尾。不妨漏逗。只如遠孫。又作麼

生行履。視左右曰。切須仔細。竹鏡

蜀南玉泉融徹頂禪師。蜀南人結制上堂。今朝十月

十五行。耆考鐘伐鼓。玉泉結制上堂。驚起魚龍。躍舞

悟字
身上升脫

坐斷諸佛。關鍵綱維。從上列祖。諸僧擬議思量。一棒

打折。驢腰莫道。山僧莽闖。上堂。諸佛本無說。祖師

未曾聞。留下一轉語。千古鎮乾坤。且道是甚麼。語。除

喝一喝。曰。今日冬月。一萬卉俱凋。悉玉泉爐。增。燄。山

門輝佛。日復喝一喝。下座。其白

重慶華嚴勒正進禪師。陝西華州吳氏子。二十七齡

身世無常。詣四川重慶華嚴禮指雲孝。薙染痛念。生

死。脇不至席者數年。後侍師翁。聖可。玉于雲峰。值上

堂。問如何。是父母未生前。本來面目。玉薦頭一棒。惜

死。少頃漸甦。乃說偈曰。者迴喫棒不尋常。始覺毗盧

解脫場。萬象森羅皆拱手。拈來盡是返魂香。孝因而

印證。後有頌。慈明冬日榜。云。喻捶是誰搬弄。打破千

年鐵甕。頻頻呼喚。無他不離自己作用。呵。呵。總是一

場大夢。指雲

隆興正覺。濟得正禪師。頌庭前柏樹子。曰。信手拈來

了。弗疑。龜毛兔角。豁當機。眼中若是停金屑。辜負蒼

蒼兩道眉。大器

漢州開元素如佩禪師。嘗頌產難因緣。曰。積雪凝冰

結未消一枝寒玉寄梅梢。靈苗不借東皇令一段清
香向外飄。頌達磨會武帝曰朔風凜凜入樓臺春
意潛舒雪上梅。縷縷暗香浮嶺外相思無計勢難回
法空
靈嗣

黔西獅峰乾御源禪師蜀人受印于赤松嶺後江浙
歸觀嶺命秉拂小參神機密運觸類傍通廓爾圓明
不落諸數所以南詢五十鋒銳初露于妙峰樓閣門
開大機終涵于海藏百千妙義無量法門總在一毛
頭上彰顯現前一一無非受用大眾既爾受用十方
現前因甚彌勒大士却從遠方歸來若向者裏見得
徹黔天風月一團和氣脚跟不動華藏週遊其或未
然不免曲引傍資再下註脚七載離師海上遊歸來
時節正逢秋籬邊菊露二玄句桂萼香浮意外幽
赤松

金川興國隱南廣禪師士供法衣請上堂大庾嶺頭
拈提不起德善居士觀體承當正所謂于施等者于
法亦等且道結角羅紋在甚麼處靠拄杖曰到江吳
地盡隔岸越山多
鳳嗣

◆持齋特

陝西寧夏準提洞然舜禪師中秋月蝕晚參靈山話
曹溪指馬祖旣寒山此者一夥老古錘都是弄光影
漢正眼觀來合喫舜上座手中痛棒邇者鐘鼓鏗鏘
盡道孤輪半掩癡呆竚望矇矓沉吟殊不知本有一
段光明早已印徹廣寒之府爲甚無人覺得或有覩
得破者出來與舜上座拄杖相見其或未然特爲指
出去也以拂子畫○曰徧界不藏高著眼大家休在
闍中行
純愚
機嗣

奉天般若古林智禪師湖廣長沙李氏子幼失怙恃
顛沛萬狀六歲至峨嵋脫白侍雙桂十數年屢遭毒
打後因木墩打中腿肚遂有省焉歷參諸方末與德
山語嵩裔機契而受記前出住奉天般若遼陽建寧
如來諸刹上堂乾坤之內宇宙之間中有一寶秘
在形山達磨九年面壁觀不破瞿曇三百餘會道不
著摩醯三眼也難見大悲千手也難摸歷代祖師古
今知識咬定牙關一場懺懺今日般若不免拈出供
養大眾及大地有情無情同一眼見同一耳聞同一
受用良久曰季冬嚴寒各歸煖火上堂奇特因緣

須以奇特激發殊勝大事。須以殊勝舉揚圓明有驗人句。法眼有超宗眼。圓悟順水推船。雪竇迎風把舵。雖然各出手眼。成得箇什麼邊事。若是山僧待他道某甲話也。未問因甚。便打復打。曰。可殺不識好惡。當時德山下得這一棒。不惟截斷天下人舌頭。也免得他道箇龍頭蛇尾。上堂。二百一十億佛。利當年法藏。悉觀知今日古林。重舉出阿誰。不是丈夫兒。上堂。丁一卓。二是般若體。七縱八橫。是般若用。耀古騰今。是般若光。烹金琢玉。是般若力。若能有如是力。徹如是光。得如是用。具如是體。便見十世古今。始終不離於當念。無邊剎海。自他不隔於毫端。遂以拂子打圓相。曰。自從一授靈山記。直至於今。願不忘。問如何。是金剛王寶劍。師曰。觸不得。曰。因甚。觸不得。師打曰。頭落也。不知僧作思。師復打曰。還不拖者死。屍去。問如何。是般若境。師曰。萬木榮。紆一溪浩渺。如何。山中。人饑。冷麥粥。倦臥草。草曰。人境不立時。如何。遂劈面一掌。曰。是立不立。僧罔措。復示曰。人境不立時。劈面無情。掌是箇血性兒。當下知痛痒。師於康熙

乙亥冬十月十六日夜間坐道。追天曉。自思來去。不明。恐人檢點。復甦。至本月三十日辰刻。手書遺囑。魁吾居士。飛奔方丈。師下床接曰。受你數十年供養。無可酬答。謝汝兩掌。遂於土面上。左右各打一掌。大笑而坐。士曰。和尚舉動。十分精爽。何故出此莊言。師曰。汝不識老僧。士求和尚手脉。評之曰。脉上並無一些病。何出此言。師曰。汝不識老僧。我明日定去。僧俗見師訣絕。難留。悲泣請師垂示。師曰。汝等好俗氣。我豈真死耶。我時時在汝等面門出入。但汝等不識。汝等存善心。作善事。定生西方。存歹心。作歹事。定墮三塗。明明放著。何用我說。談笑過午。飲食陪常。凡殯殮等事。茶毗日期。立塔地方。分付妥當。推逼相別。衆不忍散。師携手送出山門。一士拉住不放。師回。凡過往人。圍繞擾數層。說的說。哭的哭。有不信者。說是明日。即辨真假。約有起更時候。方散脫身。師回院內。經行夜半。方歸方丈。靜坐。約有寅時。呼侍者問曰。什麼時候。侍者答以五更。師曰。吾當行矣。遂點燈設供。器帟筆。安置几上。又炷香。命侍僧曰。香燃二寸許。推門看我。

書偈曰東方寅我卽行菩薩接彌陀迎端坐寂然而

逝二侍者推門視之師巍巍不動侍者疑視良久喚

大衆曰和尚圓寂矣大衆齊至成服手腕尚溫墨跡

未乾三日入龕師容顏如常遍身柔軟三七茶毗送

者萬數初發火時烟燄五色少頃龕門自開現金色

毗盧像大衆俯伏合掌佛聲動地從辰至午骨豎端

坐衣文數珠宛然不動舍利無數一齒不壞世壽七

十有三僧臘六十七語嵩
裔嗣

溧水普濟渤輪旭禪師廣東香山梁氏子晚參生佛

不二物我無差拈起拄杖曰喚作拄杖子得麼牛羊

無角不喚作拄杖得麼免馬有角擲下拄杖曰畢竟

如何良久曰破家散宅 頌婆生七子曰劈面無端

下一橈至今冤對結眉梢滔天白浪全機露明月蘆

花吼夜濤孔一
等嗣

武岡伏牛慈化醒閒智禪師上堂春纔盡夏又臨處

處村歌樂太平杜鵑喚醒利名客何必區區向外尋

上堂唱德山歌和雲門曲一喝震乾坤掀翻獅子

窟跳過金剛圈脫却龜毛傳萬仞峰頭解哮吼頭尾

俱全跏一足語嵩
裔嗣

邵州牛山清溪載華哲禪師上堂忽地西風泛碧波

石人叉手語婆婆因緣時節分明契梧樹飄黃會也

麼喝一喝 香巖上樹頭曰入花毯子輓公門何勝

傍觀見者親白曰移輪天外去痴人多看月邊星

林雪
嗣梅

如皇集賢坤亭道禪師上堂西方無一句到你是把

斷要津是壁立萬仞良久曰貴圖天下太平 上堂

鑪鑪之所多鈍鐵良醫之門足病夫不因吳越爭鋒

後那得扁舟泛五湖 小參佛有佛語祖有祖語纔

涉思惟白雲萬里現前一衆既是家裏人母勞說客

話飯足充饑茶堪止渴且道非非想天深多少濶多

少良久曰且待別時來 小參二不成雙一不是隻

夫子難措一言遠磨更道不識良久拍膝一下曰山

高月小水落石出 問如何是佛師曰擔水河頭賣

如何是法師曰三千條罪莫大於不孝如何是道師

曰高而不危低而不凹 問萬法歸一一歸何處師

曰山僧遣你鈍置曰趙州道我在青州做領布衫置

七斤又作麼生師曰你再擬鈍置山僧那僧一喝師曰莫因閒事長無明問如何是佛法的大意師曰三寸舌頭在汝口裏曰某甲不會師曰鹹酸苦辣幾不嘗過身牧識嗣

蘇州寶華向若嵩禪師上堂法法圓成佛祖心英靈於此共知聞何勞普化搖鈴鐺突遇峰千踰虎行當機了了無他事只要人人兩眼明喝一喝結制上堂天涯寬徧無相識徒把芒鞋脚底穿拄杖持來且靠壁鉢盂高掛絕攀緣三條椽下真風露七尺單前面目全因地一聲消息斷虎頭戴角出林間漢唐

五燈全書卷第一百六

京都聖慈禪寺住持臣僧

超永

編輯

京都古華嚴寺住持臣僧

超揆

較閱

呈

臨濟宗

南嶽下三十七世隨錄

邵武安國開蓮受禪師示衆牛頭沒馬頭回原屬諸

方近套鄧金鈎布鐵網亦非越格提持山僧一十六年擔枷行脚窮盡家私今日撥亂歸來爭敢重循舊轍雖不謹守門庭只要諸人搆去喝一喝明覺諱曰示衆向墻墻堆裏橫空佛祖眼睛於錦繡叢中直捏帝王鼻孔頓令途路波吒底當下歸家穩坐却使孤峰頂上者抑凡按下雲頭增徑山霹靂之家聲響太平琳瑯之曲調此是我本師老人尋常行履處若是放兩拋三增多減少至于末後示寂掃跡滅踪莫道諸方窺覷無門直教佛祖潛身無路不肯深懸匪類辱附師門茲者業負難逃冤家路狹要且如何得見我老人立地處嘉豎拂子曰春風未易著鉏犁爲馬爲牛却看時口縫纔開成忤逆此心能有幾人知示衆嘉拈拄杖曰我看你朝到西天暮歸東土究竟長年只在半途復橫按曰明知是滿腹絲綸填胸錦繡因甚問著便開口不得復豎起曰直饒過東山下左邊底拈得王節級失却帖正好勸過了打且道衲僧門下又且如何卓一卓曰刀山劍樹平時路熟鐵棒銅鐺口漿要得拖犁并拽耙何妨倒腹與傾

勝問如何是佛師曰一言既出驢馬難追問如何是天地同根萬物一體師曰南山起雲北山下雨曰某甲蒙昧請師細指師曰朝看東南暮看西北問如何是安國境師曰萬壑松聲來不盡一池皓月夜長明日如何是境中人師曰塔下痛刪非類草雨中閒種及時蔬聽瑟瑛

盤山甘泉語石德禪師上堂法無定相定莫非禪頭顯露法法全彰舉止動步無非本有風光運水搬柴正是當人作略喝一喝曰直下承機慎弗擬議

解制上堂圓通法門無在不在昔本無結今何有解豈拂子曰世尊三昧迦葉不知迦葉三昧阿難不知阿難三昧商那和修不知乃至先師三昧山僧不知只如甘泉一冬東語西話今日撒開布袋現前諸人還知否豈拂子曰我不敢輕于汝等僧問如何是函蓋乾坤句師曰放你三十棒曰如何是截斷衆流句師曰猛虎當途踞曰如何是隨波逐浪句師曰問來答去有甚了期聽瑟瑛崑山太音居士鄔曉三歲能畫地作佛字長通儒術

善丹青一日旅次逢老禪教以宗門見性工夫遂留心參學後見明發衡問未生前話衡曰只今在甚麼處士曰道得恰好衡曰無夢無想無見無聞主人公在甚麼處士曰金寒水冷切宜珍重乃呈偈曰莫認明莫認暗明明暗暗臨機辨勸君切莫強安排春光好處無人見東風便是不寒面衡肯之竹篋子頌曰竹篋不觸不背當人直下承當若還擬議卜度便是無明覆藏又曰天生一段好風光凡聖何曾有覆藏自家有寶不薦取反爲觸背錯商量狗子佛性頌曰狗子無佛性非邪亦非正身旺無財官正是孤窮命衡批

南梁準提宗濟俊禪師問如何是動靜二相了然不生師曰切忌死水浸殺問大修行人當遵佛行因甚不守毗尼師曰不可釘椿搖櫓問鐘樓上唱讚床腳下種菜意旨如何師曰逢人但恁麼舉師示疾堂衆候安師曰苦苦次日集衆曰樂樂衆曰昨日道苦因甚今日道樂師曰昨日苦今日樂楊岐驢子三隻脚衆曰到此時節宜自珍重師曰快便難逢

案筆書偈而逝乳峯
卓嗣

大原慈菴楊耀祖進士山西廣陽人父祖三世胎齋世稱樂善士幼穎悟長中康熙癸卯解元聯登甲榜因見天目尺木休示現末後一著了脫非常有感乃單提向上決志禪宗後仕官真州訪天王海于地藏言下投機授拂記荊呈海偈曰果是天真一脉來相逢一笑我知哉歸來盡是兒孫事囑下承當正眼開又呈洗澡偈曰真空無相法王身荷葉露珠不染塵賓主一堂誰辨得歸來明月照行人示佛眉偈曰喚作佛眉定有魔眼佛魔不著眉眼俱遣隨緣事事了日用何欠少一切但尋常自然不顛倒先嚴諱日舉哀拈香曰一身分化若干身無始從來只一心因地一聲掀破後年年今日識新春恭人諱日拈香曰爐中香縹緲岸上柳青青雨灑清明節春雷兆太平復舉世尊初生話畢乃曰在天不以天爲樂在世不以世爲相在生不以生爲戀在死不以死爲憂明得惟吾獨尊我身即母身今日覲面相呈不好舉揚個事上報深恩喝一喝月夜有客送指月

錄言別士曰貪看他人寶忘却自已珍客曰眼中著不得玉屑麼士曰且喫茶去復示偈曰月上梅梢一鏡圓那知月落不離天月圓月缺光無減君再來時又一年士居官以法門金湯爲力任每遇僧俗諮參語多激引時魏雙闕按嶠臨邑景其高風贈有官舍渾加僧舍冷吏人一似道人閒之句極爲切當

海嗣

翁沙

鹽官中洲海嶽禪師住緣羅示衆終日忙轆轤地都是沒要緊事且道那一件是要緊底良久曰幾乎忘却上堂略說廣說險說直說讚說毀說安立說顯了說以至塵說剎說熾然說無間歇總不出這一句且道是那一句喝一喝曰蚊子上鐵牛無你下嘴處

愚山
藏嗣

揚州龍象楚菴祖禪師小參夜雨瀟瀟片雪飄飄雲橫鶯嶺水接天遙柳含春色棲鳥歸巢頭頭顯用莫言寂寥蘇三舫頌曰露筋露骨當陽拈出日晒風吹雨灑不淫靈雲見桃花頌曰忽然舉目見桃花當下疑情頓破家涌出家珍全體露拈來還是舊袈

梁高門
正嗣

湖南長沙洪恩鐵山弘禪師南昌葉氏子上堂山高
未是。高海深不足深。唯有諸人鼻孔深。實是深。盡大
地人都浸殺白浪滔天不見痕。小參周行七步六
步無功。過這一步也不消得目顧四方。更有一方倚
未看到。召曰。大眾。且道是那一方。卓拄杖曰。中央戊
己土。小參斧劈不開。針割不入。底物件。山僧爲衆
分析。遂喝一喝曰。撒向十方世界了也。楚峯
元嗣

永嘉時嚴大曉廣禪師小參問如何是主中賓。師曰。
汝是門外人。曰。如何是賓中主。師曰。長年不出戶。曰。
如何是賓中賓。師曰。陌上問行程。曰。如何是主中主。
師曰。這裏須薦取。乃曰。當陽的。旨。迥絕周遮。觀面
全提了。無回互。霜酣紅葉。千樹萬樹。以飄搖。露滴黃
花。三莖兩莖。而馥郁。荷能直下。薦得便爾。獨步大方。
火爐頭坐。酬賓主。劒刃上互展機籌。殺活臨時縱橫。
無礙更說甚麼。打三打七。盡地爲牢。指東話西。遞成
錯。雖然。雖如是。也要衆兄弟共相委。悉薰豎拂子。曰。
還會麼。當年面壁。非他事。歷代傳心。總是渠。示衆。

舉雲門乾矢橛話畢。乃曰。將謂氣宇如王元來見處。
只在這裏。頃曰。槌擗堆頭。乾矢橛拈來使用。却驚人。
薰天炙地。難藏覆利利塵。塵現此身。多子
無嗣

永嘉密印靜公練禪師上堂。豎拄杖曰。若向者裏會
得。不妨轉山河大地爲自己。橫拄杖曰。若向者裏會
得。不妨轉自己爲山河大地。卓一卓曰。粉碎了也。諸
人畢竟向甚麼處安身立命。靠拄杖。小參僧出。師
曰。未動步已前。早錯了也。僧拂袖而退。師曰。錯錯。乃
曰。鶴頸長。鳬頸短。松自直。棘自曲。八面玲瓏。十方寥
廓。何事諸人無繩自縛。山僧忍俊不禁。直下爲君割
截。以拄杖旋風打下。歸方丈。小參以拂子作○曰。
三世諸佛出興。只爲者個。歷代祖師授受。只爲者個。
天下老和尚。屈曲垂慈。只爲者個。山僧播兩片皮指
東話西。只爲者個。諸人還知者個。落處麼。良久。曰。密
印今日失利。擲拂子。執法鼓。小參舉鹽官道虎空
爲鼓。須彌爲趺。阿誰打得。南泉曰。王老師不打者。敲
鼓。鹽官開恁般大口。至今合不得。若論破鼓不獨南
泉不打。密印有手亦無處好。下今日幸得二浴主不

忘本願協力成。觀從虛空中。執起信手。擊來響振。如雷直得盡大地人聞所未聞。不唯爲鹽官出氣。抑令現前衆等飽足。觀光。驀豎拄杖。作擊鼓勢。召曰。大衆。還知落處麼。若將耳聽。終難會。眼裏聞聲。方始親卓一卓。小參于世諦中。會取佛法。向佛法內。明取世諦。更須知世諦外。無佛法。佛法外。無世諦。世諦佛法。打成一片。始得慶快平生。祇如蚯蚓。驀過東海。蝦蟇。蹣跳上天。且道是甚麼意旨。良久曰。參。問見而不見。聞而不聞。時如何。師曰。且居門外。曰。如何。則得。師曰。板响過堂。梆响出坡。問如何。是祖師西來意。師曰。天晴日出。士問。屏却咽喉唇。吻請師道看。師曰。我不知。你問甚麼。士理前問。師便叱出。問如何。是化城境。師曰。一水開明鏡。千峰擁翠微。曰。如何。是境中人。師曰。來者來。往者往。曰。如何。是人中意。師曰。喫茶去。多子無嗣

鴈蕩石梁碧。漢禪師永嘉姜氏子。少穎利。不苟葦。依外道。嘗習靜碧湖山。中有僧與論色空義。師翻然知非。遂造淨社。禮印堂智。雖落未幾。入密印。槽廠知

有宗門事。偏歷諸方。歸覲密印。無問學。甚麼師展兩手。無曰。是者個用學作麼。師曰。不學爭識得。一日。堂衆爭百丈野狐因緣。是非不已。質之于師。師曰。是則總是不是。則總不是。又曰。既墮野狐。爲甚却作老人聽法。既作老人聽法。如何。又道久墮狐身者。裏個儘分明。許你親見百丈。無病篤授師以偈印。可卽卜隱雁蕩之石梁洞。火種刀耕。諸緣寢息。越三載。辛酉端午後四日。沾微恙。遂來密印。作別時。同門靜公。練有芝田之役。令人速還。至十五日午刻。有悟心送楊梅至。師跌坐。連啗數枚。曰。世尊末後受純陀供。露上座末後受悟心供。畢竟還有優劣否。練曰。兩口無一舌。師大嘯一聲。屹然不動。多子無嗣

自立本禪師。東嘉王氏子。甫壯。得度于福泉參淨社。印堂智看主人公話。脇不至。席寺後有巖。岑寂夜坐其中。或自喚復諾。久而有省。參仙巖智。一日入室。師握一莖草。置智前。曰。不可喚作一莖草。智拈杖。師拂袖。便出。解制返淨社。印堂智曰。一期參得底。不妨舉似山僧。師作掀禪床勢。智便打。師便出。後參密印。無

機緣相契。輒蒙印可。元旦秉拂。小參。既承方丈和尚嚴命。聊爲衆兄弟通個消息。蒸豎拄杖曰。還會麼。若向者裏會去。慶無不宜。如其未然。三條椽下。七尺單前。喫飯穿衣。大須仔細。卓一卓。問如何。是奪人不奪境。師曰。長安一片月。萬戶搗衣聲。曰。如何。是奪人境。兩俱奪。師曰。目前無閻黎座上。無老僧。曰。如何。是人境俱不奪。師曰。陣雲生海上。拔劍攪龍門。一

日示微疾。次早沐浴剃髮。與衆決別。徒請說偈。師曰。平日已作了也。何待此時。縱饒說得徹。頭徹尾。于汝分中。有何交涉。若要此事。相應須在常時。向已躬下端的。討個著落。到生死岸頭。始得受用。言訖吉祥而逝。多子無嗣

瑞安瑞雲介石芳禪師。本邑李氏子。九歲脫白。從座主聽講。天台止觀。鍾如如激發。令參仲覺居士。覺曰。一念不生。如何。是本來面目。師不省覺。指參五雲菴。菴曰。仲覺。指汝到此。且道。先覺後覺。覺個甚麼。師擬對。菴曰。汝終日在仲覺處。因甚不識仲覺。拍案喝出。

住數月不放參。一日遇菴。菴曰。狹路相逢時。如何。師擬對。菴便掌師。愈增迷悶。冬夜參究。忽觸雪竇。顯見不見。倒騎牛。夸入佛殿。句信口有偈。開眼便了然。轉眼卽錯過。居士與阿師。堂堂觀體露。呈菴。菴曰。如何。是根本智。師曰。覲面相呈。曰。如何。是差別智。師曰。何處不風流。菴曰。放汝三十棒。師後問仲覺。曰。五雲和尚與芳三十棒。未審過在甚麼處。覺曰。不妨疑著。師便舉三頓棒。請益覺。曰。且道。臨濟從黃檗得力。從大愚得力。師曰。痛處難忘。覺曰。向後如何。師曰。坐斷天下人舌頭。覺。蓋面一掌。師一喝。便行覺。令作頌。師信口曰。黃檗佛法無多子。分明不從大愚得。脇下還參快轉身。是賊方能識。得賊覺。遽曰。賊在甚麼處。師曰。今日識得居士覺。休去。一日以拈頰呈菴。菴曰。昔白雲語五祖曰。有數禪客。皆有悟入處。說亦說得。下語亦下得。祇是未在汝拈頰。亦如是。且道。因甚未。在師曰。和尚莫惑亂人。好菴曰。五祖因。放出一身白汗。便明得。下載清風。如何。是下載清風。師曰。渠儂得自由。菴痛與一棒。師喝。菴復棒。師觸禮。便出。次曰。菴乃授。

以源流衣拂。閉關小參。寶劍在匣。誰敢犯其鋒銳。明珠在淵。自難掩夫光彩。苟馳情于炫露。不免虛尙。名聞設離。妄而求真。究竟實無把握。所以道獅子遊行。不求侶伴。鷲王擇乳。素非鴨羣。不藉修證。劬勞亦無方便。漸次但能覲體。歸元豈有絲毫滲漏。行住坐臥。處處圓成。產業治生。頭頭合轍。試看曹溪。確春兩脚。密祖柴荷。一肩米熟。自然經篩。雲散佇看日現。少垂一言半語。足堪耀古騰今。何在逐鬧趨時。始可承先裕後。明芳愚懦。無知自少。隨波逐浪。因叨知己。激勵指參。心地法門。趨向雖堅。習氣深重。不是病魔作難。便爲熱境牽纏。幸緊著草鞋。直入五雲深處。四威儀內。無非孤峻。鉗鎚二六時中。常示人天師範。一夜大夢忽醒。摸著娘生鼻孔。始知面目儼然。多費常住鹽醬。既然如是。則一超直入。萬行莊嚴。淨穢悉圓。覺伽藍寂喧。皆彌勒樓閣。又要閉關。作甚麼。良久起身。曰。敢煩大衆同到關前。聽明芳再爲露布。便入關。

龍聖龍門濟禪師三山陳氏子示衆泉鳴澗底風響

枝頭西來祖意。全放全收。你等諸人。更覓甚麼碗拈。杖旋風打散。示衆孤迥迥。無變易。石人夜半競吹笛。曉來門啓。興條然。山自青。兮水自碧。更思借火添燈。只向他道不必。小參不是心。不是佛。不是物。陝府鐵牛眼突出。嘉州大象忽擡頭。鷄子飛過新羅國。更有踏斷草鞋跟。掀翻坐具地。到者裏。山僧直須驗過了。打何故。嚙津絕粒。非爲妙。換骨丹。成始是仙。示衆狗子佛性。有衣破露出肘。狗子佛性。無滄海蠅底枯。若能于此知端的。看破趙州好大哥。良久曰。大衆還知端的麼。搖頭擺尾。非他物。莫向旁人問。有無問盡大地。是某甲本來面目。是否師指路邊松。曰。喚者個作甚麼。僧擬對師遽行。問如何。是古佛心。師曰。汝身得與麼矮小。僧禮拜。師便與一踏。問萬里無雲青天也。須喫棒。今日雲垂四野。合喫多少。師曰。怪山僧不得。師問別菴居士。你昨日因甚偷研常住柴菴。擬對師約住。曰。一欸便招。機位年嗣瑞安旃山傑峰解禪師開爐上堂。今日開爐有四件事。告報大衆。第一。世界安穩。第二。禪堂地平。第三。柴

火鮮明。第四大衆撲實。若作好事商量。不見道好事不如無。若作閒事話會。今日豈是講閒話的時節。畢竟合作麼。生試斷看。若斷得出。不妨撩起便行。奚待三月安居。九旬禁足。不然。且在布袋裏作一場佛事。以拂子打○相喝一喝。小參把斷要津。不通凡聖。放開一線。任運隨緣。祇如不收不放。又作麼。生不見道。至道無難。唯嫌揀擇。但莫憎愛。洞然明白。驀豎拂子。曰者個是明白耶。不明白耶。直饒見得。更有三十棒。在何故。絕後再甦。欺君不得。問如何。是旃山境。師曰。松柏參天。曰如何。是境中人。師曰。眼橫鼻直。曰如何。是人中意。師曰。坐立儼然。曰祇如臨濟向大愚。脇下還拳。意作麼。生師曰。以毒攻毒。曰請師別施方便。師便打。機位年嗣

何是生死業。師曰。戒定慧。曰顛倒不少。師曰。汝分上作麼。曰。捨貪瞋痴。修戒定慧。師曰。顛倒不少。問本來有生滅也。無師曰。惺惺萬法俱生。寂寂萬法俱滅。曰。既有生滅。應有變易。師曰。轉萬物爲自己。轉自己爲萬物。曰。安有定歟。師打曰。誰與汝卜度。機位年嗣毗陽石。筠禹門。統禪師。小參。從來無法可說。紙解看孔著。楔單提。濟北鉗錘。個事斬釘截鐵。若人遑得。便行說。甚紅爐點雪。更有鑿壁偷光。驢腰打教骨出。報諸人。瞥未瞥。實際理地。不受塵。一念萬年。始了徹。冬至示衆。一二三四五。蟬螳吞却南山虎。五四三二一。獨角泥牛。水面立露柱。痛拶上須彌。鐵鎚無孔也。出汁誰知。日日是好日。祇緣冬節是今朝。漏洩全機沒巴鼻。小參。蘇州有常州。有說甚面南看北斗。無影樹下合同船。伸手原在于縮手。顧左右曰。還會麼。葉落歸根。來時無口。機位年嗣京都毗盧證心明江禪師。保定清苑魏氏子。父母早亡。投桂芳林公。薙染廣濟。完授具戒。同林修造寶珠洞。繼興聖感。師功實多。參叅菴。于善應結制。有省。

維那問如何是父母未生前本來面目。師曰：赤紅皂黑，曰：死了燒了。齋師曰：真金不怕火試。維那首肯。從此精持戒律，粒米同食，布服芒屨，終身自誓。次謁雲居古入枯木堂。一日古問：雪覆千山，因甚孤峰不白。師曰：特出一頭地。又問：南泉斬猫，事如何。師曰：驢在目前。古曰：趙州頂草鞋，又作麼。生師曰：遲了八刻。又問：左邊是高崖，右邊是大水，前邊萬丈深坑，後邊大火來逼，且道如何迴避。師曰：竹密不妨流水過，山高豈礙白雲飛。古領之，嗣受記荊焉。出住毗盧入院。上堂法不孤起，仗境方生。今蒙安護法度，請說法。且道：說個甚麼。朔風透骨，滴水成冰。雪裏梅生，古今不味。有時毫吞巨海，有時芥納須彌。在大不增，在小不減。威音那畔，無欠無餘。六根門頭，放光動地。必定是個甚麼。齋古人道：有一物明歷歷，黑漆漆上挂天下挂地。常在動用間，動用中收不得。且道：收不得又如何。喝。一喝曰：玲瓏兔角橫，三際燦爛龜毛透。九皋古詞波。

京都慈明圓通明光禪師上堂：法不孤起，仗境方生。

◆子庭手

道不虛行，隨時應現。舊店新開，慈航早駕。動則無處不顯，靜則何地可藏。召衆曰：還會麼。本無一物著空花，豈撒時人眼裏沙。上堂：最初一機千聖不傳末後一句，薦在言前。風吹大地，杲日當天。等閒踏斷毗盧頂，脫體無依本。自然喝一喝。上堂：常光獨露，耀古騰今。權衡在子，斬斷葛藤。獨超方外，任意縱橫。卓拄杖曰：大道本來無隔礙，要假兒孫脚下行。拽杖下座。臘八上堂：隆冬時節，冷如鐵。人人閉口深藏舌，凝成冰雪。聳孤峰，夜觀明星猶不徹。大眾世尊觀星成道，今古相承爲甚。又道：個不徹良久曰：父母所生口，終不爲汝說。古詞波

橋李素堂道禪師小參：言無展事，語不投機。承言者喪，帶句者迷。只知適來上座問麻三觔向他道，我本東土人。却說西番話。且道：還有商量處麼。若道有辜負他洞山，若道無辜負那上座，事是恁麼。事人須恁麼。人何妨問若雲：與答如瓶瀉，設纖毫義理，填在胸中，挂在唇齒。向者裏水漉漉地，日後吞熱鐵，九莫怨今日不爲上座說破。爲仁菴覺道者對靈小參妙。

總放過大慧驪龍領下握珠凌行勘驗浮杯金翅翻
空劈海乃至臺山路上。錐子鎗邊施大機發大令莫
不肘後符靈頂門眼活。這一隊巾幗英賢法苑流芳
子古至如今。曰仁菴大士十年歸信宗乘一著當陽
獨用匡扶法社輔弼師承無上勝妙之心較之昔人
猶勝十倍真可爲獅子窟中獅子拚檀林裏拚檀郎
如一期能事既圓遽爾退藏于密遊徧化城不離寶
所一句又且如何。良久曰。卽此名園安養國不須更
自獻明珠。示衆舉世尊觀星頌曰。閨中少婦不知
愁春日。凝妝上翠樓。忽觀陌頭楊柳色。悔教夫婿覓
封侯。示衆舉張拙參石霜霜問秀才何姓云。姓張
名拙霜曰。覓巧尙不可得拙自何來。拙豁然省悟呈
偈師頌曰。石霜換斗移星手。巧字拈來拙不如。致使
秀才全入夢。猶言勝讀十年書。示衆舉婆子燒菴
話畢乃曰。婆子有啓鴻門之路。奈何撞破玉斗者僧
有赴宴之膽。未免委曲一時。解三
洪嗣

紅塵之白業磨不磷涅不緇修不無染不得動則涉
塵勞之境靜則沉昏醉之鄉不動不靜作麼生木童
火裏吹笙石女雲中作舞。解制上堂百歲光陰少
春生秋復老要透生死關須明向上道大海任翻身
乾坤隨起倒一念澄清時眞性可常保佛身併驢形
何從外所造告報行脚人參學休草草貧富如朝露
英名頃刻了直下歇狂心休向虛空討誰脫夏天衫
誰披冬月襖叮嚀記我言臨行休懊惱喝一喝下座
解三
洪嗣
順天圓通法曇表禪師山西陽曲李氏子母徐氏夢
一老僧託宿而生師幼樂靜坐十歲得病疾醫藥無
効父母懇佛許師出家由是漸愈十四歲禮佛本郡
魔庵守宗薙落年二十登盤山了宗心處圓具因隨
衆打七至第四日忽有省發胞弟偉珠淵激勵結伴
參方到揚州首謁天寧不契復上龍池天童雖然扣
激無虛中未穩當後入南澗聞研榮聲洞明向上然
終未灑脫復之顯聖平陽五磊因在資福隨衆出坡
聞鼓聲忽然虛空迸裂慶快通身又聞黃山雨峰網

道風特往親依。一見便問何來。師曰：「天目綱曰：彼處爲人如何？」師曰：「憤斷人命根。」綱曰：「因甚？」你命根不斷。師曰：「我無命根。」斷箇甚麼？綱曰：「前言不副後語。」師曰：「今日親見和尚，綱又問你僊鄉。」那裏？師曰：「山西。」綱曰：「汾陽昭祖是鄉里？」師曰：「從不識這漢。」綱拈香板，師拂袖便出。綱曰：「轉身句未。」在師週作掌勢。綱頷之。嗣受記，荊服勤二載，辭往燕都。初居正覺，復遷嚴淨，繼住圓通。上堂把住時，盡十方世界森羅萬象，洪纖長短，不漏絲毫。放行時，如大鵬劈海水，擊三千神鯤。圓南扶搖萬里，真有如是眼目。方許獨步大方，倘若遲疑白雲萬里。解制小參門前，有路放足通行。袋口一開，錐尖畢露，箇箇頭昂似虎。人人脚底如龍，祇有一件要與諸人說過。黑漆崑崙山下，過莫教打失兩行眉。上堂熱時熱，著寒時寒，著暑不到處，是甚乾矢橛。以拄杖畫一畫曰：「鬼神不能滅其跡。」佛祖不能窺其體。圓通門下論實，不論虛，爭不足讓有餘。曳拄杖下座。頌南泉斬猫曰：「半蓑烟雨半江風，不釣金鱗擬釣龍。腥氣渾身難躲閃，一言從此定綱宗。」

僧問：「無夢無想，無見無聞，主人公畢竟在甚麼處？」師曰：「竹影掃階，塵不動，月穿潭底，水無痕。」問所飲母乳，如四海水，此身積骨，如毗富羅山，未審誰是最初父母？師曰：「行也著，坐也著。」師經行一僧跪問：「如何？」師曰：「三元師舉足示之曰：『如何？』」三要師躡足一下，曰：「意旨如何？」師踢倒便行。廬山斗護法問：「恒河沙數佛未卜，先由幾位生？」師曰：「當面錯過。」曰：「若有僧家參得透，便能證果好修行。」麼？師曰：「莫相誇好。」曰：「兩箇泥牛鬪入海，直至如今無消息。」是何宗旨？師曰：「一點瞞他不得。」曰：「問著不應，成箇甚麼道理？」師曰：「聲震如雷。」山斗又呈本來面目，偈曰：「依依湛湛妙難名，浩浩蒼蒼宇宙盈。護道禪關空法界，了然一念卽前生。」師亦以偈印之。雨峰綱嗣

盛京千山龍泉偉珠淵禪師。山西陽曲李氏子。母徐氏夢紅光入室，分娩三歲。因病母許出家。五歲母亡。十歲父送本邑伏魔庵守宗剃度。十八發心參方首。謁平陽憨予，還示念佛是誰。未知落處。二十歲往汾陽圓戒北，上燕京謁大憬敏，敏豎一拳示之。酬答不

恰憶懽汗下進堂參究半年無所入辭出復歷講肆繼參沛庵源於海會執侍左右時時提究晝夜不眠如同癡人一日源問汝參甚麼師曰念佛是誰源曰可有入處師曰無處可入源曰殿裏拜佛去師纔跨門限見萬道霞光射入目中少頃從鏡光映出無數物件而彼時站在供案前不覺竟到五更殿主開門失驚問曰是誰師曰是我主曰汝是誰時豁然有省主又問師劈面便掌主大叫曰有賊了源曰賊在那裏師亦掌源曰元來是箇家賊師一喝源休去次春源受津門請師隨行上船源見有魚戲木乃曰何日是了期師曰湖海波濤潤渠儂任自由源一掌打師落水師纔起源曰道道師未開口源又打入水師復起源又打師曰竿頭絲線從君弄不犯波濤意自舒源曰如是如是至解制付授衣拂而記荊焉出住北京毗盧遵化金峰豐潤寶慶王田龍池盛京清風千山龍泉萬壽蓋州興隆諸刹上堂大而無外小而無內把住放行超群拔萃電光影裏正好翻身石火燄中各安本位無地不稱尊是處爲祥瑞遂喝一喝

曰更有要言切忌瞌睡小參今晚圓七勘驗已畢哮吼獅子解空返擲鼻孔遼天千聖不識至今還有識者麼良久曰一捺骨出晚參師垂問什到陽同萬物發生且道無陰陽地上發生箇什麼衆答不愜師乃曰木樨片細細嚼緩緩嚙擦過古香爐山門騎佛殿沛庵源嗣

京都興隆大珠智禪師江南丹陽袁氏子父汝瑞母王氏生時自能端坐七歲隨母進香見佛金色歡喜因而求出家十六歲父母俱亡遂投普慈寺禮棲真菴染二十上華山圓戒訖登三峰首參碩揆志一日挑水見地清徹忽悟心源洞明萬法遂入方丈志曰你挑水來此作麼師曰扁擔化爲龍志曰珠在什麼處師便劈面一掌志曰這村兒好打師云珠也不識志曰未在師曰再犯不容志曰可號大珠莫叫大符遂易今號繼往楊墳謁靈機觀一日晚參觀問如何是不從人得句師曰盡大地是箇學人竟甚麼句觀連打兩棒曰且道老僧在學人內學人外師曰深領一問觀領之後遊五臺到都門過嚴淨謁聖心覺機

見相投師資契合又蒙

和碩裕親王虔備衣拂再三勸慰遂受覺記荊焉丙辰繼席嚴淨次住興隆上堂萬法融通頓見無邊刹境心空及第全彰玉殿瓊樓直得泥神自起瓦礫增光耀古騰今輝天鑑地指長安爲極樂以大地作伽藍撐無底船聖凡齊度唱無生曲幽顯均資祇如今日覺院重光一句又作麼生薰卓拄杖曰頑石迸開新佛面法幢高豎萬年春上堂法身無病妙藥醍醐猶是剩法眼無瑕佛祖雖尊亦不爲總饒證無量三昧現無盡神通住無量億劫說河沙妙理其義無窮猶是淨法邊垢與道合乖作麼生別通消息良久曰簷前水滴非干雨夜半鴉鳴不是聲上堂心空無住若古鑑之無痕觸目皆真似寒氷而皆水明自心是萬法之根源悟萬法與自心不二且道卽今心在甚麼處喝一喝曰燈籠入露柱聖心覺嗣嚴淨香雲興禪師上堂三九臨年第一月相逢正遇好時節舉目遙觀法界寬屈指算來大小雪若問佛法事如何霜嚴樹頭光皎潔象王手內把氷稜獅子

口中含生鐵會得明明不等閒倒一說來無間歇喝一喝下座臘八小參世尊或道本無元妙正令當行照用齊到雪山六年氷懷雪操挂蛛網於眉間容鵲巢於頂奧如斯苦行逗到今觀星消息如何道顧視左右曰若是鳳凰兒不向那邊討示衆舉世尊初生話畢乃曰這老漢只知貪途不覺天曉雲門雖行正令也是接竹點月檢點將來各與三十棒何故齊家醜那可外揚頌世尊觀明星曰夜半明星光激盪骷髏觸著成一片通身是口向誰言強把衆生穿一串聖心覺嗣

五燈全書卷第一百六

五燈全書卷第一百六補遺

臨濟宗

南嶽下第三十七世隨錄

寧遠首山寧一暹禪師三韓郭氏子三歲因痘風父

母禱許爲僧十一歲送天寧洞明薙髮因見禪關策
進遂參念佛是誰。慙忠得戒後逢本師了宗。宗盛京
結制跋涉往參得徹法源而受記。前出住首山。大士
誕辰小參曰。麗風和蕩。煙霞扶柳枝。黃鶯啼古韻。露
出幾多詞。不是觀音示現。亦非普賢行施。泛慈航而
渡羣危。甘露一滴大地資。雖然如是。且道無陰陽地
上。又作麼生喝。一喝曰。陽回瑞靄彌天地。萬物枝頭
總得宜。小參父母未生前。有箇本來面黑豆。未生
芽。善財尋不見。見不見。倒騎牛。夸入佛殿。晚參上
下偷安爲叢林大患。古人言之切矣。豈是懶惰成道。
懈怠可得耶。且畢竟佛如何成道。如何得。若有箇
漢。聞恁麼道。便掩耳而去。首山撫掌稱慶。不見達磨
老漢。從西天來。無非覓一箇不受惑的人。山僧與麼
道。是醍醐語。是毒藥語。碩睹星悟道曰。寒空月落
夜三更。露出銀砂觸眼睛。堪笑瞿曇黃面老。悟來亦
是目中釘。月落三更夜已寒。明星纔露眼皮穿。總
饒悟得成何事。直至而今夢未還。碩五通問佛曰。
問道如何那一通。桃花開放杏花紅。飛鴻叫後秋空

老依舊遊人在夢中了宗
見嗣

灤州萬善暉洲吳禪師。灤州樂亭劉氏子。胎不食葷。
幼而凝靜。十一歲母逝。父送韓家。道禮曉空。薙髮十
八歲。發心閉關。跪誦法華。至安樂品。見佛子住此地。
卽是佛受用。頓然生疑。赴萬善。參了宗。見將疑語請
問。見便打。越發疑情。親依日久。始得諦當。中秋同衆
飫。月見令著語。師以手畫圓相。呈偈曰。碧天雲淨智
光圓。洞徹玄微絕正偏。萬戶千門悉仰賴。威嚴空寂
映人間。見領之卽囑出住。灤州萬善白道石佛盛京
華嚴寧遠地藏上堂。三世諸佛不知有。八角磨盤空
裏走。青州布衫重七斤。普化搖鈴慣抖擻。須彌頂上
扣金鐘。驚起泥牛夜半吼。嶺上石人暗點頭。誰解南
辰藏北斗。喝一喝。上堂。山僧今日抖擻精神。將如
來三乘十二部。一切修多羅。祖師千七百。則陳爛葛
藤。天下老尊宿。長歌短曲。傾心吐膽。不惜唇皮。盡情
吐露。舉似大衆。良久曰。會麼。惟此一。是實。餘二。則非
眞。解制上堂。灤陽城畔水流南。逐浪隨波下釣竿。
夜靜水寒魚不餌。輕舟高舉過蘆灣。上堂。黃鍾月

十五一陽從地鼓。郊外野烟飄。太史書雲舞。分明說
與知音知。冬至寒食一百五。上堂子粒成熟秋。後
看物物何曾有餘欠。信手拈來呈似君。盡力承當只
一半。且道如何是那一半。露柱撞倒燈籠。山門走入
佛殿。上堂華嚴有一語。分明爲君舉。不是趙州無
亦非雲門普。千聖莫能測。萬靈提不起。若問意如何。
眉毛是兩縷。頌文殊白椎曰。文彩未彰。機關漏洩。
直下一槌。節上生節。靈山無數。英豪未免。眼中著楔。
頌那吒太子析骨肉還父母曰。幻色不是色。真空
不是空。皮膚脫落盡。八面顯玲瓏。了宗見嗣

玉田重興無虛界。禪師玉田賈氏子。投蟠龍香林披
剃。首參體眞。眞得箇相應。復參了宗。宗得入堂奧。卽
時印可。出住林西。觀音繼住。崇興圓通。蟠龍妙峰。上
堂。山花野草。笑春風。臘去冰消。萬物豐結。制九旬。今
已滿。解開繩索。任西東。上堂。箇裏圓明透。徹眞空。
無去無來。達本歸宗。石女懷胎。走却西東。貓兒解捕。
鼠露柱。撞燈籠。藍田那裏。結制圓通。院裏打鐘。柳樹
著箭。桑樹紅。大千何處不春風。小參。茶能解渴。飯

能充饑。禪能越聖戒。能防非。若向這裏。領略得去。可
以種無漏。因得無漏果。發無量願度。無量生。顧視左
右曰。還見麼。彈指卽如來了。達眞實相。頌調達謗
佛曰。調達謗佛身。陷獄堂堂順逆總。家鄉雖然解道
三禪樂。也是啞子喫生薑。頌南泉莊上喫油糍曰。
捏目生花。老古錐。油糍喫了許誰知。言前難解。傾腸
腑。不管他人說是非。師於康熙己巳五月小盡日。
示微疾。語衆曰。吾時至也。隨沐浴著衣書偈曰。直下
承當無黨無偏。空華夢幻六十餘年。咄踏碎虚空雲
片片。佛國魔宮任往還。端坐而逝。建塔于蟠龍山。了宗見嗣

樂邑龍泉朗空順禪師。昌黎趙氏子。禮萬善了宗。宗
薙髮參隨。數十餘年年。示寂時。親蒙付囑。出住靜龍
泉。小參觀面相呈。無餘事。千林落葉盡歸根。雖然不
掛絲毫相。照徹乾坤耀古今。寂滅場中離色相。眞空
界內絕纖塵。天地同根原一體。說與知音著眼聽。
小參。若論佛法本無言說。但有言說都無實意。佛說
三藏十二部。一口吞盡。總是啞酒糟。漢與自己分上。

都沒交涉。所以道說似一物。卽不中。但能會取未生。已前一生參學事畢。雖然如是不著。一番親到處焉。能識得本來源。了宗見嗣

仁壽吼林鯨禪師。江南興化徐氏子。得法海會。出住仁壽。頌婆子燒庵。曰。凍葉無聲。花不知。薺甘徒博。蓼蟲疑高山流水。難同調。龜策茫茫欲扣誰。頌百丈野狐曰。寧可殞身莫違國制。不落不昧。猿啼鶴唳。黑霧漫空。古路迷人。寸寸肝腸碎。頌南陽擯侍者曰。鐵甲將軍入虎巢。伏兵亂發。罪難逃。若非主帥全機變。爭見從前汗馬高。頌古德喫油糍。曰。春日猶寒。晴空閃電。雨打桃花紅片片。綿綿密密不隔一線。頌一喝如金剛王寶劍。曰。青天白日。起雷霆。佛土魔宮。盡著驚大地。山河都粉碎。吹毛猶帶血痕腥。頌一喝如踞地獅子。曰。桓侯瓊水斷。當陽百萬貔貅望影藏。濯濯英聲高日月。於今誰敢犯鋒鏑。頌一喝如探竿影草。曰。千尺絲垂計釣鯨。先生滅竈又添兵。火光舉處釣機發。鐵額銅頭也繫纓。頌一喝不作一喝用。曰。王命旗出萬將寒。殺活由他掌內安。戰

北征南渾。莫測從教狐兔。髑髏乾。惹璞還嗣

京都靖安慧溥。仁禪師。平梁逯氏子。初參木卜安發。明心要。次參國教洪。乃蒙印可。出住汾陽香嚴。京都靖安上堂。問如何。是正令。行師曰。殺人刀。活人劍。僧擬議。師便打。問如何。是向上事。師曰。向上無事。向下問來。僧擬議。師便打。乃舉世尊陞座。文殊白椎。話畢。師曰。老將不談兵。文殊特請纓。一朝權在手。便把令來行。正當恁麼時。山僧性命在。諸人手裏。其或眼目定動。諸人性命。却在山僧手裏。喝一喝。下座。上堂。諸方結冬。浩浩山僧。這裏剛值修造。殿脊日曬風吹。牆壁東歪西倒。也欲袖手偷閑。爭奈公案未了。撐持此箇法門。要討當家種草。直須著著機先。切莫點卽不到。何故。全機大用。露堂堂。且漫蒙頭。被好上堂。雪滿千山。寒松獨秀。祖意西來。分明泄漏。換人眼睛。幾枚烏豆。伶俐衲僧。一槌便就。果能取證。本天然萬別千差。俱徹透。洪解三京都護法慈意。昭禪師。長沙安化賀氏子。幼歲投本邑報恩禮。羸輝出家。首參大鴻養拙。明得法於圓教。

解三洪出住護法寺。上堂者條通霄活路。千聖同途。萬靈合轍。南北東西。總是祖翁田地。行住坐臥。無非古佛家風。踏著的下。無私天然。穩密機機相應。法法全彰。不假思惟。通身受用。現前緇素。聞則同聞。見則同見。畢竟如何。委悉卓拄杖曰。人人心地。明如鏡。箇箇眉毛。眼上橫。解制上堂。結也得。解也得。千古叢林。舊規則無可比。無可說。杖頭指出。富天月大地。衆生影現中。兩眼分明。光皎潔。凡也得。聖也得。何必當來問。彌勒彈指。圓成八萬門。刹那滅却三祇劫。喝一喝。上堂。釋迦老子。橫說豎說。費盡婆心。總不出這箇。纔續以拂畫。○曰。這箇喚作正法眼藏。得麼。良久。喝一喝。曰。瞎驢趁大隊。示衆。舉文殊白椎。世尊下座畢。乃曰。世尊雖然穿透。諸佛鼻孔。也是畫蛇添足。還識文殊麼。可謂無紋鐵印。向空拋海底。泥牛連夜吼。示衆。舉文殊令善財採藥公案。畢。乃曰。文殊開權顯實了。無半點顛頂。善財眼快手親。豈有絲毫造作。雖然如是。可奈一莖草何。解三洪嗣

天津維摩陶明潛居士都門望族也。根性不凡。髫年

學道。參請於諸禪宿之門。深有所得。末受圓教。洪記。荊卽辭家。行化創維摩院於中山。建立規範。接納緇素。結冬休夏。殆無虛日。因學者之請。而有垂示語錄。輯而成帙。并著先覺集。乃居士之傳燈。始於維摩。終於本朝。蓋緣建此院而設其位。卽考其入道之由。參詳訂證。以成此書。亦士林中之罕有者。示衆。卽心卽佛。也是錯。非心非佛。也是錯。貧道與麼道。也是錯。諸人不與麼道。亦是錯。齋召衆曰。其間四錯。內有一錯。有賓有主。有殺有活。若人檢點得出。日消萬兩黃金。若檢點不出。滴水也難受。何故不是。其人難共話。大都緇素要分明。示衆。舉趙州曰。金佛不度爐。木佛不度火。泥佛不度水。眞佛屋內坐。趙州古佛。雖則爲人赤心吐露。大似開眼說夢。淨業這裏。金佛度爐。木佛度火。泥佛度水。祇如眞佛。豈良久曰。朝到西天暮歸東土。且道還有爲人處也。無顧視左右曰。心不負人。面無慚色。示衆。隔牆見角。便知是牛。隔山見烟。便知是火。因甚問著祖師。西來意。十箇有五雙不。會良久曰。祇爲分明極。翻令所得遲。示衆。舉初祖

達磨曰。我本求心不求佛了。知三界空。無物不如端坐靜觀心。只此心心。心是佛。元叟端曰。坐殺達磨大師了也。惜乎端老不與初祖同時若也。同時真箇坐殺祇如貧道分上。又作麼生。薰以拄杖架肩起身垂下一足高聲召衆曰。達磨大師來也。連棒打散便歸方丈。解制示衆。舉翠嵒道一冬以來。諸公東語西語。看翠嵒眉毛在甚麼處。中山則不然。一冬以來。並無一字與諸公說。還知中山爲人處麼。若也會得。鼻孔依然如或未然。直須挽起眉毛參。示衆若論佛法。徧一切處。非色非聲。滿眼滿耳。佛祖心肝盡情吐露。是汝諸人當面錯過。忽然不錯。又作麼生。道喝一喝曰。魚化龍。飛夜塘休辱。示衆樹頭落葉亂飄金。啼止難休。赤子心觀影。追風機貴捷。撥塵揮劍用須深。霜林遍布韶陽。普山水長鳴太古。琴刹刹熾然無間歇。逢緣若箇解知音。示衆鷹化鳩。眼在魚化龍。鱗在凡化聖。心在拂子化天。大將軍無在無不在。天大將軍復化爲拂子。有時將此方世界移于他方世界。有時將他方世界移于此方世界。其中衆生竟不

知覺何故。擲良久曰。只因太近。問如何是不二法門。士向上觀曰。向上之事意如何。士向下觀曰。一張無絃琴。惟師彈得妙。士曰。看破不值半文錢。問如何是本來面目。士打曰。會麼。曰。要會作麼。士曰。認著。依然還不是。解三洪嗣

江南龍舒澹庵龍禪師。小參汾陽庫下燒錢。棄縣堂前潑水。雖則各展家風。看來是何面觜。爭似我這裏也不燒錢。也不潑水。母論南來北往。未入門時。領取一頓且道。還有爲人處麼。驗人須用生鐵棒。佛祖到來魂膽喪。除夕小參。諸佛不知有。狸奴却有識得野犴鳴。原是師子吼。有了趙州茶。不用曹山酒。張公吃李公走。兩兩不成雙。三三亦非九。莫若無位真人。常年面南北斗。示衆舉古德喫油糍話。畢師曰。古德喫油糍。畢竟難瞞。庄主侍者因甚不知。不道他不知。末後也教得一半。遂震威一喝曰。莫寐語好。頌世尊初生曰。一聲霹靂。心空後萬里歌謠。建太平不是久經行陣者。幾乎錯認定盤星。頌百丈耳聾曰。馬駒出廐。乾坤動踏殺閻浮人。萬千今古儼然消。

息在不知若箇髑髏穿 頌百丈野狐曰兩處諸訛
總不真鐵船無底載乾坤數聲腔笛離亭晚一片孤
帆過洞庭源古水

京都廣慶西來禪禪師上堂不立語言文字山僧舌
頭不在口不許棒喝交馳廣慶拄杖不在手畢竟如
何是佛法的大意一行白鷺上青天兩個黃鸝鳴
翠柳 長至上堂葭管灰飛陰陽消長祇如坐斷兩
頭又作麼生卓拄杖曰寸絲不挂赤條條劫火洞然
終不變 孟蘭會小參師震威一喝曰地獄空也又
一喝曰三途息也地獄既空三途既息則上無諸佛
可成下無衆生只因逐妄迷真故爾改頭換面帶累
我觀音大士地藏本尊拖泥帶水鬼出神沒雖然如
是且至化無爲功超億劫一句作麼生道復喝一喝
曰共證菩提登彼岸罪因業果盡冰消 示衆舉趙
州勘二庵主話畢師曰一般豎拳何得何失趙州雖
然杓柄在手爭奈得便宜處失便宜 示衆舉大顛
擯首座首座口是禍門大顛家法森嚴活埋俗漢即
不無且道首座過在甚麼處具眼者看 頌女子出

定曰澄澄秋水月娉婷寂寂黃花滿院馨夜靜酒闌
人盡睡霜鐘敲散滿天星 頌殃幡產難曰傳言送
語路頭賒幾片黃雲日色遮一陣朔風寒徹骨枯椿
早已綻梅花源古水

隨州雙泉天睿沐禪師頌丹霞燒木佛曰嚴子持竿
上釣臺羊裘不脫令人猜到頭光武親尋得故舊相
逢笑滿腮 頌趙州洗鉢孟曰一聲啼徹五更寒喚
醒朦朧夢已殘擬謂東窗將欲白原來日上巳三竿
善嗣

京都隆禧大量宣禪師上堂月落天邊雲歸洞口荊
棘林中無片葉千峰猿穴有寒聲啼到耳邊人不識
却從箇裏幾沉吟顧衆曰還會麼我不輕于汝等
示衆秋風秋月入秋濤秋色秋山秋菊饒秋日秋雲
秋最巧秋來秋去杖頭挑卓拄杖曰挑的是甚麼物
聞之無聲觀之無色動之無形靜之無影佛祖不能
覷破衲僧亦未踏著衆中可有踏得著的麼衆默然
師良久曰看脚下 佛成道上堂舉世尊觀明星因
緣畢乃豎拂子曰見麼擊案曰聞麼世尊證此而末

後拈花迦葉證此而破顏微笑。三世諸佛歷代祖師。證此直指人心。見性成佛。天下老和尚。證此建立法幢。施設綱宗。山僧證此。續佛慧命。接利後昆。諸兄者。若能證此。不妨動用。施爲卷舒。自在未審。諸人如何。證此良久。曰。不經冰霜苦。怎識歲寒心。容字貴嗣

池陽龍門眉劍如禪師。小參東若相西若。將這盤好棋。當仁不讓。顧視左右。曰。南不收北。北不收兩。處諸訛也。須一棒喝。一喝曰。縱饒鐵笛齊吹響。任是飛龍點額回。小參明不明。暗不暗。分明說話。只一半。大家到底暗中看。不是分明休錯。亂鐵牛連日走長安。踏到窮途成倒斷。率亭耀嗣

□□□□□□禪師示衆。石虎崖前。吒怒雷木童。拍版唱高臺。燈籠沿壁逡巡去。露柱呵呵笑滿腮。枯木花。糝飄劫外。鎖蛇橫路任徘徊。殷勤報汝參元士。鬪額泥牛尙未回。浴佛上堂。今朝四月八。王宮生悉達。遺甌滿支那。惡水澆不殺。四十九年餘。饒舌恣切怛。雙眼黑漫漫。脚底乾坤濶。馬腹與驢胎。分身偏塵利。春風浩劫長。杜宇聲聲滑。聯燈潦倒多。猶把旂

檀蘇 問寒暑到來向甚處迴避。師曰。佛眼觀不見。□□

宛平西山雙泉了空禪師。關雲溪居士。啓龍華會。請上堂。問西來大意。卽不問龍華三會。請師宣師曰。畫廊不必重添翠。僧擬議師便打。乃曰。擬議思量。隔萬山。那堪拈弄許多般。會得如來真妙境。分明只在一毫端。大衆還會麼。今日關護法。虔請陞座。無可言說。無可呈示。祇得將龍華會中人人共有的通箇消息。嘉豎拂子曰。性體如如。廓太虛。常光顯露。更無餘寒來暑往。仍如是妙用。何曾在梵書。揮拂子下座。德嗣

京都廣渠門章京羅居士。諱起鳳。號岐山。世家四川成都簡州人。自幼因亂出蜀。在軍營中二十餘年。卽慕向上一事。後仕京師。遍扣名宿。皆不契。復謁海會聖心覺覺令參。一口氣不來。向何處安身立命。克意參究。寢食俱廢。一日偶過四牌樓。目觀五彩光。有省。遂述偈曰。鬧市場中機用全。常光寂照本悠然。威音那畔真消息。水在長江月在天。復到覺處處。覺問來作

甚麼士拈香曰。拈起一瓣香。朗朗照十方。如來真實意。遍界不曾藏。覺舉古今公案。一切諸訛處。徵詰之士。應機無滯覺。首肯書偈付囑。士每清夜不寐。人所異焉。小參今朝五月三路上。行人面負慚腳踏草鞋頭。頂笠眉連兩眼不須參。咄。拈趙州洗鉢孟話曰。這僧入門。便問趙州隨口便答。畢竟悟在甚麼處。良久曰。事從叮囑起。拈世尊拈花曰。世尊無風起。浪迴葉播土。揚塵帶累他。百萬人天。個個眼裏著沙。拈蘆陵米價曰。這僧逢人便問。青原信口相酬。諸公還會麼。今年雨水好。黍穀一齊收。拈文殊起佛見法見曰。曼殊室利。被世尊貶向二鐵圍山。畢竟過在何處。諸人欲知麼。遂搖手曰。再犯不容。頌泗洲塔頭侍者鎖門曰。纔見沙灘放白鷗。忽然平地起風波。翻身踏破澄潭月。回首春山錦繡多。頌本來面目曰。本來空洞寂寥。搜跡尋踪。路轉遙六十四年。祇這漢騎驢直上御溝橋。一日過南臺。臺間夜半放烏鷄。意旨如何。士曰。月明天又曉。臺首肯。聖心雙泉證庵印首座建寧張氏子。徧謁諸方。至伍山始

釋然放下。居首座寮二十八載。一日伍山基話及大顛擯首座。因緣祇如當時首座合下個什麼語。免教擯出。師曰。待大顛問是汝恁麼道。那但向道某甲無此語。基曰。文公道山門前見首座亦扣齒三十響。師曰。莫聽人言。基休去。洞源安州伍山蝶庵栴禪師。竟陵羅氏子。久參江浙歸楚。謁伍山基。基曰。什麼處來。師便囑基曰。著忙作麼。師提起坐具曰。這個是什麼。基打曰。放過則不可。師喝基領之。囑後繼席上堂。祖印高提。十方坐斷。拈起吹毛掃除。胡亂臨濟。德山兩個一貫。立旨建宗。還他個漢卓拄杖曰。信手拈來。巍然炳煥。喝一喝。退居郢州善慶而逝。洞源隨州雙泉楚嵐逸禪師。楚漢川倪氏子。示衆拂拂熏風殿閣。涼冷灰豆爆也。風光天然一段真消息。耀古騰今不覆藏。若論此事在諸人分上。頭頭揭示。凡聖一如。乃至十方世界一切衆生。無不光明動地。有何隔礙。豎拄杖曰。見麼。卓一下曰。聞麼。良久復卓曰。向道是龍潭不信。拈來使用也。洞源

隨州雙泉塋嶠坤禪師楚郢州王氏子總角依雙泉基芟烏巾侍有年深入玄奧長至上堂群陰今剝盡一陽此日生冬來有何意榜上問慈明以拂打○相曰於斯會得大道豈隨消長弱線任其增添五九盡日又逢春寸金難買寸光陰擲拂下座晚參舉五祖演曰舉則公案事事成辦向外馳求癡漢癡漢夫山儲曰有甚公案抵死要辦頂天立地須讓個漢師曰一個道癡漢癡漢一個道須讓個漢誠者天之道也誠之者人之道也顧衆曰還知二老麼兩個五百却成一貫雖然雙泉亦有個說處本有公案自家置辦頭頭撞著大丈夫漢僧參師問從甚麼來曰漢師曰一路上還踏著麼曰步步不曾離師曰踏著底事作麼生僧擬議師便打河源基詞

安州伍山隱讓禪師太原李氏子參河源基於祇園問無夢無想主人公在甚麼處師曰滴水滴凍基曰未得更道師轉身便出基曰且信一半師一日經行次基以竹筴逆迎之曰覲面相逢事若何師曰不是冤家不聚頭基曰祇如隣單墮枕高峰因甚麼去

師曰不因樵子徑爭到葛洪家基曰到後如何師曰原是舊時人基打曰者一棒合是老僧喫後繼席伍山僧問個事從來不遷變因甚麼昔年伍子宅今日梵王宮師打曰正是不遷義河源基詞

北京白雲密修林禪師上堂白雲常封戶今日爲誰開吹簫引鳳至鳴琴喚鶴來風雲纔際會製電復轟雷摩訶衍一義鐵鋸舞三臺祖師玄妙訣不用更安排河源基詞

奉化呂明宇大紀居士頌趙州勘二庵主曰一個拳頭用不同收來放去在其中縱橫殺活渠儂事覲面堂堂腦後通頌趙州茶曰一盞清茶嘗醉人肚中腸胃有區分茫茫宇宙誰能別打破鍾兒方始親辭世偈曰休休休七十年華付碧流笙歌競過眞消息明月清風得自由自牧心詞

壁城居士戴銘元宵看燈士有省作一偈呈楷庵承曰銀燭高燒滿眼紅頂門爍破羅飛龍而今始信不傳妙物物頭頭現本容承閱畢問如何是本容士曰觸處風光承曰未得更道士曰將謂別有那承休

去。次夕承見又問日來消息如何。士曰：笙管夜吹。

千嶂月松篁空鎖。一山雲承曰：卽今作麼。士曰：一任。

觀瞻。承曰：看脚下。士便喝。尙首肯而記荊焉。問如。

何是。諸佛出身處。士曰：庭前綠竹長新稍。曰：意旨如。

何。士曰：蓋覆天下。去在。曰：學士分上又作麼。生士曰：

古佛過去久矣。頌雲：門扇曰：嫋嫋春風輕撲面。無。

言桃李自成溪。一般意味何窮。盡宇宙茫茫幾個知。

頌勘二庵主曰：琵琶斜把向烟蘿。一曲清平古調。

歌堪咲。歌人兩片舌。暗乘明月泛秋波。

楷庵承嗣

萬壽記室古堂植禪師吳江吳氏子。元旦小參。無無。

無有有。有問著。生緣伸佛手。一聲爆竹報新禧。大家。

祝聖無疆。壽山自高兮。水自深。何用尋花并問柳。春。

到江南。樹樹芳六花。五出俱漏逗。且道如何是漏逗。

處。良久曰：雲門餠餅趙州茶。雪峰木毬紫湖狗。

無闍梨嗣

茶陵海機。滙禪師示衆。舉竹篋子話畢。乃曰：黑漆一。

條竹篋抵死妄生節目。橫拈豎握隨時。何處分背分。

觸。乃橫按竹篋曰：現前諸昆季。試定當看。良久曰：禹。

力不到處。河聲流向西。頌德山托鉢曰：抵頭歸去。

◆婆娑羅倒

早成疑。密啓何堪更弄奇。蠱毒之家無好味。愛他閒。

漢得便宜。頌女子出定曰：女子脫體風流。世尊開。

口招禍。若是文殊罔明早已與君勘破。

調空圓嗣

龍舒佛緣一庵堅禪師示衆。舉谷泉慈明同浴。毒龍。

漱話畢曰：艸窠裏。翻身波心中。跳出一滴水。脈兩處。

成龍。於此徹去。興波不作。浪擻霧不挈。雲於此未會。

好一條毒龍。死水裏浸殺。頌正法眼藏。瞎驢邊滅。

却曰：蹉過一生擔片板。兒孫那許亂承當。臨行掀倒。

婆娑國。只得渾身沒處藏。

函山圓嗣

青瑣中。一量禪師上堂。翹首俄觀天際雲。全提格外。

一枝春。馨香馥郁分高下。不顧從傍笑轉親。若是英。

靈衲子。須向百尺竿頭進步。萬峰深處精研。迥離成。

壞。香絕悟迷。到這裏。纖塵不立。正眼難窺。截斷衆流。

歸家穩坐。還有如是人麼。喝一喝曰：眞機本是超聞。

見。何必無端更撒沙。示衆。舉殃峴產難話畢。師曰：

一點眞機。通古渡兩頭。坐斷應時新。檢點將來。恐母。

子未得平安。在何故。從門入者。不是家珍。頌女子。

出定曰：池塘潏潏綠楊新。一片花飛渡水濱。魚躍朝。

朝蒙潤澤。鷗離來往樂芳春。永慶源嗣

天仙古霞佛禪師示衆。舉世尊陞座。話畢。師曰。世尊揚眉瞬目。文殊接響承虛。雖然同聲相應。爭奈落七落八。若欲據令而行。二老俱合吃棒。示衆。舉拄杖曰。一條白棒。信手拈來。有收有放。放則充滿法界。收則一毫頭上。且道不收不放時。又作麼生。卓一卓曰。留與兒孫做榜樣。大嚴廣嗣

京都隆壽昂雲相禪師上堂。回光返照。別展家風。山青水綠。八面玲瓏。心外無法。法外無心。諸佛命脉。懸絲在握。祖師秘訣。鼻孔撩天。且道今日事。又作麼生。喝一喝曰。明星當午。現白日不移輪。上堂風寒飛白雲。松老凝青。藹一片住山心。泉流聲不改。薦豎拄杖曰。還會麼。七尺烏藤。無用處。依稀形似赤斑蛇。擲拄杖下座。頌德山托鉢曰。當陽句。奪箭鋒機。父子雙雙各展奇鉢。柄被人偷去了。不堪疑處。更堪疑。頌女子出定曰。鬼鬼乎。青山洋洋乎。流水清商調譜。伯牙琴一曲。寥寥寒鳳尾。聖心覺嗣

荊州報恩法淵澄禪師。荊之枝江陳氏子。住天王佛

成道上堂。僧問。如何是天王境。師曰。御路如絃直。如何是境中人。師曰。相逢覲面親。曰。人境雙忘時。如何。師曰。天邊一鴈飛。乃曰。夜觀明星阿誰曉。是聖是凡。都靠倒。惟有鼻孔無處藏。碧稜稜底光皎皎。天王見得爲他扭捏。一上以手作扭鼻勢。曰。釋迦老子。隨手來也。既曰。一切衆生。俱有如來智慧德相。何故大驚小怪。雖然。不因樵子徑爭到葛洪家。上堂。秀公北宗地千載絕。是非山僧。今到來雪曲和難齊。聊作住山翁。輸我都不會報與諸方參學人。輕輕莫踢度門路。水鑑海嗣

揚州儀真地藏慈石珂禪師。蘇州范氏子。繼席上堂。從門入者。不是家珍。自己胸中流出。蓋天蓋地。豎拂子曰。會麼。等閒刺破娘生眼。無限風光笑不休。水鑑海嗣

重慶寶蓋本懷上禪師。郡之璧山人。參棲賢。敬曰。則汲水供衆。夜則入堂參究。竭盡勤勞。及隨天王。海住荊之鐵佛。儀之地藏。每充要職。戊申。描海真歸蜀。海授以偈。入蜀覓親墳。廬莫知其處。連然拭淚。後住寶蓋。履行。冰潔四衆景仰。僧問。如何是佛。師曰。汝是奴。

兒婢子僧禮拜師喝出康熙甲戌住天王旋示寂塔

於天王水鑑海嗣

長沙益陽石門信庵哲禪師江陵陳氏子年三十三

投天王海薙染旋領院事端重稱職海景崇信削髮

天王遂以信庵字之住儀真地藏晚遷石門上堂天

得一以清地得一以寧拄杖子得一又作麼生良久

卓一下曰天晴不肯走直待雨淋頭一齊打散水鑑海嗣

儀真地藏楚庵璨禪師荆之枝江人初住董市金龍

寺復遷儀之地藏僧問如何是地藏境界師曰楚楚半

林竹蕭蕭一徑煙曰如何是道師曰門前河路達長

安水鑑海嗣

武昌鶴林芝庵明禪師荊州公安周氏子佛誕上堂

僧問未離兜率已降王宮未出母胎度人已畢今日

事作麼生師曰開口不在舌頭上乃曰指天指地七

步周行頭角既露無處藏身雖然未遇雲門手却使

兒孫簸嘴唇康熙丁丑補漢陽棲賢閱五越月示寂

門人迎龕歸鶴林塔於寺左雙峰山北水鑑海嗣

鄂州黃龍半峰青禪師竟陵吳氏子參天王海於棲

賢俾職堂司一日海豎拂子曰向這裏道一句看師

曰道過久矣海曰不妨再道師曰若再道是第二句

海領之同參相訪問近有新鮮句子麼師曰曲徑無

人到山高有鶴棲示衆歷滿春山洞口花背陰出

畔有雲遮分明有句無人識道者家風事事賒繼

席天王上堂向上一機天然適別突出當陽千聖罔

測山僧今日符到奉行又如何道太平不用施謀略

惟把心香祝水鑑海嗣聖明

荊州天王還燈敏禪師孝感張氏子受天王請示衆

山僧克念住煙巒投老閒身耐歲寒今日使符天上

至是非從此落人間問世尊具無量海口說不思

議法如何是不思議法師曰風吹石臼演摩訶曰一

法若有毗盧墮在凡夫萬法若無普賢失其境界去

此二途請師速道師曰冬至寒食一百五水鑑海嗣

荊州極樂佛照寬禪師安陸雷氏子示衆極樂院向

西住兩池夾鏡波光翠槐陰罩地馬登枝柳影橫塘

魚上樹諸人若作山門境話會敢保未闕故鄉地若

作真如法性會此人未達圓通理且道畢竟如何滿

院薔薇昨夜開。渾身不覺香魂醉。水鑑
海嗣

荊南寶勝傳一福禪師本郡陳氏子。示衆不是心。不是佛。不是物。是箇甚麼。揮案一下。曰。豁然擊斷黃金鎖。笑看章臺桃李花。水鑑
海嗣

荊州延壽尼上機本禪師魯山人。姓金。禮天王海披緇受具。乃以本參話頭。不明。每自泣。下一日問海。曰。如何。是一歸何處。海曰。師姑。元是汝人。做師便喝。海曰。青州衫。又作麼。生師提起衣。曰。此是破羅衣。海印以偈曰。百千三昧何爲本。彈指門開非上機。喜汝眼睛端的。處青州衫換破羅衣。水鑑
海嗣

樊川大唐律綱宗禪師武昌王氏子。幼歲超羣。棄儒就釋。投本邑洞暎燈薙染。示衆頭頭示現。物物全彰。馬師一喝。百丈耳聾。黃檗吐舌。臨濟還拳。一箇箇敲出。虛空骨髓。劈開佛祖面門。乃顧視左右。曰。還見麼。近水不知遭渴。處飲人一滴也難消。虛堂
偉嗣

海會量舟汗禪師上堂。徧界不曾藏。明明全顯露。五葉自聯芳。祖祖相傳授。展兩手曰。莫錯過。休錯過。驚起嵩山破竈墮。小參舉普化曰。明頭來。明頭打。暗

頭來。暗頭打。虛空來連架打。左右來旋風打。師曰。普化用鐵牛。機奪饑人食。還他作家海會者裏。只有一味鐵釘飯。木查羹。任你諸人橫吞豎嚼。倘若一下嚼破。自能通身暢快。何必山僧重爲饒舌。拈竹篋子一齊打散。解制上堂。雲從龍。風從虎。鸞好歌。鳳好舞。堪笑驢子弄蹄行。春風浩蕩。雲門普八角磨盤空裏飛。驚起須彌顛倒。吼今朝。七九六十三。禪和騎牛摸鼻走。草鞋踏在月明中。更有八九共九九。頭女子出定。曰。杜鵑啼徹百花深。風弄飛花滿地金。春令五行貧也富。紛紛濃艷漫相尋。真波
古嗣

五燈全書卷第一百七

京都聖感禪寺住持臣僧 超永 編輯

京都古華嚴寺住持臣僧 超揆 較閱

呈

臨濟宗

南嶽下三十七世隨錄

處州半山壁觀默禪師頌古德喫油糍曰。山前流水

弄瑤琴聽罷漁翁笑不禁今古未知霜月裏脚跟走

斷是何人隨菴
欲嗣

處州福安景蓮源禪師問如何是福安境師曰天池深莫測曰如何是境中人師曰倚杖看雲飛曰不薦師機再請剖露師拈拄杖卓一下曰假鷄聲裏難瞞我未肯模糊放過關隨菴
欲嗣

處州宣陽東巖慧觀賢禪師問如何是東巖境師曰泉底穿明月峰頭起白雲曰如何是境中人師曰香飯慣分霜雪裏衆山猿鳥飽無聲僧作女人拜曰謝和尚慈悲師曰西巖今日有齋隨菴
欲嗣

處州青田石門大圓鏡禪師問如何是妙音境師曰田上月明三尺浪屋頭春老六朝松曰如何是境中人師曰吞乾大海半邊杓指住斜陽一杖藜曰作家相見事如何師曰且坐喫茶蒼石
立嗣

石渚太平谷應乾禪師上堂舉臨濟一日與普化克符二人曰我欲于此建立黃檗宗旨汝二人可承禪我三日後普化問三日前和尚道甚麼濟便打三日後克符問三日前和尚打普化做甚麼濟亦打師曰

你看那普化克符二人展大旗鼓逆風揚塵臨濟大師雖成一株大樹蔭覆天下人只是眼孔太窄欲立先宗止望那二人成禪山僧不然亦欲于此建立廣惠宗旨現前大衆個個都教成禪我若要成禪不待三日前三日後上來下去總教喫山僧手中痛棒何故齊心不負人面無慙色啓密
綿嗣

益州兜率不磷宗堅禪師斬州孫氏子二十五歲投雲南嵩山慧脫白參本來無一物三年無所得一日兀坐聞旁僧一喝有省呈悟由慧打曰臨濟在黃檗處得力在大愚處得力師曰落得一場笑具慧曰未更道師舞具便出一日慧問如何是萬象之中獨露身師曰明如日黑似漆如何是衲僧巴鼻師曰瓦礫相然諾石頭解笑人慧領之上堂活人劍離相離名活人刀絕魔絕異拈起則乾坤鼓舞放下則大地增輝到者裏直須知有向上一竅格外提持佛魔俱遣凡聖兩忘方有入路今日兜率不惜眉毛旁通一線去也以杖擊禪床曰棒頭有眼明如日要識真金火裏看嵩山
慧嗣

契嵩嶽禪師山居示衆冷披破衲熱披葛渴飲一瓢
饑一鉢山中無曆記年華轉眼花開葉又脫晦菴道嗣

揚州葉菴果禪師郡之陳氏子示衆師舉扇曰拈起

也函蓋乾坤拂拂涼風生大地放下也縱橫日月炎

炎暑氣逼涼天忽拈忽放全體照用不拈不放迴絕

炎涼人人盡道臘月扇子用不著山僧則不然何故

相逢自有風流態何必扶搖天地間大乾明嗣

仙巖首座化國鐸秉拂小參諸兄弟來此山中參究

還有透徹者麼薦豎拂子曰于此透徹去能使盲者

見聾者聞啞者說所謂見見之時見非是見見猶離

見見不能及還會麼須知耳聽終難會眼裏聞聲方

始知天目智嗣

天堂太虛空禪師中秋小參天上月正圓人間道月

半不用擬思量打鼓普請看大衆看則一任看畢竟

那個是真月以拂子畫○曰莫錯認示衆以拄杖

卓一卓曰若向者裏薦取落二落三不向者裏薦取

落二落三畢竟如何話會復卓拄杖曰參天目智嗣

永嘉大羅兜率中安質禪師被盜示衆山居兜率靜

即天宮盜者相尋囊藏不得由是家私劫盡幻物一
空要知宿債應償不免歡喜忍受其奈人心不滿貪

欲無邊逼拶將來鞭敲繩縛喝不領會默示徒然到

這裏通身手眼也無用處畢竟作麼生得休歇薦豎

拂子曰大衆見麼到底家珍偷不去可憐空做賊名

聲問和尚被盜細縛得無熬煎師曰山僧似覺通

身慶快曰好事不如無師曰知音者少天目智嗣

永嘉護國範遠彥禪師小參山僧昨日有一句子未

出方丈門早與諸人道破了也還有聞得記得者麼

試出來舉看衆皆默然自代曰晝夜鐘聲一百八

開爐上堂師以拂子打圓相曰大衆還識護國者裏

現成爐韜麼一向柴足炭足惜手幾歷兵燹直得烟

消灰冷山僧今日于冷竈裏下一把火爲要兩序勤

舊添柴添炭互相著力將十方三世盡空法界塵勞

生死解脫涅槃情與無情一齊打入爐中管取金聲

玉振普有光輝正恁麼時設有不入爐韜不受鉗鎚

的山僧但冷笑一聲若知山僧這一笑管取參學事

畢元旦上堂新年佛法有舌頭常在口新年佛法

無水上捺葫蘆。新舊有無都不涉。光陰迅速莫蹉跎。

天目
智嗣

永嘉白門卓然立禪師。示衆我有沒絃琴。一向懸高壁。不是不會彈。只是少人識。以杖置案。作彈勢曰。欲識琴中意。何煩絃上聲。勸田示衆。我無大義可說。慣用勸頭一橛。鏟除異見。稠林翻轉。劫初田地。下菩提種。開優鉢花。結無生果。令一切衆生。歡嚼飽滿。願左右曰。還有知味者麼。良久。以勸築地曰。正好著力。示衆。未生前。屋破見青天。已生後。袖穿露赤肘。現

在的。直到驢年。會卓拄杖喝一喝。

天目
智嗣

永嘉白塔尼照清光禪師。本邑相國張文忠公孫女。十三歲爲父死。難卽持齋。誓不出字。二十四薙染參仙巖智。一日呈偈。頌智曰。偈頌且止。你將公案說看。師進步默然而立。智曰。圖吞棗。師曰。千峰勢到嶽邊止。智曰。萬派聲歸海上消。又作麼。生會師退步默然而立。智休去。示衆一棒一條痕。一掌一握血。辣手不容情。祖師真妙訣。識此訣。生死徹。擲下竹篋曰。惟此最親切。

天目
智嗣

眉聲居士明誠浙瑞安林氏子。世名齊鉞。字仲覺。幼聰穎。攻文史。略年十五。省父法幢。幟于四明大梅山。知發心參究。幟指謁雪竇雲多所訓誨。嗣見大梅寤于武林。令參狗子佛性。趙州因甚。道無道。有每參諸方。皆以狗子佛性話爲問。適游浦江。晤多子。無于水月菴。見案頭有垂絲千尺。意在深潭。話忽有省。曰趙州敗關。被我捉得了也。無曰。那裏是趙州敗關處。士曰。不被和尚惑。無曰。狗子。士擬對。被無一喝。疑情復發。時霽。崙永卓錫雲外。士登峰參。請凡十寒暑。一日復叩前話。永曰。佛性則且置。喚甚麼作狗子。士不覺從前膺礙。一時放下。踴躍曰。嗟。永徵曰。佛性。士仍作舞躍狀。永曰。是甚伎倆。士卽呈偈曰。獅兒不受黃金索。隨類翻身展大雄。却笑趙州無伎倆。隨人起倒敗家風。永頷之。臨行乃問。永曰。不昧本來人。請師分付。永曰。清泉流出甚分明。士觸禮一拜。永曰。本來人。士曰。弟子告辭。和尚去也。永攔住鼻曰。還在這裏。士拂袖便行。一日問永曰。如何是太平。本是將軍定。永曰。惺惺著。士曰。不許將軍見。太平又作麼生。

承曰正好著力。士曰學人則不然。承曰你又作麼生。士曰一人有慶兆民賴之。承曰咦。丁巳秋。承乃授如意源流偈曰。十載爐錘。鍼芥合西。江吸盡了。無依須知。吾法同儒道。善自施爲。展大機。文學陳聖俞。問文殊七佛之師。因甚出不得。女子定士曰。文殊且置。喚甚麼作女子。陳沈吟。士震威一喝曰。因甚瞋睡至此。陳踴躍曰。原來如此。士曰。罔明。陳作禮曰。一串穿却。士領之。隨喜楞嚴講期。座主講至第一月。第二月月影士失笑。僧介石芳便問士曰。且道如何。是第一月。士曰。無眼耳鼻身意舌。芳曰。如何。是第二月。士曰。蒼黃赤白。憑君說。芳曰。如何。是月影。士曰。長江水面波千頃。芳復請作偈。士信口曰。問我楞嚴第一月。觀體圓明。非喻說。堂堂密密。燦虛空。十方世界都含攝。問我楞嚴第二月。有情無情。熾然說。揚眉瞬目。直承當。粗拳惡棒。當頭楔。更問楞嚴說月影。日用常行。自不領一念迴光。是甚麼。五雙十個雲門餅。芳遂矢願參宗。一日問士曰。一切衆生皆有佛性。爲甚麼佛放眉間白毫光。照東方萬八千國土。衆生不能見。

喚童子曰。天亮也。未童子報道曰。頭正上山。士曰。還可道衆生不能麼。芳躍然。李標遠問如何。是海底泥牛銜月。走士曰。時至若知無滲漏。風迴便可結靈胎。李曰。如何。是巖前石虎抱兒眠。士曰。動靜不隨聲色。去保持豈在有無中。李曰。如何。是鐵蛇鑽入金剛眼。士曰。扶桑合璧方成。朔滄海擒龍始見。殊李曰。如何。是崑崙騎象。驚驚牽。士曰。樓閣門開。彈指入衆生魔佛共毗盧。李曰。高峰道四句中。有一句能縱能奪。能殺能活。畢竟是那一句。士薰面便唾。耆儒章于磐。問不落因果。因何却墮野狐。士曰。此處無銀二兩。章曰。不昧因果。因甚却脫野狐。士曰。如上所供是實。章曰。祇如脫却野狐。還作甚麼。士高聲喚章先生。章遂信宗門。卽問喜怒哀樂未發時。如何。士復喚章。章應諾。士曰。是甚麼。章欣然復問。孔顏樂處。又作麼生。士曰。用之則行。舍之則藏。僧問趙州訪二菴主。一樣豎拳。因甚有肯。不肯。士曰。你道不肯。那一個曰。淺水不是泊舟處。士曰。獅子戲人。韓盧逐塊。僧忽省曰。恁麼則二菴主俱是作家也。士曰。獅子戲人。韓盧

逐塊僧踴躍作禮曰從今不被天下老和尚惑也士便掌曰逢人莫錯舉 陳兆彬問五祖演謝監修上堂曰人之真性命須是○這個這個是甚麼士曰龍從火裏出彬曰五祖道若欲成就這個先須防于○這個這個又是甚麼士曰虎向水中生彬曰五祖道若是真○這個人這個是甚麼人士曰但盡凡情別無聖解彬曰○○又是甚麼士曰我見燈明佛本光瑞如此士嘗有偈曰北海泥牛吼中天玉兔生金烏吞一口動靜悉圓明一掌又一喝毒人痛到骨俗漢最用情切莫道唐突玉泉揆永嗣

東嘉大羅山玉泉寺禪印正禪師本邑徐氏子父母念其胎齋七歲時命禮羅隱洞石龕任老宿羅榮年十七任公指參諸方末入深雪室徹法源底嗣即記前開法玉泉 小參舉梁山道南來者與他三十棒北來者與他三十棒雖然與麼不當宗乘後來瑯琊道梁山將一片真金當頭鐵賣却瑯琊即不然南來者與他三十棒北來者與他三十棒一任天下人貶剝師曰玉泉又不然南來者聽他南來北來者聽他

北來各與濃茶白飯款待若要山僧棒與未敢相許何故齎黃金自有黃金價終不和沙賣與人 示衆鐘是鎮鑄飯是米做汝等諸人終日觸著敲著只是不肯承當觀面錯過帶累山僧鼓舌搖唇指東話西舊題新做不錯過齋豎拄杖曰且道這個是甚麼上堂僧出擬問師以杖約住曰住住今朝仲冬初一山僧無法可說擲下拄杖曰有人直下承當一生參學事畢 晚參舉雪峰拄拄杖曰山僧這個爲中下人僧問上上人來如何峰靠拄杖便休雲門曰山僧這個也爲中下人僧問上上人來如何問拄拄杖便打師拄拄杖曰山僧這個一味平等不論上中下根總教伊立地擣去汝等諸人還識這個麼衆無語師連卓拄杖歸方丈 佛成道日上堂黃面瞿曇夜出城婆婆由此禍根生雪山六載饑寒逼却被明星換眼睛以拂子作○相曰祇這個莫沈吟不是佛兮不是心復擲拂曰舉頭天外看誰是我般人 丁卯元旦上堂立春已十日鳴鐘慶元旦時序暗推遷初一仍不換大衆既是初一因甚又喚作元旦不見道月

月有初一日。日是好日。山僧住此已三年。本命元辰何得失。忽有個漢道。今日元旦。上堂說到本命元辰。作甚麼。山僧只向他道。記取一萬事。畢。春三夏六。忽逢秋千里。神駒追不及。師于是年七月初一日示寂問城東老母與佛同生。因甚不肯見佛。師曰。抱賊叫屈。曰。兩手遮面。總皆是佛。又作麼生。師曰。料你放不下。僧禮拜。曰。某甲親見和尚。師曰。更禮三拜。問如何。是一同一賢。師曰。錦繡重重。如何。是二同大事。師曰。石頭土塊。如何。是三總同。參師曰。泥猪癩狗。如何。是四同真智。師曰。紅爐點雪。如何。是五同遍普。師曰。萬象森羅。如何。是六同具足。師曰。頂天立地。如何。是七同得失。師曰。坐斷虚空。如何。是八同生殺。師曰。橫按鐵鐺。如何。是九同音吼。師曰。風吹石臼。如何。是十同得入。師卓拄杖曰。向這裏薦取。問如何。是佛。師豎拳曰。如何。是道。師展手。問如何。是和尙家風。師曰。鋤頭刀斧。曰。還更有麼。師曰。斫斷汝脚跟。師門風孤峻。嚼蘂飲冰。本色鉗錘。象龍蹴踏。康熙丁卯之歲。朝上堂。微露順世之意。無何示疾。至孟秋朔日晨起。書偈曰。

三十三年大夢一朝緣盡。歸休四恩重大。未曾酬爭怪。平難分手。生死不離。覺海何須分外牽愁。泥牛吼動。海天秋試看再翻觔斗。擲筆而逝。塔于羅隱洞之西麓。同門明誠輯。聖威永嗣鵲沙冰輪。祚道者參深雪。本師制期中有省。值黃捷菴問本師。一口氣不來。向那裏安身立命。本師振威一喝。捷菴茫然。本師曰。山僧今日失利。道者便問。適纔和尚喝捷菴。這一喝。是臨濟四喝中第幾喝。本師便掌道者。亦掌本師把住。曰。是第幾喝。道者連喝。本師曰。還有一喝。嚮道者吹滅燈火。而出。本師曰。慣得其便。深雪解制上堂。道者問。世尊拈花迦葉微笑。達磨西來得遇神光。和尚今日佛法流通。何處本師曰。汝還瞌睡在。道者曰。一盲引衆。盲相牽入火坑。本師曰。抱賊叫屈。漢道者曰。也須和尚證明。本師曰。又與麼去也。道場山兀菴源問冰輪。日出又如何。道者曰。爍破和尚面門。鐸菴遠問堂中磬。終日口向天。爲甚不下一語。道者曰。開口成雙。懶無言落二三金粟。天岸昇問。此夜一輪滿。清光何處無。因甚不

照覆盆之下道者曰車不橫推理無曲斷 問德雲見妙高峰因甚七日不相見道者曰官不容鍼曰因甚七日後別峰相見道者曰私通車馬 問黑豆未生芽事如何道者曰昨日秋曰黑豆已生芽道者曰今日冬 頌女子出定曰七佛之師顛倒顛何勞期盡力千般識得瞿曇真面目憑他女子坐驢年

頌百丈野狐曰不落不昧韓獪逐塊不昧不落兩途俱錯直饒因果分明總與一坑埋却 頌庭前柏樹

子曰西來不是柏樹子柏子不是西來意雖然拈得

目前機到底終成第二句 頌德山托盃曰托盃堂

前遇雪峰熱腸遭在是非中果然只得三年活移却

西來換却東 讚本師像曰臨濟兒孫銅頭鐵額惟

有景雲逾加惡極白棒毫不留情一喝千江水逆描

畫未成誰能辨的覲面相逢佛祖不識某甲有恨難

消只把瓣香薰鼻同門明誠錄聖威永嗣

繼雪堂仁菴覺道者氏出華胄夙慧不凡少嗜易理

嗣聞殊雪本師名修書問道甚是懇切本師初致問

曰喚著念珠則觸不喚念珠則背不得有語不得無

語速道道者苦參數晝夜忽聞鐘有省卽復本師曰喚著念珠則錯不喚念珠亦錯不得有語則恰不得無語亦恰速道道不道不道和尚以爲何如本師曰只爲分明極本師又致問曰道者果爾信徹無時不與三教聖人覲面且道如何是覲面句于此識得初祖安心竟道者答曰承問三教聖人覲面句弟子向未有三教已前早已道破又何必初祖安心師畫○曰這個道者拈白紙一幅來本師首肯而記荊焉 靜祖百日之期本師上堂道者問花放當林柳垂古渡今朝成服百期老祖遺範宛然大衆不敢錯過不錯過的共作陽春一助本師曰雨添三尺水風散一庭花道者曰臨風吹玉笛恰是一家音本師曰一回飲水一回噎一度臨風一度愁道者曰不妨傾盡此時心本師曰善爲珍重 本師誕日上堂道者問花開根熟地久天長未審本來面目還落視聽也無本師曰不與虛空安耳穴道者曰劫石可磨此心不易本師曰豈憑露柱著眉端道者曰勿將支遁鶴喚作右軍鷺本師曰一以貫之道者願左右曰

既到翠微峰頂上。大家齊賀太平時。本師曰。可謂晉之以禮。問過去佛阿誰證明未來佛。我不喜聞。現在佛何處藏身。道者曰。莫瞌睡。問昨日地動大吠。人喧護法。河曾受驚恐麼。道者曰。長安雖開我國晏然。頌世尊觀星曰。千年老樹忽成精。利利塵塵盡露形。可笑後人無智眼。見他還道悟明星。頌女子出定曰。本是青天與白日。文殊罔明俱著賊。兩頭坐斷甚分明。任從入兮任從出。頌百丈野狐曰。也莫認真也。真假桃紅李白兩相宜。任憑雨打芭蕉葉。無耳之人總不知。頌十智同真曰。強把虛空分塊數。只將燈草挂須彌。自從捉敗汾陽後。不向山前讀舊碑。頌德山托鉢曰。知音莫向知音學。若遇知音禍轉多。密啓纔明末後句。紛紛從此起諸訛。道者病篤。因老嫗問僧耶。耶。道者隨聲應曰。若喚是僧。原在俗。若喚是俗。本來僧已得圓通。自在便成清淨法。身軀亦不減。凡亦不增。亘古堂堂真。實相摩醯正眼。頂門新展起。焚香禮佛坐中堂。集諸眷屬。揮拂說偈。以示訣別。少頃。本師至。道者稽首曰。弟子不能侍師。

矣。早生南方長者家。童真入道弘揚臨濟正宗。是所願也。微笑而逝。同門明誠錄聖感永嗣瑞安雲嶼天頴。浩禪師記。荊日玉泉請小參。諸佛有寬廓不盡的法。列祖有縱橫無礙的機。祇在覲面承當。所貴全身擔荷。如壯士展臂。豈假他力。凌風快鷁。一舉翺霄。今日浩上座。既膺本師老人大任。又蒙長兄和尚相推。可謂道誼重千秋。意氣膠和漆。只得將現前衆兄弟。人人共有的拈來。作個證據。薦豎拂子曰。還委悉麼。山本崔嵬。水本深知。音鳥用頻。頻舉揮拂子。示衆不是心。不是佛。不是物。若人覷破。奴喚釋迦。僕呼彌勒。其或躊躇直到驢年。相救不得。問。嚙破鐵酸餡。因甚。路上有饑人。師曰。切忌話墮。問。虛空無背。向何緣。有東西南北。師曰。不因一問。幾乎忘却了也。同門明誠輯聖感永嗣長洲萬青居士錢選業儒。信佛事母至孝。母蘇氏飯僧好。施長齋課佛。後示微疾。念佛而終。士深悲切。詣華嚴。豈處問如何。參究得報母恩。豈曰不見昔日那叱太子。拆骨還父。拆肉還母。然後現本身。爲父母說。

法如能會得不唯一生父母多生父母一時酬畢從此立念參學。悟徹方休。背腰包遍禮名宿。如資福靈機。觀報恩。骨巖峰。天目。全菴。進金粟。石菴。琿吳。越諸山。參請者不下百餘員。雖時有契會。機緣頗多。然一種膺礙未釋。不敢自欺。一日訪蛤菴園于西山。隆恩纔入方丈園。曰居士帶得小蘇州來麼。士曰教壞人家男女園。曰因甚麼走到老僧腳底下。來士曰某甲罪過。園曰汝不會我語。有霽崙和尚明眼宗匠。汝必須志誠參。請當與汝說。破土因謁本師于萬佛寺。初到丈室。士曰和尚住此可謂龍到水到。旁僧曰居士莫塗污好土。曰自領三十棒。本師曰老僧只管看士。曰今日親見和尚。本師曰昨日已相見了也。士曰門內有君子。門外君子至本師曰也是隨人脚跟轉。士便喝。本師曰著忙作麼。士曰知心能幾人。本師曰將謂忘却。士後請益。本師即變色呵斥。凡下語俱不許。一日引看滿井。本師指曰你看此水如何。高起數尺。士纔欲起答。本師搖手曰不是于此豁然徹底。即呈偈曰徹底掀翻滿井泉。從今更不被師瞞。若將體用

分前後算到驢年未會禪。本師領之次年本師被旨住聖感入山省親。適值本師垂問曰臨濟有三要。我這裏有四要。大眾還會麼。士曰今日天寒請師尊重。本師曰山僧罪過。尋受記荆偈有滿井寒泉徹底清。照見鬚眉俱凜冽之句。問如何是神通妙用。士曰擬翻個觔斗。恐被你笑。曰觔斗阿誰不會。翻士曰磕破髑髏。訪華嚴。昱值昱閱磬山錄有涅槃相語。昱掩卷問士如何是涅槃。相士曰劒去久矣。少頃士亦問昱如何是涅槃。相昱指梅樹曰者枝梅長。那枝梅短。士曰有人來也相視大笑。過接待訪雪。屏主人纔見屏曰古人道三日不見刮目相待。久不晤居士還我親切一句。來士曰今日特來相看。屏曰真個。那士曰莫眼花。過祇園訪童碩。本土指荷花池曰。內有魚否。本曰有。士曰因甚麼不見。輿波作浪。本曰甚麼世界敢出頭。來士曰低聲低聲。訪子音首座。值雪。士曰古人道好雪片片不落別處。且道落在甚麼處。座曰正要居士疑著。士曰一釣便上。訪瞿奉石。士曰經年不相見。親切道一句。看石作掌勢。士曰打

師任打未許親切在石擬議士曰看破了也同門明

誠輯聖威永嗣

天津天安淨已樂禪師示衆舉南泉一日不赴堂侍者請和尚赴堂泉云我在庄上喫油糲飽者云和尚不曾出入泉云你去問庄主侍者方出門遇庄主歸謝和尚到庄喫油糲師頌曰喫飽油糲不赴堂南泉老漢爲誰忙大風吹倒梧桐樹自有旁人話短長晚參師豎拂子曰眼觀色耳聞聲鼻嗅香舌嚐味口談說手持物足運奔眉毛乃是無用之物因甚麼反居其上一曰只爲太近答都不契師代曰少他一點不得冲滿恒嗣

五燈全書卷第一百七

五燈全書卷第一百七補遺

臨濟宗

南嶽下第三十七世隨錄

鄧州承隆昱堂烟禪師郡之宋氏子出家誓以發明大事北邁依香嚴風穴兩法席最久旋楚參一揆於月掌得法繼住承隆上堂幸自無事不可塗汙諸仁若也尙留觀聽將謂長老恡詞薰拈拄杖曰良馬已窺鞭影去阿難依舊世尊前問教外別傳所傳何事師曰杓卜聽虛聲一揆換嗣

明州翠山月濤繁禪師入神鼎揆室揆問懸崖撒手自肯承當汝作麼生承當師曰入花毯子上不用鋪紅旗揆曰好事也要大家知師曰土上加泥鼎曰絕後再甦欺君不得齊師便喝鼎便打示衆舉天童儂因僧問如何是佛答曰鄧田坂裏牛脚跡師頌曰脫珍著敝在鄧田隱隱猶懷舊日嫌貧恨一身多赤骨曲肱一枕伴雲眠示衆八兩半斤人人知有及乎拈頭作尾展露全機未免十箇五雙依然對面干

里雖然河裏失錢不離河裏。怎麼告報莫有不甘者。麼三十年後莫怪今日多嘴。問破沙盆意旨如何。

師曰泥做底曰因甚喚作正法眼。師曰十八十九癡。

人夜走一揆
揆嗣

郢州永隆洞野先禪師上堂道不遠人而人自遠。若待山僧口巴巴地遠之更遠。爭奈何。爭奈何。丘壑易填。人心難滿。卓拄杖下座。問如何。是道師曰。道甚麼。曰豈無直指師曰。早曲了也。一揆
揆嗣

廣州景泰真禪師。定禪師。衡州桂陽栢氏子。上堂。廣南無佛性。一派涌曹溪。塵內有大經量。等三千界。剖出八字。沒。宣來字義。炳然佛化。王化並融。真諦俗諦平等。縑素平等。男女平等。雖然堯舜之君。猶有化在。何故曹溪波浪如相似。無限平人被陸沉。回神鼎省。覲揆問。汝在廣南大作佛事。是否。師曰。不曾辜負和尚。僧問。如何是廣南人事。師便掌。一揆
揆嗣

湘陰文殊鑲山智禪師。西蜀寶寧何氏子。爲薦其兄何邑侯小參。生于蜀地。德化湘江。無生死中。示現生死。亦非偶然。所以無而有之。之謂聖。有而無之。之謂。

賢賢聖位中。留不住。百里焉能困。大年喝。一喝下座。一揆
揆嗣

黃麻接待節庵祿禪師。性曩簡。立志操方。常思古人。一人所在。半人所在。須到之語。所歷叢林。皆陸沉下板。罕見其囊錫。顯露聞神鼎心。切慕之一見。而針芥相投。一日揆問。一口氣不來。向甚處安身立命。師曰。出牛欄入馬捲。揆曰。照顧脚跟。師拂袖而出。鼎遂奇之。示衆立沙。不出嶺擔板。一生趙州老行。脚逢人不盡。二大老同道不同。行多少人。邯鄲學唐步。直得前不違村。後不迭店。望烟尋食地。錯入薰皮家。可悲可痛。總不恁麼底人。又作麼生相逢。盡道休官去。林下何曾見一人。頌臨濟三頓棒。因緣曰。痛棒打不死。玄要定宗旨。接響承虛流。抱橋柱澡洗。問如何。是佛師曰。合取口。一揆
揆嗣

潭州楊道道權法禪師。醴陵彭氏子。參神鼎。揆問。神鼎峰高。遊人罕到。因甚。到即不點。師曰。鷄王擇乳。素非鴨類。揆曰。伶俐禪客。師曰。是何言歟。示衆學同安。不看經。次見僧來參。遂以衣袖蓋却頭。僧近前。

作巾慰勞。不放下衣袖。提經曰。會麼。僧却以衣袖蓋却頭。不曰。蒼天蒼天。師曰。主賓互換。縱奪可觀。放過則彼此作家檢點。將來總是涅槃堂裏漢。頌不是。是曰。水中鹽味。色膠青。肝膽逢人徹底傾。雨霽雲收天地潤。僧繇巧筆畫難成。一揆

接嗣

蘇州洞庭修木林禪師。郡之柴氏子。刻草于神鼎堂。前一日。揆問人人有箇主人公。且道是何面目。師曰。說似一物。卽不中。揆頷之。示衆舉麻谷問臨濟。大悲千手眼。那箇是正眼。濟搗住曰。曰。因緣師曰。二大老與麼施設。難則主賓互換。縱奪可觀。若是大悲千手眼。有甚交涉。當時待問。何不和聲。便棒曰。淨地上不要放肩看麻谷者。漢又作麼生湊泊。頌黃梅意旨。會佛法人得。曰。了無一物。絕纖塵。傑出黃梅孰可倫。覲面不逢清白眼。徒將肝膽向人傾。一揆

接嗣

弟子此生若不遇和尚。幾虛度一生俗漢也。從今不愧爲俗中僧耳。一日。揆問本來人。直饒汝說盡道理。用盡伎能。參是奴兒婢子邊事。如何是真實主人公。士曰。誰敢正眼觀著。揆曰。將謂俗漢士曰。且莫壓良爲賤。自茲與禪宗宿。祈箭鋒相觸。輒當仁不讓。著警世文集若干卷。行世。一揆

接嗣

越州舜江壁觀默禪師。上堂。僧問。燒庵婆話。有曰。婆是。僧非。便恁麼去。可否。師曰。我有三十棒。要打婆子。僧無語。師曰。諸仁者。婆兒既是。如何又要喫棒。驚拈拄杖。左右顧視曰。會麼。祖父相傳。這柳栗從來扶正。不扶邪。卓一卓下座。問佛未出世時。如何。師曰。翠蘿峰頂天立地。日出後。如何。師曰。明月池洗象。調龍。隨庵

飲嗣

越州寧峰禹庵琇禪師。上堂。有僧出來。畫一圓相。師便喝。僧連喝兩喝。師曰。我不如汝。僧又喝。師不顧下座。上堂。僧問。如何是佛。師曰。禮拜著。僧便拜。師曰。會麼。曰。某甲會也。師曰。試道看。僧擬進語。師曰。錯錯。拍禪床下座。問如何是祖師。西來意。師曰。山僧今

日在莊上杉樹親栽一萬株曰。恁麼則勞倦也。師曰。却被闍黎道著。僧近前曰。和尚師連掌打出。隨庵猷嗣

新昌慈慧文朗郁禪師上堂。慈慧有一物。日夜光皎。猷嗣

潔雪霜打不枯。風雨打不濕。十餘年問大唐師。南北東西都不識。畢竟是箇什麼。良久曰。不辭向君道。恐怕君狼藉。隨庵猷嗣

建寧鷺山思修琛禪師上堂。江上風高雲走去。山中

松老鶴歸來。今年東谷甚奇怪。四月桃花還未開。一

僧纔出師。以拄杖約住曰。老僧無氣力。答話便下座。

小參。舉燒庵婆話。舉師曰。婆子頂門雖則具眼。性

命却在者。僧手裏雖然。這僧性命。即今又在甚麼人

手裏。將謂鬚鬚亦更有赤須胡。隨庵猷嗣

樂清雁山竺蓮盛禪師謁隨庵。猷時大旱。猷垂問曰。

至公無私。莫過于天者。邊稻得恁麼好。那邊稻得恁

麼。乾師曰。賞罰分明。猷頷之。上堂。浪靜風恬。簾捲

漁歌。江上雨桃紅柳綠。天空鳥語。樹頭春恁麼。會雲

在嶺頭。閒不徹。恁麼會水流澗底。太忙生。是事且止。

慶讚句。又作麼。生道芝蘭生幽谷。松栢凌清霜。問。

一靈真性不假包胎時。如何。師曰。鴈山今歲開爐。僧作禮。師曰。上座禮拜意。山僧不審。道道僧無語。師曰。夜深歸堂去。隨庵猷嗣

處州福安德如安禪師上堂。舉素弘理。僧參理問。三

世諸佛歷代祖師。爲甚麼出者裏。不得僧擬議。師便

打師曰。資壽棒頭無眼。似者般撞露柱。漢明打作麼

南州則不然。三世諸佛歷代祖師。爲什出這裏。不得

震威一喝。大衆資聖棒。福安喝。敢問諸人。且道還有

優劣也。無者裏有人。體取得出。山僧雖老大。願與侍

巾瓶。僧問。如何是佛。師喚闍黎。僧遂有省。便拜。師

曰。曇花開昨日。喜事見今朝。僧掩耳。便出。師謂侍者

曰。這僧只悟得目前句。若是格外句。還未夢見在。隨庵猷嗣

紹興五洩志學心禪師一日山行。次僧問。古人道。大

林不動草。因甚脚下踏倒。許多。師曰。只知盡法。那管

無民。僧便拜。師曰。降將不斬。僧問。具得正眼。當明

向上一機。作麼生。是向上一機。師便喝。僧亦喝。師曰。

山僧拄杖不喫。瞎漢僧禮拜。師便歸方丈。主晚。師問。

侍者曰。今日問話上座。嚮曰去也。師曰。這僧會一喝。不作一喝用。曰。祇如和尚道。山僧拄杖不喫。瞎漢未

審是。肯伊不肯伊。師曰。若肯伊。喪我兒孫。隨庵 猷嗣

松陽福安潤山泉禪師。示衆學道。別無法。先當穩脚。跟再加心事。好道業自然成。以拄杖指顧露柱曰。再犯不容。卓拄杖一下。歸方丈。示衆舉趙州到道。吾纔入堂。吾曰。南泉一隻箭來也。州曰。看箭。吾曰。過也。州曰。中師曰。有者。道道吾輪。趙州一籌。瞎有者。道二俱作家。瞎畢竟如何。良久曰。當時若是福安曰。南泉一隻箭來也。聲未絕。便與一掌。他更如何。若何。對曰。不是。今日定在來朝。一任通身。是手眼。此時爭得不。狐疑 隨庵 猷嗣

東安雙峰巨圓如禪師。上堂時。有二僧齊出拜起。一僧便喝。一僧拂袖竟去。師乃曰。一人有主。無賓。一人有賓。無主。總合喫棒。蓋緣新舖初開。若據正。今而令未免望洋而退。且置。只於爲國開堂。應時及節一句。又作麼生。道久旱逢甘雨。五湖四海春。示衆舉女子出定話。畢。師曰。白拈賊。一夥。今古慣迷人。雙峰不

惜腕頭力。捉敗龍潭秋水清。召衆曰。且道。以何爲驗。昨夜風和雨。今朝天大晴。隨庵 猷嗣

東安弘法九默勝禪師。上堂十五日巳前。風送雲來。楊十五日巳後。花開月上。樓正當十五日。又作麼生。嚮諸天雙眼裏。萬國寸心中。喝一喝。隨庵 猷嗣

芝城寶坊大鑒全禪師。問百尺竿頭。如何進步。師曰。金剛寶劍。當頭截。莫管人間。是與非。僧近前作聽勢。師曰。寶坊這裏。不用弄泥團。漢直趁出。隨庵 猷嗣

金陵佛國覺初潛禪師。僧問。如何是佛師。喚闍黎。僧應諾。師曰。此時若不究根源。直待當來問彌勒。問立宗旨。建叢林。元爲利生。祇如透網金鱗。和尚又作麼生。師和聲便棒曰。向慕蔣山。今見也。果然手眼別。諸方師。又打僧擬進。語師復打。趁出。隨庵 猷嗣

江寧上元湛一澄禪師。叅蔣山煜。纔跨門曰。和尚煜取拂子。擬舉師一喝。乃下。叅堂煜。顧侍司曰。者僧一喝。賓主歷然。棲止三年。得法問僧。甚處去來。曰。南山去來。師曰。鱉鼻蛇。大德曾見否。曰。見。師曰。是何模樣。曰。花臉黑尾。巴師叱退。隨庵 猷嗣

金陵輝遠睿禪師問無神通菩薩爲甚麼足跡難尋
師曰不是苦心人不知日和尙還見否師曰山野適
纔向汝道什麼僧茫然師曰驢前馬後漢出去楞嚴經

太湖朗明禪師問如何是道師曰田上薦取日和尙
謾別人卽得師曰闍黎是那裏人僧擬對師曰來處
也不知問箇什麼道便打趁古寒言詞

青州玉泉噴雪聽禪師上堂不可道有不可道無良

久左右顧視曰任汝蓋頭又蓋面何曾瞞得箇中人

喝一喝萬群

興化佛果廣禪師問如何是佛師曰山僧姓謝家住

揚州曰謝師指示師曰片片樹上雲落落江頭雨僧

以言下悟旨粹梅

通玄斯準衡禪師姑蘇顧氏子上堂祖翁田地契券

分明法王大寶時至理彰何煩鐘鳴鼓響自然布彩

揚輝衡上座抖擻屎腸實無一字可說只得借寒山

禿筍與大衆應箇時節嘉豎拂子曰諸仁者還會麼

耳聞不如眼見眼見不如耳聞且道如何是祖師西

來意齊揮拂子曰風暖鳥聲碎日高花影重治翁

嘉興平湖大乘介白素禪師勾餘應氏子示衆舉婆

子燒庵話畢師曰寒岩發不抱死火木灰枯木花

開豈定春前秋後當時者僧待女子抱住曰正當與

麼時如何但向他道千鈞之弩不爲鼯鼠而發機設

若如何若何遂與一掌曰這一掌須教婆子喫示

衆舉鹽官會下主事僧見鬼使來追因緣畢師曰諸

仁者且道前見鬼使追是這僧不是這僧後復來覓

了不可得又向什麼處去也于斯薦得說甚閻羅老

子直饒三世諸佛到來亦無下手處倘或覓著時將

何抵對他道道鐵鼓

平湖普福曇瑞奇禪師大用顯問世尊拈花意旨如

何師曰平地起風波顯又問一日生死到來如何

迴避師曰渠無生死大用

當湖芥庵道堅愷禪師嘉興莊氏子頌洗鉢孟曰入

戶希圖求寶珍豈知空室淨無塵這僧若果偷心息

悔殺從前錯上門頌趙州勘二庵主曰趙州收放

有來由驗盡當機不易關雨過青山呈舊面幾人得

意幾人愁頌高峰枕子墮地曰擡頭已薦拖尸句

觀面如何似未親。墮枕聲中殘夢破。開眸依舊昔時

人。殊賁
德嗣

當湖復庵石隱琳禪師頌香林臘月火燒山曰。香林臘月火燒山。烈焰堆頭絕躋攀。多少行人赤骨力。白頭空嘆路行難。
頌大事已明如喪考妣曰。擊碎無明窟。掀翻五蘊山。箇中無一物。何地著慚顏。
頌藥山久不陞座曰。疎枝吐玉碧岩前。匝地馨香孰可宣。忽爾狂風驟雨後。遊蜂何處著爭妍。殊賁
德嗣

當湖復庵又新銘禪師姑蘇席氏子。示衆一機透脫。坐斷根塵。萬彙全彰。頭頭無礙。花街柳巷。顛向上宗。乘牧唱漁歌。得自然三昧。果能如是。變大地作黃金。攪長河爲酥酪。非爲分外。其或未然。莫道庭前多是草。未會移步草芊芊。
頌南泉斬猫曰。兩堂爭取這猫兒。認影迷頭總是癡。直下一刀揮兩段。腥風匝地令無虛。
頌一息不來曰。識得親時用得親。楊橋花市總分明。隨機擲地他方去。鼻孔依然搭上唇。
頌興化打克賓曰。父子相逢弄爪牙。投機合拍唱胡笳。不因打出僧堂去。怎顯當年兩作家。殊賁
德嗣

河西瀛西麓芝叢禪師上堂。法無定相。建立由人。喝一喝曰。是法非思量分別之所能解。且道不分別不思量時。是個什麼。分別思量時。又是個什麼。復喝一喝曰。劍刃有路。鐵壁無門。上堂若論漸也。返常合道。若論頓也。朕跡不存於此。會得棒頭有眼。明如日。於此不會。木人也解唱巴歌。祇如頓漸不立時如何。卓拄杖下座。雪厂
慧嗣

揚州光孝魯庵喆禪師崇明張氏子。禮越州萬壽永徹剃髮後。參光孝焯。令看無字。聞犬吠。有省。未幾印可。繼席光孝。晚參大衆。還知歷代尊宿。一箇箇打入葛藤窩裏去也。且道山僧這般舉揚。堪作甚麼。復曰。葛藤葛藤。示衆二六時中。要認真一番。提起一番。新薦然觸著娘生面。鼻孔依然搭上唇。示衆舉女子出定話畢。師曰。若道有定。可出文殊。因甚出不得。若道無定。可出罔明。因甚出得。舉拳曰。鳥宿枝頭。月飛花野岸風。天寧梅後堂。與師偕行。見昇棺過曰。還救得麼。師曰。救得。梅曰。作麼生。教師曰。蒼天蒼大梅便喝。師曰。活也。頌殃崛產難曰。驚蟄纔逢煖。

氣狂深林花鳥報春忙。蒼松不解隨時變。冬夏長青

映草堂旭峰
焯嗣

岩頭慧修解禪師問大師掛錫此山見說多年是否
師曰是僧一喝師曰岩頭不如上座僧又喝師曰上
座不如岩頭師便打僧退燦容
義嗣

武清楊村報成嵩雲岱禪師入院晚參師豎拄杖曰
大眾看看舊報成先師在新報成拄杖頭上放大光
明出廣長舌佛法世法盡情說去了也新報成又說
箇甚麼既爾大眾現前不妨應箇時節連卓拄杖曰
大家共出聖賢心扶起從前破沙盆只要重新千古
令是則名為報佛恩 上堂今朝孟冬十五祝聖鳴
鐘擊鼓山僧拽杖登堂四衆雲臻若堵諸方說道談
禪報成一味莽鹵不容擬議踟躕直截當陽薦取虛
空弩目揚眉露柱殿前作舞山門天王點頭山僧未
敢相許爲甚如此從來重法有先賢此道時人賤若
土 上堂舉古德曰有一物上拄天下拄地黑似漆
常在動用中動用中收不得且道是甚麼物良久曰
鶴是白鳥是黑豐城雙寶劍兩塊是邪鐵起聖
仁嗣

陽臺秀峰眞燦鏡禪師佛成道日上堂二千六百年
前事今日重拈一度新雖然熱鑊然頭上大似重添
眼裏釘祇解教人成佛去不知迷卻許多人如來無
伎倆夜半觀明星直饒悟得無生法鼻孔依然搭上
唇 解制上堂九旬跌坐在峰頭斷結恒沙納子仇
今日開門視霄漢山自青兮水自悠大底還他肌骨
好不搽紅粉也風流道不須悟佛不必求因思清白
傳家行洗耳谿邊不飲牛 小參問和尚者裏不種
一畝田不蓄一粒粟將甚麼接待往來師豎如意麈
曰不種一畝田不蓄一粒粟銅頭鐵額來千足與萬
足何故還不種一畝田大地無寸土不蓄一粒粟世
上沒饑人以如意畫○曰劍埋豐城光射斗雲在青
天水上瓶 問如何是秀峰境師曰兩岸烟霞迎古
寺一谿流水遶陽臺曰如何境中人師曰閑持經卷
倚松立借問客從何處來百拙
倫嗣

六安佛國五嶽海禪師西蜀順慶人棄職出家隱山
十數年不出世因聞鳥聲有省徧歷諸方最後參文
楚演於佛國一見機契授囑繼席上堂薦豎拂子曰

有佛處不得住。淨掃池塘。閉客座。無佛處急走過。安
排旗鼓。開軍營。若與麼會去。不妨泥牛吼月。木馬嘶
風。倘或未然。任你逞盡神通。却瞞山僧一點不得。燈
籠掩口。露柱橫眉。只爲無花起樣。畫虎描龍。哄得十
字街頭。噎酒糟漢。稱奇說妙。辨異道同。山僧從來不
敢妄通消息。今朝登師座。說師法。不免一番露布。爲
甚如此。恐辜負現前大衆。以拂子擊香几。下座。文楚
演詞
湖廣麻城觀音庵幢源禪師。上堂。高登曲糸牀。離菊
正披黃。今古何同異。從教風雨狂。喝一喝。曰。大家和
一曲。共樂賞重陽。示衆。舉二祖立雪因緣。畢。師曰。
熱血淋漓。灑梵天。班班赤雪壓眉尖。然雖贏得安心。
訣。未免娘生背不全。喝一喝。文楚
演詞
黃梅東禪佛源藥禪師。湖州彭氏子。上堂。薰拈拄杖
曰。這一著子。五眼難窺。六通莫識。月朗星輝。公案現
成。如何若何。轉見不堪。示衆。舉國師三喚侍者。話
畢。師曰。三呼三應。最嬌聲。撥轉風帆。挂別津。莫謂舌
頭原在口。從來孝子諱。命。文楚
演詞
六安佛國仁峰傑禪師。閩之福清林氏子。參文楚演

演。問。汝從什處來。師曰。不從人間。天上來。演曰。畢竟
從甚麼處來。師便喝。演曰。喝後。響。師曰。更覓甚麼。
碗。演。休去。乃蒙印可。問。如何是出外法。師便打。如何
是脫生死法。師復打。如何是不落有無法。師亦打。文楚
演詞
舒州太湖和山菩提文輝嵩禪師。示衆。如春在花。非
離。非卽。如鏡著像。非虛。非實。一念純真。築太平基。縱
橫自在。觸處逢緣。且道。阿誰境界。良久。曰。五濁塵勞
可厭。離西方淨土。是歸期。直須念念光明。現便見華
開七寶池。古凝
言詞
太湖和山菩提皎堂朗禪師。示衆。舉德山托鉢。畢。師
曰。毒鼓喧轟。搥頂門。德山空有肚。饑心鉢。孟有柄。難
開口。明月還將渣滓盛。喝一喝。下座。僧參纔禮拜。
師便打。曰。某甲話也未問。爲什打。師曰。來說是非者。
便是是非人。問。如何是佛法大意。師曰。正與山僧
譚不二。居然新月挂松梢。古凝
言詞
南嶽祝融峰頂文峰山禪師。大雪上堂。萬山水雪連
根凍。一片身心徹底寒。回想數年饑餓。處令人不覺

鼻頭酸宗遠
潭嗣

泰州定慧子厚淳禪師參建隆深。深問如何是本分事。師打一拳。深曰。恁麼則不本分也。師禮便出。深曰。更不本分也。即呈偈曰。千里雲山見此心。聊將一掌寄禪林。我今不負風流事。寂寞孤峰日日新。復謁容德裕。問從那裏來。師曰。建隆來。裕曰。建隆老漢在麼。師曰。在。裕曰。向汝道什麼。師曰。三十棒。一棒少不得。裕曰。這老漢教壞人家男女。師隨聲一掌。裕曰。未得早行。更有先到。便打。容德裕嗣

揚州東陵明徹沈道婆參建隆深。看本來面目。話入堂。打。七。一日。深落堂。婆問如何。某甲本來面目。深便打。婆曰。打便是麼。深曰。難道有兩箇婆。拜後。謁風化泰。泰問。稻割完未。婆曰。完久矣。泰曰。無事。好婆曰。饑則喫飯。寒則添衣。風化泰嗣

揚州寶勝轉機識禪師。山東青州人。參玉泉。麒麟問從那裏來。師曰。揚州。麒麟曰。見瓊花麼。師曰。見。麒麟豎拂子曰。還見這箇麼。師曰。見。麒麟曰。還見老僧麼。師便掌曰。不可。更見麒麟曰。那裏學得。來底。師拂袖便出。示

衆舉百丈再參。因緣頌曰。一喝當陽意氣雄。全提正令顯家風。心源妙理無生法。法法無非妙密中。萬群麒麟
江都天乘。崑立端禪師參建隆深。看父母未生前話。每痛棒師終不領。一日。洞然偈曰。棒頭無退步。頭破血通紅。因得江南信。報與老建隆。後謁萬祥。麒麟機洽得法。僧問。今日相見事如何。師曰。把泥帶水。萬祥麒麟
江都佛果弘傳廣禪師。如皋陸氏子。僧問。和尚還有爲人處麼。師曰。無。曰。豈無方便。師曰。若有方便。非爲人處。曰。畢竟如何。師便打。曰。不得作爲人會。去。好。海桴

眞州大慈徹禪師。江西吉水人。示衆舉文殊三處度夏。畢。師曰。三番起倒。不勝勞堪笑。傍觀更饒舌。不是爺貧。憐子苦。從來家富小兒嬌。桴海濟嗣
常州化城源傳禪師。泰興人。陳氏子。示衆舉達磨見武帝頌曰。磁甕應牙入大梁。問渠不識好慚惶。可憐有貨無人識。只得淒涼暗渡江。弘治濟嗣
句容寶藏機先悟禪師。晚參臘月三十晚。豈容話歲寒。客請歸堂去。衣單下。照管大衆。且照管底。是箇甚

麼良久曰黑。小參丙寅丁卯。鑪中火庚辰辛巳。白蠟金收拾蒲團歸位。坐參取從前上大人擲拂曰。低聲低聲。問狂風四起。如何是指南一路。師曰。出門便錯。曰。黑夜穿針。如何。透得孔竅。師曰。白日作麼。曰。兩刃交鋒。如何。得分勝負。師曰。有人唉。你敗關僧。喝。師便打。百拙

蘭溪大呂音禪師參祝峰松問。參學是作麼生。師便喝。松曰。如何。是如子得母句。師曰。乞兒籃滿。松曰。如何。是時時奉重句。師曰。我常于此。切松曰。如何。是曹山孝滿句。師曰。敗楊梅。折本見穀樹子也。心酸。松曰。自己且置。如何爲人。師曰。看孔著楔。見病下藥。松首肯印以偈焉。祝峰松嗣

吳門香巖印日慧禪師示衆。舉世尊初生雲門一棒。師曰。瞿曇一期逞俊。只是飯飽弄筯。韶陽話行天下。要且抱薪救火。復頌曰。莫言肉臭惹蒼蠅。游刃須誇新發硎。葉落疎林堪著眼。插天齊見遠山青。頌黃龍三關曰。人人有箇生緣受。用太煞現前夜半一窗明。月曉來滿目青山我手何似佛手。撒土撒沙齊有。

黑豆要換眼睛。憐兒何曾覺醜。我脚何似驢脚。明月清風寥廓。撲倒老賊楊岐。不見趙州略約。生緣佛手驢脚。斷貫一時穿却。已過關者是誰。黃龍也未夢著。雨平定嗣

京都西山崇寧大用體禪師房山李氏子。年十五依聖感林。隨侍十載。祝髮受具。遍參諸方。末扣法興之室。舉黃檗三頓棒。釋然契合。而記荊焉。示衆舉教中道。若人散亂心入於禪廟中。一稱南無佛。皆已成佛道。鶻拈拄杖曰。拄杖子聞怎麼道。早已入龍奮迅三昧去也。且道崇寧爲人在甚麼處。擲拄杖曰。三十棒且待別時。示衆舉足動步。落二落三。閉目藏睛。依稀彷彿。更若動靜雙泯。又落在無事之鄉。且二六時中。合同甚處行履。喝一喝曰。截斷千差路。渠儂得自由。頌臺山婆子曰。塢墜堆頭起怪魁。迅雷一霹冷如灰。若非撈得水中月。到底難分炭裏煤。頌神前酒臺盤曰。江海撈乾無滴點。蚌胎吐出盡驪珠。至今古廟紙灰裏。猶有餘光爍太虛。德潤讓嗣

法衡成璽禪師寶峰挑柴次。峰曰。人人長棍短棒大。

似捉賊一般侍者曰賊在那裏師指峰手中擔曰賊物現在峰曰你是那司差役師曰特請和尚挑柴峰曰山僧不去師曰普請牌未肯在頌女子出定曰東風掠峭雪初凝燕語鶯啼繡閣驚白眼看他陽燄起一枝楊柳吐芳春

梁宏度詞

蠡堂舟禪師示衆學雪竇一曰上堂衆纔集乃曰不用低頭思量難得便下座師曰雪竇老漢大似掩耳偷鈴未免傍觀者哂當時舟上座若見怎麼說話便好掀倒禪床拂袖便行敢問大衆且道是低頭是思量良久以手擘面曰猫示衆學雲門曰三乘十二分教達磨西來放過卽不可若不放過不消一喝師展兩手曰且道是放過不是放過顧左右曰祖師來也頌外道問不問有言不問無言世尊良久曰甜瓜徹蒂甜苦瓠連根苦插足便飛騰肝膽悉傾吐頌女子出定曰誰道男兒意氣睎相將只慣摘楊花不知身落深春裏何必逢人把面遮頌清淨行者不入涅槃破戒比丘不墮地獄曰萬象之中獨露身何曾一葉去沾塵漫言色色無高下黃自黃兮青自

青禹風
更詞

鷄鳴卉堂弘禪師小參僧問觀音聖誕龍象交參觀面全彰是何消息師曰爐內香臺前燭曰高登法座普利人天和尙與大士相去多少師曰東邊也著西邊也著僧禮拜師乃曰淨明一條杖佛祖也不讓虛空白汗流人天豈可量薰豎杖曰會麼拋下曰莫動著動著二十棒頌世尊拈花曰偶爾拈花空兩眸幾多恩怨幾多愁人天百萬都聰俊惟有頭陀少一

壽禹風
更詞

壽州洪福智堂海禪師解七小參結七與解七三七二十一香板與燈籠出來高作揖共唱哩囉歌只爲分明極衆兄弟且道甚麼歌囉嚕嚕嚕嚕喇嚕喇頌女子出定曰他若無心我便休思唯纔涉便難酬無端一撈乾坤轉直得黃河水逆流頌城東老母不欲見佛馬瘦毛長怨草稀通身是病藥難醫分明報與知音者莫向人前辨是非

壽禹風
更詞

傳萬洪居士頌大修行人當遵佛行因甚不守毗尼曰好個丹青畫美人淡描輕抹更精神風流持向春

園挂到處攀花到處真。頌盡大地是個火坑得何
三昧不被他燒却。日綠樹陰濃夏日長。西湖歌舞更
清涼。薰風不礙遊人醉。一度吹來一度香。景雲
叟詞

兗州普濟攝謙運禪師。師途行僧問。如何是佛。師指
牛曰。黑的是牛。又指羊曰。白的是羊。曰。何得戲弄師。
曰。你適纔問甚麼。曰。如何是佛。師曰。黑的是牛。白的是
羊。僧有省。晚參。舉女子出定云。云。師曰。文殊爲
甚。出不得。因他是箇文殊。罔明爲甚。出得。因他是箇
罔明。卓拄杖曰。世尊。女子。文殊。罔明。總被山僧縛作
一束。拋向諸人面前。倘若薦得。許汝與拄杖子把手
共行。客至上堂。茅庵僻處。白雲多。古邇年來。客少
過。老衲自慚非佛。印二公何事到山阿。所以道。象遊
獅窟。龍宿鳳巢。非其人而不能入也。且道。將何欸待
遂卓拄杖曰。聊剪嶺霞五七片。漫烹潭月兩三甌。景雲
叟詞

奉化石門毛承鳴永乾居士頌。狗子佛性無。曰。狗子
佛性無。籬穿直出入。解開夜光珠。三更高日紅。頌
狗子佛性有。曰。狗子佛性有。風狂波浪浪。凜凜莫邪

◆ 曉露晴

鋒千古寒光透。頌。麻三觔曰。麻三觔沒秤秤可奈
人多向外尋。覲面提持猶未識。不知緘口過殘春。景雲
叟詞

鎮江勝果邑峰嵩禪師。立春小參。春風來嶺畔。梅花
雪裏呈。欲明今日事。須是個中人。且道。誰是個中人。
薰豎拂子曰。黃金鑄就子期心。小參大道無爲趣。
向卽乖。大法無相。馳求卽錯。不乖不錯。是名正覺。喝
一喝曰。三脚驢子。弄蹄行。踏斷驪龍頭上角。虛鑒
暹詞

金陵圓通卓隱瑾禪師。頌。大顛擯首座曰。盡言順水
推舟。我道逆風把舵。佛法還他父子明明。錯處非錯
頌。庄上喫油糞曰。好事不出門。惡事傳千里。兩個

一坑埋免教後人擬。昉崖
昱詞

姚江東山廣教致石瑾禪師。午節上堂。今朝蒲劍露
鋒。銳百怪千妖。瞻喪亡一道。神符光動地。諸人何不
早承當。且道。承當個甚麼。薦喝一喝。頌。產難因緣
曰。會得日午三更打。須夜半一輪紅。半庭花影休疑
月滿院。松聲總是風。柏堂
靜詞

天香大半什。禪師上堂。宰樹上。鳴。荆石人髮。哺。瀉山

半放莊周蝶。狹路相逢入樓子。壇爲本師終七小。
參七七四十九。顧影迷頭走。好肉剗成瘡。南辰爲北。
斗拄杖化爲龍。草鞋不見口。喝一喝。漢關

荊州微舒恒禪師頌世尊觀星曰。冷坐六年無結煞。
觀星剛謂道方成。累他多少痴男女。白日青天摸壁。

行頌女子出定曰。那伽大定絕端倪。出入平添數。

不齊。邀得東風染紅紫。又隨春雨過前溪。梁宏度

天台斧山積禪師小參。萬慮氷銷千峰卓。立刀斧斫。

不開針錐。拶不入。驀喝一喝曰。露堂堂。明歷歷。隨分。

隨緣。破塵破的。說甚麼東土三三。西天四七。縱有鐵。

額銅頭到來也。須下風站立。復喝一喝。梁宏度

廣州西禪希燦禪師端節上堂。龜峰五月五。打破。

無皮鼓。嶺上賽龍舟。松筠齊下舞。大眾還知麼。白鵝。

潭沙角尾。菖蒲角黍。珠江水。晚參大事未明。如喪。

考妣大事已明。如喪考妣。山僧三十年前。大似啞子。

食黃蓮。吞吐不得。三十年後。常於此切。汝等諸人作。

麼。生會良久曰。蒼天蒼天。不是親生子。焉能哭斷腸。

翠亭
耀嗣

湖州黃龍清涼飛海宗禪師。桐鄉縣沈氏子。小參六。
月初一日。大家須委悉。暑氣漸來。侵珍重。須努力。雖。
然一番提起。一番新護。向他人數甲。乙數甲。乙轉驚。
惕。三伏炎光有幾時。金風倏忽暗蕭瑟。謹白參主人。
切忌妄固。必。竺峰

穎州乾昶通禪師頌三不是曰。非心非佛亦非物。碧。

眼胡僧口齒缺。萬丈波濤一滴泉。十個人當九個噎。

頌城東老母曰。與佛同生不欲見。相逢何必手遮。

面。機關用盡沒來由。那覺渾身早著箭。頌疎山訪。

香巖話曰。險似刀山爛。似泥甜如巖蜜。毒如砒明修。

棧道人皆見。暗度陳倉幾個知。頌日面佛。月面佛。

曰。日面與月面。晴空掣閃電。蓋子撲落地。碟子成七。

片。盧雲

寶乘月禪師頌廣額屠兒曰。歷劫無從當下空。昂藏。

氣槩顯真風。頂門正眼開千古。放却屠刀入佛中。盧

還

安樂髻高學禪師頌慈明放參曰。將軍單騎破重圍。

手裏金刀任意揮。只待邊庭烽火盡。歸來方可解征。

衣 頌隱山和尚曰歸去青山同虎臥洗清凡骨共

仙游一掬打碎精靈窟不放如來浪出頭

南耕
震嗣

廣濟橋堂建禪師小參斬新條令百怪潛蹤惡絆鉗

鎚黃金失色新長老恁麼道可爲陸地行舟虛空著

楔若是伶俐衲僧自然受人惑直饒鐵眼銅睛到

此難窺難測擊拂子曰蒼天蒼天真不掩僞曲不藏

直 示衆黃閣簾垂誰傳家信紫羅帳合暗撒珍珠

正恁麼時視聽有所不到言詮有所不及如何通得

個消息良久曰夢回月色依稀曉掩映庭前爛熳春

上堂莖草未挂建刹已竟片言弗措法說燦然且

道正當恁麼時誰是說者誰是聽者誰是住者于此

辨明始見靈山一會儼然未散 問如何是佛師曰

衣豐食足曰如何是法師曰防君子制小人曰如何

是僧師曰光剃頭淨洗鉢

禹風
雙嗣

曲靖勝峰秋水海禪師裝佛告成上堂法身無相大

道離言歷微塵而不窄涉沙界以非寬一莖草上現

丈六金身一實性中顯金剛正體唱導門中猶可觀

光若在宗乘分上豈止朝三千暮八百暮拈拄杖曰

不用求他目前可驗 小參上是天下是地中是人

三才判然不相紊雜豎拂子曰祇有這個置之天上

不得處之地下不得安之人中不得三世諸佛歷代

祖師測其起處不得放下拂子曰住住說一丈不如

行一尺 示衆舉夾山因僧問如何是夾山境山曰

猿抱子歸青嶂裏鳥啣花落碧岩前後法眼道老僧

二十年只作境會師曰夾山道出常情法眼虛空著

彩設有人問如何是勝峰境向他道門前溪澗千尋

瀑屋後松杉萬疊雲法眼若在又不知道箇甚麼然

雖如是要見夾山則易要見勝峯則難 退院上堂

拈杖作×相羅紋結角尋難見復作十相觸目縱橫

道易親復作此儿相隨處溪山全得力復作④從來

只是箇中真有人會此四句不惟卷舒合轍而且來

去自由脫或未然山僧自道去也以杖架肩下座便

行野竹
慧嗣

龍湖道林茂禪師上堂舍衛宗風此地從乎下載靈

峰慧月斯時久已沉埋茲日宗風始振慧月新輝法

幢建時豈無達士良久顧左右曰果係太平無個事

大家樂業與安邦。上堂忤逆聞雷弗更疑。紅旗閃爍動天威。馳書未到家何在。古路碑橫孰敢窺。舉拄杖曰。眉毛地。插鼻孔。天齊亘古亘今無變移。蠢動含靈之命脉。森羅萬象之良基。汝等向這裏理會得麼。連卓拄杖曰。是鐵是金。憑鍛鍊。猶凡猶聖。聽提撕。問如何。是佛師曰。風雨連山曰。莫就是麼。師曰。切忌錯承。常僧作禮。師曰。錯錯。問二六時中以何作主。師曰。除却四威儀。別致一問來。僧擬議。師叱曰。停機注想。未脫根塵。出去。問何名般若。師以手掩其口。僧問。措師便掌。鍵鼓證詞

三韓旴明道德齋居士參謁京都仁王旭。開示追拶。既久。一夜四更忽聞牆倒。豁然無礙。遂作一偈曰。驚地牆傾倒。其聲如掣電。驚惶主人公。佛眼覷不見。一日呈偈。旭嘉豎一拳曰。還覷得這箇麼。士曰。何須更見。旭曰。汝見甚麼道理。士曰。眼裏休著屑。旭曰。似則似是。則未是。一日旭舉輿化打維那話。問士曰。汝作麼。生會士曰。火煉真金不變色。旭曰。爲甚明日復罰飯。越出院。士曰。迅雷不及掩耳。旭便打士曰。

疑殺天下人。問掣開向上關。親見本來人。如何是本來人。士曰。你適纔從那來。曰。家裏。士曰。錯過了也。問一切法不生。一切法不滅。如何是不生不滅。底消息。士指庭前二牛曰。這一箇恁麼大。這一箇恁麼小。曰。各人心下事。獨許自家知。士拍牛背一下曰。看這畜生。曉山旭嗣

山東萊州張明鑑。見安居士夙慕禪宗。無有所向。一日謁仁王旭。指示主人翁話。反覆參究。忽然有省。遂作偈曰。識得主人更是誰。就中消息自便宜。青山依舊白雲裏。地覆天翻不動伊。一日旭問世尊拈花。迦葉微笑。汝作麼。生會士曰。也是平地風波。旭曰。畢竟拈花是何意旨。士曰。家醜無端露。盡旭震威一喝。士曰。情知和尚這一喝。旭又喝。士拂袖使出。問向上一路千聖不傳。既是不傳。爲甚要人參悟。士曰。定光金地遙招手。惟恐渠儂滯半途。問舉一不得。學二放過一著。落在第二。如何。第一句。士曰。眉橫鼻直。如何。第二句。士曰。開口卽錯。如何。第三句。士曰。照顧頂門。學人禮拜。士踏一脚曰。不可落在第二。問天

理之性人欲私之天地萬物本同一體如何是一體

士曰東洋海底鐵崑崙曰太遠生士喝曰且道這個

是多少僧纔開口士以手掩之曰太遠生曉山

自心融禪師頌女子出定曰伯牙善弄七絃琴流水

高山調轉深一自子期點破後空遺絃斷到如今月山

珠

玉峰王禪師頌拈花微笑曰絲綸輕擲碧江頭引得

金鰲故戲釣何事空遺千載恨蘆花明月滿漁舟

頌女子出定曰多般做作也徒然空使春情寄柳烟

用巧計時傷巧計引他黃鳥恨花箋月山

西秦望昌紅崖智覺慧禪師年十六歲依本里了塵

得度受具遊方以習苦行稍知入處隨假風顛導化

閭閻後至京都參謁法興讓讓舉似興化攢維那話

師纔開口讓連棒越出於此始盡所疑上堂諸佛

有一說諸祖有一訣獨運無私豁然自徹喝一喝曰

且道這一喝是說是訣復喝一喝曰莫教輕漏泄

上堂驀拈拄杖曰看看這箇是海沱河邊的卓一卓

曰這箇是太白峰頭的復卓一卓曰且道這箇是那

裏的擲下拄杖曰三日後看取問如何是法身邊

事師展兩手如何是透法身事師端嚴合掌僧便作

禮師震威喝曰適來你問什麼僧擬議師打曰莫謗

山僧好問一口氣不來向何處安身立命師下禪

床扭住曰道什麼僧纔開口師驀面掌曰向這裏定

奪德祐

張明宗居士字嵩一勵志參宗心無異緣後依法興

讓遂領深旨一日讓問近日向何處留心士曰一味

平常讓曰誰得恁麼士曰長年不出戶讓曰如何是

不出戶的消息士向前築師一拳讓曰似則似太粗

生問如何是無位真人士撫掌呵呵曰會麼曰不

會士曰昨夜失却牛今朝不見跡問不涉萬緣的

還可成佛否士曰龍吟徒側耳虎嘯謾沉吟曰如何

是佛士曰仰面見天低頭見地問明知生死大事

爲甚被生死所轉士曰尺有所短寸有所長曰不落

境緣還有徹悟否士曰話長神不倦花形入簾斜德祐

揚州慈陰耕隱禪師晚參魯祖面壁牆墮不牢秘

魔擎戈。鐵自亂。須知慈。廬門下。別有長處。良久曰。禪客相逢。祇彈指。此心能有幾人知。晚參。蕭騷晚籟。松欒短突。出普賢家風。游漾春風。柳線長。揭示文殊境界。且道。毗盧師法身主。嚮遂豎拂子曰。直饒識得不爲冤。識得依前還不是。破愚智嗣

壽昌金牛洞。映燈禪師。武昌張氏子。示衆。舉趙州勘二庵主話畢。遂豎拳曰。能縱能奪。能殺能活。喚作拳頭得麼。水淺不是泊舟處。不喚作拳頭得麼。既總不恁麼畢。竟如何結案。乃頌曰。報言本色住山人。縱奪分明始是親。憶昔趙州行履處。從教千載屈難伸。克修

挺嗣

魚鱗心印。明禪師。小參有見有聞。無見無聞。見而無見。聞而無聞。打開南北東西路。去來原不涉途程。喝一喝。晚參。會得一法全無。不會萬法實有。恁麼度盡衆生果爾。本來是佛。融融物化。心源寂滾。滾波停定。海清。大志祥嗣

虔州萬壽大機有禪師。上堂。羅鍾禾山鼓。秘魔杈金牛舞。雖然各出手眼。未免釘椿搖櫓。召大衆曰。還

知萬壽落處麼。卓拄杖曰。雲從龍。風從虎。上堂。深固幽遠。無人能到。恁麼說話。自救不了。既無人到。孰知幽遠。良久展兩手曰。待彌勒下生。向汝道。問如何。是大解脫場。師曰。劍樹刀山。問如何是奇特事。師曰。猛虎頂下繫金鈴。跋應華嗣

金陵靜海宣智鑑禪師。立春小參。春日萬緣吉。春風齊著力。寒氣盡催殘。陽和生八極。卓拄杖曰。杖頭點出大光明。未審。衲僧。瞥不瞥。若也瞥。莫把光陰等閒擲。解制上堂。始賀歲。朝春不覺又十五。報道解制辰日輪。正當午。拈起須彌椎。打動虛空鼓。放出鰲鼻蛇。吞却佛與祖。九旬雖已畢。光陰莫虛度。甜瓜微帶甜。苦瓜連根苦。撫掌呵呵云。苦。頌。婆子燒庵曰。鴛鴦繡出從君看。放去收來意更閒。莫把是非來辨我。浮生穿鑿不相關。頌。趙州訪二菴主曰。鴛啼兩岸弄春晴。兩岸春晴物物明。一曲是含陽雪。調遊人願使動鄉情。南愚玠嗣

永慶子雍如禪師。小參。揮拂子曰。參尋箇事不尋常。爐火通紅煉鍊。鑊觀破一星空大地。更須換骨與抽。

腸好分菽麥。還辨奴郎現。前諸兄弟。切忌亂承當。揮拂子下座。小參道得放。參句山僧。與你一箇枕頭。道不得。亦與你一箇枕頭。且道。利害在甚麼處。衆無語。師曰。天晴不肯走。直待雨淋頭。以拄杖旋風打散。歸方丈。古律範嗣

景州天寧三空善禪師。立秋上堂。秋螢一點雨中飛。謝傳林亭暑氣微。新水亂侵青草路。好風輕透白練衣。大衆這箇喚作祖師機。喚作向上意。以手拍禪床。曰。切忌切忌。上堂高提祖印。坐據寰宇。萬里無雲。光輝匝地。只如現前。俱是眞實人。爲甚覩他不見。喝一喝。曰。眨起眉毛。早已錯過。上堂。柳標橫拈無甚巧。收來放去活如龍。靈利漢莫矇矓。觸著管教立下風。問連朝瑞雪地。凍天寒且道。還有祖師西來意。麼。師曰。鼻頭凍裂。問寒暑到來如何迴避。師曰。摸著枕头不是手。曰。某甲不會。師曰。何似床頭鼠盜金。德涵讓嗣

清河極樂四維鑑禪師。上堂。閉門打坐。接上上機。顧鑑頻伸。曲爲中下。不落問答。又作麼生。良久曰。野色

若無山隔斷。月光原與水相連。上堂。若道有法說。眼中重著屑。若道無法說。拔出腦後楔。二邊俱坐斷。中間亦打徹。石笋抽條。梅花鬪雪。塵說刹說。且道是箇甚麼時節。以拂子點三點。擲拂下座。上堂。問清淨本然。云何忽生山河大地。師曰。急須著眼看。仙人莫看仙人手。中扇僧禮拜。師便打。乃曰。若人識得心。大地無寸土。放出西河獅。咬殺南山虎。梅瘦添雪肥。竹稀倩煙補。杜禪和休莽。鹵若還收得返魂香。方可來搗塗毒鼓。喝一喝。下座。雪兆性嗣

五燈全書卷第一百八

京都聖感禪寺住持臣僧 超永 編輯
京都古華嚴寺住持臣僧 超揆 較閱 進

呈
臨濟宗

南嶽下三十七世隨錄

瑞安本寂雲蔭德禪師。問。既是無縫塔。因甚又用灰泥。師曰。爭奈者一問何。僧聞牛鳴問者。是甚麼聲。

師曰是佛聲曰因甚墮到這裏師曰蒼天蒼天示衆舉舍利弗入城公案畢乃曰舍利弗纔起思惟却被月上女看破直至如今身入荒草示衆舉女子出定話畢乃曰文殊放去太晚罔明收來太速帶累瞿曇女子通身泥水紫芝有嗣

瑞安雙貞尼通禮敬禪師姓陳係林眉聲堂嬖也矢節焚修眉聲令參如何是祖師西來意庭前柏樹子恁麼會又爭得如何是祖師西來意庭前柏樹子恁麼會猶較些子久之未有所入偶閱冰輪道者柏樹子頌有省上寶寧求證紫芝有有曰祇如趙州道狗子佛住無又作麼生師曰謝和尚證明有曰既是無又證明甚麼師曰惟人自肯乃方親有曰汝猶未徹在師禮拜便出康熙庚午二月二十日對衆說偈

坐盼紫芝有嗣

山西蒲州萬固文源燦禪師上堂大道只在目前莫謂目前難觀欲識大道真體拄杖七尺二拂子二尺五上堂過砂點眼不蒙便瞎救火送薪有甚奇特喚作是佛眼見空花不喚是佛不可少他聖名凡號

打瓦鑽龜作麼喝一喝曰四方八面絕遮攔萬象森

羅齊點首奇然有嗣

太平青山竺菴瑞禪師示衆城子埂頂王橋等閒踏著兩頭搖不是山前溪水秀有錢難買白雲高元

宵晚參今宵正月半走馬燈似鑽說與諸人知轉眼時光換以杖卓卓卓顧左右曰看看示衆年來無

所悅高臥白雲堂雨過松山翠風來竹戶涼頭頭非取捨物物本全彰有問西來意庭前梔子香芝山有嗣

潭州石霜慈峰聞慧禪師上堂一見一切見天地日月萬象森羅一明一切明春榮夏茂秋肅冬寒喚作

佛祖心墮坑落塹不喚作佛祖心斬頭覓活畢竟如何是透脫一路崔有九皋纔學翼馬無千里謾追風

上堂秋風涼秋空碧秋水清秋山寂秋雁飛秋蟲泣秋樹凋秋葉赤且道衲僧分上明得甚麼邊事迢

迢十萬里西來親對梁皇道不識丈寺田上堂若論此事如一片田地相似從來授受契券分明其奈

自暴自殘癡狂外邊以致拋荒失業踰躅孤苦幸我聖主神明清其界理其業前至萬歲橋一百畝晚田

後至白米倉二十畝荒田。左至金銀庫四十畝旱田。右至芭蕉沖三十畝中田。遠近方圓荒熟共三百餘畝。徑以丈尺廣以分寸。科以升合。派以毫釐。誰敢隱瞞些子。山僧幸獲觀光。忍俊不禁。將原本契書乘時拈出。分付諸人去也。卓拄杖曰。還委悉麼。野色更無山隔斷。天光直與水相通。問正馬單鎗請師相見。師曰。降將不斬。問佛度一切衆生。因甚見殺不救。師曰。情知你命根不肯斷。問學人發疑情不起求和尙。開示師舉竹篋曰。喚作竹篋。入地獄如箭射。僧擬議。師直打出方丈。頌殃嶮產難話。曰。虎伸腰處風生。谷鶴側身時月到。廊眉底若無宗正。眼回頭只見碧天長。頌馬祖離四句絕。百非話曰。紅爛慢撥不開。採芳遊子去還來。不知已泄春多少。猶向鷓鴣啼處猜。碧眼開嗣

瀏水鳳翔唱宗來鑑禪師。僧問。曾子曰。唯黃蘗無師。且道是一是二。師曰。上大人可知禮也。曰。恁麼則儒釋分明去也。師曰。金風吹玉管。那個是知音。碧眼開嗣

潭州石霜大用來珍禪師。侍石霜開。最久。開一日入

堂。問諸禪德。還見山僧心肝五臟麼。師曰。知恩者少。負恩者多。開曰。汝分上道。將一句來。師曰。粉骨碎身未足酬。開又問。鳳翔峰今日爲甚點頭。師曰。某甲徹也。開領之。僧問。如何是第一句。師曰。大悲千眼。看不見。曰。如何是第二句。師曰。八臂那吒。道不出。曰。如何是第三句。師曰。月明簷外一輪圓。碧眼開嗣

長沙霜華楚芝來悟禪師。僧問。如何是霜華境界。師曰。一夜雷遷塔一座。至今何處不傳聞。曰。如何是境中人。師曰。八百高賢同聚首。馨香不但楚王城。曰。人境且蒙師拈出。格外元機。又若何。師曰。不可節外更生枝。示衆恒沙諸佛體。本元同。我及衆生同一性命。蟪蛄眼裏四大海。當陽看取蝦蟇腳。下五須彌。端的分明。召大衆曰。會麼。爲汝保任。終不虛也。喝一喝。碧眼開嗣

瀏陽石霜潤月來仁禪師。石霜開命入侍寮。行藏骨格有異人處。一日開問。汝有古人之氣。不知心行若何。師曰。和尙何得打作兩橛。開曰。也要看過。始得開。又問。破沙盆。汝能扶起否。師曰。將此深心奉塵刹。是

則名爲報佛恩。開領之。小參法是大法寶爲大寶。所謂法王之寶不虛妄也。汝諸禪德能見法王大寶麼。若道見也不是。若道不見也不是。莫把是非來辨。我浮生穿鑿不相干。碧眼開嗣

新寧草菴佛言來經禪師上堂。學百丈野狐話畢。乃曰。王言如絲。其出如綸。不落不昧。絕疎絕親。長安市上。家家月幾處。笙歌幾處真。師一日同衆挑土。有僧問。如何是祖師西來意。師曰。石頭上塊曰。意旨如

何。師曰。風吹日曬。雪舸中嗣

宜興法華嗣獄來燈禪師示衆。僧問。如何是湖山境。師曰。畫不成。描不就。曰。如何是境中人。師曰。推不開。約不散。曰。如何是湖山。佛法師曰。海口難宣。乃曰。湖山境有眼者。見境中人。覲面難藏。將謂佛法別有。未

免墮坑落塹。雪舸中嗣

漢陽大湖道務來勝禪師示衆。靈雲被桃花瞎却一雙眼。我輩諸兄弟。休以物所轉。松含風而夜寒。溪帶雨而春漲。雪舸中嗣

城步玉屏野雲禪師。僧問。十字縱橫。如時何。師曰。朝

打三千暮打八百。曰。穩坐家堂時如何。師曰。恭惟起居萬福。小參卓拄杖曰。道得棒下死。道不得棒下死。諸兄弟試道。看衆不出。師曰。啼得血流無用處。不如緘口過殘春。便歸方丈。石舸幸嗣

城步大悲含舒來詠禪師示衆。十方世界是沙門。一隻眼且道。夜叉羅刹鬼子。母阿修羅眼在甚麼處。這裏分割得出。可謂了事衲僧。其或未然。山僧罪過。石舸幸嗣

杭州仁王梅璞來育禪師示衆。錐頭利鑿頭。方明歷歷。絕商量。昨夜三更月到。子愚玄嗣

東安鳳山非石來程禪師。僧問。盡大地是火坑。得何三昧不被燒。却。師曰。識法者懼。曰。恁麼則獅子一滴乳。迸散十斛驢乳。師曰。大唐國裏有幾人。示衆大事未明如喪考妣。山不是山。大事已明如喪考妣。水不是水。月明照見夜行人。萬里山河圓一鏡。破有宣嗣

武岡觀音再履來崑禪師示衆。殃幅持盃。婦人產難。覲面相逢。棒打不散。示衆卓拄杖一下。曰。大衆見麼。又喝一喝。曰。大衆聞麼。若也聞見分明。不必東撈。

西摸其或未然莫將容易得便作等閒看鐵輪哭嗣

鼎州護國決菴玉禪師頌女子出定曰嶺南鸚鵡亂

啼時價重聲高覓所知古調曲中音韻遠誰能會取

絕思唯頌乾闥婆王奏樂曰幽禽三四聲喚醒佳

人夢有意不堪聞靜把絲桐弄天機舜嗣

鼎州陽山楞嚴菴草勝林禪師頌洞山麻三觔曰如

如是佛麻三觔纏縛往來多少人任是大悲千手眼

至今不識定盤星頌雲門對一說曰鳥語春深啼

杜鵑一聲遙送百花天殘紅墜地難迴復夏日陰濃

馬不前枕石微嗣

京口夾山乾彰緒禪師示衆一二三四五六七顛倒

衆生空見識七六五四三二一大地山河黑漆漆個

中數目甚分明具眼衲僧須辨的若辨的虎齧大蟲

蛇吞鱉鼻示衆昨夜三更挂杖子吞却山河大地

山河大地即是挂杖子挂杖子即是山河大地汝等

諸人在甚處安身立命卓挂杖喝一喝曰漆桶不快

歸堂努力頌無夢無想主人公話曰長江千古自

流東萬里無雲印碧空夜靜水寒人睡穩蘆花深處

一燈紅解海言嗣

五燈全書卷第一百八

五燈全書卷第一百八補遺

臨濟宗

南嶽下第三十七世隨錄聲山下

潭州石霜治溫澄禪師上堂聞聲悟道承虛接響見
色明心金沙翳眼壓破脚指了沒交涉扭住鼻頭錯
過了也者隊無面目漢不是石霜壓良爲賤我王庫
內無如是刀解制小參制無結解而人自生結解
道無悟迷而人自生悟迷穿衣喫飯本來成現行住
坐臥觀體堂堂何用三條椽下七尺單前瞪眉努目
晝三夜三堪什麼事逗到伎窮倆盡依舊緊拈草鞵
三千里外逢人但不得道從石霜來何故你不識山
僧山僧不識你有什麼交涉上堂西風急桂子香
西來祖意絕囊藏咄兔徑非大象之所游鷄粟豈鳳

鳳之略咏便下座。示衆青山青白雪白一夜朔風寒。漫湯連底結別。別乾坤萬里一條鐵。問不與萬法爲侶者。是什麼人。師厲聲曰。是什麼人。僧擬對師打出。問父母未生前。那箇是學人自己。本來面目。師曰。青山來亂流。開眼

趙州古觀音院禪林意禪師。秉拂小參曰。者磯頭截衆流。今借坐展釣鈎。衆中有衝浪錦鱗。不妨出來游泳。看左右顧視曰。有麼。有麼。雨花裝禪師問趙州古佛。利庭前祖意。猶存臨濟漚沱邊座上。元風廣博。請問法兄。如何是奪人不奪境。師曰。目前無老兄。進曰。如何是奪境不奪人。師曰。座上有禪林。進曰。如何是人境俱不奪。師曰。夾路梅開。偏逢驛使。進曰。料簡已聞其詳。利生之事。若何。師曰。焉辭拖泥帶水。進曰。與麼則遲日江山麗。春風花草香。師曰。賴兄證盟。首山禪師問漚沱一滴。卽不問。如何是機前一句。師良久曰。會麼。進曰。如何是語後一句。師曰。切忌鑽龜打瓦。進曰。劫外頓然消息。斷知音知外。更誰知。師曰。首上

座眞名持戒。乃曰。雙睛觀透齊秦月。隻杖卓餘蕪趙雲。教管律鈴。渾厭撥誰知。又打宗門。蕪蕭以拂子。轟○相曰。若論者箇大鼓堂上老人。恒常擣擊音韻。清雅令人樂聞。而現前諸昆季。無不耳之稔矣。又奚俟意上座。今日之續嚮乎哉。但承慈命。不得不。一接拍耳。遂震聲一喝曰。只此一通。非漁陽可該。豈三臺能收。惟要當人。從大火聚中。翻身千尋海底。著脚然後具得一副。指毒蛇頭上。癢奪餓虎口邊食底手段。始敢當軒輊。動不惟直教尋言逐句。穿鑿卜度者。藏竄無地。卽久參上士。多智賢明。亦乃側耳悚聽。嘆妙應羣機。卽且置親承記。荊一句。作麼生諦審高風。此日韻菲。躬慚愧繼芳猷。連喝兩喝下座。雪山

祥嗣

北京龍泉曉愚講禪師。登州程氏子。投法源髡髮。示參萬法歸一。話詣憫忠。受具。每提話頭。懵無所趣。乃束裝至羅那延窟。一晚危坐忘所以。忽聞風吹松清梵入耳。汗流溼衣。疑慮俱失。乃南下至浙之柏山。青州大覺末覲法源。玉玉問善財參徧處。爲甚黑豆未生芽。師曰。若生芽。則禍事。玉曰。用南詢。作麼。師曰。不

入洪波裏。怎見弄潮人。玉曰。別峰相見。有什麼事。師曰。大似重栽眼。上眉玉曰。放子三十棒。師禮拜。巾侍十稔。乃得微旨。寶如玉嗣

登州法源仁山能禪師。本郡焦氏子。從法源玉芟染。任勞不息。暇則焚禮感。大士現相。白玉玉命參萬法。歸。一夜見佛燈光。燄騰空。有省。呈玉。玉適送亡僧。歸。便問亡僧遷化向什處。去師曰。鼻孔朝天。曰。因什顛倒。師曰。正是他放身命處。曰。大家燒作一堆灰。什處相見。師曰。安南地。暖塞北天。寒源異之。命理院事。卽成叢林。玉問法源。一鋪功德。成禪否。師曰。何須片雪點紅爐。玉曰。果圓成否。師曰。一人有慶兆。民賴之。玉曰。脚跟下道句。看師曰。怎敢勞煩。和尚便禮拜。玉領之。命繼席法源。寶如玉嗣

儀真地藏具函廣禪師。揚州陳氏子。初參許村虎。餘命看一歸何處。話歷三載。未脫膺。礙次詣慈雲。參大覺。琇再謁。囑堂予於安化。入室。次予問一歸何處。師曰。西山高絕頂。一望四無垠。予卓杖曰。向者裏道句。看師。喝予。便打。師擬議。予又打。師豁然。禮拜。予領之。

舉東嶺野翁禪師。參天目。目曰。子以到不疑之地。何生死之懼哉。翁于言下豁然。師頌曰。父子相逢話。正長夜。深秋月。照人涼。說盡當年辛苦事。一度傷思。一斷腸。囑堂子嗣

禪師餘姚陸氏子。投智顯。披荆禮白馬。忍得戒示。衆竹篋子。話後參諸方。觸石遭跌。有省。口忽曰。虛空粉碎。渺無震。祇恨從前入路差。今日始知無一物。西村元是舊親家。甲戌禮臺山。至都中謁安化賢。賢問那裏來。師曰。楊關。賢曰。甚麼物。與麼來。師曰。蘇州有常州。有賢曰。這樣滯貨。師曰。滯卽且止。請和尚定價。賢曰。也少三十棒。不得。師曰。和尚太煞婆心。便出入室。一日賢問文殊七佛之師。因甚出女子。定不得。師曰。點卽不到。賢曰。罔明初地。菩薩因甚出得女子。定師曰。到卽不點。賢高聲曰。女子。賢師便作女人拜。曰。和尚萬福。賢領之。

金華華藏藥海孟禪師。姓蔣。浦江人。投湖山庵。妙吉落髮。嘗習坐禪。北參天龍。中值妙雲雄。請禪要工夫。雄命看萬法。歸一話。自謂有契。入一日。中問妙老人。

與你道甚麼。師曰。但得雪消去。自然春到來。中打曰。者念篇章。漢有甚了期。師曰。和尚莫壓良爲賤。中擲杖曰。我即不打你。試親切道。句看。師曰。乞和尚拽起某甲著。中即拽起。師便與一掌。中呵呵大笑。師禮拜中肯之。致和中嗣

天津水月殊庵定禪師。餘姚劉氏子。禮摩竭剎染詣京嚴淨圓具。後參慧林光。令看萬法歸。一話刻責。自究久無所入。偶過村落。聞砧杵聲。有省。歸呈所見。光曰。如何是萬法歸。一師曰。水向東流。光曰。一歸何處。師曰。大家在者裏。光曰。親切處道一句看。師禮拜。光曰。放汝三十棒。晚參。驀召師問曰。三藏十二部俱是佛說。忽翹一足曰。且道者是誰說。師曰。請和尚尊重。光領之後。以偈付之。慧林光嗣

杭州慈隱涵靜振禪師。桐鄉宋氏子。禮以仁。薙染北遊天津。覲慧林光。於大悲令參三不是。話刻究無所入。一夕經行。擡頭觀飛星。有省。趨万丈光。問不是心。佛物畢竟是個什麼。師曰。拄杖長七尺。曰。那裏得者箇消息。師便喝。光便打。師曰。和尚婆心太煞。光休去。

入室次光曰。昨日風今日雨。是何意。旨師曰。穿破鐵牛鼻孔。光曰。爲什拄杖子吞却乾坤。師便喝。光打曰。者一棒。嚮師曰。恩大難酬。光領之。慧林光嗣

北京茶蓬忍僊。諸禪師金陵湯氏子。幼而穎慧。知有向上事。辭親依聖。感圓初脫白禮覺胤。受具參遜村命看父母未生前話。聞風折樹。聲有省。入室呈解。問如何是本來面目。師曰。堤邊柳色含烟。綠陌上桃花映日紅。曰。未更道。師曰。記得當年相識處。回頭又見月華新。曰。什處學來。底師拂袖便出。參弘覺恣于平陽。恣問那裏來。師曰。蒼溪東。雪水西。曰。爲什走兩條路。師曰。也要和尚疑著。曰。我道你不從蒼雪來。師曰。請和尚道。曰。汝從水灣灣山凸凸處來。師曰。大好平陽。曰。汝還見虎麼。師作怕勢。曰。且照顧性命。師便作虎聲。恣謂客司曰。領者僧參堂去。參靈機觀。觀問倩女離魂。那個是真。師便喝。觀曰。者一喝落在甚處。師又喝。觀打曰。少者棒不得。最後見蕪湖福嚴。輪師資機契。執侍五載。得受印記。掩關小參。萬法本閒。爲人自闊。眞智圓明。情生性隔。若欲本源清徹。性體

淵弘必須靜極光通。自然造車含轍。千江有水。星月皆含。萬里無雲。純清絕點。了亦無可了得。亦無可得。正恁麼時。且道如何。卽是乃拽杖入關云。一輪杲日。當空照萬象。森羅影現中。喝一喝。輪師庵

泰州藏經石浪口禪師上堂。舉天巖啓小參云。孔子不識字。達磨不會禪。人却不信。鳥大如山。魚大如海。人却不信。父少於子。弟長於兄。人却不信。明星午現。紅輪夜照。人却不信。海月與麼說。諸人不信。諸人與麼說。海月不信。海月不信。諸人不信。且道是同是別。顧左右云。畢竟作麼生。復云。參。庵純曰。魚游松頂。鶴宿波瀾。倒騎鐵馬。直上青天。一曲豪歌。聲落幽玄。耳聞不會。眼聽始全。諸人不信。海月難圓。海月不信。諸人高眠。生乎今之世。反古之道。豈其爲然。復云。參師頌曰。轅轅通紅鐵。一團週遭宛轉絕。躋攀和烟拋入青霄外。三眼摩醯未許看。已庵純嗣

義水語崎。梅徹禪師本邑人。參宜林能令看父母未生前話。久之一日能問如何。是你父母未生前的面目。師不能對。遭能痛棒。師曰。乞和尙寬容。能又問。

師擬對能。又打師。冰釋所疑。乃禮拜曰。和尙恩逾父母。能曰。汝見個甚麼。恁麼道。師曰。金剛手裏八輪棒。能曰。未在這道。師便喝。能領之。舉天則能參龍池。微微舉扇曰。會麼。能曰。不會。曰。爲什不會。能曰。非我境界。曰。汝何處來。能曰。湖廣曰。黃梅佛法如何。能曰。夜半付盧。能泥牛歸雪嶺。曰。卽今事作麼生。能曰。和尙道個甚麼。微微喝。能曰。老作家師。頌曰。江國春闌。風信幽漁。翁把釣。曲江頭一聲笛。奏千林曉破浪。金鱗撒斷鈎。天則能嗣

長沙印宗奇禪師初參劍叟。有悟入。晚謁石源雲于石門。深悉微旨。上堂。舉山鐸在參。金明進問。不是心佛物。是個什麼。在曰。露曰。昨日有人恁麼道。趁出了。也在曰。要打便打。說什。昨日隨聲便掌。進約住曰。者瞎驢亂作。那在擬進語。進便打。復擬進語。進又打在豁然契證。師頌曰。歷徧千峰與萬峰。白雲深處見。繡蹤翻身直上最高頂。激電驅雷縱遠鴻。石源雲嗣

黃安獨山微塵盛禪師本邑人。歷參尊宿。宿晚謁石源雲于龍興。得受記荊。小參。舉問谷印問。南明廣了。

卽業障本來空。爲甚師子尊者被罰。賓國王斬却廣
日本來空。曰爭奈頭何。廣曰。日本來空。曰爲什罰賓國
王。一手墮地。廣曰。日本來空。師頌曰。柳汀斜對野人聽。
零落衰條伴曉江。正是霜風飄斷處。寒鷗驚起一雙

雙石源
雲嗣

英麓與福穎。戟易禪師。斬水人禮黃尖。欽剃落受具。
參柏樹子話。一日斫柴。傷指有省。呈欽。欽曰。柏樹子。
斫師曰。血淋淋的。欽頷之。學方山寶。凡見僧入室。
概豎拂子。曰。是甚麼僧。擬議直打出。二十年少有契。
其機者。石門雲。曰。祇如師僧家。識得拂子。又作麼生。
良久。彈指一下。金明旭曰。識得拂子。買草鞋行脚師。
曰。古人門庭。恁麼施設。近時。惟恐。不。解。腥。蠅。不。來。
臭。可不歎息。等輝
欽嗣

建寧真如。餘力恒禪師。建陽陳氏子。禮浪雲脫白。嘗
請益穎素鑒。鑒曰。出家學道。非小根劣志。可趨向也。
師曰。如何。卽是鑒。曰。汝但一切善惡。都莫計。意單提。
個無字。全身靠定。如一把金剛王劍。佛來也斬。魔來
也斬。久久自然。瞞你不得。師于是刻究。雖執勞任重。

未嘗放過。一日晦嶽旭至。普明索從上遺稿。師朝夕
請益。旭問。還我無字意來。師曰。無本無意。曰。旣無意。
誰來請益。師于言下有省。便禮拜。旭然之。畢希覺。
銳參時現。疊疊問上座年多少。銳曰。與虛空同生。曰。
還有人相伴麼。銳曰。從來不借他人力。曰。如何是汝。
自己力。銳便擲疊。曰。者漢恁麼。那師頌曰。紀年多少。
同空生。曰。是誰相伴。不借他力。等閒輕撥著。迎風劈。
箭急。凜凜威風。山崩海立。晦岳
旭嗣

浦城龍珍。天秀潤禪師。本郡人。卯歲禮龍珍。胤披緇。
謁鼓山賢受具。隨胤參鳳山。疊命看柏樹子話。一日。
值疊自攜水師。擬接疊。伸手曰。還我話頭來。師曰。待
某甲淨脚了。向和尚道。疊曰。卽今事作麼生。師便喝。
疊曰。甚麼學來。底師又喝。疊擬掌。師攜水便行。疊曰。
却也有些裨僧氣息。師曰。也要和尚著一驚。疊器之。
後胤受疊印。記命師理院事。二十載。看法華。次胤問。
如何是一大事。因緣。師曰。千手大悲。提不起。胤曰。子。
又作麼生。師以兩手作托。呈勢。胤曰。錯會也。師便喝。
胤曰。還更有麼。師作禮三拜。珍重而出。胤喚監院師。

回首胤曰。山僧亦有一大事。因緣要汝提掇。他日向
鑊頭邊。覓得一個半個。續佛慧命。不負先人之念。吾
願足矣。付偈印焉。覺圓

北京千佛普韻法禪師。濟寧鬱氏子。造淮城。投靜然
披緇。抵京。謁雲光。受具。閱禪燈如夙。習參廣嗣。杲命
看三。不是話。力究累年。一日。聞僧誦風鈴偈。曰。言外
百千三昧法。因風說與個中人。豁然冰泮。即見檀度。
次謁大悲深。領提誨。復造普慧。喃喃命典藏。一日。喃
問黃檗打臨濟意。作麼生。師曰。金將火試。喃喃曰。爲甚
向大愚。肋下還拳。師曰。者裏失錢。那裏拔本。喃喃曰。當
時得大愚。力何以承嗣。黃檗師曰。冤有頭。債有主。喃喃
曰。放汝三十棒。師禮三拜。喃喃契之。乃付以偈。天乳
臨濟大悲。願謙津禪師。本郡韓氏子。投靈鷲。祝髮。請
益妙雪。雄指。示禪要。命看三。不是話。夙夜刻究。不忘
一日。挑水灌園。忽簍爆桶。落豁。然有省。詣方丈。呈解
雲叱之。曰。此不過暫時現量。非爲究竟。師擬伸問。雄
亂棒打出。遂徧扣名。宿末後。參天癡善。善曰。二日不
相見。莫作等閒看。汝眉毛。長多少。師曰。與和尚一般。

善曰。真個那師。震威一喝。善曰。一喝不作一喝。用你
作麼生。會師曰。竹密不妨流水過。山高豈礙白雲飛。
善曰。恁麼會。又怎得。師又喝。善打曰。參堂去。執侍五
載。善印以偈。天癡

惠州圓通玉巖弘禪師。鎮江人。上堂。舉法眼云。三通
鼓罷。簇簇上來。佛法人事。一時周畢。淨居云。三通鼓
罷。簇簇上來。拄杖子。不在荅帚柄。聊與三十師。曰。二
大老分疆。列界各顯家風。則不無。若是開人眼目。斷
人命根。要且未在。圓通即不如是。拈拄杖召衆曰。三
通鼓罷。簇簇上來。豎起拄杖曰。是甚麼旋風。一齊打
散。擲杖于地。呵呵大笑。歸方丈。潛夫

荊州天龍可藏用禪師。參普光峻。峻問何處來。師曰。
請師鑑峻。曰。者尿床鬼子。拈棒便打。師曰。早知和尚
有此機。要峻又打。師曰。某甲過在甚處。峻曰。墮也。師
豁然便禮拜曰。若不親見和尚。幾被諸方賺悟。一生
峻然之。執侍數載。峻付以偈。示衆拈拄杖云。者個
不得喚作拄杖。若喚作拄杖。人地獄如箭射。復以拄
杖召衆曰。者箇端是拄杖。若不喚作拄杖。人地獄如

箭射且道如何即得便下座 上堂舉高峰云三十

年來合得。一服快活。無憂散其藥。雖微其功極大。不

問佛病。祖病。心病。禪病。凡病。聖病。是病。非病。生病。死

病。除禪和子。一種毛病之外。聞者見者。莫不靈驗。師

曰。者服快活散。雖則神妙。不過有三年之艾。能灸七

年之病。若是膏肓之疾。未免束手傍觀。天龍也有個

單方。不假造作。其功莫有逾者。佛病。祖病。以至生病

死病。且置一邊。專治禪和子。一種毛病。見者聞者。喪

却性命。且道是什麼藥頭。灤神農不敢嘗。潛夫峻嗣

崑山王全信居士本邑人。知有宗門事。嘗自究竟生

從何來死從何去。遇遯叟。開示數語。深明一貫之理。

一日呈偈讀雪子曰。尋常日用本非他。物物頭頭事

豈隨信手拈來無。刺法只將一著定。諸訛讀雪閱畢

問如何。是你日用一著。士豎起拳。讀雪曰。放下。著士

舒掌曰。不可弄巧成拙。讀雪曰。去此二途。道一句。看

士便喝住曰。再喝看。士曰。那更。矢上加尖。讀雪便打。

自是嘗炙左右。讀雪印偈曰。祖師鐵牛機。克振在機

先我今斯付汝。宗風播大千。讀雪章嗣

荊州盤山位與寶禪師宛平卞氏子。初謁興隆示竹

筴話。刻究忘倦。及參大悲。則苦切倍常。偶過瀛海。聞

潮聲。有省。則問趙州。道我在青州。做領布衫。重七斤

汝如何會。師曰。波斯嚼冰雪。不覺齒牙寒。則稱善。乃

命依吉庵。貞貞問如何。是入門句。師曰。恰值金吾不

禁。貞拈杖橫按曰。怎柰者箇何。師曰。和尚婆心太切

貞豎杖曰。轉身一句。又作麼生。師作禮曰。成寶禮拜

有分。貞曰。三十棒。且待別時。師約住一掌曰。要打便

打。說甚別時。貞拓開曰。不啻汝到恁麼地。師作嘯嘯

聲。自是執巾。五載漸悉。妙理後承印記。聖蓮貞嗣

黃梅萬緣法禪師吉安人。從銳剃落。叩天峰。有悟入

峰。仍命見銳。銳每示鉗錘。師無難色。一日銳命入室

問無字公案。凡十三語。銳不加諾。師曰。和尚莫強壓

人好。銳曰。不道汝不會。怎柰禪太多。師佇思。點首便

禮拜。銳曰。子見何道理。乃爾。師曰。萬古碧潭空界月

再三撈。擬始應知。銳可之。銳錄銳嗣

黃陂彌陀慈若印禪師荊州萬氏子。隨父禮雲谷脫

白稟戒於揚州天寧。受學於匡山紫淵。偏參諸老。俱

有機語末造金明。值旭搬瓦次。旭拈瓦示衆曰。一大藏教只說者箇師。進前亦拈一片瓦曰。一大藏教不說者箇旭。旭曰。說與不說。只消一文錢。師曰。半文亦不值。旭曰。山僧今日折本也。師微笑。旭深器之。命克侍司。前後九載。旭以偈印焉。金明旭嗣

漢陽三河一葦蓮禪師。本郡人。韶年薙染。志慕禪宗。禮演受具。求開示。令看一歸話。三載精勤。不忘七期。演落堂間。一歸何處。師面亦不能對。演扭師鼻曰。者畜生在此。多時尙使不得耶。師負痛失聲。演曰。却甚親切。師聞而汗出。覺身與空等。便禮拜。演曰。何不道一句。師曰。天寒滴凍。請和尚暖室裏坐。演便休。命師書狀。師雖得悟。日夜猶勤。刻究彌切。演印以偈。師乃問。只如燈燈不息時。如何。演曰。大似瞎驢趁隊走。師曰。謝師答話。演打七棒。趁出。東林演嗣

黃安得得雲峰定禪師。本邑人。嘗聞僧談及禪理。師喜不自勝。因造大聖稟戒。值演與胡心維盤桓。如忘忽記。卽進前禮拜曰。和尚與居士所言何事。演曰。非汝境界。師曰。已被學人看破也。演拈竹篋曰。看得者

箇破麼。師奪得擲之。便出演語。士曰。此子莫參禪麼。士相與稱奇。後命師入室。問子曾參那箇。知識師曰。大聖和尚演拈杖打曰。者掠虛頭。漢來誑老僧。那師曰。却是拄杖子記得。演乃喝曰。不是者箇道理。遂命看柏樹子。話師擬祇對。演打曰。開口卽錯。出去。師亦知其意。後演印之以偈。東林演嗣

普應尼蘊古宗禪師。上堂。天空海濶。月白風清。在處漁樵起舞。隨万物類生歡。新普應怎敢違時失候。千差萬別。向者裏一齊坐斷。迴絕諸訛。踏開生佛頂額。揭露須彌腦蓋。大衆且道。神通耶。法爾耶。怎麼會得。盡十方世界。總不出我者裏。若是門庭施設。也要另出隻手。以拂子畫。○曰。心燈焰焰傳芳遠。一點無私徹古今。小參洪鐘在架。有扣則鳴。寶鏡當臺。有來則現。諸大德各本有一段光明。用無窮取無竭。灼然一切處。不昧著明鏡。洪鏡無二。無別自是。汝不薦蓋爲妄執。塵勞分別影事。汨沒生死。浮沉苦海。被根境縛著。累劫難脫。諸人要會。直下便會。有什麼相隔。處如不爾者。三根椽下。七尺單前。把身心打疊得乾。

二一

乾淨淨仔細諦審。看是什麼物者。裏翻得身轉一點也。瞞你不得。方知吾不汝欺。還有麼。良久曰。把手勸君行。不得爲人自肯。乃方親。實如玉詞

徑山千指蘭谷遷禪師。頌青州布衫曰。巧樣裁成恰稱身。非長非短覺相親。尋常不浣春江水。日日炙風吹

豈染塵。悟松裕嗣

金陵普濟宗鏡徹禪師。晚參石頭城下。燕子磯頭。長江浪湧。烟雨空濛。諸佛機祖。師意分明。揭露亘古彌今。本無變遷。若能覲面會去。便可歸家穩坐。何須歷徧百城。奚用闔門彈指。薦豎拂子。曰。大衆還見麼。復

擲拂曰。切忌換却眼睛。聞谷悟嗣

安州法雲天機徹禪師。閩中泉州林氏子。弱冠薙髮於汴州相國寺。遍歷諸方。末侍祝峰。善乃蒙印可。繼席示衆法。無定相遇緣。卽宗道本無言。因言而顯。所以三際求而罔得。二諦推而莫知。無相無名。不可測其深廣。無依無住。不可察其指蹤。到者裏須知有透脫一路。始得卓拄杖曰。肇開華嶽。連天秀放出黃河。徹底清喝一喝。示衆拈拄杖曰。是法非思量分別

之所能解。卓一卓曰。惟有一乘法。無二。一無三。於此

透得。明得。一大藏教。盡是拭瘡膿。故紙良久曰。還會麼。三脚驢兒弄蹄行。踏碎乾坤無寸土。塢於普照寺之北隅。祝峯善嗣

隨州水南徵宗省禪師。參祝峯善善。曰。年多少。師曰。三十六善。曰。水牯牛多少。師曰。兩個善。領之。上堂。

祖庭傾頽已多春。四至分明記不親。雨傘撐開新世界。犁耙耕轉舊乾坤。卓拄杖曰。自是不歸歸便得。五

湖烟景有誰爭。祝峯善嗣

漢陽三河一葦蓮。禪師初參護國。不契。遂徧歷叢林。

末造大聖。演纔入門。演拈杖卓一下曰。拄杖子。踴跳

師曰。和尚莫探頭如演。便打。師曰。學人過在甚處。演

曰。好惡也不識。師不領。演置杖曰。上座不必忙。曾有

諦當處。不妨舉。似爲你證據。師歷舉所得機緣。演曰。

者總是心意卜度得底。祇趙州道個無你作麼。生會

師茫然演曰。且去別時來。師出門次。演驀喚上座。師

回首演曰。是甚麼師。於此有省。便禮拜。演曰。何不道

道。師曰。一雙青白眼。那更著泥沙。演曰。還我無字來。

師曰雙城驛前官馬路行人幾個不辛酸。演曰走殺闍黎。師曰步步不沾塵。演曰三十棒且待別時。後印以偈。耳觀演詞

黃安得庵雲峯定禪師本邑程氏子。依雪居髡染詣大聖。獲戒請益工夫。演命參一歸話。二載一日親山水。瀑發波浪洶湧。忽有所入。呈演。演曰一歸何處。師曰山頭翻白浪。海底起紅塵。演曰是見若受。即成障隔。師曰如何。卽是。演痛棒打出。掩却門壁立。堦前半響。忽有人問牛在那裏。有僧答曰。就在者裏。師聞之。頓釋前解。疾趨扣方丈。演曰誰師。曰不是別人。演開門。師禮拜。演然之。耳觀演詞

嘉興敬畏韞石琳禪師海鹽陸氏子。從雪介剃度。禮晦岳旭於三塢圓戒。命看一歸話。次入楚徧參。旋歷匡廬。俱不契。再見旭。旭數回盤詰。應對頗捷。移時旭喚師曰。從前三則語。盡是躲跟。未到實地。今日快快供說。不然打你疾死。師赧然擬對。旭便打。師又擬對。旭又打。師茫無措。旭連棒打曰。一歸何處。速道。速道。師頓有省。乃禮拜曰。全琳今日始知和尚一片婆心。

碎身難報旭可之。示衆學楞嚴曰。諸可還者。自然非汝。不汝還者。非汝而誰。頌曰。畫樓春色最嬌華。逞盡風流與莫遮。試向清波手畫月。冰容難並玉容嘉。頌南泉刈茅。僧問南泉路因緣。曰。跣屨梯雲欲學仙。不知身在葛洪前。一壺妙藥都傾與。稚子猶然問洞天。耳觀演詞

嘉興在聞本禪師本邑洪氏子。幼出塵。禮同岑燈圓具。造金明求指示。旭曰。本無建立。指示個甚麼。師曰。弟子愚頑。乞師慈誨。旭舉趙州無字。命師參究。無虛日。偶聞車水聲。有省。述偈曰。趙州一個無字。匝地普天不漏。驚然打碎虛空。塞斷黃河。倒注呈旭。旭稱善。耳觀演詞

鎮江帝青寶禪師本郡人。脫白中隱。參天寧。命看生前話。數載後。呈見甘露旭。每掃却。師動止不安。一夜危坐。聞炮聲響徹天地。心境廓然。侵晨呈旭。旭曰。卽今炮聲落在甚處。師便喝。旭曰。汝者一喝又落甚處。師又喝。旭曰。未。在。師禮拜起。連喝兩喝而出。旭領之。師頌青州布衫曰。青州七斤衫。團團無縫隙。幾多

人向此中迷不識趙州赤骨腰曉岳

旭嗣

青龍覆載證禪師小參覺印當軒迥超無極先天之表妙湛圓明徹證恒河沙界之中正令全提縱橫無礙刮龜毛於牛背截兎角於虎頭展大機顯大用何妨藏天下於天下正好徘徊廣莫之野逍遙何有之鄉且道是甚麼人境界喝一喝小參穴知雨巢知風殘花落盡月輝空塵塵寂寞利利圓融的的三乘外寥寥一印中祖師意沒西東繫驢橛上生芝草黑漆盤中日正紅立春上堂泥牛鞭出黃金骨蕩蕩春風散五湖吞綠含紅無限意看取江山一畫圖展手曰是什麼切忌道破辨海言嗣

揚州普濟機先宗禪師上堂道無向背法離見聞當陽獨露凡聖不存直饒棒頭取證喝下承當箭過西

天白雲萬里聞谷悟嗣

法華天然順禪師小參無絃琴上撫出五音六律沒底鉢中托出百味珍饈碁盤石罅跳上三十三天洗鉢池哮吼入汪洋大海順上座忍俊不禁到這裏將祖翁田地點露當陽未耕者耕未得者得信手拈來

和盤受用且道如何受用齊良久喝一喝下座聞谷悟嗣
奉天蕭鳳儀扶雲居士本業儒隨父國麟宦遊粵東京口徧歷禪席知有此事後父歿扶柩旋京參寶如玉于三大士庵一聞開導心生踴躍更求垂示命看萬法歸一話後聞更鼓聲有省即見玉玉問如何是萬法歸一士曰衆星拱月曰一歸何處士曰月落天空玉曰正恁麼時道一句看士曰佛祖難窺玉曰未入幽奧後玉示疾告衆畢召士囑以偈曰入室知堂奧出門車合轍踏翻向上關無孔笛吹徹士唯然拜受士訪友山石石問是蕭居士否士曰和尚須具眼始得石曰看破了也士曰換却眼睛也不知石震威一喝士曰又恁麼去也石曰原來是作家士曰塗汚人作麼士到天甕禮妙雲雄雄問居士高姓士曰姓蕭雄曰古人一管簫吹散八千兵汝試吹看士展兩手曰又是一場禍事雄曰三十棒一棒也少不得士曰老和尚棒頭太香雄曰幾乎喚你作俗人士曰和尚捺人向坑子裏作麼雄曰雁過長空影沉秋

水土曰理長卽就雄打曰逢人切忌錯舉士禮拜如實

王嗣

南蘭成正禪師參安化中中間如何是上座底野鴨子師曰收來人不見放去不成羣中曰非汝分上事師曰不是某甲分上事且道是阿誰分上事中打曰瞎師便喝中曰也是賊過張弓師擲住中曰爭奈賊物現在中曰太煞無禮師作禮呈頌中領而印之

中嗣

和致

永平茶棚圓融諦禪師吳縣施氏子投普明雍染禮海會得戒參父母未生前話忽聞香板落地聲有省出謁南澗珍問如何是諸佛出身處師曰南人泛舟北地乘馬珍曰兩頭不著師曰磨盤空裏走珍便打師一喝而出晚依普度虛作務次虛曰鐙頭在手阿誰運用師曰何須掘地覓天虛曰汝旣不會何不問山僧師豎鐙曰大眾證明虛領之

從實
虛嗣

金華善慶靈慧智禪師義烏吳氏子參致和中於安化有師資契命理院事參請無虛曰又旋浙渡錢塘忽失前有復北上呈中中曰錢塘江幾許深師曰直

似海中近面覷曰果然鼻孔浸爛師曰和尙莫眼花中曰且喜眉毛還在師曰謝師證明中休去入室中間南泉喫油糍莊主來謝諸訛在甚處師曰疑殺天下人中曰還識南泉麼師曰今日捉敗者老漢中可之執侍十載中以偈印焉

致和
中嗣

太倉鈍機顯禪師玉峰李氏子幼投南廣雲髡誓命看一歸話禮椒山制秉戒日夜參究不懈因普請挑柴雪中著跌有省呈偈曰雲暗不知天早晚雪深難辨路高低等閒觸破威音上原是娘生箇面皮制曰只如娘未生時又作麼生師曰佛祖覷不見制打曰者一棒落在甚處師便喝制器之次親百懸斯於青龍斯問上座參方何年師曰威音王前斯曰太遲生師曰幸逢和尙住世斯異之復徧參諸老俱有機語晚造心莊陳讀雪問子曾脚跟點地麼師曰太湖三萬六千頃誰知到岸不須舟雪曰如何是到岸一句師曰特地一場愁雪拈棒師便喝雪曰俊哉禪子師拂袖便出遂親依數載雪印以偈曰是法無彼我是心超古今顯了非心法真機廓太清

陳玉
文嗣

常州黃山藥師補石天禪師本郡劉氏子。性穎悟。十歲受學。有會心處。輒起立同學。異之年十九。怙恃俱失。就耕一十三載。一日棄妻子。飄然入黃山。禮完白老宿。薙染二子。嘗依之師。不顧竟造靈巖。受具。命看三不是。夜坐更深。開門見月光。廓無際。返觀自身。猶虛空等。述偈呈童。碩宏曰。不是心佛物。皎然當宇宙。踏碎上頭關。突出虛空口。宏曰。喚甚麼。作上頭關。師便喝。宏器之。復參眠雲濟水。洸問何處來。師曰。天台。曰。見羅漢麼。師曰。又見一箇。曰。莫錯認。師曰。已露賊身。洸便打。師接住。送倒。洸喚侍者。一掌便出。晚覩晦嶽。旭於龍淵。擬展具。旭曰。不是師。收具。旭曰。轉錯。師曰。學人錯。和尚不是。旭便打。師曰。久聞龍淵深。果爾浪頭高。旭曰。淹殺閻黎。師便喝。後至甘露。再參。命首衆入室。次旭拈拂子。問當時馬祖。底與山僧。底同。耶。別耶。師奪得。豎起曰。請和尚道。旭曰。你道百丈意。作麼。生。師擲下。拂子。旭震聲喝。師禮拜。尋印以偈。晦岳旭嗣嘉善惠民古仙真禪師江寧李氏子。幼投弘渡律主。剃染十八遊。講肆謁海會。受具看一歸話。不契。南參。

龍淵雄師問。如何是卽心卽佛。曰。獅子咬人。韓獺逐塊。師曰。如何是非心非佛。曰。手長衫短。腳瘦草鞋寬。師擬議曰。汝作麼。生。會。師佇思。雄便打。師曰。倚天長劍逼人寒。曰。劍響。師一喝。歸衆。復徧參諸方。最後覲晦嶽。旭問。甚處來。師曰。南海。曰。見大士麼。師曰。學人去時。得潮來時。得。風曰。放下。餬餅爲甚。却是饅頭。師曰。也是平常事。旭拈竹篋曰。既是平常事者。裏道句。看師纔開口。旭便打。師曰。深領和尚一棒。曰。你向甚處會。師禮拜。歸衆。旭肯之後。示偈曰。法法無形表。非物非名字。我親分付汝。橋流聲不住。晦岳旭嗣金陵真如二輪明禪師本郡呂氏子。依弘渡出家。謁勝果。受具。造顯聖。理問。那箇是你本來面目。師無對。理便打。師擬開口。理又打。師有省。未幾。理寂。師造磬山。操問。是甚麼。師曰。不審。曰。上座。今日太歲。當頭。師曰。且喜和尚土星入命。操便打。師便喝。後參甘露。旭有契。普請挑柴。憩江岸。旭問。既是悟的人。爲甚氣急。師曰。魚行水濁。忽見死魚。旭指曰。魚以水爲命。因甚死於水。師曰。恩深不忘。旭曰。如何是恩深處。師禮拜。

旭曰。拄杖不在手。記取三十。依二哉。旭印以偈。晦岳

旭嗣

滁州瑯琊慈門聖禪師武昌毛氏子。甫十歲。二親俱喪。十八禮五祖岡落髮。圓具。苦行三年。看無字。依廣教玉數。載南下。抵夾山。憩旦。過閭僧誦有物。先天地句。有省。遂結茆。滁之皆山。入載後。棄菴參報恩。淳入浴次。淳問古人道。一口吸盡西江。你試吸。浴堂水看。師曰。某甲不作者。野狐見解。淳器之。復徧參諸方。終不自諾。末後至甘露方。跨門。旭問。是甚麼師。曰。素仰高風。特來瞻禮。旭曰。老老大大。著甚來。由師曰。古人三登投子。九上洞山。還是遊覽山川。還是別有道理。曰。如人飲水。冷暖自知。師曰。萬點烟消。天地淨。一腔風月。廓無垠。曰。莫是子見處麼。師便喝。親炙二載。旭印以偈。晦岳

旭嗣

膠州普濟惟一道禪師萊州劉氏子。參法光石策。勵彌切力。究數稔。一夜孤坐。達旦。聞迅雷猛風。覺身心頓空。廓無涯際。往呈石。石曰。生前面目。在甚麼處。師曰。徧界不能藏。曰。既徧界不能藏。何處安身立命。師便喝。石拈棒。師曰。者老漢手忙脚亂。作麼。便出石器。

之。卽南下。徧謁叢席。晚參甘露。有師資之契。卽命典

客。一日旭召入室。問。今日幾人新到。師曰。早期三人。

晚來五人。曰。幾人得體。幾人得用。師曰。請和尚勘。旭

便打。師曰。卽此是用。如何是體。曰。汝向甚處見山。僧

師便禮拜。旭又打兩棒。後印以偈。晦岳

旭嗣

黃安恒河瑩瑋珩禪師本邑盧氏子。生不茹葷。性冲

澹。二親既歿。禮微塵剎。染命看三。不是話。師曰。既不

是心。佛物又參個甚麼。塵曰。正好著力。謁大聖。演受

具入七堂。聞香板聲。有省。演舉香板問。者是甚麼師。

便喝。曰。亂喝。師又喝。演便打。遂參諸方。晚親甘露。旭

問。學人遠來。乞師一接。旭便打。師以坐具打圓。相托。

呈曰。西天九十六種外道。你是最下一品。師曰。是精

識。精旭直打。出入室。次旭拈棒問。者裏親切道句來。

師曰。北固山頭浪湧揚子江。心火發。日燒却你眉毛。

浸爛你鼻孔。師曰。乾坤浪蕩無拘束。倒跨須彌象外。

遊。曰。莫是汝見處麼。師曰。無見可見。曰。怎奈目前何。

師禮拜。旭然之。晦岳

旭嗣

黃梅萬緣發禪師吉安人。從鈍鋒銳剝落。依松岫源。

於羅漢久之次叩天峰性有悟入性仍命見銳嘗詰
無字凡十數語不諾師曰和尚莫強抑人好銳曰不
道汝不會怎奈太多生師唯唯點首便禮拜銳曰子
意如何師曰全發今日會和尚婆心片片銳然之鋒

師銳

南泉雲槎渡禪師武進王氏子親天寧桂昌銳開導
向上一著曉夜疑慮投祖印剃度詣龍池圓具看三
不是話北遊金門參南泉宗激發用功歷三寒暑聞
更鼓聲有省宗問瀉山錫倒淨瓶雪峰淘米去砂是
同是別師曰兩段不同收歸上科宗曰南泉斬猫歸
宗鋤蛇是何意旨師曰長劍倚天觸體徧地宗打曰
者一棒如何理會師曰直得大地震動宗肯之心禪
杭州慧彰自餘弘禪師侍慧彰璣甚久參究不忘一
日聞榔聲有省呈偈曰槌槌一擊有來由驚起瀉山
水牯牛兩角撐天曾不異自收自放自風流璣問如
何是自收自放自風流的事師拂袖出方丈璣曰放
汝三十棒自是漸益妙旨璣印以偈曰鐵船高駕許
誰酬吞海金鱗躍上舟細驗絕無粘帶處絕無粘帶

接英流 上堂天地未分時固是無可覆載日月未
明時光輝洞照無邊釋迦彌勒有口無說處文殊普
賢有智無用處圓通大士無聞證處善財童子無參
見處大眾正恁麼時且道山僧在於何處便下座文

師璣

山陰衛生鑑俞堅禪師本邑人親平陽顯聖諸宿有
年看三不是話精勵不懈後參月暉光執勞甚勤營
築殿堂開鑿陂池而本參話頭未嘗有間偶聞僧曰
鑿池不待月池成月自來礙膺冰釋乃呈光光曰靈
雲見桃花悟道因甚玄沙不肯師曰試玉須憑火曰
那裏是他未徹處師曰枯木綻銀花曰你即今悟也
未師曰須彌何更戴須彌光便打師禮拜光頷之月

師光

五燈全書卷第一百九

京都聖感禪寺住持臣僧

超永

編輯

京都古華嚴寺住持臣僧

超揆

較閱 進

呈

曹洞宗

青原下三十七世隨錄

越州彌陀寺無迹淨敏禪師。武康沈氏子。上堂。少林一曲傳來久。山僧向警無何有。業風鼓動沒絃琴。不用挑彈唯拍手。霜風颯颯捲殘霞。列宿煌煌籠北斗。禪源祖意祇狐涎。莫逐狐涎遭掣肘。丈夫壯氣塞乾坤。何藉山僧再開口。烏藤未舉早新羅。棒底翻身猶笑醜。大眾如何是不醜。底事良久曰。箭鋒交處龍象驚塵拂。飛揚貌獅走。住演教。上堂。昨日雨霏霏。今朝晴皎皎。照燭既無遺。個事爭尋討。拍案一下曰。了。上堂。掀翻海嶽裂破乾坤。演教門下祇可教他提瓶掣筭。彈沒絃琴。唱無音曲。總教你立在下風。運無相神通。現百千身量。速速趕出山門。若人問我緣因。但道青天白日。何假挑燈。上堂。臨濟豎鑊。仰山插

鉢。雖曰顛脫。尚未英豪。山僧無巴鼻。狼藉在今朝。以兩手作掀眉勢。曰。貓。解制上堂。孰得孰失。何證何修。六橋花柳。艷三浙水。長流最初句。眼中著屑末。後句醉後添杯。大丈夫漢。決決不向死水裏潛身。語言中取的。直須奮鵬翅。而遍攪。猱龍奪驪珠。而生烹大。象略較些子。諸仁者。可有具通身手。眼現全體作用者。麼。良久曰。神蛟不假風雷送。暗駕江湖度海門。問如何是內紹。師曰。勛勛開霄壤。綸功擢五侯。曰。如何是誕生。師曰。頑心匡宇宙。終不坐金鑾。曰。如何是朝生。師曰。克勤彰聖化。律呂佐朝堂。曰。如何是末生。師曰。令嚴烟塞靜。威烈壯山河。曰。如何是內生。師曰。仰承君父命。俛察萬機儔。曰。如何是離見滲漏。師曰。應機須審句。出格在當陽。曰。如何是離情滲漏。師曰。兩途無滯著。萬派自歸源。曰。如何是離語滲漏。師曰。始終存一際。不動那頭機。懷素杭州六通院。願菴淨伊禪師。清溪丁氏子。示衆出格超羣。拔萃機天。民古法兩難齊。靈兒獨透威音外。不外吾人眼上眉。小參目前無一法。當處亦無人蕩

蕩金剛體非妄亦非眞拍禪床曰會麼到者裏父子

相逢君臣道合一道如如體無異致正恁麼時可能

辯得主中主麼良久日月落江天形影收青山片片

暗雲愁松風陣陣清虛碧鴻雁徘徊任去留麥溪懷嗣

古越寶壽大鼎淨新禪師山陰馬氏子上堂會聞月

鎖空王殿適值簾垂信不通非是威音難話會此因

淑女未忘工豎拂曰會麼滿樹梨花翻作雪無端一

見令人寒上堂昨日雨洗千崖今朝風搖古木設

若箇點將來未稱道人耳目何故以手作環抱勢曰

你可曾見我離渚埠頭者樣大蘿蔔上堂拈拄杖

曰者個上座自出圈圍已來常在長安道上綠柳堤

畔不特吟風嘯月抑亦合水和泥到恁麼地始可迴

絕離微祇如竈裏無柴廚下無米又作麼生商量玉

人剛睡渾成夢忽聽鄰雞午夜啼上堂山一帶水

一帶白露搖拽乾坤外金雞飛起碧巖前誰信波斯

擬彩繪擬彩繪誠昏昧爭知我八角井亭竟做了彌

天寶蓋豈懸在十字街頭你道有幾許高大揮拂曰

奈師示寂康熙庚戌春廿壽六十有九僧臘五十

全身窣于謝市古興教院之陽石雨方嗣

杭州龍唐遠門淨柱禪師閩之龍溪陳氏子母夢雙

龍遶榻而生性不喜俗耽心內典禮碧巖賦薤染樵

雲常處受具因讀五燈見宋元明以來諸祖機緣事

跡漫無所考焚香誓曰某若發明大事當續此書初

謁圓通盛深蒙激勵次參午星炯有省復謁寶壽方

深得要旨出住龍唐上堂攜筇選勝入唐昌最愛

鷲峰古道場翠遶松杉山色古穿雲石乳落微茫若

以色列聲求總是認奴作郎不以色見聲求又逐春

風過短牆明歷歷絕覆藏竿頭如進步便是古龍唐

歸去好歸去好免教子規鳥啼血五更霜上堂長

松蔽日修竹干霄薰風入奏殿閣微涼任從溽暑蒸

人我者裏六月山房冷如冰雪且道與衆苦不能到

處相去多少擊拂子曰七尺單前自較量上堂朔

風凜凜正嚴寒葉落林空遍地丹惟有衲僧一著子

本無榮茂與凋殘喝一喝佛日上堂羚羊挂角善

藏身此地空留不了因室內繩床風雨爛扶持端賴

個中人諸昆仲先老人遺下一個破砂盆七穿八竅

大家扶將起來亦有用處。然一手不獨拍兩掌。鳴摑摑。正恁麼時。如何祇奉誕生王子父從教。諸道自分權。上堂。烟籠鳳塢。霧鎖龍峰。不落第二見。坐斷主人公。恁麼舉揚。當做宗乘。管取法堂前草深丈二。畢竟如何。琪樹花開七級松。寶壽退院上堂。相逢盡道休官去。林下何曾見一人。爲甚如此解瞻前。不能顧後。祇如寶壽今日進前底。是退後底。是擲拂子曰。侍者收取拂子。問如何。是正中偏。師曰。閉戶藏春色。曰。如何。是偏中正。師曰。開軒納晚涼。曰。如何。是正中來。師曰。黑漆崑崙上釣臺。曰。如何。是兼中至。師曰。鷲地相逢全意氣。曰。如何。是兼中到。師曰。魚沈雁杳無音耗。問如何。是法身。師曰。八臂那吒扛不起。曰。如何。是報身。師曰。竿頭絲綫從君弄。曰。如何。是化身。師曰。走盡千山及萬山。問直透威音那畔時如何。師曰。死水不翻身。師將順世聲鐘上堂。古人叫苦叫快活。都是野鬼山精。山僧則不然。良久曰。漢家有制度。語畢。願然坐脫。當順治甲午冬臘月十三日。世壽五十有四。夏二十有二。集有五宗續略行世門。

人奉全身塔于本山

石雨方嗣

古虞象田卽念淨現禪師示衆據座良久曰。默時說。說時默。大施門開。無壅塞。無壅塞。青山青。白雲白白。額尾巴焦。烏龜眼睛。赤好消息。明中坐舌頭。暗裏抽橫骨。示衆古鏡埋塵。黑似漆。左揩右磨。光赫奕。懸向虛空。照膽寒。偷心管教一時息。大衆要見古鏡麼。遂畫○相曰。應如是知如是見。示衆盡十方世界。是個自己爭奈。諸人不委只得強你看個話頭。大似按牛頭飲水。且教日日如此。却如合眼跳黃河。喝一喝。問如何。是萬法之源。師曰。生鐵如意。被虫蛙。問如何。是佛種從緣起。師曰。香巖書覺字。石雨方嗣杭州南山天愚淨寶禪師建昌新城人。姓歐陽。年十二出家。看三不是。話聞板聲。有省。謁弁山音一見便問。自遠趨風。乞師一接音。曰。我者裏無手。師曰。再請慈悲音。便打。師曰。莫道無手。好音大笑。尋謁寶壽。方于秀州東塔入室。次方曰。古人聞釵釧聲。悉名破戒。卽今金玉合雜。朱紫駢填。是破戒不破戒。師曰。石人無耳。却知音。方曰。雪覆千山。爲甚孤峰不白。師曰。頭

戴寶華冠。住後上堂。南山者片祖翁田地來也。任你來去也。任你去來底。踏著方知落處。如若不然。腳跟下看取。上堂。無事禪僧寂然不動。踢倒須彌。打翻靈藥。且道還有爲人處也。無久立珍重。上堂。乃大喝曰。與麼會得太煞無端。稍若不然。匡州萬里。

上堂。良久曰。若是宗門慣戰作家。亦怪南山好手。不得使下座。上堂。聲前不許停機。句下無容插嘴。且道是甚麼物。得恁麼難搆。若是獅子兒。決不隨人。後有僧出曰。獅子兒來也。師作隱身勢。僧無語。師拈杖直打出法堂。上堂。佛佛道同。祖祖不別。天上人間。塵說刹說。春暖花香。冬寒夏熱。無作無違。心行處滅。葉落秋清。一輪明月。休論那畔者。邊切忌喚龜作鼈。

上堂。八月秋何處。熱日坐蒲團。夜談風月笑迦葉。之無聞。怪瞿曇。而不說。閉戶怯天寒。出門恐合轍。不合轍。東震西乾。恁麼來。曲唱新豐。無間歇。遂展手曰。咄。吾嘗于此切。上堂。拈拄杖。遶法堂。作舞。一而依位而坐。衆皆默然。乃曰。山僧今日勞而無功。便歸方丈。上堂。秋風清。秋水綠。秋月明。秋氣肅。秋空葉落。

盡成金丹。桂花開。香滿屋。吾無隱乎爾。問取黃山谷。上堂。摩騰入漢。誘人犯爭。西來祖意。太不容情。山僧恁麼道。也是路見不平。問如何是佛。師曰。江豬落海。負須彌。問三界惟心。如何是心。師良久曰。會麼。問如何是類。墮師曰。入田不揀三春草。戴角披簑。和月眠。曰。如何是隨。墮師曰。雲淨九天飛一鸞。夜深歌管鳳樓前。曰。如何是尊貴。墮師曰。臣主相忘。金屋重。太平無象。古猶今。方石雨。

嚴州烏龍寶林深谷淨岑禪師。或烏陳氏子。主顯聖。上堂。流水滔滔。閒雲裊裊。虛空無古今。青山常不老。釋迦夜半觀明星。不覺全身入荒草。打失眠。睛沒處。尋情與無情。皆笑倒。諸昆仲。且道笑個甚麼。始終不本。分前後多顛倒。示衆。初三月十五日。月月聯輝。荷花燈。百子燈。燈燈續焰。直得明暗相參。黑白互顯。更須知古人道。心月孤圓。光吞萬象。只如光境俱忘。是何消息。無几日。大家打睡。瞌去。方石雨。建州歐寧翠巖。午星淨。惺惺師。吉州泰和羅氏子。幼習儒立歲。投博山闇刺。落以初心。精進得少輕安。闇。

示以做工夫緊要處。一夜夢中提撕。覺有省力扣方丈。問。問不思善。不思惡。那個是闍黎本來面目。師纔開口。被闍掩其口。然猶不自決。後入闍。閉關。寶石巖。因捧花供佛。花墮地。拾之。乃會得掩口落處。適寶壽方來。住福州長慶。師往參。一日。方問古人道門。門一切境。回互不回互。如何是門。門一切境。師顧左右曰。大衆證明。方曰。如何是回互不回互。師曰。蜻蜓點水。隨波去。蜂蝶尋花。過短牆。後因出坡。方問鎮州蘿蔔。汝作麼生。會師曰。某二十年向者裏打失眼睛。越明年。方記前。順治己亥冬。師示微恙。說偈辭衆。歸寂。世壽六十。有四僧臘三十。有三門人智傳奉全身塔于翠巖。石雨方嗣

吉州五峰木公院好木淨材禪師。安成周氏子。幼見僧輒喜。禮敬出家。受具。天童悟參。博山闇于大慈。次參弁山雪于崆峒。問那裏來。師曰。吉州雪。曰。誰人拖你死屍來。師曰。全得他力。雪曰。號甚麼。師曰。好木。雪曰。好木好作棟梁材。師曰。乞和尚斧銼。雪低頭。歸方丈。次曰。又問如何是五位意旨。師曰。坐斷乾坤無異

色。雪曰。卽今那個是你主人。公師曰。寶蓋峰頭親覲面。雪曰。趙州勘婆意如何。師曰。雨過青山秀。風生荷葉香。參寶壽。方問死了燒了。畢竟如何。師曰。只得者件衣服。後乃記荊。問如何是蔬三斤的。師曰。三月桃花二月紅。石雨方嗣

婺州文峰樵之淨玉禪師。舒城廖氏子。初于黃州集賢薙髮。尋參弁山雪。看死了燒了。話因打七。有省。雪問死了燒了。作麼生。師撫香几曰。蒼天蒼天。便出。是夜雪落堂。舉香嚴擊竹話。乃拍案曰。者裏會得。原不存知用忘。亦是多了。師聞如放下千斤擔子。相似。次春參寶壽。偶聞柳聲。脫然識得本來信口。曰。自今而後。更不敲冰覓火也。住後上堂。持書不到家。卽今家已到矣。到家不通信。信已通矣。祇如子轉身而就父。爲甚。父全不顧。良久曰。老僧住持事繁。上堂要津。把斷聖凡。不通說。甚上無攀仰。下絕已躬。到者裏死水不藏龍。若是一口吸盡西江漢。則不妨洪波浩浪。白浪滔天。自有通霄一路。如或未然。寒山逢拾得。正好上天台。上堂知見立知。卽無明本。錯知見無

見斯卽涅槃錯老瞿曇直欲掃蕪葛藤殊不知葛藤
偏地今日被山僧掃除知見剗盡葛藤大衆會麼若
會得者兩錯便是引泉來月下果熟自然香 上堂
驚豎拂子曰大衆見麼萬象之中獨露身分明覲面
爲相呈山是山水是水桃紅柳綠竹翠松青若向者
裏會得舍元殿裏休問長安如或未然也須行過竹
口橋宛轉歷山腰到得慶元縣家鄉路不遙 石雨方嗣

衢州南華山界滋淨澤禪師上堂法無定相道有多
途有依倚碧潭青霄無依倚銀山鐵壁恁麼恁麼總
不恁麼且作麼生是脫體無依向上一句卓拄杖下
座 端節上堂今朝正值端午節汨羅江上悲風烈
屈原今古壯忠魂嘯傲踏翻波底月蒲劒輪空艾虎
威千妖百怪盡消滅龍舟鬪戰楚歌聲須彌擊碎虛
空骨喝一喝下座 開世尊未生時還有大義否師
曰臨崖看潑眼特地一場愁曰達磨未來東土時如
何是祖師意師曰不聞瓦鼓響那聽凱歌聲曰達磨
隻履歸西還有大義也無師曰揭開九洲雲踏翻波
底月曰和尚今日陞座設有大義分付阿誰師曰輪

王不作夢寶殿夜燃燈 問如何是雲門餅師曰貧
兒遇餓飯 問如何是當陽一句師曰毒蛇當大路
師逝于順治戊戌九月初五世壽六十三僧臘五十
七塔于本山 石雨方嗣

劍州南峰無量寺來雲淨現禪師越之蕭山汪氏子
常夢入五百僧數遂有出塵志禮恒照得度照以首
楞嚴授師熟讀師信受無怠照順世謁寶壽方一日
頌雲門扇子曰一二三四五六七八九擬向東行却
西走李公喫酒醉張公拈得鼻頭却失口方見喚入
方丈師纔跨門方遽問如何是雲門一曲師曰君尊
臣卑父慈子孝若還不是更請別道方曰未在師曰
懷州牛喫禾益州馬腹脹未幾方命住南峰 鳳凌
上堂寶鏡堂前千機頓起鳳凌深處坐斷十方不似
魯祖面壁墻塹不牢秘魔擎叉戈鋌自亂豈同亮座
主之抱拙政黃牛之裝愁今山僧爲衆激揚要使雲
門眞風不墮且應時及節一句作麼生道共掬延津
月同撐石傘雲 浴佛上堂佛眞法身猶若虛空昨
夜猛虎吞大虫應物現形如水中月水底烏龜頭戴

雪毗藍園裏本不生。三脚驢子弄蹄行。雙林樹下何曾滅。大似蚊蟲嚼生鐵。一僧纔出師打曰。龍頭蛇尾。便歸方丈。上堂。徧界不曾藏。山河無影象。冉冉白雲流。春鳥啼花上。分明目前機。龜毛長數丈。除夕上堂。道頭知尾。不如蘇州有起死回生。須是補天手。古人道。日日是好日。爲甚麼直逗到臘月二十九。喝一喝。曰。若會得者。一喝。那用梅花幾點。復喝。一喝。曰。若會得者。一喝。何煩爆竹聲。聲如或不知。正好揭開新歲曆。莫教頻剔舊時燈。上堂。蛙聲叫落中天月。蚯蚓語回陌柳風。識得個中無固必。誰云時節不相同。上堂。春風解凍。東君運無功。之用萬象開顏草。纓結心印之文。古人道。深山中亦有佛法。你看飛底是雲。流底是水。笑底是花。啼底是鳥。畢竟如何。是佛法。擲拂曰。開得乾坤眼。方知劫外春。問。困魚止。深鈍鳥棲廬。還是君邊事。臣邊事。師曰。三更月下梅無影。一徑風來竹有聲。師示寂塔全身于寺右。石雨

五燈全書卷第一百九

五燈全書卷第一百九補遺

曹洞宗

青原下第三十七世隨錄

江寧濟生雪樵證禪師別號白雲。僧問。世尊道一切衆生皆有。如來智慧德相。是否。師曰。是。僧踢一犬曰。者衆生。因甚却入者皮袋。師曰。積代簪纓。暫時落薄大水。浮一龍神。至僧問。既是龍神。因甚被水推得七顛八倒。師曰。隨流得妙。曰。因何不作主。師曰。住岸卽迷源。僧佇思。師直打出。明因懷嗣饒州薦福石浪如禪師。勉參舉。須菩提巖中晏坐。因緣乃曰。大小空生。不善晏坐。惹得一隊漢。撒沙撒土。當面塗污。一上如來弟子。解空何在。當時但兀坐。不采梵天。縱有惡水管。教無處澆潑。勉參舉。元實上座。參天衣因緣。乃曰。天衣爲其向上。關未透。大法未明。乃一時婆心。所至妙手。巧心有難於形容者。自非元實。未易神會。然祖師門下。果有如是事乎。果無如是事乎。元實云。一位纔彰五位。分我要問他五位。且

置只者一位從甚處得來石雨方嗣

天斗慵庵淨偉禪師未詳姓氏嘗依寶壽方於長慶雪峰一日壽上堂師出問七九六十三且置父母未生前還許學人會也無壽曰問即不得師曰恁麼則不弄啼鶯舌解吟無字碑壽曰易拾爐中雪難分海底燈師曰冒諾不全蒙師指不犯師顏請借寶壽曰好炊無米飯供養莫將來師曰祇如將來又作麼生壽曰恐喪我兒孫師作女人拜曰與麼則借他香燭稱他壽去也壽曰新荔枝新荔枝未幾壽印以偈曰讀無字碑不干舌界冒諾不全子能無礙問主借賓心行自在解討荔枝作女人拜住後舉永明壽因二僧參乃問參頭曾到此間否曰曾到又問第二位曾到此間否曰不曾到明日一得一失少選待者問適來二僧未審那箇得那箇失明日你曾識者二僧也無曰不曾失明日同坑無異土拈曰黃河九曲非無其源梗楠千尺非無其本永明一期施設自非本深源遠豈可得哉然懵懂侍者且置勿論當時被二僧道箇情知和尚曾見法眼又作麼生舉天童覺示

衆吞盡三世佛底人爲甚開口不得云云拈曰大小天童者兩種人底病痛不妨爲伊拈却若是十成通暢則未可諸人要得十成通暢麼喫官酒臥官街毫無一物挂胸懷狂歌明月清風裏天子徵書召不來石雨方嗣

五燈全書卷第一百十

京都聖感禪寺住持臣僧 超永 編輯

京都古華嚴寺住持臣僧 超接 較閱 進

呈

曹洞宗

青原下三十七世隨錄

錢塘白巖位中淨符禪師佛涅槃上堂釋迦老子于周穆王五十三年壬申二月十五向拘尸那城娑羅雙木間入般涅槃乃曰我以甚深般若徧觀三界根本性離畢竟寂滅同虛空相一無所有喝一喝曰者瞿曇一時向無佛處稱尊白日裏說夢以爲聖俗可以輕欺稚小可以誑嚇誰知二千年後有個鐵面皮

的寶壽未肯放過今日人天衆前要與伊據款發落
乃高聲叫曰行者將茗帚柄向山門前下馬臺聊與
三十顧大衆曰還有不甘者麼出來與瞿曇雪屈如
無莫怪山僧今日壓良爲賤 上堂紫燕喃喃繞畫
梁祖師心印日宣揚獨憐醉客猶酣臥辜負渠儂舌
廣長撫胸曰蒼天者裏既不能得個入處他若釋迦
掩室淨名杜口乃至魯祖面壁一隊漢壁立萬仞雖
飛鳥不得而泊你又如何構上拍案曰罷罷山僧不
惜眉毛借木侍者再與傍通一綫以拄杖擲下曰薦
上堂在閒林未發足前有一句子單天綬地越古
超今適纔淨棒子爲諸人徹底掀露了也直得唐公
嶺雲門亭踣跳上十八梵天蝦蟇蚯蚓抹過東洋大
海顧左右曰大衆便好從者裏去不妨縱橫宇宙眼
蓋十洲稜稜氣宇冲斗牛拳倒舟枕山脚陽烟雨樓
風流隊裏逞風流腰纏十萬貫跨鶴上揚州雖然也
要者裏與你個信票始得拍案曰隱几山堆千點翠
隔花鶯囀一聲幽 問無夢無想主人公畢竟在甚
麼處師曰好春不在綠楊枝 問作麼生是衲僧家

事師曰暗裏抽橫骨明中坐舌頭曰莫更有麼師便
喝 問大顛擯首座意旨如何師曰爲打黃鶯兒不

惜金彈子

石雨方嗣

杭州龍門樵風淨妙禪師蕭山汪氏子因隨喜蘭盆
會見衆僧嚴肅遂爾發心出家後于寶壽親踵密踐
繼注龍門 上堂拆東籬補西壁龍門寺裏何準的
昨夜三更失却牛天明起來拾得馬要騎便騎要下
便下惹得鸚鵡峰忍俊不禁差口道著個甚麼今朝
臘月八 上堂天地同根鯨吞海水盡萬物一體露
出珊瑚枝領悟無生旨咸言上上機如是三昧海智
慧神通力驚卓拄杖曰天人羣生類皆承此恩力
石雨方嗣
紹興光相至善淨得禪師武康鄭氏子上堂昨夜西
風陡然發今朝滿地盡鋪金迥然裸裸無遮障露出
文殊隻眼睛直得輝天鑒地耀古明今祇是牛羊踐
踢收唱樵歌且道在眼內在眼外良久曰醫生也
上堂耳處好消息霜打樹頭赤眼處好消息鐘鼓音
交徹大開圓通門諸人不肯入且道如何是圓通門

以拂子畫○曰祇從者裏入。上堂船來陸來烟林。水際盡顯真機者。那邊雲月溪山。全彰妙體。堪笑南詢童子。徒誇五十三。莫謂德雲比丘。祇在別峰相見。祇今山河大地。上來來往往。且道法身在甚麼處。若向者裏見得。正好與三十棒。何故。響賞罰分明。問如何是光相。境師曰。一帶湖塘十里烟。曰如何是境中人。師曰。攢攢簇簇沒疎親。曰如何是人中意。師曰。愛喫白米飯。懶去做田庄。曰還有爲人處也。無師曰。拂子離披不讓人。石雨方嗣

越州保福九達淨達禪師。楚衡山劉氏子。母夢紅日墜床而生。年十四出家。南嶽桑梓既逝。師痛悼不已。受業示以父母未生話。誠曰。須努力。確參。若會即多生劬勞。亦報師稟命。二載間。童子誦心經。發明斯旨。謁弁山雪子。崆峒深有所得。始圓戒後。依寶壽。方得受心印。住後上堂。徹夜風雨狂。新泉澗濯忙。情與無情同說法。衲僧眼底更。郎當。無情說法。諸佛解聽。諸佛說法。有情得聞。有情說法。頑石點頭。若要無手人行棒。無舌人解語。也大難。在何故。響石睡境忘雲。

伴主月高方識水爲賓。上堂好雪片片不落別處。畢竟落在甚麼處。向者裏道得一轉語。保福今朝許汝解制。若道不得。臨行尙有絆脚索在。雖然祇如閉門造車。開門合轍。又作麼生。聽取一偈。樹響秋聲落葉時。離離風月挂寒枝。鞦韆夢冷歸何處。試問佳人知不知。上堂春風拂拂樹生衣。入徑方知處世宜。柳綠花紅爭翫賞。融融旭日古招提。大衆會麼。此乃示佛知見。如何是悟佛知見。良久喝一喝下座。元旦上堂。燈者燈光。月者月色。燈月交輝。梅花映雪。忽憶曹山三種墮。且道是伊是我。白牯。驚奴恰好。恰好。上堂選佛場。開十方聚會。毋論是凡是聖。皆可得入。只不許你生心動念。汝若生心動念。則自負己靈。若不生心動念。則沉埋佛祖。離此二途。又作麼生。拈拄杖卓一卓曰。參。問如何是曹洞宗旨。師曰。日落空山照遠林。師順世康熙戊申壽五十八。奉全身塔于寺之大殿。石雨方嗣

杭州淨性紫仙淨陽禪師。鹽官戴氏子。誕師之夕。母夢老僧假榻立歲。出家稟具。天童次依寶壽。服勤久。

之遂承印記。住後上堂偏處不逢雲。遮一帶蜂巒。元中不失雪。覆萬年松徑。苟能于此薦得一任靈機。密運展手通元寶印。昭彰當風得妙。坐徹威音那畔。沉沉滿目。烟光默照。空劫以前。湛湛一壺風月。便好橫抽玉綫。繡出鴛鴦。倒拔金梭。織成古錦。雖然者。猶是建化邊事。須知更有功忘勛。泯句始得。且道如何是功忘勛。泯句。不知有處成知有。須信南泉喚作牛。同門至上堂。經旬蓬戶鎖。重重懶運靈機度。別峰四顧寥寥。入境寂當陽。一句許誰通。有般漢。聞淨性。恁麼道。便謂絕斷衆流。閉門作活。若恁麼會。正似古塚情靈。黑山鬼子。有甚交涉。殊不知鶴騰霄。漢朕迹不留。龍歸大海。踪由悉滅。所以有時孤峰頂上兀坐。却在十字街頭運步。有時十字街頭運步。却在孤峰頂上兀坐。是則是。猶是者。邊說話大衆。還知那邊說話麼。幸遇我龍門法兄金錫枉顧。必也不憚慈悲。爲汝說破。上堂。打開解脫門。放出鐵崑崙。擺尾搖頭去。飛騰海嶽昏。山僧恁麼舉。揚忽有個出來道。和尚恁麼說話。正是亡家失業漢。但向他道。我行荒草裏。

汝又入深村。順治丙申九月。忽示微恙。書偈而逝。壽六十三。建堂武林高麗寺前。隴石南。西鋪證果印。如淨成禪師。闍長汀楊氏子。齠齡脫白。二十五遊金陵。聽講巢松若昧之門。知筭沙非了生。死棄之。謁鴻山學。學問子闍人來此。何爲師。曰。聽講法華學。曰。佛種從緣起。汝作麼生會。師罔然。莫知對。自是決志參究。登鷲湖。秉具戒。復還清流。夢溪棲止焉。嘗立四誓。以堅其志。不設床榻。不過午食。不談世諦。不履俗舍。晨昏與衆同甘苦。時寶壽方結制。靈山師懷香趨見。方問近住何處。師對夢溪。橋山方曰。如何是橋山主師。曰。今早寅時起身。方曰。奴兒婢子見解師。曰。也少他不得。由是久親爐韞。遂得受法。上堂。舉如意曰。會麼。西鋪城裏鐵面銅睛。夢溪峰頭迎賓待客。騰騰日用。處不妨截斷衆流。坐斷白雲時。却又縱橫自在。復擊如意曰。還會麼。對對泥牛奔海面。雙雙鐵鷁舞風前。立兩序上堂。金多出鑛。米盡除砂。寒山逢拾得。撫掌笑呵呵。且道他笑個甚麼。打鼓弄琵琶。相逢兩會家。木人方打碓。石女便烹茶。指空。

曰看看春風回郭外鐵樹盡開花。示衆潑潑君子竹鬱鬱大夫松月照天然妙風來舞六龍乃豎如意曰傳大士來也他道普州龜毛縛殺嘉州大象鎮州兎角吞却陝府鐵牛被山僧劈脊一棒瓦解冰消了也諸禪德會麼良久曰風吹柳絮毛毬毬雨打梨花蛺蝶飛。師生平篤實賦性閒雅宅心慈忍與物無爭所立四事終身力行不少易順治壬辰夏忽思厭世以書辭諸檀護一日命香湯浴罷歸方丈衆集時有梵僧曰西來大士者特爲進粥師從容食畢以手三摩其頂曰汝同我遊乎大士曰某過幾日卽來師將大士髻一捋遂寂去當七月初七日午刻懸眞次幃內得一題語有六十頭來生兎角龜毛打就黃金索縛取虚空活潑行與渠共往無生國之句蓋辭世偈也大士果數日化去師世壽六十二臘三十七塔全身于法堂之右

石雨方嗣

時雲先嶺先。上堂舉萬象之中獨露身話畢頌曰水一潭碧青山四面開巖懸松子老流溢浪花催虎嘯颺風吼龍飛震怒雷何期今夜月清放洗庭梅。上堂舉洞山與泰首座茶話畢頌曰決勝千里坐籌帷幄過在動用掇退果桌三氣周瑜七擒孟獲撲面東風曹公罔措。上堂舉拂子曰會麼藥病相治無端無端大地是藥波斯眼寒擬問自己攔腮擗嘴古井秤鎚浮五湖乾徹底龍王叫蒼天冤屈從何起擊拂子下座

三宜孟嗣

嘉善慈雲偃亭淨挺禪師錢塘徐氏子舉明經棄而徧遊叢席看泥牛入海以居士身參雲門孟久之看皓布視匍匐棚語一日入市偶踢著蚌殼忽悟詣雲門求正孟問正恁麼時如何師曰月照千峰白孟曰再道一句看師曰湖開兩岸明孟曰記得三年前宗會菴相見麼師曰牡丹花下玉麒麟孟頷之因承記前年至四十有六事父母畢方出俗首住慈雲次梵受次顯聖。上堂顛倒顛須彌頂上浪滔天旱地徧紅蓮驅大象藕絲牽夜半騎魚過市塵拄杖兩頭穿

還自笑絕堪憐。波斯持密呪。舌上覆金錢。上堂尋常道個唱和句。也不容易有般箇。莽禪和只曉得個掀翻法座。推倒禪床。以爲是當機不讓那。知同生同死。能弱能強。放出收來。却自有宛轉機絲之妙。罷罷罷。達磨一宗料想無人識得。高山流水千年調。白雪陽春萬古心。不是巖頭雪峯。誰與共賡此曲。顧左右曰。有人麼。上堂買賤賣貴。已是鈍置煞人。有麼。啐啄同時。漆桶不快。上堂大鵬金翅鳥。直取龍吞也是饑不擇食。常言道。好事不如無。問鳥道不逢時。如何。師曰。綿絲籠碧。鶴曰。逢後如何。師曰。玉象挂紅雲。問如何。是佛。師曰。八角夜叉。牽犬吠。問。卽今事作麼。生。師曰。石羊生乳虎。三宜孟嗣武林福勝一機淨。瞬禪師。桐鄉沈氏子。小參以如意打○相曰。一畫未彰。休云炭裏藏身。兩儀旣判。豈在雪中著脚。諸昆仲。向者裏見得。便知敲唱雙行。偏正回互。將西湖水。注入耶溪。耶溪不知把石傘峰移置孤山。孤山不覺東長。庚酉啓明。南斗七北斗六。祖師趺出牛欄。瞎驢闖入佛殿。元宵九月九。重陽正月半。

當暗中有明。當明中有暗。羣峰卓卓。雲漢無聲。萬竹珊珊。清風有韻。拍案一下曰。大衆還知麼。金牛鐵角尖。黑犬銀蹄。爛。三宜孟嗣

越州宗鏡眉悉淨通禪師本郡陶氏子上堂雲。冉冉水悠悠。黃花滿地催人老。紅葉雙溪換白頭。祇有香爐峰。依然突兀。兀獅子崖。無喜無愁。得遨遊處。且遨遊。不嫌褻敝。過秦關。不忤騎鶴。上揚州。任他紫燕語春秋。誕日上堂。昔非今是。成何北。東山日出西山雨。今是昨非。有何別。月缺圓時。圓復缺。卓拄杖曰。者天機都漏洩。多因箇落不關風。吾年五十。羞人說籬邊黃菊。都開偏看看。又是小春節。數聲鴻雁下平沙。月缺寒窗風翦葉。上堂數日已來。搖唇鼓舌。倒腹傾腹。冤控佛祖。扭捏諸方。致使天王努目。密跡擎拳。翦諸見之稠林。亦是步空捉影。假饒問答如雲興瓶瀉。議論似海闊天高。也是餘殘剩汁。敢醬陳盞。直須明曇花之現瑞。知寶所之非遙。方稱衲僧能事。良久曰。掃除落葉風。偏猛拂去花痕。月又斜。上堂未明有說俱成。謗明了無言亦是。非捏就泥丸金彈子。打破。

閣黎鐵面皮喝一喝曰寧使截舌不犯國諱。上堂。千山寒色萬壑凝霜雲屯雨降風動塵揚者著子極是現成因甚不肯承當遂振威一喝曰但莫憎愛洞然明白。上堂細鋪紅葉橋邊錦碎剪蘆花江上銀。只有漁翁知此意夜寒猶自戲沙汀。鶻拈拄杖作搖櫓勢曰幸有斯翁在此不免唱個歸去來辭乃高聲唱曰歸去來兮田園將蕪胡不歸既自以身爲行役奚惆悵而獨悲悟已往之不諫知來者之可追實迷途之未遠覺今是而昨非噴嚏曰阿啾阿啾便下座。

三宜
孟嗣

越州大能仁寺盟石淨息禪師山陰毛氏子二十一歲出家稟具華山參六如老宿看主人公話一日聞僧學一切衆生具有如來智慧德相忽猛省謂維那曰我會也那便問誰是你主人公師震威一喝那曰未得更道師展兩手曰不敢相瞞一日擔柴路坐忘歸忽有僧向背一拍曰日落了也師通身汗下卽擔柴歸六如一見便問一歸何處師放下曰怯力殺人又問青州布衫又作麼生師指柴曰者一束大那一

束小六如然之時愚菴孟住顯聖師往禮而問曰昨日有一問在方丈裏請和尚著語孟曰前日道過了也師曰猶帶偏在孟曰向正位中道一句來師曰金烏夜半屢中天孟曰縱道十成猶是偏位師便出孟再徵女子出定話師頷曰柳暗花明春意濃黃鸝啼入翠微中風景好步從容笑看遊蜂趁落紅孟然之元旦上堂今日丁巳元初一花雨繽紛祝聖畢國增新禧境愈昌民安舊藝心猶赤村歌調巧賀堯章社鼓喧闐開舜曆柳眼乍舒窺曉烟梅腮競展含春色山僧獨自坐匡床兩序雲臻依位立祖意西來本現成不妨更舉庭前柏拈拄杖召衆曰共享清虞伏惟珍惜小參上方日卓午西天人打鼓驚起山童笑不休足之蹈之手且舞牧者牛水草便宜隨步武處處逢渠我非渠月照濤聲松一塢一葉落知天下秋不知天下誰堪伍拈拄杖曰三載養成無礙力耕翻大地絕回互擲拄杖下座。
三宜
孟嗣

若溪鳳山多福妙叶淨啓禪師錢塘陳氏子世業儒投寶壽方披剃一日方示衆曰此事教你沒趨向處

師聞直得行坐不安。偶有省遂作臺山婆子頌曰。踏斷臺山路。風流老趙州。相看成底事。婆子自含羞。

上堂拳豎青林。蕨芽抽玉版。孫春雨如膏。峰巒滴翠滿塢。白雲窈窕。一溪綠水潺湲。法眼道我二十年。只作境會。直得上大人丘乙已。插足不入。其餘七十士。只好袖手傍觀。爾小生童稚。無知樂著嬉戲。致使狼藉枝頭。落花滿地。說甚麼佳作仁。可知禮也。若是個漢。何妨隨緣作主。就路還家。阿呵呵。誰是其人。擲拄杖下座。上堂白雲冉冉流水。汪洋枝上黃鸝。嘹啞風來野徑。花香正恁麼時。如何良久。曰若作佛法商量。入地獄如箭射。上堂趙州八十猶行脚。老不厭心。元沙一生不越嶺。得少爲足。未有常行而不住。未有常住而不行。也是日午打三更。阿呵呵。好大哥。倒騎驢背歸華嶽。醉寫黃庭換白鷺。問如何免得語滲漏。師曰。出語直教燒不著草。就元妙涉難微。曰如何免得見滲漏。師曰。百尺竿頭。休踞足。好看彩鳳舞丹霄。曰如何免得情滲漏。師曰。觸醜不盡喜。猶在枯木龍吟大地春。師于康熙甲寅秋示寂。塔本山宜三

孟嗣

樗里保寧端實淨嚴禪師。崑山孫氏子。參顧愚衡。衡曰。觀音菩薩將錢買胡餅。放下手却是個饅頭。你作麼生。師曰。某甲未出廬山。早知有此一問。衡震聲一喝。師有省。後入雲門孟之室。孟舉帶月荷鋤歸處。處花狼藉。徵之。師曰。花狼藉。某甲親收得。孟頷之一曰。孟上堂。師出衆。遶一币。孟曰。者是山僧二十年操履。用不盡的。師曰。恁麼則隨緣消舊業也。孟休去。後隱樗里。惟勤操作。聚徒十餘人。參究本分。執勞役供衆。僅食殘剩。偶鳥鼠爭食。師分飼之。每食鳥鼠輒至。以爲常。因治普同塔于保寧之右。謂衆曰。來年是日。吾當歸骨于此。及期無疾。忽對衆一笑而寂。闍維入塔。時屆先年此日也。孟三宜
虔州崆峒不溢淨滿禪師。儀真苴氏子。出家華山。首參弁山。雪看拖死屍。話復遊兩浙。值雪赴天台。護國師再謁。受具。一日雪呼茶。師擎茶至。雪曰。擎茶者誰。師曰。某甲。雪別指花瓶曰。他爲甚不擎茶。師曰。他無情。雪曰。無情尙能說法。豈擎茶乎。師曰。某甲總不聞。

雪掌曰者無情露柱師纔下拜雪曰露柱倒也便抽身入方丈師由此悟入明崇禎庚辰以僧伽黎付師繼席崆峒師持衣陞座曰會麼不因夜來雁爭見海門秋祇如大庾嶺頭提不起今朝因甚落在滿上座手裏雖然新長老披此衣坐此座如何作用豎拂子曰祇者分明高著眼知恩方解報深恩師因恙聲鼓集衆上堂此事諸人盡向奇特處著倒縱饒你見超佛祖機越古今若到生死分中全沒交涉爭如崆峒者裏赤手空拳宴然無事閉門緘口接上上之機所以道我爲法王如法自在蒙合山哀請結制山僧今日解制放參去也且如何是放參底事揮拂曰平生事業都完備何妨處處任施爲咄咄何所疑野鳥噪寒枝好個歸家時擲下拂子泊然而化師世壽四十有五靈骨與謂斯教同葬五位峰前瑞白雪嗣

五燈全書卷第一百十

五燈全書卷第一百十補遺

曹洞宗

青原下第三十七世隨錄

諸暨寶壽道曉悅禪師本邑邵氏子年十九出家從龍華音稟具往參弁山雪於百丈蒙山激勵刻苦參究一日聞鐘聲有省呈偈曰因地一聲如夢醒乾坤撞破露全身覲破分明無別意東西南北任通津山嶺之後參愚庵孟於雲門值上堂師問曰映千峰外光舒萬壑前意旨如何庵曰當道種青松師曰人人本有爲甚麼今日三明日四庵曰脚跟下道一句看師曰朔風凜凜通消息滿地霜花徹骨寒庵曰怎怪得今日三明日四師禮拜歸衆愚庵孟嗣

五燈全書卷第一百十一

京都聖感禪寺住持臣僧

超永

編輯

京都古華嚴寺住持臣僧

超揆

較閱

呈

曹洞宗

青原下三十七世隨錄

中州獻公淨真禪師本州崔氏子顯聖小參言前薦得猶在半途句裏呈機那堪話會如擊石火閃電光點著不來虚空話墮更若雕龍繡虎意下丹青描摸將來堪作甚麼還知石龕峰孤迥迥峭嶮壁立萬仞麼若是通方上士聊聞舉著不消一顧便爾追風少覺佇思白雲萬里卓拄杖曰斜陽影裏千條綫誰識耶溪楊柳新

三宜
孟嗣

婺州白雲鄰木淨時禪師問如何是登高境師曰鳥道青霄外松篁落楚天曰如何是境中人師曰携籃尋野菜一曲和哩哩問如何是瀉仰宗師曰珊瑚樹上影重重曰如何是曹洞宗師曰夜深玉鳳宿梧桐曰如何是臨濟宗師曰青天霹靂打晴空曰如何

是雲門宗師曰波斯擊碎水晶宮曰如何是法眼宗

師曰帝珠面面透玲瓏

三宜
孟嗣

東越西遯居士淨超山陰祁氏子俗名駿佳家世通顯父參知曩度公名儒名宦而兼通教乘母王氏嚴肅有度訓士與其弟忠敏公世培互相師友屢冠黌序崇禎戊辰中恩選進士因連喪父兄忽悟無常偶得雲棲宏諸淨土書如鳥出籠遂專持佛號入城市不見有人舟行數十里如飯食頃夢浪懷策以宗乘事遂事參究閱楞嚴至覺明爲各處大疑曰世界未起衆生未有此念是誰動耶實之懷懷喜曰子真疑啓矣勉之不與說破辛亥結伴坐禪坐中每覺身界俱空而未大發明次年結友度夏偶午睡聞磬聲驚覺見心遍空界遂打破生死去來之疑著語曰咄不妨被汝道著又有磬聲一擊夢初回突出虚空破鐵圍之偈然尚覺空中有物也冬參天童悟值悟論格物旨忽顧士曰還會麼便棒此時胸中如脫去萬斛泥沙有牛頭搥著馬頭動折箸攪海魚龍湧之偈然自知坐在虛寂中於一念緣起不能快然次年入都

挂疑挂

廷對畢。即焚檄歸隱。每冬必結友枯坐。如是者五六
年。戊寅。參雲門。孟子龍門度夏。坐冬。適孟與旁僧學
摩訶衍義。忽觸破從前所執。遂述罷戰吟曰。死守寒
巖六七秋。常將戎事挂心頭。一朝四海同家也。百戰
功勳何處酬。山自青。水自幽。鳥啼花放自優悠。不教
移動鍼鋒許。處處堯歌樂未休。孟乃舉捕魚公案。勘
之曰。如何是兄欠悟處。士曰。俊臣造藥商鞅制刑。又
舉凌行婆公案。士曰。趙州不打自招。豈可再添蛇足。
又問趙州勘婆意旨如何。士曰。火燒斗尾有雷無雨。
孟曰。未在。更道士曰。自小便甘菊。到老眼不花。孟曰。
公之操履精確。見地穩密。偈頌逸格。乃吾宗之重望。
遂以如意并偈記之。三宜
孟嗣

杭州法相坦持淨鑑禪師。小參轉功就位。枯木芳叢。
轉位就功。泥牛獨角。功位齊彰。權挂敝衣。強名作佛。
功位齊隱。威音那畔。莫擡頭畢。竟喚甚麼。作位喚甚
麼。作功。響展兩手曰。參。三宜
孟嗣

越州妙峰指源淨信禪師。諸暨陳氏子。上堂。妙高峰。
頂向上機。關逼塞虚空。天旋地轉。雪裏梅花。風中竹。

韻未離丈室。已示諸人。何必今朝再勞啓口。上堂。

韶光輝地。蘭吐幽香。鳥噪梅枝花飛滿院。大眾還會
麼。不會。我今日爲汝開方便門。示真實相。喝。一喝下

座。住。天章上堂。雨過峰巒。景致美。山陰道上。花放

藥。少年公子步蘭亭。把盞相將看曲水。却憶當時王

右軍。不知今日歸何里。茂林修竹。空自存。物在人非

成。故址。喝。一喝曰。試看棚頭弄傀儡。上堂。崇山聳

秀。四時蒼翠。曲水迂迴。萬派流源。錫杖山響。天震地

盪。孟峰吐霧吞雲。說甚麼。人人鼻孔。擦天。個個脚跟

點。地管教運水搬柴。無非自己風光。開田掘地。盡是

當人大用。大眾且道。如何是大用。便下座。問。如何

是學人本來面目。師曰。者個茶鐘。是泥燒成。問。妙

高峰。頂爲何善。財尋覓不見。師曰。昨日山僧在越城

問。如何是正位。一色。師曰。月沈金殿。冷曰。如何是

大功。一色。師曰。飛鷺入蘆花。曰。如何是今時。一色。師

曰。磕著腦門寒。三宜
孟嗣

桐川妙覺三立淨覺禪師。宛陵劉氏子。投東星鑑。薙

髮。年十八。南遊多所參請。因讀楞嚴。知見立知。卽無

明本嘆曰。古今作破句讀。且受用不盡。我何爲滯此耶。遂詣徑山。見語風信。看生從何來話。因見百年三萬六千朝語。打失鼻孔。受具天童。值雲門開法。三江師往謁。機緣相扣。遂得法焉。上堂。峭壁危峰。白雲冉冉。澄潭碧沼。赤日騰騰。竹籟松濤。泉聲鳥語。一幅天然畫圖。任他張僧繇。吳道子。有筆難描。大衆于此會得。從教蜻蛉蟻子。各逞風流。跋鱉盲龜。多增意氣。何煩拂上座。輕搖唇吻。奮武揚威。雖然日用之中。如何保任。良久揮拂曰。幾陣清風來殿角。一輪明月照樓臺。上堂。妙超情。謂舉無意路。如何。若何。漫勞顧佇。山僧未出方丈時。千聖頓難措足。已出方丈後。萬物盡乃增輝。由是奮大機發大用。使他鈍鳥飛空。困魚出海。會得者。鐵牛吞吐千峰月。不會者。石虎呼回五嶽雲。會與不會。又作麼生。鬻嬰頭走狗。叟啗突帝都丁。上堂。掣開金鎖。劈破元關。雲中木馬。追風海底泥牛。銜月諸仁者。花明水秀。雲淡天空。崖石粼粼。琅玕拂拂。何處不是當人捨身命處。爲甚麼被他聲色羅籠。見聞沈溺。百花叢荆棘裏。若能掉臂而過。自

然頓忘。能所不假。修持說甚麼。磅礴虛空。揮凌八極。豎拂曰。能殺人。能活人。師得法後。愈益。叢晦。遠隱。桐川東山。數年。妙覺寶坊。巍然而起。未幾無疾化去。三宜
孟嗣

杭州佛日沐溪淨融禪師。錢塘任氏子。上堂。雲漠漠。水瀾瀾。桃花風雨。亂鶯啼。石鼓幾聲齊。山寂寂。草離離。峰頭黃鶴。一時飛。特地使人疑。三宜
孟嗣

嘉禾東塔爲則淨範禪師。姑蘇稽氏子。年十五出家。看竹筵話。致疑。尋謁弁山。音力究此事。一日出坡。正中亭間。雷震有省。後參雲門。孟一見便問。自遠趨風。乞師一接。孟曰。不接。師曰。豈無方便。孟便打。自是屢從參請。孟槩痛詈之。後挑柴。踢破脚。指頓悟。述偈曰。石亂青山古路危。禍從今日遇。何奇脚尖鮮。血橫流。處不是親遭痛。不知孟見稱賞。由此師資契合。遂與記前。住後上堂。久雨得晴。人盡喜。出門行路。脚頭輕。衲僧偏白生煩惱。個個攢眉努眼。晴事則如是。理上又作麼生。顧左右曰。東村王老。分明說。一定來年米價平。喝一喝。上堂。今朝仲冬。初一日。從天降下。

真消息疾風捲起屋上茅細雨打溼階前石烏鴉樓
殿角逐隊飛鳴黃葉墜空庭隨風狼藉不知領略是
何人莫教過後重相憶良久曰休相憶風靜黑雲消
紅輪自进出 上堂踢開萬里雲頭歷盡千家門戶
忽朝戰馬收韁便乃干戈永息五蘊浮雲不吹而散
三途熾焰不撲而滅死生去來無非遊戲迷悟真妄
悉是假名所以得此事底猶如妙趁搏風猛虎戴角
喫飽飯了東牀西噪其或茫然難把遊絲繫白曰莫
教冉冉過青春 上堂樹密鳥聲和夜清月色好神
光自不來面壁空懷惱諸人如會得隨意村醪飲一
盃若理會不來謫仙去後相知少喝一喝 上堂薰
風殿閣生涼明月庭墀散彩畫樓人酌金樽如何得
目前了了分明而見以手斫額曰原來相隔不遠
問國師三喚侍者意旨如何師曰年老畏寒要襖著
問寶劍未出匣時如何師曰光芒射斗牛日出匣
後如何師曰切菜猶嫌鈍 問和尚未見雲門時如
何師曰金樽有佳客曰見後如何師曰秋山無故人
問如何是接初機句師曰北牖清風透骨涼 問

王未登殿時如何師曰五朝門外嘶金馬 問如何
是向上一路師曰秋風吹斷鷺鷥行 三宜
廬山慧日元木淨恒禪師新安汪氏子小參道無不
在觸處皆真眨上眉毛匡州萬里孤村紅樹溢日生
光寒雁悲鳴霜風括耳到者裏直得牛角尖點額香
爐峰起舞驚地裏打破趙州關踢破雲門普說甚麼
象骨毬毬禾山打鼓山門頭彌勒呵呵大笑笑道堂
中鐵羅漢商今確古總不如陳如尊者如愚若魯
上堂怎麼告報且道別有甚麼長處雖然要與人天
爲師面前端的是虎喝一喝 小參拈拄杖曰枯藤
扶力出人間惱亂人天衆聖賢臨濟親遭黃檗屈詔
陽擅向雪峰前途中得力的萬峰直上竿木隨身的
倒用橫拈垂手時隨機赴感明暗處理事俱全到者
裏只是一根柳栗所以道通身沒些孔竅爲人貴在
機先芭蕉老子奮不定爭似葛陂公乘時御天恒上
座不敢妄生節目以杖左卓曰具足臨濟三元三要
復右卓曰回互洞山五位正偏復連卓曰發明從上
佛祖綱要擊碎今時籠侗邪禪衆中還有與拄杖子

相見者麼良久曰者回如不會異曰更慙惶

三宜
孟嗣

越州天章鄰哲淨彥禪師常州江陰何氏子髫年看金剛經至色見聲求處有疑一日聞孩喚娘聲有所警發參天童悟問那裏來師曰江陰悟曰江陰來底是個甚麼師進前叉手面立悟曰拖你者死屍底是甚麼人師曰休相鈍置悟拈棒師曰拗折拄杖和尚拈個甚麼悟曰者後生甚知來處師後出家納具于天童恣後參語風信于雲門曰你識得我麼師曰識卽識只是不得名信曰清珠兩眼名也不知師曰若不清珠兩眼則錯認師太也師病中聞僧誦經豁然徹底問南泉斬猫還有過也無師曰棒打石人驚吐舌池塘水鴨聽雷聲曰恁麼則無過也師曰脚底魚遊千萬頃又來沿岸捉螺螄曰祇如趙州戴草屨是何意旨師曰石上栽花紅朶朶一枝拈出萬人看僧參打○相卓然而立師豎兩指僧近前作聽勢師便打

三宜
孟嗣

海寧水月菴法純淨慎禪師錢塘陳氏子參雲門孟子顯聖看誰字因七堂中聞板聲乃悟徹矢口頌曰

誰誰誰擊碎虛空腦後槌梅花暗裏傳消息不萌枝

上月如眉住後上堂臘盡春回萬象新一雙孤雁

落沙汀木童敲落天邊月水底泥牛銜月行驚豎拂

子曰看看指月示人難瞞作者還會麼但可自怡悅

那堪持贈君乃畫○曰向者裏會得信受奉行若還

不會山僧爲諸人註解去也復畫○

下座三宜
孟嗣

古虞龍田柏子淨地禪師楚黃安蕭氏子結制上堂

秋林蕭瑟滿烟霞霜葉紅如二月花寂寞門庭無理

事碧天空闊數歸鴉望何極自堪誇珍重老胡休撒

沙捏定布袋口迸出眼中花胡獼切忌亂如麻伎倆

百般都不是冷灰豆爆有生涯莫飲曹山酒休喫趙

州茶撥轉乾坤是作家上堂一法不有萬法無差

真機絕跡略露些些閉門造車出門合轍乾坤坐斷

徧地霜花只是風頭太硬不妨舉似作家良久以拂

子畫○曰嘗使泥牛耕巨海頻教石女繡鴛鴦上

堂放白牛無地藏身掃空林金風獨露把住關津却

使剎水逆流拈提向上直教娥江枯竭欲知此事如

孝女廟裏邯鄲碑蘭芎峰頂葛洪井須知龍田者裏

家風各別。炊無米飯。濟饑餓人。如或不然。更聽山僧
五種誡法。一不得虛空打勛斗。二不得死水裏藏身。
三不得指鹿爲馬。四不得圖圖歲月。五不得背地裏
眞言。若能如是行得去。方受他眞實人供養。且道眞
實人復是阿誰。鍾徐丘。駱印宿白懷。解制上堂。一
向怎麼來。小雪復大雪。今朝怎麼去。大寒逼小寒。來
時未嘗踏著龍田山。僧性命却在諸人手裏。去時未
嘗離却龍田諸人鼻孔。却被山僧穿却。且道來即是
去。即是來去。且置諸兄弟。祇如九十日中。晝三夜三。
摩裙擦褲。又成得個甚麼。泥牛初睡覺。吸盡海山雲。
上堂。今時不到劫外長明法。法現前。塵塵自在。金
門無鎖鑰。玉殿禮常存。燦午夜之銀燈。懸中天之景
日。花開枯木。葉老長春。鳳舞丹霄。鸞騰碧嶂。野老不
知尊貴。佳人獨掩柴扉。還是誰家屋裏事。良久曰。珍
重。三宜
孟嗣

嘉禾天寧休山淨炬禪師無錫華氏子上堂對一說。
烟雨樓頭好風月。倒一說無限秋光齊漏洩。銀蟾影
裏桂花飄。天香閣上風流客。卓拄杖曰。阿呵呵。識不

識處處撞頭與磕額。中秋小參。秋風陣陣。桂飄香。
飛雁成行。帶夕陽。岸柳金絲穿玉露。西來祖意絕商
量。顧左右曰。吾無隱乎爾。師住世六十年。無疾。踰
跌而逝。塔于杭之寶西湖左首。三宜
孟嗣

湖州清涼三疾淨甫禪師。浙之紹興呂氏子。幼時閱
伊洛淵源。便慕心性之理。長遊台山。遇念休靜主。始
識宗門中事。看萬法話。年十九。痛母去世。遂依雲門。
澄剌染後。參天童悟。悟方坐簷下。師從前過。乃以拄
杖橫截曰。過卽從汝。過只不許跨。吾拄杖。師竟跨杖。
過悟隨一棒住。半載心悶口性。毫無頭緒。次春偶散
步園中。聞鳥聲。忽覺昏悶。豁開。乃有入春。纔七日。不
覺柳梢青。策杖南園。覓林中鳥一聲之侶。同步園者。
金粟乘寶華。忍見其有得意狀。忍撫師背曰。還未曉
在。語未竟。卽走。不顧。後參雲門。孟問古人未跨船舷。
三十棒如何免得。師曰。看脚下。隨頌曰。未跨船舷三
十棒。免得遭他活埋葬。卽刻進單。渾不消青山綠水。
姿放浪。孟見自此契合。冬至。陞座。朔風凜冽。碧空
凍折水陸不通。鳥道殊絕。今朝數到清明。邊黎花處。

處飄香雪。大衆者消息。且道從何處得來。昨夜三更時分。拄杖子忽然睡去。李供奉闖入夢來。互相酬唱。遂得一首近體。蓋咏那九日不食的碩果。七月來復的初爻。長者從今長消者。自茲消雖妙得風人之體。也只道得個時節不相饒。却也有此興有推敲。既不犯平頭上尾。又不犯鶴膝蜂腰。雖則內剝外剝。却又單拋雙拋。又典雅又風騷。拈拄杖曰。今日不免請者老兄出來。對大衆前。按一宮商。朗吟一遍。擊拄杖曰。何似生顧大衆曰。你看者上座臉。上有多少笋籊。然雖如是不見道詩言志。歌永言聲。依永律和聲。八音克諧。人神以和。豫之時義大矣哉。打噴嚏曰。大吉利市下座。問如何是佛法大意。師曰。三十劫後阿那個不說。今朝是三月初三日。曰。傾湫倒嶽來時如何。師曰。緩些待我上橈子上立了著。順治庚子臘月二十七日。示致建塔邑之烏曠山凝翠菴。後三宜孟嗣建州龍山介眉淨傳禪師。劔津湖峰張氏子。年十二投慈林落髮。納戒鼓山。依雲門孟于嘉禾。梵受久之。孟以偈記曰。從上不覆藏。我今非漏泄。悠悠一慧燈。

勿爾等閒滅。歸嶺別創龍山。上堂二十年來。方覓得個去處。慶快生平。一僧出問。如何是慶快平生的去處。師曰。一總不相似。便下座。上堂新春又滅五。日桶底依然黑漆好。生涯休打失。滿眼青山如疊出。薰拈杖曰。喚作拄杖則觸。不喚作拄杖則背。畢竟喚作甚麼。擲下杖曰。摩訶般若波羅密。示衆龍山今日不量晴不較雨。豁開戶牖。掃清廊廡。無拘無束。無賓無主。一任諸人安閒步武。切莫觸犯當頭石。虎三宜孟嗣

東關天華法聚淨理禪師。投東藏落髮。受具戒于弁山。音歷見二十餘員宗匠。末上參雲門十餘載。始獲印證。住後上堂。從上來事。會在而今。刻刻共知共證。人人同具同修。獨有者個佛子。出則手攀南辰。入則身藏北斗。三世諸佛。無處窺踪。歷代祖師。那容湊泊。還會麼。良久揮拂曰。昨夜優曇香。徧界今辰雲水盡。朝宗。顯聖掃塔上堂。客路雲門裏。花宮玉筍前。凝情瞻祖父。白鷺下平田。山僧入山爲祖父。拜掃只得客聽主裁。高陞此座。且道舉揚個甚麼。則得未免。

將官路當人情去也。薦豎拂曰：大眾看看者，便是靈鷲拈花頭陀微笑。聖諦不爲階，紙不落底。豎拂曰：五乳峰頭沒鏃箭，大地而今盡被穿。只有佛殿香，兩個瓦獸兒。至今却無下落。豎拂曰：門庭接拍，總在者裏。若也不會，請問方丈，便知端的。問：如何是曹洞宗？師曰：靜聽鈴語落松風。曰：如何是臨濟宗？師曰：晴空霹靂打雷公。曰：如何是潯仰宗？師曰：日暈雨兮月暈風。曰：如何是雲門宗？師曰：千里孤帆咫尺通。曰：如何是法眼宗？師曰：爐峰夕照晚霞紅。問：如何是正中？偏師曰：孤峰聳翠白雲間。曰：如何是偏中正？師曰：賣油娘子不識秤。曰：如何是正中來？師曰：座倚筍峰錦障開。曰：如何是兼中至？師曰：龍驤鳳翥逞閒伎。曰：如何是兼中到？師曰：霜寒露冷忘歸道。三宜孟嗣

嘉興津梁菴。詹明淨純禪師。餘杭人。原籍徽州。吳氏子。依三塔梵行。剃落。受具于天童。悟令看父母未生前本來面目。話因打翻燈盞。當下釋然。次參雲門。孟于梵受。孟問：禪僧行脚事。試道一句看。師曰：青山原不動。白雲任往還。孟曰：那裏學者。虎頭來。便打。師便

喝。孟曰：千兵易得一將難求。師掩耳而出。孟頷之。授以衣拂。源流偈曰：我有袈裟價，更連城于獅子座。代佛傳燈。住後上堂。高驅白鳳。賽雲飛。一陣風鈴徹。四圍同驗黃龍遊。赤水千層波。撼便酒歸。奉慶剎除魔軍。寶劍揮時。天地清。入塵垂手化塵論。指示衣珠無別旨。大家鼓舞和陽春。桃紅柳綠垂枝折。燕語鶯啼話素心。銅頭鐵額堪成對。木馬泥牛吼似雷。莫錯會張公喫酒李公醉。上堂。法身藏北斗。丹桂映冰輪。運轉施爲處。頭頭露本真。說甚麼新豐曲子和覓知音。到者裏。石上栽花無可用。心若是富家種。草自能透徹。古今良久。曰：須委悉。莫沉吟。一曲兩曲無人會。雨過夜塘秋水深。上堂。頭上帶霜去。脚下踢月回。雲鎖山蹙額。風吹水皺眉。木童頻拍板。石女把笙吹。者般清意味。料得少人知。拈拄杖作舞。下座。三宜孟嗣

五燈全書卷第一百十一

五燈全書卷第一百十二

京都聖感禪寺住持臣僧 超永 編輯

京都古華嚴寺住持臣僧 超葵 較閱 進

呈

曹洞宗

青原下三十七世隨錄

紹興蜀阜東星淨鑑禪師壽州王氏子師聞博山來在金陵因僧問如何是和尙具眼處來曰善逝橋邊逢聖主彼時有個會處往參弁山雪雪問你一路來何者是你自己師曰但見青山綠水雪曰你會見甚麼人來師舉前話雪復徵三不是語師鈍置經數日茶次雪舉盞曰者個是茶鍾將何爲法身師直得汗下從此釋然住後上堂迴文織綿剪綵鋪花轉處幽微機紐御於樞口用時綿密絲綸吐於梭腸全憑化母之工乃成天然之巧如千光激灑似萬象含春金龍不守於澄潭玉兔豈棲於碧影到者裏黃閣簾垂誰傳家信紫羅帳合暗撒珍珠直須格外轉機豈容個中擬議三世諸佛且向背後叉手歷代祖師祇

好左右旁觀正是鴛鴦繡出從君看不把金鍼度與人上堂久晴無怨纔落便憂蓂子浸爛鼻孔露柱愁斷眉頭道道愁個甚麼擊拂曰人從橋上過橋流水不流上堂春風蕩蕩春日熙熙溪柳半舒嫩色崖花初綻纖枝物物全彰頭頭成現胡笳曲子不墮五音無孔鐵錘了無向背不必問佛問祖求妙求元但得一念不落諸緣自然取證自家境界爲何向外尋求費盡許多氣力且道過在于何貪觀天上月失却手中撓上堂古佛堂中撥棹烟波水面行車雪映蘆花風吹玉藥狂猖嘯月羊腸大路沒人行靈鷲喬松枯木巖前尋伴侶正恁麼時前不邁村後不迭店進一步則參天荊棘退一步則古澗寒泉且道不進不退又作麼生凍雞未唱鄰家曉隱隱行人過雪山山 上堂蟬螟眼裏放夜市急水灘頭鳥作窠不識本來真面目謾言我唱脫空歌不是心不是佛不是物黃帝得之以御崑崙河伯得之以遊大川王母得之壽延千古且道衲僧得之又如何喝一喝下座上堂顛倒想生生死續顛倒想滅生生死絕生生死絕處

涅槃空涅槃空。庵眼中屑揮拂曰。觀音彌勒文殊普賢。廚庫僧堂山門佛殿。若向者裏悟去。捏怪也不難。大眾若教頻下淚。滄海也須乾。上堂。譬如暗中寶。無燈不能見。佛法無人說。雖慧莫能了。急水灘頭拋繡毬。琉璃殿上種荒草。桃花開徧蜀山錦。石女栽成紅袖襖。且道說是不說。是良久曰。啼得血流無用處。不如緘口過殘春。爾密演嗣

杭州普明石照淨輝禪師嘉興曹氏子。萬曆己酉秋。母夢九華僧假榻乃生。師雖在總角。有過人志。受具金粟。參無字。聞磬聲有省。謁東山得法。上堂。有一人身居高堂大厦。上無片瓦遮頭。有一人栽花種竹。下無卓錫之地。且道二人姓甚麼。名誰拈拄杖曰。秘魔叉。上堂。顧左右曰。諸兄弟。延頸舉踵。所爲何事。莫是生死未明。無明未破底麼。阿呵呵。少林老漢空中釘橛。皇宮悉達。陸地興波。若將佛法與元妙錯把。黃庭喚白鷺。師住普明金竺。順治戊戌秋。擲鼓陞堂曰。久病神疲。不可說。今朝跳出娑婆國。上堂消息。事如何。盡力當陽只一喝。隨聲一喝便逝。壽五十夏。

三十有三塔。全身于寺前。爾密演嗣

東越剡溪雨。錢寧遠淨地禪師。蘇州崑山馬氏子。上堂。霜露滑如苔。竿木隨身走道伴。交肩過切忌。頻回首。斜街狹巷中。須防子湖狗。急行趣不上。緩步落人後。瞻風撥草時。不得亂開口。兄弟結制。句子盡情分付了也。更有一件要緊事。且歸暖室商量。上堂。燕尾峰前無刺語。今朝對衆如何舉。打壁敲籬罵四鄰。街頭賣卜瞞神鬼。石上栽花連夜開。陸地行船十萬里。上堂。今朝十月小陽春。天暖霜輕日更明。山花三朶四朶寒鳥一聲兩聲。牛背牧童吹短簫。溪邊稚了唱歌行。誰管你李道士。誰管你張先生。喫了黃蘗脫粟飯。大家任運飽膨脝。上堂。昨日行至中途。聽得村翁說四句話。最妙最元。最親最切。若人識得。可以籠罩古今。凌跨佛祖。千七百則葛藤。到此冰消瓦解。三十二傳曲調。直是熱碗鳴聲。且道是甚話。得恁麼奇特。諸仁者。還願聞麼。良久曰。四九三十六。柴米家家有。後園種芥菜。生個大蘿蔔。上堂。今朝十月半底事。爲君判蚤間。喫白粥。天暖身流汗。珍御服不

值半錢破草鞋黃金不換慙愧兜率宮珍重猪肉案
曼殊昨夜見空王劈頭一棒趲出院問諸人薦不薦
蘆花江上白如綿鷺鷥飛入尋不見上堂處處花
開日暖家家月白風清不須門外挂桃神自安然眠
高枕放得下者左之右之七縱八橫放不下者撞頭
磕額縛上加繩諸兄弟天何高地何平潑天活路從
人走何用區區摸壁行不管南泉猫惡那怕子湖狗
獐見怪不怪怪自息鎮州蘿蔔重三斤問畢竟如
何得相應去師曰連日天陰雨蒼苔滿地新問一
塵起大地收將甚麼喚作塵師曰堆山積獄曰未審
大地如何收得師曰多不用添少不用減問如何
是稍僧格外事師曰向火胸前煖問如何是明覺
境師曰燕尾峰頭雲靄靄臥龍池畔水盈盈爾密
復嗣
越州融光自聞淨音禪師暨陽陳氏子結制上堂摩
醯首眼洞貫十虛肘後靈符廓周沙界得諸佛之總
持絕古今之消息於是不起于座行遍天下無足跡
不動舌頭言遍天下無口過唯赤心之恒湛絕生死
之機殊直得念念爾時爾頭頭爾法法爾然後爲

無爲事無事白雲千里外逢人終不錯舉喝一喝
解制晚參鐵牛耕轉劫初田石虎終宵抱月眠鶴不
停機峰競秀鳳無依處木迢然你有拄杖子我與你
拄杖子你無拄杖子我亦與你拄杖子相將無過斷
橋水一任伴歸明月村上堂本是瀟湘一釣客自
西自東自南北雲收山瘦秋容澹春盡珊瑚光焰赫
瀟灑丰神不露顏遨遊巖壑空塵迹箭鋒相拄電機
先銀筵香浮雪花白拈來塞斷水雲喉掃空法界幽
元宅上堂有僧纔出師以拄杖約曰高高山頂立
深深海底行汝作麼生會曰行藏原不屬他人師曰
孟八郎漢又怎麼去僧擬議師便打爾密
復嗣
越州清化唯岑淨嶠禪師荊州張氏子母夢青蓮現
于庭而生六歲失父十五入靈湖寺落髮天啓壬戌
謁博山來示以參禪切要師曰任衆務夜則坐禪因
入方丈請益師纔跨門被來喝出師愈猛烈是冬稟
具偶坐次觀香烟起處有省辛未結伴誓不語戒適
堂外打破碗爭曰你輩只知喫常住飯不管常住事
師聞契悟偈曰打破常住碗還從常住討相逢不相

識空自生懊惱。咄。無端禪者兩相爭笑。倒堂中張長老尋參弁山雪。久之復扣東山。渡于顯聖。命入室。渡曰。卽今事作麼。生師曰。木上座通身是眼。渡曰。如何是德山末後句。師曰。騎牛不戴帽。過水却著靴。渡曰。總沒交涉。師曰。南山園裏曾刈茅。拂袖便出。辛巳得法。癸巳主顯聖。次東山。越之普濟。江陰之芙蓉。數刹上堂。淡烟籠古寺。嵐色涵山巔。拈起龜毛拂。揮開碧落天。正與麼時。山山鳥語處處鶯啼。物物真機獨露。頭頭大用全彰。聞聲悟道。則且置。祇如觀音菩薩。將錢買胡餅。放下手却是饅頭。良久曰。古今懷寶迷邦客。區區祇向那邊討。上堂。趙州喫茶去。金牛携飯來。會得其中意。元關金鎖開。有般漢認個穿衣喫飯。言談語默。底爲自己。豈不是認賊爲子。將奴作郎。與麼見解。不特二六時中被五欲七情搖動。只恐眼光落地時。被四生六道牽去在。上堂。有收有放。能縱能奪。龐公笠籬。清平木杓。雪峰毬。元沙壓脚。過在動田。撥退菓桌。阿呵呵會也麼。隱嶺凍雲從地涌。娥江明月自天來。問如何是曹溪一滴水。師曰。不

與衆流同。問如何是萬象體。師曰。屋後青松帶露寒。曰。如何是萬象用。師曰。庭前翠柏搖空影。問窮冬一句。請師激揚。師曰。午夜床頭冷。天明市地霜。問如何是水邊林下事。師曰。泥牛吼處。秋光老。曰。恁麼則截斷衆流去也。師曰。木馬嘶時春日回。問如何是第一義諦。師曰。白露罩秋江。康熙甲辰夏。師無疾而終。壽七十臘。五十葬。全身于清化後山。爾密嘉興大慈院放眉淨真禪師。問如何是主中賓。師曰。太阿高握定乾坤。曰。如何是賓中主。師曰。就路還家。踢故址。曰。如何是賓中賓。師曰。芒鞋竹杖活如龍。曰。如何是主中主。師曰。毒咒當軒。觸者死。曰。賓主已蒙師指示。頂顙一著事。如何。師曰。無腔調沒絃琴。爾密古杭善曇自若淨深禪師。山陰王氏子上堂。向上一著。物物相呈。袖裏一機。頭頭顯露。不見先德。云。鷄鳴犬吠。盡啓圓通。時雨調風。咸垂妙義。義牡丹庭柏。何用重拈。赤鯉金泥。固當奮躍。衆中還有奮躍者麼。良久。曰。三汲浪高。須急過懸巖。返躡始成。上堂。夜半明星。日午出現。釋迦老子。眼睛被換。大地山河。融成

一貫今朝解制各還鄉。水陸行人須好看。須好看。燭地輝天光燦爛。東山結制上堂。自上東山將二載。于心未補幾焦勞。今朝再下任公釣。只聽潮聲吼巨鯨。拈杖作釣勢。曰。有麼。有麼。好乘春日風雷。便直躍龍門上九霄。上堂。揮金剛劍。掃閭外烟塵。傾甘露餅。潤寰中枯槁。時時砥礪。觸之則永斷命根。刻刻提持。嚮之則恒滋性體。雖然更有向上一著。在裏拈拄杖卓一下。上堂。鐘聲鉦鼓聲。靜觀音耳底。悟真空。桃花紅。李花白。靈雲眼裏重著屑。汝等聞亦如見。亦如因。甚麼不瞥。瞥不瞥。枝頭黃鳥語。關關大悲院裏誦秘訣。東山退院上堂。拈拄杖作收釣勢。曰。剡江垂釣已三週。不獲金鱗竿。且收自愧。聖恩酬未足。移舟別下任公釣。雲笠動雪。叢浮父業。公行豈苟留欸。乃一聲無限意。白鷗飛過碧沙洲。問古鏡未磨時。如何。師曰。物無私照。曰。磨後如何。師曰。影跡難藏。問如何。是道。師曰。溪山行不盡。曰。不問者。個道。師曰。汝問那個。道曰。佛道。師曰。展轉路無窮。師歷主九刹。慎重法門。康熙庚戌春。順寂顯聖世壽六十三僧。

臘四十四門人奉全身塔于東山國慶寺左

爾密復嗣

古虞寶泉素端淨響禪師本邑張氏子。示衆卷起夜明簾。三更無私照。放下琉璃瓶。渾身無孔竅。進一步踏斷毗盧頂。顚退一步觸翻千年炭。窖不進不退。木人水上插紅旗。石女峰頭和雪調。師一日偶過鼓集衆說偈曰。六十餘年談天論地。八苦交煎。自有長技。夢幻空花。說甚真諦。寂滅逍遙。賢聖閑窺。如如而來。如如而去。偈畢正寢。門人石微奉龕空本寺之右。

有密復嗣

五燈全書卷第一百十二

五燈全書卷第一百十二補遺

曹洞宗

青原下第三十七世隨錄

清江普賢疎庵淨禪師初住七峰。順治己丑遷普賢上堂。窮萬法之底源。識陰陽之始末。未爲好手。橫眠。

碧落豎立雲霄。登足觀光。直須拈撐天拂子。穿却天下衲僧鼻孔。握縱橫拄杖。撥轉盡大地迷情。一念遊歷四天下一時踴徧五須彌。大用隨處以施。張法幢隨地而建。立正恁麼時。十成通暢。一句作麼生。道良久曰。獨木橋心能撒手。萬人叢裏任揚眉。上堂。尖新巧妙。剿竊成文。辨利言詞。尋章摘句。如斯解會。鈍置宗風。更若周遮。有乖先聖神通妙用。不假言詮。就裏玄機。豈容造作。必須迴脫情塵。意想撥轉。向上關頭。一一從本地中得來。字字向自性中流出。然後句中有意。意中有句。橫拈豎用。順逆無拘。果有縱橫寰宇之胸襟。格外提提之大用。到者裏。佛亦不立。聖又何安。呼文殊爲婢。子視普賢爲梢郎。且道是甚麼人作路。驀拈拄杖下座。施風打散。僧問。曹溪一派闡國。聞知普賢堂上是何意旨。師曰。半夜烏龜飛上天。問。二龍爭珠。誰是得者。師曰。無面目底漢。問。如何是觀世音師。曰。鐵蛇敵著石龜鳴。僧禮拜。師曰。詐明頭。問。大地春回。事若何。師曰。玉樓公子醉扶歸。問。如何是七峰底佛法。師曰。七峰且止。如何是闍

黎脚跟下事。曰。觀面薦取。師曰。學來底僧。便喝。師曰。老僧被你一喝。僧又喝。師打曰。亂喝作麼。問。一念未生時。作麼生。僧曰。草賊大敗。問。如何是。的的相傳底意。師曰。舌頭有骨。順治十七年九月七日。示寂。建塔於清江浦福田庵之左。爾密復嗣

大安斗庵晦公禪師。因誦金剛至一切諸佛阿耨多羅三藐三菩提法。皆從此經出。處處疑未審。此經從何而出一日。聞鈴鳴。有省。然隱隱地。自覺有物礙膺。一日出行。失足一跌。礙膺之物冰釋。占偈有踢破乾坤跌一交。十方世界當時消之句。往參東山渡承印。可尋住斗庵。東山忌日。拈香。父南子北。太無情。何事翻成怨恨心。一片旃檀一盞茗。若只圖雪屈不離恩。天宮寺有活善財像。偕衆往瞻。一僧曰。若喚得應。是活善財。喚不應。猶是死的。便咳嗽兩聲。僧瞪目視。師曰。童子已往南方去矣。爾密復嗣

五燈全書卷第一百十三

京都聖感禪寺住持臣僧

超永

編輯

京都古華嚴寺住持臣僧

超揆

較閱
進

呈

曹洞宗

青原下三十七世隨錄

湖州弁山龍華久默大音禪師。溯西石門姚氏子。母有蓮敷之夢。乃生。家貧。操舟爲業。每於僧舍聞佛聲。輒生踴躍。廿四薙染首。謁雲門澄。值門示衆。曰。放下。放下。又放下。并放下者。亦放下。師聞之。慶快然。猶未徹。諸譌忽嬰病。幾斃。悟前非。因看趙州勘婆語。謁寶壽。方發憤力。究廢寢食。目幾損。因僧問。托鉢因緣。方作擎鉢勢。遶禪牀。曰。哪。哪。師驚地。打徹後。聞弁山雪竊龍華特禮。覲盤桓。信宿雪印之。繼席上堂。山僧是個杜痴子。志熈折脚鎗。於窮谷。今日大衆以吾老人囑累爲口實。逼作者個蟲豸。不得已。露個敗闕。非圖熱鬧門庭。要了大家公案。且道。大家公案作麼生了。竹放雲邊浪。松收月下濤。上堂。凍斷江南萬里。

流三冬不著。赤梢游。要飛直待春雷動。布雨興雲潤九州。賒千錢不如現八百打。○相曰。大衆會麼。會也。跳不出。不會也。跳不出。卓拄杖曰。只爲貧兒不怕冷。故來雪上又加霜。師誕日上堂。暗九之年。曲不藏。直四十五歲。直不藏。曲且道。不落數量者。是甚麼人。卓拄杖曰。從來不著。孃生。禪自古遭人笑。赤條上堂。驚遷喬。燕繞梁。忻草木正芬芳。韶光盡向今朝露。莫謂東君還覆藏。諸仁者。還見麼。見也。換却眼睛。不見也。換却眼睛。還有不被換却者麼。下座。解制上堂。廬陵米價索。遼天無敢能酬著地。錢肯把盞。孟安箇柄。誰家竈裏不生烟。會得去。莫廉纖。陸行有馬。水行有船。大衆還當得解制事麼。直待來年十月斗象峰開口。再重宣。元旦小參。一聲爆竹。堅冰裂。無限春光皆漏泄。膏雨紛紛落不休。十年枯木一朝活。諸善知識。新年頭佛法雖多。若要受用也。須啣嚙衆中。忽一喝。師以手拍案曰。莫忙。莫忙。滿目皆是不許汝親滿耳。皆是不許汝聞。滿脚皆是不許汝踐。蹋滿口皆是不許汝咬嚼。且道。如何始得舉如意。曰。山中。

自有新條令。那用桃符呈舊科。問如何是般若體。師曰。平地高山。曰。如何是般若用。師曰。溪水瀾如海。問如何是觸目菩提。師曰。東有日。西有月。曰。明箇甚麼。師曰。只要人著眼。崇禎壬午五月望日。師示微疾。次早手書遺命。或問和尚更有別事也。無。師曰。道人去就。非爾所測。當午集衆。曰。無常迅速。各須及早倒斷。莫待臨渴掘井。老僧今日先告別也。遂吉祥而逝。世壽五十。僧臘二十。有七塔全身於本山。瑞白雪嗣松江青龍百愚淨斯禪師。南陽桐柏谷氏子。幼喜繪佛像。成輒禮拜。年十九棄家。走終南。薙髮後。南詢值弁山雪主湖州白鵲師。往參。禮明年。謁天童悟舉。本來面目。爲問。被悟打出。師恍然。知有落處。崇禎戊寅。聞弁山隱居虔州崆峒師。再參。理前問。山亦打復。領槽廠。一日。上方丈。仍踵前問。又打出。師纔行數步。山喚米頭。師回首。山曰。是甚麼。師忽頓釋。前疑。後聞鐘聲。乃大徹。出世住嘉定之古昭慶上堂。陣陣朔風。揭戶。開紛紛凍雨。打窓。破滿堂禪客。暗嗟吁。禱被蒙頭牀上坐。牀上坐。休錯過。金毛獅子解翻身。獼猴泥

猪草裏臥。上堂。氣稜層嶸。光兀異中來。也是何物。遂豎拂子。曰。覲面施爲。不見形擊。香兒曰。分明打破。精靈窟。豹披霧而變文。龍乘雷而換骨。咄。莫輕忽。擲拂子。曰。衝霄須是遼天鶴。上堂。凜凜朔風。逼界寒。千林葉落水。成團透肌徹骨。誰能委。惟有梅花笑破顏。明舉似休瞞。預剔起眉毛。仔細看。豎拂子曰。大衆見麼。凍鷄啼處。家園曉隱。行人過雪山。上堂。風蕭蕭兮。紅日淡。山寂寂兮。冷雲堆。天欲雪而不雪。梅似開而未開。可憐羈旅客。愁聽夜猿哀。相逢若得陶徵士。攜手長吟歸去來。上堂。末後一句。始到牢關。薰拈拄杖。曰。是以發上座。一生不肯德山。老漢跛足。師直欲打殺。黃面瞿曇。到者裏。且道利害在甚麼處。若也檢點得出。一任呵佛罵祖。有甚麼難。薦顧左右曰。有麼。有麼。果是金毛獅子子。三千里外見諸謁。上堂。香閣沉沉。冷繡幃。佳人倚戶。淚沾衣。堪憐異國。鈴鐺子。歲暮如何。不見歸歸。不歸真懊惱。庭前殘雪。日輪消。室內紅塵教誰掃。善慶解制。上堂。九十九日。期今已滿。打開欄圈。一時休。崢嶸頭角。無回互。放出。

瀉山水牯牛大衆還見麼。雖然鼻頭繩索猶在善慶
手中教你往東不敢往西。教你往西不敢往東。你欲
去去不得。你欲住住不得。何故殺活臨時收放在我。
只如不落收放。又作麼生施設。以拂子擊曰。一聲羌
笛離亭晚。君向瀟湘我向秦。康熙乙巳秋。師偶示
微疾。悉將長物散給。中秋示衆風燭曉霜待時而已。
老僧去後不得披蔬悲慟有類世俗首座。問古人預
知時至和尙又如何。師曰。日日是好日。有問安者。捉
師手曰。不妨再來相看。師搖手曰。只好別峰相會。是
夜沐浴更衣。端坐至黎明。索筆書偈曰。生年五十復
零六。大事因緣今已足。釣罷金鱗歸去休。漁翁不向
蘆灣宿。擲筆而遊。塢於宜興善權寺東北萬松嶺上。
雪嗣

鉅州洞山孤崖淨聰禪師。楚德安李氏子。上堂。新豐
洞裏。嘯月臺前。中有一機。觀體渾然。全該五位。妙契
三元。若人會得了。還源諸仁者。且作麼生。是還源
一句。良久曰。翠竹風搖聲細細。清流投澗響潺潺。
上堂。雪峰嶺峻本絕攀。緣曲水逢渠略通消息。所以

主生

道目前一著五眼難窺。一句截流十方坐斷。直得千
車合派。萬派朝宗。列聖同遊。四生均具。或時向孤峰
頂上打眠。土曠人稀。獨行獨步。或時在十字街頭。八
橫七縱。同死同主。且道渠儂有何本據。得與麼收放。
自由還知麼。揮拂曰。箇箇眼睛端的。去青山綠水盡
知音。小參。今朝元旦。佳節萬象森羅。饒舌梅花暗
遞春。先不用山僧更泄。唯有露柱燈籠大笑呵呵。不
歇大衆。且道笑箇甚麼。三陽運轉時。清泰萬物咸亨。
皆自得。師端潔高古。慈心接物。初住廬山。足不越
閭者一十八載。嗣後中興洞山。順治丁亥春。偶占微
恙。集衆陞堂。而逝。春秋五十有七。坐夏三十五。塢全
身於寺之陽。瑞白
雪嗣

吳興佛川離言淨義禪師。浙之蕭山孔氏子。冬至
上堂。煦日當軒。霜風撲面。冬至陽生。天長一綫。報諸
人薦不薦。若也薦。蒼雪二谿拖白練。如不薦。弁山與
汝開方便。卓拄杖三下。上堂。有一句子不居那畔。
那畔親聞。常在目前。目前難覩。弁山不敢被蓋囊藏。
眞與當陽揭露喝一喝。上堂。彌勒峰一時惡發。歡

下縵天羅網。覆却大地山河。直得花石澗。流寶珠池。匿龍岡。龜石有力難施。象嶺獅岩無繩自縛。蹤使出格。靈禽莫能展翅。羣猛獸無計翻身。且道利害在甚麼處。以拂子擊禪牀曰。并山今日結制。上堂五五五。一百五。趙州茶。雲門雪。峰。毬。禾山鼓。禪家流。莫莽。鹵雲從。龍風從。虎。瑞白雪嗣

蘇州金僊。蕃光淨瑩。禪師金陵朱氏子。母夢僧而誕。幼爲黃冠。棄投空門。抵博山。聞南泉瓶。鴉因緣有省。然後撥捨身心。雖祁寒溽暑。苦不可忍。處力究斯道。數稔偶大病。一七水穀不沾。因睡夢中。抄著本分。聞樹頭果落。瓦聲頓覺。虛空粉碎。參弁山問賓主。穆時全是妄君。臣道合正中。斜如何是。君臣道合。師曰。泥牛吼水面。曰。意旨如何。師曰。夫子不識字。繼主弁山上堂。曰。面佛。月面佛。鐺鉢不謬。前三三。後三三。數兩難分。不在聲前。句後。惟務當下。圓成。且作麼生。是圓成底事。卓拄杖曰。南泉不善調猫。意累及兒孫。弄草屨。三祖燈。至上堂。散木散馨。花梢皎潔。山南山北。榮枝茂葉。把住臨濟三元。振開五位妙訣。點枯寂。

以威甦指狂馳而頓歇。今朝光射象峰頭。巍巍翠塔祥雲結。幸遇法兄到來。畢竟有何良晤。顧左右曰。扶筇緩步松陰下。拍手披襟笑一場。示衆。昨日晴。今日雨。何用老僧頻頻舉。昨日雨。今日晴。謔言此處盡圓成。杓白咬却山門脊。茶寮蹋倒正中亭。且道華林拄杖子。還有出氣分也。無良久。度拄杖與侍者曰。爲我好好收拾。待有人摸著老僧的行藏也。少他一頓不得。師首住蘇州金仙。嗣後爲華林五代住持。示寂。塢於湖州白龍山之麓。瑞白雪嗣

寧州雲巖元潔淨瑩禪師。江都莊氏子。結制上堂十五日。已前。天不收地。不管浪走天下。衲僧十五日。已後。雲不飛。鳥不度。坐斷佛祖鼻孔。正當十五日。風蕭蕭。雨灑灑。威音那畔。觀體全該。今世門頭。眼橫鼻豎。且道在諸人分上。成得甚麼邊事。於此委得一任逍遙。設或未委。長連牀上有粥有飯。臘八上堂。好箇太平風景。坐著則該三十棒。何故。遣遣隨衆生。於無事甲裏。及出皇宮。登雪嶺。山不是。山水不是。水凍不知寒。饑不知餒。睹明星。開夢眼。固是好事。檢點將來。

亦不免三十棒。何故惱亂衆生無盡期。長至上堂。冬至月前葉落千峰。冬至月後芳生萬彙。正當今日。一陽初動。處萬物未彰。時人人頂門壁立。萬仞箇箇眼光。燦破千差。未審此片田地。還有添減也無。良久。曰。眞淨界中纔一念。閻浮早已八千年。師世壽六十有一。示寂越州顯聖門人奉遺骨葬雲巖無住塔。
左瑞白
雪嗣

越州道林鏡愚淨慧禪師。浙之蕭山樓氏子。幼持法華。參弁山雪。示以本來面目。話久之。釋然。一日蒲團坐。至三更。雪忽喚曰。樓居士。師應諾。雪曰。且道在甚麼處。師聞通身汗下。遂徹法源。嗣後依雪。剃落結茅道林。上堂。德山棒。臨濟喝。石鞮張弓。道吾舞笏者。一隊漢。不向淨地上放扇。偏在人前颺沙撒土。山僧到者裏。不可矢上加尖。且要與諸人抽釘拔楔。薰拈拄杖卓一卓。喝一喝。龍華上堂。今朝十月十五。重打禾山舊鼓。滿堂雲水高賢。促膝攢頭鼓舞。三條椽下。擦掌摩拳。七尺單前。揚威耀武。眉端拄劍。斬諸見之稠林。腦後抽釘。拔異端之鏃羽。眼蓋乾坤。氣吞佛

祖拈拄杖曰。雲從龍。風從虎。
瑞白
雪嗣

虔州興國獅子巖中也。淨慈禪師新安程氏子。幼穎異。出家後。受具金粟。過姑蘇。聞弁山雪。寓兜率園。師往謁。請益。父母未生。話雪與一掌。師有省。是秋值雪。主白。雀師隨侍。雪忽問。未生。徽州時是那裏人。師曰。一物無依底人。作麼生。修證。雪曰。秋樹梧桐老。師停思。雪便打師。憤發目不交睫者三晝夜。因喫粥。偶翻粥。盆忽契。悟雪乃印可。住獅子崖。小參。若向語言棒喝中。薦得原非親切。若干聲前色外。處承當。轉見糊塗。縱饒踏破化城。未是到家消息。掀翻寶所。何殊正在半途。若是英靈。褫子慷慨。丈夫打開自家寶藏。運出自己家珍。取之則左右逢源。用之則貴賤平等。所謂欲爲甚麼事。須是甚麼人。若不藍田射石虎。何人知是李將軍。崆峒小參。今朝仲冬。初八五龍湫底火發。擊碎鐵壁銀山。迸出無縫寶槍。突出無位真人。凡聖一齊抹殺。嚇得楊岐三脚驢子。倒退三千里。惶恐灘頭。遇著雪峰。驚鼻蛇兩箇。唧唧囀囀。叨叨怛怛。大衆且道。說個甚麼。參問如何。是向師曰。葵花仰

面曰如何是奉師曰荷葉低頭曰如何是功師曰木
童敲鼓曰如何是共功師曰月冷霜寒曰如何是功
功師曰珠沉玉碎曰如何是無情說法師曰山高水
遠 師於順治丙戌秋九月得微恙時兵變學者星
散旁無給侍鳳日眉鑒法姪迎師調治至十月中索
筆書曰世起刀兵劫生靈實可傷我且歸去來皓月
在滄浪擲筆灑然而逝壽四十五臘二十一塏骨鳳
日之西距寺二里許太僕卿李陳玉謨碑雪瑞白

荆谿靈山衍慶石鼓淨滋禪師四明郭氏子師處胎
十有二月乃生幼迥殊羣童長卽就武一夜夢入武
場學射見一金色相自曰我是釋迦復曰汝違我教
該責凡如此者三師驚寤念曰此非我事也遂赴台
之高明落髮歷講肆有年掩關修懺三暮出則稟具
天童悟後值語風信大策發參弁山雪聞雨聲有省
乃徧謁名宿探窮律藏因思弁山極力爲人處束裝
再謁弁山於虔之崆峒山見便問那裏來師曰金陵
雪曰鄱陽湖白浪滔天汝作麼生過師曰不借東風
力輕帆漾碧秋雪曰章貢合流一句又作麼生師曰

綠水帶清波雪曰如何是正位中事師曰佛眼亦難
窺雪曰如何是偏位中事師曰白雲鎖青山雪曰天
台山中半個子也 住後上堂春日晴春風生春水
綠春山青靈光迥脫絕周遮西來祖意甚分明元關
金鎖無回互足下無私向上行喝一喝 解制上堂
今朝解開布袋放出一羣獅子或在山林或遊城市
或向魔宮或入佛國等閒哮吼一聲直教魔佛潛踪
衆獸腦裂大衆且道爲甚麼猶在跨下喝一喝曰翻
身迸斷黃金索始可全超白玉關 問如何是菩提
道師曰白雲飛度綠楊波 問如何是卽今之佛師
曰何不禮拜 問如何是諸佛出身處師曰風動樹
搖 師無疾坐逝塏於衍慶寺之陽瑞白

五燈全書卷第一百十三

五燈全書卷第一百十四

京都聖感禪寺住持臣僧 超永 編輯

京都古華嚴寺住持臣僧 超揆 較閱 進

呈

曹洞宗

青原下三十七世隨錄

南安府谷山金峰淨雲禪師河南人開爐上堂拈拄杖作撥火勢曰看看冷灰裏火星踴跳上三十三天。燎著帝釋眉毛東海老龍王傍觀不憤轟一個霹靂得鸚鵡石撲地高飛出穀崖仰天大笑諸人見麼若也見得明白正好直勇向前將谷山址下爛捶一頓也怪伊不得何故選佛若無如是眼假饒千載亦奚爲 解制上堂春回大地萬卉滋榮日煖風和山禽噪野正法眼頭頭俱是涅槃心處處皆真苟能覩得破通上徹下跨古凌今毗盧師法身主好似檣槓邊破草鞋臨濟喝德山棒亦如剛坑傍籌子有甚顧采處雖然只恐猶豫未決谷山有箇本道公驗相送遂豎拳曰合作麼生委悉者裏過得谷山關不妨橫行

天下 問如何是師祖西來意師曰山僧參學二十
年未曾聞恁麼消息瑞白雪嗣

寧州西峰獅吼淨振禪師鄧州崔氏子因閱首楞嚴
疑情頓發往見弁山雪令看女子出定一日聞鄰單
曰會麼師忽猛省雪見師天生靈縱顯悟逸羣謂曰
子異日當爲王者師至崇禎丁丑果符所記豫章建
安王響師道風降香迎至內殿賜紫說法 上堂慈
風蕩蕩罪花空法雨霏霏壽嶽隆具不思議三昧海
更嫌何處不圓融所以道隨處作主遇緣卽宗昨日
同大衆於梵音閣上今朝揚家聲於建安府中處處
顯本地風光頭頭全衲僧巴鼻大衆且道節目在甚
麼處舉如意曰會麼釋迦老子在山僧如意頭上現
不思議光明照徹大千沙界若是皮下有血漢一撥
便轉卽知盡大地是箇自己包括無餘三際平等幸
我了心居士現國王身行菩薩道不昧靈山記萌深
心般若慈航命山僧舉揚法化提挈宗綱大衆還委
悉麼揮拂曰月光天德山河壯帝居 王復宣問
如何是吾無隱乎爾師曰鳥啼花笑曰如何是密迢

一步師曰山自高兮水自深曰東山水上行畢竟明甚麼邊事師曰怪石形如虎曰八角磨盤空裏走作麼生會師曰泥童發笑端曰渴鹿趨陽燄如何得飲師曰莫妄想曰不在內外中間在甚麼處師曰白雲片片溪水潺潺曰佛祖門頭如何入得師曰將謂別有奇特曰如何是本來面目師曰黑漆皮燈籠曰意旨何如師曰待殿下打破來卽道王大悅加以師禮師將順世上堂卓拄杖曰大眾還聞麼衆方作禮師便下座歸方丈書偈怡然就化塔於本山瑞白雪嗣洪州百丈石澗淨泐禪師餘姚周氏子父粵西樂平尹師生署中幼敏異不苟葦長喜佛書過目成誦因歸鄉赴考偶病幾死遂有出世志薙髮遊講肆博通性相受具姑蘇報國究毗尼深明作犯尋謁弁山雪茶次雪問澗山道一切衆生無佛性鹽官道一切衆生有佛性阿那個是師不能對後聞僧論萬象之中獨露身疑之聞榔聲有省復閱雲門須彌山語不覺諸疑頓釋再省雪於崆峒雪曰如何是住靜底事師曰半窓疎影滿眼烟霞雪曰忽遇客來如何抵待師

曰摘得大菱和殼咬雪曰如何是室中主人師便喝雪曰如何是夜半正明天曉不露師曰更深獨步西江月曙色歸來霧正濃雪頗稱善後雪入寂百丈師繼席焉上堂水足草足水枯馴伏不犯苗稼亦無舐觸此是尋常行履處芭蕉曰你有拄杖子我與你拄杖子你無拄杖子我奪你拄杖子芭蕉得處真實用處孤危檢點將來只道得一半百丈則不然你有拄杖子不與你拄杖子將三十三天按向十八重地獄直得虛空撲落佛祖平沉你無拄杖子不奪你拄杖子將十八重地獄擡向三十三天直得雲遙山更綠雨過浪初平豈不得處孤危用處真實雖然也只得一半更聽一偈今日花朝二月中桃紅柳綠鬪芳叢子規枝上聲聲叫歸去好歸去好得便宜處落便宜莫待臨岐悔不蚤瑞白雪嗣虔州鳳曰山本珠淨瑠禪師徽州張氏子因看教曰佛法在日用處舉心動念却又不是師誓曰此事不明此生不休卽來浙之龍居尅苦力究寢食俱忘一日聞首座與知衆犯諍旁僧曰首座有理知衆亦有

理師聞有省然於話頭。疑情猶在也。尋依弁山雪周旋七載。閱洞山無情說法。偈復大疑。一日瀑雨雷奔。師在樓憑窓。漠然若不知者。半響俄聞山上瀑水聲。乃豁然打徹。住後示衆空階蟋蟀報深秋。江岸蘆花白。點頭爽氣蕭蕭鳴玉笛。一彎新月挂銀鉤。正當此際。還有同時賞鑒不失其宜者麼。如無三十年後。切莫作境話會好。示衆卓錫無地未爲貧。錫也無時快活人。知音不在多開口。家醜難將說向君。雖然如是。坐斷十方猶點額。密趨一步看龍飛。還知密趨一步麼。頑石溪邊吼青山水上行。晚參。獨瞎金剛眼。何處覓生滅。掀翻自己珍。欣厭一齊歇。古殿尙慵登。元途誰肯躡。撲面寒風吹鼻頭。冷如鐵。參禪學道流。也好知時節。擊拂子曰。還知時節麼。太煞分明太煞親切。師無疾而終。春秋四十有二。僧臘十有九。塏于本山方丈。太僕卿李陳玉謨碑。瑞白雪嗣

天台護國眠石淨蘊禪師舒州懷寧潘氏子上堂僧問。涅槃妙心。則且置。正法眼藏。請師宣。師曰。瑞氣滿庭。日祇如涅槃妙心。又作麼生指示。師曰。祥雲捧日。

僧禮拜曰。觀面無回互。拈來總自繇。師卓杖曰。大家高著眼。切勿逐聲飄。乃曰。一問一答。全露佛祖真機。設若滯句承言。不免當陽錯過。所以道。河邊受渴飯。裏耽饑。真藥現前。自不能識。祇如山僧道個祥雲捧日。意作麼生。裏洞明落處。徹見根源。不唯汝等已事了。辦亦且護國爲人事畢。拈杖曰。會麼。兩手分付無餘事。祇要當人著眼。親復卓拄杖下座。上堂。大道無向背。至理絕離微。聖諦不爲階。級不落言思。莫及棒喝。非親問訊。燒香蚤成多事。舉今驗古。開眼尿牀。所以道。向上一路。千聖不傳。學者勞形。如猿捉影。且道。達磨西來。意作麼生。劍爲不平。離寶匣。樂因救病出金瓶。問如何是借功。明位師曰。波濤歸大海。曰。如何是借位。明功師曰。青山戴白雲。曰。如何是借借。不借。借師曰。木童解笑。非唇吻曰。如何是全超不借。借師曰。月落寒潭影不留。瑞白雪嗣

湖州佛燈白崑淨博禪師積善寺示衆。蒼南佛燈。蒼北積善。日照千山。雲摩霄。漢雨灑林。溪流白練。處處逢渠。曾無餘欠。諸仁者。見不見。打破黃龍關。拗折。

石鞦韆。青草窩中深復深。黃霧堆頭離背面。蒸豎拄杖曰。佛燈朗耀乾坤正。萬派從茲歸積善。問如何。是弁湖境。師曰。兩株古柏勝蒼龍。一對清池如寶鏡。曰。如何是境中人。師曰。策杖峰頭擒虎兇。溪邊掬水採獐龍。師首住弁湖。次遷積善。終于佛燈門人建壇。

本山瑞白雪嗣

衡州西山窰谷淨源禪師。楚蒲圻丘氏子。弁山上堂。衆星拱北。萬水朝東。葵花向日。修竹搖風。一班無情。漢各自逞神通。且道。山僧手中拂子。逞箇甚麼。遂豎拂曰。當陽舉出人。皆薦薦地。收回佛不知。上堂。今朝大雪節。箇事活鱖鱖。動念隔千山。揚眉成兩撇。非言語可及。非心量可測。何謂如此。不見道。我法妙難思。不可以言說。上堂。揮拂曰。四九三十六。夜眠如獨宿。石女戴花冠。木人寒徹骨。朔風臨古幹。共唱無生曲。父母未生前。一句作麼生。道雲行山結彩風。動水陳紋。問如何。是一貫之旨。師曰。逼鼠貓兒口。向天。問如何是歸根得旨。師曰。深崖藏白額。勸子不須行。曰。莫不是和尚爲人處麼。師曰。射虎不眞。徒誇。

沒羽。順治庚寅冬。命浴更衣正坐而逝。壽五十六。臘二十八。全身塋於本山至善菴中。瑞白雪嗣南嶽荆紫峰萬仞淨壁禪師。楚湘鄉譚氏子。出胎有異跡。八歲失怙恃。十五出家。讀楞嚴。少有發明。十七參荆紫幻深。聆玄誨。卽掩關屏去牀榻。每夜昏散。師立至達旦。如斯須間。偶如震雷從頂顚劈下。相似疑情。由此冰釋。遂破關圓具。崇禎庚辰。參弁山雪子百丈。充園頭。一日茶次。雪問如何是園房下事。師曰。清明下種。雪曰。佛法不是者。箇道理。師曰。二年一春。雪曰。汝是法師家子孫。未離聲色。在師拈棗子曰。者箇喚作色。得麼。雪曰。不喚作色。喚作甚麼。師曰。青州有雪笑曰。此子甚堪雕琢。越明年。雪付授之。住後上堂。當陽妙句。烜耀胸懷。格外元機。空昭眉目。迴避不及。正眼難觀。可中設有一箇半箇。薦地摸著。面門切忌認驢鞍橋。作阿爺下頷。上堂。問鍾樓上念讚牀脚。下種菜事如何。師曰。口是禍門。曰。猛虎當路坐。意作麼生。師曰。恰好。乃曰。猛虎當路坐。狙公膽裂破。兩手樓樓頭。翻身直下過。會得許你鍾樓上念讚牀脚。

下種菜。不會禪堂裏坐臥經行。恰好七穿八穴。然雖如是。禍不入慎家之門。喝一喝。問喚作竹筴。則觸不喚作竹筴。則背畢。竟喚作甚麼。師曰。鐵蛇穿古洞。曰。直下薦取去也。師曰。瞎。驢趁隊行。問南泉斬猫事。如何。師曰。鐵輪天子勅。問如何。是西來大意。師曰。大旗峰頂當軒立。師賦性純潔。自百丈受法以後。屢欲崖居。澗飲。不意鼎革之際。荆紫莖。茆灰。燼師委身住持叢林。復其舊觀。順治壬辰春正月。師染痘疹。至二月初二集衆。援筆書偈而逝。春秋三十六。塏于本山龍岡之左埠。瑞白雪嗣

湖州夾山伴我淨侶禪師德清張氏子。以子衿參弁山雪。看玄沙轉自己歸山。河語雪問如何。是自己師擬對山打一竹筴。曰。還我自己來。師失色。後與西堂窺谷茶次。窺舉不與萬法爲侶話。詰之師拈盞曰。若道茶盞。則兩箇也。何轉身之有不覺失聲大笑。一衆驚疑。雪因更名贈偈。伴我非他物。淨侶亦無人。會得箇中意。金魚壁上。行師拜受。及雪住百丈。臨示疾。遺命久默音迎。窺弁山爲師。龕前落髮。受具。收入嗣法。

繼主弁山。解制上堂。花飛柳舞。總屬春光。風摩雲駛。難逃霄漢。是以南來北往。盡成解脫之門。東去西來。總是歸家之路。然而途中受用。底擡脚不起。家裏安身。底攢簇不來。去此二途。作麼生與山僧相見。崑崙著鐵褲。打一棒。行一步。不是箇中人。難賣者般貨。

上堂。趨身不趨步。蛺蝶謾遊花底路。趨步不趨身。撥轉烟塵見太平。是以春風至而花滿枯。木喜氣盈而春光載道。恁麼也得。不恁麼也得。恁麼不恁麼總得。承當者一任承當。息肩者一任息肩。所謂道人行處。如火銷冰。箭既離弦。無返回勢。且道如何。是奉重一句。藕穿平地爲荷葉。笋過東家作竹林。問隔牆見角。便知是牛。因甚。百尺竿頭未肯休。師曰。奈何。你不得。曰。祇如向上還有事也。無師曰。低低處。平之有餘。曰。不假一鎚。猶是鈍。從教千古話。流傳師曰。紅爐不鎔敗鐵。康熙己酉臘月三十日示寂。世壽六十三。塏全身於弁山。瑞白雪嗣

湖州弁山玄素淨禮禪師錢塘單氏子。上堂。古釋迦不先新彌勒。不後正當今日。佛法委在弁山。會得者。

有馬騎馬無馬步行不會者有馬騎馬無馬步行或者道有一人高揖釋迦不拜彌勒此人到來如何接伊向伊道我有三十棒今日不打你端午上堂五月五日午時節三閻大夫正喫跌世人醉兮我獨醒笑落天邊第二月江湖處處競龍舟歌管接兮聲咽咽大家喫杯菖蒲湯百怪千妖俱殄滅慕卓杖曰更有拄杖沒人情扣著總教頭腦裂靠拄杖下座師臨終擲管述偈曰生緣五十七風火相煎逼匡山頂上遊來去無踪跡書畢側目而逝窆全身於湖州匡山之左

瑞白雪嗣

虔州崆崙山謂斯淨教禪師雲間人上堂自別白雲窩相將半載多慕拈拄杖曰見麼磊磊落落婆婆和和有時爲道路指東畫西有時上孤峰撐風捉月且道卽今事作麼生復卓杖曰依然立在孤峰上畫斷天雲不放高小參少林有一機青山常與白雲齊曹溪有一語填溝塞壑無知己是以把住則了無涓滴放行則在處通途直饒一分明正是徐六擔板須知把住中有放行放行中有把住諸昆仲且道過

此二途如何是本分事僧出曰描也描不成畫也畫不就師曰三十棒自領出去示寂園維塋於本山

瑞白

五燈全書卷第一百十四

五燈全書卷第一百十四補遺

曹洞宗

青原下第三十七世隨錄

信豐穀山如菴平禪師臨終偈曰陽燄空花四十秋水中捉月我無求今朝草鞋跟底折來去清風總自悠

瑞白雪嗣

建寧歐寧同凡聖禪師參弁山雪問虎頭戴角出荒草未審以何爲食山曰吞卻你也不識師拂具曰橫衝直撞去也山曰粉骨碎身師一喝山便打

瑞白雪嗣

五燈全書卷第一百十五

京都聖感禪寺住持臣僧

超永

編輯

京都古華嚴寺住持臣僧

超揆

較閱 進

呈

曹洞宗

青原下三十七世隨錄

安吉州樂平淑安淨周禪師鹽官吳氏子偶見里中
死亡者憾曰一息不來向甚處安身立命頓起參學
之志及聽首楞嚴至世尊咄阿難此非汝心展轉疑
甚聞弁山開法越之戴山戒珠寺宗風丕振遂往叩
參一日聞鄰單有箇悟處師問你的悟處如何僧豎
拳師自是脫然大徹住後上堂法身無相大道無
形撥置不開提掇不起陝府鐵牛頭角異嘉州大象
鼻頭長未盡今時難通不犯卓拄杖曰已被拄杖子
穿却了也送法衣上堂大庾嶺頭爭之不足雞足
山內讓之有餘何似拈沒鼻金鍼引芒長玉綫刺古
錦之衣易垢弊之服不拘數量豈落功勛遂披服曰
東澗水流西澗水南山雲過北山雲祈壽上堂輝

天鑒地耀古騰今天上天下唯我獨尊靈苗元有種
仙葉豈無根解夏上堂高超三界濶步大方頭頭
體露金風處處月圓秋夜樹靜山空松子落林高風
急響聲寒上堂昨日晴今日陰蕭蕭風雨打濕法
身山頭鼓白浪海底起紅塵擊拂子誕日上堂拈
拄杖曰不屬虎不屬龍慣打東西南北風十地三賢
渾不識造次凡流豈易通且道他本命元辰落在甚
麼處卓杖一下曰咩咩元日上堂孟八郎向明窗
下大書歲朝把筆百事大吉爭似山僧拄杖子不曾
有一點墨汁染汚他人佛來也靠倒魔來也靠倒惟
有大闡提人不在其限何也龐公道底師賦性沖
澹律已寬人語無虛發不事浮靡處世儉素雖遇患
難了無愠色常被賊魁突門執師索寶師曰高著眼
賊欲加害師說偈其略曰有寶一顆藏不得明似日
兮黑似墨常在諸人動用中胡爲向我相凌逼賊異
之釋縛而去順治戊子年示寂世壽五十二僧臘
三十八門人奉全身塋於安吉州期堂山之麓瑞白
天台護國一念淨緣禪師會稽夏氏子有惟政南泉

醉唱因緣頌曰。因邪打正相席施令盡道。美玉無瑕。誰識光吞五蘊。涅槃開田頌曰。開田大義向誰說。展手明明都漏泄。雄峰老太周折。和盤托出重饒舌。休饒舌。饑寒渴飲倦時歇。瑞白雪詞

三祖山乾元寺破闇淨燈禪師。桐城江氏子。誕師之夕。母夢紅日昇庭。及生。修耳重。瞳初閱楞嚴。有所得。首參博山。尋謁弁山。雪見便問。那裏來。師曰。金陵。雪舉竹筵曰。金陵還有者箇麼。師曰。非但金陵無。卽今亦不有。雪打一竹筵曰。甚處學來。底師曰。適纔新到。尙未洗浴。雪由此契合。一日。雪拈拄杖曰。阿誰是你本來面目。師曰。剛被人借去。雪曰。何不呈似老僧。師曰。若呈似卽在也。雪打一棒曰。已後坐斷天下人舌頭去。在師首住湖州弁山。次遷眞州之五臺鎮。江之焦山。舒之古唐。其次則中方三祖。興國州之圓通。安吉州之東禪。能忍妙喜。海印諸處。約十餘刹。上堂。老木含雲瘦。新篁帶雨香。斷橋扶月過。野鳥嚙滄浪。乾三連坤六斷。剖破不須藏。疊而爲三。變盡成五。良久。揮拂曰。者是疊而爲三。如何是變盡成五。若向

者裏。○個儻分明。方知混之不得。類之不齊。雖然。只如銀盤盛雪。明月藏鷺。更作麼生。莫有伶俐者出來。老僧爲汝證據。古唐解制上堂。翩翩玉樹倚雲栽。疊疊銀花匝地開。機前未明三二五。句中未免自疑猜。猜疑盡處偷心盡。雙雙瓦雀舞三台。穿樓亦竦連雲去。抱子金雞帶月歸。如此句中元會得。子房虎嘯漢奇才。上堂。萬里共長天。光分寶鏡三山瞻。霽色烟靜冰壺到者裏。撒開杖頭萬斛珠。灑灑落落湧出塵尾一輪月。熙熙穆穆正恁麼。時如何相見良久曰。海門樓外新枝秀。陣陣梅香送遠音。問如何是實際理中事。師曰。碧雲香雨竹樓寒。順治己亥八月十三。師示衆來便恁麼來。去便恁麼去。遂豎指曰。會麼。明月一輪天。柱外摩空老鶴出銀霄。語畢而逝。春秋五十七。塏全身於三祖寺。瑞白雪詞

越州道林離愚淨志禪師。師卽道林。慧胞弟也。師與同開道林。髻齡落髮。參無字寒暑不輟。有省得入弁山華林之室。示衆古人道。青青翠竹。總是眞如。鬱鬱黃花。無非般若。然而黃花翠竹。滿目可陳。且道般若

眞如卽今在甚麼處。顧衆曰：河裏失錢，河裏撿。順

治甲午冬，卒於杭州北關紫雲菴。辭世偈曰：不出西

關門，不入北關限，打破中間的權，且吾著便，壽四十

八，全身塏兜率之陽。

瑞白雪嗣

除杭寶壽梵則淨律禪師建昌朱氏子。上堂：新婦騎

驢，阿家牽。誰後復誰先？大衆向者裏見得，千七百則

洗脚上船。設有箇漢出來道：老禪翁，老禪翁，寶舟何

處去？向他道：五虎下西川。徑山立兩序。上堂：天目

那邊量水打碓，徑山者裏補職。諒才任是祥麟威鳳，

獅子象王，一併請來凌霄獨步。卓拄杖曰：大地山河，

懷揣裏。星辰明月，掌心中。上堂：拈拄杖曰：祇者一

條白練，界破青山。更說什麼白雲深處，雪屋梅花，美

不堪。誇妙不堪誇，直須撥轉天關，掀翻地軸，始得咄

咄。咄明眼衲僧，休向枯椿覓。且畢竟如何？是一條白

練，以拄杖一時打散。上堂：雲翳散盡，獨露天機。江

月澄澄，孤峰不宿。有時舉頭在五峰峰頂，天不知地

不管。有時掉臂於林間道中，和其光同其塵。可謂隨

身竿木，妙用逢場。活路通霄，孤清圓照。雖然，正當恁

麼時，雙劍倚長空。誰是前進者？喝一喝。康熙庚戌

秋，師示疾，命搗鼓別衆曰：今日幾何？曰：八月朔。四師

曰：明日。月忌不若今日。恰好。卽瞑目而逝。壽六十。僧

臘三十。有七塏，全身於寺首。

石雨方嗣

宣州佛南山葦渡淨蘆禪師，長安杜氏子。弁山首座

寮，小參古路，重揚脚頭。底筆拳豎，拂眼裏耳裏。方

丈內條，令新開。祇要揭示諸人腦蓋，衆兄弟還覺頂

門重麼？設有箇漢出來道：首座今日有何法爲人？但

云：待他觸髅著地，卽向汝道。

瑞白雪嗣

越州梅山本覺，歷然淨相禪師。本郡人。上堂：杖頭鐵

印，用處無文。塵尾金槌，擊時逸格。若無如是，令方堪

與麼行，不屬效顰。寧容依倚，所以有力者。眉間日月，

足下風雲。主立聲前，機垂物外。且道：卽今誰任其事？

還委悉麼？欲識箇中元，急須高著眼。上堂：歷歷神

機，在眼明。明寶鏡懸眉，變現六臂三頭。宛轉四方八

面，直得三乘膽喪。十地魂驚。若非奇特之人，對面如

盲似啞。是以過量者，千觔不覺重。赤手不知輕。水底

起紅塵。雲間翻白浪。遂拍案曰：還委悉麼？不怕拔肺

抽腸纔見赤心露膽。解制小參。昨夜笠子生花。今朝草屨。踉蹌慌忙去。問文殊未知是何卦兆。不期撞著普賢。他便破顏微笑。我道他失威儀。他道我儂顛倒。及乎問著其間。漫云一期已到。大眾且道。臨行一句作麼生道。卓杖曰。天晴須著屨。下雨莫拋鞋。小參風寒羞露面。日煖愛抽衣。法爾皆如是。知君到不疑。山僧却肯你一半。只如凍雲不嫌自在。流水不怕忙生。却又如何。山僧也只肯他一半。諸昆仲。你道有全肯的麼。今日且不道破。待諸公自證始得。問如何是有句。師曰。烏龜生子。曰。如何是無句。師曰。石女亡爺。曰。有無不立。又作麼生。師便打。問萬法歸一。一歸何處。師曰。三人揸不動。曰。莫者便是麼。師曰。八箇夜叉扛僧領旨。瑞白雪詞

越州城山資教。決水淨治禪師。橋李桐鄉沈氏子。弱齡厭世。禮弁山雪得度。雪示以拖死屍話。輒疑久之。雪每詰之。累嬰痛棒。入侍寮終日。如愚偶。聞僧參畢。荒田不揀草語。雖洞徹。猶覺癡膺。復隨雪赴崆嶺。之請。遂得了辦。首住山陰曹山。上堂。如來禪。胡孫上。

樹尾連頭。祖師意。穿花蛺蝶身。遊戲玉門金鎖。兩重關。豎起拂子曰。者裏須當著眼。覷覷得破。好杼機。烟波歷歷。總全提。山外遠山多。岌嶸白雲流水共依依。上堂。驚拈拄杖。召衆曰。見麼。照用雙影。賓主分逗。機樞紐意。深深收來。兔角長千尺。放去龜毛重九觔。卓拄杖下座。住大嶺廣濟上堂。大地朔風急。長空寒更威。凍得嘉州象皮頑。骨露。拶出陝府牛水草。忘疲拈杖曰。惟有山僧。拄杖子。雄雄入表。獨全。覆覆雲霧展元機。佛祖從來難著眼。叵耐時人會者稀。可有覷破落處者。請來喫棒看。城山資教上堂。紫寶丹崖。旣不窮峰巒。圖畫好詩工。縱教寫盡離騷句。豎拂曰。未免渠儂指色空。上堂。道無可道。有道即錯。法無可舉。有舉即乖。所以道。當陽徹證。猶涉二門。纔落思惟。白雲萬里。祇如洞山道。教則雙目不覩。不教則形影兩彰。是何道理。揮拂曰。青蓮花裏含銀杏。白雪堆中結蠟桃。臘朔上堂。大塊嚴寒凍未開。庭前先綻一枝梅。稜稜俠骨何堪勁。綽約精神蓋世才。香黯黯笑盈腮。珠璣點綴占花魁。根盤鸞嶺穿雲竇。奕葉

芳名遍九垓。住湖州弁山上堂第一義爲君宣薰風乍起。薜蘿牽青萍游泳池塘穿梅墜櫻桃顆圓。急著眼莫遲延。電機展處直須絃仙陀若解前生意。月裏麒麟笑破天。上堂春山青。春水綠。無限芳新滿林麓。堪嗟遊子不知歸。蹉過元途。豈再復。莫蹉過。聽叮囑。鳥翔乎淵。鱗躍於陸。卓拄杖曰。收。上堂諸佛吐不盡底弁山。豈可不說。列祖學不盡底弁山。豈可不拈拈出也。絕顛頂說破時。急須薦秋風一陣來。落葉兩三片。問雲巖寶鏡三昧宗旨。儼然洞山因甚復立五位正偏。師曰。沒絃琴操中秋月。無孔笙吹上巳風。曰。祇如曹山不借借又作麼生。師曰。處處晴光疑草木。山山佳氣入樓臺。問如何是不慮而知。師曰。春來草自青。問如何是夫子樂在其中。師曰。饑餐渴飲。師爲衆竭力同衆甘苦建立叢林。無絲毫苟免。有百丈不作不食之誡。春秋五十九示寂。當康熙辛亥三月廿六日。塋全身於本寺右麓。瑞白雪嗣越州曹山起元淨生禪師。蕭山愈氏子。幼習儒業。禮弁山發明禪旨。棄家落髮。隨往嵯岎事槽廠得法後。

歸浙東住曹山報恩寺。首住五臺碧山寺。引座上堂。法道寥寥。正此時。大家出手共撐持。偶來臺北眠。殘月快觀江南春。一枝撲鼻香風彌宇宙。燦晴光焰照茆茨。不期萬古清涼界。碧玉山中產紫芝。大衆還見麼。不具超方眼。難逢出格奇。今我某和尚。逍遙物外。蒙見訪於善財洞中。正與老曼殊把臂高談。忽被碧山覷見。直欲分香納彩。耀古騰今。然法大機小難爲湊泊。山僧只得旁通一綫。引玉拋磚。師春秋五十八塋存本山。瑞白雪嗣

嘉禾福善寺雲松淨品禪師。吳江桂氏子。上堂以拂子畫一畫曰。盡乾坤大地有情無情。一時說了也。且道說箇甚麼。若也聞得塵塵爾刹刹。爾乃至鳶飛魚躍。花笑鳥啼。無非本地風光。當人妙用。祇如大方獨步的。又作麼生。復擊拂曰。昔年普化搖鈴鐸。今日猶聞磊落聲。同門至上堂。橫穿碧落十方刹。海掌中觀互換投機。曠劫今時無彼此。不須格外論量。豈可元中取則提持。祖印擔荷宗乘。和光同塵。隨類同現。或展佛手於荊棘林裏。或伸驢脚於劍樹刀山。祇如

遇著家裏人且作麼生說家裏話。顧左右曰：大衆各懷香恭請東禪和尚爲汝說破。上堂白椎竟曰：適才者一椎直得雪水倒流，龍淵瀰漫在此會者無不拖泥帶水，直饒未入斯門，未免凝眸。顧佇山僧且乃展演平鋪去也。遂揮拂顧衆曰：會麼？和風煦日，乾坤暖陣，陣梅花遞遠香。瑞白雪詞

青溪西水菴丹溟淨幢禪師鹽官張氏子，生而穎悟，出家以眞寂印。孳孳爲道，勤諸勞務。一日齋堂行粥次，猛然有省，具白方丈印。呵曰：未可在。古人發明大事，須千里求人決擇，詎以一知半解爲得耶？可速行。勿滯此師禮辭，謁雲門博山尋參。弁山雪一見便問：盡大地是箇火坑，得何三昧不被燒却？師曰：火把子在我手裏，雪微笑。師作禮而出，自是朝夕親炙。細臻堂奧，及得法後，寄跡烟霞。歲庚寅冬，值雲門孟主嘉禾梵受師充第二座，後衆請出世，師固辭不已。乃陞座曰：幢上座於天啓年間，會得法身邊事，惟法身向上事，直至而今無消息。教山僧說箇甚麼？薦卓拄杖曰：淑氣餘三月，鶯花已半稀。便下座。師春秋六十

有七筵塋菴後示寂。順治辛亥冬也。瑞白雪詞

衡州大義山雲淙淨訥禪師，本郡安仁王氏子，幼失怙恃，因入寺觀大佛，相好感悟，出家。年二十六，稟具荆紫復謁弁山雪於嵯岨，問曰：如何是西來大意？雪曰：春寒猶向火，師曰：如何是學人自己雪？曰：夏熱便乘涼，師信受。時不溢中也。二禪在坐，互相激發，因打七，溢曰：魚以水爲命，因甚死在水裏？師無答。中曰：又死了一箇。師於言下契悟，雪起百丈之請，師隨侍掃智祖塋。同衆入室次，雪曰：見祖師麼？師曰：瘦骨一條，石輕衣滿苑林。雪曰：有何指示？師曰：和風撲面涼。雪曰：卽今雪師曰：隨來了也。雪曰：來後如何？師曰：雄峰躡跳雪，曰：祇得一半。師曰：也是多了。雪領之，未幾卽承印記，師歸楚之宜陽，首闢義山繼主。弁山結冬顯聖。上堂孤峰峻拔，碧落青霄，萬木條然，千山一色。龍吟霧起，虎嘯風生，雖乃賓主混融，君臣道合，須知更有向上事在。薦卓杖曰：還委悉麼？專可截舌莫犯國諱。佛誕上堂，八千番往返，未免帶水拖泥。百億國受生，何曾改頭換面。二俱若是有負己靈，二俱不

是有負先聖且道透過是非一句作麼生良久曰鈍
置煞人。師誕上堂呵呵大笑曰會麼三百五十九
日乃是諸人占了山僧無分惟有今朝輪到山僧又
被露柱分去一半餘得者一半也濟事不得未免交
村太歲免得拈輪流牌子雖然正恁麼時山僧以何
爲壽喝一喝曰舉頭天外看誰是我般人。上堂久
晴山色瘦乍雨水聲肥道是無生旨猶來第二機且
道如何是第一機以拂子畫○曰割。佛成道上堂
未離兜率已降皇宮明月隨法船而到岸未出母胎
度人已畢青山同旭日以騰輝具眼者一踏到底瞋
睡漢萬里匡州還有寸絲不掛底試踣跳看僧纔出
師便下座。問大悲菩薩用許多手眼作麼師曰撈
蝦擺蜆。問如何是諸法從本來常自寂滅相師曰
昨夜大風吼。問如何是石傘峰師曰蔭覆無私曰
如何是耶溪水師曰千派同源。康熙癸丑二月初
五忽命鼙鼓退弁山院上堂灑掃三周愧力微恒將
祖道日提持從前鑪鞴都敲碎免使人間話是非遂
擲拄杖下座斯蓋預知報謝師性不少留說法無羈

室中常誡弟子曰不可斯須怠惰使佛法慢滅至四
月二十三晨起索浴淨髮并書囑義山弁山院事入
戌瞑目正寢壽六十四臘五十四茶毗獲舍利一顆
五色霞光若白果然頂骨牙齒數珠不壞身骨分爲
二一留弁山建壇寺前一歸義山青原三宗祖堂湖
江學憲黎元寬瑣銘所載備悉瑞白雪嗣

五燈全書卷第一百十五

五燈全書卷第一百十六

京都聖感禪寺住持臣僧 超永 編輯
京都古華嚴寺住持臣僧 超揆 較閱
呈

曹洞宗

青原下三十七世隨錄

建州松溪華嚴元錫弘恩禪師明瑞昌王四子也生
而眉目清奇性不染俗投博山來落繁次參瀛山闍
常自閉門一日見桃柳發暢衝口成偈閭痛罵者三

日後改參大好山并示先壽昌用功處曰知道始知山不好翻身跳出祖師關之語師即力究出關上方丈問祖祖相傳慧命源請師的明指出關乃據座師曰須是和尙始得聞曰莫向鬼窟裏作活計師彈指曰也要和尙證盟聞笑領而記前繼住博山瀛山董岩諸刹小參師據座直視良久曰無如者部經文最簡切會麼若也不會未免數他寶在纔有是非紛然不少咄念未生時尤妄覺他羣不入始師兒如何是不入他羣隊底不是牝雞鳴早已韓獪吠要見金毛獅子麼喝一喝曰倒却門前繫驢橛小參心外無法乃至學之智鑰如貧得寶受用無窮雖身居九地而聖位已齊諸聖學千佛者寧無信諸然而法外無心又作麼生問取刹竿風車子小參聖和凡何所別醒將來一突兀且道喚甚麼作一突兀向伊道作而不述小參上大人至道無難丘乙己唯嫌揀擇化三千但莫憎愛可知禮也不須更說珍重師派天潢丁茲版蕩早具巢鳥之行鉏斧住山真出世之標格師生萬曆戊戌夏四月沒於順治丙戌秋

●九疑凡

八月壽四十有九臘二十有八奉全身殮於此山之右雪關

右雪關
問關

信州瀛山雲岫成巒禪師饒州余氏子父性證母王俱奉佛茹素幼而逢僧有不捨之念生來清澹無所嗜好年十九閱雲棲七筆句語依依不停志欲出塵投博山闍脫白受具得聆參禪二字遂專心請益典職侍寮力究無門復求進堂倏爾見燈花墮地有省住後上堂紅日堂空照清風匝地來李桃春爛漫松竹繞籬栽祖師現成意何必更登臺雖然達磨遺下一隻皮鞋是何意旨良久曰弄醜出乖師誕上堂水荷月現風動雲駛本來面目添眉插鬢纔出母胎花甲周光陰迅速一彈指如夢如幻代謝不已知有者案指發光不知有者舉心塵起直須金烏啄破琉璃敲玉兔推乾滄海底正恁麼時撥轉船頭不妨優游自在

雪關
問關

洪都奉新頭陀顯學弘敏禪師宜豐陳氏子生不如葦閱楞嚴經遂有出塵矢志尋頭陀宗妙微難染參博山闍入侍寮看船沒子踪跡處話有省隨往浙主

大慈掌記室一日入室問三世諸佛不知有鷲奴白牯却知有子作麼生。會師曰某甲口門窄闊。撫膝曰道甚麼。師曰昨日有人長短和尚虧某甲與和尚解交。聞笑而頷之。復自武林還瀛山。師爲第一座。聞印以偈曰昔年招手不思歸。父子團圓信有時。滿月環玕鱗甲吳潑天。風雨濕龍衣。是冬間涅槃建翠堵。工竣歸頭陀開法。時受業遷塋上堂就裏難名有客堪稱浪子。虛中不載無人打破圈兒。不敢吠影尋椿。祇貴知恩有地。南陽忠國師於無陰陽地上建一座無縫塋。巧飛鈴鐸妙叶烟雲。八面玲瓏不事丹墀。肅宗皇帝領荷全機。無忝外護。是佛心天子。却後侍者耽源轉折。傷奇弄得七穿八穴。帶累他古今多少人。薰沐歸心向胡餅裏討汁。即令汾陽有尊酒。片肉遺不去者些。野鬼閑神爭似我頭陀老人。示一機一境。造次之流向死椿上活句裏描寫不來。正不知細素分明機緣有在。而今日之主伴靈輿若有自他方而湧現者。各各入奮迅三昧。將陳年未了公案。芝窟填坑成就莊嚴。東湧西沒可稱盡善盡美。雖然如此。

只如我師棲遲隱密。且道是陰陽地耶。無陰陽地耶。卓杖曰。眼底渾無金屑累。磚頭石盡生光。師生萬曆丙午正月二十四日。示寂康熙壬子冬十一月晦。世壽六十有六。僧臘四十有二。塋於本山。雪關開嗣淮安觀音院南菴。大依禪師元旦上堂。僧來豎拂客至。擎茶有權有實。照有用三元。歸句一喝分宗。卽賓卽主。無古無今。觀音門下一齊生。按過活捉倒騎龍。直教解其粘去其縛。而不費離披之工。且道觀音有何長處。遂拱手曰。仁風永扇帝道咸和。汝等食其食。正其襟端坐。上堂白雲無變識。包裹千差青山無異心。發育萬有。從上聖人談經三百餘會。末後拈花刀刃。若新發於硎。只爲曾參一貫。令他函谷關前紫氣橫豎。品三千丈神光老子依舊覓心了不可得。今日觀音門下事。同一家騎燈籠入露柱裏。拈露柱在燈籠上。喝一喝曰。如是之法。我從佛聞。上堂欲雪不雪半晴半陰。彌勒打開布袋。釋迦啗著眼睛。學頭則便有尾。見俗則知有僧。所以道逢人不出。出則便爲人。只如今年去年。洞山說富香嚴說貧。今日觀

音門下。雖是春。四日依舊喚作年新。解制上堂。
柳葉生嫩。黃湖光漾。虛碧透過。祖師關急。通消息。
諸人屋裏。一繡草鞋。一脚高一脚低。不知踏過多少。
程途。宋雲依舊傳播。不實風吹。乾雨灑。濕經冬過夏。
那裏有些顏色。孰知千山之遙。萬木之隔。景物滿閣。
浮彈指超微密。驚喝一喝曰。倒退三千。問如何是。
鳥道。師曰。不行。曰。如何是大圓鏡。師曰。不照。曰。如何。
是出格之談。師曰。滿口是。問如何是無位真人。師。
曰。七斤貓兒夜捕鼠。問如何是道。師曰。一去二三。
里。曰。如何是道中人。師曰。烟村四五家。曰。如何奉持。
師曰。捕魚爲業。兼種桑麻。問如何是親切句。師曰。
掉棒打月。問如何是本土。父母。師曰。總非汝親。
密嗣

淮陰卓錫。破崖弘繼。禪師姑蘇濮氏子。上堂。大道不。
離目前。要且目前難覩。上看看爲父。爲金下看看爲。
母。爲釜南看看爲日。爲電北看看爲月。爲水東看看。
爲長子。爲善鳴。西看看爲少女。爲口舌不知者。懼作。
人境上會去。只恐入於林中。又是載鬼一車。瞎却雙。

瞳。何時得利見。大人去咄。東鄰殺牛。不如西鄰之禪。
祭。問如何是得力句。師曰。劍刃上走馬。
密嗣
淮西洪福。靈焰大弘。禪師上堂。節令不相饒。倏忽蠶。
麥老不圖。十分豐稔。試看農人舞蹈風味。一旦簇新。
歲運依舊。恰好任教村歌。社飲西欵。東倒無腔。鐵遂。
聲鳴咽放。浪橫吹驚。起拾得遇著。豐干跨虎不知歸。
向道難難。難吸盡長淮。王影寒更有寒山子。踏落華。
頂峰。笑道易易。易一溪界破青山。勢驚喝一喝曰。有。
甚碑記。上堂。晴光一帶萬里絕。無點塵。一念纔興。
彈指千差疊現。因甚麼。菴內人不知。菴外事灼然舉。
著未免致伊笑。怪師顧侍者曰。逢人不得錯舉。元。
旦上堂。歲朝事事抑。逼用出誰管。否吉舉措不循條。
例。說甚何必不必。燈火處處交歡。金翅時時喧集。春。
色自然盈眸。和風依舊四壁。卓拄杖曰。汝等策箇木。
杓向甚處。撈影擺跡。解制上堂。良久曰。卽此荒院。
無甚軌。則便怎麼去。或東或西。然而溪山有異。雲月。
是同。江南江北。蹴踏隨宜。過橋便拆。橋得路便塞。路。
有甚麼難。雖然你若掀翻此座。許汝不妨靈俐。
密嗣

廬山歸宗天然函是禪師番禺曾氏子年七歲一日坐屏處忽覺此身生無所從大生悲泣至困極乃睡又二年亦如前覺十三讀易至太極生兩儀不知大極著落遂打翻前二次疑然彼時尙未信向至入庠序因同學所指始知有宗門事每思出世爲父母所阻後入鄉薦都歸舟抵吉州患病中期以愈日卽斷世緣次早忽起卽誓不茹葷酒不入內寢極力參究日夕禪坐衣不解帶一日聞人誦金剛經至應無所住而生其心豁然省入後從孝廉張荊公得長慶獨風旛頌始微證向上關捩問道深相契合獨以偈印之曰風旛一頌解投機千里同風事亦奇三上黃巖問端的方知野老不相欺乃於崇禎己卯脫白於歸宗越二載隨獨赴華首學師立僧壬午開法廣州訶林自訶林歷雷峰海幢華首芥菴廬山棲賢韶州丹霞諸大刹康熙庚戌返歸宗遂投老焉 上堂卓拄杖曰天然自是住丹霞今古殊同驗作家遠岫千層朝座直平江百里繞門斜大衆卽是老僧老僧却不是大衆其或不知日日丹霞同門出入同堂上下老

僧卽是大衆大衆且不是老僧與麼舉揚猶是門庭施設老僧三十年笑具且從今日止須知深山裏更有好商量麼帶霧鋤雲去穿羅擔月回 臘八上堂我佛世尊昔年於此夜睹明星悟道悟則不無爭奈落第二頭如何是第二頭以拄杖一時趕散復召衆曰悔悔便歸方丈 上堂大衆只管將問來問脚跟下一段事浮逼逼地古人纔開口便知落處豈一棒兩棒總不回頭有什麼打發處還會麼卓杖一下曰若向者裏開得一隻眼堪與佛祖爲師復卓一下曰若向者裏瞎却一隻眼堪與佛祖爲師擲下拄杖曰且道堪作什麼若無學鼎拔山力千里烏雞不易騎 除日晚參古人烹露地白牛與大衆度歲丹霞老漢久矣沒有者個且道將甚麼供養薦豎拄杖曰飽一任飽只是不許得味卓拄杖下座 晚參盡大地在烜赫虚空裏總無一箇知恩設有知恩不免旁觀竊笑且道解笑者是什麼人以竹篴指露柱曰大衆莫輕觀他 宗實獨嗣 奉天千山祖心函可禪師惠州博羅韓氏子別號剩

●已下佚矣

人父若海明萬曆進士官至禮部尙書母車姓師生聰穎少補諸生性好義豪快疎濶參長慶獨於廣州東官因見僧問諸識義獨曰我者裏一識也無僧曰恁麼則同寒灰枯木去也獨曰寒灰枯木爭解問話師聞此信入獨復示無字令參久之師有頌曰道有道無老作精黃金如玉酒如澗門前更是長安路莫向西湖覓水程嗣後微細披剝無虛日兩踰歲復聞

五燈全書卷第一百十七

京都聖感禪寺住持臣僧

超永

編輯

進

京都古華嚴寺住持臣僧

超揆

較閱

呈

曹洞宗

青原下三十七世隨錄

浦城竹源直指弘南禪師廣信永豐徐氏子少遊博山知有參禪事年二十歲投浦邑玉池菴披剃參天界盛于夢筆受具依止兩載多承激發次參善權斯于雲門承開示疑情奮發忽憶平常心是道有省作

本來面目頌有直饒見得分明極笑破虛空策半邊之句呈斯斯頌之後參博山奉典監院一日有蛇盤案上越亦不去奉問衆曰因甚越亦不去衆無對師曰國清才子貴家富小兒驕奉曰看他日化龍去在師曰弘南不作者蟲豸奉曰爭奈已在洪波浩渺裏師禮退自是盤桓古今深臻元奧奉以衣拂囑之命主瀛山遷信州青巖又赴潘雪僧請鼎建竹源解制上堂指峰倒插紫芝塢二老亭前花似雨大雪紛紛徹骨寒凍殺元沙白額虎誰云六六三六五月端陽定初五喚者且置祇如昔日結制今朝解制畢竟作麼生良久曰甜瓜徹蒂甜苦瓠連根苦師誕日上堂歸狼攀得枝頭月去鳥衝開石上雲物物本來成現事不勞諸子外邊尋真不掩偽曲不藏直南山東海兩同庚無事此中休久立爲甚麼鐵錘有甚黃金汁上堂眞西山楊大年江文通鐵遂仙以杖畫一畫曰一狀領過孔夫子又作麼生良久曰吾無隱乎爾小參白如漆黑如雪硬如錦軟似鐵飛上天是破驚以拄杖作舞曰參問師唱誰家曲宗

風嗣阿誰師曰古澗寒泉湧喬松雪後蒼 問如何是瀛山境師曰泉聲常在耳山色不離門曰如何是境中人師曰滿頓白髮離巖谷半夜穿雲入市廛潘雪僧問建法幢立宗旨者是和尚尋常茶飯今日利生一句作麼生道師曰高山流水尋常事除却子期誰賞音曰恁麼則我眉山色今古翠帶水溪聲日夜寒師曰斷絃不必驚膠續只要知音側耳聽 問如何是人中境師曰白沙留月色綠竹助秋聲曰如何是境中人師曰一杖橫天地雙眸輝古今 問如何是不用安排底句師曰青天非染皂流水別高低曰利生接物又作麼生師曰兔角不用有牛角不用無 問如何是死中活句師曰石牛慣吐三春霧曰如何是活中死句師曰靈鳥豈棲無影枝 問迷時千卷少悟後一言多祇如悟後底人如何履踐師曰金殿坐忘尊貴甚玉人夜半臥清風雪瑞奉嗣信州博山元祚弘裕禪師饒之德興傅氏子年十一丁母難十二依宿雲旻出塵十六閱高峰錄至枕子廬地置疑造謁博山奉受具越二年受業遷化始上

山參究座元激勵嚴切曰汝爲甚麼疑情不斷師曰不會座擲下竹筴曰我今爲汝倒斷去師忙然不覺失聲大笑次日因奉命入城有同行師問你還識睡中主麼同行曰日中主某尙不識況睡中主耶師震聲一喝同行無語師自疑無夢無想者一喝畢竟落在甚麼處正提撕間忽失脚跌倒如放下千斤擔子相似輒衝口偈曰熟眠無夢主何安始覺從前被熟瞞自倒應須還自起未曾相隔一毫端城歸見首座隱几熟睡師拈案上竹筴座醒擡頭一喝師亦喝座問且道者兩喝孰賓孰主師復喝座連喝曰途寒向火去師掩耳而出 嗣後繼席結制上堂祖師禪西來意饑來喫飯困來睡無端驚嶺笑拈花震旦竺乾多失利求安心復斷臂走遍本山供不避有人築破脚指頭笑落虛空半邊鼻大丈夫須決志切勿思量與議擬有麼有麼分明在目前今古應無墜卓拄杖曰果能直下自知非頓覺山僧成特地擲下拄杖本師九十忌辰上堂鳥跡空中九十年魚踪水底覓徒然先師面目分明示護隨紙裏復麻纏覓者邊覓

那邊妻至不後威音何先莫是涅槃城裏麼。噉死水
原不藏龍畢竟在那一邊。卓拄杖曰。蛇女已歸霄漢
去。獸郎猶向火邊尋。雪嗣

信州博山怡生弘喜禪師。永豐潘氏子。世業儒。因版
蕩之際。隨父母避兵山中。失怙。即欲出。塵母兄弗爲
許。允過經年。恃亦亡方。遂其志。即依博山。奉落髮巾
瓶。有年。奉一日。室中舉大千俱壞。語師有疑。決志參
究。乞假走浙。參靈隱。禮有省。打脫無夢。無想本參禮
有古人之風。推歸博山。適奉受瀛山主席。師爲首領。
因坐香昏睡。失跌得徹。奉上堂。召師問。昔日黃梅夜
半傳衣。今朝博山當堂授記。畢竟是同是別。師曰。蘆
花與岸。雪烟水一江秋。奉曰。不虛爲我室中子也。遂
分座說法。上堂。風飄飄。雲片片。魚躍鳶飛。物物顯
現。個裏眞機。阿誰能薦。薦直須著眼看。仙人莫看
仙人手中扇。上堂。切切露柱。得夢眞實。說濯纓井
底生蓬塵。三脚蝦蟇。變作繁諸人。還信得切否。信得
切。萬里長空一條鐵。信不切。莫怪山僧重饒舌。上
堂。一年三十六旬。今朝從頭始起。文殊表率風規。普

賢提立綱紀。露柱交相慶。讚燈籠大笑歡喜。且道歡
喜個甚麼。東君昨夜行春令。無帶花開生確嘴。小
參。日日說時時。說祇要諸人知。休歇歇。歇大似紅爐
一點雪。雪嗣

江寧攝山棲霞竺菴大成禪師。潭州醴陵龍氏子。母
王產師。多異徵。七歲違怙。恃稍長。夢遊南嶽。廿一投
毗盧洞。落髮。因讀高峰錄。至狗舐油鎗語。有省。乃事
參方。往謁博山。問徵其本。參復示偈。深爲感發。師泣
下。後至瀛山。危坐不起者五晝夜。因止靜聞魚聲。打
失布袋。大笑曰。從前謬矣。和尚眞我導師也。崇禎丁
丑。聞示寂。師建塔。畢辛巳。扣天界盛盛問。汝當時見
雪。關得個甚麼。師方對盛以手掩其口。師曰。何得干
戈相待。盛曰。錯過了。也是冬師領衆。自此師資日契
盛印之以偈。命主圓通次主壽昌景雲棲霞諸刹。
上堂。一條柳栗辭南嶽。祇爲先師後事來。今日無端
居此寺。醉扶公子上高臺。諸仁者。莫是法隨法行。法
幢隨處建立麼。且喜沒交涉。莫是若不傳法救迷情。
畢竟無有報恩者麼。且喜沒交涉。既不如。此今日拖

泥帶水來此住持。所爲何事。不見昔日法燈道山僧。本志棲息巖谷。奈先師有個未了公案。出來爲伊了。却雖然此事。如天普蓋。似地普擎。只貴一回徹悟。大用現前。還會麼。村歌社舞。偶成曲。莫向宮商韻裏尋。元旦上堂。新年頭佛法有無俱。戲論拋出鐵崑崙。十方同聽命風從。虎雲從龍。以拂子打○相曰。無盡生涯在此中。等閒撥動毛頭許。大地乾坤用不窮。江南三尺雪。人道十年豐。擊拂子。上堂。雪未銷。風不歇。虎空凍。得筋齊折。泥牛海底嚼冰花。木馬崖前奔玉屑。此事明明絕覆藏。因甚諸人打不徹。打得徹。眉間迸出一輪紅。萬里山河光皎潔。到者裏。始知山僧平日無故向諸人說黃道白。雖然汝也須是個人。始得喝一喝。上堂。踏破鐵鞋無覓處。得來全不費工夫。直下欲知端的。意趙州東壁挂葫蘆。問牛頭未見四祖時。如何師曰。巖頭落葉堆樵徑。曰。見後如何。師曰。那畔無人說向誰。曰。見與未見時。如何。師曰。山花冷落千峰色。師再住壽昌時。入閩武夷。報親鼓山掃諸祖塔。來福之長慶。示疾。手書囑壽昌樓霞兩

住持事。并自書封龕起龕舉火三偈。曰。樓閣門開。已復閉。我住其中。法當如是。曰。老大年來。行必動。衆今日依然伏惟珍重。曰。烈燄光中三十年。拿雲獲浪。奮空拳于今。撒手還鄉去。分付紅爐徹底煎。雖然如是。且道如何。是老僧末後句。白雲籠嶽頂。終不露崔嵬。怡然委頓。當康熙丙午十一月十九日。也師壽五十有七。臘三十六。門人歸骨南嶽毗盧洞。盛嗣。建昌覆船福山石湖大寧禪師進賢傅氏子。上堂連日半晴半雨。風漸急。天漸寒。空中霜氣滿。河畔水聲乾。落木巖前文殊縮項。臘梅枝上普賢破顏。是甚麼不合無端饒舌。元旦上堂。揮拂曰。新民新令。還他舊日之風。愈出愈奇。卓爾今時之用。花開鶯囀。春令不遙。鼓擊鑼鳴。歡聲相續。直得山河大地草木叢林一齊起舞。壽豎拂子曰。天上人間斯爲元首。擊拂子下座。上堂。一聲寒鴈帶來塞外秋光。幾處黃花別露人間風骨。祇如鐘樓上唱讚。床脚下種菜。明甚麼邊事。擊拂子曰。太歲頭上動土。上堂。春日晴春鳥鳴江村柳枝綠。郊外草痕青。畢竟承誰恩力。揮拂曰。

溪深杓柄長。上堂庭外花枝紅。紅綠綠。因甚都在眼裏。嶺上松聲澎湃。因甚都在耳裏。良久。豎如意曰。風流不是誇王謝。祇爲渠儂得自由。元日上堂。初一是今朝。乾坤怪未了。春光動十洲。吹回舊花鳥。大地盡飛香。五嶽姿容好。偉哉無邊身。隨處恣探討。正當恁麼時。擊拂子曰。後園驢喫草。問萬法歸一一。歸何處。師曰。大洋海底點金燈。問青州布衫。是何意旨。師曰。一秤稱不起。問如何是日用施爲底事。師曰。火椀頭上雪花飛。問如何是據款結案句。師曰。鄱陽湖口石鐘山。問如何是向上一句。師曰。兩岸紅塵飛不到。問如何是入塵垂手句。師曰。番人不繫腰。覺淚盛嗣

杭州虎跑大慈石公大瑣禪師。錢塘顧氏子。幼從母謁雲棲宏。宏一見喜甚。摩其頂曰。吾家真種子。異日當繼予席。遂命名大瑣。過目成誦。世間書史三藏元詮。無不熟記。宏與剎落受具。弘經吳越。間聞天界盛住西湖鳳林。師往叩法要。盤桓數日。歎曰。雲棲古佛有此兒。耶。明年盛遷徑山。師再見盛。曰。入門須有語。

師曰。和尚年尊。猶未聞盛大笑。命師典書狀。一日登藏天樓。將欲致問。盛扭師鼻。負痛作聲。豁然契悟。盛曰。見甚麼道理。師點首曰。元來即便如此。順治壬辰。出住大慈。上堂。凍合玉樓寒起。粟相携行。聽無生曲。石人拍板。木人歌響。過行雲。聽不足。聽不足。珊瑚影映澄江綠。上堂。椎鐘擣鼓。早是惡水澆人。禮拜燒香。轉見互相鈍置。豈不知從上諸聖。向劒刃上橫身。火燄裏垂手。也都是勞而無功。那更到者裏。如何。若何。纔涉語言。堪作甚麼。汝諸人見山僧上來。便掀倒禪床。喝散大眾。略較些子。今既不能總成世諦流布。重加一杓惡水去也。卓拄杖下座。上堂。亂鐵叢中。熟燄花不禁。東掀西撒。燈籠昨夜笑哈哈。却與露柱惡發驚。起大慈山上白鶴峰。從南闔浮提。直走向北鬱單。越報道山僧連日口。嚙切將釋迦老子七寶八珍。太煞狼藉。良久曰。是甚麼乾矢橛。上堂。喃喃幽鳥出雲岑。檻外長江空古今。荒草深村豈無意。他年莫負老婆心。諸人還有共出隻手者麼。他率羣你拽耙不爲分外。問如何是正中偏。師曰。沉沉禁殿。

月當軒曰如何是偏中正師曰波濤萬丈寒潭淨曰如何是正中來師曰百卉承春偏地香曰如何是兼中至師曰狂風暴雨爭迴避曰如何是兼中到師曰向上一路千聖不傳師示寂葬于皋亭山歇祖塔

左覺淚盛嗣

吉州龍華梅逢大忍禪師九江劉氏子出家廬山迴峰年十六扣圓通盛即徧參尋謁語風信于雲門復結茅廬山歷數稔再省盛于崇先纔見便問何處來師曰廬山盛曰在彼何爲師曰若有所爲辜負和尚盛曰脫空謾語作麼師一喝盛便掌師曰老和尚探頭大過盛呵呵大笑師出世住揚州石塔次遷蕪湖興國復繼席壽昌後與龍華上堂南天獅子閒弄影通身文彩西舍玉人暗拋梭錦繡昭然踏步向前天然湊巧顧鈴停思白雲萬里一口吸盡西江且道魚龍蝦蟹甚麼處安立卓拄杖曰此時決定無香餌新月何煩作釣鉤上堂從上祖師信脚行隨口道後代兒孫巧生計較剛道是有賓有主有元有要通宗通途挾帶挾妙壽昌今日敲定牙關分明向諸人

說也是灞陵橋上望西川解制上堂陶鑄佛祖煅煉英賢手長衫袖短脚瘦草鞋寬大好山中乘時耕鑿扶犁底扶犁拽耙底拽耙田地穩密家常之言綠染簑衣三徑草一犁春雨鷓鴣天廣陵石塔退院上堂依依嫩綠水雲鄉柳絲牽風日漸長江北江南無限意聲聲好鳥弄晴光只此人字打開一一華藏莊嚴山僧不妨土上添泥更與諸人下個註脚卓拄杖曰分明記取蕪湖興國上堂江上春風梅信早山中日暖笋抽芽要知今日天心意先看庭前玉樹花須各曉設矜誇善財樓閣門方啓曼倩眉長老歲華卓拄杖曰天然一片好生涯上堂漁家客蓬牕夢醒東方白旋理輕舫上釣磯一江寒氣冷如鐵報君知古人有言兮欲識佛性義當觀好時節遠烟浪靜渾無隔超然獨對千崖雪覺淚盛嗣

五燈全書卷第一百十七

五燈全書卷第一百十八

京都聖感禪寺住持臣僧 超永

編輯

京都古華嚴寺住持臣僧 超揆

較閱 進

呈

曹洞宗

青原下三十七世隨錄

杭州皋亭崇光觀濤大奇禪師撫州彭氏子。解夏上堂。一葉落天下。秋霜鴻陣陣。向南征。滿天涼氣。斗西指。水落石出。句分明。行脚士莫因循。南嶽天台不涉程。顧左右曰。祇如萬里無寸草。作麼生去。良久曰。堪對暮雲歸未合。遠山無限碧稜層。上堂。雪峰于法堂裏。輓毬子湖向山門頭。卓牌見怪不怪。其怪自壞。諸人既全身入作。山僧亦隨緣而得自在。年來潦倒。渾無力坐看霜鴻翔天外。上堂。有眼者見有耳者聞。文殊不住金剛窟。獅子嘯呻翠靄中。脚瘦草鞋寬。納僧家人人知。有前三三後三三。畢竟是多少。問。雪山悟後事如何。師曰。大地沒閒人。問。新年佛法如何施設。師曰。排空揮卮字。曰。慶時納祐一句。又作

● 鈞隱鈞

麼生師曰。寫出古皇真。問。如何是接初機。句。師曰。踢破草鞋也。未曰。如何是辯諸僧。句。師曰。拄杖不消一擊。曰。如何是正令行。句。師曰。斬草蛇頭落。曰。如何是定乾坤。句。師曰。拄杖在。握覺淚。
越州安隱亭山大禪師山陰錢氏子。幼業儒。看未生話。往九華祝髮。稟戒靈隱。禮初參古南門。有省。次謁天界。盛于虎跑。因機緣。停思。盛痛打一頓。師即誓不展被。至寢食難安。一晚值風息。燈光遂打徹。矢口偈曰。夜半狂風何太惡。忽然吹滅琉璃火。從今跳出葛藤窠。始信磨盤生八角。一日侍盛。問達磨見梁武。因甚道不識。師曰。賣寶波斯讀梵書。盛曰。面壁九年。又作麼生。師曰。萬丈懸崖拋直釣。上堂。山蒼蒼。水茫茫。日漸短。夜漸長。繩床兀坐。諸禪德。頓覺心空。百念忘。猶有一件要緊事。不得不與共商量。且道是甚麼事。以拂子擊香几。曰。鎮州出蘿蔔。漢地出生薑。上堂。指鹿爲馬。喚鐘作甕。眼觀南北。意在西東。從上祖師。怎麼說話。也是打水魚頭痛。上堂。險崖句。劒門關。踢倒須彌。不是山。把手携君不肯去。擡眸空惜

路行難挽拄杖闢方丈。上堂多說不如少說。少說不如不說。諸禪德須猛烈推倒金剛泥。一堆打開八字。無兩撇耳聞却。虛眼見是實。無位真人是甚麼。乾矢橛。冬至上堂。眉毛雖長。不曾礙眼。鼻孔雖高。何曾礙面。諸佛雖悟。無二心。衆生雖迷。無二見。衲子本分工夫。總要打成一片。露柱跨山門。燈籠騎佛殿。光陰一綫長。個事長一綫。且道以何爲驗。良久曰。冬至一陽生。梅花呈舊面。小參。鶯卓杖曰。楊岐驢紫胡狗成羣。逐隊揚家醜。一不做。二不休。忽然覩出雪峰。毬手握金剛王寶劍。揮空魔佛有來由。且道是甚麼。來由安隱門下。從不許人求劍。刻舟喝一喝。攬拄杖下座。覺浪盛嗣

建寧潭陽仰山千丈大英禪師。閩福清陳氏子。從父出家。歷徧諸方。未參天界盛于崇光。盛見器重。留記室。盛上堂。師出問。高閣垂簾。擬接何人。盛曰。搖曳彩雲飛嶺外。師曰。與麼則龍歸大海。珠翻浪雲起蒼梧。秋色新。盛曰。玉簫引得鳳凰來。出住仰山。佛成道上堂。世事花開。落人情潮去來。修道未到真窮處。芒

鞋依舊帶青苔。一隊行脚僧。似東京大相國寺裏撮馬糞。漢有口如啞。有眼如盲。聞怎麼道。使云。世尊棄皇宮入雪山。六載勞形。忽饑忽于臘月。八觀明星悟道。潛灼然。然如何獨許瞿曇。見咄咄時人快過來。上堂。青帝乍回春。信至山翁端的。有何爲橫拈一枝無孔。遂格外逍遙。信口吹阿呵呵。好個時節。佇看草色半含青。試問桃花開也未。桃花開也。則不無可笑。靈雲不再覩。絕言端。但得雪消去。自然春色闌。一拍下座。問師唱誰家曲。宗風嗣阿誰。師曰。山翁枕倦西江月。老鶴沖開洞上雲。曰。如何是不居正位。底人。師曰。須知尊貴一路。曰。如何是尊貴一路。師曰。庭際草青。簾月影邊。邦德化凱歌歸。問如何是祖師西來意。師曰。紫荊花下。鸞黃鸝曰。離此還有意也。無師曰。輕輕喚醒未歸人。問如何是金剛體。師曰。鴨子吞螺螄。問一切經戒殺爲第一。南泉斬猫。此戒何在。師曰。汝是無血漢。師春秋四十二。無疾而終。建塔于蓮華峰後龍山之左。覺浪盛嗣

吉州青原墨歷大智禪師。桐城方氏子。別號藥地壽

昌上堂。向上不傳。向下文長。何必爭如。不必通身詭。若偏身。若作話會。徒辱家風。只如老祖曰。醍醐上味。出乎乳。滴水攪中。便不成。還曾親過此。煅煉關。麼三十棒頭。開正眼。何曾傳得祖師心。上堂與麼與麼。爛泥膠屐。齒不與麼。不與麼。逐日鄧林西。與麼中。不與麼。不與麼。中却與麼。石人眼。不花。揮拂子曰。此事不容近傍。本絕週遮。若是作意矜夸。去之愈遠。直饒毒蛇戴角。乳虎生翼。轉見乖張。得何所益。到不如初發心。衆生一念至誠。却自塞天塞地。所謂匹夫不可奪志。一步卽爲千里。雖然。今日因衆。請山僧舉揚第一義諦。且如何是。第一義諦。良久。喝一喝。下座。混覺

盛嗣

新城壽昌其天大浩禪師。虔州信豐楊氏子。母夢老僧化一屋基。有娠。師生。惟熟睡。弱不好弄。讀書敏悟。喜持素。趨梵刹。年十五。以應郡校。後于西來菴。求雍染于夫。呆法主。父母聽許。呆延明師。開別館。使博通內外典。籍年十八。受具。寶華充侍者。復徧遊二十四依天界。得法。後住蕪湖興國。上堂。道窮則變。妙應

神通物極。則還理無不盡。若也放開一綫道。直得沐河發焰。枯木花榮。曳取轡山。古寺疊向興國山門。揮灑同雷電。咳嗽成風雲。如是則冬至月頭。本不曾添一綫。夏至月尾。又何曾減一絲。可以促千百劫于刹那。可以延刹那頃。而洞觀數劫。念念爾刹。爾又何冬至消長之足云。雖然。今日一陽初動。萬景資彰。作麼生道。以拂子作點勢。曰。高空點出。賽書雲。正值辛年子月一。解制上堂。結制條忽。問已圓。九十日。苔錢布錦。階柳眼。窺新碧。長江漲滿。春潮急。鰲戶驚明。騰屈虯。況又是走馬燈。荷花燈。慶賞元宵。松蘿茶餠。饅餠。信心托出。正所謂時節既至。其理自彰。饒你衲僧家。坐殘千澗雪。行帶一溪烟。被囊直袋。打疊成裝。拄杖芒鞋。鼻頭向外。山僧初不見怪。只有一件事。諸仁。倘或出門時。撞著道伴。交肩過切。忌切。忌切。忌切。個甚麼。切忌。認奴作郎。應壽昌請上堂。千里同人氣。誼深瑤箋累幅。到雲林披襟獨操。南薰曲。按指風前展玉音。大眾。你若向緘封未啓。前薦得不妨。祖業箕裘。一時紹續。宗門正脉。當下親承。追蹤古佛。家風益

見兒孫得力雖然若是若欲顯示好山面目別開鷲嶺鉗鎚要且不難隨喝一喝曰萬人退仰止紅日到天心。問父母未生前請師一句師曰突出腦後曰已生一句又作麼生師曰打破面前曰已生與未生是同是別師打一併交足。師示寂于康熙甲辰秋九月朔二壽三十七臘二十三塔于壽昌南昌督學黎元寬撰碑覺淚盛嗣

江寧弘濟方融如靈禪師陝西涇陽任氏子上堂貌古形疎氣宇豪開來鬧市弄金毛一聲震吼人皆畏走獸飛禽望影逃莫有向箭鋒下出頭的麼良久曰雨打泥塗壁。冬至上堂冬至短夏至長春分暖秋分涼四時運物如輪轉八節催人似箭忙祇有山僧拄杖子不屬造化與陰陽饑餐渴飲傲雪凌霜一段真風空劫外不離日用出尋常。中秋弘濟上堂江上清風拂拂山中明月圓圓聞見本同一體聲光各自流傳山僧借此佳境與諸人舉揚箇事乃豎一指曰看看認着老僧指頭失却諸人眼目。僧問有句無句如藤倚樹意旨如何師曰一拔連根脫曰畢竟

句歸何處師曰野火燒不盡春風吹又生。問如何是露地白牛師曰你有甚麼蓋覆曰得者如何師曰不蹋生草覺淚盛嗣

天目思予大開禪師初參寶壽方於東塔久之無所入及方遷佛日師奮慮進堂經二七力倦瞌睡忽有悟入急走見方方曰夜深來此何爲師曰有事在方曰甚麼事師曰夜鼠嚙靈貓方曰不用機鋒轉語古人道從緣悟入永無退失汝悟得箇甚麼師曰某甲瞌睡已醒方曰醒底響師曰寒時徹骨寒方痛叱之師直得汗下曰和尚作麼生方曰又向別人討分曉師禮拜而出自是徧歷諸方後參天界盛於常熟盛一見命充堂司一日盛問近日堂中事作麼生師曰夜明簾不捲金殿曉雲棲盛然之覺淚盛嗣

吉州青原嘯峰天然禪師鎮江丹徒人宋倪文節公思之後也幼嗜學無倦明天啓壬戌舉進士與集生余公爲僚友師與公同參無字一日倚仗忽定去不覺念無字出口得前後際斷幾欲出塵畢此一事不果至乙酉始解綬越明年春稟具願愚衡丁亥參天界

盛於報恩入室。盛舉狗子有佛性也。無師曰：道甚麼？有無盛曰：汝猶作道理。會在速道師連聲曰：道不得。盛曰：汝爲甚？又道得。師曰：領盛打曰：領箇甚麼？師擬對盛復打曰：要汝從者裏親見。趙州師珍重而出。次日早再見。便問我昨日疑你者。公案師又擬對盛。乃呵呵大笑。師忽契悟。方禮謝盛曰：你適來會得我者。一笑。麼師曰：鯨吞海水盡。露出珊瑚枝。盛然之。辛卯盛主太平萬壽印。之以偈。壬辰命繼席。棲霞丁酉住青原。元旦上堂。擊如意曰：雞兒日照犬兒歲。鳴者鳴兮吠者吠。莫將聲響鬧比鄰。妨着山僧春打睡。今朝睡起日高春。猛然踏着黃梅碓。夜半攜衣過嶺來。青原南嶽遙相對。馬駒踏人毛骨寒。石頭滑人心膽碎。知不知。會不會。得一歲兮失一歲。西來意旨竟如何。等閒拈起渾然醉。是事且置。祇如古人道。元正啓祚。萬物咸新。意作麼生。良久曰：千年荊樹已萌芽。庭前又蒞雙雙桂。喝一喝。師誕日上堂。山僧今年七十生緣歲在己丑。算來原是屬牛人。拽耙牽犁到處走。石田耕出鐵蒺藜。吞吐不得令人嘔。驅耕卽是力。

耕人與食全成奪。食手南山有北山。有何必笙鏞歌。携扭蘇州有常州。有早已將身藏北斗。却被青原繩索牽。且于祖地操箕帚。爲問廬陵米價高。直至于今誰下口。此事且置。祇如山僧生緣還是己丑。不是己丑。鐵牛卸却黃金角。金毛復化銀蹄狗。八角磨盤空裏走。且道走向甚麼處。去以如意打二○○相曰：一微塵裏轉雙輪。磨心不動無前後。喝一喝下座。元宵僧問：如何是正中。偏師曰：圓時尖。相在曰：如何是偏中。正師曰：尖時圓。相隱曰：如何是正中。來師曰：今日正團圓。曰：如何是兼中。至師曰：雲月相會聚。曰：如何是兼中。到師曰：雲散月華皎。問：如何是君師。曰：星中月最尊。曰：如何是臣師。曰：日下棒紅雲。曰：如何是臣奉君師。曰：衆星皆拱北。曰：如何是君視臣師。曰：無水不朝東。曰：如何是君臣道合。師曰：雲從龍。風從虎。問：如何是和尙家風。師曰：翠屏崖下水潺潺。曰：如何是青原境界。師曰：待月橋邊風謾謾。問：如何是佛法大意。師曰：空庭橫蟬竦。曰：向上宗乘。還許學人通個消息。麼師曰：斷碣偃龍蛇。覺洞盛嗣

浦城好山戒弘大伊禪師。閩丹霞黃氏子。稟戒弁山雪。雪問誰人拖你死屍來。師忽疑情頓發。旬日不安。一夜五鼓。聞鐘聲有省。入方丈。雪曰。誰人拖你死屍來。師曰。臘月早梅香。又問阿那個是你自己。師曰。對面不相識。雪曰。那裏學得來。師一喝便出。又問無情說法意如何。師曰。山高兮水自深。覺淚盛嗣

吉州青原叶妙大權禪師。廣昌吳氏子。九歲出家于本邑大覺寺。受戒于捧山。後因讀楞嚴經。咄此非汝心。遂得入處。復歸省天界。盛入室禮拜。起盛擗住曰。速道。速道。師便喝。盛打出。師復入連喝。盛曰。那個師亦擗住曰。速道。速道。盛靠禪床曰。侍者相救。師掌侍僧曰。者掌合應老漢喫便出。解制上堂。雨到山頭落。松枝小更青。隨松過聖域。一徑出紅亭。來也恁麼來。江上漁舟朝泛泛。去也恁麼去。途中牧笛暮聲聲。一鉢飄飄象外隨。情日月雙眸。烟烟寰中任意烟。霞祇如萬機休罷。千聖不攜一句。又作麼生。道殘梅得雨猶堪。既嫩柳含烟。又見春。晚參建立。君臣打瞎網宗鬼眼。方知父子驅除料揀蛇心。處處全提。雀噪

寒枝玉藥。頭頭向上。魚遊絕澗。冰壺堯天。共享昇平。舜日咸沾。王化景仰。當今之福。恩叨上古之隆。大眾祇如知恩報恩一句。又作麼生。道良久曰。朝來掃葉雲中臥。晚去攜泉月下。行。除夕晚參。半生東奔西走。年窮視破。無口雲中。爆竹堆聲。水上。權鯨疊吼。嚴居一種風流。冷水快飲三斗。笑倒拾得寒山。撫掌竟忘禿帚。近來費盡米鹽。養得一頭癩狗。度歲聊以烹陳愧乏。泰和老酒。遂以手作供。勢曰。請。覺淚盛嗣

蘇州西洞庭同岑大燈禪師。嘉興項氏子。家世簪纓。鼎革後。師志慕宗乘。投里之賢溪出家。從愚菴孟于資聖稟具。尋事徧參。有所得。末參天界盛于皋亭。充記室。一日盛問今日事作麼生。師曰。坐看黃鶴飛。臥聽蒼龍起。盛曰。承誰恩力。師禮拜曰。親見和尚。盛又問洞山。邈得雲巖。真子向後。邈得老僧。真麼。師曰。敬爲流通。盛曰。祇如雲巖。道祇者是子作麼生。會師曰。大燈禮拜有分。便禮拜出。順治戊戌。侍盛遷龍淵室中記前。山居小參。揮拂曰。十年行脚。飽領風霜。途路邊不曾逢着半客。一旦居山烟雲裏。何妨遇個大

中所要據虎頭收虎尾。隨緣自在。任性逍遙。只是獨
寤。獨歌。無人作伴。驚擊拂曰。龍山大梅來也。道曰。恭
喜我輩。千百年來。未曾得個知己。今既有子同心。合
志。當爲浩歌一闕去也。山寂寂。水悠悠。青松白石。任
優遊。堪笑老翁。成老大。九年面壁。不知羞。師顧左右
曰。莫謂嵇康後。知音遇者稀。元日小參。元正啓祚。
萬物咸亨。否去泰來。剝盡復至。梅花香。煖雪花寒。沉
水烟凝。泉水凍。椒盤茗碗。各慶其時。谷鳥淵鱗。同欣
永日。者是新年。頭佛法。舉向諸仁。須知更有不隨新
舊所移。不爲寒暑所轉者。在若能透得此關。便許齊
肩佛祖。卓拄杖曰。待晚間與大眾說個徹因。覺浪盛詞
廬江治父南洲月禪師。六安李氏子。幼願離塵。順治
丙申。依治父星朗雄。薙染首。參藏身。處沒蹤跡。話力
究兩載。無所入。偶經行。擡頭觀佛像。得省詣。方丈呈
似雄。勉以竿頭進步。一日侍雄山行。雄問與麼來時。
如何。師曰。鷄脚燈盞走。雄曰。不與麼來時。如何。師曰。
鼈敲釣魚竿。雄曰。來與不來。又如如何。師曰。前不構村。
後不迭店。雄曰。一言契合時。如何。師曰。刀斧斫不開。

◆ 燈錄

嗣是游歷諸方。至庚子。隱靜於英廖之大望山。閱殃
嘯救產難。因緣忽大徹證。卽走治父見雄。乃承印可。
命師首衆。遂記荊焉。癸丑冬。繼席治父。結制上堂。諸
昆仲還知法輪大轉。麼喝一喝曰。夜半石人誇錦繡。
平分鳳嶺蟾光曉。來老鶴唳晴空。占斷冶溪秀色。是
以就路還家切。莫捨父逃逝。汝等今日南明日北。山
僧左手提右手。挈古佛堂中。曾無異旨。琉璃殿上。那
有別說。常憶祖翁一句好。那畔烏鷄頭戴雪。若不直
下薦春光。直待梅開香已歇。復喝一喝。上堂朔風
凜冽。霜花凝結。佛祖要妙。頭頭漏洩。青雲布碧漢之
章。綠水印銀蟾之月。格外眞機。當陽直截。拂子劈面
揮。拄杖薦頭。楔活捉生擒。入火烹。直教大地流鮮血。
若是美玉。精金。自然應無變色。復顧左右下座。小
參。棲鳳嶺頭雲。化龍池畔月。此事甚分明。何須更饒
舌。耐耐參玄人。不解當下。瞥狸奴白牯。出頭來。露柱
燈籠。生欣悅。好大哥。眞奇特。卓拄杖曰。石女銜笙井
底吹。木人把板雲中拍。小參畢。盤山上堂。諸禪德。
可中學道。似地擎山。不知山元孤峻。如石含玉。不知

玉本無瑕若如此者是眞出家師曰於此會得開眼也著合眼也著汝等諸人還見盤山麼喝一喝曰切忌話墮

小參學長盧眞歇了禪師上堂處處覓不得祇有一處不覓自得且道是那處良久曰賊身已露師曰處處覓不得花滿枝頭水滿湖祇有一處不覓自得且道是那處豎拂子曰此去廬陽不遠

問法雷運震鸞川內寶鑑高懸實際中續傳芳

卽不問威音那畔請宣通師曰我今日答者話不得曰祇如正不坐正夜半正明纔覺明時便落偏位如何是正位師曰菱花未照前曰偏不坐偏天曉不露如其不露依然正位如何是偏位師曰金鷄三唱後曰正偏不立賓主互融又作麼生師卓拄杖三下曰恁麼則臨流無限意盡在棹聲中師曰不須重着彩頰拈花微笑曰晴烟漠漠柳毵毵無那離情酒半醒雖把玉鞭雲外指斷腸春色在江南 頌殃禍問產難曰誰家玉笛暗飛聲散入春風滿洛城此夜曲中聞折柳何人不起故園情星朗雄詞 廬江治父笠庵蔭禪師上堂治父峰頭雲霧靄川公

橋下水潺潺於此豁然能透脫更無禪道可相參山僧恁麼告報早是與賊過梯更擬轉腦回頭奚啻白雲萬里雖然不妨更爲下箇註脚以拄杖卓一卓曰逢人莫錯舉 晚參棒頭已露仙陀眼不見同行共轍人速速閉門重換轂自然推出合途行 上堂寶劍橫抽魔佛盡皆喪膽金丹一點銅鐵悉令流輝若要立中辯的格外明宗直須具殺活之神機得縱橫之妙用自然八面玲瓏十方通暢還有到此田地者麼蓋豎拄杖曰到與不到總向者裏通箇消息 晚參千說萬說祇說者箇識得者箇萬事俱足卓拄杖曰且道者箇是什麼良久曰可惜許 問如何是和尙家風師曰鉢盂口向天曰作麼生接待往來師曰一日兩度濕曰還有不受者麼師打曰好人不肯做却向屎裏臥 問如何是治父境師曰高低怪石磴蹲虎遠近長松欲化龍曰如何是境中人師曰饑餐渴飲更由誰曰向上宗乘事若何師曰此義文長且待別時星朗雄詞

廬江治父松翁徠禪師中秋小參三蘇橋畔葉落歸

根實際堂前月明寂照。互古今而不昧。歷塵劫以常存。說甚麼初三十五增減盈虧。殊不知性海圓融。光華獨露。諸昆仲還有向明暗未分以前。著得隻眼者麼。乃擊如意曰。金錘擊碎珊瑚月。散作人間不夜燈。

小參一二三四五六七。須彌撐破虛空脊。七六五四三二一。秤鎚捏出黃金汁。重重門戶。潑天開一任諸人從此入。已躬下事。好因緣。七日之中。須打徹大冶紅爐飛片雪。雪中晚參。千峰倒卓。八面玲瓏。粉碎虛空。渾然一色。寂光智照。太平玉燭。長明素朴。家風實際。一塵不染。目前無法。意在目前。大眾還知目前法麼。乃指雪曰。一片二片三四片。五片六片七八片。九片十片十一片。飛入梅花尋不見。遂驟步歸方丈。問三身中那一身說法。師曰。諦聽諦聽。曰。未審是甚麼。法師曰。你不是鍾子期。問如何是和尙家風。師曰。枯藤倒挂長生月。野鶴閒隨自在雲。星期雄詞

廬江治父天濟禪師。結制上堂。逢炎坐蠟。六月雪花飛。遇冷開爐。三冬枯木秀。諸人既入社火。那拍眉焦。煉得十成寶色。自然觀體全彰。所以古人道。我有

明珠一顆。久被塵勞關鎖。一朝塵盡。光生照破山河。萬朵試問諸人。作麼生照。破卓拄杖曰。大開寶藏。憑君委要。識真金火裏看。冬至上堂。問得如雲似雨。答得似粟如麻。不是七花八裂。便是陰錯陽差。正熱處焦。輒結凍。值冷時確。榮生花。較之於本色分上。有甚麼交涉。殊不知此事如箭鋒相拄。似函蓋無罅。任他夏極斯短。一絲不減。冬極斯長。一線不加。於此明得太陽門下。日日三秋。於此不明明月堂前。時時九夏。諸昆仲既爾事從理住。節逐時催。且道承誰恩力。喝一喝曰。寒巖枯木回春。始凍壑冰河發。饒初星期雄詞

昭慶天目方禪師。小參花錦鋪岩。春光值半。以拂子打一○曰。分付諸昆宜。向此薦。小參若論此事。向鐘鼓未鳴。大眾未集。山僧未出。方丈掇起。便行路。較些子何待。鐘鼓已鳴。大眾已集。山僧已陞座。早是落七落八。轉見不堪。良久曰。雖然如是。事無一向。理有萬端。山僧今日也不惜口吻。重爲諸人下箇註脚。薦拈拄杖。卓一卓。頌丹霞燒佛曰。丹霞燒佛業非輕。院主眉鬚火裏生。自作從來還自受。執言因果不分。

明 頌殃幅產難。日出岫雲無心還。林鳥知倦。孩子下生時。矍鑠口靈驗。頌德山托鉢。曰月落空林。寂秋光濃。欲滴。但聞露有聲。不見桂花濕。星期雄嗣

五燈全書卷第一百十八

五燈全書卷第一百十九

京都聖感禪寺住持臣僧

超永

編輯

京都古華嚴寺住持臣僧

超揆

較閱進

呈

未詳法嗣

實性大師因同參芙蓉訓禪師。至上堂。以右手拈拄杖。倚放左邊。良久。曰。此事若不是芙蓉師兄也。大難委悉。便下座。

中觀沼禪師海雲印簡之受業師也。常誨海雲曰。汝所欲者文字語言耳。向去皆止之。令身心大死一場。休有餘氣。到那時節。瞥然自省。方可與吾相見。師將示寂。有客求偈。師書偈曰。七十二年如掣電。臨行爲

君通一線泥牛。飛過海東來。天上人間尋不見。客曰。師幾時行。師曰。三日。後時五月二十七日也。至六月初一果無疾而逝。

僧肇法師遭秦王難。臨就刑。說偈曰。四大元無主。五陰本來空。將頭臨白刃。猶以斬春風。

禪月貫休禪師有詩曰。禪客相逢祇彈指。此心能有幾人知。大隨和尚舉問曰。如何是此心。師無對。

先淨照禪師問楞嚴大師。經中道若能轉物。即同如來。若被物轉。即名凡夫。祇如昇元。闍作麼生轉。嚴無對。

公期和尙因往羅漢路。逢一騎牛公子。師問羅漢路向甚麼處去。公拍牛曰。道道。師喝曰。這畜生。公曰。羅漢路向甚麼處去。師却拍牛曰。道道。公曰。直饒怎麼。猶少蹄角在。師便打。公拍牛便走。

唐朝內禪師微時。嘗運槌擊土。次見一大塊戲槌。猛擊之。應碎豁然大悟。

福州東山雲頂禪師泉州人以再下春闈。往雲臺大吼寺剃染具戒。卽謁大愚芝神鼎。謹後見羅漢下尊

宿始徹己事。道學有聞。叢林稱爲頂三教。僧問。如何是和尙日用事。師曰。我喫飯。汝受饑。曰。法法不相。到又作麼生。師曰。汝作罪。我皆知。問。如何是和尙一枝拂。師曰。打破修行窟。曰。怎麼則本來無一物也。師曰。知無者是誰。曰。學人罪過。師曰。再思可矣。土問洞山。道有一物。上挂天下挂地。未審是甚麼物。師曰。擔鐵枷。喫鐵棒。曰。天地黑山河走。師曰。閻老殿前添一鬼。北邙山下臥千年。士呼快活快活。師曰。也是野狐吞老鼠。九龍觀道士并三士人請上堂。儒門畫八卦造契書。不救六道輪。回道門朝九皇鍊真氣。不達三祇劫數。我釋迦世尊洞三祇劫數。救六道輪回。以大願攝人。天如風輪持日月。以大智破生死。若劫火焚秋毫。入得我門者。自然轉變天地。幽察鬼神。使須彌鐵圍大地大海。入一毛孔中。一切衆生不覺不知。我說此法門如虛空。俱含萬象。一爲無量無量。爲一若人得一卽萬事畢珍重。

婺州雲幽重憚禪師初謁雪峰。次依石霜。乃開悟旋里。隱居蔽形。唯一衲住後上堂。雲幽一隻箭。虛空無

背面射去。徧十方。要且無人見。時有僧問。如何是和尙一隻箭。師曰。盡大地人無觸。饒雲幽卽今之法雲。

雙溪布衲如玉禪師。因閒卿嵩戲以詩悼之。曰。繼祖當吾代。生緣行可規。終身常在道。識病懶尋醫。貌古筆難寫。情高世莫知。慈雲布何處。孤月自相宜。師讀罷。舉筆答曰。道契平生更有誰。閒卿于我最心知。當初未欲成相別。恐誤同參一首詩。投筆坐亡于六十年後。塔戶自啓。其眞容儼然。

舒州投子通禪師。僧問。達磨未來時。如何。師曰。兩岸唱漁歌。曰。來後如何。師曰。大海涌風波。問。如何是孤峰頂上節操。長松。師曰。能爲萬象主。不逐四時凋。

問。如何是和尙這裏。佛法師曰。東壁打西壁。

處州法海立禪師。因朝廷有旨。革本寺爲神霄宮。師陞座。謂衆曰。都緣未徹。所以說是說。非蓋爲不眞。便乃分彼分此。我身尙且不有。身外烏足道哉。正眼觀來。一場笑具。今則聖君垂旨。更僧寺作神霄。佛頭上添個冠兒。算來有何不可。山僧今日不免橫擔拄杖。高挂鉢囊。向無縫塔中安身立命。于無根樹下嘯月。

吟風一任乘雲仙客駕鶴高人來此呪水書符叩牙作法他年成道白日上昇堪報不報之恩以助無爲之化祇恐不是玉是玉也大奇然雖如是且道山僧轉身一句作麼生道還委悉麼擲下拂子竟爾趨寂郡守具奏其事奉旨改其寺曰眞身

汝州天寧明禪師改德士曰師登座謝恩畢乃曰木簡信手拈來坐具乘時放下雲散水流去寂然天地空卽斂目而逝

蜀中仁王欽禪師僧問如何是佛師曰聞名不如見面曰如何是祖師西來意師曰鬧市裏弄糊獃曰如何是道師曰大蟲看水磨

金陵鐵索山主僧問久嚮鐵索未審作何面目主打露柱曰謝見示主曰你據個甚麼便怎麼道僧却打露柱主曰且道索在怎麼處僧作量勢主曰今日遇個同參

樓子和尙不知何許人也遺其名氏一日偶經遊街市間于酒樓下整襪帶次聞樓上人唱曲曰你既無心我也休忽然大悟因號樓子焉

神照本如法師嘗以經旨請益四明尊者者震聲曰汝名本如師卽領悟作偈曰處處逢歸路頭頭達故鄉本來成現事何必待思量

臨安府上竺圓智證悟法師台州林氏子依白蓮仙問具變之道蓮指燈曰如此燈者離性絕非本自空寂理則具矣六凡四聖所見不同變則在焉師不契後因掃地誦法華經至知法常無性佛種從緣起始諭旨告蓮蓮然之師領徒以來嘗患本宗學者囿于名相膠于筆錄至以天台之傳爲文字之學南宗鄙之乃謁護國此菴元夜語次師舉東坡宿東林偈且曰也不易到此田地元曰尙未見路徑何言到耶師曰祇如他道溪聲便是廣長舌山色豈非清淨身若不到此田地如何有這個消息元曰是門外漢耳師曰和尙不吝可爲說破元曰却祇從這裏猛著精彩覷捕看若覷捕得他破則亦知本命元辰著落處師通夕不寐及曉鐘鳴去其秘密以前偈別曰東坡居士太饒舌聲色關中欲透身溪若是聲山是色無山無水好愁人持以告元元曰向汝道是門外漢師禮

謝未幾有化馬祖殿瓦者求語發揚師書曰寄語江西老古。雖從教日久。與風吹兒孫。不是無料理。要見冰消瓦解。時元見之笑曰。須是這闍黎始得。

和州淨戒守密禪師僧問。如何是佛師曰。稽首稽首。曰。學人有分也。無師曰。頓首頓首。僧作舞而出。師曰。似則恰似。是即未是。

本嵩律師因無爲居士楊傑請問。宣律師所講毗尼性體師以偈答曰。情智何嘗異。犬吠蛇自行。終南的意。日午打三更。

昔有一老宿。一夏不爲師僧說話。有僧歎曰。我祇恁麼空過一夏。不敢望和尚說佛法。得聞正因兩字也。得老宿聞。乃曰。闍黎莫斯速。若論正因一字也。無道了。叩齒曰。適來無端不合與麼道。隣壁有一老宿。聞曰。好一釜羹。被一顆鼠糞汚却。

昔有一僧在經堂內。不看經。每日打坐。藏主曰。何不看經。曰。某甲不識字。主曰。何不問人。僧近前叉手鞠躬曰。這個是甚麼字。主無對。

昔有一老宿住菴于門上書心字于牕上書心字于

壁上書心字

昔有二菴主住菴旬日不相見。忽相會上菴主問下菴主。多時不相見。向甚麼處去。下菴主曰。在菴中造個無縫塔。上菴主曰。某甲也要造一個。就兄借取塔樣子。下菴主曰。何不早說。恰被人借去了也。

昔有一菴主見僧來豎起火筒曰。會麼。曰。不會。主曰。三十年用不盡底。僧却問三十年前用個甚麼。主無對。

昔有一老宿因江南國主問。子有一頭水牯牛。萬里無寸草。未審向甚麼處放宿。無對。

昔有一老宿問僧甚麼處來。僧曰。牛頭山禮拜祖師。來宿曰。還見祖師麼。僧無對。

昔有一老宿有偈曰。五蘊山頭一段空。同門出入不相逢。無量劫來質屋住。到頭不識主人公。

僧問老宿如何是密室中人。老宿曰。有客不答話。昔有一老宿因僧問。魂兮歸去來。食我家園甚如何。是家園甚。

昔有一老宿曰。祖師九年面壁爲訪知音。若恁麼會。

得喫鐵棒有日在又一老宿曰。祖師九年面壁。何不慙惶。若恁麼會得。更買草鞋行脚三十年。

昔有一老宿。因僧問師子捉兔。亦全其力。捉象亦全其力。未審全個甚麼力。老宿曰。不欺之力。

昔有一老宿曰。這一片田地。分付來多時也。我立地待汝搆去。

昔有老宿。畜一童子。並不知軌則。有一行脚僧到。乃教童子禮儀。晚間見老宿外歸。遂去問訊。老宿怪訝。遂問童子曰。阿誰教你童曰。堂中某上座。老宿喚其僧來。問上座。傍家行脚。是甚麼心行。這童子養來二三年了。幸自可憐生。誰教上座教壞。伊快束裝起去。黃昏雨淋淋地。被越出。

昔有僧到曹溪。時守衣鉢僧提起衣曰。此是大庾嶺頭。提不起底僧曰。爲甚麼在上座手裏。僧無對。

昔有僧因看法華經。至諸法從本來。常自寂滅相。忽疑不決。行住坐臥。每自體究。都無所得。忽春月間。鶯聲頓然開悟。遂續前偈曰。諸法從本來。常自寂滅相。春至百花開。黃鶯啼柳上。

昔有老宿問一座主。疏鈔解義廣略如何。主曰。鈔解疏疏。解經宿曰。經解甚麼。主無對。

昔高麗國來錢塘。刻觀音聖像。及舁上船。竟不能動。因請入明州開元寺供養。後有設問。無刹不現身。聖像爲甚。不去高麗國。

泗州塔前一僧禮拜。有人問上座。日日禮拜。還見大聖麼。

泗州塔頭侍者。及時鎖門。有人問。既是三界大師。爲甚麼被弟子鎖。侍者無對。

聖僧像被屋漏滴。有人問僧。既是聖僧。爲甚麼有漏。僧無對。

有人問僧。點甚麼燈。僧曰。長明燈。曰。甚麼時點。曰。去年點。曰。長明何在。僧無語。

有座主念彌陀名。號次小師喚和尚。及回顧小師不對。如是數四。和尚叱曰。三度四度喚。有甚麼事。小師曰。和尚幾年喚他。即得某甲纔喚。便發業。

有僧與童子上經了。令持經著函內。童子曰。某甲念底著向那裏。

一僧注道德經人問曰久嚮大德注道德經僧曰不敢曰何如明皇法燈代曰是弟子

有僧入冥見地藏菩薩藏問你平生修何業僧曰念法華經曰止止不須說我法妙難思爲是說是不說僧無對

鹽官會下有一主事僧忽見一鬼使來追僧告曰某甲身爲主事未暇修行乞容七日得否使曰待爲白王若許卽七日後來不然須臾便至言訖不見至七日後復來覓其僧了不可得後有人舉問一僧若被覓著時如何抵擬他

台州六通院僧欲渡船有人問既是六通爲甚麼假船僧無對

洪州太守宋令公一日大寧寺僧陳乞請第二座開堂公曰何不請第一座衆無語

江南相馮延巳與數僧遊鍾山至一人泉問一人泉許多人爭得足一僧對曰不教欠少延巳不肯乃別曰誰人欠少

官人問僧名甚麼曰無揀官人曰忽然將一碗沙與

上座又作麼生曰謝官人供養

廣南有僧住菴國主出獵左右報菴主大王來請起主曰非但大王來佛來亦不起王問佛豈不是汝師主曰是王曰見師爲甚麼不起

福州洪塘橋上有僧列坐官人問此中還有佛麼僧無對

昔有官人入鎮州天王院觀神像因問院主曰此是甚麼功德曰護國天王曰祇護此國偏護餘國曰在秦爲秦在楚爲楚曰臘月二十九日打破鎮州城天王向甚麼處去主無對

昔有官人作無鬼論中夜揮毫次忽見一鬼出曰汝道無我濟

昔有道流在佛殿前背佛而坐僧曰道士莫背佛道流曰大德本教中道佛身充滿于法界向甚麼處坐得僧無對

有一行者隨法師入佛殿行者向佛而唾師曰行者少去就何以唾佛者曰將無佛處來與某甲唾師無對

死魚浮放水上有人問僧魚豈不是以水爲命僧曰是曰爲甚麼却向水中死僧無對

鷄子趣鷄子飛向佛殿欄干上顛有人問僧一切衆生在佛影中常安常樂鷄子見佛爲甚麼却顛僧無對

昔有一僧去覆船路逢一賣鹽翁僧問覆船路向甚麼處去翁良久僧再問翁曰你患鹽那僧曰你向我道甚麼翁曰向你道覆船路僧曰翁莫會禪麼翁曰莫道會禪佛法也盡會僧曰你試說看翁挑起鹽籃僧曰難翁曰你喚這個作甚麼僧曰鹽翁曰有甚麼交涉僧曰你喚作甚麼翁曰不可更向你道是鹽昔有婆子供養一菴主經二十年常令一二八女子送飯給侍一日令女子抱定曰正恁麼時如何主曰枯木倚寒巖三冬無暖氣女子舉似婆婆曰我二十年祇供養得個俗漢遂遣出燒却菴昔有一僧參米胡路逢一婆住菴僧問婆有眷屬否曰有僧曰在甚麼處曰山河大地若草若木皆是我眷屬僧曰婆莫作師姑來否曰汝見我是甚麼僧曰

俗人婆曰汝不可是僧僧曰婆莫混濫佛法好婆曰我不混濫佛法僧曰汝恁麼豈不是混濫佛法婆曰你是男子我是女人豈會混濫

龐行婆入鹿門寺設齋維那請意旨婆拈梳子插向髻後曰回向了也便出去

溫州陳道婆嘗徧扣諸方名宿後于長老山淨和尚語下發明有偈曰高坡平頂上盡是採樵翁人人盡懷刀斧意不見山花映水紅

昔有施主婦人入院行衆僧隨年錢僧曰聖僧前著一分婦人曰聖僧年多少僧無對

青州佛覺禪師疑雲門宗頌仰山師子曰一色無邊指示人白銀世界裏頓呻超然推倒還扶起爭似東風照日新

圓通善國師疑雲門宗佛曰自江右至燕寓大聖安

一夕與佛覺晦堂夜話次時師年方十二座右侍立曰山僧自南方來拄杖頭不曾撥著一個會佛法者師叉手進前曰自是和尙拄杖短日大驚曰可乞此子續吾臨濟一宗師曰雲門臨濟豈有二耶曰稱

賞不已。金世宗幸聖安瑞像殿。問師曰。禮卽是不禮。卽是師曰。禮則相敬。相重不禮。則各自稱尊。帝大悅。後住延聖。示衆舉洞山曰。秋初夏末。兄弟或東去西去。直須向萬里無寸草處去。又曰。卽如萬里無寸草。作麼生去。石霜曰。出門便是。草大陽曰。直饒不出門。亦是草。漫漫地。師曰。且道諸人卽今脚跟下一句作麼生道。若道萬里無寸草。許你參見洞山。若道出門便是草。許你參見石霜。若道不出門亦是草。漫漫地。許你參見大陽。若總道不得。許你參見延聖。何故。唯有好風來席上。更無閒話落人間。示衆舉雲門大師觀音餽餅話。師曰。韶陽老人可謂唱彌高和彌寡。如今却向延聖拂子頭上入方廣三昧。東方入定。西方起。乃至男身入定。女身起。還會麼。野色更無山隔斷。月光直與水相連。

燕京慶壽元悟玉禪師。疑雲門宗。嗣圓通。金顯宗遣中使持紙一張。書心佛二字。問師者。是甚麼字。師曰。不是心。不是佛。稱旨。次日賜長短句曰。但能了淨萬法。因緣何足。問日用無爲。十二時中。更勿疑常。須自在。識取。

從來無罣礙。佛佛心心。心若依佛。也是塵。師答曰。無爲無作。認作無爲。還是縛。照用同時。電卷星流。已是遲非心。非佛。喚作非心。猶是物。人境俱空。萬象森羅。一鏡中。

黃山趙文孺居士。疑雲門宗。嗣圓通。嘗有偈曰。妄想元來本自真。除時又起一重塵。言思動靜承誰力。仔細看來無二人。

高郵州定禪師。疑雲門宗。嗣元悟。初參元悟室中。舉僧問元沙。如何是清淨法身。沙曰。膿滴滴地。師于是有省。僧問透網金鱗。以何爲食。師曰。乾屎橛。

杭州徑山雲菴慶禪師。建陽人。舉僧問楊岐。如何是佛。岐曰。三脚驢子弄蹄行。曰。莫是者便是麼。岐曰。湖南長老頌曰。楊岐一頭驢。眼光如電。撥踏殺天下人。說甚三隻脚。

竹林巨川海禪師。頌風鈴曰。銅唇鐵舌太尖新。樓角懸來不記春。言外百千三昧法。因風說與箇中人。雪峰樵隱悟逸禪師。懷安聶氏子。皇慶泰定間。賜佛智號。奉旨三住雪峰。百廢具修。大爲法門盛事。嘗序。

雪峰錄曰。老眞覺自德山一棒桶底脫後。直得鰲店月寒。象峰雪霽。攬醍醐于一杓。彰大用于三秬。譬之轟百億雷霆于四天之下。曠數百世眞聲愈宏。所有垂示流出胸襟。蓋天蓋地。廣陵一奏。么絃下里。不復聲矣。元統二年示寂塔于本山。

玳北和尚涉獵經史。言辭簡遠。鬚首垢面。動靜不羈。嘗題詩曰。萬紫千紅總是春。何須饒舌問東君。啞人得夢向誰說。豎起空拳指白雲。又曰。不偏不倚立于中。不著西邊不著東。超出東西南北外。一毫頭上釣蒼龍。一日謂衆曰。吾垂化盡矣。若等勉之。言絕而蛻。鎮州嘉山來禪師。僧問。鍊牛和尚塔何在。師以手指之。忽然省發。乃示頌曰。鍊牛鍊牛。更莫別求。有人問我豎起指頭。

鴻山太初禪師。字子愚。溫陵人。世爲儒者。偶儻有大志。讀書過目成誦。博綜內外典。多所發明。所爲詩文皆不凡。士大夫多推目之一旦。棄去。選佛于尊勝。以律自檢。盡去豪舉之習。出嶺遍參叢林。有聲久之。罷參歸閩。會南劍報恩虛席。郡守陳宓聞師名。命主之。

未幾眞德秀西山居士延師主大瀉二十餘載。百廢俱舉。日繞萬指。師說法縱橫博大。鉗鎚學者。不讓古宿風。西山旣致政。每與師游。從容論道。莫不心醉大抵師以平實接人。故諸儒雅重之。

五臺鍊勒院子範慧洪大師。因閱楞嚴至一人發眞歸元。十方虛空悉皆消殞。忽大悟。遂造河朔。見汝禪師陳所見。汝印可之。臨終說偈曰。六十春光又八年。浮雲收盡露青天。臨行踢倒須彌去。後夜山頭月正圓。更衣坐脫。

建寧府蔣山慧空元模禪師。古田蘇氏子。大德庚子定中遊蔣山。元獎道場有老人迎謁曰。吾爲師守此山五百年矣。言畢化黑龍而去。旣寤。乃曰。吾當選此山也。遂往卓菴。一日謂衆曰。吾昔於佛所號慧空。菩薩今化緣旣畢。卽當入滅。因爲衆說四諦法。復說偈曰。四十年餘寄俗塵。如今却顯個中尊。巖頭一夜東風起。吹得花開滿樹春。鍊船無柁亦無蓬。撐入金蓮性海中。末後一機今說破。白雲元不離長空。大地山河覓無跡。虛空撞破見端的。縱使鍊輪頂上旋。本性

圓明常不失復曰西天第三代商那和修尊者隱象
白山現龍奮迅三昧說法調伏諸外道然後化火自
焚吾今象鼻巖前亦當如是言畢雲霧四起雷雨大
作化火自焚塔于菴之西

鄭州普照寺佛光道悟禪師臨洮蘭州冠氏子偶宿
灣子店聞馬嘶豁然大悟歸告母曰某於途中拾得
一物母曰何物師曰無始來不見了底母掌曰何喜
之有遂辭母參方母曰將何之師曰水流須到海鶴
出白雲頭遂往參白雲海乃承印記泰定二十四年
出主普照身著白衫跨黃犢吹短笛遊於洛中嘗曰
道我凡耶曾向聖位中來道我聖耶又向凡位中去
道我非凡非聖耶却向毗盧頂上別有行處泰和五
年入滅

杭州靈隱普覺淳朋禪師嘉祐五年奉旨斷還九里
松集慶占路上堂山前一片閒田地曠大劫來無界
至今朝恢復又歸來坐斷腳頭并脚尾東也是西也
是南北縱橫無不是畢竟酬恩作麼生十里荷花九
里松直指堂前香一炷

明州雪竇常藏主橫山之高弟也不諳文字專習禪
定儕輩呼爲常達磨云所作偈頌事理圓融音律調
暢其頌云牛曰百煉爐中輟出來頭角崢嶸體絕埃
打又不行牽不動者回端不入胞胎海門偈曰業風
吹起浪如山多少漁翁著脚難拚命捨身挨得入方
知玉戶不曾關苦筍偈曰紫衣脫盡白如銀百沸鍋
中轉得身自是苦心人不信等閒嚼著味全真息菴
偈曰百尺竿頭罷問津孤峰絕頂養閒身雖然破屋
無遮蓋難把家私說向人

台州黃巖濠頭丁安人諱覺真號竺心初見絕田耕
子委羽山有省入遂棄家築室自居復參湧泉古
愚愚曰良家子女東奔西走作麼真曰特來禮拜和
尙愚曰者裏容你不得真乃拍手一下曰三十年用
底今朝捉敗愚便休去又往鴈山春雨菴謁無際
纔入門便曰春雨如膏行人惡其泥濘際曰不是不
是真擬進語被際喝出晚年就邑中明因寺側開
接待一僧提包笠直入臥內真問是甚麼曰行脚僧
真遽指其足曰草鞋繩斷爲甚不知僧無對真便將

包笠擲出曰者裏無汝措足處。一日明因奎相看。眞曰聞說長老夜來生得兒子。是否。奎曰且道是男是女。眞曰鷄銜燈盞走鼈敲釣魚竿。

明州育王勉侍者空室之族姪也。少年有志。不幸短命而死。嘗有送同事僧遊台雁偈曰。鳥窠吹布毛。侍者便悟。去雖不涉言詮。早已成露布。天台巖上雲。雁宕山中樹。此去好商量。莫觸當頭諱。臨終偈曰。生本不死。死亦非死。秘魔擎叉。俱胝豎指。

鑪工張生諱德。鄞之下水人。世爲大慈供堂。隨衆聽法。有省。一日大雪。沙彌團雪作佛像。衆皆述偈詠之。生亦隨後占偈曰。一花擎出一如來。六出團團笑臉開。識得醃醃元是水。摩耶宮裏不投胎。

饒州薦福承古禪師。操行高潔。稟性虛明。參大光敬立禪師。乃曰。祇是箇草裏漢。遂參福嚴雅和尚。又曰。祇是箇脫灑衲僧。由是終日默然。深究先德洪規。一日覽雲門語。忽然發悟。自此韜藏。不求名聞。棲止雲居弘覺禪師塔所。四方學者奔湊。因稱古塔主也。景祐四年。范公仲淹出守鄱陽。聞師道德。請居薦福。開

闍宗風。僧問大善知識。將何爲人。師曰。莫曰恁麼則。有問有答去也。師曰。莫問青青翠竹。盡是真如。鬱鬱黃花。無非般若。如何是般若。師曰。黃泉無老少。曰。春來草自青。師曰。聲名不朽。曰。若然者。碧眼胡僧也。皺眉師曰。退後三步。僧曰。苦。師乃咤咤問。臨濟舉拂。學人舉拳。是同是別。師曰。訛言亂衆。曰。恁麼則依令而行也。師曰。天涯海角。問一喝分賓主。照用一時。行此意如何。師曰。乾柴濕茭。僧便喝。師曰。紅蓮炎天上。堂夫出家者。爲無爲法。無爲法中。無利益。無功德。近來出家人。貪著福慧。與道全乖。若爲福慧。須至明心。若要達道。無汝用心。處所以常勸諸人。莫學佛法。但自休心利根者。畫時解脫。鈍根者。或三五年。遠不過十年。若不悟去。老僧與你入拔舌地獄。參。

五燈全書卷第一百十九

五燈全書卷第一百二十

京都聖感禪寺住持臣僧

超永

編輯

京都古華嚴寺住持臣僧

超揆

較閱

進

呈

未詳法嗣

永福靈江浩首座依古林於饒州永福居第一座結夏秉拂僧問進一步時如何座曰撞牆撞壁曰退一步時如何座曰墮坑落壑曰不進不退時如何座曰立地死漢

老素首座生平一關深隱罕有識之者天曆間有僧得其山居述懷三偈手跡詣紫籙求竺元和尙著語竺元曰諸方皆以其不出世不說法爲恨今讀此三偈如金鐘大鏞一擊衆響俱廢謂之不說法可乎偈曰傳燈讀罷鬢先華功業猶爭幾落叉午睡起來塵滿案半簷斜日落庭花尖頭屋子不教低上有長林下有池夜久驚森掠黃葉却如蓬底雨來時浮世光陰自不多題詩聊復答年華今朝我在長松下肯立西風數亂鴉

廬山羅漢寺證首座目瞽見道明白晨朝躬自汛掃或問者片田地掃得乾淨也未座豎起苕帚示之又問眞淨界中本無一塵掃個甚麼座亦豎起苕帚示之管題九牛山偈曰四五成羣知幾年春來秋去飽風烟清溪有水何曾飲綠野不耕長自眠個個脚跟皆點地頭頭鼻孔盡撩天尋常只在千峰頂大地人來作麼牽

淨慈元菴會藏主臨安人參晦機于淨慈居蒙堂因修涅槃堂有偈曰涅槃一路盡掀翻觸處工夫見不難洗面蕭然摸著鼻繡鍼眼裏好藏山晦機稱賞之杭州天目一山魁菴主蘇州人也天資敏捷趙内外典與平石砥友善棲遲巖谷不與世接僅有山麓洪氏子弟往來送供一夕洪氏婦夢主乘肩輿至其舍覺而產一子翌日登山候之果化去矣因名應魁字士元幼讀書補邑庠娶妻生子年三十一旦忽自菴省遂棄家既茅于東峰絕頂晝夜精勤行道一日空室和尙因避寇自徑山過其廬見其舉止閒雅應對從容叩其所以乃知其爲一山後身也因謂之曰公

前身與平石翁爲莫逆交。翁今年垂九十。尙耳目聰明。何不通個信息。亦見一夢。兩覺而夢覺一如乎。主欣然揮毫作偈寄之曰。語寄天童老平石。一念非今亦非昔。欲聽寒山夜半鐘。吳江依舊連天碧。

溫州壽昌絕照輝禪師。嘗坐夏于淨慈東園寮壁間。有水墨大士像。師朝夕禮拜。懇禱甚切。一日忽見淨瓶水從壁湧出。通身慶快。從此智鑑日明。嘗有偈曰。工夫未到方圓地。幾度憑闌獨自愁。今日是三明日。四雪霜容易上人頭。有志者聞之莫不興起。蓋其至誠感人如此。

溫州靈雲省菴思禪師。性方介。台之寧海人。兄弟四人。師居長。同時發心出家。祖父遺業悉散。與宗親偏叩諸方。後出世靈雲。次遷靈巖。結夏上堂。以大圓覺牛角馬角爲我伽藍。瓜盤菜籃。上堂舉趙州狗子無佛性話。頌曰。狗子佛性無。狗子佛性有。猴愁搜搜頭。狗走抖擻口。晚年退居靈雲之前山。至正甲申。空室偕數衲往謁。時師年踰九十矣。龐眉皓髮。頤然清淨。拽履而出。且行且問曰。何處來。空室曰。江心。

師曰。深幾百丈。室曰。謾老和尚不得。師曰。且坐喫茶。徐觀其壁間題有言。僧詩格調頗肖寒山。其辭曰。五瘟不打頭。自髡黃布遮身。便是僧佛法。世法都不會。噉猪噉狗十分能。空室須臾拜辭。不敢再犯其鋒。文獻黃潛居士字晉卿。婺之義烏人。天曆初。詔天下僧儒善書者。會集杭州淨慈。泥金書大藏尊經。士亦預焉。每食必與衆僧共處。若別爲治具。則不樂。甚至詬罵不食而去。嘗題懸崖墨蘭曰。嫋嫋春風一樣吹。託身高處擬何爲。從他自作顛倒想。要見懸崖撒手時。又題東坡像贊曰。五祖禪師。世外人。娑婆久已斷生因。誰將描邈虛空手。去覓他年身外身。題山谷像曰。笑殺當年老晦堂。相逢剛道桂花香。披圖面目渾依舊。鼻孔何曾有短長。士以文章名。世蔚爲一代儒宗。以其造詣入微。不覺冥符聖意。況與吾輩雜處。不肖自異。亦可尙矣。

明州育王虛菴實首座。寄臥雲菴主。偈曰。黃金園裏馬交馳。徑寸多成按劍疑。月曬梅花千樹雪。臥雲一枕夢回時。

明州天童幻菴住首座禮應菴祖塔偈曰。眈眈睡虎
管窺斑。便把中峰作靠山。不得破沙盆。一個兒孫乞
活也應難。

明州天童默中唯西堂詠。意偈曰。桑空柘盡始心休。
綿密工夫一繭收。爐炭鏝湯排得入。爲人只在一絲
頭。

宜興佛隴可上座。聽雨偈曰。簷頭滴瀝甚分明。迷已
衆生喚作聲。我亦年來多逐物。春宵一枕夢難成。
瑞州九峰壽首座。臨終偈曰。七十二年者邊那邊喫。
十方飯。參達磨禪。今朝一擲。翻身去。笑破傍觀柴半
邊。

天台山上雲峰無盡祖。燈禪師四明王氏子。初見日
溪詠于天寧。復參方山洎諸大老。尋車錫上雲峰。影
不出山者五十載。洪武己酉二月八日。示微疾。夜將
半。顧左右曰。天向明乎。曰未也。或曰和尙正當此際。
何如師破顏笑曰。昔德山坐疾。僧問還有不病者麼。
德曰有。僧曰如何是不病者。德曰阿哪阿哪。恁麼喚
作病得麼。衆無語。師曰色身無常。早求證悟。時至吾

去矣。侍者執紙乞偈。師曰終不無偈。便未可死耶。侍
者請益堅。乃書曰。生滅與去來。本是如來藏。拶倒五
須彌。廓然無背向。投筆端坐而逝。

杭州僊林寺雪庭禪師仁和桂氏子。毀齒喪父。患痘
風。雙目短視。數求出家。謁休休于僊林。一見契合。因
閱楞嚴。至于一毫端。現寶王刹。有疑後詣江陰乾明
寺。觀萬佛閣。金碧崢嶸于眉宇間。忽有省弘治改元
除夕。聞鐘聲數年。行履不覺瓦解。述偈曰。圓響心非
聞。大千同一照。抹過上頭關。更不存元妙。乙卯休休
應淨慈。請師復依侍。乃蒙印可。師自號幻寄。嘗曰。夫
幻即寄之踪。寄乃幻之跡。幻起寄亡。全寄是幻。幻逐
寄生。全幻是寄。翳目生華。山河大地。華翳不生。眞空
實際。幻之寄之。誠哉兒戲。

金陵永寧古淵清禪師。聞鷄鳴。有省。占偈曰。喔喔金
鷄報曉時。不因渠響詎能知。三千世界渾如雪。井底
泥蛇舞柘枝。

淮南祐上座者。久歷叢席。儕輩重之。客鼎州天王寺。
以道自牧。人不得而親疎。居無何。語衆曰。吾去矣。或

謂其戲也。迫之求頌。卽索毫楮。大書曰。來不入門。去不出戶。打破虛空。更無回互。拍手呵呵。歸去來。白雲散盡。青山露。乃跌坐。奄化。主事僧亟呼。據之。師復張目。舉手謝曰。不致上累。善爲保重。是時郡守蘇公亦往致敬。撫其遺體曰。可謂了事衲僧也。

嘉興聖壽宜翁可觀禪師。出家于南屏。從車溪得省。建炎初。主聖壽。遷當湖。德藏退隱竹菴。每自怡曰。松風山月。我無盡衣鉢也。乾道辛卯。丞相魏杞請主吳之北禪。入院。適重九。指座曰。胸中一寸灰已冷。頭上千莖雪未消。老步只宜平地。去不知何事。又登高吉州武功山。白雲明星禪師。聞之。長汀張氏子。投龍歸通。落髮受具。專修止觀。忽嘆曰。大丈夫道業未就。如生死何。遂徧叩名宿。機緣或契。師不自少。肯見盤龍陽。頓釋凝滯。陽以衣拂付之。隱瀟峰二十餘年。太守汪公勉師出世。師復移茅深入。學侶嚮至。漸成精藍。一日辭衆曰。吾去矣。衆問何往。師示偈曰。明月落波心。白雲橫嶺上。欲識本來機。鐵牛吞大象。語畢端坐而逝。全身塔于本山。世壽八十有四。

佛妙禪師。昆明人也。出家于天華寺。洪武癸亥。赴京。賜衣鉢錫杖。遊兩浙。宣德己酉十二月。沐浴更衣。書偈曰。去年七十九。今年滿八十。萬里爲參尋。世緣今已畢。擲筆端坐而化。

徑山傑峰英禪師。爲徑山首座。歸鄞。楚石琦有偈送曰。凌霄峰頭第一座。摩訶衍法皆明破。百非四句俱已離。白雪陽春誰敢和。上堂衲僧行履。豈尋常出匣吹毛不隱藏。奪食驅耕全正令。東西無復鬼分賊。徑山敬菴莊禪師。台州人。自幼厭葷穢。薄世塵。父母捨出家。遍參知識。了徹宗源。往依全室于天界。全處以二座。未幾推主。徑山道化。隆盛永樂十二年。奉詔入京。同修大典。寓天界。少師姚公等交章薦師。住持堅辭不受。歸徑山。示寂塔于水嶺小池上。待詔沈士榮居士。延安人。洪武中爲翰林院待詔。嘗著續原教論辯解一十四篇。其論略曰。人之爲類。不同。故聖人之教不一。此教之迹。所以異也。然爲善不同。同歸于治。窮其至妙。不出一心。此教之理。所以同也。此心也。此理也。天下未嘗有異也。迹之雖異。若推

而極之必當致其同也。又曰：若得本忘末，不爲迹之所惑，研窮心性之原，直趨至善之地，則殊途同歸，無有彼此之間矣。又曰：是心也，變而不動，死而不滅，斯理之明昭如皎日，且安得而自蔽歟？若人識此心，悟此理，在儒爲真儒，在僧爲聖僧矣。心昏理迷，莫知所往，本之既失，諍論復何益哉？又曰：儒者志在排佛，故作人死斷滅之說，以破生死輪迴之論，不知反違周孔聖人之意甚則。撥無因果，廢滅天理，以造物歸于無知，善惡皆無果報，至仁天暴，壽敬愼蒙，福淫佚獲，禍小人，微倖君子，無辜不明，前因曲爲之說，理則不通，障正知見，惑亦甚焉。又曰：自漢以來，經書迭至，究其指歸，誠所謂窮心性之原，入至善之地者也。又非但文字而已。至如日月雲霞，飛潛動植，色聲香味，而咸臻妙理，此教之體也得。失違順，生死苦樂，事物遷流而常住，真性此教之相也。文音語默，食作動息，威儀典章，而隨機普應，此教之用也。具是三者，其道大行矣。孰能排而毀之，拒而絕之乎？智者體吾佛之理，觀孔聖之道，性理之學益加詳焉，而勸善戒惡之文。

尤爲緊切，大有功于名教，豈可自生違背，蔽吾心之良知也哉？其觀心解略曰：心該萬法，法徹心源，至理難知，觀心斯得。故世尊初成正覺，歎云：奇哉！我今普見一切衆生，具有如來智慧德相，但以妄想執著而不能證得。蓋人由迷此心，體不知反求，外爲六塵所惑，內生沉掉二病，是以局促無知，偏僻異見，唯佛如來返觀此心，頓悟本性，成等正覺。故于世間無量百千法門，出世間無量百千法門，莫不洞明無礙，廓徹無違。故號三界大師，十方慈父。今儒者尙自不識本心，豈能以心觀物哉？又曰：蓋不識自心，則其本已失安，能觀物明理哉？又曰：虞書曰：人心惟危，道心惟微，惟精惟一，允執厥中者，此心學之源也。人心妄想也，由執著顛倒，故危；道心天理也，非思議之所能及，故微。精者不昧一者，不雜由無思故不昧，無爲故不雜，乃能盡其至誠，固守此中道也。中者，卽中庸之中，在心而不在物，在內而不在外。子思所謂喜怒哀樂未發者是也。後儒但以情識未動，卽是中義，與吾佛一念無生之理相近，止欠悟耳。儒者釋中云：不偏不

倚無過不及乃已發中節之和也。便違子思之意矣。蓋喜怒哀樂未發之時。無有形相。可見豈有偏倚過與不及之事乎。又曰。彼既不知觀心之妙。徒欲以偏計之妄心。觀物以窮理。譬如塵鏡未磨。水流未止。擬求鑒物未之有也。自不知此理在內。惟務外求。故學解益多。去道愈遠矣。又曰。一日觀心證理。則天下萬物萬事之理。皆貫通焉。天子亦曰。一日克己復禮。天下歸仁焉。則亦求其在內者矣。其內教外教辯略曰。教有內外不同。故造理有淺深之異。求之于內心性是也。求之于外學解是也。故心通則萬法俱融。著相則目前自昧。嗚呼。外求之失。斯爲甚矣。今儒學之弊。浮華者固以辭章爲事。純實者亦不過以文義爲宗。其視心學則皆罔然也。宋之大儒深知其病。又知吾心上工夫爲有本。是當敦本抑末。以斥其言語文字之非可也。何自爲矛盾歟。又曰。昔者聖人皆以內學爲本。而推其用于外。後世文儒務外。遂不知有心學之源。乃以學解爲事。惟宋河南之學始言性理而有實踐之跡。然但知心之用而不究心之體。遂不知

養未發之中。又昧太極之理。在兩儀未判之先。或以物理爲性理。故本末體用于是不明。而堯舜周孔之道微矣。又曰。悟則謂之內。解則謂之外。此內教外教所以不同也。儒者專用力于外。凡知解所不能及者。不復窮究。故不知允執厥中之道。天理流行之處。皆在思慮不起。物欲淨盡之時。履踐雖專。終不入聖人之域矣。其作用是性解略曰。大覺無思。乃徧知于法界。識情有著。徒妄起于塵勞。佛與衆生本同一體。但因迷悟見有殊途。佛性只在眼耳鼻舌之間。妙用不離見聞覺知之際。直是一塵不受。一法不舍。名爲直至道場。頓見本來面目。又曰。經云。如我按指。海印發光。汝暫舉心。塵勞先起。若無心體會。則森羅萬象一鑑照然。此按指發光。所謂一念不生全體現也。若說是性。即是認著影子。使毫釐繫念。瞥爾情生。業相宛然。仍前迷倒。此舉心塵起。所謂六根纔動。被雲遮也。到此著力不得。又曰。三代而上。未有佛可名。惟聖帝繼天立極。推本于天。言人得此明覺之理于天。故曰天命之謂性。性者言人皆以此明覺爲體也。率

依此覺性而常不昧。謂之道修者。卽養其喜怒哀樂未發之中也。中者私欲未起之時。純乎天理者也。私欲未起。則無思無爲。寂然不動。寂者誠也。至誠無息。故曰道不可須臾離也。繼之以戒謹恐懼。不覩不聞之際。不使隱微之或動。皆是養此未發之中。常覺不昧。故發爲中節之和。則仁義禮智不待思而中矣。斯所以爲教後章言誠者。寂也。明者覺也。寂而覺曰天之道覺。而寂曰人之道。皆修道之義也。又曰聖人得此理。乃立世間治教之法。吾佛得此理。乃立世間出世間解脫之法。儒門但明天人之道。吾佛則明四聖六凡之道。若盡天人之道。則可以趨佛道矣。其于性理不明。則天人之理有所不明。又安能究佛氏之理乎。士識遠材。全深達法。相議論縱橫無礙。剖發幽旨。直明心宗。而辭旨猶善巧精妙。其曰續原教。亦可謂克續鐔津之緒者哉。

杭州雲棲蓮池祿宏大師。郡之仁和沈氏子。年十七補邑庠。每書生死事大四字于案頭。一日失手碎茶甌。有省。作七筆勾。見志投西山。性天祝髮。北遊參徧。

融復謁笑巖于柳巷。求開示。巖曰。阿你三千里外來。開示我。我有甚麼開示你。師恍然辭歸。過東昌道中。聞樵樓鼓聲。忽大悟。述偈曰。三十年前事可疑。三千里外遇何奇。焚香擲戟渾閒事。魔佛空爭是與非。後住雲棲。侍郎王公宗沐。問夜來老鼠唧唧說盡一部華嚴經。師曰。貓兒突出時。如何。王無語。師自代曰。走却法師。留下講案。遂頌曰。老鼠唧唧華嚴歷歷奇哉。王侍郎却被畜生惑。貓兒突出畫堂前。床頭說法無消息。無消息。大方廣佛華嚴經世主妙嚴品第一。時因饑荒疫癘盛行。餓殍載道。當道發儲賑濟。命醫救療。舉師董其事。銓部虞公淳熙問。慧曰。點五百病僧。因緣師曰。慧曰。自甘窮子。捨己從人。西院屈陷平民。將生就死。可惜五百僧。只解點著。便行。曾無一個高臥不起。致令慧日顯異惑衆。禍及兒孫。郡主深切民瘼。我山僧急趨時難。倉卒中失帶了竹杖子。不免奮空拳。向居士癰腫上。劈地一下。敢保沈疴潰散。毒血淋漓。萬脉流通。百骸舒暢。雖然如是。云何一人能令衆生不見道。陽回片葉春。滿千林者。事且止。只

如終日把竹杖子東指西揮。不如一直在木頭上。朝持暮守。守來守去。忽然枯木重花。便是死人再活。說甚麼竹木管取盡大地草木叢林。悉皆成佛去也。何以故。青青物外。虎空體。卽是如來堅實心。問參禪念佛。可融通否。師曰。若然是兩物。用得融通著。問世尊默然良久。外道謂開我迷雲。空生宴坐不言。帝釋曰。善說般若。若意旨如何。師曰。良久。處欲望開迷陰。靈裏宴坐邊。擬聞般若。說竟多時。雖然如是。輾頭得旨。空裏飛花者。畢竟見個甚麼。示採薪者曰。心訣教我如何。譚蹉過山前好時節。麻藤豎起拳頭向君說。新春日示衆。今日賀新春。歲時重換。却昨日作麼生。十二月廿八。嘗自贊曰。十畫九不像。惱殺丹青匠。庶幾此近之。權留作供養。若道者便是。依然成兩樣。不兩樣。三十棒。臨終時。預于半月前。別衆曰。吾將他往矣。人皆莫測。至期示微疾。面西端坐而逝。

紫柏達觀真可大師。句曲沈氏子。性慷慨激烈。弱不好弄。不喜見婦人。年十七。剃髮遊方。聞誦張拙偈。斷

除妄想。重增病。趨向真如。亦是邪大疑之一日。齋次忽大悟。乃曰。使我在臨濟德山座下。一掌便醒。安用如何。若何。北遊京師。參徧融萬曆癸卯秋。忽妖書發。師罹難。先是神宗手書般若經。偶汗下漬紙。疑當易函。遣近侍質于師。師以偈進曰。御汗一滴。萬世津梁。無窮法藏。從此放光。上大悅。由是注意焉。適見章奏。意甚憐之。在法不能免。因逮及旨下。著審而已。拷訊時。師神色自若。持議甚正。以衰老殘軀。備當笞楚。抵死不屈。十二月五日入獄。法司定罪。欲死。師說偈曰。一笑由來別有因。那知大塊不容塵。從茲收拾孃生足。鐵樹花開不待春。又曰。世法若此。久住何爲。及索浴罷。囑侍者曰。吾去矣。幸謝江南諸護法。復說偈曰。事來方見英雄骨。達老吳生豈宿緣。我自西歸君自北。多生晤語更冷然。語畢端坐而逝。時明神宗萬曆癸卯十二月十七日也。壽六十有一。臘四十有一。塔全身于徑山文殊臺左。所著紫柏集行世。瑞州黃檗無念深。有禪師黃州麻城熊氏子。偶遊蕩山。有宿衲謂師曰。十方一粒米。重如須彌山。若還不

了道披毛戴角還師悚然又問僧舉僧問大休如何是西來意。休曰黃瓜茄子。師大疑遂往五臺伏牛遍叩知識。一夕聞哭笑二聲相觸。有省。又一日失手櫃蓋打頭。渾身汗流。撫掌笑曰。遍大地是個無念。何疑之有。往龍湖同李卓吾居士到驢馬山。會有講主。至士問主曰。清淨本然。云何忽生山河大地。主依文講罷。士顧謂師曰。你試說看。師擬開口。士將師膝上一推曰。者個彎師。忽大悟。有偈曰。四十餘年不住功。窮來窮去轉無踪。而今窮到無依倚。始悔從前錯用功。住後僧問道。果有耶。舉無耶。師曰。說有說無。二俱成謗。曰。如何。卽得師曰。無求卽得。曰。如何是道之體。師曰。滿口道不著。曰。四大離散時。如何。師豎起拳曰。者個不屬四大。問古人迸却咽喉唇。吻道將一句者。一句如何。道師曰。我不迸却咽喉唇。吻你且這一句。看僧無對。師曰。你被音聲塞却口。問見性成佛。是否。師曰。是曰。性。是無形底。如何得見。師曰。性是有形底。只你不見。曰。請和尚指出我看。師曰。我說汝不見。問如何出離生死。師召僧。僧應諾。師曰。從者裏

出曰。和尚說底話。某甲不曉得。師曰。等你曉得。堪作甚麼。復友人書曰。山中兀坐。不聞動息。學道要趁初心。猛利就要討個分曉。日用對境逢緣。纔得出脫。不然日久月深。漸忘精進。依舊流于世情耳。近時學道人。只圖口舌利便。見識聰明。忘却本命元辰。直待病苦臨身。手脚忙亂。時一些也用不著。又不恨自己念頭不切。立志差錯。反說先聖佛祖也。只如此便是毀謗。如來正法輪。自夢未醒。且莫錯會古聖一言半句。如吹毛劍。鍊釘飯木札。羹塗毒鼓。無你側耳處。無你下口處。無你著意處。無你近傍處。狹路相逢。眨眼蹉過。到者裏。情枯想絕。思盡神窮。寒暑兩忘。寢食俱廢。于無可捉摸處。驚地猛省。馳求心一時頓息。慶快平生。更不隨逐聲色。知見全消。是非泯跡。到此田地。但是聰明解會。能所神通。脫手讓與他人。終日如癡似訥。虛腹閒心。世人莫能識。鬼神觀不見。闍老子何處著眼。纔是真自在也。夔州白馬寺儀峰方彖禪師。達州羅氏子。參金佛山雲菴。令看如何。是鬼神觀不破之機。三年有省。出峽

徧謁知識結茅雙溪一日午炊聞甌中作聲忽大悟作頌曰三元三要沒來由用盡機思無處求。驚地一聲何所作白雲青峰齊點頭。管遊浙中菴居杭之清平真寂印。嘗依之一日師舉青峰丙丁童子來求火話詰之曰青峰恁麼道法眼亦恁麼道爲甚麼有悟不悟印曰初以識心湊泊所以不悟後乃直下承當故能大悟師遽舉拳揮案一下厲聲曰恁麼則汝今大悟耶印擬議師便痛罵越出印直得汗流浹背由茲憤志力參萬曆壬辰師歸白馬僧問如何是西來意師曰兩頭燒火一頭烟師手中常執一鼓一面書蟲字一面書犇字凡應機多舉而搖之示寂塔于龍神山

廣信府鷺湖養菴心禪師郡之上饒朱氏子偶過戚屬會道者談四生之義師于言下洞了物我平等大意往洛之太平落髮南還焦山度臘聞江中推船聲有省述偈曰夜靜江空闊推船四面聲不知何所往擔子半邊輕謁華山聞山拈一段生涯六不收話有疑猛提七日身心脫然尋歸里住靈山嘗畫大圓

相于壁間曰內寫莫教塗黑外寫勿使傷曰有人向圈裏圈外下得註脚者許汝學道無疑不然總是懣懣後遷鷺湖十年不立座元無異來參以趙州無字話相契請居歛職贈以偈曰鷺湖十載虛元位一旦緣何立少年兩道眉毛八個淚須知佛祖不容前又嘗置無門鎖室中以驗方來偈曰上古留傳鎖憑君智鑰開若無開鎖法相見不須來萬曆丁卯二月晦日上堂說法置齋作別復示偈曰八十餘年幻夢中鍊牛耕破太虛空臨行一句相分付半夜金烏帶日紅端坐而逝

韶州曹溪憨山德清大師全椒蔡氏子幼習儒業年十二禮報恩林爲師十九芟染受具與妙峰爲友偶閱肇論至梵志出家白首而歸鄰人見之曰昔人猶在耶梵志曰吾猶昔人非昔人也忽有省曰今日始知鼻孔向下妙峰曰何所得耶師曰夜來兩個泥牛闕入水中去至今絕消息峰笑曰且喜有住山本錢尋往燕都參笑巖寶祖寶問何處來師曰南方寶曰記得來時路麼師曰一過便休寶曰子却來處分明

師便禮拜後爲黃冠所誦坐以私創寺院遣戍雷州至韶陽禮祖偈曰曹溪滴水自靈源流入滄溟浪拍天多少魚龍爭變化源頭一脉尙冷然越十有一年免戍留曹溪又九年始還僧服乃歸匡廬結菴五乳峰作逸老計師嘗過德山禮祖塔偈曰堂前閒托鉢獅子漫調兒覲面難回處低頭不語時未明末後句翻使至今疑爲問三年事因何得早知山居偈曰生平踪跡任東西投老那能擇木棲縱使脊梁剛似鏡奈何脛骨軟如泥閒從絕壑看雲起坐對孤峰聽鳥啼不必更拈言外句現前聲色是全提復還曹溪未幾忽告衆曰緣與時違化將焉託一期事畢吾將歸矣索浴更衣端坐而化時明熹宗天啓癸亥十月十三日也壽七十有八臘五十有九供全身于南華祖堂所著夢遊集四十卷行世

杭州眞寂閣谷廣印禪師嘉善周氏子母夢元武神仗劍率諸甲士擁護其門而生七歲常瞑目端坐父母送之杭州開元寺剃度後師歸省親母誡之曰三朝新婦一世禪和子其勉之師每述其兩句終身受

用不盡一日見壁間法界圖問其師曰十界從心生心從何處生其師不能答時儀峰和尚結茅清平往叩之峰曰汝要會須妙悟始得師曰如何得悟去峰乃教看雲門露字師一聞便信直下挨拶至忘寢食尋上雙徑結茅白雲峰下看亮座主參馬祖因緣疑不能釋一日見黃瑞香花忽大悟曰却是虛空講得經碌磚瓦礫正堪聽向來扭捏娘生鼻錯認葫蘆作淨瓶于是往雲棲盡得蓮池大師之益次參龍池傳和尚適傳負喧堦下師問曰和尚在那裏傳曰恰好不在師即展禮人事畢傳出所著德山托鉢頌示師且曰汝別頌看師即頌曰末後之句有也無德山父子太諸訛同條生不同條死活得三年恨轉多傳喜甚謂師曰何不承當此事共相唱和師不自肯傳曰更欲如何師曰視圓悟大慧爲多愧耳傳憮然曰當今學者未會先會那能得不自肯如子者乎老僧常避一頭地矣瀕行傳送至門外撫師背曰老姪我還疑你在師曰甚處疑某甲傳曰如何是密啓其意師曰今日不打宜與轉傳呵呵大笑師頂笠便行北

遊五臺還真寂四衆懇請開堂師堅持不肯遂南遊
隱建州廢寺及自閩歸司理黃端伯復以爲請師曰
某嬾居久矣豈更適人耶 師生平滴水滴凍不肯
一念外馳雖洞透祖關而挽回流俗終不以悟自居
教律三宗鼎立師皆能洞晰其微時或爲衆演說聞
者靡不心服 崇禎丙子臘月辭衆告寂塔全身于
孔青之陽

海虞破山洞開法乘禪師別號雪柏吳江李氏子少
從華山剃度單身行脚參紫柏可尊者可問一句中
具三元卽不問一元中具三要如何師屈指曰也是
死蛇當頭可大悅以禪虎稱之一時名重叢林 師
住天目中雲菴雪嶠信參次師坐火箱口喃喃地信
卽跳入火箱同坐曰口喃喃地作甚麼師笑曰汝從
何處來到此天目信曰從無陰陽地上來師默然信
卽跳下火箱 林學豫參師適在山門相遇師曰那
裏來豫展兩手師曰這裏天王殿倒却還知麼豫曰
既是天王殿爲甚麼倒却師曰賊 師一日謂殿天
池曰穹窿山昨夜點頭矣不知居士道個甚麼勿謂

三世諸佛口挂東壁也如居士灑灑落落不妨我多
多和和 師住破山舉漢月藏爲首座每言近日禪
病往往搏量公案註解因緣磨礪合縫稱斤度兩不
惟相隔千生更復陷人無算 天啓三年七月臨示
寂呼侍者至卽爲坐脫供全身三七日儼然如生世
壽七十二塔于破山寺南牧雲門刊師語錄十卷行
世雪嶠信爲之序

翠巖古雪通詰禪師開爐上堂翠巖啓大爐韜柴炭
渾無半塊一雙赤手空拳煅盡凡情聖解且道煅盡
後如何火裏唧唧吞却螻蛄 上堂南泉斬猫歸宗
斬蛇金牛喚飯趙州喫茶盡謂是宗門向上全提底
時節仔細檢點將來俱未作家何故淨白地上不可
撒沙 上堂今朝臘月十五屋角梅花正吐長連床
上衲僧承當切忌莽鹵不莽鹵焦尾大蟲原是虎喝
一喝 上堂三十年前登山涉水水歷盡艱辛覓個住
處不可得三十年後南北東西無非住處四方延請
不肯住大衆未得住處時辛苦馳求既得住處後爲
甚不肯住還知此意麼頭白髮離巖谷半夜穿雲

入市廛。上堂。翠巖有句話頭。不假著意參求。若人直下薦得成佛。也是縣疣。且道是甚麼話。頭拽拄杖下座。問趙州。道佛之一字。吾不喜聞。是如何。師曰。一翳在眼。空花亂墜。問如何是本來面目。師曰。階前石磑盤僧禮拜。師曰。看看磑盤動也。問如何是應無所住而生其心。師曰。八角磨盤空裏走。問萬法歸一。一歸何處。師曰。紅爐飛片雪。問不離當念時。如何。師曰。胡獼繫露柱。問如何是萬象之中獨露身。師曰。火裏鍊牛行。問如何是衲衣下事。師曰。炎天不著袴。曰。如何是法身。師曰。皮裹骨。問如何諸佛出身處。師曰。搥搥堆頭。問如何是五家宗旨。師曰。姑蘇城外寒山寺。黃鶴樓前鸚鵡洲。問如何是正眼。師曰。金州漆。問牛頭未見四祖時。如何。師曰。茅屋畫簷。門曰。見後如何。師曰。縣崖生石耳。問疑情頓發時。如何。師曰。萬里一條鐵。曰。本來成現事。何故最難明。師曰。演若迷頭心自狂。問昔日聞風。今朝覲面。覲面一句。請師分付。師曰。棒打石人頭。黃介子居士諱毓祺。毗陵澄江閩人也。慧業夙稟。博

◆九字原本
不明或九字

綜內外典籍。久遊天童磬山之門。有所契入。曾作語錄。序有石磬音嘹亮。聾人耳更聞斯言。不我欺也。昔漢武以兵法教去病。病曰。不在學古。顧方略何如。明皇示韓幹御府圖。幹曰。不願觀也。去病胸中有活法。韓幹胸中有活馬。磬山胸中有活元。要猛虎口邊拾得毒蛇頭。上安挑爲天下人抽釘拔楔。豈口耳所能傳授耶。我于是錄聊窺一斑。云云。後天童將順世以衲衣贈之。至甲申。鼎革。士罹難。南都獄中。一日書偈扇頭。寄同參古南門曰。劒樹刀山掉臂過。長伸兩腳自爲摩。三千善逝原非佛。百萬波旬豈是魔。潦倒不妨天亦醉。掀翻一任水生波。夜來夢作修羅手。其奈雙九忽跳何。遂擲筆而終。

僧摩居士馬一騰。永嘉人。自幼警敏。好讀異書。過目不忘。補邑弟子員。文有時譽。保舉授州刺史。不應。其爲學。不事章句。直窺理奧。早已歸心內典。深智弘慈。雅欲度盡一世首著明明德論。頓覺自性。虛通年二十八。聞屠門宰割聲。遂不食。受戒于天台。無盡燈後。從華嚴。活入具無師智。得大辨才。再參博山來默承。

印可欲留薙染。顧謂各從所願。重取雲門臨濟語句。及趙州睦州公案。反覆徵詰。警然透豁。嗣是胸臆中。便有丹霞。良遂。榜樣。且謂一入博山。勝古人三登九上也。厥後一以提唱佛祖正令爲宗。至于福田利益。如放生。掩骼。施藥。濟貧。諸事。皆以無緣慈行之。則徧游吳越。金陵。豫章。楚粵。諸名區。都會。間杖履所至。緇白趨風。一以平等遇之。三根普接。宿願初心。無不喪其所懷。來而得所未曾有者。及門林增志。太史延之。入燕都。人士以及海內。諸名雋。嚮往者。不異在吳越時。覲面酬機。俾人人踴躍。扑舞。嘗之市。見避難諸困民。饑寒狀。乃拉同人。合金衣食之。輒微行。手給歡聲沸地。亡何示疾。一榻獨坐。捉麈揮毫。不殊平昔。差少飲食耳。易簀前及門張二。無入室求示。士舉圓覺經。居一切時不起妄想。不獨世諦是妄想。卽于出世妙法。若起絲毫見。便是命根不斷。又曰。古德室中三問。如版鳴爲甚。犬吠等語。皆是勘驗。學人欲打斷命根。棘手若于此處。擬議早已白雲萬里。二無領略。微旨。越一日。櫛沐更衣。書遺囑曰。我夙願在勝果山中。櫛

過武林。便當以此山爲斯丘。復語增志曰。奄忽之期。不出隔宿。汝但勿離左右。志曰。預知時至。亦如是乎。士曰。此時非專指一期生死。乃一切聖凡同時圓寂也。說個預知。猶是捏目生花。魏元起問曰。弟子于祖師關。極未能轉身。士指臥榻曰。此高多少。起曰。七尺八尺。士曰。莫錯會。任澹公問曰。生平于此。事非不深信。只未免饞侗。士曰。若生死岸頭。亦復饞侗。得去。正是不惡。陸文垓問曰。向參父母未生前。至今未有消息。士曰。汝未到無消息地。垓曰。師向謂青色青光。作麼生。士曰。我于今又不與麼說。淨土黑如漆。黃以實後。到拜于床下。士合十實問曰。師有囑付麼。士曰。若世法事。則從來不起一念。若出世法事。則西天東土。諸佛祖。從無實法與人。若曰。有可囑付。便好三十棒。復書偈曰。此事不容商量。開口打斷脊。梁不容商量。處可道一句麼。駱駝形狀。古于象。南人驚。叫自惶惶。擲筆而逝。所著有半樹菴錄。南詢草。宗門三關。彌陀十咏。心識源流圖說。王舍城遺草等書。士生于萬曆庚辰。夏卒于崇禎丁丑。秋。世壽五十有八。塔于勝果

山麓

太史蔣超虎臣居士江南金壇人謁鐵舟海于金山問山河大地俱有壞時且道金山壞不壞海伸一足日向這裏下得一轉語便見端的士曰下語也不難祇恐與師隔一層了也海曰怎麼道又爭得士曰和尚又如何海曰切莫當面錯過士諾諾又問蘇長公與佛印禪師玉帶機緣請師代一轉語海曰山衲若代語玉帶又要還了也士曰畢竟下甚麼語方得相應海曰莫謂山衲無語好士曰將謂別有海曰今日方始瞥地那士一日舉似同年孝孫則孝曰何不道是語何有是坐何處士寓孝則居士園久之孝問曰邇來不見兄有禪士曰禪可見麼孝曰試道看士曰想不必道次日孝謂士曰大悲閣記是兄的是古人的士曰是我的孝曰兄忘却了也士點首後入都寄書曰此行良苦幸蚤爲我賦招魂也孝復曰安得便心動北風有何惡士請告歸道經高郵乃別孝曰予將浪蕩了此一生孝曰何處去士曰過得廬山又峩嶺矣後果終于峩眉伏虎寺臨寂留詩一律曰脩

然猿鶴自相親老衲無端墮業塵直向鑊湯求避熱又從大海去翻身功名傀儡場中物妻子骷髏隊裏人只有君親無報答生生一念祝能仁題畢跌坐擲筆而逝

江西潞潭元白可尊宿楚之武攸鄧氏子受業雲居顯久依金粟悟出住潞潭上堂死蛇把作活蛇弄曹家女千古風流雪峰攬下拄杖真個嚇人寶峰攬下拄杖可有要喫嚇的衲僧麼平地商量千峰互峻一任當堂打破古鏡上堂有時言句硬如鐵有時言句軟如綿遇薑則辣遇鹽則鹹且道遇著達磨祖師如個什麼西天梵語東土華言士堂道不屬修屬修非道心不屬知屬知非心不是心不是物喚作道得麼牆外底牆外底此去靖安三十里足下何人不得知上堂入道無難惟嫌揀擇大的大小的小拈過一邊只如三月桃花九月菊花安頓何處一春一秋一放一收豁開法眼不見來由上堂東峰發曉日輪出也地爐發紅凍冰釋也衲僧發急也個什麼元正初六光陰甚速誰不曾聞鼓聲塗毒頌拈花

微笑曰。說一遭記一遍耳。聞深處多坑塹。翻身吐出鐵圈。圖聲色頭邊開八面刃。上鋒機上箭。賺殺騎獅跨象人。利竿倒却何曾見。頌一喝耳。曰。打失一星火。一喝三日。臺大家只是看山君咬大蟲。

五燈全書卷第一百二十

五燈全書卷第一百二十補遺

未詳法嗣

順天大千佛寺徧融真圓禪師。西蜀營山綫氏子。家世業儒。書史過目不忘。族人曰。振吾宗者必此子。至年將立。感生死無常。遂捨家人。入雲華山。禮可公爲師。薙染抵京師。聽講華嚴。至若人欲識佛境界。當淨其意。如虛空處。倏然頓悟。身超虛空。不覺屋廬爲礙。私謂曰。法界玄宗。毗盧性海。無外吾之方寸矣。且道離文字。孰行孰聽。畫餅不能充饑。斯言信矣。翌日曳杖東下。至洪州。居馬祖庵。時同氣相求者畢至。歷七載。

乃入匡廬。躬鬻薪易米供衆。不避風雨寒暑者二十餘年。居獅子巖。時常橫一棒坐巖口。僧來輒執棒。之惜。無有契其機者。前後四入京師。初住龍華。次住柏林。又逐世利海。最後慈聖太后建千佛叢林。請師居之。嘗在杲日寺講華嚴。有狂僧觸太宰繫獄。因併逮師。至于梏師。稱大經名。而鍊索檀押轟然爲盡。裂人皆感其異。相率皈依。而園扉中皆浩浩佛聲矣。刑部獄中苦逼萬端。師處之晏然。同刑者驚其異。操師曰。無他術也。心存中正。雖處患難而不知有患難也。張大岳上章明師無罪。得免。慈聖皇后命復居世利海。陸五臺問如何。是文殊智。師曰。不隨心外境。曰。如何。是普賢行。師曰。調理一切心。曰。如何。是毗盧法界。師曰。事事無礙。陸嘆曰。今而後萬殊一體。我知之矣。趙大州問孔子方佛奚若。師曰。仲尼治世聖人也。佛則治出世之聖人也。懲惡勸善。理誠無異。剖裂玄微。佛氏方謬。州爲首肯。明神宗萬曆甲申九月。師命迭龜無緩適一孤鴈集方丈。師曰。爾來耶。至九日。尙坐繩床。聞晚課誦願生西方句。遂泊然而化。壽七十。

九臘五十全。陸德勝門外普同塔。

太原臺山妙峯禪師。山西平陽徐氏子。從蒲州萬固朗出家。有願行。普賢行。始於讚嘆寺立禪三載。遇異僧指示。曰。普賢行。乃潛行密用。調一切心。非勞筋苦骨之謂也。師遂南遊金陵。參雲谷谷拈念佛是誰話。令參。同慙山清北游。參徧融圓。嘯巖。寶大千。潤諸公。萬曆初。再參大千於少林。一日。請益。千曰。九年面壁。坐耶。非坐耶。千曰。坐不坐。兩頭語。須知旋嵐偃嶽。就中原。自不遷。師不解。問慙。曰。物不遷耶。慙曰。諸法元無去來。遷箇甚麼。師有省。隱居臺山。獲文殊摩頂授記。豁然大悟。道望隆重。至有猛虎引路。菩薩送燈。建橋梁。修梵刹。功行多不及錄。神宗夢師像。徵赴京。賜紫衣。師號示寂塔于臺山。勅封眞正佛子。大千碑後不立師名。缺疑因附于此。來者再詳。

南康雲居顓愚觀衡禪師。行脚時。嘗過雲間。因訪陳眉公。三度通刺。適公有事。未及接見。師乃留偈而去。偈曰。硯池三柳。秀筆架九峯。高堂上讀書子。清風吹布袍。公見偈。急呼舟追之。至蘇州。而師却杜門不見。

有圓通頌百首。一日。展脚長眠。白月下。光明不讓水晶宮。睡濃不做圓通夢。佛祖都爲過耳風。一日。廣大普門。深夜深九重。宵寢更沉沉。玉階青鎖行人斷。鎮日簾垂鳥不音。一日。誰家公子慣風流。淺履輕衫錦市遊。醉倒春臺迷出處。不知身在岳陽樓。一日。眼底笙簧聽不盡。耳邊米子任參差。飛刀雨矢盈空下。正是圓通自在時。

達澄受昭禪師。通州人。不言姓氏。嘗參天童悟充西堂。未幾忽棄去。人莫測其意。或嚴寒履冰。或深夜陟嶽。或俗其頂。或民其衣。獨語咄咄不休。或談鬼幻事。聞者疑駭。遇衆環拜。視如路人。輒叱之曰。我不識汝。或反拜之。林野奇留。師住天童別室。禮款甚恭。少頃。所有牀坐。一時擊碎。擲階下。衆愕不知所謂。更爲陳設。師即掩戶不語。粥飯從牖入。徒衆每隔戶稱名禮拜。師皆不內。忽一日逸去。不知所之。四衆悲戀。牧雲門爲師立道行塔。

青林如鑑老宿。候官林氏子。十八矢志慕道。出嶺禮雲棲宏。又參顯聖。澄看無字。有省。以偈呈曰。趙州狗。

已下佚失

子無佛性。脫下袴子來遮面。面子未曾遮得。全半身露出。令人厭。澄撫而印之。師不自當。後以省親歸閩。及祝髮。復出嶺。待澄久之。歸鼓山。居東庵。及博山。無異。和尚開法。茲山宿。傾心事之。遂稱得旨。自是深埋頭角。潛修密煉。至年八十七。示寂於石林舊隱。閱七□□。火光金色。香氣馥郁。平日所持木念珠不壞。□□。禪師湖廣人。族姓甯。十九投顯。愚衡祝髮後。參天童。悟依侍久之。悟一日見師。擡石遽喝曰。翻轉石頭來。師于言下有省。悟深然之。次日去。辭結茅深隱。後住靜江。都參徒曰。集師終不自肯口。喃喃梵唄不歇。凡有請益。皆叱之曰。參方去。康熙壬子五月朔。示微疾。至初八日。命諸參徒入室。問汝等還知老僧去處麼。恩侍者曰。月明照見。夜行人。師曰。套語。曰。師意何如。師曰。壬寅年不生。壬子年不死。汝再道看。曰。壬寅年却生。壬子年却死。師振聲大喝曰。得恁麼塗污老僧。曰。畢竟如何。師示偈曰。咫尺雲程九十州。

